

四庫禁燬書叢刊編纂委員會

北京出版社

四庫禁燬書叢刊



子部第二七册目次

三立堂新編閩外春秋三十二卷

〔明〕尹商撰
明崇禎刻本

.....
一

三立堂新編閩外春秋三十二卷

〔明〕尹商撰

明崇禎刻本

中國科學院圖書館藏

計註廣百將智略全傳

漢陽尹于皇纂修

關外春秋

石渠閣計

自序

兵家尊湯武則卑桓文
右桓文則左孫吳其言
曰湯武順天應人仁義

闕外春秋

序

一

之兵也桓文假之以稱
霸節制之兵也若孫吳
則操殺機以毒天下乘
人而鬪其捷詭詐之兵

耳嗟夫兵詭道也顧厭

詐乎哉惟孫吳用兵法
顯而後世之用兵者遂
祖之以禦侮却敵其奇

闕外春秋

序

二

謀秘策多從兵法中出
蓋草澤英雄雌伏而習
之精斯雄飛而用之神
所繇來非一朝一夕也

自帖括之制與天下狃
于承平材武無所效乃
始繞指而就舉業之樊
籠卽有卓犖瑰異之才

弗得別尋一路以發抒
其飛鳴之志而此道夷
爲麤事矣萬曆丁酉余
遇異人講求玄女黃石

金筭玉鈴之略嘗覽諸
將本傳輒繙繹數過若
身當矢石之衝而出奇
制勝者蓋常代而憊然

懼又代而躍然喜也及
通籍山右小試之而効
竊亦自信其非虛譚矣
解組山居不耐俗客復

取二十一史畫日披讀
而選其殊尤者爲闡外
春秋蓋將軍得專制闡
外云每一將旣錄其行

事而按之又評之亦有
褒貶之義焉故曰春秋
也上下數十代不同一
鼓鞞初守百十君不同

一樽俎大小萬千戰不
同一批擣智勇千百人
不同一折衝而欲握不

律月旦之實難措手余
懵懵當之非狂卽僭我
知罪矣然而鷄有尸魚
有王也茲編皆將術而
人主當有將將之術是

故咎乎微之爲著者疆
持乎負之爲勝者霸忍
乎敗之爲成者王轉乎
危之爲安者帝悉於兵

法取衷焉如殷蓋之後
期蘇建之喪師李廣之
殺降管敢之導虜鄧艾
之專擅王濬之忿狷馬

謾之違令僧辯之反復
道宗之贖貨巨容之養
寇漢超之漁色曲端之
傲物則將之過也若蘇

代間白起郭開齧樂毅
石顯沮延壽梁松構馬
援義康排道濟祖珽忌
斛律朝恩斛子儀元振

詆光弼段凝譖劉鄩趙

巖訾彥章德超誣曹彬

秦檜陷岳飛則將將者

之過也茲編出而將能

聞外春秋

序

九

熟讀之必且勒鼎銘鐘

報君恩而酌知已將將

者而能乙覽之必且築

壇推轂三錫命而懷萬

邦豈曰小補之哉今

天子威靈神聖其臣不及

卓然

盛世之令主乃者以兵之

聞外春秋

序

一

內異賊之蔓延

焦心肝食

臨朝而歎思得頗牧澡渭

水之耻掃潢池之塵

特霈綸音與天下更始諸

允帖括之士必籍韜鈴

騎射自獻其身非是者

不得進著為令茲編則

開外春秋

序

十一

章縫之乘韋甲乙之羔

雁也余髮如此種種惟

誦老驥伏櫪之詩以消

遣壯心而已其藥言兵

鬪二書海內久已耳而

目之口而心之不具論


已 丙子立冬日

白毫子尹商題

開外春秋

序

十二



立堂新編闕外春秋總目

華胥外史漢陽尹商于皇甫音

一卷

大將門

二卷

大將門

三卷

大將門

四卷

闕外春秋

總目

大將門

五卷

大將門

六卷

大將門

七卷

大將門

八卷

大將門

九卷

文帥門

十卷

文帥門

十一卷

文帥門

十二卷

文帥門

十三卷

闕外春秋

總目

文帥門

十四卷

文帥門

十五卷

忠將門

十六卷

忠將門

十七卷

忠將門

十八卷

忠將門

十九卷

智將門

二十卷

智將門

二十一卷

謀將門

二十二卷

岡外春秋

總目

三

謀將門

二十三卷

謀將門

二十四卷

謀將門

二十五卷

謀將門

二十六卷

儒將門

二十七卷

儒將門

二十八卷

藝將門

二十九卷

藝將門

三十卷

閫將門

三十一卷

岡外春秋

總目

四

閫將門

三十二卷

閫將門

此葉天圖配補

三立堂新編闕外春秋目錄

卷之一

大將門

呂尚

孫武

田穰苴

白起

王翦

樂毅

闕外春秋



目錄 大將

一

李牧

趙奢

卷之二

大將門

韓信

衛青

霍去病

陳湯

馮奉世

卷之三

大將門

岑彭

吳漢

耿弇

皇甫嵩

司馬懿

周瑜

卷之四

闕外春秋



目錄 大將

二

大將門

陸遜

羊祜

王濬

王僧辯

賀若弼

李孝恭

李靖

李勣

卷之五

大將門

蘇定方

裴行儉

李光弼

郭子儀

李晟

李愬

馬燧

爾外春秋

目錄 大將

三

卷之六

大將門

渾瑊

曹彬

耶律休哥

种師道

吳玠

吳玠

伯顏

張弘範

卷之七

大將門

中山武寧王魏國徐公

開平忠武王鄂國常公

黔寧昭靖王西平侯沐公

寧河武順王衛國鄧公

東甌襄武王信國湯公

卷之八

爾外春秋

目錄 大將

四

大將門

宋國馮公

穎國傅公

涼國藍公

定興忠烈王英國張公

太傅襄敏威寧伯王公

卷之九

文帥門

周亞夫

諸葛亮

謝安

陶侃

卷之十

文帥門

圖外春秋

目錄

文帥

五

唐休璟

張仁愿

郭元振

裴度

寇準 嗣入

范仲淹

卷十一

文帥門

張浚

虞允文

史天澤

卷十二

文帥門

太保文襄楊公一清

太傅忠肅于公謙

靖遠侯忠毅王公驥

柱國武功伯徐公有貞

卷十三

圖外春秋

目錄

文帥

六

文帥門

太子太保襄毅項公忠

都御史襄毅韓公雍

少保襄毅程公信

太師端肅馬公文升 嗣入

少保吏部尚書王公瓊

都御史馬公昊

卷十四

文帥門

太保兵部尚書毛公伯溫

太保襄毅楊公博

太保兵部尚書張公佳胤

太師襄毅李公化龍

三立堂親編閩外春秋目錄

卷十五

忠將門

耿恭

馬援

關公雲長

麥鐵杖

契苾何力

卷十六

閩外春秋

目錄 忠將

八

忠將門

張巡

段秀實

王賁

李抱真

王彥章

楊業

宗澤

卷十七

忠將門

岳飛

李顯忠

卷十八

忠將門

魏勝

李寶

東丘郡侯花公雲

定襄侯忠武郭公登

關外春秋

目錄 忠將

九

少保都督忠壯杜公松

少保左都督忠烈劉公縱

三立堂新編關外春秋目錄

卷十九

智將門

范蠡

張良

鄧禹

沈慶之

于謹

韓擒

關外春秋

目錄 智將

十

卷二十

智將門

王全斌

韓世忠

文成誠意伯劉公基

文成新建伯王公守仁

三立堂新編閩外春秋目錄

卷二十一

謀將門

管仲

孫臏

吳起

田單

趙充國

王霸

閩外春秋

目錄 謀將

十一

馮異

班超

卷二十二

謀將門

虞詡

朱儁

張飛

呂蒙

馬隆

周訪

謝玄

王猛

檀道濟

卷二十三

謀將門

王鎮惡

陸法和

高仁厚

閩外春秋

目錄 謀將

十二

崔浩

宇文憲

卷二十四

謀將門

常孝寬

劉鄩

周德威

郭崇韜

曹瑋

卷二十五

謀將門

尹繼倫

狄青

种世衡

劉子羽

劉錡

榮國恭靖姚公廣孝 嗣入

左布政陶公魯 嗣入

開外春秋



謀將

十三

三立堂新編開外春秋目錄

卷二十六

儒將門

祭遵

皇甫規

張奐

杜預

王忠嗣

韋叡

開外春秋



儒將

十四

卷二十七

儒將門

孟珙

岐陽王曹暉李公

少保左都督戚繼光

都督俞公大猷

三立堂新編閩外春秋目錄

卷二十八

藝將門

李廣

趙雲

斛律光

史萬歲

長孫晟

卷二十九

目錄 藝將

藝將門

權武

沈光

尉遲敬德

薛仁貴

哥舒翰

楊大眼

畢再遇

梁國武莊趙公德勝

忠國公石亨

三立堂新編關外春秋目錄

卷三十

關將門

段熲

張遼

徐晃

周泰

井寧

鄧艾

關外春秋

目錄 關將

七

卷三十一

關將門

楊素

達奚長儒

王羅

王君廓

秦瓊

薛萬均

高開道

李道宗

卷三十二

關將門

薛孤延

牛存節

陳昭象

耶律斜軫

王德

楊存中

關外春秋

目錄 關將

六

東平武烈王朱公能

寧遠伯李公成梁

几例

一各將皆以正史為主而別采稗官小說補綴參伍成章其或編內不便插入者即附載于各傳之後

一是編原從大將立論故以大將為首而中有以宰相督帥者是文帥也另列一目所以別于武帥也

一同是大將而中有謀略過人者目之為謀將有文雅可稱者目之為儒將有勇猛雄

開外春秋

凡例

一

壯者目之為鬪將武藝絕人者目之為藝將雖有先後而實無軒輊也

一志士不忘在溝壑勇士不忘喪其元各將中有伏節死義其心與日月爭光其名與天壤俱敝如雲長子明諸公卓然當另為一目

諺曰太平原是將軍定不許將軍見太平故免死狗烹千古永歎然知幾者必急流勇退如龍飛鳳舉不可得而羈縻也知幾

其神乎日之曰智將

一陳壽作三國志共六十五卷魏得六之半

二國共得三之半又以關張趙馬黃共一

傳是以寥寥數語而關張趙三公驚天動

地手段今未表章余惟三公忠義英雄古

今少獲安得湮沒其行事爰采野史稍緣

飾而參補之庶幾稱全傳矣

一坊刻百將傳係某公所編而似非出于博

洽之筆其書詞語多不典雅氣脈亦不聯

開外春秋

凡例

二

貫又或割裂刪改前後自相矛盾乃點金成鐵手也余悉取正史改訂俚者文之漏者補之離者合之複者芟之要令讀者一開卷而恍如見其人焉

一坊刻武經武志將鑑登壇等書各有立言

本旨間亦采其一二然非出自一人之手

可以驚四筵而不可以驚獨坐也內有抄

傳失真及勦襲陳言者置不錄

是編以春秋立名是以各有美刺如陳樞

書燭影搖紅事雖雷勞其筆必不改作也
要之聖人而下取瑜不妨並見功過亦可
相準輒於斷語中稍示大略云

一文師原以謀略御衆不在撥甲跨馬如諸
葛孔明韋懷文裴中立寇平仲張德遠其
選也而陸法和特以奇術著聞余從北齊
書中搜出見世間原有一種異人也

一武人必以勇猛為威如楊大眼薛孤延達
奚長儒麥鐵杖沈光權武薛萬均契苾何

關外春秋

凡例

三

力陳昭褒諸公皆他書所未錄余於全史
中拔出不隨人耳食者也

一各將傳首先列其官職有一牙牌書不盡
者欲使功名之士見其高官美秩惟然生
艷慕之心亦必勃然動步趨之想

一編內曰按者就其行事而立一供案僅僅
彙括大凡而已曰評者則必取其生平推
勘詳盡從公黜定其佳惡而褒之鍼之余

誠清矣

一本朝中山王而下惟揚謫其功伐之美
未敢吹求非阿其好也蓋言其所長則所
短自見耳

一昔人著書每以寫孤憤而抒牢騷故有碧
雲駭斌祿亂書藏書等名全無關於世故
此編惟欲安 國而攘 賊所謂前事不
忘後事之師也

一春秋本魯史自經○○孔子筆削而後世
尊之曰經其名遂重然有晏子春秋呂氏

關外春秋

凡例

四

春秋漢晉春秋九州春秋則取以名書無
妨也

一李筌曾作關外春秋余止耳其名未見其
書茲編不知相符合否亦不知其中亦有
斷案否海內博雅君子倘有藏得舊本者
願出以相證更見其有同心也孔子曰述
而不作豈欺我哉

國朝王侯將相後先戡定之功難以臚
列余博采吾學編憲章錄張文忠集弁州

史料獻徵錄皇明通紀太泌集諸書纂錄
成傳其不關切軍政者略之或稍附一二
則於本傳之末非掛漏也

一萬曆年間文武名將甚多如那玠萬世德
葉夢熊麻貴蕭如薰如蘭董一元馬孔英
陳璘杜桐王威諸公無征伐之實錄可攷
姑俟訪求詳確續爲增入

一昔司馬子長作史記必采左傳國語國策
越絕諸書刪潤而成從來未有無本而錄

閩外春秋

開例

五

空杜撰者也 國朝諸公行軍用兵告

廟飲至諸事實散見於剪勝新聞草木子
一統志近峰間略水東日記救國雜記震
澤紀聞功臣錄客座新聞炎微紀聞開中
今古錄雙溪雜記傳信錄枝山野記鎖綴
錄雙槐歲抄莘野纂聞海涵萬象錄復齊
日記皇明紀略西湖塵談餘冬敘錄西樵
野記天順日錄立齋閒錄西南夷傳孤樹
哀談苑洛雜識秘錄交事紀聞余惟取

近於理而不舛於事者討論撮合若大怪

異太詭奇者不錄

一諸將行事議論有關於成敗者必連加圈
點以示提挈之意

一相將謀臣策士凡有關於軍事之大者必
加——于本名上以便識知

一凡州郡地方之名凡係戰場所經每于其
處加 □ 以便考鏡

閩外春秋

凡例

六

華胥外史漢陽 尹商 于皇甫 著

論曰三代而上。未有大將之名。至西伯得太公于渭水之陽。曰自吾先君太公。曰當有聖人適周。周以興。子真是耶。號曰太公望。云載歸而立為師。夫太之聖之師之名。莫尊焉。而尚父仗鉞秉旄以誓。權莫重焉。非大將而何。是以牧野一戰。削戈攻北。維師尚父。時維鷹揚。化國為天下矣。儒生之第武者。往往首太公。而後世尊之為

闕外春秋

卷之二 大將

一

武成王幾欲與吾至聖對峙而兩嗚呼盛哉。厥後孫武斬吳之寵姬。穰苴斬齊之寵臣。未登壇而行大將之事。若韓信之滅秦。蹇項芟雉。羣雄功業爛焉。而當時高帝擇日齋戒。築壇場。具殊禮。則大將軍之威權。赫然與人主侔。尊矣。重矣。蔑以加矣。又曰君子聞鼓鼙之聲。則思將帥之臣。將者國之爪牙。君之腹心。三軍之司命也。聚萬兵而擇一將。聚百將而擇一大將。將以將眾。兵大將以

將眾將所賴以推倒一世之智勇。開剗萬里之

山河。蓋其重哉。古人隱身屠釣之中。精心韜鈴之略。識足以洞遠而譽微。智足以當機而立斷。力足以肩危而荷鉅。德足以厭眾而銷萌。一旦登壇仗鉞。銅符在手。金印在肘。鴟張虎視。拔山扛鼎之雄。莫敢嬰其鋒。封豕長蛇。鳴鏑控弦之眾。莫敢挫其銳。重關沃野。懸崖飛棧之國。莫敢負其險。叢林密箐。憑山峭峒之翠。莫敢通其辜。蓋天生斯人。以為社稷。學貫天人。才兼經緯。堂

闕外春秋

卷之二 大將

二

堂之列。正正之旗。戰必勝而攻必取。夫惟真正英雄。方能勝其任而愉快也。蓋聰明秀出為英。膽氣過人為雄。英得雄而行。雄得英而成。何等胸襟。何等氣魄。何等才諳。何等節槩。而豎儒乃撮堅忍致人之說。欲舉仁義節制之規模。歸于鬼蜮豺狼之奸賊。豈知將乎而況大將乎。余故選周太公望等十某某人為大將標于篇首而列其行事如左。

周齊侯太師尚父太公望呂尚

呂尚者東海上人。先祖嘗封於呂。本姓姜氏。從其封姓。故曰呂尚。呂尚窮困年老。釣于渭陽。周西伯將出獵。史編布卜。曰。所獲非龍非虵。勅知非虎非熊。兆得公侯。天遺汝師。以之佐昌。施及三王。西伯曰。兆至是乎。史編曰。編之太祖史疇。為禹占得臯陶。兆比於此。西伯乃齋三日。出獵。果遇太公于渭之陽。坐茅以漁。與語大悅。曰。自吾先君太公曰。當有聖人適周。周以興。子真是

闕外春秋

卷之二

大將

三

耶。吾太公望子久矣。故號曰太公望。載與俱歸。立為師。或曰。呂尚隱海濱。周西伯拘羑里。散宜生。闕天。素知其賢而招之。三人求美女奇物獻之於紂。以出西伯。西伯歸。與呂尚陰謀。修德。以傾商政。其事多兵權與奇計。故後世之言兵者。皆宗太公為本。謀周西伯政平。而詩人稱西伯受命曰。文王伐崇。密須大夷。大作豐邑。天下三分。其二歸周者。太公之謀計居多。文王崩。武王立。以太公為灌壇令。武王夢一婦人當道夜哭。

問之曰。吾東海神女。嫁于西海神童。今灌壇令

當道廢我行。我行必有大風雨。而太公有德。吾不敢以暴風雨過。武王明日召太公。三日三夜。果有疾風暴雨。從邑外過。武王於是欲修文王之業。東伐以觀諸侯集否。師行。師尚父左杖黃鉞。右把白旄。以誓曰。蒼兕蒼兕。官名。舟楫。總爾眾。庶與爾舟楫。後至者斬。遂至盟津。諸侯不期而會者八百。諸侯皆曰。紂可伐也。武王曰。未可。還師。居二年。紂殺王子比干。囚箕子。武王將伐紂。

闕外春秋

卷之二

大將

四

卜龜。兆不吉。風雨暴至。羣公盡懼。唯太公強之。而行。十一年正月甲子。誓于牧野。伐紂。紂師敗績。紂反登鹿臺。遂追斬之。師尚父謀居多。武王已平商。王天下。封師尚父於齊營丘。東就國於安丘。逆旅主人晨起。有一人謂曰。客寢甚甘。殆非就國者也。太公蹶起。即路。俄有追者至。以其出關而止。所著有六韜。三略。行于世。按太公用兵。固以仁義為本。亦以權謀為用。故其行事多陰謀與奇計。若不信卜兆而彊

行以平商是其不惑于鬼神也。語曰：斷而敢行，鬼神避之。治齊而主于舉賢尚功，故立國最强。桓公用之而霸天下焉。

評曰：儒者謂太公為兵家之祖，今世所傳陰符三略六韜介冑之夫尸而祝之矣。然陰符最為玄奧，三略大率以柔弱不貪為主，近於苦縣之說，六韜立猶豫狐疑之戒，近於西河之說。其言山兵澤兵，近於谷戰水戰之說。曰十四變，與吳子之十三擊同。曰十一卒，與吳

閻外春秋

卷之一 大將

五

子之五練同。曰：銳放戰，與士先教戒之說同。曰：分險與過敵，豁谷之說同。雨不張蓋等語，與尉繚子同。火戰等說，與孫子同。三略既不見上中下可分之的，六韜亦不見文武龍虎豹犬之義，而又不切于兵者，強心即切于兵者，亦非活法也。文伐十節，皆陰刻陷人之語。非文伐之義，股肱羽翼七十二人，輕重失倫。非股肱羽翼之義，其曰香餌之下，必有懸魚，重賞之下，必有勇夫，曰千里饋糧，士有饑色，

樵蘇後爨，師不宿飽，而先之以軍，識曰：則是引古語也。曰：務廣地者荒，廣德者強，能有其者安，貪人之有者殘，而先之以故口，則亦用古語也。斷乎非太公之自著矣。若曰：以義誅不義，若決江河而溉澆火，臨不測而擠欲墜，其克必矣。所以優游不進者，重傷人物也。真足以發明仁人用兵之本心焉。又曰：同天下之利者，則得天下；擅天下之利者，則失天下。又謂取天下者，若逐野獸，天下皆有分肉

閻外春秋

卷之一 大將

六

之心，千載為名言矣。太公未見文王，先入夢兆，非熊非罴，伯王之器，為灌壇令，龍神不敢以風雨過八十而鷹揚，不獸運籌帷幄，又且馳驅甲馬，分茅裂土，百餘年而後卒，吾不能觀其神謀秘略，即精神筋力，何其迥異乎人也。

吳將軍孫武

武子齊人以兵法見于吳王闔廬。闔廬曰：子之十三篇，吾盡觀之矣。可試以婦人乎？曰：可。於是出宮女得百八十人，孫子分爲二隊，以寵姬二人爲隊長，皆令持戟。令之曰：汝知而心與左右手背乎？婦人曰：知之。孫子曰：前則視心，左視左手，右視右手。後卽視背。婦人曰：諾。約束既布，乃設鈇鉞。既三令五申於鼓之，右婦人大笑。孫子曰：約束不明，申令不熟，將之罪也。復三令五

闔外春秋

卷之二 大將

七

申而鼓之。左婦人復大笑。孫子曰：約束不明，申令不熟，將之罪也。既已明而不如法者，吏士之罪也。乃欲斬左右隊長。吳王從臺上觀，見且斬愛姬，大駭，使使令曰：寡人已知將軍能用兵矣，寡人非此二姬，食不甘味，願勿斬也。孫子曰：臣既已受命爲將，將在軍，君命有所不受。遂斬隊長二人，以徇。用其次爲隊長。於是復鼓之，婦人左右前後跪起，皆中規矩繩墨，無敢出聲。於是孫子使使報王曰：兵既整齊，王可試下觀之。唯

王所欲用之，雖赴水火可也。於是闔廬知孫子能用兵，以爲將。西破強楚，入郢，北威齊晉，顯名諸侯。孫子與有力焉。

按自古良將用兵，必先明節制。余觀孫子勒兵，始而立隊長，令之視前後左右，所以束其伍也。繼而歸罪于將，而緩須臾者，所以服其心也。後歸罪于吏士，而膏斧鑕者，所以正其法也。雖復粉黛妖嬈，不寒而栗，況士卒乎？斯之謂節制之師。

闔外春秋

卷之二 大將

八

評曰：孫子十三篇，談兵者奉之爲師。乃闔廬之入郢，武爲將軍，秦楚交敗，其兵越王入沼，其國吳王奔走，自救之不服，武絕未嘗出一計以弭禍。若按武之書，以責武之失，何以自解也。今其書具在，九地曰：威加于敵，則交不得合。方吳之入楚，秦因包胥之哭而出兵救之，目中無吳王也。斯不威之甚矣。作戰日久，暴師則鈍，兵挫銳，屈力殫貨，則諸侯乘其敝而起。攷武以九年冬伐楚，至十年秋始還，其

暴露不可謂不久矣。宜越人之乘間而入其國矣。又曰：殺敵者怒也。今武縱子胥伯嚭鞭平王之尸，所謂復一人之私忿，以激怒敵人。此司馬戍子西子期所以必致死而讐吳也。武之功亦罕矣。以武自著之書，而不能自用之以取敗。蘇老泉所以疑其有應敵之才，而怪不能踐其言也。豈智有餘而未知其所以用智歟？抑能言之者未必能行歟？吾故斷其為言兵之雄，而未敢信其用兵之神也。

閩外春秋

卷之一

大將門

九

唐杜牧之論孫武大略用仁義，使機權。故梅聖俞評其書為戰國相傾之說，而鄭厚則以詞約而縟，易而深，暢而可用。論語易大傳之流。而宋初四庫書目所撰孫子注二十餘家，人輒雌黃，未有以折也。夫聖俞自背于杜鄭，殆故剝為異，求湔前說而空之耳。卒亦愛其文略而意深，其行師用兵料敵制勝，亦皆有法。雖吳用兵時，僂荊三尸，而倒行逆施之非武志也。蓋梅聖俞涉孫氏之謫者也。而遺於

仁則詆以為傾險，鄭厚亟取其仁者也。而略於譎，遂擬以論語易大傳之流。夫妄詆且擬而固中其窳，等過耳。然則數世而下，評武子者，牧之其知言哉！王弼州云：世傳孫子十三篇，其言或不盡傳。大要與管子六韜越語相出入，然也。然也。

余閱從游宣和殿記，政和五月四日，燕輔臣於宣和殿。上先御崇政殿，閱子弟五百餘人，馳射挽強，精銳畢事。賜坐，宮人列於殿下，鳴

閩外春秋

卷之一

大將

十

鼓擊折，躍馬馳射，剪柳枝，射繡毬，擊九摺鞍，開神臂弓，妙絕無倫。衛士皆有愧色。上曰：雖非婦女事，然女子能之，則天下豈無可教？臣京等進曰：士能強，女能騎射，安不忘危，天下幸甚。不知金兵來時，此輩匿在何處耳。

齊大司馬大將軍田穰苴

穰苴田完之苗裔也。齊景公時，晉伐阿甄而燕
侵河上，齊師敗績。景公患之，晏嬰乃薦田穰苴。
曰：穰苴雖田氏庶孽，然其人文能附衆，武能威
敵。願君試之。景公召穰苴，與語大說之，以為將
軍。將兵捍燕晉之師。穰苴曰：臣素卑賤，君擢之
闕伍之中，加之大夫之上，士卒未附，百姓不信，
人微權輕，願得君之寵臣，因之所尊，以監軍。乃
可。於是景公使莊賈往。穰苴既辭，與莊賈約曰：

闕外春秋

卷之二

大將

上

且日中會於軍門。穰苴先馳至，軍立表下。漏
待賈，賈素驕，貴以為將已之軍而已，為監不甚
急。親戚左右送之，留飲日中，而賈不至。穰苴則
仆表決漏，入行軍，勒兵申明約束。約束既定，夕
時，莊賈乃至。穰苴曰：何後期為？賈謝曰：不佞大
夫親戚送之，故留。穰苴曰：將受命之日，則忘其
家。臨軍約束，則忘其親。援枹鼓之急，則忘其身。
今敵國深侵，邦內騷動，士卒暴露于境，君寢不
安席，食不甘味，百姓之命皆懸于君，何謂相送

乎？召軍正問曰：軍法期而後至者云何？對曰：當
斬。賈懼，使人馳報景公請救。既往，未及反，遂斬
莊賈以徇。三軍之士皆振慄。久之，景公遣
使者持節赦賈，馳入軍中。穰苴曰：將在軍，君命
有所不受。問軍正曰：軍中不馳，今使者馳云何？
正曰：當斬。使者大懼。穰苴曰：君之使不可殺，乃
斬其僕車之左馬，以徇。三軍遣使者
還報，然後行。士卒次舍井竈飲食，問疾醫藥，身
指節之，悉取軍之資糧，享士卒，身與士卒平

闕外春秋

卷之二

大將

三

分糧食，最比其羸弱者。三日而後，勒兵，病者皆
求行，爭奮出為之赴戰。晉師聞之，為罷去。燕師
聞之，度水而解。于是追擊之，遂取所亡封內。故
境而引兵歸，未至國，釋兵旅，解約束，誓盟而後
入邑。景公與諸大夫郊迎，勞師成禮。然後反歸
寢。既見穰苴，尊為大司馬。田氏日以益尊於齊。
已而大夫鮑氏高國之屬，譖於景公，景公退穰
苴。穰苴發病而死。其後齊威王用兵行威，大放
穰苴之法，而諸侯朝齊。齊威王使追論古者司

馬兵法而附穰苴於其中因世曰司馬穰苴兵法

按直先馳至軍立表下漏業有殺賈之意矣日中而賈不至輒仆表決漏申明約束剗刃之心真勃勃乎不可遏惟斬賈而軍令嚴惟斬君使之僕而軍法振又善撫士卒人皆樂戰則心志齊一矣故不戰而屈晉燕之兵評曰司馬兵法閎廓深遠太史公稱其文雖三代征伐未能竟其義今觀其行師而指循

閩外春秋

卷之二

大將

三

士卒是文能附衆也出戰而燕晉罷兵是武能威敵也洵不負平仲之薦矣

秦上將軍武安君白起

起郿人也善用兵事秦昭王自昭王十三年而白起為左庶長將而擊韓之新城其後無歲不與師攻韓取魏伐趙取楚入其地至昭王四十七年秦又使左庶長王齕攻韓取上黨上黨民走趙趙軍長平以按據上黨民齕因攻趙趙使廉頗將趙軍士卒犯秦斥兵斥兵候秦斥兵斬趙裨將茄六月陷趙軍取二鄣四尉七月趙軍築壘壁而守之秦又攻其壘取二尉攻其軍奪西

閩外春秋

卷之二

大將

百

壘壁廉頗堅壁以待秦秦數挑戰趙兵不出趙王數以讓而秦相應侯又使人行千金於趙為反間曰秦之所惡獨畏馬服子趙括將耳廉頗易與且降矣趙王既怒且疑遂使趙括代廉頗將以擊秦秦聞馬服子將乃陰使武安君白起為上將軍而王齕為裨將令軍中有收洩武安君將者斬趙括至悉更約束易置軍吏武安君聞之縱奇兵佯敗走而絕其糧道分斷其軍為二士卒離心四十餘日軍餓趙括出銳卒自搏

戰秦軍射殺趙括。括軍敗數十萬之衆，遂降秦。武安君計曰：前秦已拔上黨，上黨民不樂爲秦，而歸趙。趙卒反覆，非盡殺之，恐爲亂。乃挾詐而盡坑殺之，遺其小者二百四十人歸趙。前後斬首虜四十五萬人。趙人大震。趙王恐，使蘇代厚幣說秦相應侯曰：武安君擒馬服子乎？曰然。又曰：卽圍邯鄲乎？曰然。趙亡，則秦王王矣。武安君爲三公。武安君所爲秦戰勝攻取者七十餘城。南定鄆郢，漢中。北擒趙括之軍，雖周召呂望之功，不益於此矣。今趙亡，秦王則武安君必爲三公。君能爲之下乎？雖欲無爲之下，固不得已矣。秦嘗攻韓，圍邢丘，困上黨，上黨之民皆反爲趙。天下不樂爲秦民之日久矣。今亡趙，北地入燕，東地入齊，南地入韓魏，則君之所得民，亡幾何人。故不如因而割之，無以爲武安君功也。於是應侯言於秦王曰：秦兵勞，請許韓趙之割地以和。且休士卒。王聽之，割韓垣雍，趙六城以和。正月，皆罷兵。武安君聞之，繇是與應侯有隙。四

閩外春秋

卷之二 大將

五

十九年，昭王既息民繕兵，復欲伐趙。武安君曰：不可。王曰：何也？武安君曰：趙自長平以來，君臣受懼，早朝晏罷，卑辭重幣，四面出嫁，結親燕魏，連好齊楚，積慮并心，備秦爲務。其國內實，其交外成。當今之時，趙未可伐也。王曰：寡人既以興師矣，乃使五校大夫王陵將而伐趙，陵戰失利，亡五校。王乃使應侯往見武安君，責之曰：君常以寡擊衆，取勝如神。今以彊擊弱，以衆擊寡，何謂而不可？武安君曰：先是楚王恃其國大，不恤其政，百姓離心，城池不修，既無良臣，又無守備，故起得引兵深入，多背城邑，發梁焚舟，以專民，掠於郊野，以足軍食。楚人自戰其地，咸顧其家，莫有鬪志。是以能有功也。伊闕之戰，韓孤傾魏，不欲先用其衆，魏恃韓之銳，欲推以爲鋒。二軍爭便之力不同，是以臣得設疑兵，以持韓陳，專軍并銳，觸魏之不意，魏軍旣敗，韓軍自潰，乘勝逐北，以是之故，能立功。皆計利形勢，自然之理。何神之有哉？今秦破趙于長平，不遂以時乘其

閩外春秋

卷之二 大將

六

振懼而滅之畏而釋之使得耕稼以益蓄積養孤長幼以益其衆繕治兵甲以益其強主折節以下其臣臣推體以下死士至于平原之屬皆令妻妾補經於行伍之間臣人一心上下同力猶旬踐兩於會稽之時也以今伐之未覩其利又病未能行應侯慙而退以言于王王曰微白起吾不能滅趙乎復益發軍更使王訖伐趙圍邯鄲八九月死傷者衆而弗下趙王出輕銳以受其後秦鼓不利武安君曰不聽臣計今果如

關外春秋

卷之二 大將

七

何王聞之怒因見武安君強起之曰君雖病強為寡人臥而將之有功寡人之願將加重于君如君不行寡人恨君武安君頓首曰臣知行雖無功得免于罪不行無罪不免于誅然惟願大王覽臣愚計釋趙養民以觀諸侯之變撫其恐懼伐其憍慢誅滅無道以令諸侯天下可定何必以趙為先乎臣聞明主愛其國忠臣愛其名破國不可復完死卒不可復生臣寧伏受重誅而死不忍為辱君之將願大王察之王不答而

去秦王自命不行乃使應侯請之武安君終辭不肯行遂稱病篤於是免武安君為士伍遷之陰密武安君病未能行居二月諸侯攻秦軍急秦軍數却使者日至秦王乃使人遣白起不得雷咸陽中武安君既行出咸陽門十里至杜郵秦昭王與應侯羣臣議曰白起之遷其意尚快快不服有餘言秦王乃使使者賜之劍自裁武安君引劍將自剄曰我何罪于天而至此哉良久曰我固當死長平之戰趙卒降者數十萬人

關外春秋

卷之二 大將

六

我詐而盡坑之是足以死遂自殺按白起料敵合變出奇無窮聲震天下王奔州謂七雄之末善戰者勇莫如起夫起用秦師攻諸侯無不糜碎者蓋亦有權謀焉是寧獨徒勇而已哉評曰臨敵易將自古所難況以括易起是何異弄蘇合之丸而取蠅蜋之轉乎夫蔭相如曾言括能讀其父書而不知合變其父云必破趙軍其母亦上書言其不可使試攷彼拜

將之日所賜金帛盡買田宅至軍而悉更約
東易置軍吏皆取敗之道也乃白起與應侯
有隙而性復殘忍好殺宜其有杜郵之禍矣
嗚呼

白起非獨坑趙卒也始攻韓斬二十四萬燒
夷陵攻魏斬十三萬沉賈偃卒二萬于河攻
涇城斬五萬計所斬已四十四萬矣而燒者
不與焉至趙卒已降而坑之則尤甚耳以一
人而前後所坑斬將百萬古今之慘莫以加

關外春秋

卷之一 大將

七

矣宜秦人之痛心疾首刺刃於腹而反憐之
又祀之何哉余獨怪四十萬人之歎也鄉使
其中有一二人知降之必死而瞑目語難衆
人響應則張空拳猶不可當況數十萬人被
堅執銳者乎

秦大將軍王翦

翦頻陽東鄉人少而好兵事秦王既滅三晉走
燕王而鼓破荆師秦將李信者年少壯勇於是
王問李信吾欲攻取荆於將軍度用幾何人而
足信曰不過用二十萬人問王翦翦曰非六十
萬人不可王曰王將軍老矣何怯也李將軍果
勢壯勇其言是也遂使李信及蒙恬將二十萬
南伐荆王翦言不用因謝病歸老於頻陽李信
蒙恬攻平與攻寢大破荆軍信又破鄢郢於是

關外春秋

卷之二 大將

三

引兵而西與蒙恬會城父荆人因隨之三日三
夜不頓舍大破李信軍入兩壁殺七都尉秦軍
走王聞之大怒自馳如頻陽見謝王翦強起之
翦曰大王必不得已用臣非六十萬人不可王
曰唯聽將軍計耳于是王翦將兵六十萬人伐
楚王自送至灞上王翦行請美田宅園地甚衆
王曰將軍行矣何憂貧乎王翦曰爲大王將有
功終不得封侯故及大王之嚮臣臣亦及時以
請園池爲子孫業耳王大笑王翦既至關使使

遠請善田者五輩。或曰將軍之乞貸亦已甚矣。翦曰不然。夫秦王怛而不信人。今空秦國甲士而專委于我。我不多請田宅爲子孫業。以自堅。願令秦王坐而疑我。耶王翦果代李信擊荊。荊聞王翦益軍而來。乃悉國中兵以拒秦。王翦至。堅壁而守之。不肯戰。荆兵數出挑戰。終不出。王翦日休士洗沐。而善飲食。撫循之。親與士卒同食。久之。王翦使人問軍中戲乎。對曰方投石超距。於是王翦曰士卒可用矣。荆軍數挑戰而○

闕外春秋

卷之二 大將

三

不出。乃引而東。翦因舉兵追之。大破荊軍。至新南。殺其將軍項燕。荊兵遂敗走。秦因乘勝畧定荆地城邑。歲餘。虜荊王負芻。竟平荆地爲郡縣。按翦智將也。必索六十萬人。是翦鬪力不鬪智也。吁。此翦之智也。信輩不知也。秦兵之強。帶甲百萬。翦使王空其國以委我。而後行。是翦以重而馭王之輕也。王之驕已殺矣。而必疑焉。故又陽請美田宅爲子孫後計。有以釋其疑。此翦之所以爲智。而非信輩之所知也。

豈必六十萬衆而後可取。不然前日滅趙。亦翦也。何未聞如是之衆乎。評曰。名將御軍。必養成持重。如不欲戰。及決機。應變氣勢。益溢毅然而不可退。蓋有卓識。而又有定力也。夫堅壁休士。必待軍中投石超距而後用之。所謂謹養勿勞。并氣積力。非老成鎮密而能之乎。若多請田宅爲子孫業。以自堅。熟知秦王怛中而不信人故也。庶幾明哲保身之道焉。

闕外春秋

卷之二 大將

三

史遷曰。鄙語云。尺有所短。寸有所長。王翦爲秦將。夷六國。當是時。翦爲宿將。始皇師之。然不能輔秦建德。固其根本。偷合取容。以致功。身及孫王離。爲項羽所虜。不亦宜乎。彼各有所短也。

燕上將軍亞卿昌國君樂毅

毅之先祖曰樂羊為魏文侯將伐取中山文侯封以靈壽子孫因家焉樂毅賢好兵齊人敗燕燕昭王怨齊未嘗一日而忘報齊也於是屈身下士先禮郭隗以招賢者樂毅于是為魏昭王使于燕燕王以客禮待之遂委質燕昭王以為亞卿當是時齊湣王強南敗楚相唐昧於重丘西服三晉於觀津遂與三晉擊秦助趙滅中山破宋廣地千餘里與秦昭王爭重為帝已而復

聞外春秋

卷之二 大將

言

歸之諸侯皆欲背秦而服于齊湣王自矜百姓弗堪於是燕昭王問伐齊之事樂毅對曰齊地大人眾未易獨攻也王必欲伐之莫如與趙及楚魏于是使樂毅約趙惠文王別使連楚魏令趙唱秦以伐齊之利諸侯害齊湣王之驕暴皆爭合從與燕伐齊樂毅還報燕昭王悉起兵使樂毅為上將軍趙惠文王以相國印授樂毅樂毅于是并護趙楚韓魏燕之兵以伐齊破之濟西諸侯兵罷歸而燕軍樂毅獨追至于臨淄齊

湣王敗走保於莒樂毅獨留齊齊皆城守樂

毅攻入臨淄盡收齊寶財物祭器輸之燕燕昭王大悅親至濟上勞軍行賞饗士封樂毅為昌國君於是燕昭王收齊鹵獲以歸而使樂毅復以兵平齊城之不下者樂毅留齊五歲下齊七十餘城皆為郡縣以屬燕唯獨莒即墨未服會燕昭王死子立為燕惠王惠王自為太子時嘗不快於樂毅及即位齊之田單聞之乃縱反聞于燕曰齊城不下者南城耳然所以不早拔

聞外春秋

卷之二 大將

言

者聞樂毅與燕新王有隙欲連兵且留齊南面而王齊之所患唯恐他將之來於是燕惠王固已疑樂毅得齊反間乃使騎劫代將而召樂毅樂毅知燕惠王之不善代之畏誅遂西降趙趙封樂毅于觀津號曰望諸君尊寵樂毅以警動于燕齊田單後與騎劫戰果設詐誑燕軍遂破騎劫於即墨下而轉戰逐燕北至河上盡復得齊城而迎襄王于莒入于臨淄燕惠王後悔乃使人讓樂毅且謝之曰先王舉國而委將軍

將軍為燕破齊報先王之讐天下莫不震動寡人豈敢一日而忘將軍之功哉會先王弃羣臣寡人新即位左右誤寡人寡人之使騎劫代將軍為將軍久暴露于外故召將軍且使計事將軍請聽以與寡人有隙遂捐燕歸趙將軍自為計則可矣而亦何以報先王之所以遇將軍之意乎樂毅報遺燕惠正書曰臣不佞不能奉承王命以順左右之心恐傷先王之明有害足下之義故近逃走趙今足下使人致之以罪臣恐

問外春秋 卷之一 大將 三

侍御者不察先王之所以畜幸臣之理又不白臣之所以事先王之心故敢以書對臣聞賢聖之君不以祿私親其功多者賞之其能當者處之故察能而授官者成功之君也論行而結交者立名之士也臣竊觀先王之舉也見有高世主之心故假節於魏以身得察於燕先王過舉厠之賓客之中立之羣臣之上不謀父兄以為亞卿臣自以為奉令承教可幸無罪故受令而不辭以天之道先王之靈大敗齊人齊王遁而

走莒僅以身免珠玉財寶車甲珍器盡收入燕五伯以來功未有及先王者也臣聞之善作者不必善成善始者不必善終免身立功以明先王之迹臣之上計也罹毀辱之誹謗墮先王之名臣之所大恐也臨不測之罪以幸為利義之所不敢出也古之君子交絕不出惡聲忠臣去國不潔其名臣雖不佞數奉教于君子矣于是燕王復以毅于樂間為昌國君而樂毅往來復通燕趙以為客卿

問外春秋 卷之一 大將 三

按昌國君連趙楚韓魏四國之師以破齊遂乘勝長驅獨至臨淄下七十餘城可謂勇矣而不能下莒與卽墨者何哉蓋士卒暴露既久是為暮氣所謂強弩之末力也評曰應侯行反間以去廉頗而趙果以趙括代之田單行反間以去樂毅而燕果以騎劫代之然一則曰趙王已怒廉頗一則曰燕王已疑樂毅此見君臣之間原不相信而讒間得入之也其後頗卒死于壽春毅卒于趙非

爾。二將巧于前而拙于後也。則讒諂之蔽明焉。
杜于美詩悠悠委薄俗。鬱鬱迴剛腸。此語甚
悲。昔蒯通讀樂毅傳而涕泣。後人亦當有味
此而泣者也。

趙大將軍武安君李牧

牧。趙之北邊良將也。常居代鴈門。備匈奴。以便
宜。置吏市租。皆輸入幕府。為士卒費。日擊數牛。
饗士。習射騎。謹烽火。多間諜。厚遇戰士。為約曰。
匈奴即入。盜急入牧保。有敢捕虜者。斬。如是數
歲。匈奴入。輒收保。不敢與戰。亦不亡矢。然匈奴
以李牧為怯。雖趙邊兵。亦以為吾將怯。趙王讓
李牧。李牧如故。趙王怒。召之。使他人代將。歲餘。
匈奴每來出戰。數不利。失亡多。邊不得田畜。復

關外春秋

卷之一 大將

三

請李牧。牧固稱疾不起。趙王乃復強起。使將兵。
牧曰。王必用臣。臣如前。乃敢奉命。王許之。李牧
至。如故。約。匈奴數歲無所得。終以為怯。邊士日
得賞賜。而不用。皆願一戰。於是乃具選車。得千
三百乘。選騎。得萬三千匹。百金之士。五萬人。
敵會將者 破能
實百金。穀者十萬人。悉勒習戰。大縱畜牧。人
民滿野。匈奴小入。佯北不勝。以數千人委之。單
于聞之。大率眾來入。李牧多為奇陳。張左右翼。
擊之。大破殺匈奴十餘萬騎。滅禱禡。破東胡。降

林胡單于奔走其後十餘歲，何如不敢近趙邊城。趙悼襄王初，廉頗既亡入魏，趙使李牧救燕，拔武遂方城。後七年，秦破趙，殺將扈軻，斬首十萬。趙乃以李牧為大將軍，擊秦，大破秦將桓齮，封李牧為武安君。

按漢文帝時，馮唐為郎中，因帝問廉頗、李牧，為將良，對曰：「陛下雖得廉頗、李牧，不能用也。」上怒，良久曰：「公何以言吾不能用也？」唐對曰：「臣大父言李牧為趙將，居邊，軍市之租皆自

關外春秋

卷之一 大將

完

用饗士，賞賜決于外，不從中覆也。委任而責成功，故李牧乃能盡其知能。是以北逐單于，西抑強秦，南支韓魏，當是之時，趙幾霸。今臣聞魏尚為雲中守，軍市租盡以給士卒，出私養錢，五日一殺牛，以饗賓客，軍吏舍人，是以匈奴遠避，虜嘗一入，尚帥車騎擊之，所殺甚衆。尚坐上功首虜，差六級，陛下下之吏，削其爵，繇此言之，陛下雖得李牧，不能用也。故法太明，賞太輕，罰太重，非御將之道也。

評曰：李牧謹烽火，多間諜，厚遇戰士，所以畜力養銳，以逸自處，蓋用而示之不用者，及單于擁衆來入，而多為奇陣，張左右翼擊之，是能使敵人自至，我致人也。故智者輕棄吾弱，而使敵輕用其強，忘其小喪而志于大得，夫固要其終而已矣。

武安君病鈎。鈎，短也。即身大臂短，不能及地。故使工人為木材，以接手，狀如振柎。柎，門 握之以布，障舍後之，以為王賜將軍將軍待

關外春秋

卷之一 大將

羊

壽，而捍七首，當死。趙王信之，賜死。武安君北面再拜，舉劔將自誅，臂短不能及，銜劔徵之於柱，以自刺。武安君死，五月，趙

趙大將軍馬服君趙奢

奢趙之田部吏也。收稅租而平原君不肯出。奢以法治之。殺平原君用事者九人。平原怒。將殺奢。因說曰：君子趙為貴公子。今縱君家而不奉公。則法削。法削則國弱。國弱則諸侯加兵。諸侯加兵。是無趙也。君安得有此富乎？以君之貴。奉公如法。則上下平。上下平。則國強。國強。則趙固。而君為貴戚。豈輕于天下耶？平原君以為賢。言之于王。王用之治國。國試太平。民富而序。

關外春秋

卷之二 大將

三

庫實秦伐韓。軍於闕與。王召廉頗而問曰：可救否？對曰：道險狹難救。又召問趙奢。奢對曰：其道遠險狹。譬之猶兩鼠鬪於穴中。將勇者勝。王乃令趙奢將兵救之。去邯鄲三十里。而令軍中曰：有以軍事諫者死。秦軍軍武安西。秦軍鼓譟。勒兵武安屋瓦。盡振。軍中候有一人言急救武安。趙奢立斬之。堅壁。甯二十八日不行。復益增壘。秦間來入。趙奢善食而遣之。既已遣。秦間乃卷甲而趨之。一日一夜。至今善射者去闕與五十

里而軍。軍壘成。秦人聞之。悉甲而至。軍士許歷

請以軍事諫。趙奢曰：內之。許歷曰：秦人不意趙師至此。其來氣盛。將軍必厚集其陣以待之。不然必敗。趙奢曰：請受令。許歷曰：請就鐵質之誅。趙奢曰：胥後。今至邯鄲。許歷復請諫曰：先據北山上者勝。後至者敗。趙奢許諾。即發萬人趨之。秦兵後至。爭山不得上。趙奢縱兵擊之。大破秦軍。秦軍解而走。遂解闕與之圍而歸。趙惠文王賜奢號為馬服君。以許歷為國尉。趙奢於是與

關外春秋

卷之二 大將

三

廉頗藺相如同位。後四年。趙惠文王卒。子孝成王立。七年。秦與趙兵相距長平。時趙奢已死。而藺相如病篤。趙使廉頗不肯。趙王信秦之問言。曰：秦之所惡。獨畏馬服君趙奢之子趙括。括為將耳。趙王因以括為將。代廉頗。藺相如曰：王以名使括。若膠柱而鼓瑟耳。括徒能讀其父書傳。不知合變也。趙王不聽。遂將之。趙括自少時學兵法。言兵事。以天下莫能當。嘗與其父奢言兵事。奢不能難。然不謂善。括母問其故。奢曰：兵死地

也。而括易言之。趙若將括破趙軍者。必括也。其後括軍果爲白起所敗。秦兵遂圍邯鄲。歲餘。幾不得脫。賴楚魏諸侯來救。乃得解邯鄲之圍。

按闕與之地。秦韓趙三國之交也。秦攻韓而移兵闕與。蓋出趙之不意也。趙議發兵救之。廉頗不肯輕用其名。闕成敗於鼠穴。趙奢起於微細。一戰而勝。然則頗遂不若奢與。不知頗秦所忌也。奢秦所易也。奢將則敵信而不疑。頗將則敵畏而信堅。夫故不之事。頗雖勇。

問外承

卷之一 大將

三

不能行。頗之言奢雖勝。不能奪也。

評曰兵法始如處女。後如脫兔。趙奢明于谷戰。故云道遠險狹。猶兩鼠鬪於穴中。將勇者勝。又明于爭地。故納許歷之諫。卽發萬人趣北山上。繇今思之。尚凜凜有風發河決之威。允稱良將矣。觀其說平原君。而能以法治用事者。輒殺九人。蓋其才長于治國者。寧獨優於治兵而已乎。

三立堂新編闕外春秋卷一終

三立堂新編閩外春秋卷之二

華胥外史漢陽 尹商 于皇甫 著

韓信

韓信淮陰人也。家貧無行，不得推擇為吏。又不能治生商賈，常數從其下鄉南昌亭長寄食。亭長妻苦之，乃晨炊蓐食。食時信往，不為具食。信亦知其意，怒，因絕去。釣於城下，有一漂母見信，餒飯信，竟漂數十日。信謂漂母曰：「吾必有以重報母。」淮陰屠中少年有侮信者，曰：「若雖長大，好

閩外春秋

卷之二 大將

帶刀劍，中情怯耳。衆辱之，曰：「信能死，刺我；不能死，出袴下。」袴一作勝於是信熟視，俛出袴下，蒲伏。一市人皆笑信，以為怯。及項梁渡淮，信杖劍從之，居戲下，無所知名。梁敗，又屬項羽，信數以策干項羽，羽不用。漢王之入蜀，信亡楚歸漢，為連敖，坐法當斬。其輩十三人皆已斬，次至信，信乃仰視，適見滕公，曰：「上不欲就天下乎？何為斬壯士？」滕公奇其言，壯其貌，釋而不斬，與語，大說之。言於上，上以為治粟都尉，亦未之奇也。數與蕭何

語，何奇之。至南鄭，諸將多道亡者，信度何等已

數言上，上不我用。即亡，何聞信亡，不及以聞。自追之。人有言上曰：「丞相何亡？」上大怒，如失左右手。居一二日，何來謁上，上且怒且喜，罵何曰：「若亡何也？」何曰：「臣非敢亡也，追亡者耳。」上曰：「若追者誰？」曰：「韓信。」上復罵曰：「諸將亡者以十數，公無所追，追信詐也。」何曰：「諸將易得耳，至如信者，國士無雙，王必欲長王漢中，無所事信，必欲爭天下，非信無可與計事者，願王策安所決耳。」王

閩外春秋

卷之二 大將

曰：「吾亦欲東耳，安能鬱鬱久居此乎？」何曰：「王計必欲東，能用信，信即留，不能用，信終亡耳。」王曰：「吾為公以為將，何曰：「雖為將，信必不留。」王曰：「以為大將，何曰：「幸甚。」於是王欲召信拜之，何曰：「王素慢無禮，今拜大將，如呼小兒，此乃信所以去也。」王必欲拜之，擇良日齋戒，設壇場，具禮，乃可。王許之。諸將皆喜，人人各自為得大將。至拜大將，乃信也。一軍皆驚，信拜禮畢，上坐，王曰：「丞相數言將軍，將軍何以教寡人計策？」信謝，因問王

曰今東鄉爭權天下豈非項王耶漢王曰然曰大王自料勇悍仁強孰與項王漢王默然良久曰不如也信再拜賀曰惟信亦以為大王不如也然臣嘗事之請言項王之為人也項王喑啞叱咤千人皆廢然不能任屬賢將此特匹夫之勇耳項王見人恭敬慈愛言語姁姁人有疾病涕泣分食飲至使人有功當封爵者印劓弊忍不能予此所謂婦人之仁也項王雖霸天下不都關中而都彭城所過無不殘滅天下多怨百

關外春秋

卷之三 大將

三

姓不親附特劫於威強耳名雖為霸實失天下心故曰其強易弱今大王誠能反其道任天下武勇何所不誅以天下城邑封功臣何所不服以義兵從思東歸之士何所不散且三秦王為秦將將秦子弟數歲矣所殺亡不可勝計又欺其眾降諸侯至新安項王詐坑秦降卒二十餘萬唯獨邯欣翳得脫秦父兄怨此三人痛入骨髓今楚強以威王此三人秦民莫愛也大王之人關秋毫無所害除秦苛法與秦民約法三章

耳秦民無不欲得大王王秦者於諸侯之約大王當王關中關中民咸知之大王失職入漢中秦民無不恨者今大王舉而東三秦可傳檄而定也於是漢王大喜自以為得信晚遂聽信計漢王舉兵東出陳倉定三秦二年出關收魏河南令齊趙共擊楚至彭城漢兵敗散而還信復收兵與漢王會滎陽復擊破楚京索間以故楚兵不能西其八月漢王以信為左丞相擊魏魏盛兵蒲坂塞臨晉信乃益為疑兵陳船欲渡臨

關外春秋

卷之二 大將

四

晉而伏兵從夏陽以木罌篋渡軍襲安邑遂虜豹定魏為河東郡使人請漢王願益兵三萬人北舉燕趙東擊齊南絕楚之糧道西與大王會於滎陽漢王與兵三萬人遣張耳與俱進擊趙代破代擒夏說關與信之下魏破代漢輒使人收其精兵詰滎陽以距楚信耳復以兵數萬欲東下井陘擊趙趙王成安君陳餘聞之聚兵井陘口號稱二十萬廣武君李左車說成安君曰聞漢將韓信涉西河虜魏王擒夏說新喋血關

與議欲下趙。此乘勝而去國遠。其鋒不可當。臣聞千里餽糧。士有饑色。樵蘇後爨。師不宿飽。今井陘之道。軍不得方軌。騎不得成列。行數百里。其勢糧食必在其後。願足下假臣奇兵三萬人。從間路絕其輜重。足下深溝高壘。勿與戰。彼前不得鬪。退不得還。吾奇兵絕其後。使野無所掠。不至十日。兩將之頭可致戲下。願君畱意。臣之計。不必爲二子所擒矣。成安君不聽。信使人間視。知其不用廣武君策。乃敢引兵遂下。未至井陘口三十里。止舍。夜半傳發。選輕騎二千人。人持一赤幟。從間道。草山而望。趙軍。誠曰。趙見我走。必空壁逐我。若疾入趙壁。拔趙幟。立漢赤幟。令其裨將傅歿曰。今日破趙會食。諸將皆莫信。佯應曰。諾。謂軍吏曰。趙已先據便地爲壁。且彼未見大將旗鼓。未肯擊。前行恐吾至。阻險而還。信乃使萬人先行。出背水陳。趙軍望見而大笑。平旦信建大將旗鼓。行出井陘口。趙開壁擊之大戰。良久。於是信張耳佯棄鼓旗。走水上。

關外春秋

卷三

大將

五

軍水上軍開入之。復疾戰。趙果空壁。爭漢鼓旗。逐信耳。信耳已入水上軍。軍皆殊死戰。不可敗。信所出奇兵三千騎。共候趙空壁。逐利。卽馳入趙壁。皆拔趙旗。立漢赤幟。二千趙軍已不勝。不能得信等。欲還歸壁。壁皆漢赤幟。大驚。以爲漢皆已得趙王將矣。兵遂亂遁走。趙將雖斬之。不能禁也。於是漢兵夾擊。大破虜趙軍。斬成安君。泜水上。擒趙王歇。信乃令軍中毋殺廣武君。有能生得者。購千金。於是右縛廣武君而致戲下。將皆服。於是信問廣武君曰。僕欲北攻燕。東伐

關外春秋

卷三

大將

六

齊何若而有功。廣武君辭謝不肯言。信再推讓之。於是廣武君曰：臣聞智者千慮必有一失，愚者千慮必有一得。夫成安君有百戰百勝之計，一旦而失之，軍敗部下，身死泚上。今足下虜魏王，擒夏說，一舉下井陘，不終朝破趙二十萬衆，誅成安君，名聞海內，威震天下，然而衆勞卒罷，其實難用。今足下欲舉倦罷之兵，頓之燕堅城之下，欲戰不能，拔情見勢，屈驥口根竭，若燕不服，齊必距境以自疆也。燕齊相持，則劉項之權

關外春秋 卷之三 大將 七

未有所分也。信曰：然則何由？廣武君對曰：方今之計，莫如按甲休兵，鎮趙撫其孤，百里之內，半酒日至，以饗士大夫，解兵北首燕路，而後遣辯士奉咫尺之書，以使燕。燕必不敢不聽從。燕已從而東臨齊，必服。如是則天下事皆可圖也。兵固有先聲而後實者，此之謂也。韓信曰：善。從其策，發使使燕。燕從風而靡，乃使使報漢，因請立張耳為趙王，以鎮撫其國。漢王從之，即令張耳備守趙地，拜信為相國，發趙兵未發者擊齊。信

引兵東，未度平原，聞漢王使酈食其已說下齊，信欲止，蒯通說信曰：將軍受詔擊齊，而漢獨發間使下齊，寧有詔止將軍乎？何以得毋行也？且酈生一上，伏軾掉三寸之舌，下齊七十餘城，將軍將數萬之衆，乃下趙五十餘城，為將數歲，反不如一豎儒之功乎？於是信然之，從其計，遂渡河。齊已聽酈生，即留縱酒，罷備漢守禦。信因襲齊，歷下軍，遂至臨菑。齊王田廣以酈生賣已，乃烹之，而走高密，使使之楚請救。楚使龍且將

關外春秋 卷之三 大將 八

稱二十萬救齊，或說龍且曰：漢兵遠關窮戰，其鋒不可當，齊楚自居地戰，兵易敗散，不如深壁。令齊王使其信臣招所亡城，亡城間其王在楚，來救必反。漢兵二千里客居齊城，皆反之，其勢無所得食，可無戰而降也。龍且曰：吾平生知韓信為人易，與耳，寄食於漂母，無資身之策，受辱于袴下，無兼人之勇，不足畏也。且夫救齊不戰而降之，吾何功？今戰而勝，齊之半可得，何為止遂戰？與信夾濰水陳，信乃夜令人為萬餘囊。

盛沙壅水上流引軍半渡擊龍且佯不勝還走龍且果喜曰固知信怯也遂追信渡水信使人決壅喪水大至龍且軍大半不得渡即急擊殺龍且龍且水東軍散走齊王廣亡去信追北虜廣遂平齊使人言漢王曰齊僞詐多變反覆之國也南邊楚請爲假王以鎮之當是時楚方急圍漢王於滎陽韓信使者至漢王乃遣張良往立信爲齊王發其兵擊楚楚已亡龍且項王恐使武涉往說齊王信曰天下共苦秦久矣相與

闕外春秋

卷之三

大將

九

戮力擊秦秦已破計功割地分土而王之以休士卒今漢王復興兵而東其意非盡吞天下者不休其不知厭足如是甚也且漢王不可必身居項王掌握中數矣項王憐而活之然得脫輒信約復擊項王其不可親信如此今足下雖自以與漢王爲厚交爲之盡力用兵終爲之所擒矣足下所以得須臾至今者以項王尚存也當今二王之事權在足下足下左投則漢王勝右投則項王勝項王今日亡則次取足下足下與

項王有故何不反漢與楚連和三分天下而王之今釋此時而自必於漢以擊楚且爲智者固若此乎韓信謝曰臣事項王官不過郎中位不過執戟言不聽畫不用故倍楚而歸漢漢王授我上將軍印子我數萬衆解衣衣我推食食我言聽計用故吾得以至于此幸爲信謝項王武涉已去齊人刺通知天下權在韓信欲爲奇策而感動之以相人說韓信曰相君之面不過封侯又危不安相君之背貴不可言信曰何謂也

闕外春秋

卷之三

大將

十

蒯通曰天下初發難也憂在亡秦而已今楚漢分爭使天下之人肝腦塗地楚人起彭城轉鬪逐北然兵困於京索之間迫西山而不進者三年於此矣漢王將數十萬之衆距鞏洛阻山河之險一日數戰無尺寸之功此所謂智勇俱困者也以臣料之非天下之賢聖因不能息天下之禍當今兩王之命懸於足下足下爲漢則漢勝與楚則楚勝臣願効愚計恐足下不能用也誠能聽臣之計莫若兩利而俱存之三分天下

鼎足而居其勢莫敢先動夫以足下之賢聖有
甲兵之衆據強齊從燕趙出空虚之地而制其
後因民之欲西鄉爲百姓請命則天下風走而
響應矣蓋聞天與弗取反受其咎時至不行反
受其殃願足下熟慮之韓信曰漢王遇我甚厚
吾豈可以鄉利背義乎蒯通曰始常山王成安
君爲布衣時相與爲刎頸之交後爭張騫陳澤
之事二人相怨常山王背項王奉項嬰頭而竄
逃歸於漢王漢王借兵東下殺成安君泚水之

關外春秋 卷之三 大將 十一

南頭足異處卒爲天下笑此二人相與天下至
驩也然而宰相擒者何也患生於多欲而人心
難測也今足下欲行忠信以交于漢王必不能
關於二君之相與也而事多大於張騫陳澤故
臣以爲足下必漢王之不危已亦誤矣大夫種
范蠡存亡越霸勾踐立功成名而身死亡野獸
已盡而獵狗烹夫以交友言之則不如張耳之
與成安君者也以忠信言之則不過大夫種范
蠡之於勾踐也此二人者足以觀矣且臣聞勇

略震主者身危而功蓋天下者不賞今足下戴
震主之威扶不賞之功歸楚楚人不信歸漢漢
人震恐足下欲持是安歸乎夫勢在人臣之位
而有震主之威名高天下竊爲足下危之韓信
猶豫不忍背漢又自以爲功多漢終不奪我齊
遂謝蒯通漢五年項羽已破高祖襲奪齊王軍
徙齊王信爲楚王都下邳信至困召所從食漂
母賜千金及下鄉南昌亭長賜百錢曰公小人
也爲德不卒召辱已之少年今出僇下者以爲

關外春秋 卷之三 大將 三

楚中尉信初之國行縣邑陳兵出入人有告楚
王反高帝以陳平計天子巡狩會諸侯帝至信
來謁上上令縛信信曰果若人言天下已定我
固當烹上曰人告公反遂械信至洛陽赦以爲
淮陰侯上嘗從容與信言諸將能不各有差上
問曰如我能將幾何信曰陛下不過能將十萬
上曰於君何如曰臣多多而益善上笑曰多多
益善何爲爲我擒信曰陛下不能將兵而善將
將此乃信之所以爲陛下擒也且陛下所謂天

授非人力也。漢十年陳稀反，上自將而往，信病不從，會其舍人得罪於信，信囚欲殺之，舍人弟上變告信反，呂后與蕭相國謀，詐令人從上所來，言稀已得死，劉侯羣臣皆賀，相國給信曰：雖疾強入賀，信入，呂后使武士縛信，斬之長樂鐘室，信方斬，曰：吾悔不用蒯通之計，乃為兒女子所詐，豈非天哉。

按：鄒侯婁言信于上而未之用，何無所用其力，故信之亡也。何教之也。信亡而身追之方

關外春秋

卷之三

大將

三

可假之以，得動高帝耳。帝自知不可無，何故如夫左右手及何謂帝而乘間推轂，則帝不覺墮其雲霧中而遂得大將矣。何真信之知已也。而信自始至終，矜已之能，誤認高帝為知己，而無一語歸本，鄒侯信全不知何之為知己矣。即受鄒侯之給，被鐘室之禍，猶弗之悟也。悲夫。

評曰：韓信登壇之日，畢陳平生計畫，論項王及漢王得失，如指諸掌，即孔明初出隆中與

昭烈論三國形勢，亦不能過世言太史公文仙李白詩仙劉伶酒仙而韓信兵仙也。豈不然哉。但其自謀全不滅，何也。假王之請，垓下之爽約，皆所以致蹶，安得不死耶。高帝雖極厚信，亦極忌信。史稱將則以張耳監之，及信下魏破代，輒使人收其精兵，帝蓋未嘗一日忘信也。而多多益善，蓋啓帝之猜，安得不死耶。當是時也，信能如魯連之辭爵而飄然海上，則善矣。而猶怏怏不朝，耻與絳灌噲等伍。

關外春秋

卷之三

大將

古

雖欲不夷滅得乎。

甚矣韓信之猷而不忍背漢也。方龍且敗而項王恐，使武涉說之而不動，歸報項王，項王按劍長歎，不勝其怒，而恨涉說之不工也。涉引朽木插屋為喻，曰：彼其有所以結之者，則非徒解推之恩已也。高帝拔之行陣之中，授之上將之印，言聽計從，親信之深，信之感恩極矣。故謝涉曰：背之不祥，雖死不易。嗟乎信固無負於帝也，亦足以贖其自王之罪矣。

王弼州讀陳稀傳而斷信之必不反也。夫信再爲大將，又再爲王，其故部曲臣吏何限，乃舍而與陳稀謀，稀其時以別將將卒五百人，從宛胸至霸上，以游擊將軍別定代，破賊茶，侯於信，非素所相循士大夫也。信遽而托之以腹心，稀遽而受托，以反此不可解一也。稀之監代趙兵，自喜下賓客，斬得俠名耳。周昌忘而言於高帝，覆案之急，始與匈奴通，又召之急，始反，稀初固未嘗反也，乃遽與信謀，其

關外春秋

卷之三

大將

三

不可解二也。信智士也，如必與稀謀，必屏人必耳語，何繇使舍人知之，其不可解三也。信既通稀，必多置人於邯鄲，走關東西道，高帝之勳，靜稀之勝負，俱知之，不應爲一女子所給，入而落其手，其不可解四也。以信之功，呂氏一女子，單詞族之而不能辯，帝固已心知其然，私畏呂氏，而猶喜其能馭諸桀將矣。信不反，卒以反誅，嗚呼，可慨也夫。

從古未有天下而三分者，而蒯通之說韓信

曰：誠能聽臣之計，三分天下，鼎足而居，突初此奇論。此等起世卓識，豈庸常人哉。夫鼎足之事，通立言於赤帝方興之日，而直成於炎祚將盡之時，詎止傾危之士，徒以口舌縱橫當世已也。惜乎其失言耳。

漢大司馬大將軍長平侯衛青

衛青字仲卿平陽人父鄭季為吏給事平陽侯家與侯家衛媼通生青少時其父使牧羊先母之子皆奴畜之不以為兄弟數嘗從人至甘泉居室有一緝徒相青曰貴人也官至封侯青笑曰人奴之生得無笞罵印足矣安得封侯事乎青壯為侯家騎從平陽主建元二年春青姊子夫得入宮幸上青為建章侍中歷太中大夫元光六年拜為車騎將軍擊匈奴出上谷至龍城

開外春秋

卷之三 大將

三

斬首虜數百騎賜爵關內侯是後匈奴仍侵犯邊元朔元年春衛子夫有男立為皇后其秋青為車騎將軍復將二萬騎出鴈門斬首虜數千明年復出雲中西至高關遂至於隴西捕首虜數千走白羊樓煩王遂取河南地為朔方郡封青為長平侯其後匈奴比歲入代郡鴈門定襄上郡朔方所殺略甚衆五年青將三萬騎出高關衛尉蘇建等四將軍皆領屬車騎將軍俱出朔方大行李息等為將軍俱出右北平匈奴右

賢王當青等兵以為漢兵不能至此飲醉漢兵

夜至圍右賢王右賢王驚夜與騎數百馳潰圍北去漢輕騎校尉郭成等追數百里弗及得右賢裨王十餘人衆男女萬五千餘人於是引兵而還至塞天子使使者持大將軍印即軍中拜青為大將軍諸將兵皆屬焉大將軍立號而歸益封青八千戶而封青三子皆為侯青固謝曰臣幸得待罪行間賴陛下神靈軍大捷皆諸校力戰之功也陛下幸已益封臣青臣青子在襁

開外春秋

卷之三 大將

二

襁中未有勤勞上幸裂地封為三侯非臣待罪行間所以勸士力戰之意也仇等何敢受封上曰我非忘諸校功也今固且圖之乃悉封其麾下公孫敖等十人皆為列侯其秋匈奴入代殺都尉朱英明年春大將軍青出定襄合騎侯敖等六將軍咸屬焉斬首虜萬餘人右將軍建前將軍信并軍三千餘騎獨逢單于兵與戰一日餘漢兵且盡信故胡人降為翁侯見急匈奴誘之遂將其餘騎可八百奔降單于蘇建盡亡其

軍獨以身得亡去自歸大將軍大將軍問其罪
軍正閔長史安議郎周霸等建當云何霸曰自
大將軍出未嘗斬裨將今建棄軍可斬以明將
軍之威青曰青幸得以肺腑待罪行間不患無
威而霸說我以明威甚失臣意且使臣職雖當
斬將以臣之尊寵而不敢擅專誅於境外而
具歸天子天子自裁之於以風爲人臣不敢專
權不亦可乎軍吏皆曰善遂囚建詣行在所青
爲人仁善退讓以和柔自媚於上元封五年薨

閩外春秋

卷之三 大將

九

青本平陽主家參乘駙馬曹壽卒勅令擇國中
貴居第一者尚之青最貴主問之曰是常爲我
參乘如之何使者答曰當世無如將軍者遂尚
平陽主云

按蘇建失律軍法當斬仲卿不即誅之而囚
詣行在所蓋以刑辟不專于已威斷獨歸于
君不第守人臣之分亦且以尊朝廷也

評曰匈奴以青兵不能至飲醉故青等遂得
夜圍而勝之卽近日各邊搗巢之說耳倘亦

兵法之出其不意者歟余嘗怪大將軍軍功
極多而史漢兩傳中全不敘其善治軍旅何
若雖復奇謀秘計亦未嘗點綴一二焉豈仲
卿憑椒房之援而斬捕首虜未必至五萬之
多耶觀其傳末云大將軍以和柔自媚於上
然天下未有稱也蓋貶詞也

太史公作衛青傳惟言大將軍出塞千餘里
見單于兵陳而待大將軍令武剛車自環爲
營而縱五千騎往當匈奴及追至真顏山越

閩外春秋

卷之三 大將

十

信城云此等戰功最奇絕太史公儘力描
寫亦不臆列其籌策云何殆不可曉

目且入至二百餘里太史公描寫如畫是
千載未有之戰亦千載未有之文而騷人墨
士遂得祖之以歌出塞賦從軍真令人神馳
而目眩也唐詩胡沙獵獵吹人面漢虜相逢
不相見又月黑鴈飛高單于夜遁逃欲將輕
騎逐大雪滿弓刀皆用此事

嗚呼世事翻覆不常匪獨平陽主一事而已

楊果宗爲丁晉公築第丁貶海上朝廷以第賜果宗劉美善銀金後貴顯賜上方器視刻工名多美所造也吁可畏已

關小宋水

卷之三

注

漢大司馬驃騎將軍冠軍景桓侯霍去病

去病大將軍青犛子也年十八善騎射再從大將軍爲嫪姚校尉與輕勇騎八百直棄大將軍數百里赴利斬捕首虜過當封冠軍侯元狩二年春爲驃騎將軍將萬騎出隴西轉戰六日過焉支山千有餘里合短兵塵臯蘭下殺折蘭王斬盧胡王銳悍者誅全甲獲醜執渾邪王子及相國都尉捷首虜八千九百六十級收休屠祭天金人益封去病二千二百戶其夏去病與合

關外春秋

卷之三

大將

三

騎侯敖等俱出右北平擊匈奴去病踰居延至祁連山捕首虜甚多又益封五千四百戶賜校尉從至小月氏者爵左庶長又四人皆封列侯諸宿將所將士馬兵亦不如去病去病所將常選然亦敢深入常與壯騎先其大將軍軍軍亦有天幸未嘗困絕也繇此去病日以親貴比大將軍其後單于怒渾邪王居西方數爲漢所破亡數萬人欲召誅渾邪王休屠王等謀欲降漢天子聞之恐其以詐降而襲邊乃令去病將兵

往迎之去病既渡河與渾邪衆相望渾邪王裨將見漢軍而多欲不降者頗遁去去病乃馳入得與王相見斬其欲亡者八千人遂獨遣渾邪王乘傳先詣行在所盡將其衆渡河降者數萬人號稱十萬既至長安天子所以賞賜數十鉅萬封渾邪王萬戶爲漯陰侯上嘉去病之功曰驃騎將軍去病率師征匈奴西城王渾邪王及厥衆萌咸奔於率以軍糧接食并將控弦萬有餘人誅獍悍捷首虜八千餘級降異國之王三

關外春秋 卷之三 大將 三

十二戰士不離傷十萬之衆畢懷集服仍興之勞爰及河塞庶幾亡患滅隴西北地上郡戍卒之半以寬天下徭役迺分處降者於邊五郡故塞外而皆在河南因其故俗爲屬國其明年匈奴入右北平定襄殺畧漢千餘人上與諸將議曰翁侯趙信爲單于畫計常以爲漢兵不能度幕輕畱今大發士卒其勢必得所欲令大將軍青驃騎將軍去病各將五萬騎步兵轉者踵軍數十萬而敢力戰深入之士皆屬去病後青軍

入塞凡斬首虜萬九千級去病出代右北平二千餘里直左方兵所斬捕功已多於青既皆還上曰驃騎將軍去病約輕齎絕大幕執訊獲醜七萬有四百四十三級師率減什二取食於敵造行殊遠而糧不絕以五千八百戶益封驃騎將軍賞賜勝多而青不得益封兩軍之出塞塞關官及私馬凡十四萬匹而復入塞者不滿三萬匹迺置大司馬位大將軍驃騎將軍皆爲大司馬去病爲人少言不泄有氣敢任上嘗欲教

關外春秋 卷之二 大將 諱

之孫吳兵法對曰願方略何如耳不至學古兵法上爲治第令視之對曰匈奴未滅無以家爲也繇此上益重愛之然少而侍中貴不省士其從軍士爲遣大官齎數十乘既還重車餘棄梁肉而士有餓者其在塞外卒乏糧或不能自振而去病尚穿域躡鞠事多此類去病元狩六年薨天下悼之發屬國玄甲軍自長安至茂陵爲冢象祁連山諡曰景桓侯按兵法不用鄉導者不能得地張騫導軍而

無飢渴一合也兵法軍無選鋒曰北去病所將常選二合也兵法重地吾將去其食去病輕齋絕幕取食於敵三合也渠自言願方畧何如不至學古兵法然未嘗不暗合其與衛仲卿威行塞外立功沙漠豈偶然哉

評曰傳稱去病所將常選是其功在人又曰亦有天幸未嘗困絕則所以成功又在天也但出塞之馬凡十四萬而入塞者不滿三萬其所喪士卒常亦稱是甚哉人上之不可窮

開外春秋

卷之三 大將

三

兵驥武也若重車餘棄梁肉而士有飢者塞外士卒乏糧而去病尚穿城蹋鞠自如蓋其少而幸為天子侍中未免有執袴習氣耳萬里征伐不錄其過曷足怪也

漢西域副校尉關內侯追諡破胡壯侯陳湯字子公山陽瑕丘人少好書博達善屬文家貧句貸無節不為州里所稱獨高平侯張勃與湯交高其能後以薦為郎數求使外國久之遷西域副校尉與甘延壽俱出先是宣帝時匈奴垂亂五單于爭立呼韓邪單于與郅支單于俱遣子入侍漢兩受之後呼韓邪單于身入朝見郅支以為呼韓邪破弱降漢不能自還即西收右地會漢發兵送呼韓邪單于郅支繇是怨漢擁

開外春秋

卷之三 大將

三

護呼韓邪而不助已困辱漢使者江迺始等初元四年郅支單于遣使奉獻因求侍子願為內附漢遣衛司馬谷吉送之既至郅支單于怒竟殺吉等自知負漢又聞呼韓邪益彊遂西奔康居漢遣使三輩至康居求谷吉等屍郅支困辱使者不肯奉詔而因都護上書言願歸計疆漢遣子入侍其驕嫚如此建昭二年湯與延壽出西域湯為人沉勇有大略多策謀喜奇功每過城邑山川常登望既領外國與延壽謀曰郅支

單于雖所在絕遠蠻夷無金城強弩之守如發屯田吏士○從烏孫衆兵直指其城下彼亡則無所之守則不足自保千載之功可一朝而成也○延壽欲奏請之湯曰國家與公卿議大策非凡所見事必不從○延壽猶豫不聽會其久病湯獨矯制發城郭諸國兵車師戊已校尉屯田吏士○延壽聞之驚起欲止焉湯怒按劔叱延壽曰大衆已集豎子欲沮衆邪○延壽遂從之部勒行陣益置楊盛白虎合騎之校漢兵胡兵合四萬

開外春秋 卷之三 大將 三

餘人因上疏自劾奏矯制陳言兵狀即日引軍分行別為六校其三校從南道踰蔥嶺經大宛其三校都護自將發溫宿國從北道入赤谷過烏孫入康居東界令軍不得為寇間呼謂密其貴人屠墨見之諭以威信與飲盟遣去徑引行未至單于城可六十里止管復捕得康居貴人貝色子男開牟以為導貝色子即屠墨母之弟皆怨單于繇是具知邳支情明日引行未至城三十里止管單于遣使問漢兵何以來應曰單

于上書言願歸計疆漢身入朝見天子哀閉單于棄大國屈意康居故使都護將軍來迎單于妻子恐左右驚動故未敢至城下使數往來相答報延壽湯因責之曰我為單于遠來而至今無名王大人見將軍受事者何單于忽大計失客主之禮也○明日前至邳支城三里止管傳陳望見單于城上立五采幡幟數百人被甲乘城又出百餘騎往來馳城下步兵百餘人夾門魚鱗陳講習用兵城上人更招漢軍口關來延壽

開外春秋 卷之三 大將 三

湯令軍聞鼓音皆薄城下四面圍城各有所守初單于聞漢兵至欲去疑康居為漢內應又聞烏孫諸國兵皆發自以無所之邳支已出復還曰不如堅守漢兵遠來不能久攻單于乃被甲城樓上諸閼氏夫人數十皆以弓射外人外人射中單于鼻諸夫人頗死時康居兵萬餘騎分為十餘處四面環城亦與相應平明四面火起吏士喜大呼乘之鉦鼓聲動地康居引兵卻漢兵四面推鹵桶並入土城中單于男女百餘人

走入大內漢兵縱火吏士爭入斬單于首得漢使節二及谷吉等所齎帛書諸南獲以畀得者凡斬閼氏太子名王以下千五百一十八級生虜百四十五人降虜千餘人賦子城郭諸國所發十五王於是延壽湯上疏曰郅支單于慘毒行於民大惡通於天臣延壽湯將義兵行天誅賴陛下神靈陰陽竝應天氣精明陷陳克敵斬郅支首及名王以下宜縣頭豪街蠻夷邸間以示萬里明犯疆漢者雖遠必誅丞相御史大夫

關外春秋

卷之三

大將

无

議勿懸車騎將軍許嘉右將軍王商以為春秋夾谷之會優施笑君孔子誅之方盛夏首足異門而出宜懸十日乃埋之有詔將軍議是丞相御史惡湯矯制言湯所鹵獲財物入塞多不法司隸校尉移書道上繫吏士按驗之湯上疏言臣與吏士共誅郅支單于幸得擒滅萬里振旅宜有使者迎勞道路今司隸反逆收繫按驗是為郅支報讐也上立出使士令縣道具酒食以過軍既至論功石顯匡衡以為延壽湯擅興師

矯制幸得不誅如復加爵上則後奉使者爭欲乘危徼幸生事於蠻夷議久不決故宗正劉向上疏曰郅支單于囚殺使者吏士以百數事暴揚外國傷威毀重陛下赫然欲誅之意未嘗有忘也西域都護延壽副校尉湯承聖旨倚聖靈出百死入絕域斬郅支之首掃谷吉之耻萬夷懼伏莫不懼震昔周大夫方叔吉甫為宣王誅獫狁而百蠻從其詩曰顯允方叔征伐獫狁荆來威吉甫之歸周厚賜之其詩曰吉甫燕喜

關外春秋

卷之三

大將

无

既多受祉來歸自鎬我行永久千里之鎬猶以為遠况萬里之外其勤至矣延壽湯既未獲受祉之報反屈相命之功久挫於刀筆之前非所以勸有功厲戎士也昔齊桓前有尊周之功後有滅項之罪君子以功覆過而為之諱行事貳師將軍李廣利捐五萬之師靡億萬之費經四年之勞而僅獲駿馬三十疋雖斬宛王毋鼓之首猶不足以復費其私罪惡甚多孝武以為萬里征伐不錄其過遂封拜兩侯三卿二千石百

有餘人。今康居國疆於大宛。鄧支之號重於宛。王殺使者。罪甚於雷馬。而延壽湯不煩漢士。不費斗糧。比於貳師功德。百之且常。惠隨欲擊之。烏孫鄭吉迎自來之日。逐猶皆裂土受爵。故言威武勤勞。則大於方叔吉甫。列功覆過。則優於齊桓貳師。而大功未著。小惡數布。臣竊痛之。宜以時解縣。通籍除過。勿治尊寵爵位。以勸有功。於是天子下詔。迺封延壽為義成侯。賜湯爵關內侯。成帝即位。丞相復奏前事。湯坐免。又以他

閩外春秋 卷之三 大將

三

事下獄。當死。太中大夫谷永上疏訟湯。曰。臣聞楚有子玉得臣。文公為之側席而坐。趙有廉頗。馬服。疆秦不敢窺兵井陘。近漢有鄧都魏尚。匈奴不敢南鄉。沙幕繇是言之。戰克之將。國之爪牙。不可不重也。竊見關內侯陳湯。前使副西域都護。忿鄧支之無道。閉王誅之不加。屠三重城。斬鄧支之首。報十年之逋誅。雪邊吏之宿耻。威震百蠻。武暢海內。漢元以來。征伐方外之將。未嘗有也。今坐言事非是。幽囚久繫。歷時不決。非

所以厲死難之臣也。書奏。天子出湯。奪爵為士伍。後數歲。西域都護段會宗為烏孫兵所圍。驛騎上書。願發城郭燉煌兵以自救。丞相王商大將軍王鳳及百僚議數日不決。鳳言。湯多籌策。習外國事。可問。上召湯示以會宗奏。湯對曰。臣以為此必無可憂也。夫胡兵五而當漢兵一。何者。兵刃朴鈍。弓弩不利。今聞頗得漢巧。然猶三而當一。又兵法曰。客倍而主人半。然後敵今圍會宗者。人眾不足以勝會宗。唯陛下勿憂。且兵

閩外春秋 卷之三 大將

三

輕行五十里。重行三十里。今會宗欲發城郭燉煌。歷時迺至。所謂報讐之兵。非救急之用也。上曰。奈何。其解可必乎。度何時解。湯知烏孫瓦合不能久攻。故事不過數日。因對曰。已解矣。詎指計其日。曰。不出五日。常有吉語。聞居四日。軍書到。言已解。大將軍鳳奏以為從事中郎。幕府事一決于湯。湯後坐事徙敦煌。敦煌太守奏湯前親誅鄧支。單于威行外國。不宜近邊塞。詔徙安定。議郎耿育因冤訟湯。曰。延壽湯為聖漢揚鈞

深致遠之威。雪國家累年之耻。討絕域不羈之君。係萬里難制之虜。先帝嘉之。會其寢疾。猶然垂意不忘。數使尚書責問丞相。趣功。獨匡衡排而不子。只封延壽。湯數百戶。此功臣戰士所以大望也。孝成皇帝乘征伐之威。兵革不動。國家無事。而大臣傾邪。曾不深惟本末之難。以防未然之戒。欲專主威。排妒有功。使湯塊然被冤。拘囚。卒以無罪老棄敦煌。正當西域通道。令威名折衝之臣。旋踵及身。復爲郅支遺虜所笑。至今

閩外春秋

卷之三

大將

三

奉使外蠻者。未嘗不陳郅支之誅。以揚漢國之盛。夫援人之功。以懼敵。棄人之身。以快讒。豈不痛哉。且安不忘危。盛必慮衰。今國家素無文帝累年節儉富饒之畜。又無武帝薦梟俊擒敵之臣。獨有一陳湯耳。假使異世不及陛下尚望國家追錄其功。封表其墓。以勸後進也。湯幸得身當聖世。功曾未久。反聽邪臣。鞭逐斥遠。使亡逃分竄。死無處所。遠覽之士。以爲湯功累世不可及。而湯過人情所有。湯尚如此。雖復破絕筋

骨暴露形骸。復制于唇舌。爲嫉妬之臣所係。虜此臣所以爲國家尤戚戚也。書奏。天子還湯。卒於長安。後追諡破胡壯侯。

按子公與君況同出西域。而擊郅支時。君況猶豫不聽。子公獨矯制發諸國兵。其膽畧度越君況遠矣。未至單于城。凡三止營。及四面圍城。各有所守。蓋大兵深入。難以驟進。此正公子沈勇有大慮多策謀處。

漢廷公卿將相不少。而獨富平侯物色子公。

閩外春秋

卷之三

大將

三

豈彼皆瞎眼而勃獨具眼耶。乃勃以舉湯削戶得惡諡。子公旣封侯。貴重矣。獨不上一疏報知己之恩。雪誤薦之罪哉。九京何以相見也。評曰。陳湯之功。千古無兩。而匡衡石顯罪其矯制。不知所惡。夫矯制者。謂其功可相方。非若出百死入絕域。揚旌萬里之外者也。陰山之北。凡幾單于。自漢擊匈奴以來。得單于者幾人。終漢之世。獨一陳湯耳。誠使裂地封湯。

而著為今日有能矯詔斬單于如陳者無罪而封侯。即欲再賞一人，更數十年未有繼也。如是，則既足以表章其功，而亦不開後來生事要功之端。計之善者也。閻劉向谷永耿育三書，則知腐儒如匡衡輩，徇私忘國，妬賢嫉能，千古一轍。此英雄智士所以甘心槁項巖穴而不肯輕出也。班椽謂湯儻蕩不自收歛，卒用困窮，亦矮人觀場之見耳。子公每過城邑山川，常登望，便有鳴劍伊吾

閻外表秋

卷之二

大將

三五

之志。其曰：國家與公卿議大策，非凡所見事必不從。又詘指計烏孫之圍，曰：不出五日，簪度屢中，雖智囊茂以尚之矣。

漢光祿大夫水衡都尉典屬國右將軍執金吾

關內侯馮奉世

奉世字子明，上黨人，以良家子選為郎。昭帝時，補武安長，失官年三十餘矣。方學春秋，涉大義，明習兵法。前將軍韓增奏以為軍司空，令從軍擊匈奴。先是時，漢數出使西域，多辱命不稱，或貪污為外國所苦。是時烏孫大有擊匈奴之功，而西域諸國新輯，漢方善遇，欲以女之選可使外國者，前將軍增舉奉世以衛侯使持節送大

閻外表秋

卷之二

大將

三五

宛諸國客，至伊修城，都尉宋將言莎車與旁國共攻殺漢所置莎車王萬年，并殺漢使者奚充國。時匈奴又發兵攻車師城，不能下而去。莎車遣使揚言北道諸國已屬匈奴矣。於是攻劫南道與歃盟畔漢，從鄯善以西皆絕不通。都護鄭吉校尉司馬意皆在北道諸國間。奉世與其副嚴昌計以為不急擊之，則莎車日強，其執難制，必危西域。遂以節諭告諸國王，因發其兵南北道合萬五千人進擊莎車，攻拔其城。莎車王白

殺傳

長安諸國悉平。咸震西域。奉世乃

罷兵以聞。帝召見韓增曰。賀將軍所舉得其

人。奉世遂西至大宛。大宛聞其斬莎車王。禮之

異於他使。得其名馬象龍。此馬名而還。上甚說。

下議封奉世丞相將軍。皆曰。春秋之義。大夫出

疆。有可以安國家。則顯之可也。奉世功效尤著。

宜加爵土之賞。少之。蕭望之獨以奉世奉使。有

指本為送而擅矯制。違命發諸國兵。雖有功效。

不可以為後法。即封奉世。開後奉使者例。以奉

簡外春秋

卷之二

大將

三

世為比。爭遂發兵。要功萬里之外。為國家生事

於夷狄。漸不可長。奉世不宜受封。上善望之議。

以奉世為光祿大夫。水衡都尉。後為執金吾。常

惠薨。奉世代為右將軍。典屬國。永光二年秋。隴

西羌多音參。旁種反。詔召丞相韋玄成。御史

大夫鄭洪。大司馬車騎將軍王接。左將軍許嘉

右將軍奉世入議。是時歲比不登。四方饑饉。朝

廷方以為憂。而遭羌變。玄成等漠然莫有對者。

奉世曰。羌虜近在境內。背畔不以時誅。亡以威

制遠蠻。臣願帥師討之。上問用兵之數。對曰。臣

聞善用兵者。役不再興。糧不三載。故師不久暴。

而天誅亟決。往者數不料敵。而師至於折傷。再

三發射而離也。而曠日煩費。威武虧矣。今反虜

無慮二萬人。法當倍用六萬人。然羌戎弓矛之

兵耳。器不犀利。可用四萬人。一月足以決。丞相

御史兩將軍。皆以為民方收歛。時未可多發。發

萬人屯守之。且足。奉世曰。不可。天下被饑饉。士

馬盡耗。守戰之備。久廢不簡。夷狄皆有輕邊吏

簡外春秋

卷之二

大將

三

之心。而羌首難。今以萬人分屯數處。虜見兵少。

必不畏懼。戰則挫兵病師。守則百姓不救。如此。

怯弱之形見。羌人乘利。諸種並和。相扇而起。臣

恐中國之役。不得止於四萬。非財幣所能解也。

誠少發師。而曠日與一舉。而疾決利害。相萬也。

固爭之不能得。有詔益二千人。於是遣奉世將

萬二千騎。以將屯為名。典屬國任立護軍都尉

韓昌為偏裨。到隴西。分屯三處。典屬國為右軍。

屯白石。護軍都尉為前軍。屯臨洮。奉世為中軍。

七首陽西極山名。上前軍到降同阪先遣校尉
在前與羌爭地利。又別遣校尉救民於廣陽谷。
羌虜盛多皆爲所破。殺兩校尉。奉世具「地形
部衆多少之計。願益三萬六千人。乃足以決事。
書奏。天子大爲發兵六萬餘人。拜太常弋陽侯
任千秋爲奮武將軍。以助焉。奉世上言願得其
衆。不須煩大將。因陳轉輸之費。上於是以璽書
勞奉世。且讓之曰。皇帝聞將兵。右將軍甚苦暴
露。羌虜侵邊境。殺吏民。甚逆天道。故遣將軍帥

關外春秋

卷之三 大將

三

士大夫行天誅。以將軍材質之美。奮精兵誅不
軌。百下百全之道也。今乃有畔敵之名。大爲中
國羞。以昔不開習之故邪。以恩厚未洽。信約不
明也。朕甚怪之。且兵凶器也。必有成敗者。患策
不豫。定料敵不審也。故復遣奮武將軍。兵法曰。
大將軍出。必有偏裨。所以揚威武。參計策。將軍
又何疑焉。夫愛吏士。得衆心。舉而無悔。擒敵必
全。將軍之職也。若乃轉輸之費。則有司存。將軍
勿憂。須奮武將軍兵到。合擊羌虜。十月兵畢。至

隴西十一月並進羌虜大破斬首數千級餘皆
走出塞。上曰。羌虜破散。創艾亡。逃出塞。其罷吏
士頗留屯田。備要害處。明年二月奉世還京師。
更爲左將軍。光祿勳如故。其後錄功。賜奉世爵
關內侯。後歲餘。奉世病卒。居爪牙官。前後十年。
爲折衝宿將。功名次趙克國。

按善用兵者必識權變之宜。酌多寡之用。馮
子明使外國。則因莎車之叛。以節告諭諸國。
而發兵滅之。典屬國則憤西羌之反。而執意

關外春秋

卷之三 大將

早

請兵四萬。而並進以破之。可謂知兵矣。乃天
子大發兵六萬人。拜任千秋爲奮武將軍。以
助焉。奉世上言。但願得衆。不須復煩大將者。
何恐其不知三軍之權。而同三軍之任也。而
天子下璽書勞奉世。其褒崇之者甚至。曰。大
將軍出。必有偏裨。明以主將。推轂奉世矣。遂
能斬虜數千。威加遠蠻。雖易稱折首。詩美來
威。何以加焉。

評曰。奉世本以皇華送大宛諸國客。而見莎

車與旁國共攻殺漢所置莎車王并殺漢使者又與匈奴歃盟畔漢鄯善之道不通遂假便宜擅興師矯制而征之誅莎車王雖踰義干法立功萬里之外威震殊俗名揚四海帝且召見韓增賀所舉得其人而蕭望之獨以矯制違命爲罪媚嫉孰甚焉功成難居自古記之矣。

奉世死後二年西域都護甘延壽以誅郅支單于封侯於是杜欽上疏追訟奉世前功以

開外春秋

卷之三

大將

聖

爲奉世便宜發兵誅莎車王策定城郭功施邊境議者以奉世未使有指漢法矯制不得侯今延壽發城郭兵屯田吏士四萬人誅斬郅支單于封爲列侯臣愚謂比罪則郅支薄量敵則莎車衆用師則奉世寡計勝則奉世爲功於邊境安其違命而擅生事同延壽割地封而奉世獨不錄功同賞異非聖主所以勸忠厲節之意也。

漢執金吾潁川太守前河內太守行大將軍事

雍奴威侯寇恂

恂字子翼昌平人初爲郡功曹太守耿況甚重之更始立使使者徇郡國曰先降者復爵位恂從耿況迎使者於界上況上印綬使者納之一宿無還意恂乃勒兵入見使者就請之使者不與恂曰今天下初定國信未宜使君建節銜命以臨四方郡國莫不延頸傾耳望風歸命今始至上谷而先墮大信何以號令它郡乎且耿府

開外春秋

卷之三

大將

聖

君在上谷久爲吏人所親爲使君計莫若復之以安百姓使者不應恂叱左右以使者命召況況至恂進取印綬帶況使者不得已乃承制詔之況受而歸及王郎起遣將徇上谷急發況兵恂說況曰邯鄲拔起難可信向大司馬劉公尊賢下士可以歸附況曰邯鄲方盛力難獨拒如何恂曰今上谷完實控弦萬騎請東約漁陽齊心合衆邯鄲不足圖也況然之乃遣恂到漁陽結謀彭寵恂還至昌平襲擊邯鄲使者殺之奪

其軍遂與況子弁等俱南。及光武於廣阿拜恂。偏將軍。數與鄧禹謀議。禹奇之。光武南定河內。而更始大司馬朱鮪等盛兵據洛陽。光武問禹曰。誰可使守河內者。禹曰。寇恂文武備足。有牧人禦衆之才。可使也。乃拜恂河內太守。行大將軍事。光武謂恂曰。昔高祖留蕭何鎮關中。吾今委公以河內。堅守轉運。給足軍糧。率厲士馬。防過它兵。勿使北渡而已。光武於是復北征燕代。恂移書屬縣。講兵肄射。伐淇園之竹。爲矢百餘

關外春秋

卷之二 大將

四

萬養馬二千。足收租四百萬斛。轉以給軍。朱鮪聞光武北。而河內孤。使蘇茂賈強將兵三萬人。度鞏河攻溫。檄書至。恂卽勒軍馳出。並移告屬縣。發兵會於溫下。軍吏皆諫止。恂曰。溫郡之藩蔽。失溫則郡不可守。遂馳赴之。旦日合戰。而偏將軍馮異遣救。及諸縣兵適至。恂乃令士卒乘城鼓譟。大呼言曰。劉公兵到。蘇茂軍聞之。陳動。恂因奔擊。大破之。追至洛陽。遂斬賈強。茂兵多投河。歾者生獲萬餘。恂與馮異渡河而還。自是

洛陽震恐。城門晝閉。時光武傳聞朱鮪破河內。有頃。恂檄至。大喜曰。吾固知寇子翼可任也。諸將畢賀。因上尊號。於是卽帝位。時軍食乏。恂以登車驥駕轉輸。前後不絕。尚書升斗以廩百官。帝數策書勞問。恂同門生茂陵董崇說恂曰。上新卽位。四方未定。而君侯以此時據大郡。內得人心。外破蘇茂。威震鄰敵。此讒人側目之時也。昔蕭何守關中。悟鮑生之言。而高祖悅。今君所將皆宗族昆弟也。無乃當以前人爲鑑。戒恂然

關外春秋

卷之二 大將

四

其言。稱疾不視事。帝將攻洛陽。先至河內。恂來從軍。帝曰。河內未可離也。數固請不聽。乃遣兄子寇張。姊子谷崇。將突騎爲軍鋒。帝善之。皆以爲偏將軍。建武二年。復拜恂潁川太守。封雍奴侯。執金吾。賈復在汝南。部將殺人於潁川。恂捕得戮之。復以爲耻。還過潁川。謂左右曰。吾與寇恂並列將帥。而今爲其所陷。今見恂。必手劔之。恂知之。不欲與相見。谷崇曰。崇將也。得帶劔侍側。卒有變。足以相當。恂曰。不然。昔藺相如不畏

秦王而屈於廉頗者爲國也乃救屬縣盛供具
儲酒醪執金吾軍入界一人皆兼二人之僕恂
乃出迎於道稱疾而還賈復勒兵欲追之而吏
士皆醉遂過去恂遣谷崇以狀聞帝乃召恂恂
至引見時復先在坐欲起相避帝曰天下未定
兩虎安得私鬪今日朕分之於是並坐極歡遂
共車同出結友而去恂歸潁川代朱浮爲執金
吾從車駕擊隗囂而潁川盜賊羣起帝乃引軍
還謂恂曰潁川迫近京師當以時定惟念獨卿

關外春秋

卷之二 大將

聖

能平之恂對曰潁川剽輕聞陛下遠踰阻險有
事隴蜀故狂狡乘間相誑誤如開乘輿南向賊
必惶怖歸歿恂願執銳前驅即日車駕南征而
恂從至潁川盜賊悉降而竟不拜郡百姓遮道
曰願從陛下復借寇君一年乃畱恂初隗囂將
高峻擁兵萬人據高平第一及囂歿峻據高平
堅守建威大將軍耿弇等圍之一歲不拔帝自
征之進軍及汧峻猶不下帝議遣使降之乃謂
恂曰爲吾行也若峻不卽降引耿弇等五營擊

之恂奉璽書至第一峻遣軍師皇甫文出謁辭
禮不屈恂怒遂斬之遣其副歸告峻曰軍師無
禮已戮之矣欲降急降不欲固守峻惶恐卽日
開城門降諸將皆賀因曰敢問殺其使而降其
城何也恂曰皇甫文峻之腹心其所取計者也
今來辭意不屈必無降意全之則文得其計殺
之則峻亡其膽是以降耳恂經明行修名重朝
庭所得秩俸厚施朋友故人及從吏士常曰吾
因士大夫以致此其可獨享之乎時人歸其長

關外春秋

卷之二 大將

聖

者以爲有宰相器卒謚威侯
按寇子翼堅守河內轉輸不絕可與鄴侯蕭
何比肩論功而又講兵肄射造矢養馬以待
軍興及檄至卽勒兵破賊子翼真文武備足
有牧人禦衆之才也不負仲華之推轂矣
評曰董崇引鮑生諷蕭何之事以規寇恂恂
卽遣兄子姊子爲軍鋒善哉董崇之謀也慕
蕭相如屈廉頗之高義而善處賈復揣皇甫
文爲高峻之腹心而卽時誅戮識畧有過人

者故穎川賊平百姓願復借一年一部廿一
史能有兩子翼哉史稱子翼經明行脩名重
朝廷非溢美也

三十年前余嘗出塞見偏裨諸將稱監司諸
公曰恩臺及余通籍晉中縮兩邑符參游諸
公有稱余爲恩府者若故都闢而下公然南
面庭謂之心竊不安曰將軍乘旄乘障當一
面何挹損如是而曰舊規也偶蒐考子翼功
蹟得詢云吾國士夫以攷此一語可見社并

開外春秋

卷之三

大將

四

之、必、須、文、吏、汲、引、自、漢、而、已、然、矣、乃、近、日、矯
枉、過、直、有、建、議、欲、勒、郡、邑、長、吏、執、屬、禮、者、果
可、帖、然、行、否、吾、意、積、重、積、輕、之、執、匪、朝、伊、夕
矣、恐、終、難、更、張、也、無、益、徒、費、唇、舌、耳、

三立堂新編閩外春秋卷之二

華胥外史漢陽 尹商 于皇甫 著

漢征南大將軍守益州牧大司馬歸德壯侯岑

彭

彭字君然，棘陽人。漢兵起，攻拔棘陽，彭歸宛，與嚴說共城守。漢兵攻之數月，城中糧盡，人相食。彭乃與說舉城降，諸將欲誅之。大司徒伯升曰：「彭郡之大吏，執心堅守，是其節也。今舉大事，當表義士，不如封之以勸其後。」更始乃封彭為歸

關外春秋

卷之三大將

一

德侯，令屬伯升。及伯升遇害，彭復為大司馬。朱鮪校尉會光武徇河內，彭因進說曰：「今赤眉入關，更始危殆，權臣放縱，矯稱詔制，道路阻塞，四方蜂起，群雄競逐，百姓無所歸命，竊聞大王平河北，開王業，此誠皇天祐漢士人之福也。」彭幸蒙司徒公所見全濟，未有報德，旋被禍難，永恨於心。今復遭遇，願出身自効。光武深接納之，更始大將軍呂植將兵屯淇園，彭說降之。於是拜彭為刺姦大將軍，使督察眾營，授以常所持節。

從平河北光武即位拜彭廷尉行大將軍事與

吳漢等圍洛陽數月，朱鮪等堅守不肯下。帝以彭嘗為鮪校尉，令往說之。鮪在城上，彭在城下，相勞苦歡語如平生。彭因曰：「彭往者得執鞭侍從，蒙薦舉拔擢，常思有以報恩。今皇帝受命平定燕趙，盡有幽冀之地，百姓歸心，賢俊雲集，親率大兵來攻洛陽，天下之士逝其去矣。公雖嬰城固守，將何待乎？」鮪曰：「大司徒被害時，鮪與其謀，又諫更始無遣蕭王北伐，誠自知罪深，彭還

關外春秋

卷之三大將

二

具言於帝。帝曰：「夫建大事者，不忌小怨。鮪今若降，官爵可保，况誅罰乎？」河水在此，吾不食言。彭復往告鮪，鮪從城上下索，曰：「必信，可乘此上。」彭趣索欲上，鮪見其誠，即許降。後五日，鮪將輕騎詣彭，乃面縛與彭俱詣河陽。帝即解其縛，召見之。復令彭夜送鮪歸城，明日悉其眾出降。拜鮪為平狄將軍，封扶溝侯。南郡人秦豐據黎丘，自稱楚黎王，遷彭征南大將軍，令率傅俊、臧宮、劉宏三萬餘人南擊秦豐，拔黃郵，豐與其大將蔡

宏拒彭等於鄧數月不得進帝怪以詰彭彭懼於是夜勒兵馬申令軍中使明且西擊山都乃緩所獲虜令得逃亡歸以告豐豐即悉其軍西邀彭彭乃潛兵渡沔水擊其將張揚於阿頭山大破之從川谷間伐木開道直襲黎丘擊破諸屯兵豐聞大驚馳歸救之彭與諸將依東川為營豐與蔡宏夜攻彭彭豫為之備出兵逆擊之豐敗走追斬蔡宏更封彭為舞陰侯八年彭從車駕破天水與吳漢圍魏於西城時公孫述

關外春秋 卷之三 大將 三

將李育將兵救置守上邽帝留蓋延耿弇圍之而車駕東歸敕彭書曰兩城若下便可將兵南擊蜀虜人苦不知足既平隴復望蜀每一發兵頭鬚為白彭遂壅谷水灌西城城未沒丈餘置將行巡周宗將蜀救兵到蓋得出還冀漢兵軍食盡燒輜重引兵下隴延弇亦相隨而退弇出兵尾擊諸營彭殿為后拒○故諸將能全師東歸九年公孫述遣其將任滿田戎程汎將數萬人拔夷道夷陵據荆門虎牙橫江水起浮橋關

樓立措柱絕水道結營山上以拒漢兵彭數攻之不利於是裝直進樓船冒突露橈數千艘十一年春彭與吳漢等發南陽武陵南郡兵又發桂陽零陵長沙委輸棹卒凡六萬餘人騎五千匹皆會荆門吳漢以三郡棹卒多費糧穀欲罷之彭以為蜀兵盛不可遣上書言狀帝報彭曰大司馬習用步騎不曉水戰荆門之事一由征南公為重而已彭乃令軍中募攻浮橋先登者上賞於是偏將魯奇應募而前時大風狂急彭

關外春秋 卷之三 大將 四

奇船逆流而上直衝浮橋而繫在鈎不得去奇等乘勢殊死戰因飛炬焚之風怒火盛橋樓崩燒彭復悉軍順風並進所向無前蜀兵大亂溺死者數千斬任滿生獲程汎而田戎亡保江州彭長驅入江關令軍中無得虜掠所過百姓皆奉牛酒迎勞彭見諸耆老為言大漢哀愍巴蜀久見虜役故典師遠伐以討有罪為人除害辭不受其牛酒百姓大悅爭開門降詔彭守益州牧所下郡輒行太守事彭到江州以田戎食名

難卒拔留馮駿守之。自引兵乘利直指墊江。攻破平曲。公孫述使其將延岑、呂鮪、王元及其弟恢、悉兵拒廣漢及資中。又遣將侯丹率二萬餘人距黃石。彭乃多張疑兵，使護張楊翁與臧宮拒延岑等。自分兵浮江下，還江州，沂都江而上，襲擊侯丹，大破之。因晨夜倍道兼行二千餘里，徑拔武陽，使精騎馳廣都，去成都數十里。勢若風雨，所至皆奔散。初，述聞漢兵在平曲，故遣大兵逆之。及彭至武陽，繞出延岑軍後，蜀地震駭。

關外春秋

卷之三 大將

五

述大驚，以杖擊地曰：「是何神也！」彭所營地名彭亡，聞而惡之，欲徙。會日暮，蜀刺客詐為亡奴，降夜刺殺彭。彭首破荆門，長驅武陽，持軍整齊，秋毫無犯。邛穀王任貴聞彭威信，數千里遣使迎降。會彭已薨，帝盡以任貴所獻，賜彭妻子，謚曰壯侯。蜀人憐之，為立廟武陽，歲時祠焉。

按岑君然西擊山都，而潛渡沔水，與韓信夏湯渡軍相似。荆門之戰，乘風縱火，燒斷浮橋，與黃蓋赤壁糜兵相似。張疑兵以牽制延岑。

而自率兵沂東江而上，徑拔武陽，繞出延岑軍後，此出其不意，所以公孫述杖地而破膽也。評曰：范曄作後漢書云中興將帥，惟岑彭馮異兩人之功為大。若岑公之義信，乃足以威三軍而懷敵人也。昔高祖忌柏人之名，亟去以避禍，征南惡彭亡之地，欲徙而未決，豈幾慮之不明，將期數使之然乎。

關外春秋

卷之三 大將

六

漢大司馬大將軍廣平忠侯吳漢

漢字子顏南陽宛人也王莽末亡命至漁陽以
販馬為業往來燕薊間交結豪傑聞光武長者
獨欲歸之乃說太守彭寵曰漁陽上谷突騎天
下所聞也君何不合二郡精銳附劉公擊邯鄲
耶寵以為然而官屬皆欲附主寵不能奪漢乃
辭出止外亭念所以誘眾未知所出望見道中
有一儒生即使人召之為具食問以所聞生因
言劉公所過為郡縣所歸邯鄲舉尊號者實非

開外春秋 卷三 大將 七

劉氏漢大喜即詐為光武書移檄漁陽使生齋
以詣寵漢隨後入寵甚然之於是遣漢將兵與
上谷諸將并軍而南擊斬王郎將帥追及光武
於廣阿拜漢為偏將軍既拔邯鄲賜號建策侯
漢為人質厚少文造次不能以辭自達鄧禹素
知之光武將發幽州兵鄧禹謂吳漢勇鸞有智
謀可使也即拜漢大將軍持節北發十郡突騎
更始幽州牧苗曾聞之陰勒兵勅諸郡不應調
漢乃將二十騎先馳至無終曾以漢無備造次

出迎漢即擄兵收曾斬之而奪其軍北州震駭

城邑莫不望風靡從遂悉發其兵引而南與光
武會于洧陽初更始遣尚書命謝躬率六將軍
攻王郎不能下會光武至共定邯鄲而躬裨將
等好虜掠光武不能制雖俱在邯鄲實分城而
處以故光武時時假借之躬後還屯鄴及光武
南擊青犢謂躬曰我追賊於射犬必破之左來
在山陽者執必走若以君威力擊此散虜必成
擒也躬曰善乃留大將軍劉度魏郡太守陳康

開外春秋 卷三 大將 八

守鄴自率諸將軍擊之窮寇死戰躬遂大敗光
武因躬在外乃使漢與岑彭襲其城漢先命辯
士說陳康康然之於是康收劉慶及躬妻子開
門內漢等躬不知康已反之乃與數百騎徑入
城漢伏兵收之手擊殺躬其眾悉降光武即位
拜漢為大司馬封舞陽侯建武二年擊檀鄉賊
於鄴東漳水上大破之降者十餘萬人帝使使
者璽書定封漢為廣平侯率驃騎大將軍杜茂
强弩將軍陳俊等圍蘇茂於廣樂劉永將周建

別招聚十餘萬人來救。漢將輕騎迎與之戰，不利。墮馬傷膝，還營。建等遂連兵入城，諸將請漢曰：「大敵在前，而公傷卧，衆心懼矣。」漢乃勃然裹創而起，椎牛饗士，令軍中曰：「賊衆雖多，皆劫掠，群盜勝不相讓，敗不相救，非有伏節死義者也。今日封侯之秋，諸君勉之。」於是軍士激怒，人倍其氣。旦日建茂出兵圍漢，漢選四部精兵黃頭吳河等及烏桓突騎三千餘人，齊鼓而進，爭門並入，大破之。茂建突走，漢留杜茂陳俊等守廣

國外春秋

卷之三

大將門

九

樂。目將兵助蓋延圍劉永於睢陽，永既死，二城皆降。而鬲縣五姓共逐守長據城而反，諸將爭欲攻之。漢不聽，曰：「使南反者皆守長罪也，敢輕冒進兵者斬。」乃移檄告郡，使收守長，而使人謝城中。五姓大喜，即相率歸降。諸將乃服曰：「不戰而下城，非所及也。」十二年春，與公孫述將戰於魚涪津，大破之。遂圍武陽，述遣子壻史典將兵來救。漢迎擊，典盡殄其衆，因入犍爲界。諸縣皆城守。漢乃進軍攻廣都，拔之，遣輕騎燒成都市。

橋武陽以東諸小城皆降。帝戒漢曰：「成都十餘萬衆，不可輕也。但堅據廣都，待其來攻，勿與爭鋒。若不敢來，公轉營迫之，須其力疲，乃可擊也。」漢乘利遂自將步騎三萬餘人，進逼成都，去城十餘里，阻江北爲營，作浮橋，使副將武威將軍劉尚將萬餘人屯於江南，相去二十餘里。帝聞大驚，讓漢曰：「比勅公千條萬端，何意臨事勃亂？既輕敵深入，又與尚別營，事有緩急，不復相及。賊若出兵，綴公以大眾攻尚，尚破，公即敗矣。」宜

國外春秋

卷之三

大將門

十

急引兵還廣都。詔書未到，述果使其將謝豐袁吉將十許萬，分爲二十餘營，并出攻漢。使別將萬餘人劫劉尚，令不得相救。漢與大戰，一日兵敗走入壁，豐因圍之。漢乃詔諸將厲之曰：「吾與諸君踰越險阻，轉數千里，所在斬獲，遂深入敵地，至其城下，而今與劉尚二處受圍，勢既不接，其禍難量。欲潛師就尚於江南，并兵禦之，若能同心一力，人自爲戰，大功可立。諸將皆曰：「諾。」於是饗士秣馬，閉營三日不出，乃多立旛旗，使煙

火不絕夜，啣枚引兵與劉尚合，豐等不覺。明日乃分兵拒水北，自將攻江南。自旦至晡，遂大破之。斬謝豐、袁吉。於是引還廣都，留劉尚拒述。其以狀上，而深自譴責。帝報曰：公還廣都，甚得其宜。述必不敢略尚而擊公也。若先攻尚，公從廣都五十里，昔步騎赴之，適當值其危困，破之必矣。自是漢與述戰於廣都，成都之間，八戰八剋。遂軍于其郭中，述自將數萬人出城大戰，漢使護軍高午、唐邯將數萬銳卒擊之，述兵敗走。高

外春秋 卷之三 大將 十一

午奔陣刺述殺之，旦日城降，斬述首，傳送洛陽。漢性強力，每從征伐，帝未安，常側足而立，諸將見戰陣不利，或多惶懼，失其常度。漢意氣自若，方整厲器械，激揚吏士。帝時遣人觀大司馬何為，還言方修戰攻之具，歎曰：吳公差強人意，隱若一敵國矣。每當出師，朝受詔，夕即引道，初無辦嚴之日，故能常任職，以功名終。及在朝廷，斤斤謹質，形於體貌。漢常出征，妻子買田業，漢還責之曰：軍師在外，吏士不足，何多買田宅乎？

十年病篤，車駕親臨問所欲言，對曰：臣愚無所知識，惟陛下慎無赦而已。及薨，賜諡忠侯，發北軍五校輕車介士送葬。如大將軍霍光故事。按吳子顏、斬苗曾以發其兵，襲謝躬而奪其城，獲索二千，平原破蘇茂于廣樂，拒公孫述于廣都，其功大矣。第貪并力以攻，器而不知汰，冗節食，乘勝以攻述，而分營受困，此其失也。

評曰：子顏自建武世常居上公之位，帝終始倚賴之，諒由質厚而勇鷙也。斷賊非仗節死義，軍亂而堅卧不動，非智謀孰能之乎？漢有陳平、周勃，高帝信任，不替子顏，足以相方矣。

外春秋 卷之三 大將 十三

後漢建威大將軍陰廩愍侯耿弇

弇字伯昭扶風人弇少好學常見郡尉試騎士建旗鼓肄馳射由是好將帥之事聞光武在盧奴乃馳北上謁光武留署門下吏弇因說護軍朱祐求歸發兵以定邯鄲光武笑曰小兒曹乃有大意哉因從光武北至薊聞邯鄲兵方到光武欲南歸弇曰今兵從南來不可南行漁陽太守彭寵公之邑人上谷太守卽弇父况也發此兩郡控弦萬騎邯鄲不足慮也會薊中亂光武

關外春秋

卷之三 大將

十三

遂南奔走昌平就况因說况使寇恂東約彭寵各發兵合軍而南所過擊斬王郎大將以下四百餘級定涿郡等凡二十二縣遂及光武於廣阿是時光武方攻王郎傳言二郡兵爲邯鄲來衆皆恐既而見弇等光武大悅皆以爲偏將軍還領其兵加况大將軍興義侯弇等遂攻拔邯鄲光武入居邯鄲宮更始見光武威名日盛遣使立光武爲蕭王令罷兵時光武晝卧溫明殿弇入造牀下因說曰今更始失政君臣淫亂元

元叩心更思莽朝公首事南陽破百萬之軍今

定河北據天府之地以義征伐發號舉漢天下可傳檄而定天下至重不可令他姓得之聞使者從西方來欲罷兵不可從也弇願歸幽州益發精兵以集大計光武大悅乃拜弇爲大將軍與吳漢北發幽州十郡兵弇悉發上谷兵從光武擊破銅馬高湖赤眉青犢又追尤來大槍五幡於元氏建武元年光武卽位三年弇從幸春陵因自請北收上谷兵未發者定彭寵于漁陽

關外春秋

卷之三 大將

十四

取張豐於涿郡還收富平獲索東攻張步以平齊地帝壯而許之建武五年復詔弇進討張步弇悉收集降卒結步曲置將吏率騎都尉劉欽大山太守陳俊引兵而東張步聞之乃使其大將軍費邑軍歷下又分兵屯祝阿別於泰山鍾城列營數十以待弇弇渡河先擊祝阿自旦攻城未中而拔之故開圍一角令其衆得奔歸鍾城鍾城人聞祝阿已潰大恐懼遂空壁亡去費邑分遣弟敢守巨里弇乃嚴令軍中趣修攻具

先救諸部後三日當悉力攻巨里城陰緩降者令得亡歸以奔期告邑邑至日果自將精兵三萬來救奔喜謂諸將曰吾所以修攻具者欲誘至邑耳即分三千人守巨里自引精兵上岡阪乘高合戰大破之臨陣斬邑取首級以示巨里城中兇懼費敢悉衆亡歸張步奔復收其積聚縱兵擊諸未下者平四十餘營遂定濟南時張步都劇使其弟藍將精兵二萬守西安諸郡太守合萬餘人守臨淄相去四十里奔進軍

開外春秋 卷之三大將 五

中居二城之間奔視西安城小而堅且藍兵又精臨淄名雖大而實易攻乃救諸校後五日攻西安藍聞之晨夜儆守至期夜半奔救諸將皆蓐食天明至臨淄城護軍荀梁等爭之以爲宜速攻西安奔曰不然西安開吾欲攻之日夜爲備臨淄不意吾至必驚擾吾攻之必拔臨淄拔即西安孤張藍與步隔絕必復亡去所謂擊一而得二者也遂攻臨淄半日拔之入據其城張藍聞之大懼遂將其衆亡歸劇奔乃令軍中無

得妄掠劇須張步至乃取之以激怒步步乃與三弟藍洪壽及故大槍梁帥重異等兵號二十萬至臨淄大城東將攻奔奔先出淄水上與重異遇突騎欲縱奔故示弱以盛其氣乃引歸小城步氣盛直攻奔營與列歆等合戰奔升王宮壞臺望之視歆等鋒交乃自引精兵以橫突步陳於東城下大破之飛矢中奔股以佩刀截之左右無知者至暮罷明日復勒兵出是時帝在魯聞奔爲步所攻自往救之未至陳俊謂奔

開外春秋 卷之三大將 十六

曰劇虜兵盛可且閉營休士以須上來奔曰乘輿且到臣子當擊牛釀酒以待百官反欲以賊虜遺君父邪乃出兵大戰自旦及昏復大破之殺傷無數城中溝塹皆滿奔知步困將退豫置左右翼爲伏以待之人定時步果引去伏兵起縱擊追至鉅昧水上八九十里僵尸相屬收得輜重二千餘兩步還劇兄弟各分兵散去後數日車駕至臨淄自勞軍羣臣大會帝謂奔曰昔韓信破歷下以開基今將軍攻祝阿以發迹此

皆齊之西界。功足相方。而韓信襲擊已降。將軍獨拔勅敵。其功乃難於信也。將軍前在南陽。建此大策。常以爲落落難合。有志者事竟成也。又田橫烹鄒生。及田橫降。高帝詔衛尉不聽爲仇。張步前亦殺伏隆。若步來歸命。吾當詔大司徒釋其怨。又事尤相類也。弁因復追步。步奔平壽。乃肉袒負斧鑕於軍門。弁傳步詣行在所。而勒兵入據其城。立十二郡旗鼓。令步兵各以郡人詣旗下。衆尚十餘萬。輜重七千餘兩。皆罷遣歸。

關外春秋

卷之三 大將

七

鄉里。弁復引兵至城陽。降五校餘黨。齊地悉平。振旅還京。弁凡所平郡四十六。屠城三百。未嘗挫折。十三年。增弁邑上大將軍印綬。罷以列侯奉朝請。每有四方異議。輒召入問籌策。年五十六。永平元年薨。謚曰愍侯。

按耿伯昭用兵甚合古法。拔祝阿而令人得奔鍾城者。欲威服鍾城人也。脅巨里而使人得奔告費邑者。欲誘致邑也。聲言攻西安而大會兵臨淄者。攻其所不守也。引兵歸小城。

而示之弱者。欲驕張步之氣。而餌之來攻也。總之以奇譎。取勝非斤斤襲故套者。評曰。伯昭之初從光武。才年二十一。小兒曹耳。卽能決榮河北。定計南陽。宜發光武之笑也。未幾拜大將軍。封好畤侯。所向陷敵。不以賊虜遺君父。較之韓信功。堪伯仲。豈非有志者事竟成哉。帝之褒讚。非虛譽也。

關外春秋

卷之三 大將

六

後漢征西將軍太尉前左車騎將軍領冀州牧

贈驃騎將軍槐里侯皇甫嵩

嵩字義真安定朝那人少有文武志介好詩書
習弓馬靈帝公車召為議郎遷北地太守初鉅
鹿張角起皆著黃巾為標幟時人謂之黃巾所
在燔燒官府州郡失據長吏多逃亡旬日之間
天下響應京師震動於是發天下精兵博選將
帥以嵩為左中郎將持節與右中郎將朱雋共
發五校三河騎兵及募精勇合四萬餘人嵩雋

外春秋

卷之三 大將

二九

各統一軍共討潁川黃巾雋前與賊波才戰戰
敗嵩因進保長杜波才引大眾圍城嵩兵少軍
中皆恐乃召軍吏謂曰兵有奇變不在眾寡今
賊依草結營易為風火若因夜縱燒必大驚亂
吾出兵擊之四面俱合田單之功可成也其夕
遂大風嵩乃約敕軍士皆束苴苴束葦燒之也乘城使
銳士間出圍外縱火大呼城上舉燎應之嵩因
鼓而奔其陳賊驚亂奔走會帝遣騎都尉曹操
將兵適至嵩操與朱雋合軍更戰大破之斬首

數萬級封嵩都鄉侯時北中郎將盧植及東中

郎將董卓討張角並無功而還乃召嵩進兵討
之嵩與角弟梁戰於廣宗梁眾精勇嵩不能尅
明日乃閉營休士以觀其變知賊意稍懈乃潛
夜勒兵鷄鳴馳赴其陳戰至晡時大破之斬梁
獲首三萬級赴河死者五萬許人復與鉅鹿太
守馮翊郭典攻角弟寶於下曲陽又斬之首獲
十餘萬人築京觀於城南即拜嵩為左車騎將
軍領冀州牧封槐里侯嵩奏請冀州一年田租

外春秋

卷之三 大將

二九

以贍饑民帝從之百姓歌曰天下大亂兮市為
墟母不保子兮失其妻賴得皇甫兮復安居嵩
溫郵士卒甚得眾情每軍行頓止須營幔修立
然後就舍帳軍士皆食已乃嘗飯吏有因事受
賂者嵩更以錢物賜之吏懷慙或至自殺嵩既
破黃巾威震天下而朝政日亂海內虛困故信
都令漢陽閻忠說嵩曰難得而易失者時也時
至不旋踵者幾也故聖人順時以動智者因機
以發今將軍遭難得之逆蹈易駭之機而踐運

不撫臨機不發將何以保大名乎。嵩曰：何謂也？忠曰：天道無親，百姓與能。今將軍受鉞於暮春，收功於冬末，兵動若神，謀不再計，威德震本朝，風聲馳海外。雖湯武之舉，未有高將軍者也。今身建不賞之功，體兼高人之德，而北面庸主，何以求安乎？嵩曰：夙夜在公，心不忘忠，何故不安？忠曰：不然。昔韓信不忍一餐之遇，而棄三分之業；利劍已揣其喉，方發悔毒之歎者，機失而謀乖也。今將軍指僞足以振風雲，叱咤可以興雷電，赫然奮發，因危抵頹，徵冀方之士，動七州之衆，羽檄先馳，大軍響振，蹈流漳河，飲馬孟津，誅闖宦之罪，除羣兇之積。雖僮兒可使奮拳，以致力；女子可使褰裳，以用命。况厲熊羆之卒，因迅風之執哉！功業已就，天下已順，然後請呼上帝，示以天命。混齊六合，南面稱制，移寶鼎於將興，摧亡漢於已墜。實神機之至會，風發之良時也。夫既朽不雕，衰世難佐。若欲輔難佐之朝，雕朽敗之木，是猶逆坂走丸，迎風縱棹，豈易也哉！且

關外春秋

卷三 大將門

三

今監宦羣居同惡，如市上命不行，權歸近習昏主之下，難以久居。不賞之功，讒人側目。如不早圖，悔無及矣。嵩懼曰：委忠本朝，守其臣節，雖云多讒，不過於廢。猶有令名，死且不朽。反常之論，所不敢聞也。忠知計不用，因亡去。梁州賊王國、圍陳倉，復拜嵩為左將軍，督前將軍董卓各率二萬人拒之。卓欲速進，赴陳倉，嵩不聽。卓曰：智者不後時，勇者不留決。速救則城全，不救則城滅。全滅之執，在於此也。嵩曰：不然。百戰百勝，不如不戰而屈人之兵。是以先為不可勝，以待敵之可勝。不可勝在我，可勝在彼。彼守不足，我攻有餘。有餘者動於九天之上，不足者陷於九地之下。今陳倉雖小，城守固備，非九地之陷也。王國雖疆，而攻我之所不救，非九天之執也。夫執非九天，攻者受害，陷非九地，守者不拔。國今已陷，受害之地，而陳倉保不拔之城，我可不煩兵動衆，而取全勝之功。將何救焉？遂不聽。王國圍陳倉，自冬迄春，八十餘日，城堅守固，卒不能拔。

關外春秋

卷三 大將

三

賤衆疲敝果自解去嵩進兵擊之卓曰不可兵法窮寇勿迫歸師勿追今我追國是迫歸衆追窮寇也困獸猶鬪蜂蟻有毒况大衆乎嵩曰不然前吾不擊避其銳也今而擊之待其衰也所擊疲師非歸衆也國衆且走莫有鬪志以整擊亂非窮寇也遂獨進擊之使卓爲後拒連戰大破之斬首萬級國走而死卓大慙恨由是忌嵩明年卓拜爲并州牧詔使以兵委嵩卓不從嵩從子鄴時在軍中說嵩曰本朝失政天下倒懸

關外春秋

卷之三 大將

三

能安危定傾者惟大人耳今怨隙已結勢不俱存卓被詔委兵而上書自請此逆命也又以京師昏亂躊躇不進此懷奸也大人今爲元帥仗國威以討之上顯忠義下除凶害此桓文之專也嵩曰專命雖罪專誅亦有責也不如顯奏其事使朝廷裁之於是上書以聞帝謫卓卓又增怨及後秉政乃徵嵩爲城門校尉欲因而殺之嵩將行長史梁衍說曰漢室微弱關豎亂朝董卓雖誅之而不能盡忠於國遂復寇掠東邑廢

立從意今召將軍大則危禍小則困辱今卓在洛陽天子來西以將軍之衆精兵三萬迎接至尊奉令討逆發命海內召兵羣帥袁氏逼其東將軍迫其西此成禽也嵩不從遂就徵有司承旨奏嵩下吏將遂誅之嵩子堅壽與卓素善自長安亡走洛陽歸投於卓卓方置酒歡會堅壽直前質讓責以大義叩頭流血坐者感動皆離席請之卓乃起牽與共坐使免嵩囚及卓被誅以嵩爲征西將軍又拜太尉病卒贈驃騎將軍

關外春秋

卷之三 大將

三

印綬嵩爲人愛慎盡勤前後上表陳諫有補益者五十餘事皆手書毀草不宜于外又折節下士門無留客時人皆稱而附之按閻忠之說義真與蒯通之說韓信先後一揆義真之不聽閻忠與韓信之不聽蒯通亦先後一揆及從子鄴說之討董卓而不肯專誅梁衍說之迎至尊而不肯討逆可謂之不失臣節亦大猷矣非其子堅壽之泣救必爲卓所刀俎矣

評曰功名者世之所重也誠能不爭天下之所甚重則怨禍不深矣皇甫嵩朱雋並以上將之略受賑倉卒之時及其功成師尅威聲滿天下值弱主蒙塵穢賊放命斯誠葉公投袂之幾翟義鞠旅之日故梁衍獻規山東連盟而舍格天之大業蹈匹夫之小諒卒狼狽虎口爲智士笑豈天之長斯亂也何智勇之不終甚乎前史著平原華嶠稱其祖魏太尉欲言時人說皇甫嵩之不伐汝豫之戰歸功

開外春秋

卷之三大將

三

於朱雋張角之捷本之於盧植收名飲策而已不與焉是以赴履危亂而能終以歸全其致不亦貴乎

董卓以虓闕爲性劍斷爲情譬如猛火不可嚮。適皇甫嵩據兵法以拄其口決意進擊王國國敗而卓遂忌嵩其免于刺亦幸矣。迺卓敗而帝使嵩攻卓弟旻於郿塢殺其母妻男女盡滅其族嗚呼天網固不漏哉

魏丞相使持節都督中外諸軍事安平郡文宣

公司馬懿

懿字仲達河內溫縣人少有奇節性猜忌多權變漢末大亂常慨然有憂天下心曹操爲司空聞而辟之懿知漢運方微不欲屈節曹氏辭以風痺及操爲丞相又辟爲文學掾勅行者曰若復盤桓便收之懿懼乃就職從討張魯言於操曰劉備以詐力虜劉璋蜀人未附而遠爭江陵此機不可失也今若耀威漢中益州震動進兵

開外春秋

卷之三大將

三

臨之勢必瓦解聖人不能違時亦不失時矣操曰人苦無足既得隴右復欲得蜀耶不從又言荆州刺史胡修龐恭南鄉太守傅方驕奢並不居邊操不之察及蜀將關羽圍曹仁於樊于禁等七軍皆沒修方果降羽是時諸將皆以操以爲近賊欲徙河北懿諫曰禁等爲水虜非賊守之失於國家大計未有所損而便遷都既示敵以弱又淮沔之人大不安矣孫權劉備內親外疎羽之得意權必不願也可論權令特

其後則樊圍自解操從之權果遣將呂蒙西襲公安拔之羽遂為蒙所獲操薨子丕嗣封河津亭侯轉丞相長史及丕代漢以懿為尚書轉督軍御史中丞封安國鄉侯又遷侍中尚書右僕射黃初七年丕病篤懿與曹真等並受顧命輔政叡嗣位詔懿屯於宛加督荊豫二州諸軍事蜀將孟達之降也魏朝遇之甚厚懿以達言行傾巧不可任不聽乃以達領新城太守封侯假節達於是連吳固蜀潛圖中因蜀相諸葛亮恐

開外春秋

卷之三 大將

三

其反覆又慮其為患達與魏興太守申儀有隙亮欲促其事乃遣郭模詐降過儀因漏泄其謀達聞其謀漏泄將舉兵懿恐達速發以書諭之日將軍昔棄劉備託身國家國家委將軍以疆場之任任將軍以圖蜀之事可謂心貫白日蜀人愚智莫不切齒於將軍諸葛亮欲相破惟恐無路耳模之所言非小事也亮豈輕之而令宣露此殆易知耳達得書大喜猶豫不決懿乃潛軍進討諸將言達與二國交構宜觀望而動懿

曰達無信義此其相疑之時也乃倍道兼行八日到其城下初達與亮書曰宛去洛八百里去吳一千二百里聞吾舉事當表上天子此相反覆一月間也則吾城已固諸君足辨司馬公必不自來諸將來吾無患矣及兵到達又告亮曰吾舉事八日而兵至城下何其神速也竟斬達首傳京師俘獲萬餘人振旅還宛帝訪問二虜宜討何者為先對曰吳以中國不習水戰故敢散居東關凡攻敵必扼其喉而奪其心夏口東

開外春秋

卷之三 大將

三

關賊之心喉若為陸軍以向皖城引權東下為水戰軍向夏口乘其虛而擊之此神兵從天而墜破之必矣天子然之又遷大將軍加都督假黃鉞與曹真伐蜀懿自西城斫山開道水陸並進拔其新豐縣軍次丹口遇雨班師諸葛亮攻天水圍祁山詔懿西屯長安都督雍梁二州諸軍事統將軍張郃刺史郭淮等拒亮郃勒懿分軍駐雍郃為後鎮懿曰料前軍獨能當之者將軍言是也若不能當而分為前後此楚之三軍

所以爲黥布禽也。遂進軍隴。麋亮聞大軍且至，乃自帥衆將芟上却之麥。諸將皆懼，懿曰：「亮慮多決少，必安營自固。然後芟麥，吾得二日兼行足矣。」於是卷甲晨夜赴之。亮望塵而遁，懿曰：「吾倍道疲勞，此曉兵者之所貪也。」亮不敢據渭水，此易與耳。進次漢陽，與亮相遇，懿列陣以待之。使將牛金輕騎餌之，追至祁山，攻拔其圍。亮宵遁，追擊破之。時軍師杜襲等言：「明年麥熟，亮必爲寇。」懿曰：「亮再出祁山，一攻陳倉，挫衄而反，縱

關外春秋

卷之三 大將

三

其後出不復攻城，當求野戰，必在隴東，不在西也。亮每以糧少爲恨，歸必積穀，以吾料之，非三稔不能動矣。後亮又帥衆十餘萬出斜谷，壘于渭之渭水南原，帝憂之，遣護軍秦朗督步騎二萬受懿節度。諸將欲往渭北以待，懿曰：「百姓積聚皆在渭南，此必爭之地也。」遂引軍而濟，背水爲壘。因謂諸將曰：「亮若勇者，當出武功，依山而東。若西上五丈原，諸軍無事也。」亮果上原，將北渡渭。懿遣將軍周當屯陽遂以餌之。數日，亮不

動。懿曰：「亮欲爭原而不向陽遂，此意可知也。」遣將軍胡遵、刺史郭淮共備陽遂，與亮相會于積石。臨原而戰，懿以亮僑軍遠寇，利在急戰，故亮數挑戰，懿不出。因遣懿中帳婦人之飾，懿怒，表請決戰。帝不許，乃遣衛尉辛毗仗節以制之。後亮復來挑戰，懿將出兵，毗仗節而立軍門，懿乃止。懿與亮相對壘百餘日，會亮病卒，諸將燒營遁去。懿出兵追之，亮長史楊儀反，旗鳴鼓，若將距之。書懿不敢逼，儀結陣而去。經日，乃行其營壘，觀

關外春秋

卷之三 大將

三

其遺事，獲其圖書糧穀，曰：「天下奇才也。」辛毗以爲亮未必死，懿曰：「軍家所重，軍書密計，兵馬糧穀，今皆棄之，豈有人捐其五臟而可以生乎？宜擊追之。」關中多蒺藜，懿使軍士三千人著軟材平底木履，前行，蒺藜著履，然後馬步俱進，追到赤岸，乃知亮果死。百姓爲之諺曰：「死諸葛走生仲達。」懿聞而笑曰：「吾能料生，不料死，故也。」先是亮使至，懿問其寢食及政事之煩簡，使對云：「亮曰：諸葛公其能久乎？竟如其言。」三年，選

太尉累增封邑遼東太守公孫淵反召懿詣京師問曰此不足以勞君事欲必克故以相煩耳君度其作何計對曰棄城預走上計也據遼水以拒大軍次計也坐守襄平此成擒耳帝曰其計將安出對曰惟明者能深度彼已預有所棄此非其所及也曰往還幾時對曰往百日還百日攻百日以六十日為休息一年足矣遂進師淵果遣步騎數萬阻遼隧堅壁而守南北六七十里以拒懿懿盡兵多張旗幟出其南賊諺銳

關外春秋 卷之三 大將 主

赴之懿乃泛舟潛濟以出其北與賊營相迫沉舟焚梁傍遼水作長圍欲向襄平諸將言曰不攻賊而作圍非所以示眾也懿曰賊堅營高壘欲以老吾兵也攻之正入其計此王邑所以耻過昆陽也古人曰敵雖高壘不得不與我戰者攻其所必救也賊大眾在此則巢窟虛矣我直指襄平必人懷內懼懼而求戰破之必矣遂整陣而過賊見兵出其後果邀之懿乃縱兵逆擊大破之三戰皆捷賊保襄平遷軍圍之初淵聞

魏師之出也請救於孫權權亦出兵遙為之聲援遣淵書曰司馬公善用兵所向無前深為弟憂之會霖潦大水平地數尺三軍恐欲移營懿令軍中敢有言徙者斬賊恃水樵牧自若諸將欲取之皆不聽司馬陳珪曰昔攻上庸八部並進晝夜不息故能一旬之半拔堅城斬孟達今者遠來而更安緩愚竊惑焉懿曰孟達眾少而食支一年吾將士四倍於達而糧不淹月以一月圍一年不可不速以四擊一正令失半猶首

關外春秋 卷之三 大將 主

為之是以不計死傷與糧競也今賊眾我寡賊饑我飽水雨乃爾功力不設雖當促之亦何所為自發京師不憂賊攻但恐賊走今賊糧垂盡而圍落未合掠其牛馬抄其樵采此故驅之走也夫兵者詭道善因事變賊憑眾恃雨故雖饑困未肯束手當示無能以安之取小利以驚之非計也既而雨止遂合圍起土山地道楯櫓鉤衝發石矢雨下晝夜攻之時有長星色白有芒鬣自襄平城西南流于東北墜于梁水城中震

惛滿攻南園突出，懿縱兵擊破之，斬於梁水上。星墜之所，既入城，立兩標以別新舊。男子年十五以上七千餘人，皆殺之。僞公卿以下皆伏誅。修其將軍畢盛等二十餘人，遂班師。帝遣使勞軍于薊，增封食二縣。明帝崩，與曹爽並受遺詔。輔少主及齊王卽帝位，遷侍中、持節、都督中外諸軍、錄尚書事，乘輿入殿。俄爲大傅，入殿不趨。贊拜不名，劔履上殿。如蕭何故事。吳將全琮寇芍陂，朱然孫倫圍樊城，諸葛瑾法騰掠祖中。懿

問外春秋 卷之三 大將 三

請自討之。議者以爲賊遠來攻樊，不可卒拔。挫於堅城之下，自有破之之勢。宜長策以御之。懿曰：邊城受敵，而坐坐廟堂，疆場騷動，衆心疑惑。是社稷之大憂也。乃督諸軍南征，車駕送出津陽門。懿以南方暑濕，不宜持久，使輕騎挑之。然不敢動。於是休戰士，簡精銳，募先登，申號令。示必攻之勢。吳軍夜遁走，收其舟船軍資而還。帝遣使勞軍于宛，增封邑子弟十一人，皆爲列侯。吳將諸葛恪屯皖，懿欲擊之。議者多以賊據堅

城，今懸軍遠攻，進退不易。懿曰：賊之所長者，水也。今攻其城而觀其變。若用其所長，棄城奔走，此爲廟勝也。若敢固守，湖水冬涸，船不得行。魏必棄水相救，由其所短，亦吾利也。於是督諸軍擊恪，車駕送至津陽門。軍次于舒，恪焚積聚，棄城而遁。懿以滅賊在于積穀，乃太興屯守，開渠修陂，自是淮北倉庾相望。壽陽至于京師，農官屯兵連屬焉。八年，懿與爽有郤，稱疾不與政事。嘉平元年春正月，帝謁高平陵，與兄弟皆從。

問外春秋 卷之三 大將 三

是日太白襲月。懿於是奏永寧太后廢爽兄弟，假司徒高柔節行大將軍事，領爽營，命大僕王觀行中領軍攝義營。懿親帥大尉蔣濟等勒兵出迎。天子屯于洛水浮橋上，奏爽有無君之心，兄弟不宜典兵宿衛。奏皇后，皇后勅如奏施行。臣輒勅王者及黃門罷爽義兵，各以本官侯就第。若稽留車駕以軍法從事。臣輒力疾將兵詣洛水浮橋伺察。非常既而有司乃收爽兄弟等，誅之。二月，帝以懿爲丞相，增封邑，并前爲八縣。

奏事不名。十二月加九錫。朝會不拜。二年懿以久疾不任朝請。每有大事。帝親幸第以諮訪焉。三年帝使太僕庾疑持節策命懿為相國封安平郡公。六月寢疾卒于京師。時年七十三。帝素服臨弔。喪葬威儀。依霍光故事。謚文宣。

按司馬懿善用兵。變化若神。所向無前。孫仲謀且憚之。孟達公孫淵非其敵也。自投奔鍾耳懿嘗云。凡攻敵必扼其喉而吞其心。得用兵肯繁矣。

關外春秋

卷之三

大將

三五

評曰。碁逢敵手。藝壓當行。仲達自負天下少雙。而畏孔明如虎。甘受巾幗之遺。辟之日本國。王子善圍碁。見待詔顧師言。凝思落指。作鎮神頭。王子矚目縮臂。已伏不勝。此其所以為仲達也。孔明已死。而猶走仲達。孔明於是高仲達多矣。司馬懿忍人也。心最毒。而手最辣。遼東之役。斬男子及將軍等九千餘人。又挾讐而殺曹爽。何晏。鄧粲。桓範。畢軌。李勝。張當等。坐以大

逆俱夷。三族嗚呼。其忍也。所以一再傳。而兄弟相屠。僅存三人矣。其孫遂為劉曜所逼。而街壁出降。劉聰出獵。令戎服前導。後因大會。使行酒洗盃。更衣執蓋。遂見殺。天道好還。洵不誣也。

初孟德嘗懿有狼顧相。又夢三馬同食一槽。謂子丕曰。可馬懿非人臣也。必項汝家。事竟遷魏。鼎云。嗚呼。司馬懿於曹不至善也。曹叔之禮懿亦至。余嘗攷叔大漸時。引入嘉福殿

關外春秋

卷之三

大將

三五

卧內。升御床而執其手。目齊王曰。以後事相托。死乃復可。忍忍死待君。得相見。無所復恨矣。懿蓋兩朝顧命大臣。受遺托寄。非孟德父子之於漢比也。既受其託。殺而奪之。以為己有。豈其主庸若劉禪。虐若孫皓者乎。夫庸若劉禪。而蜀之君臣如故也。虐若孫皓。而吳之君臣如故也。必如司馬懿父子。則國家崇班重任。盡為盜柄。君之視臣如股肱。心膂者。乃引而納之。廟牆內也。一介之士。必有密友。况

有國者將矣託哉

懿破公孫淵時軍士寒凍乞禱弗與曰禱者官物人臣無私施也乃至魏鼎大物躬自盜之而絕不恤惜何哉及明帝問王導前世所以得天下導為陳懿叛逆之始及文帝末高貴鄉公事明帝以面覆牀曰若如公言晉祚安得長遠迹其猜忍蓋有符于狼顧也甚哉懿之狡而爽之愚也目擊曹爽專擅朝政遂稱疾不與爭李勝來候遂詐稱篤疾指口言

關外春秋

卷之三 大將

七

渴流涕沾胸故作聲氣纒屬死在旦夕之狀爽遂信其為尸居餘氣不復慮矣及太白襲月鴛馬戀菽豆不用桓範之謀空負智囊之往曹子丹乃生此狃獷求貧賤不可得尚望其以侯就第作富家翁耶甚哉懿之狡而爽之愚也

吳偏將軍領南郡太守行都督事周瑜

瑜字公瑾廬江舒人初孫堅興義兵討董卓徙家於舒堅子策與瑜同年獨相友善瑜推道南大宅以舍策陞堂拜母有無通共及策薨權統事瑜與張昭共掌眾事曹公入荊州劉琮舉眾降曹公得其水軍船步兵數十萬將士聞之皆恐權延見羣下問以計策議者咸曰曹公豺虎也託名漢相挾天子以征四方動以朝廷為辭今日拒之事更不順且將軍恃以拒操者長江

關外春秋

卷之三 大將

夫

也今操得荊州掩有其地劉表治水軍蒙衝鬪艦乃以千數操悉浮以沿江兼有步兵水陸俱下此為長江之險已與我共之矣而眾寡又不可論不如迎之瑜曰不然操雖託名漢相其實漢賊也將軍以神武雄才兼伏父兄之烈割據江東地方數千里兵精用足英雄樂業尚當橫行天下為漢家除殘去穢况操自送死而可迎之邪請為將軍籌之今使北土已安操無內憂能曠日持久與我較勝負於船楫乎今北上既

未平安加馬超韓遂尚在關西為操後患且舍鞍馬仗舟楫與吳越爭衡本非中國所長又今盛寒馬無藁草驅中國士眾遠涉江湖之間不習水土必生疾病此數事者用兵之患也而操皆冒行之將軍掄操宜在今日瑜請得精兵三萬人進駐夏口保為將軍破之權曰老賊欲廢漢自立久矣徒忌二袁呂布劉表與孤耳今數雄已滅惟孤尚存孤與老賊勢不兩立君言當擊其與孤合此天以君授孤也遂拔刀斫前奏

關外春秋

卷之三

大將

三九

案曰諸將吏敢復言迎操者與此案同及夜瑜請見曰諸人徒見操書言水步八十萬而各恐懾不復料其虛實也今以實校之彼所將中國人不過十五六萬且軍已久疲所得表眾亦極七八萬耳尚懷狐疑夫以疲病之卒御狐疑之眾甚未足畏得精兵五萬自足制之願將軍勿慮權撫背曰卿言至此甚合孤心子布文表諸人各顧妻子挾持私慮甚失所望獨卿與子敬與孤同耳此天以卿二人贊孤也五萬兵難卒

合已選三萬人船艖戰具俱辦卿與子敬程公便在前發孤當續發人眾多載糧資為卿後援卿能辦之者誠決邂逅不如意便還就孤孤當與孟德決之時玄德為曹公所破欲引南渡江與魯肅遇於當陽遂共圖計因進駐夏口遣諸葛亮詣權權遂遣瑜及程普等與玄德并力逆曹公遇於赤壁時曹公軍眾已有疾病初一交戰公軍敗退引次江北瑜等在南岸瑜部將黃蓋曰今寇眾我寡難與持久然觀操軍方連船

關外春秋

卷之三

大將

早

艦首尾相接可燒而走也乃聚蒙衝鬪艦數十艘實以薪草膏油灌其中裹以帷幕上建牙旗先書報曹公欺以欲降又預備走舸各繫大船後因引次俱前曹公軍吏士皆延頸觀望指言蓋降蓋放諸船同時發火時風盛猛悉延燒岸上營落頃之煙焰漲天人馬燒溺死者甚眾軍遂敗退還保南郡備與瑜等復共追曹公留曹仁等守江陵城徑自北歸瑜與程普又進南郡與仁相對各隔大江兵未交鋒瑜即遣甘寧前

據夷陵仁分兵騎別攻圍寧寧告急於瑜瑜用
呂蒙計留凌統以守其後身與蒙往救寧寧圍
既解乃渡屯北岸尅期大戰瑜親跨馬掠陣會
流矢中右脇創甚便還後仁問瑜卧未起勒兵
就陣瑜乃就興按行軍營激揚吏士仁遂退權
拜瑜偏將軍領南郡太守屯據江陵劉備以左
將軍領荊州牧治公安備詣京見權瑜上疏曰
劉備以梟雄之姿而有關羽張飛熊虎之將必
非久屈爲人用者愚謂大計宜徙備置吳盛爲

關外春秋

卷三 大將

三

築宮室多其美女玩好以娛其耳目分此二人
各置一方使如瑜者得挾與攻戰大事可定也
今猥割土地以資業之聚此三人俱在疆場恐
蛟龍得雲雨終非池中物也權以曹公在北方
當廣攬英雄又恐備難卒制故不納是時劉璋
爲益州牧外有張魯寇侵瑜乃詣京見權曰今
曹操新折衄方憂在腹心未能與將軍連兵相
爭也乞與奮威俱進取蜀得蜀而并張魯因留
奮威固守其地好與馬超結援瑜還與將軍據

襄陽以賊操北方可圖也權許之瑜還江陵爲
行裝而道於巴陵病卒時年三十六權素服舉
哀感動左右喪當還吳又迎之蕪湖瑜性度恢
廓程普願以年長數陵侮瑜折節容下不與
校普自後敬服而親重之告人曰與周公瑾交
若飲醇醪不覺自醉初曹操聞瑜年少有美才
謂可游說動也密下揚州遣九江蔣幹以布衣
葛巾自託私行詣瑜瑜出迎之立謂幹曰子翼
良苦遠涉江湖爲曹氏作說客耶因延幹入爲

關外春秋

卷三 大將

三

設酒食畢遣出就館後三日瑜請幹與偏觀營
中行視倉庫軍資器仗訖還宴飲因曰大夫遇
知已之主外託君臣之義內結骨肉之恩言行
計從禍福共之假使蘇張更生鄭叟復出猶撫
其背而折其辭豈足下所能移乎幹笑而撫所
言及還稱瑜雅量高致非言辭所間玄德之自
吳還也權追送之玄德因言次嘆瑜曰公瑾文
武籌略萬人之英顧其器量廣大不久爲人臣
耳瑜之破曹軍也操書與權曰赤壁之役值有

疾病孤燒船自退、橫使周瑜虛獲此名、瑜威名遠著、故劉曹咸疑、借之及卒、權流涕曰、公瑾有王佐之資、今忽短命、孤何賴哉、後權僭尊號、謂公卿曰、孤非公瑾不帝矣、

按阿瞞橫舉賦詩、又說許多志得意滿之語、自當取敗、公瑾遂乘其驕而碎之、又得孔明好幫手、密勝疏、二勝一自然之理也、黃公覆之苦肉、龐士元之連環、皆所以佐東風之談、而斷送八十萬人馬性命耳、看來孔明公瑾

阿外春秋

卷三 大將

三

確是兩奕秋對奕、孔明差先一着、是以過之、評曰、公瑾美姿貌、工籌策、是以大見寵任、入作心膂、出爲爪牙、銜命出征、身當矢石、故能推孟德于烏林、走曹仁于郢都、揚國威德、三方皆震、先主嘗稱其爲萬人之英、仲謀亦譽其爲王佐之資、蓋獨斷之明、出衆人之表、實奇才也、不幸蚤世、惜夫、

公瑾少精意于音樂、雖三爵之後、其有關誤必知之、知之必顧、故時人諺曰、曲有誤、周郎

顧然則向郎不獨韜鈴之雄、又風雅之士矣、孟德言爲大將者、先明天時、方今隆冬之際、但有西風北風、何嘗有東風南風、此乃言其常耳、世間却有一種異人、別具偷天換日手段、移星轉斗方術、借風猶其小者也、孔明既祭風、又遠害、神機妙算、他人不惟做不得、亦解不得、

三立堂新編閩外春秋卷之四

華胥外史漢陽 尹商 子皇甫 著

吳丞相上大將軍荊州牧右都護領護昌事江

陵侯陸遜

遜字伯言吳郡人本名議世江東大族孫權為將軍遜年二十一始仕幕府權以兄策女配遜數訪世務遜建議曰古今英雄基時豺狼關望克敵寧亂非衆不濟而山寇舊惡依阻深地夫腹心未平難以圖遠可立部伍取其精銳權納

閩外春秋

卷之四

一

其策以為帳下右部督會丹陽賊帥費棧受曹公印綬扇動山越謀作內應權遣遜討棧棧支黨多而遜兵少遜乃益施牙幢分布鼓角夜潛山谷間鼓譟而前應時破散遂部伍東三郡強者為兵羸者補戶得精卒數萬人宿惡盡除呂蒙稱疾詣建業遜往見之謂曰開羽接境如何遠下蒙口誠如來言然我病篤遜曰羽矜其驍氣陵轢於人始有大功意驕志逸但務北進未嫌於我今聞君病必益無備出其不意可擒制

也蒙曰羽勇猛難敵且已據荊州恩信大行兼有大功膽勢益盛未易圖也蒙至都權問誰可

代卿者蒙對曰陸遜意思深長才堪負重觀其規慮終可大任而未有遠名非羽所忌無復是過若用之當令外自韜隱內察形便然後可克權乃召遜拜偏將軍右部督代蒙遜至陸口作書與羽羽覽遜書有謙下自託之意意大安遜具陳羽可擒之狀權乃潛軍而上使遜與呂蒙為前部至既克公安南郡遜徑進領宜都太守

閩外春秋

卷之四

二

拜撫邊將軍封華亭侯蜀所署太守委郡走諸城長吏及蠻夷君長皆降遜請金銀銅印以假授初附又遣將破蜀詹晏降陳鳳大破鄧輔郭睦誘降文布前後斬獲招納凡數萬計權以遜為右護軍鎮西將軍進封婁侯時荊州士人新還仕進或未得所遜上疏曰昔漢高受命招延英異光武中興郡俊畢至今荊州始定人物未達臣愚乞普加覆載抽拔之恩令並獲自進然後四海延頸思歸大化權敬納其言公安南郡

黃武元年，劉備率大衆來向西界，權命遜爲大都督，假節督朱然、潘璋、韓當、徐盛、孫桓等五萬人拒之。備從巫峽建平連圍至夷陵界，立數十屯，以金錦爵賞誘動諸夷，使將軍馮習爲大督，張南爲前部，先遣吳班將數千人於平地立營，欲以挑戰，諸將皆欲擊之。遜不許，曰：「備舉兵東下，銳氣始盛，且乘高守險，難可卒攻。攻之縱下，猶難盡克。若有不利，損我大勢，非小故也。今但且獎厲將士，廣施方略，以觀其變。若是平原曠

關外春秋

卷之四 大將

三

野當恐有顛沛交馳之憂。今緣山行軍，勢不得展，自當罷于木石之間，徐制其敵耳。諸將不解，以爲遜畏之，各懷憤恨，知計不行，乃引伏兵八千從谷中出。遜曰：「所以不聽諸軍擊班者，揣之必有巧故也。」遜上疏曰：「夷陵要害，國之西門，雖爲易得，亦復易失，失之非徒損一郡，荊州可憂。今日爭之，當令必諧，且備前後行軍，多敗少成，臣初嫌之。水陸俱進，今反舍船就步，處處結營，察其布置，必無他變。諸將並曰：「攻備當在初，今

乃令入五六百里相銜持，經七八月，其諸要害皆已固守，擊之必無利矣。」遜曰：「備是猾虜，更嘗事多，其軍始集，思慮精專，未可干也。今任已久，不得我便，兵疲意沮，計不復生，犄角此寇，正在今日。」乃先攻一營，不利。諸將皆曰：「空殺兵耳。」遜曰：「吾已曉破之之術，乃勅各持一把茅，以火攻拔之，火勢甚盛，遜率諸軍同時相攻，斬張南、馮習及胡王沙摩柯等，首破其四十餘營。備將杜路、劉寧等窮逼請降，備升馬鞍山，陳兵自繞，遜

關外春秋

卷之四 大將

四

督促諸軍四面蹙之，土崩瓦解，死者萬數。備因夜遁，驛人自擔燒鎧斷後，僅得入白帝城，其舟船器械、水步軍資，一時略盡，尸骸漂流塞江而下。備大慙，悲曰：「吾乃爲遜所折辱，豈非天邪？」初，孫桓別討備前鋒於夷道，爲備所圍，求救於遜。遜曰：「未可。」諸將曰：「孫安東公族，見圍已困，柰何不救？」遜曰：「安東得士衆心，城牢糧足，無可憂也。待吾計展，不救安東。」安東自解，及方略大施，備果奔潰。桓後見遜曰：「前實怨不見救，定至今日。」

乃知調度自有方耳。當禦備時，諸將軍或是孫策時舊將，或公室貴戚，各自矜恃，不相聽從。遜案劔曰：劉備天下知名，曹操所憚，今在境界，此強敵也。諸君並荷國恩，當相輯睦，共翦此虜。上報所受而不相順，非所謂也。僕雖書生，受命主上，回家所以屈諸君使，承望者以僕有尺寸可稱，能忍辱負重故也。各任其事，豈復得辭。軍令有常，不可犯也。及至破備，計多出遜，諸將乃服。權聞之曰：君何以初不啓諸將違節度者耶。

外春秋

卷之四 大將

五

遜對曰：受恩深重，任過其才，又此諸將或任腹心，或堪爪牙，或是功臣，皆國家所當與共克定大事者。臣雖駑懦，竊慕相如、寇恂相下之義，以濟國事。權大笑稱善，加拜遜輔國將軍，領荊州牧，改封江陵侯。備既在白帝，徐盛等競言備必可擒，乞復攻之。遜以為曹丕大合士衆，外許助國討備，內實有奸心，謹決計輒還。未幾，魏軍果出，備尋病亡。子禪襲位，諸葛亮秉政，與權連和。時事所宜，權輒令遜語亮，并刻權印以盟。遜所

權每與禪亮書，常過示遜，輕重可否有所不安，便令改定，以印封行之。七年，權使鄱陽太守鮪、謁魏大司馬曹休，休舉衆入皖，乃召遜假黃鉞為大都督，逆休。休既覺知，耻見欺誘，自恃兵馬精多，遂交戰。遜自為中部，令朱桓、全琮為左右翼，三道俱進，果衝休。休兵因蹶走之，追亡逐北，徑至夾石，斬獲萬餘，牛馬騾驢車乘萬兩，軍資器械略盡。休還，疽發背死。諸軍振旅過武昌，權令左右以御蓋覆遜，出入殿門。凡所賜遜，皆

外春秋

卷之四 大將

六

御物上珍，於時莫與為比。黃龍元年，拜上大將軍，右都護。權欲取夷州，朱崖、遜疏止之，不聽。遂征夷州，得不償失。及公孫淵背盟，權欲征，遜又疏止之。權用納焉。嘉禾五年，權北征，使遜與諸葛瑾攻襄陽。遜遣親人韓扁齎表奉報，還遇敵於沔中，鈔還得扁。瑾聞之，甚懼，書與遜云：大駕已旋，賊得韓扁，具知吾闕，且水乾宜當急去。遜未答，方催人種葑豆，與諸將奕碁射戲如常。瑾曰：伯言多智略，其當有以自來見。遜曰：

賊知大駕已旋，無所復慮，得專力於吾。又已守要害之處，兵衆意動，且當自定以安之。施設變術，然後出耳。今便示退，賊當謂吾怖，仍來相蹙。必敗之勢也。乃令瑾督舟船，遜悉上兵馬，以向襄陽。敵素憚遜，遠還赴城。瑾便引船出，遜徐整部伍，張拓聲勢，步趨船，敵不敢逼。赤烏七年，代顧雍爲丞相，其州牧都護領武昌事如故。及太子有異議，遜屢上疏，極諫不聽，累遣中使責讓。遜憤恚，卒。年六十三。次子抗，襲爵。

關外春秋

卷之四 大將

七

按呂蒙推較陸遜，弟云意思深長，遜之自許，弟云能忍辱負重，彼淺露輕佻者，必非大將之選矣。遜蓋慕蘭寇相下之義，以濟國事，所以卻大敵而立大功焉。若會稽太守淳于式表遜，愁擾人民，而遜獨稱式佳吏，此長者之事也。

評曰：玄德天下解雄，舉世所憚。陸遜春秋方壯，威名未著，催而克之，罔不如志。余旣奇遜之謀略，又嘆權之知人，所以濟大事也。遜忠

誠懇至憂國亡身，庶幾社稷之臣矣。獨恠玄德親見周瑜，以火攻敗曹兵，而身爲陸遜，火攻所敗，豈老而憤憤也。遜亦言玄德更嘗事多，何頓忘赤壁之役耶。總之天心去漢，孔明留之而不足，伯言敗之而有餘，悲夫。

伯言與關公書，旣云揀猾虜也，恐潛增衆以逞其心。又云戰勝之後，常苦輕敵，明以規公，亦以探公也。而公處之晏然，卒爲所虜，吾於是而知伯言之精于兵法，實而示之以實也。

關外春秋

卷之四 大將

八

惜乎關公之剛而自矜，不顧其後耳。

晉都督荊州諸軍事假節散騎常侍加征南大將軍開府儀同三司贈侍中太傅鉅平成侯羊祜

祜字叔子、泰山南城人、世吏二千石、至祜九世、並以清德聞、祜蔡邕外孫、景獻皇后同產弟也、年十二、嘗遊汶水之濱、遇父老曰、孺子有好相、年未六十、必建大功於天下、既而去、莫知所在、及長、博學能屬文、身長七尺二寸、美鬚眉、善談論、司馬昭爲大將軍、徵拜中書侍郎、俄遷給事

關外春秋

卷之四 大將

九

黃門郎、陳留王立、賜爵關內侯、以少帝不願爲侍臣、求出補吏、徙祕書監、及五等建、封鉅平子、後拜相國、從事中郎、與荀勗共掌機密、遷中領軍、統宿衛入直殿中、武帝代魏、以佐命助進號中軍將軍、帝將伐吳、以祜爲都督荊州諸軍事、假節散騎常侍衛將軍、出鎮南夏、開設庠序、綏懷遠近、甚得江漢之心、與吳人開布大信、降者欲去、皆聽之、吳石城守襄陽七百餘里、每爲邊害、祜患之、卒以詭計、令吳罷守、於是戍邏減半、

分以墾田八百餘頃、大獲其利、祜之始至也、軍無百日之糧、及至季年、有十年之積、詔罷江北都督、置南中郎將、以所統諸軍在漢東、江鈴者皆以益祜、祜在軍常輕裘緩帶、身不被甲、夏間之下、侍衛者不過十數人、而頗以畋漁廢政、嘗欲夜出、軍司徐嗣執檠當營門曰、將軍都督萬里、安可輕脫、將軍之安危、亦國家之安危也、嗣今日若死、此門乃開耳、祜改容謝之、此後稀出矣、後加車騎將軍開府、如三司之儀、祜上表固

關外春秋

卷之四 大將

一

讓曰、臣自出身以來、適十數年、受任外內、每極顯重、夙夜戰悚、以榮爲憂、古人申於見知、大臣之節、不可則止、臣雖小人、念存斯義、今天下自服化以來、雖側席求賢、然臣不能推有德、達有功、使聖聽知勝臣者多、未達者不少、假令有遺德於版築之下、有隱才於屠鈞之間、而朝議用臣、不以爲非、臣處之、不以爲愧、所失豈不大哉、且臣所見雖狹、據今光祿大夫李憲、魯芝、李胤、執節高亮、潔身寡欲、而猶未蒙斯選、臣更越之、

何以塞天下之望。今方隅多事，乞留前恩，使臣得速還屯，不聽。祐以孟獻營武牢而鄭人懼，晏弱城東陽而萊子服，乃進據險要，開建五城，收膏腴之地，奪吳人之資，石城以西，盡為晉有。自是前後降者不絕，乃增修德信，以懷柔初附。慨然有吞并之心，每與吳人交兵，尅日方戰，不為掩襲之計。將帥有欲進譎詐之策者，輒飲以醇酒，使不得言。人有略吳二兒為俘者，祐即遣還。後吳將夏詳、邵顛等來降，二兒之父亦率其屬

閩外春秋

卷之四 大將

十一

與俱。祐軍入吳境，刈穀為糧，皆計所侵，送絹償之。每會眾江沔遊獵，常止晉地，若禽獸先為吳人所傷，而為晉兵所得者，亦送還之。於是吳人翕然悅服，稱為羊公。不之名也。祐與陸抗相對，使命交通，抗稱祐之德量，雖樂毅諸葛孔明不能過也。抗嘗病，祐饋之藥，抗即服之。人有止抗者，抗曰：「豈有醜人羊叔子哉？」時談以為華元子反復見於今。抗每告其戍曰：「彼專為德，我專為暴，是不戰而自服也，各保分界而已，無求細利。」

孫皓聞而詰抗，抗曰：「一邑一鄉，不可以無信義，况大國乎？臣不如此，正是彰其德於祐，無傷也。」咸寧初，除征南大將軍，開府儀同三司，得專辟召。祐以伐吳必籍上流之勢，又時吳有童謠曰：「阿童復阿童，銜刀浮渡江，不畏岸上獸，但畏水中龍。」會益州刺史王濬召為大司農，濬小字阿童也。因表留濬監益州諸軍事，加龍驤將軍，密令修舟楫為順流之計。至是上疏請伐吳，帝深納其策，而議者多不同。祐歎曰：「天下不如意事

閩外春秋

卷之四 大將

十二

十居七八，故有當斷不斷，天與不取，豈非更事者恨於後時哉？祐在襄陽，每風景必造峴山置酒，言詠終日不倦，嘗慨然顧從事中郎鄒湛曰：「自有宇宙，便有此山，由來賢哲，登此者多矣，皆湮滅無聞，使人悲傷。」湛曰：「公德冠四海，聞望當與此山俱傳，至若湛輩，乃當如公言耳。」後祐寢疾，求入朝，命乘輦入殿，無下拜，甚見優禮。及侍坐，面陳伐吳之計，帝以其病，不宜常入，遣張華問其籌策。祐曰：「吳人虐政已甚，可不戰而尅，若

孫皓不幸而沒，吳人更立令主，雖百萬之衆，長江未可經越也。將爲後患乎？華深贊成其計。祐謂華曰：成吾志者吾子也。帝欲使祐卧護諸將，祐曰：取吳不須臣自行，但既平之後，當勞聖意耳。功名之際，臣不敢居。若事了，當有所付授。願審擇其人。祐疾篤，乃舉杜預自代。卒年五十八。帝素服哭之哀，是日大寒，帝須髮皆凝，結成水。南州人征市聞祐喪，莫不號慟罷市，巷哭者聲相接。吳守邊將士亦爲之泣，其仁德所感如此。

關外春秋

卷之四 大將

三

襄陽百姓於峴山建碑立廟，歲時饗祭焉。望其碑者莫不流涕。杜預因名爲墮淚碑。荆人爲祐諱名，屋室皆以門爲稱，改戶曹爲辭曹焉。祐卒一歲而吳平，羣臣上壽，帝執爵流涕曰：此羊太傳之功也。因以尅定之功，策告祐廟，仍依蕭何故事，封其夫人。

按羊叔子帥荊州，專務以德服人，不立赫赫之名，刈穀而償之絹，獵獸而還所傷，吳人安得不悅服乎？饋藥而陸抗不疑，其德量有過

人者，是以祐亦不防鉏麋之來，而輕裘緩帶，身不被甲，鈴閣之下，侍衛極簡焉。噫！此蓋以睦鄰爲制敵之術者也。

評曰：昔齊有黔夫，燕人祭北門之鬼，趙有李牧，秦王罷東并之威，桑枝不競，瓜澗空慙。羊公執德冲虛，操尚清遠，入總機密，出統方岳，垂大信於南服，傾吳人於漢渚，江衢如砥，襪袂同歸，而在乎成功弗居，幅巾窮巷，落落焉。其有風塵者也。若讓開府，辭公侯，歷年而志

關外春秋

卷之四 大將

六

不可奪，身歿而操益厲，此夷叔所以稱賢，季子所以全節也。

祐歷職二朝，任當樞要，凡所進退，人皆不知，或謂慎密太過。祐曰：是何言與？夫拜爵公朝，謝恩私門，吾不取也。蓋人臣手握魁柄，一毫不得專擅，惟以威福還主上，以是非還公論，斯保全功名，貽厥子孫之善策耳。

叔子與幼節對境，專以德信懷吳，儒者趨之，余謂晉與吳讐敵也。羊公身繫國家之安危，

當慎密以圖成可也。夫何命使相通希古之無詐無虞哉。萬一乘其不備而受來歛岑彭之禍。噬臍何及乎。胡致堂謂非良將保守封疆之長策。信夫。

祐前身乃鄰人李氏子也。年五歲時。令乳母詣李氏東垣桑樹中取所弄金環。主人驚曰。此吾亡兒所失物也。云何持去。乳母具言之。李氏悲惋。又相墓者言。祐祖墓所有帝王氣。若鑿之。猶出折臂三公。而祐竟墮馬折臂。而

閩外春秋

卷一百大將

五

位至公焉。

從甥王衍嘗詣祐陳事。辭甚俊辯。祐不然之。衍拂衣而起。祐顧謂賓客曰。王夷甫方以盛名處大位。然敗俗傷化。必此人也。卒如其言。

晉撫軍大將軍開府儀同三司加特進散騎常

侍領後軍將軍襄陽縣侯王濬

王濬字士治。弘農湖人。家世二千石。濬博涉墳典。美姿貌。恢廓有大志。嘗起宅開門前路。廣數十步。人或謂其太過。濬曰。吾欲使容長戟幡旗。衆或笑之。濬曰。陳勝有言。燕雀安知鴻鵠之志。微參征南軍事。羊祜深知待之。祐兄子暨白祐。濬為大智人。奢侈不節。不可專任。宜有以裁之。祐曰。濬有大才。將欲濟其所欲。必可用也。識者

閩外春秋

卷一百大將

五

謂祐可謂能舉善焉。除巴郡太守。郡邊吳境。兵士苦役。生男多不養。濬乃嚴其科條。寬其徑課。其產育者。皆與休復。所全活者數千人。轉廣漢太守。以功封關內侯。徵拜右衛將軍。除大司農。羊祜雅知濬有奇略。乃密表留濬。於是重拜益州刺史。武帝謀伐吳。詔濬修舟艦。濬乃作大船。連舫方百二十步。受二千餘人。以木為城。起樓櫓。開四出門。其上皆得馳馬來往。又畫鷁首怪獸於船首。以懼江神。舟楫之盛。自古未有。濬造

船於蜀其木梯蔽江而下吳建平太守吳彥取流梯以呈孫皓曰晉必有攻吾之計宜增建平兵建平不下終不敢渡皓不從尋以謠言拜濟為龍驤將軍監益梁諸軍事時朝議咸諫伐吳濟乃上疏曰臣作船七年日有朽敗又臣年七十死亡無日三者一乖則難圖也願陛下無失事機帝深納焉又杜預表請帝乃發詔分命諸方節度濟於是統兵先在巴郡之所全育者皆堪徭役供軍其父母戒之曰王府君生爾爾必

關外春秋

卷之百大將

七

勉之無愛死也濟發自成都吳人於江險磧要害之處並以鐵鎖橫截之又作鐵錐長丈餘暗置江中以送拒船濟乃作大筏數十亦方百餘步縛草為人被甲持杖令善水者以筏先行筏遇鐵錐輒著筏去又作火炬長十餘丈大數十圍灌以麻油在船前遇鎖然炬燒之須臾融液斷絕於是船無所礙詔進濟為平東將軍督益梁諸軍事濟自發蜀兵不血刃順流鼓棹徑造三山皓遣游擊將軍張象率舟軍萬人禦濟象

軍望旗而降濟入石頭皓乃肉袒面縛造于壘門濟躬解其縛送于京師收國籍封府庫以待朝命軍無私焉帝遣使者犒濟軍初詔書使濟下建平受社預節度至秣陵受王渾節度預至江陵謂諸將曰若濟得下建平則順流長驅威名已著不宜受制於我若不能尅則無緣得施節制濟至西陵預與之書曰足下既摧其西藩便當徑取秣陵討累世之逋寇釋吳人於塗炭振旅還都亦曠世一事也濟大悅表呈預書及

關外春秋

卷之百大將

八

濟將至秣陵王渾要令暫過論事濟舉帆直指建業報曰風利不得泊也王渾雖破皓中軍斬張悌等頓兵不敢進而濟乘勝納降渾耻而且忿乃表濟違詔不受節度誣罪狀之詔書責濟濟上書自理曰臣前被詔書曰軍人乘勝猛氣益壯便當順流長鶩直造秣陵臣即便東下又詔書云太尉賈充總統諸方自鎮東大將佃及渾濟彬皆受充節度無令臣別受渾節度云文臣自達巴丘所向風靡前至三山見渾軍在北

岸遣書與臣可。斲來過臣水軍風發乘勢造賊城。無緣得於長流之中。迴船過渾。伏讀嚴詔。驚怖悚慄。不知軀命當所投厝。豈唯老臣獨懷戰灼。三軍上下咸盡喪氣。案春秋之義。大夫出疆。由有專輒。臣雖愚忝。以為事君之道。惟當竭節。盡忠。奮不顧命。量力受任。臨事制宜。苟利社稷。死生以之。若其顧護嫌疑。以避咎責。此是人臣不忠之利。實非人主社稷之福也。臣不自料。忘其鄙劣。欲竭股肱之力。加之以忠貞。庶必掃除

關外春秋

卷之四 大將

十九

兇逆。願令聖世與唐虞比隆。陛下答臣愚癡。是以授臣以方牧之任。委臣以征討之事。雖燕王之信樂毅。漢祖之任蕭何。無以加焉。受恩深重。死且不報。而以頑疎舉措失宜。陛下私恩財加。切讓惶怖。怔營無地。自厝。願陛下明臣赤心而已。渾又騰周浚書云。濟軍得吳寶物。濟復表曰。秣陵之事。皆如前所表。而惡直醜正。實繁有徒。欲構南箕。成此貝錦。夫佞邪害國。自古而然。故無極破楚。宰嚭滅吳。及至石顯傾亂漢朝。皆載

在典籍為世所戒。昔樂毅伐齊下城七十而卒。被譏間。脫身出奔。樂羊既反。謗書滿篋。夫犯上千主。其罪可救。乖忤貴臣。則禍在不測。故朱雲折檻。嬰逆鱗之怒。慶忌救之。成帝不問。望之周堪。違忤石顯。雖闔朝嗟嘆。而死不旋踵。此臣之所大怖也。臣將軍素嚴。兵人不得妄離部陳。間在秣陵。諸軍凡二十萬眾。有違犯者。凡斬十三人。皆吳人所知也。又聞吳人言前張悌戰時。所殺纔有二千人。而渾浚露布言以萬計。以吳剛

關外春秋

卷之四 大將

二十

子為主簿。而遣剛至洛。欲令剛增斬級之數。若信如所聞。浚等虛詐尚欺。陛下豈惜於臣。今年平吳。誠為大慶。於臣之身。反受咎累。令清朝有譏邪之人。皇代虧穆穆之美。拜表流汗。言不識次。濟至京都。有司奏濟違詔不受渾節度。付廷尉科罪。又奏濟赦後燒賊船百三十五艘。付廷尉禁推。詔皆勿問。拜輔國大將軍。領步兵校尉。舊校惟五。置此營自濟始也。詔依征鎮給五百大車。增兵五百人。為輔國營。給親騎百人。官騎

十人置司馬、封襄陽縣侯也。萬戶又封子葵陽、鄉亭侯、賜絹萬匹、衣一襲、錢三十萬及食物。濟自以功大而為渾所抑、每進見、陳其功伐之勞、及見枉之狀、或不勝忿憤、徑出不辭。帝每容恕之。益州護軍范通、濟之外親也。謂濟曰：卿功則美矣、然恨所以居美者未盡善也。濟曰：何謂也？通曰：卿旋旆之日、角巾私第、口不言平吳之事。若有向者、輒曰：聖王之德、羣帥之力、老夫何力之有。如此、簡生所以屈廉頗也。王渾能無愧乎。

國外春秋

卷之四 大將

三

濟曰：吾始懼鄧艾之事、畏禍及身、不得無言、終不能遣諸胷中、是吾福也。博士秦秀等並表訟濟之屈。帝乃遷濟鎮軍大將軍、開府儀同三司。加特進、餘如故。太康六年卒。時年八十。謚曰武。按王濟少時、不修名行、不為鄉曲所稱。晚乃變節、徐邈之女、具一雙識英雄的俊俏眼、遂擇以為夫。而弘農之人、笑其起宅之太過、何婦人之不若也。及守廣漢、夜夢懸三刀於卧屋梁上、須臾又益一刀。遂覺。王薄李毅再拜

賀曰：三刀為州字、又益一者、明府其臨益州乎。已而果然。問人患無志耳、苟有大志、天必從之。卒以平吳、封侯開府、則長戟驍旗、皆符所言。彼燕雀成羣、安知鴻鵠之志耶。

評曰：孫氏負江山之阻隔、恃牛斗之妖氣、奄有水鄉、抗衡上國。王濟受律過征、尅清建業、定吳之功、此焉為最。向使弘范父之不伐、慕龔遂之雅對、上稟廟堂、下憑博士、豈非慙慙懋德、善始善終者歟。迺矜功負氣、喧黷宸扆、

外春秋

卷之四 大將

三

既為戒于功臣、亦致訕于清論、豈不惜哉。傳云：不拘行檢、安得長者之行哉。

王渾嘗謂濟：濟嚴設備衛、然後見之、其猜防甚矣。何其福也。若郭子儀之於魚朝恩、坦然不疑、則其德望有過乎人者、非王渾之所能及也。

濟小字阿童、時吳中有童謠曰：阿童復阿童、御刀浮渡江、不畏岸上虎、但畏水中龍。羊祜聞之、表濟監益州、加龍驤將軍。竟平吳謠言。

應矣

梁驃騎大將軍中書監都督中外諸軍事錄尚
書前使持節太尉車騎大將軍侍中司徒尚
書令鎮衛將軍開府儀同三司江揚二州刺
史永寧郡開國公王僧辯

僧辯字君才、右衛將軍神念之子。學涉該博。雖
射不穿札而有凌雲之氣。天監中隨父來奔。起
家為湘東王左常侍。累官至竟陵太守。改號雄
信將軍。時有安城望族劉躬者。田間得白蛆。化
為金龜。將銷之。龜生光照室。躬以為神而禱之。

所請多驗。遂謀作亂。遠近響應。元帝命曹子郢
討之。使僧辯襲安城。子郢既破其軍。躬走安城。
僧辯擒之。由是以勇略稱。侯景反。王命僧辯假
節督舟師一萬赴援。纔至京都。宮城陷沒。天子
蒙塵。僧辯與柳仲郢兄弟等先屈膝于景。然後
入朝。景悉收其軍實。而厚加撫綏。俄遣僧辯歸
竟陵。於是倍道兼行。西就元帝。元帝承制。以僧
辯為領軍將軍。及荆湘疑貳。軍師失律。元帝又
命僧辯等討之。分給軍糧。尅日就道。而僧辯以

河東少有武幹，兵刃又彊，新破軍帥養銳待敵。竟陵甲士猶未盡來，意欲待集，而元帝性嚴急，以為遷延不肯去，按劍厲聲曰：「卿拒命不行，是欲同賊因斫其左，擗流血至地。」僧辯固絕，久之方蘇，即送付廷尉繫之。會岳陽王襲江陵，未知其備，帝命左右往獄問計於僧辯。僧辯具陳方略，即赦為城內都督，俄而岳陽奔退，而鮑泉力不能尅長沙，帝命僧辯代之。僧辯奉旨鑠泉，仍部分將帥，并力攻圍，遂平湘土，還復領軍將軍。

外春秋 卷之四 大將 王

侯景浮江西寇，軍次夏首，僧辯為大都督，軍次巴陵。景既已陷郢城，兵眾甚銳，將進寇荊州。水步繼進，於是沿江戍邏，望風請服。僧辯悉上江渚米，並沉公私船於水，分命眾軍乘城固守，偃旗卧鼓，安若無人。翌日賊眾濟江，輕騎至城下，問城內是誰，曰：「是王領軍。」賊曰：「語王領軍事，孰如此，何不早降？」僧辯使人答曰：「大軍但向荊州，此城自當非礙。」僧辯百口在人掌握，豈得便降。賊既去，又來曰：「我王已至，王領軍何為不出與？」

王相見也不答，項之景帥船艦並集北寺，又分入港中，登岍治道，廣設瓊屋，耀軍城東隴上。芟除草荊，開八道向城，遣五十兇頭肉薄者攻城。內同時鼓譟，矢石雨下，賊乃引退，更起長柵繞城，大列舟艦。又於艦上取茅置火，以燒水柵，風執不利，自焚而退。賊帥任約又為陸法和所擒，乃燒營夜遁。帝策勛行賞，以僧辯為征東將軍，開府儀同三司，江州刺史，封長寧縣公。即命率巴陵諸軍沿流討景，師次郢城，攻拔魯山，降其

外春秋 卷之四 大將 王

騎將支化仁，仍攻郢，即入羅城，生擒其黨靈護。又有大星如車輪墜賊營，去地十丈，變成火，一時破散。有龍自城出，五色光輝，入城前鸚鵡洲水中。景聞之，倍道歸建業。賊帥宋子仙等因盛求輸郢城，身還就景。僧辯偽許之，子仙信之，浮舟將發。僧辯命杜龕率精勇鼓譟奄至，大破之。生擒子仙，送江陵。郢州既平，僧辯進師尋陽。帝加僧辯侍中尚書令，征東大將軍。僧辯頻表勸進，並蒙優答。於是發江州直指建業，乃先命南

兖州刺史侯瑱襲南陸鵠頭等成並尅之乃發鵠頭中江而風浪師人咸悅僧辯再拜告天曰僧辯忠臣奉辭伐罪社稷中興當便風息若鼎命中淪請從此逝言訖風止自此遂汎安流有羣魚躍水飛空引導賊望官軍上有五色雲雙龍夾艦行甚迅疾景自出戰於石頭城北僧辯等大破之盧暉略聞景戰敗以石頭城降僧辯引軍入據之景走朱方僧辯命衆將入據臺城其夜軍人采稻失火燒太極殿及東西堂僧辯

關外春秋

卷之四 大將

三

雖有滅賊之功而馭下無法軍人鹵掠驅逼居人自石頭至東城緣淮號叫之聲響震京邑於是百姓失望元帝卽位授鎮衛將軍司徒加班劍二十人改封永寧郡公侍中尚書令如故是後湘州賊陸納等攻破衡州刺史丁道貴於淥口而李洪雅又自零陵稱助討納朝廷未達其心詔僧辯就宜豐侯循南征僧辯因督杜崩等衆軍發于違業師次巴陵詔僧辯爲都督東上諸軍事陳霸先爲都督西下諸軍事先是霸先

讓都督於僧辯僧辯不受故元帝分爲東西都督而俱南討焉納等據車輪夾岸爲城士卒驍猛皆百戰之餘僧辯不敢輕進時晴明無雲軍發忽然風雨時人謂之泣軍百姓竊言知其敗也有兩龍自城西江中騰躍升天百姓咸仰面目之父老或聚衆而悲竊相謂曰地龍已去國其亡乎初納造大艦二一日青龍二日白虎皆衣以牛皮並高十五丈選其中尤勇健者乘之僧辯憚之稍作連城以逼焉賊不敢交鋒並懷

關外春秋

卷之四 大將

天

懈怠僧辯因其無備親執旗鼓以誠進止羣賊大敗歸保長沙僧辯乃命築壘圍之而自出臨視賊知不設備其黨吳藏李賢明等蒙楯直進徑走僧辯時杜崩杜龕並侍左右帶甲衛者止百餘人因下遣人與賊交戰李賢明乘鎧馬從者十騎大呼衝突僧辯尚據胡牀不動指麾勇敢遂斬賢明賊乃退歸初陸納作逆以王琳爲辭云若殺琳則自歸伏于時衆軍並進未之許也而武陵王擁衆上流內外駭懼帝乃遣琳和

解之湘州乃平因被詔會軍西討督舟師二萬車駕出天居寺後行俄而武陵敗績僧辯班師于江陵旋鎮建業時齊主高洋遣將率眾謀襲建業帝即詔僧辯留鎮姑熟先命侯瑱率軍築壘東關拒之徵張彪等會瑱于關因與北軍戰大破之僧辯振旅還建業加太尉車騎大將軍及西魏宇文黑泰遣兵將襲江陵元帝徵僧辯為大都督荊州刺史別救星言就路以赴倒懸俄而京城陷沒官車晏駕及敬帝即梁主位僧

關外春秋

卷之四 大將

五

辯預樹立之功承制進驃騎大將軍中書監都督中外諸軍事錄尚書與陳霸先參謀討伐時齊主高洋又欲納貞陽侯淵明以為梁嗣因與僧辯書規令迎立貞陽將屈壽陽前後與僧辯書論還國繼統之意僧辯不納及青陽高渙至東關裴之橫戰敗僧辯遂謀納貞陽仍定君臣之禮貞陽既踐偽位仍授僧辯大司馬領太子太傅楊州牧陳霸先時為司空南徐州刺史惡其反復舉兵襲于建康所之初僧辯平建業遣

霸先守京口都無防備長子顓婁以為言不聽竟及于禍

按王僧辯器宇凝深風格詳遠討劉躬于安城拒侯景于郢州敗陸納于湘州厥功偉矣元帝詔稱其學貫九流武該七略宜其變此中旨膺茲上將奇之經野匡我朝猷無愧也惜其馭軍無法民茹其苦而曰民無怨讎失其實矣石頭之禍不亦宜乎

當鵲頭出軍之時中流遇風幾葬魚腹僧辯

關外春秋

卷之四 大將

三

再拜告天言訖風止賊望見官軍有雙龍夾艦而行江神可謂效順也李洪雅降于陸納器甲戰艦觀者貽愕時有泣軍龍升之異父老悲其將亡則陸納之敗天敗之也僧辯倖而成功云爾

評曰自侯景寇逆元帝據有上游以全楚之兵委僧辯將帥之任及尅平禍亂功亦著焉在乎策勛當上臺之賞敬帝以高祖貽厥之重世祖繼體之尊洎渚宮淪沒理膺寶祚僧

辯位當將相義存伊霍乃受脅齊師傍立支
庶苟欲行夫忠義何忠義之遠矣樹國之道
既虧謀身之計不足自致殲滅悲夫

隋上柱國右武侯大將軍前右領軍大將軍賜

雉尾扇曲蓋吳州總管壽州刺史宋國公賀

若弼

若弼字輔伯河南確陽人少慷慨有大志驍勇
便弓馬解屬文博涉書記有重名於世高祖受
禪欲平江南高頴薦弼有文武才幹於是拜弼
爲吳州總管委以平陳之事弼忻然以爲已任
然壽州總管源雄並爲重鎮弼遺雄詩曰交河
驃騎幕合浦伏波營勿使麒麟上無我二人名

開外春秋

卷之四 大將

三

獻取陳十策上稱善賜以寶刀開皇元年大舉
伐陳以弼爲行軍總管將渡江酌酒而呪曰弼
親承廟略遠鎮國威伐罪弔民除兇剪暴上天
長江鑒其若此如使福善禍淫大軍利涉如事
有乖違得葬江魚腹中死且不恨先是弼請緣
江防人每交代必集歷陽大列旗幟營幕被野
陳人以爲大軍至悉發國中士馬既知代其衆
復散後以爲常不復設備及此弼以大軍渡江
襲南徐州拔之軍令嚴肅秋毫不犯有軍士於

民間酷酒者，弼立斬之，進屯蔣山之白山岡。陳將魯達任蠻奴、田瑞、蕭摩訶等以勁兵拒戰，田瑞先犯弼軍，弼擊走之。達等相繼進，弼軍屢却。弼揣知其將驕卒惰，於是督厲將士，殊死戰，大破之。麾下擒摩訶至，弼命左右牽斬之。摩訶顏色自若，弼釋而禮之。從北掖門而入，時韓擒已執陳叔寶，弼至呼叔寶視之。叔寶股慄再拜，弼謂之曰：「小國之君，當大國卿拜禮也。」入朝，不失作歸命侯。無勞恐懼，既而弼恨不獲叔寶功。

關外春秋

卷之四 大將

三三

在韓擒之後，與擒相詢，挺刃而出，語在擒傳。晉王以弼違軍令，先期決戰，以弼屬吏上聞而大悅，驛召之。及見，迎勞曰：「克定三吳，公之功也。」命登御座，加位上柱國，進爵宋國公，加寶劍、寶帶、金甕、金盤各一，并雉尾扇、曲蓋、綵物共萬段。女樂二部，又賜叔寶妹為妾，拜右領軍、大將軍，尋轉右武侯大將軍。弼自以功名出朝臣之右，每以宰相自許。既而楊素為僕射，弼仍將軍，甚不平。形於言色，由是免官。弼怨望愈甚，後下弼獄。

上曰：「我以高顯，楊素為宰相，汝每倡言云：『此人惟堪啗飯，是何意也。』」弼曰：「頰臣之故人，素臣之舅子，臣并知其人，誠有此語。」公卿奏弼怨望罪當死。上曰：「臣下守法不移，公可自求活理。」弼曰：「臣恃至尊威靈，將八千兵渡江，即擒陳叔寶，竊以此望活。」上曰：「此已格外酬賞，何用追論。」弼曰：「平陳之日，諸公議不許臣行，推心為國，已蒙格外酬賞。今還格外望活，上像回者數日，惜其功，特令除名為民，歲餘復其爵位，上亦忌之。」

關外春秋

卷之四 大將

三四

復任使，嘗遇突厥入朝，上賜之射，突厥一發中的。上曰：「非賀若弼無能當此。」於是命弼，弼再拜。呪曰：「臣若赤誠奉國者，當一發破的。如其不然，發不中也。」既射，一發而中。上大悅，顧謂突厥曰：「此人天賜我也。」煬帝之在東宮，嘗謂弼曰：「楊素韓擒、史萬歲三人，俱稱良將，優劣如何？」弼曰：「楊素是猛將，非謀將；韓擒是鬪將，非領將；史萬歲是騎將，非大將。太子曰：『然則大將誰也？』」弼拜曰：「唯殿下所擇。」弼意自許為大將，及煬帝即位，猶

被疎忌後從駕北巡至榆林帝時爲大帳其下可坐數千人召突厥啓民可汗樂之弼以爲大侈與高頡私議被奏竟坐誅時年六十四

按賀若敦恃功負氣每出怨言宇文護忌而害之臨刑呼其子弼曰吾必欲平江南而不果汝當成吾志且吾以舌死汝不可不思因引錐刺弼舌出血誠以慎口弼胡不遵阿翁真冷之言而又以怨望取罪乎易曰君不密則失臣臣不密則失身弼鄉者詭對天子之

閩外春秋

卷之四

大將

三五

事又何明且哲耶

評曰觀賀伯論將其衡鑒極精當矣而遂欲以大將自許吾恐揚韓史三公未可俛而爲之下也且不慮煬帝之猜忌乎是以聖人貴讓昔韓信對漢高祖將兵之問而自負多多益善竟取鐘室之禍語曰禍從口出言不可不慎也其不殺蕭摩訶大有張翼德義釋嚴顏之風矣

凡武將不仗威容爲神觀而猥穰者無稱焉

陳人望見楊素詫爲江神叔寶一見賀若弼而股慄再拜突厥一見韓擒而惶恐不敢仰視三人皆魁傑瓌偉具英雄之表而又通經史善屬文卽以當文武全材何愧焉

唐左僕射行軍元帥揚州大都督前荆湘道信

荆二州總管贈司空河間元王李孝恭

孝恭少沉敏有識量高祖已定京師拜山南招慰大使徇巴蜀下三十餘州進擊朱粲破之俘其眾諸將曰粲徒食人孳賊也請坑之孝恭曰不然今列城皆吾寇若獲之則殺渠復有降者乎悉縱之繇是騰檄所至輒下拜信州總管承制得拜假蕭銑據江陵孝恭數進策圖銑帝嘉納進王趙郡乃大治舟艦肄水戰會李靖使江

關外春秋

卷之百大將

三

南孝恭倚其謀遂圖江陵盡召巴蜀首領子弟收用之外示引擢而內實質也俄進荆湘道總管統水陸十二軍發夷陵破銑三鎮縱戰艦放江中諸將曰得舟當濟吾用棄之反資賊柰何孝恭曰銑之境南際嶺左薄洞庭地險士眾若城未拔而援至我且有內外憂舟雖多何所用之今銑瀕江鎮戍見艦舳蔽江下必謂銑已敗不即進兵覘候往返以引救期則吾既拔江陵矣已而救兵到巴陵見船疑不進銑內外阻絕

遂降帝悅遷荆州大總管詔周破銑狀以進輔

公祐反寇壽陽詔孝恭為行軍元帥討之引兵趨九江李靖李勣黃君漢張鎮周盧祖尚皆稟節度將發大饗士杯酒變為血在坐皆失色孝恭自如徐曰禍福無基唯所召爾顧我不負於物無重諸君憂公祐禍惡貫盈今仗威靈以問罪杯中血乃賊臣投首之祥乎盡飲罷眾心為安公祐將馮惠亮等拒險邀戰孝恭堅壁不出遣奇兵絕饗道賊饑夜薄營孝恭卧不動明日

關外春秋

卷之百大將

三

使羸兵扣賊壘挑之祖尚選精騎陣以待俄而兵卻賊追北且驚遇祖尚軍薄戰遂大敗惠亮退保梁山孝恭乘勝破其別鎮賊赴水死者數千計公祐窮棄丹陽走騎窮迫生擒之江南平聖書褒美賜甲第一區女樂二部奴婢七口寶玩不貲進授左僕射更為揚州大都督貞觀初改王河間性奢豪後房歌舞妓百餘然寬恕退讓無矜伐色太宗由是親重之宗室莫比也年五十中飲暴薨帝哭之慟贈司空及謚陪葬

獻陵

按隋亡時盜賊遍天下皆太宗身自討定謀臣驍帥並隸麾下無特將專助者惟孝恭獨有方面功以自見可謂宗室標的者也孝恭沉敏知兵其最著如俘擊賊而不阮放戰艦以疑敵收子弟而為質飲杯血以安眾即使藥師應變懋功出奇鮮能過之矣

評曰善為將者不在貪功而在致敵夫惟致敵斯能圖功也余嘗惟近日諸將每出師輒擁強兵以自衛而出羸兵以抗敵及至敗則則相率奔潰并強兵而折之矣語曰攻堅則瑕者亦堅攻瑕則堅者亦瑕孝恭以羸卒餌敵而相尚選精騎搏戰深于用兵者乎

關外春秋

卷之四 大將

三元

唐開府儀同三司尚書右僕射西海道行軍大總管前左光祿大夫兵刑二部尚書檢校中書令荊州刺史贈司徒并州都督景武衛國公李靖

靖字藥師京兆三原人姿貌魁秀通書史嘗謂所親曰丈夫遭遇要當以功名取富貴何至作章句儒其舅韓擒虎每與論兵輒歎曰可與論孫吳者非斯人尚誰哉仕隋為殿內直長吏部尚書牛弘見之曰王佐才也左僕射楊素拊其

關外春秋

卷之四 大將

早

牀謂曰卿終當坐此大業末為馬邑丞高祖擊突厥靖察有非常志自囚上急變傳送江都至長安道梗高祖已定京師將斬之靖呼曰公起兵為天下除暴亂欲就大事以私怨殺誰士乎秦王亦為請得釋引為三衛從平王世充以功授開府蕭銑據江陵詔靖安輯至峽州阻銑兵不得前帝謂逗留詔都督許紹斬靖紹為請而免開州蠻冉肇則寇夔州趙郡王孝恭戰未利靖率兵八百破其屯要險設伏斬肇則俘擒五

子帝謂左右曰使功不如使過靖果然因手敕勞曰既往不咎向事吾久已忘之靖遂陳圖銳十策有詔拜靖行軍總管兼攝孝恭行軍長史軍政一委焉武德四年大閱兵夔州時秋潦海瀨漲惡銳以靖未能下不設備諸將亦請江平乃進靖曰兵機事以速為神今士始集銳不及知若乘水傳壘是震霆不及塞耳就能倉卒召兵無以禦我此必擒也孝恭從之舟師叩夷陵銳將文士洪以卒數萬屯清江孝恭欲擊之靖

關外春秋

卷之四 大將

四一

曰不可士洪徒將下皆勇士今新失荆門悉銳拒我此救敗之師不可當宜駐南岸待其氣衰乃取之孝恭不聽留靖守屯自往與戰大敗還賊委舟散掠靖視其亂縱兵擊破之取四百餘艘溺死者萬人即率輕兵五千為先鋒趨江陵薄城而營破其將楊君茂鄭文秀俘甲士四千孝恭軍繼進銳大懼檄召江南兵不及到明日降靖入其都號令靜嚴軍無私焉或請靖籍銳將拒戰者家貲以賞軍靖曰王者之兵甲人而

取有罪彼其脅驅以來藉以拒師本非其情不當以叛逆比之今新定荆郢宜示寬大以慰其心若降而籍之恐自荆而南堅城劇屯毆之死守非計之善也止不籍由是江漢列城爭下以功封永康縣公檢校荊州刺史乃度嶺至桂州分道招慰南方悉定承制補官得郡凡九十六戶六十餘萬詔書勞勉授嶺南宣慰大使檢校桂州總管於是震威武示禮義率兵南巡所過問疾苦延見長老宣布天子恩意遠近悅服輔

關外春秋

卷之四 大將

四二

公祐據丹陽反詔孝恭為帥召靖入朝受方略副孝恭東討李世勛等七總管皆受節度公祐遣馮惠亮以舟師三萬屯當塗陳正通步騎二萬屯青林自梁山連鎖以斷江道築却月城延袤十餘里為犄角諸將議曰彼勁兵連柵將不戰疲老我師若直取丹陽空其巢窟惠亮等自降靖曰不然一軍雖精而公祐所自將亦銳卒也既保石頭則牢未可拔我留不得志退有所忌腹背蒙患非百全計且惠亮正通百戰餘賊

非怯野鬪。今方持重。特公祐立計爾。若出不意。挑攻其城。必破之。惠亮拔。公祐擒矣。孝恭聽之。靖率黃君漢等水陸皆進。苦戰。殺傷萬餘人。惠亮等亡去。靖將輕兵至丹陽。公祐懼。衆尚多。不能戰。乃出走。擒之。江南平。帝歎曰。靖乃銑。公祐之膏肓也。古韓白衛霍何以加。八年。突厥寇太原。爲行軍總管。以江淮兵萬人屯太谷。諸將多敗。獨靖以完軍歸。太宗踐祚。授刑部尚書兼檢校中書令。突厥部種離畔。帝方圖進取。以兵部

闕外春秋 卷之四 大將 聖

尚書爲定襄道行軍總管。率勁騎三千繇馬邑趨惡陽嶺。頡利可汗大驚曰。兵不傾國來。靖敢提孤軍至此。於是帳部數恐。靖縱謀者離其腹心。夜襲定襄。破之。可汗脫身遁。磧口進封代國公。帝曰。李陵以步卒五千絕漢。然卒降匈奴。其功尚得書竹帛。靖以騎三千蹀血虜庭。遂取定襄。古未有華足深吾渭水之耻矣。頡利走保鐵山。遣使者謝罪。請舉國內附。以靖爲定襄道總管。往迎之。又遣鴻臚卿唐儉將軍安修仁慰撫

靖謂副將張公謹曰。詔使到虜。必自安。若萬騎齎二十日糧。自白道襲之。必得所欲。公謹曰。上已與約降。行人在彼。奈何。靖曰。機不可失。韓信所以破齊也。如唐儉輩。何足惜哉。督兵疾進。行遇候。邏皆俘。以從。去其牙七里。乃覺。部衆震潰。斬萬餘級。俘男女十萬。擒其子壘羅施。殺義成公主。頡利亡去。爲大同道行軍總管。張寶相擒以獻。於是斥地自陰山北至大漠矣。帝因大赦天下。賜民五日酺。御史大夫蕭瑀劾靖持軍無

闕外春秋 卷之四 大將 聖

術。縱士大掠。散失奇寶。帝捨而不問。及靖凱還。進見謝罪。帝曰。隋將史萬歲破突厥。有功不賞。以罪致誅。朕則不然。當赦公之罪。錄公之功也。乃進左光祿大夫。既而曰。向人譖短公。朕今悟矣。遷尚書右僕射。靖每參議。恂恂似不能言。以沈厚稱。頃之。吐谷渾寇邊。帝謂侍臣曰。靖能復起爲帥乎。靖往見房玄齡曰。吾雖老。尚堪一行。帝喜。以爲西海道行軍大總管。任城王道宗侯君集。李大亮。李道彥。高甌生。五總管。兵皆屬軍

次伏俟城吐谷渾盡火其莽退保大非川諸將議春草未牙馬弱不可戰靖決策深入遂踰積石山大戰數十多所殺獲殘其國國人多降吐谷渾伏允愁蹙自經死靖更立大寧王慕容順而還。既生軍繇鹽澤道後期靖薄責之既歸而憾與廣州長史唐奉義告靖謀反有司按驗無狀。既生等以誣罔論靖乃闔門自守賓客親戚一謝遣改衛國公其妻卒詔墳制如衛霍故事。築關象鐵山積石山以旌其功進開府儀同三

關外春秋

卷之四

大將

聖

司帝將伐遼召靖入謂曰公南平吳北破突厥西定吐谷渾惟高麗未服亦有意乎對曰往憑天威得効尺寸功今疾雖衰陛下誠不棄病且瘳矣帝憫其老不許後病甚帝幸其第流涕曰公乃朕生平故人於國有勞今疾若此爲公憂之薨年七十九贈司徒并州都督給班劍羽葆鼓吹陪葬昭陵謚曰景武。

按李藥師微時韓擒虎牛弘楊素皆極口稱之彼之姿貌必有異于三者三公非妄許也。

高祖肉眼不識英雄欲斬之者再焉免死爲幸秦王非有相知之素而爲之請命許紹非有生平之雅而爲之乞恩則平吳破突厥定吐谷渾實秦王許紹之力也。

評曰唐興各將曰英衛皆摧罪亡之餘遂能依乘風雲勤功帝籍蓋君臣之際固有以感之獨推期運非也若請闔門稱疾畏遠權逼功大而主不疑雖古哲人何以尚茲世言靖精風角鳥占雲祲孤虛之術是不盡然特以

關外春秋

卷之四

大將

聖

臨機果料敵明根于忠智而已。神廟丙申先中丞公以叅知分陝飭兵朔方余跨馬往省之道經華陰遂謁白帝宮入門見一碑鐫衛公獻白帝書拂其塵而讀之內云社稷陵遲宇宙傾覆奸雄競逐郡縣土崩遂欲違義橫行雲飛電掃斬鯨鯢而清海岳卷氛祲以闡山河又大寶不可以妄據欲杖劍竭節未有飛龍在天捧忠義之心身濟世之志吐肝膽於階下惟神鑒之壯哉言乎大有英

雄之氣也。楊東里曰：衛公益厭隋亂已極，負濟世之志，奮欲有為而咨之神明之辭也。世傳衛公假寐，神几前，神示之夢及衛公下山，忽有風靈相送，隱隱作叱咤聲，曰：李僕射好去，噫！白帝信有靈矣。

藥師五代孫彥芳，太和中為鳳翔司錄參軍，家故藏高祖太宗賜靖詔書數函，上之一曰：「兵事節度皆付公，吾不從中治也。」一曰：「有晝夜視公疾，大老嫗遣來，吾欲熟知公起居狀。」

開外春秋

卷之四

大

皆太宗手筆，文宗愛之不去手。靖破蕭銑時，所賜于間王帶十三勝，七方六列，勝各附環以金固之，所以佩物者，權德輿嘗讀太宗手詔，至流涕，曰：君臣之際，乃爾耶！

唐太子大師遼東道行軍大總管檢校洛州刺史洛陽宮留守開府儀同三司同中書門下前光祿大夫并州都督通漢道黎州二總管贈太尉揚州大都督貞武英國公李勣，字懋功，曹州離狐人，本姓徐氏，客衛南，家富多僮僕，積粟常數千鍾，與其父皆喜施貸，所周給無親疎之問。隋大業末，韋城翟讓為盜，勣年十七，往從之，說曰：公鄉壤不宜自剽殘，宋鄭商旅之會，御河在中，舟艦相屬，往邀取之，可以自

開外春秋

卷之四

大

資讓然之，劫船取財，由是兵大振。李密亡命雍丘，勣說讓推密為主，以奇計破王世充，時河南山東大水，隋帝令饑人就食黎陽，倉吏不時發死者日萬數，勣說密曰：天下之亂，本於饑苦，若得黎陽一倉，大事濟矣。密以麾下兵五千付勣，濟河襲之，開倉縱食，旬日勝兵至二十萬，宇文化及引兵北上，密使勣守倉，周掘塹以自環，化及攻之，勣為地道出，闢化及敗，引去。武德二年，密歸朝廷，其地東屬海，南至江西，直汝北抵魏

郡勛統之未有所屬。謂長史郭孝恪曰：人衆土宇皆魏公有也。吾若獻之，是利主之敗，爲己功。吾所羞也。乃錄郡縣戶口以啓密，請自上之。使至高祖，訝無表，使者以意聞。帝喜曰：純臣也。詔受黎州總管封萊國公，賜姓附宗，正屬籍。詔勛總河南山東兵以拒王世充及密，以謀反誅。帝遣使示密反狀，勛請收葬，詔從之。勛爲密服纊經葬訖，乃釋。俄爲竇建德所陷，質其父，使復守黎陽。三年自拔來歸，從秦王伐東都，戰有功。東

開外春秋 卷之四 大將 四九

略地至虎牢，降鄭州司兵沈悅，平建德，俘世充。乃振旅還，秦王爲上將，勛爲下將，皆服金甲，乘戎輅，告捷于廟。太宗卽位，拜并州都督，貞觀三年爲通漢道行軍總管，出雲中，與突厥戰，走之。引兵與李靖合，因曰：頡利若度磧，保於九姓，恐不可得。我若約齊薄之，不戰縛虜矣。靖大喜，以與已合，於是意決。靖率衆夜發，勛勒兵從之。頡利欲走磧，勛前屯磧口，不得度。由是酋長率部落五萬降於勛，詔拜光祿大夫，行并州大都督。

府長史父喪解奪哀還官，徙封侯治并州十六年，以威肅聞。帝嘗曰：煬帝不擇人守邊，勢中國築長城以備虜。今我用勛守并，突厥不敢南。賢於長城遠矣。後帝自將征高麗，以勛爲遠東道行軍大總管，破蓋牟、遼東、白崖等城，從戰，驛蹕山功多，封一子爲郡公。延陀部落亂，詔將二萬騎發突厥兵討之，大戰烏德鞬山，破之，降其首領梯真達二，而可汗咄摩支遁入荒谷。磧北遂定，勛旣忠力，帝謂可託大事，嘗暴疾，醫曰：用鬚

開外春秋 卷之四 大將 五十一

灰可治，帝乃自剪鬚以和藥。及愈，入謝，頓首流血。帝曰：吾爲社稷計，何謝爲？後留宴，顧曰：朕思屬幼孤，無易公者。公昔不遺李密，豈負朕哉？勛感涕，因嚙指流血。俄大醉，帝親解衣覆之。帝疾，謂太子曰：爾於勛無恩，今以事出之。我死，宜卽授以僕射，彼必致死力矣。乃授壘州都督。高宗立，召授檢校洛州刺史，洛陽宮留守。進開府儀同三司，同中書門下參掌機密。又詔得乘小馬，出入東西臺，甲官且人迎送，遂爲尚書左僕射。

又冊進司空。始太宗時，勳已畫像凌煙閣。至是帝復命圖其形，自序之。高麗莫離支男生爲其弟所逐，遣子乞師，詔勳爲遼東道行軍大總管，率兵二萬討之，破其國，執高藏、男建等，裂其地，州縣之。詔勳倂昭陵，明先帝意，具軍客告于廟。進位太子太師，增食千一百戶。總章二年卒，年八十六。帝曰：勳奉上忠，事親孝，歷三朝未嘗有過，性廉謹，不立產業。今亡，當無贏貲，有司其厚賜卹之。因泣下。舉哀，光化門，輟朝七日，贈太

冊外春秋

卷之四 大將

五二

尉揚州大都督，謚貞武。陪葬昭陵，起家象陰鐵烏德鞬山，以旌其功。葬日，帝與太子幸未央宮，城哭送，百官送故城西北。初，勳拔黎陽倉，就食者衆，魏徵高季輔杜正倫郭孝恪往客焉。及平虎牢，獲戴胄，咸引見卧内，推禮之後，皆爲名臣。世以勳知人，平洛陽得單雄信，故人也。表其村武，且言若貸死，必有以報，請納官爵以贖之，不許。乃號慟，割股肉啗之，曰：生死來訣，此肉同歸於土，爲收養其子焉。其用兵多籌筭，料敵應變。

皆契事機，聞人善，抵掌嗟嘆，及戰勝，必推功於下，得金帛，盡散之士卒，無私貯。然持法嚴，故人爲之用，臨事選將，必皆相其奇麗，福艾者遣之。或問其故，答曰：薄命之人，不足與成功名。旣沒，士皆爲流涕，自腐疾。帝及皇太子賜藥，卽服，家欲召醫巫，不許。諸子固以藥進，曰：我山東田夫耳，位三公，年踰八十，非命乎？生死繫天，寧就鑿求活耶？弟弼始爲晉州刺史，以勳疾，召爲司衛卿，使省侍，忽語曰：我似少愈，可置酒相樂。於是

冊外春秋

卷之四 大將

五三

奏樂宴飲，列于孫于下，將罷，謂弼曰：我卽死，欲有言，恐悲哭不得盡，故一訣耳。我見房玄齡杜如晦高季輔皆辛苦立門戶，亦望詒後，悉爲不肖子，敗之。我子孫今以付汝，汝可慎察，有不厲言行，交非類者，急榜殺以聞。母令後人笑吾，猶吾笑房杜也。我死，布裝露車，載柩，歛以常服，加朝服其中，倘死有知，庶著此奉見先帝。弼等遵焉。勳本二名，至高宗時，避太宗偏諱，故但名勳。後配享高宗廟廷。

按太宗之於李勣分雖堂陞情同手足剪髮和藥解衣覆體謂其可任託孤之大事也豈知勣雖不負李密而乃負太宗乎余每羨其為佐命之功臣而未許其為輔相之忠臣也許口人之大倫有五君臣而下朋友為重李懋功請納官以贖單雄信之死可謂厚矣帝不許而號慟割股肉啗之一死一生乃見交情何其腆也至以老臣輔幼主會房帷易奪委誠取決胡為乎營私畏禍違心而從史之

附外奉承

卷之四 大將

五三

也。其曰此陛下家事無須問外人。是何言與。武氏奮而唐之宗屬幾殲焉。及其孫乘人之忿。舉兵覆宗。至掘冢而暴其骨。嗚呼。豈非一言而喪邦乎。嗚呼。其不通學術。昧夫臨大節不可奪之誼。反與許李同科。可不戒哉。

太宗出勣為都督。而命太子任以僕射。欲其感太子之恩。而致死力也。豈知誤太子之天下者。即勣乎。夫勣用兵多籌筭。應變若神。而當國何憤憤也。無乃精于用兵。而拙于謀國。

耶。濱死而真冷介弟。惟恐不肖子敗其門戶。再傳而覆宗絕祀。或太宗之靈陰殛之。與詩曰。貽厥孫謀。以燕翼子。勣九京有知。悔何及乎。

三立堂新編閩外春秋卷之五

唐涼州安集大使左武衛大將軍神武道大總

管贈左驍衛大將軍幽州都督那國莊公蘇

定方

定方本名烈以字行冀州武邑人父邕當隋季

率里中數千人為本郡討賊定方驍悍有氣決

十五從父戰數先登陷陣邕卒代領其眾破

劇賊張金稱楊公卿追北數十里自是賊不舍

閩外春秋

卷之三 大將

境鄉黨賴之貞觀初為匡道府折衝從李靖襲

突厥頡利於磧口率毅馬二百為前鋒乘霧行

去賊一里許霧霽見牙帳馳殺數十百人頡利

及隋公主惶窘各遁去靖亦尋至餘黨悉降再

遷左衛中郎將與名振討高麗破之拜右屯衛

將軍臨清縣公從蔥嶺道大總管程知節征賀

魯至鷹娑川賀魯率二萬騎來拒總管蘇海政

連戰未決鼠尼施等復引二萬騎為援定方始

休士見塵起率精騎五百踰嶺馳擣賊管賊眾

大潰殺千餘人所棄鎧仗牛馬藉藉山野不可

計副總管王文度疾其功謬謂知節曰賊雖走

軍死傷者眾今當結鞶重陳間被甲而趨賊來

即戰是謂萬全又矯制收軍不深入於是馬羸

卒勞無鬪志定方說知節曰天子詔討賊今反

自守何功之立哉且公為大將而閩外之事不

得專顧副將乃得專之胡不因文度待天子命

不從至恒篤城有胡人降文度猥曰師還而降

且為賊不如殺之取其貲定方曰此乃自作賊

耳寧日伐叛及分財定方一不取太宗知之比

知節等還悉下吏當死貸為民擢定方伊麗道

行軍大總管復征賀魯以任雅相回紇婆潤為

副出金山北先擊處木昆部破之俟斤懶獨祿

擁眾萬餘降定方撫之發其千騎并回紇萬人

進至曳咥河賀魯率十姓兵十萬拒戰輕定方

兵少舒左右翼包之定方令步卒據高嶺稍外

向親引勁騎陣北原賊三突步陣不能入定方

因其亂擊之鏖戰三十里斬首數萬級賊大奔

閩外春秋

卷之三 大將

二

明日振兵復進五弩矢畢舉衆降賀正與處
木昆屈律啜數百騎西走定方令副將
回紇婆潤率雜虜兵趨邪羅斯川追北定方與
誰相領新附兵絕其後會大雪吏請少休定方
曰旁恃雪方止舍謂我不能進若縱使遠遁則
莫能擒遂勒兵進至雙河與彌射步真合距賀
魯所百里下令陣而行薄金牙山方賀魯將叛
定方縱擊破其牙下數萬人悉歸所部賀魯走
石國彌射子元與以兵與嗣業會縛賀魯以還

關外春秋

卷三 大將

三

由是修亭障列蹊隧定疆畛問疾收齒唐之州
縣極西海矣高宗臨軒定方戎服奉賀魯以獻
策功拜左驍衛大將軍邢國公別封一子慶節
爲武邑縣公會恩結關侯斤都曼劫所部及疏
勒等三國復叛詔定方還爲安撫大使率精卒
萬騎三千晝夜馳三百里至其所大敗之都曼
計窮遂面縛降俘獻于乾陽殿○有司請論如
法定方頓首請曰臣向許以不死願丐其命帝
曰朕爲卿全信乃宥之蔥嶺以西遂定遷左

衛大將軍出爲神兵道大總管卒師討百濟殘
虜萬人乘勝入其郭王義慈及太子隆北走進
圍其城于泰自立爲王率衆固守其孫父思率
左右縋城下泰不能止定方使士登城建唐旗
幟於是泰開門請命義慈降百濟平俘義慈等
獻京都定方所滅三國皆生執其王賞賚珍寶
不可勝計加慶節尚輦奉御未幾定方爲遼東
行軍大總管又徙平壤道破高麗之衆于泚江
奪馬邑山爲營遂圍平壤會大雪解圍還拜涼

關外春秋

卷之五 大將

四

州安集大使以定吐蕃吐谷渾乾封二年卒年
七十六帝悼之贈左驍衛大將軍幽州都督謚
曰莊
按定方少年驍悍所向無前乘霧而襲突厥
冒雪而擊賀魯合于兵法之攻其無備出其
不意也滅三國生縛其王武功之競於斯而
極
評曰大將立功于外廷臣輒以文法束縛之
其爲所沮抑而不得展布者皆是也生不蒙

封賞死不被褒贈至末世而尤甚矣如定方
功在社稷就木之後有司何噤而不言耶帝
之謙訶侍臣聖人之心也

唐金牙定襄二道行軍大總管前禮部尚書檢

校右衛大將軍安撫使吏部侍郎贈幽州都

督同喜縣獻公裴行儉

行儉字守約絳州聞喜人貞觀中舉明經調左

屯衛倉曹參軍時蘇定方爲大將軍謂曰吾用

兵世無可教者今子也賢乃盡畀以術遷長安

令累擢安西都護西域諸國多慕義歸附累遷

吏部侍郎典選有能名吐蕃叛出爲洮州道左

二軍總管改秦州右軍儀鳳二年十姓可汗阿

闡外春秋

卷之五 大將

六

史那都支及李遮旬誘蕃落以動安西與吐蕃

連和朝廷欲討之行儉議曰吐蕃叛渙方熾敬

亥失律審禮喪元安可更爲西方生事今波斯

王死其子泥涅師質京師有如遣使立之卽路

出二蕃若權以制事可不勞而成功也帝因召

行儉冊送波斯王且爲安撫大食使經莫賀延

磧風磔晝冥導者迷將士饑之行儉止營致祭

令曰水泉非遠衆少安俄而雪徹風恬行數百

步水草豐美後來者莫識其處衆皆驚以方漢

貳師將軍至西州諸蕃郊迎行儉召豪傑千餘人自隨揚言大熱未可以進宜駐軍須秋都支聞知之不設備行儉徐召四鎮酋長偽約收謂曰吾念此樂未始忘孰能從吾獵者於是子弟願從者萬人乃陰勒部伍數日倍道而進去都支帳十餘里先遣其所親問安否外若閒暇非討襲者又使人趣召都支都支本與遮旬計及秋拒使者已而聞軍至倉卒不知所出率子弟五百餘人詣營謁遂擒之是日傳契箭召都部

關外春秋

卷之五 大將

二

酋長悉來請命並執送碎葉城簡精騎約齋襲遮旬道獲遮旬使者釋之俾前往論其主言都支已擒狀遮旬乃降悉俘至京師將吏為刻石碎葉城以紀功帝親勞宴曰行儉提孤軍深入萬里兵不血刃而叛黨擒夷可謂文武兼備矣其兼授二職即拜禮部尚書兼檢校右衛大將軍調露元年突厥阿史德溫傳反單于管二十四州叛應之衆數十萬都護蕭嗣業討賊不克死敗係踵詔行儉為定襄道行軍大總管討

之率太僕少卿李思文營州都督周道務步兵八萬合西軍程務挺東軍李文暉等總三十餘萬旗幟亘千里行儉咸節制之先是嗣業饋糧數為虜鈔軍餒死行儉曰以謀制敵可也因詐為量軍三百乘車伏壯士五輩齋陌刀勁弩以窺兵挽進又伏精兵踵其後虜果掠車虜兵走險賊驅就水草解鞍牧馬方收糧車中而壯士突出伏兵至殺獲幾盡自是糧車無敢近者大軍次單于北暮已立營塹壕既周行儉更命

關外春秋

卷之五 大將

八

徙營高岡吏白士安堵不可擾不聽促徙之比夜風雨暴至前立營所水深丈餘衆莫不駭嗟問何以知之行儉曰自今第如我節制毋問我所以知也賊據黑山數戰皆敗行儉縱兵前後殺虜不可勝計偽可汗泥熟匄為其下所殺持首來降又擒大首領奉職而還餘黨走狼山行儉既還阿史那伏念偽稱可汗復與溫傳合明年行儉還總諸軍頓代州之陸口縱反間說伏念令與溫傳相謀伏念懼密送款且請縛溫傳

自効行儉秘不布密以聞後數日煙塵漲天而南斥候惶駭行儉曰此伏念執溫傳來降非他也且受降如受敵乃敕嚴備遣單使往勞既而果然於是突厥餘黨悉平帝悅遣戶部尚書崔知穆勞軍初行儉許伏念以不死侍中裴炎害其功建言伏念為程務挺張虔勗曾逐又磧北已絕逼之計窮而降卒斬伏念及溫傳於都市行儉之功不錄封開喜縣公行儉歎曰渾濬之事古今耻之但恐殺降則後無復來矣遂稱疾

開外春秋

卷之五 大將

九

不出永淳元年十姓突厥車薄叛復為金牙道大總管未行卒年六十四贈幽州都督謚曰獻詔皇太子遣官護視家事子孫能自立乃停行儉通陰陽曆術每戰豫道勝日善知人所引偏裨若程務挺崔智管王方翼黨金剛郭大封李多祚黑齒常之類為世名將儉奏至刺史將軍者數十人嘗賜馬及珍鞍令史私馳馬馬蹶鞍壞懼而逃行儉招還之不加罪初平都支遮旬獲瓌寶不貴蕃酋將士願觀焉行儉因宴徧出

示坐者有瑪瑙盤廣二尺文采粲然軍吏皆盤碎而叩頭流血行儉笑曰爾非故也何至是色不少吝帝賜都支資產皿金三千餘物索駝馬牛稱是行儉分給親故泊麾下數日輒盡按裴守約學兵法於蘇定方盡得其術故提孤軍深入萬里兵不血刃而叛夷悉平益以智謀取勝非執定死戰定本而馳逐于鋒鏑之下者也

開外春秋

卷之五 大將

十

評曰文武二途分道而馳唐興鮮有能兼之者守約假立波斯王而禽都支遮旬之子弟縱反間而致伏念執溫傳來降揚言大熱而駐軍偽敗詐為糧車而伏兵突殺營壘已周而命徙高岡耻渾濬之事而稱疾不出工草隸名家而奉詔寫文選可謂文武兼備矣帝命兼授二職洵不忝也守約嘗云褚遂良非精筆佳墨未肯輒書惟已與虞世南不擇筆墨而妍捷並美所撰選譜草字雜體數萬言又為營陣部伍科勝

司器能等四十六訣。武后就第取去不復傳。
論士之致遠先器識後文藝。斷王勃等非真。
爵祿者蓋知人知言哉。

唐太尉兼侍中河南副元帥知河南等五道節
度行營事開府儀同三司中書令河中尹
晉絳等州節度使天下兵馬副元帥幽州大
都督府長史戶部尚書同中書門下平章事
檢校司徒司空鄭國公贈太保武穆臨淮王
李光弼

光弼營州柳城人。嚴毅。沉果。有大略。幼不嬉弄。
善騎射。累遷河西王忠嗣府兵馬使。忠嗣遇之
厚。雖宿將莫能比。嘗曰。他日得我兵者。光弼也。
開外春秋 卷之五 大將

朔方節度使安思順愛其材。欲以女妻之。光弼
引疾去。隴西節度使哥舒翰異其操。表還長安。
安祿山反。郭子儀薦其能。尋加魏郡太守。河北
採訪使。光弼以朔方兵五千出土門東。救常山。
次真定。常山團結子弟。執賊將安思義降。自顏
杲卿死。郡為戰區。露齒蔽野。時而哭之。出為賊
幽閉者。厚郵其家。時賊將史思明。李立節。蔡希
德。攻饒陽。光弼得思義不殺。問其計。答曰。今軍
行疲勞。逢敵不可支。不如按軍入守。料勝而出。

虜兵焱銳弗能持重。圖之萬全。光弼曰善。據城待明日。思明軍二萬傳堞。光弼兵不得出。乃以勁弩五百射之。賊退。徙陣稍北。光弼出其南夾溝。沓而軍。思明雖數困。然恃近救。解鞍休士。是日饒陽賊五千至九門。光弼謀知之。捉輕兵。歛旗鼓伺賊方飯。襲殺之。且盡。思明懼。引去。會郭子儀救雲中。詔悉衆出井陘。與光弼合擊九門。西。思明大敗。挺身走趙郡。立節中流矢死。希德走鉅鹿。收橐城等十縣。遂攻趙。詔加光弼范陽

開外春秋

卷五

大將

十三

大都督府長史史思明由鼓城入博陵。殺官吏。光弼急攻趙。一日拔之。又與子儀合擊思明於嘉山。大破之。光弼以范陽本賊巢窟。當先取之。掘賊根本。會潼關失守。乃拔軍入井陘。肅宗卽位。詔以兵赴靈武。更授戶部尚書。同中書門下平章事。節度如故。光弼以景城河間兵五千入太原。前此節度使王承業政弛謬。侍御史崔衆王兵太原。每侮狎承業。光弼素不平。及是詔衆以兵附光弼。衆素犷易。見光弼長揖。不卽付兵。

光弼怒收繫之。會使者至拜衆御史中丞。光弼曰。衆有罪。已前繫。今但斬侍御史。若使者宣詔。亦斬中丞。使者內詔不敢出。乃斬衆以徇。威震三軍。至德二載。思明希德率高秀巖牛廷玠將兵十萬攻光弼。時銳兵悉赴朔方。而麾下卒不滿萬。衆議培城以守。光弼曰。城環四十里。賊至治之。徒疲吾人。乃撤民屋爲礮石車。車二百人挽之。石所及輒數十人死。賊傷十二。思明爲飛礮。障以木幔築土山臨城。光弼遣穴地頽之。思

開外春秋

卷五

大將

十四

明宴城下。倡優居臺上。斬指天子。光弼遣人隨地擒取之。思明大駭。徙牙幔遠去。軍中皆視地後行。又潛溝營地。將沉其軍。乃陽約降。至期以甲士守陴。遣裨校出。若送款者。思明大悅。俄而賊數千没于壑。城上鼓譟。突騎出乘之。俘斬萬計。思明畏敗乃去。留希德攻太原。光弼出敢死士搏賊。斬首七萬級。希德委資糧遁走。初賊至。光弼設公幄。城隅以止息。經府門不顧。圍解。閱三昔乃歸。私寢。收清夷橫草等軍。敗賊別將于

大橫關加檢校司徒尋遷司空封鄭國公乾元
初入朝詔官四品以上郊謁進兼侍中與九節
度圍安慶緒於相州大戰鄴西敗之光弼料思
明懲嘉山之敗不敢出議欲勒兵逼之則慶緒
可禽觀軍客使魚朝恩固謂不可既而思則來
授光弼拒戰尤力而諸將驚潰各引歸所在剽
掠獨光弼整衆還太原帝貸諸將罪以光弼兼
幽州大都督府長史知諸道節度行營事又代
子儀爲朔方節度使未幾爲天下兵馬副元帥

關外春秋

卷五

大將

十五

光弼以河東騎五百馳東都夜入其軍且謂賊
方闕洛當扼虎牢帥師東出河上檄召兵馬使
張用濟用濟憚光弼嚴教諸將逗留其兵用濟
單騎入謁光弼斬之以辛京杲代復追部將僕
固懷恩懷恩懼先期至會滑汴節度使許叔冀
戰不利降賊思明乘勝西嚮光弼敦陣徐行趨
東京謂留守韋陟曰賊新勝難與爭鋒欲誑之
以計然洛無見糧危偪難守公計安出陟曰益
陝兵公保潼關可以持久光弼曰兩軍相敵尺

寸地必爭今委五百里而守門賊得地勢益張
不如移軍河陽北阻澤潞勝則出敗則守表裏
兩應賊不得西此後臂勢也夫辨朝廷之禮我
不如公論軍旅勝負公不如我陟不能答遂檄
河南尹縱官吏避賊閉無留人督軍趣戰守備
思勇至偃師光弼悉軍趨河陽身以五百騎殿
賊游騎至石橋諸將曰並城而北乎當石橋進
乎光弼曰當石橋甲士夜持炬徐引部曲重堅
賊不敢逼已入三城衆二萬軍纔十日糧與卒

關外春秋

卷五

大將

十六

伍均少棄甘賊憚光弼未敢犯宮闕頓白馬祠
治塹溝築月城以守賊攻光弼與戰中渾西斬
千級執五千人初光弼謂李抱玉曰將軍能爲
我守南城二日乎抱玉曰過期何若曰棄之抱
玉許諾卽給賊曰吾糧盡明日當降賊喜歛兵
待期抱玉已繕完卽請戰賊忿欺急攻之抱玉
出奇兵夾擊俘獲過當賊帥周華引却與安太
清合衆三萬攻北城光弼歛軍入登陴望曰彼
軍雖銳然方陣而囂不足慮也日中當破乃出

戰及期未決。召諸將曰：彼彊而可破者，亂也。今以亂擊亂，宜無功。因問賊陣何所最堅。曰：西北。召廷玉曰：爲我以麾下破之。曰：廷玉所將共卒請騎五百，與之三百，復問其次。曰：東南。召論惟正，辭曰：善將也，不知步戰。請鐵騎三百，與之二百，乃出賜馬四十，分給廷玉等。光弼執大旗曰：望吾旗麾若緩，可觀便宜。若三麾至地，諸軍畢入，生死以之。退者斬。旣而馮瑑望廷玉軍不能前，趣左右取其首來。廷玉曰：馬中矢，非

開外春秋

卷之五

大將

七

却也。乃命易佗馬，有裨將援矛刺賊洞馬腹中。數人又有迎賊不戰而却者，光弼召援矛者，賜絹五百疋，不戰者斬。光弼麾旗三，諸軍爭奮，賊衆奔敗，斬首萬餘級，俘八千餘人，馬二千，軍資器械以億計。擒周摯、徐璜、王季秦授，惟太清挺身走，思明未知，猶攻南城。光弼驅所俘示之，思明大懼，築壘以拒官軍。始光弼將戰，內刀于靴，曰：戰危事，吾位三公，不可辱於賊。萬有一不捷，當自刎以謝天子。及是西向拜舞，三軍感動，太

清襲懷州，守之上元元年，加大尉中書令，進圍懷州。思明來救，光弼再逐北。思明屯兵河清，聲渡河絕餉路。光弼壁野水渡，旣夕還軍，留牙將雍希顥守。曰：賊將高暉、李日越萬人敵也，賊必使劫我，爾留此，賊至勿與戰。若降，與偕來，左右竊怪，語無倫。是日思明果召日越、高暉野次，爾以鐵騎五百夜取之，不然無歸。日越至壘，使人問曰：太尉在乎？曰：去矣，兵幾何？曰：千人，將爲誰？曰：雍希顥。日越謂其下曰：我受命云何，今顧

開外春秋

卷之五

大將

八

獲希顥，歸不免死，遂請降。希顥與俱至，光弼厚待之，表授右金吾大將。高暉聞之亦降，或問公降二將何易也。光弼曰：思明再敗，恨不得野戰，聞我野次，彼固易之。命將來襲，必許以死，希顥無名，不足以爲功。日越懼死，不降何待。高暉才出口，越之右，降者見遇，肅者得不思奮乎。諸軍決丹水灌懷州，未下。光弼令廷玉由地道入，得其軍號，登陴大呼。王師乘城擒太清、楊希仲，送之京師，獻俘太廟。思明使諜宣言賊將士皆

北人諱吟思歸魚朝恩信然屢上賊可滅狀召
論光弼光弼固言賊方銳未可輕動僕固懷
媚光弼功陰佐朝恩陳掃除計使者來督戰光
弼不得已令李抱玉守河陽出師次北邙光弼
使傅山陣懷恩曰我用騎今迫險非便地請陣
諸原光弼曰有險可以勝可以敗陣于原敗斯
鐵矣且賊致死於我不如阻險懷恩不從賊據
高原以長戟七百壯士執刀隨之委物爲遁懷
恩軍爭剽獲伏兵發官軍大潰懷州復陷光弼

開外春秋

卷之五

六將

十九

渡河保聞喜抱玉以兵寡棄河陽光弼請罪帝
以懷恩違令覆軍優詔召光弼入朝更拜開府
儀同三司中書令河中尹晉絳等州節度使未
幾復拜太尉兼侍中河南副元帥知河南等五
道節度行營事鎮泗州帝爲賦詩以餞朝義乘
邙山之捷進略申光等十三州光弼與疾就道
監軍使以兵少請保揚州光弼曰朝廷以安危
寄我賊安知吾衆寡若出不意當自潰遂疾駢
入徐州時朝義圍宋州使田神功擊走之寶應

元年進封臨淮郡王賜鐵券名藏太廟圖形涉
煙閣北邙之敗朝恩羞其策繆故深忌光弼切
骨而程元振尤疾之二人用事日謀有以中傷
者及來瑱爲元振讒死光弼愈恐吐蕃寇京師
代宗詔入援光弼畏禍遷延不敢行及帝幸陝
納倚以爲重數存問其母以解嫌疑帝還長安
因拜東都留守察其去就光弼以久頒詔書不
至歸徐州收租賦爲解帝令郭子儀自河中輦
其母還京光弼疾篤將吏問後事答曰吾淹軍

開外春秋

卷之五

六將

二十

中不得就養爲不孝子尚何言哉取所餘絹布
分遺部將薨年五十七部將卽以其布遂爲光
弼行喪號哭相聞帝遣使弔卹其母贈太保謚
曰武穆詔百官送葬延平門外光弼用兵謀定
而後戰能以少覆衆治師剛整天下服其威名
軍中指顧諸將不敢仰視初與郭子儀齊名世
稱李郭而戰功推爲第一其代子儀朔方
也營壘士卒麾幟無所更而光弼一號令之氣
色乃益精明云

按臨淮王善御軍賞當功罰適過其布陣也申號令鳴鼓角部伍坐作進退若一每按旗不如令者輒斬由是人皆自效而赴躡馳突心破膽裂與史思明抗敵守僥陽守太原守東京皆立大功而竟爲朝恩懷恩所媚畏禍歸徐君臣嫌疑惜哉

評曰李光弼生戎虜之緒沈鷲有守遵祿山之變拔任兵柄其策敵制勝不世出賞信罰明士卒爭奮毅然有古良將風好讀班固漢

關外春秋

卷之五 大將

三

書異夫庸人武夫者及困于口舌不能以忠自明奄侍內構遂陷嫌疑謀就安全而身益危所謂工于謀人而拙于謀己耶方攘袂狗國天下風靡一爲遷延而用神功等皆不受約束卒以憂死功臣去就可不慎耶詩曰靡不有初鮮克有終易曰狐濡其尾此見始之易終之難也嗚呼光弼雖有不釋位之誅然讒人爲害亦可畏矣將時之幸歟
唐時大將之權專而且重誅殺得以自便法

是以行威是以立功是以成此乃所謂制圍也光弼因崔衆不即付兵即收繫斬之張用濟運適因入謁又斬之所以威震三軍而力權歸厥也迺懷恩以違令覆軍而不正軍法何也豈其與朝恩比而具錦遂掣其肘而舍刃也歟

臨淮王之守太原亦既竭盡心力矣止息于城隅閱三昔乃歸府納刀于韞中拚一死以報國此其忠誠可以質天地而泣鬼神而魚

關外春秋

卷之五 大將

三

程兩奄日謀有以中傷之是何肺腸也凡郡邑守令遇賊至而失陷城池者罪不赦然郡邑苦無兵即有之不過象人塗馬耳若賊執重大則難與交鋒也雖駢首就死亦何益哉光弼久在行間老於兵事至河東即檄河南縱官吏避賊不惟曉暢時執亦且體恤人情可與權者也

唐尚父太尉中書令天下兵馬副元帥前留守

東都東畿山南東道河南諸道行營元帥司徒代國公尚書左僕射司空同中書門下平章事仍總節度贈太師忠武汾陽郡王郭子儀

儀

子儀字子儀華州鄭人長七尺二寸以武舉異等累遷單于副都護振遠軍使天寶十四載安祿山反詔子儀為衛尉卿靈武郡太守充朔方節度使率本軍東討子儀收靜邊軍斬賊將周

關外春秋

卷之五 大將

三

萬項敗高秀巖於河曲遂收雲中馬邑開東徑加御史大夫賊陷常山河北郡縣皆沒會李光弼拔常山子儀引軍下井陘與李光弼合破賊史思明眾數萬還常山思明以眾數萬尾軍及行唐子儀選騎五百更出挑之三日賊引去乘之又破於沙河祿山益出精兵佐思明子儀曰彼恃加兵必易我易我心不固戰則克矣與戰未決戮一部將以徇士殊死戰大破之斬首二千級俘五百人獲馬如之於是晝揚兵夜擣壘

賊不得息氣益老乃與光弼僕固懷恩等擊賊

嘉山斬首四萬級獲人馬萬計思明跳奔博陵於是河北諸郡往往斬賊首迎王師方北圖范陽會哥舒翰敗天子入蜀太子即位靈武詔班師子儀與光弼率步騎五萬赴行在拜子儀同中書門下平章事仍總節度肅宗大閱六軍鼓而南至彭原宰相房琯自請討賊次陳濤師敗眾略盡故帝唯倚朔方軍為根本賊安守忠壁永豐倉子儀遣子旰與戰多殺至萬級旰死于

關外春秋

卷之五

大將

五

陣進收倉於是關陝始通詔還鳳翔進司空充關內河東副元帥率師趨長安次潯水賊守忠等軍清渠左大戰王師不利委仗奔子儀收潰卒保武功待罪於朝乃授尚書左僕射俄從元帥廣平王率蕃漢兵十五萬收長安李嗣業為前軍元帥為中軍子儀副之王思禮為後軍陣香積寺之北距渭水臨大川彌旦一舍賊李歸仁領勁騎薄戰官軍奮嗣業以長刀突出斬賊數千騎乃定回紇以騎兵繚賊背夾攻之斬首

六萬級生擒二萬賊帥張通儒夜亡走陝郡翌日王入京師老幼夾道呼曰不圖今日復見官軍王休士三日遂東安慶緒聞王師至遣嚴莊悉衆十萬屯陝助通儒旌幟鉦鼓徑百餘里師至新店賊已陣出輕騎子儀遣二隊逐之又至倍以往皆不及賊營輒反最後賊以二百騎掩軍未戰走子儀悉軍橫貫其營賊張兩翼包之官軍稍却副業率回紇從後擊塵且空飛矢射賊賊驚曰回紇至矣遂大敗僵尸相屬嚴莊等

同外春秋 卷之五 大將 五

走洛陽挾慶緒渡河保相州遂收東都於是河東河西河南州縣悉平以功加司徒封代國公入朝帝遣具軍容迎灞上勞之曰國家再造卿之力也子儀頓首陳謝有詔還東都經略北討乾元初破賊河上執安守忠以獻遂朝京師詔一官迎於長樂驛帝御望春樓待之進中書令帝即令九節度大舉討慶緒以子儀光弼皆元功難相臨攝第用魚朝恩為觀軍容宣慰使而不立帥于儀自杏園濟河圍衛州慶緒分其衆

為三軍將戰子儀選善射三千人伏壁內誠曰須吾却賊必乘壘若等謀而射既戰偽遁賊薄營伏發注射如雨斬首四萬執安慶和收衛州復連營進圍相州引漳水灌城城中糧盡人相食慶緒求救於史思明思明自魏來李光弼等前軍遇之戰鄴南勝負相當子儀督後軍未及戰會大風拔木遂晦跬步不能相物色於是王師南潰賊亦走輜械滿野時王師衆而無統進退相顧望其功不專是以及于敗有詔留守東

同外春秋 卷之五 大將 五

都俄改東畿山南東道河南諸道行營元帥魚朝恩素疾其功因是謀譖之故帝召子儀還以李光弼代子儀領朔方兵子儀雖失軍無少望乃心朝廷議者謂子儀有社稷功而孽寇首鼠乃置散地非所宜帝亦悟及光弼敗邙山失河陽河中亂殺李國貞太原戕鄧景山朝廷憂二軍與賊合而少年新將望輕不可用遂以子儀為天下兵馬副元帥進封汾陽郡王屯絳州時帝已不豫羣臣莫有見者子儀請曰老臣受命

將死于外不見陛下目不瞑帝引至厨内謂曰
河東事一以委卿子儀嗚咽流涕賜御馬銀器
雜絲別賜絹布九萬子儀至屯誅首惡數十人
太原辛雲京亦治害景山者諸鎮皆惕息代宗
立程元振自謂於帝有功忌宿將難制離構百
計因罷子儀副元帥加實封七百為肅宗山陵
使子儀懼盡哀肅宗所賜詔勅千餘篇上之
因自明也詔曰朕不德貽大臣憂朕甚自愧自
今公母有疑廣德二年僕固懷恩誘吐蕃回紇

關外春秋

卷之五 大將

七

党項數十萬入寇朝廷大恐詔子儀屯奉天帝
問計所出對曰無能為也懷恩本臣偏將雖慄
果然素失士心今能為亂者因恩歸之人切與
俱來且皆臣故部曲素以恩信結之彼忍以刃
相向乎帝曰善虜寇邠州先驅至奉天諸將請
擊之子儀曰客深入利速戰彼下素德我吾緩
之當自携貳因下令敢言戰者斬堅壁拒之賊
果遁子儀至涇陽進拜尚書令詔起詣省視事
百官往慶勅射生五百騎執戟寵衛子儀確讓

帝不得已許之具以所讓付史官因賜美人六
人從者自副車服帷幣咸具永泰初詔都統河
南道節度行營復鎮河中懷恩盡說吐蕃回紇
党項羗渾奴刺等三十萬掠涇邠躡鳳翔入醴
泉奉天京師大震急召子儀屯涇陽軍纔萬人
比到虜騎圍已合乃使李國臣高昇諸將嚴設
守備而不戰是時回紇與吐蕃聞懷恩已死相
與爭長分營而居矣回紇在城西子儀因使李
光瓚等往說回紇欲與之共擊吐蕃回紇曰郭

關外春秋

卷之五 大將

七

公若果在此可得見乎光瓚報子儀子儀請挺
身往左右諫戎狄野心不可信子儀曰虜眾數
十倍今力不敵吾將示以至誠左右請以騎五
百從又不聽即傳呼曰令公來虜皆持滿待子
儀以數十騎出免胄見其大首曰諸君同艱難
久矣何忽忘忠誼而至是回紇捨兵下馬羅拜
曰果吾父也子儀亦下馬前執藥葛羅手讓之
云云因取酒與酋長共飲藥葛羅使子儀先執
酒為誓子儀酌地曰大唐天子萬歲回紇可汗

亦萬歲兩國將相亦萬歲有負約者身墮陣前
家族滅絕杯至藥葛羅亦醉地曰如今公誓於
是諸酋長皆大喜曰師以二巫師從軍巫言此
行甚安穩不與唐戰見一大人而還今果然矣
子儀竟與約而還吐蕃疑之夜引去藥葛羅請
盡力擊吐蕃以謝過率眾追之子儀使白元光
帥精騎繼發破吐蕃十萬於靈臺西原斬級五
萬俘萬人盡得所掠士女牛馬等不可勝計遂
自涇陽來朝加實封二百戶大曆初華州節度

蘭外春秋

卷之五

大將

元

使周智光謀叛帝問道以蠟書賜子儀令率軍
討之同華將吏聞軍起殺智光傳首闕下回紇
赤心請市馬萬匹有司以財乏止市千匹子儀
曰回紇有大功宜答其意中原須馬臣請內一
歲奉佐馬直詔不聽人許其忠德宗嗣位詔還
朝攝冢宰充山陵使賜號尚父進位太尉中書
令增實封通前二千戶給糧千五百人芻馬三
百疋罷所領使及帥建中二年疾病帝遣舒王
到第傳詔省問子儀不能興叩頭謝恩薨年八

十五帝悼痛廢朝五日詔羣臣往弔隨喪所須
皆取于官贈太師陪葬建陵及葬帝御安福門
哭過其喪百官陪位流涕謚曰忠武配享僖宗
廟廷著令一品墳崇丈八尺詔特增丈以表元
功子儀事上誠御下恕賞罰必信遭幸臣程元
振魚朝恩短毀方時多虞握兵處外然詔至卽
日就道無纖芥顧望故讒間不行方破陸蕃靈
州時朝恩使人發其父墓盜未得子儀自涇陽
來朝中外大懼帝信之卽號泣曰臣父主兵不

蘭外春秋

卷之五

大將

三

能禁士殘人之墓人今發先人墓此天譴也朝
恩又嘗約子儀修具元載使人告以軍容將不
利公其下願衷甲以從子儀不聽但以家僮十
數人往朝恩曰何車騎之寡告以所聞朝恩泣
曰非公長者得無致疑乎曰承嗣傲狠不軌子
儀嘗遣使至魏承嗣西望再拜指其膝請使者
曰茲膝不屈於人久矣今爲公拜麾下將數
十皆王侯貴重子儀願指進退若部曲然幕府
六十餘人後皆爲將相顯官其取士得補遺如

此與李光弼齊名而寬後得人過之代宗不名呼為大臣以身為天下安危者二十年校中書令考二十四八子七婿皆貴顯朝廷諸孫數十不能盡識至同安但領之而已

按孔子刪書而以秦誓終之其曰若有一個臣人之有技若已有之人之彥聖其心好之蓋大臣以人事君不可媚嫉而妨賢也汝安思順帥朔方時子儀與光弼俱為牙將素不相能及子儀代思順奉詔東討光弼請死乞

國外春秋

卷之五

三

免其妻子子儀趨下持抱上堂而泣曰國亂主遷非公不能東伐非懷私忿時執其手相對而拜因率本軍與光弼合破賊子儀真心為國從封疆起見也足當一個臣矣

評曰大寶末盜發幽陵外阻內訌子儀自朔方提孤軍轉戰遂北諠不反顧當是時天子西走唐祚若贅旒而能輔太子再造王室及大難略平遺纒甚詭奪兵柄然朝聞命夕上道無纖介自嫌及被圍涇陽單騎見虜歷以

至誠猜忍沮謀雖唐命方永亦由忠貫日月神明扶持者哉及光弼畏備不終而子儀完名高節爛然獨著福祿永終雖齊桓晉文比之為備唐史臣裴垍稱權傾天下而朝不忌功蓋一世而上不疑後窮人欲而議者不之貶嗚呼垍誠知言其子孫多以功名顯蓋盛德後云

王在邠州嘗奏一州縣官而勅不下判官張曇言於同列以令公勛德而請一吏致阻是

國外春秋

卷之五

三

宰相不知體也王聞之曰自艱難以來朝廷姑息方鎮武臣求無不得以是方鎮跋扈使朝廷見疑今子儀奏一屬官不下不過是所請不當聖意上恩親厚不以武臣待子儀諸公可以賀矣聞者服其公忠王在河中禁無故走馬犯者死南陽夫人乳母之子撻禁都虞候杖殺諸子泣告於王王叱而遣之明日對賓僚呼嘆者數四衆莫喻徐問之王曰某之諸子皆奴才也遂告以故曰伊不實父之

希虞候而惜母之阿姊兒非奴才而何

唐司徒兼中書令鳳翔隴右涇原節度使兼行

營副元帥贈太師西平郡忠武王李晟

晟字良器，洮州臨洮人。年十八，往事河西王忠嗣。從擊吐蕃，悍酋乘城殺傷士甚衆，忠嗣怒，募善射者，晟挾一矢，墮之三，軍譙奮忠嗣，撫其背曰：萬人敵也。大曆初，李抱玉表晟為右將軍，吐蕃寇靈州，抱玉授以兵五千擊之，辭曰：衆則不足，以謀則多。乃請千人，繇大碛，背臨洮，屠定秦堡，執其帥慕容谷鍾虜，乃解靈州去。馬璘與吐蕃戰鹽倉，敗績，晟率游兵援璘，以歸封合川郡王。璘內忌晟威略，歸之朝，為右神策都將。建中二年，魏博田悅反，晟為神策先鋒，與河東馬燧、昭義李抱真合兵攻之，斬楊朝光。晟乘水渡洛水，破悅，又戰洹水，悅大敗，遂進攻魏。朱滔王武俊圍康日知于趙州也，抱真分兵二千戍邢。燧怒，欲班師，晟曰：奉詔東討者，吾三帥也。邢趙北壤，今賊以兵加趙，是邢有晝夜憂。李公分衆守之，不為過。公柰何？遽引去。燧悟釋然，即遣使

外承永

卷之五 大將

唐

真壘與交歡。晟建言以兵趨定州，與張孝忠合。以圖范陽。則武俊等當捨趙，帝壯之。俾神策三將軍莫仁耀等諫之。晟自魏引而北。武俊果解去。會帝山奉天，有詔召晟，即日治嚴。而孝忠以事介，二盜間倚晟為重，數止晟無西。晟語眾曰：天子播越，人臣當百舍一息。義武欲止吾，吾當以子為質，乃以憲約昏，并遺良馬。孝忠有親將，為晟解。玉帶遺之，使喻孝忠，乃得踰飛狐。次代州，詔迎拜。神策行營節度使進臨渭北，壁東

關外春秋 卷五 大將 三

渭橋，所過樵蘇無犯。時劉德信自扈澗敗歸，亦次渭南，軍器無制。德信入謁晟，晟責所以敗，斬之以數騎入壁，勞其軍，無敢動。晟已并兵，則軍益振。李懷光方軍咸陽，不欲晟當一面，請與晟合。有詔徙屯，與懷光聯壘。晟每與賊戰，必錦裘繡帽，白表指顧陣前。懷光望見，惡之，戒曰：將務持重，豈宜自表攝為賊餌哉？晟曰：昔在涇原，士頗相畏伏，欲令見之，奪其心爾。懷光不悅，每兵至都城下，而懷光軍多鹵掠。晟軍整戢，懷光使

分所獲遺之，又辭不敢受。懷光謀沮撓其軍，即奏言神策兵給賜比方鎮獨厚，今桀逆未平，軍不可以異。懷光欲晟自削其軍，則士怨易撓。帝議諸軍與神策等，力且不贍。遣學士陸贄臨詔，懷光令與晟計所宜者。懷光曰：廩賜不均，軍何以戰？贄數傾晟。晟曰：公元帥，軍政得專之，晟將一軍，唯所命，其增損費調，敢不聽。懷光默然計。塞頤刻削，廩賜事出已，乃止。懷光陰通朱泚，圖反。晟與李建徽、陽惠元皆聯屯，適有使者到晟

關外春秋 卷五 大將 三

軍。晟乃令曰：有詔徙屯，即結陣趨東渭橋。後數日，懷光并建徽、惠元兵，惠元死之。是日帝進狩梁州，顧渾城曰：渭橋在賊腹中，兵孤絕，晟能辨勝邪？城曰：晟秉義挺忠，卒然不可奪。臣策之必破賊，帝乃安。遣晟將張少弘口詔進晟，同中書門下平章事。晟提孤軍，橫當寇鋒，恐二盜合以軋之，則甲辭厚幣，僞致誠於懷光焉。時赦倉卒，乏乃使張戔假京兆少尹，調畿內賦，不淹旬，芻米告具。乃陳兵下令曰：國家多難，乘輿播遷，見

危死節是吾之分、公等此時不誅元凶、取富貴、非豪英也。渭橋斷賊首尾、吾欲與公戮力一心、建不世之功可乎？士皆奮泣曰：惟公命、於是駱元光以華州之衆守潼關、尚可孤以神策兵保七盤、皆受晟節度、戴休顏舉奉天、韓游懷悉邠寧軍、從晟、懷光始懼、晟乃移書顯責之、使破賊自贖、懷光不聽、然其下益攜落、畏爲晟襲、乃奔河中、其將孟陟段威勇以兵數千自拔歸晟、皆表以要官、帝欲益西幸、晟請駐梁漢以繫天下。

開外春秋

卷之五

大將

三七

望。又進京畿、渭北、鄜坊、商華、兵馬、副元帥、及晟家皆爲賊質、左右有言者、晟涕數行、下曰：陛下安在、而欲恤家乎？泚使晟吏王無忌、督欵壁門、曰：公等家無恙、晟怒曰：爾乃與賊爲間乎？叱斬之時、輪鎌不屬、盛夏士有衣裘者、晟能與下同甘苦、以忠誼感發士心、終無攜怨、邏士得姚令言、崔宜諫者、晟命釋縛、飯飲之、遣還、敕曰：爲我謝令言等、善爲賊守、勿不忠於泚、乃引兵叩都門、賊不敢出、振旅而還、明日會諸將、圖所向、衆

對先拔外城、然後清宮、晟曰：外城有里閭之隘、若設伏格戰、居人囂潰、非計也、賊重兵精甲聚苑中、今直擊之、是披其心腹、將圖走不暇、諸將曰：善、乃自東渭橋移壁光泰門、以薄都城、連溝柵、而賊將張庭芝、李希倩求戰、晟顯曰：賊不出、是吾憂也、今乃冒死來、天誘之矣、勸吳詵等縱兵鏖擊、賊攻華師急、晟以精騎馳救、中軍譟而從、大破之、乘勝入光泰門、再戰、賊却、殪尸相籍、餘衆走白華、賊大哭、終夜不息、翌日將復戰、或

開外春秋

卷之五

大將

三七

請待西師、晟曰：賊既敗、當乘機撲殄、苟俟西軍、是容其爲計、豈吾利邪？乃悉軍軍光泰門、使王泌、李演將騎、史萬頃將步、抵苑北、晟先夜墮苑垣、爲道二百步、北兵至、賊已伐木塞以拒戰、晟勅諸將曰：安得縱賊、今先斬公矣、萬頃懼、先登拔柵以入、泌督騎繼之、賊崩潰、執其將段誠、諫大兵分道進、鼓譟震地、令言庭芝、希倩等殊死關、晟令唐良臣等步騎奔突賊陣、臣輒北十餘、遇皆不勝、賊入白華、賊伏千騎出官軍背、晟以

麾下百騎自馳之左右呼曰相公來賊驚潰擒
賊略盡此率殘卒萬人西走田子奇追之餘黨
悉降晟引軍屯舍元外廷舍右金吾次令軍中
日五日內不得輒通家問違者斬遣京兆尹李
齊運部長安萬年令分慰居人秋毫無所擾別
將高明曜取賊妓一司馬伯取賊馬二即斬以
徇坊人之遠者宿昔乃知王師之入也明日孟
涉屯白華尚可孤屯望仙門駱元光屯章泰寺
晟屯安國寺擇文武攝臺省官以俟乘輿條脅

關外春秋

卷之五

大將

五

汚於賊者請以不死露布至梁帝感泣羣臣上
壽且言晟蕩夷兇愆而市不易塵宗廟不震長
安之人不識旗鼓雖三代用師不能如之帝曰
天生晟為社稷萬人豈獨朕哉拜晟司徒兼中
書令帝至梁晟以戎服見至橋帝馳馬勞之晟
再拜頓首賀克珍大盜廟朝安復已即跪陳臣
備爪牙不能指日破賊致奪金吾乃令不任
職之咎敢效死伏道左帝為掩涕命赴之使就
位有詔賜第承從里涇陽上里延平門之林園

女樂一列晟入第京兆供帳教坊鼓吹迎導詔
將相送之帝紀其功自文於碑勅太子書立于
東渭橋以示後世云始晟屯渭橋也熒惑守歲
久乃退府中皆賀曰熒惑退國家之利速用兵
者昌晟曰天子暴露人臣當力死勤難安知天
道邪至是乃曰前士大夫勸晟出兵非敢拒也
且人可用而不可使之知也夫惟五緯盈縮不
常晟懼復守歲則我軍不戰自屈矣皆曰非所
及也涇州倚邊數戕其帥晟請治不恭命者因

關外春秋

卷之五

大將

四

以訓耕積粟實塞下羈制西戎帝乃拜晟鳳翔
隴右涇原節度使兼行營副元帥徙王西平郡
時宦者尹元正持節到同華擅入河中諭慰李
懷光晟劾元正矯使欲洗宥元惡請治罪又言
赦懷光有五不可今河中米斗五百芻粟且罄
人餓死墻壁間其大將殺戮幾盡圍之旬時力
窮日潰願無養腹心疾為後憂臣請選精兵五
千約十日糧可以破賊帝方以賊委馬燧渾瑊
故不許晟常曰河隴之陷非吐蕃能取之皆將

臣沓貪暴其種落不得耕稼日益東徙自棄之
爾且士無繒絮人苦役擾思唐之心豈有既乎
悉家貲懷輯降附得大首浪息曩表以王號
每虜使至必召息曩於坐衣大錦袍金帶誇異
之虜皆指目歆豔吐蕃君臣大懼相與議尚結
者善計乃曰唐名將特李晟與馬燧渾瑊爾
不去之必為吾患即遣使委辭因燧請和且求
盟因盟謀執瑊以賣燧於是結贊大興兵踰隴
岐無所掠伴怒曰召吾來乃不牛酒犒軍徐引

國外春秋

卷之三

大將

四

去以是間晟選兵三千使王佖伏汧陽旁擊
其中軍幾獲結贊晟又遣野詩良輔等攻催沙
堡拔之結贊屢乞和會晟朝京師奏言戎狄無
信不可許而張延賞當國故與晟有隙密言晟
不可久持兵帝惑其言貞元三年拜太尉中書
令罷其兵是歲瑊與吐蕃盟平涼虜劫之瑊挺
身免詔罷燧河東皆如結贊計云通王府長史
丁瓊者嘗為延賞擠抑內怨望乃見晟日以公
功乃奪兵柄夫惟位高者難全盍審圖之晟曰

君安得不祥之言執以聞明年詔為晟立五廟
追貴高祖以下祔其主給牲器牀幄禮官相事
七年以臨洮未復請附貫萬年詔可九年薨年
六十七帝聞流涕詔百官就第進弔比大欽帝
手詔誓以存保世嗣甲告樞前贈太師謚忠武
又御望春門臨送遺謁者宣于樞東百官拜哭
于道元和中以晟配享德宗廟廷僖宗狩蜀倉
部員外袁皓采晟功烈為興元聖功錄徧賜諸
將表勵之晟性疾惡臨下明每治軍必曰某有

國外春秋

卷之五

大將

四

勞其長於是雖廝養小善必記姓名既薨城鹽
州復故池以新鹽賜宰相帝思晟乃致鹽靈座
其春遇始終無與比者有十五子愿憲翹最著
按西平一矢而燹悍首與二箭定天山者相
同錦裘繡帽指揮陣前與著白衣自標顯者
相同而乘水渡洛以破田悅趨定州以圖范
陽而武俊解圍抑懷光撓軍之謀釋令言謀
者之縛智深而勇沉加薛公數等矣
西平篤分義隆于故舊嵐州刺史譚元澄嘗

有德於晟後澄死晟既貴直其枉詔贈元澄
官晟撫其二子為成就之帥鳳翔日嘗謂魏
徵以直言古于堯舜而羨慕之曰忠臣也
行軍司馬亦及日彼指紳儒者事公勲德
何帝是哉晟曰君失辭晟幸得備將相苟容
身不言豈可謂有犯無隱者耶故其家皆質
賊中左右以為言晟曰陛下安在泚使吏欵
壁門曰公家無恙叱斬之此其忠義可以貫
金石泣鬼神矣魏公尚須讓一頭地

外春秋

卷之五

大將

四三

晟與馬燧在朝每宴樂恩賜使者相銜于道
兩家日出無鐘鼓聲則金吾以聞少選使者
至必曰今日何不舉樂其為朝廷所眷注如
此

評曰西平王之屯東潞橋也朱泚盜京師李
懷光反咸陽河北之叛相王李納剽河南李
希烈誼鄭汲王無積貲輸糧提孤軍抗羣賊
身佩安危而氣不少衰者徒以忠誼感人故
豪英樂為之死耳至師入長安而人不知難

三王之佐無以加之可謂仁義之師矣嗚呼
功能存社稷不能見信于庸主卒奪其兵
哉雖然功蓋天下惟退可以免禍四子世似
其勞是宜有後哉

晟為金吾大將軍時術人彖道茂齋一縑見
晟再拜曰公貴盛無比然我命在公手能見
赦否晟大驚不領其言道茂出懷中一書自
具姓名署其右曰為賊逼脅固請晟判晟笑
曰欲我何語道茂曰第言准款赦之晟勉從
之

外春秋

卷之五

大將

四四

已又以縑易晟衫請題袷磨曰它日為信再
拜去道茂果汚朱泚偽官晟收長安與逆徒
縛旗下將就刑出晟衫及書以示晟為奏原
其死蓋其人善太乙遁甲術云

唐太子太保同中書門下平章事。校尚書左

僕射山南東道節度使前金紫光祿大夫檢

校左散騎常侍隋唐鄧節度使涼國武公李

愬

愬字元直有籌略善騎射以蔭補協律郎累官

至坊晉二州刺史以治異等加金紫光祿大夫

憲宗討吳元濟唐鄧節度使高霞寓既敗以袁

滋代將復無功愬求自試宰相李逢吉亦以愬

可用遂檢校左散騎常侍為隋唐鄧節度使愬

關外春秋 卷之三 大將 四

以其軍初傷夷士氣未完乃不為斥候部伍或

有言者愬曰賊方安袁公之寬吾不欲使震而

備我乃令於軍曰天子以愬能忍耻故委以撫

養戰非吾事也眾信而安之乃斥倡優未嘗嬉

樂士傷夷病疾親為營護蔡人以嘗敗辱霞寓

等又愬名非夙所畏者易之不為備愬沈鷲務

推誠待士故能張其甲弱而用之賊來降輒聽

其便或父母與孤未葬者給粟帛遣還勞之曰

而亦王人也無棄親戚眾願為愬死故山川險

易與賊情偽一能曉之居半歲知士可用乃請

濟師詔益河中鄭坊二千騎於是繕鎧厲兵攻

馬鞍山下之拔道口柵戰嶺呀山以取鱸冶城

入白狗汶港柵破楚城襲則山再執守將平青

陵城擒驍將丁士良異其才不殺署捉生將士

良謝曰吳秀琳以數千兵不可破者陳光治為

之謀也我能為公取之乃擒以獻於是秀琳舉

文城柵降遂以其眾攻吳房殘外垣始出攻吏

曰往亡日法當避愬曰彼謂吾不來此可擊也

關外春秋 卷之三 大將 四

既引還賊以精騎尾擊愬下馬據胡牀令軍曰

退者斬眾決死戰射殺其將賊乃走或勸遂取

吳房愬曰不可吳房拔則賊力專不若留之以

分其力初秀琳降愬單騎低柵下與語親釋縛

表以為將秀琳為愬策曰必破賊非李祐無與

成功者祐賊健將也守與橋柵其戰嘗易官軍

愬候祐護喪于野遣史用誠以壯騎三百伏其

旁見羸弱若將燔聚者祐果輕出用誠擒而還

諸將素苦祐請殺之愬不聽以為客待間召祐

及李忠義屏人語至夜艾忠義亦賊將所謂李
憲者軍中多諫此二人不可近愬待益厚乃募
死士三千人為突將自教之會兩自五月至七
月不止軍中以為不殺祐之罰將吏雜然不解
愬力不能獨完祐乃持以泣曰天不欲平賊乎
何見奪者眾邪則械而送之朝表言必殺祐無
與共誅蔡者詔釋以還愬愬乃令佩刀出入帳
下署六院兵馬使六院者隋唐兵也凡三千人
皆山南奇林銳士故委祐統之祐捧檄鳴咽諸

國外春秋

卷之五 大將

四

將乃不敢言由是乃定襲蔡之謀矣舊令敢舍
謀者族愬刊其令一切撫之故謀者反効以情
愬益悉賊虛實時李光顏戰數勝元濟悉銳卒
屯洞曲以抗光顏愬知其隙可乘乃遣從事鄭
澥見裴度告師期於時元和十一年十月己卯
師夜起祐以突將三千為前鋒李忠義副之愬
率中軍三千田進誠以下軍殿出文城柵令曰
引而東六十里止襲張柴殲其戍救士少休益
治鞍轡發弓發弓會大雨雪天晦凜風偃旗裂

膚馬皆縮慄士抱戈凍死於道十一二張柴之
東陂澤阻與眾未嘗蹈也皆謂投不測始發吏
請所向愬曰入蔡州取吳元濟士失色監軍使
者泣曰果落祐計然業從愬人人不敢自為計
愬道分輕兵斷橋以絕洞曲道又以兵絕良山
道行七十里夜半至懸瓠城雪甚城旁皆鵝鴨
池愬令擊之以亂軍聲賊恃吳房郎山戍晏然
無知者祐等坎墉先登眾從之殺門者發門留
持柝傳夜自如黎明雪止愬入駐元濟外宅蔡

國外春秋

卷之五 大將

四

吏驚曰城陷矣元濟尚不信曰是洞曲子弟來
索褚衣爾及聞號令曰常侍傳語應者近萬人
始驚曰何常侍得至此率左右登牙城田進誠
兵薄之愬計元濟且望救於董重質乃訪其家
慰安之使無怖以書召重質重質以單騎白衣
降愬待以禮進誠火南門元濟請罪梯而下檻
送京師申光諸屯尚二萬眾皆降愬不戮一人
其為賊執事帳內厨廩廝役悉用其舊使不疑
乃屯兵鞠塲以俟裴度至愬以橐韃見度將避

之。愬曰：此方廢上下分久矣，請因示之，度以宰相禮受。愬請蔡人聳觀，乃還屯文城柵，有詔進檢校尚書左僕射、山南東道節度使、封涼國公，實封五百戶，賜一子五品官。帝方經略隴右，故徙愬節度，鳳翔李斯道反，詔愬代，愿帥武寧軍，旬日踐父兄兩鎮，世以為榮。愬與賊戰，金鄉破之，凡十一遇，擒其隊帥五十，俘賊萬計，淄青平。進同中書門下、同章事，徙昭義節度，賜第興寧里。會田弘正守鎮州，乃以愬帥魏博，長慶初，幽鎮

亂殺弘正，愬素服以令軍曰：魏人富庶而通於天化者，田公力也，上以其愛人，使往治鎮，且田公撫魏七年，今鎮人，不道而戕害之，是無魏也。父兄子弟，食田公恩者，何以報之？衆皆哭，又以玉帶寶劍遺牛元翼，曰：此劍吾先人常以滿大盜，吾又以平蔡姦，今鎮人逆天，公宜用此夷之也。元翼感動，謝曰：敢有不承而愛其死力，乃下令軍中，勅兵以俟。會愬疾甚，不能軍，詔田布代之，以太子少保還東都，卒。年四十九，贈太尉，謚

曰武，始晟克京師，市不敢肆，愬平蔡亦如之，名之奇，近世所未有。按愬行已約，其昆弟賴家，勛貴，飾輿馬，矜室廬，唯愬所處，乃父時故院，無所增益，蓋其精神，惟以驚功名，而用志不分也。當官未嘗嬉樂，不遇倡優，旬日而踐父兄兩鎮，不愧家聲云。評曰：愬得李祐不殺，付以兵不疑，知可以破賊也。祐受任不辭，決榮入死，以愬能用其謀也。祐之才，待愬乃顯，故曰平蔡功，愬為多，然必得李祐，顏牽掣其銳卒，愬方得乘其隙耳。此自兵法，誰得其解。愬以財貴子，求自試，而宰相李逢吉，即以愬為可用，遂帥唐鄧，逢吉可謂具眼，庶幾鄧侯之物色淮陰矣。我朝江陵張文忠公為相時，能拔邊帥，戚繼光、李成梁，所以啣沫而卵翼者，靡所不至，嘗讀集，見其移書本兵制府，極力保護，惟恐摧抑

亂殺弘正，愬素服以令軍曰：魏人富庶而通於天化者，田公力也，上以其愛人，使往治鎮，且田公撫魏七年，今鎮人，不道而戕害之，是無魏也。父兄子弟，食田公恩者，何以報之？衆皆哭，又以玉帶寶劍遺牛元翼，曰：此劍吾先人常以滿大盜，吾又以平蔡姦，今鎮人逆天，公宜用此夷之也。元翼感動，謝曰：敢有不承而愛其死力，乃下令軍中，勅兵以俟。會愬疾甚，不能軍，詔田布代之，以太子少保還東都，卒。年四十九，贈太尉，謚

曰武，始晟克京師，市不敢肆，愬平蔡亦如之，名之奇，近世所未有。按愬行已約，其昆弟賴家，勛貴，飾輿馬，矜室廬，唯愬所處，乃父時故院，無所增益，蓋其精神，惟以驚功名，而用志不分也。當官未嘗嬉樂，不遇倡優，旬日而踐父兄兩鎮，不愧家聲云。評曰：愬得李祐不殺，付以兵不疑，知可以破賊也。祐受任不辭，決榮入死，以愬能用其謀也。祐之才，待愬乃顯，故曰平蔡功，愬為多，然必得李祐，顏牽掣其銳卒，愬方得乘其隙耳。此自兵法，誰得其解。愬以財貴子，求自試，而宰相李逢吉，即以愬為可用，遂帥唐鄧，逢吉可謂具眼，庶幾鄧侯之物色淮陰矣。我朝江陵張文忠公為相時，能拔邊帥，戚繼光、李成梁，所以啣沫而卵翼者，靡所不至，嘗讀集，見其移書本兵制府，極力保護，惟恐摧抑

其英雄之氣真宰相也

神宗而後寂寂可嘆。兵安得不弱。將安得不懦。四夷安得不訂。寇賊安得不棘哉。

史稱元直推誠待士。賊來降輒聽其便。擒丁士良。吳秀琳。李祐。李忠義。皆不殺而心腹之

言。其死力不可謂不知人也。晚乃與鄭注。言豈明有所不見歟。不然。或譌以傳偽耳。

陸伯言之帥江陵也。自許能忍辱。李元直之帥唐帥也。自任能忍耻。豈自道耶。抑設言耶。

聞外春秋 卷之五 大將 聖

要之從來真正豪傑。未有不自信而虛憍。恃氣者也。身而能張。弱而能強。天之道也。此義微矣。安得陸李二帥而與之談兵哉。

唐司徒兼侍中綏銀麟勝招討使光祿大夫前

晉絳慈照節度使河東保寧奉城軍行營副

元帥同中書門下平章事尚書右僕射魏博

檢校兵部尚書幽國公隴州刺史贈太傅莊

武北平郡王馬燧

燧字洵美。汝州郟城人。父季龍舉孫吳。儻善

兵法。科仕至刺史。燧姿度魁傑。長六尺二寸。與

諸兄學。輟策歎曰。方天下有事。丈夫當以功濟

四海。渠老一儒哉。更學兵書戰策。沈勇多算。安

聞外春秋 卷之五 大將 聖

祿山反。使賈循守范陽。燧說循。祿山首亂。今

雖舉洛陽。猶將誅覆。公益斬向。客牛廷玠。傾

其本根。使西不得入關。退亡所據。則坐受擒矣。

此不世功也。循許之。不時。燧會某卿招循舉

兵。祿山遣韓朝陽召循計事。因繼殺之。燧走西

山間道而歸。澤潞節度使李抱玉署為趙城尉。

時回紇還國。恃功恣睢。所過皆剽蕩。州縣供餼。

不稱。輒殺人。抱玉將饋勞。賓介無敢往。燧自請

典辦具。乃先賂其酋。與約得律。其章為信。犯令

并得殺之燧又取死囚給役左右小違令輒戮死虜大駭至出境無敢暴者抱玉才之抱玉守鳳翔表遂隴州刺史西山直吐蕃其上有通道常所出入者燧聚石種木障之設二門爲譙櫓八日而畢虜不能暴後在河陽秋大雨河溢軍吏請具舟以避燧曰使城中盡魚而獨完吾家吾不忍既而水不爲害遷河東節度使太原承鮑防之敗兵力衰單燧募服役得數千人悉補騎士教之戰數月成精卒造鎧必短長三制

關外春秋 卷之五 大將 堊

稱士所衣以便進趨爲戰車冒以狻猊象列戟於後行以載兵止則爲陣遇險則制衝冒器用完銳若一年關廣場羅兵三萬以肆威震北方遷檢校兵部尚書封幽國公初田悅新有魏博悉下未附即輸欵朝廷燧建言悅必反既而悅果圍邢州身攻臨洛築重城絕內外援邢將李洪臨洛將張仵固守詔燧以步騎二萬與昭義李抱真神策兵馬使李晟合兵救之燧出嚙口未過險移書抵悅示之好悅以燧畏已大喜既

次邯鄲悅使至燧皆斬之遣兵破其支軍射殺賊將成炫之悅聞使大將楊朝光以兵萬人據雙岡築東西二柵以禦燧燧率軍營二壘間是夜東壘遁燧進營徇明山取棄壘置輜重悅計曰朝光堅柵且萬人雖燧能攻未可以數日下且殺傷必衆則吾已拔臨洛饗士以戰必勝術也分恒州兵五千助朝光燧令大將李自良等以騎兵守雙岡戒曰令悅得過者斬燧乃推火車焚朝光柵自晨及晡急擊大破之斬朝光擒

關外春秋 卷之五 大將 堊

其將盧子昌獲首五千執八百人居五日進軍臨洛悅悉軍戰燧自以銳士當之凡百餘返士皆決死悅大敗斬首萬級俘係千餘獲殺三十萬斛邢圍亦解以功遷尚書右僕射初將戰燧約衆勝則以家貲賞至是殫私財賜麾下德宗嘉之詔出度支錢五十萬償其財進兼魏博招討使李納李惟岳合兵萬三千人救悅悅哀散兵二萬壁洹水滿青軍其右恒冀軍其左燧進屯鄴請益兵詔河陽李芑以兵會次于漳悅遣

將王光進以兵守漳之長橋。築月壘扼軍路。燒於下流。以鐵鎖維車。數百絕河。載土囊。過水而後度。悅知燧食乏。深壁不戰。燧令士齋十日糧。進營倉口。與悅夾洹而軍。造三橋。逾洹。日挑戰。悅不出。陰伏萬人。將以掩燧。燧令諸軍夜半食。先鷄鳴時。鳴鼓角。而潛師並洹。趨魏州。令曰。聞賊至。止爲陣。留百騎持火。待軍畢發。匿其旁。須悅衆度。卽焚橋。燧行十餘里。悅率李納等兵踰橋。乘風縱火。譟而前。燧乃令士無動。命除榛莽。

簡外春秋

卷之五

大將

壘

廣百步爲場。募勇士五千人。陣而待。比悅至。火止。氣以衰。燧縱兵擊之。悅敗奔橋。橋已焚。衆赴水死者不可計。斬首二萬級。殺賊將孫晉卿。安墨。燬虜三千人。尸相枕籍三十里。淄青兵幾殲。悅夜走魏州。其將拒不納。比明追不至。悅乃得入。抱真芘問曰。糧少而深入。何也。燧曰。糧少戰利速。兵善於致人。今悅與淄青恒三軍爲首尾。欲不戰以老我師。若分擊左右。未可必破。悅且來助。是腹背受敵也。法有攻其必救。故取魏。以

破之。皆曰善。悅遣許士則侯。臧間行告窮於朱滔。王武俊會二人者。怨望乃連和。悅恃燕趙方至。卽出兵。皆城陣。燧復與諸軍破之。進同中書門下平章事。北平郡王。滔武俊聯兵五萬薄魏。會帝遣李懷光以朔方軍萬五千助燧。懷光勇於鬪。未休士。卽與滔等戰。不利。悅決水灌軍。燧亦屈。退保魏縣。會涇師亂。帝幸奉天。燧還軍太原。初李抱真欲殺懷州刺史楊鉢。鉢奔燧。燧亦其非罪。乃免。抱真怒。及共解邢州圍。獲軍糧。

簡外春秋

卷之五

大將

壘

遂自有之。以餘給抱真軍。抱軍益怒。洹之捷軍進薄魏。悅以突騎犯燧營。李芘救之。抱真勒兵不出。燧將攻魏。取攻具於抱真營。并請雜兩軍平其功。抱真不聽。請獨當一尚。由是逗留。帝數遣講解。武俊略趙地。抱真分麾下二千人戍邢。燧怒。謂抱真以兵還守其地。我能獨戰死。邪。將引還。李晟和之。乃復與抱真善。及田昂降。燧請以洛州隸抱真。而用昭義副使盧玄卿爲刺史。兼魏博。招討副使李晟。兵前獨隸抱真。抱真亦

請兼隸於燧以示協一。然議者咎燧私忿交惡，卒不成大功。李懷光反河中，詔燧為河東保寧、奉城軍行營副元帥，與渾瑊駱元光合兵討之。持賊黨要廷珍守晉，毛朝敬守隰，鄭康守慈，燧移檄鎬諭皆以州降。因拜燧晉絳慈隰節度使，燧乃率步騎三萬次于絳，守將夜棄城去。降四千人，遣李自良定六縣，收卒五千，裨將谷秀違令掠士女，斬以徇。于時天下蝗，兵艱食，朝臣多請宥懷光者，帝未決。燧以河中近甸，捨之屈威。

開外春秋 卷五 大將 五

靈無以示天下，乃捨軍入朝，為天子自言之。且得三十日糧，足平河中，許之。乃與瑊元光韓游瓌之兵合，賊將徐廷光守長春宮城，燧度長春不下，則懷光固守，久攻所傷必衆，乃挺身至城下，見廷光，廷光憚燧威，拜城上，燧顧其心已屈。徐曰：我自朝廷來，可西嚮受命。廷光再拜，燧曰：公等朔方士，自祿山以來，功高天下，奈何棄之為族滅計，速從吾言，非止免禍，富貴可遂也。未對，燧曰：爾以吾為欺邪？今不遠數步，可射我披

而示之心。廷光感泣，一軍皆流涕，即率衆降。燧以數騎入其城，衆大呼曰：吾等更為王人矣。渾瑊亦自以為不及也，歎曰：借疑馬公能窘田悅，今觀其制度，固有過人者。吾不逮遠矣。進營焦籬堡，將降，餘戍望風遁去。燧濟河，兵入萬陣，城下，是日賊將牛名俊斬懷光降。河中平，遷光祿大夫，兼侍中，賜一子五品官，還太原，帝賜宸臺台衡二銘，以言君臣相成之美。勒石起義堂，帝榜其額以寵之。貞元二年，吐蕃尚結贊破鹽

開外春秋 卷五 大將 五

夏二州，守之。自屯鳴沙，及春，牧產死，糧乏，詔燧為綏銀麟勝招討使，與駱元光韓游瓌等會師擊虜，結贊懼，乞盟，帝不許。乃遣將論頰熱甘辭請於燧，欲乞盟。燧與論頰熱俱朝，盛言宜許，以盟。天子然之，乃詔渾瑊與盟平涼，虜劫盟，瑊僅得免，吐蕃歸。燧之兄子弁曰：賴公許和，今釋弁以報，帝聞，悔怒，奪其兵，拜司徒，兼侍中，賜妓樂奉朝請而已。尚結贊之謀也。後與李晟圖像凌烟閣，時晟已卒，帝顧燧曰：尚記與太尉晟俱來。

耶今乃獨見公因悲涕。燧亦疾而什帝親掖之。送至陞。燧頓首泣謝。固乞骸。讓侍中不許。卒年七十。贈太傅。謚莊武。

按馬洵美謀殺祿山。威制回紇。計遏吐蕃。擊田悅于魏博。平懷光于河中。功績顯著。所恨交惡於李洵真。失計於尚結贊。爲可惜耳。澤潞帥李抱玉將饋勞回紇。燧自請典辦。具賂酋首。得旗章爲信。殺其犯令者。遂不敢爲。暴可爲制點虜之法。造鎧必短長三制。稱士

關外春秋

卷之五

五元

所衣爲戰車。冒以狻猊象。可爲結陣之法。以鐵鑲維車絕河。載土囊過水。可爲度水之法。評曰。馬燧沉雄忠力。先計後戰。每戰親令於衆。無不感。樂用命。決死不北。名蓋一時。夷虜畏之。然力能得田悅而不取。尚結贊不可信。而信之。故河北三盜卒不臣。平涼大臣奔辱。燧之罪也。雖然。燧賢者也。不以功掩罪。亦不可以罪廢功也。

三立堂新編關外春秋卷之五

華胥外史漢陽 尹商 于皇甫 著

唐檢校司徒兼中書令前尚書左僕射同中書門下平章事兼靈鹽豐夏定遠西城天德軍節度朔方邠寧振武道永平郡奉天等處三行營副元帥單于大都護左金吾衛大將軍贈太師忠武威陽郡王渾瑊

瑊本鐵勒九姓之渾部也世為皋蘭都督父釋之有才武從朔方軍積戰功累官開府儀同三

閩外春秋 卷六 大將

司至寧朔郡王後與吐蕃戰沒瑊年十一善騎射隨釋之防秋朔方節度使張齊丘戲曰與乳媪俱來耶是歲立跳盪功後破賀魯部其勇常冠軍署折衝果毅後遷中郎將祿山反從李光弼定河北射賊驍將李立節貫其左肩死之從郭子儀復兩京討安慶緒勝之新鄉擢武鋒軍使從僕固懷恩平史朝義大小數十戰皆捷改大常卿吐蕃盜塞深入瑊會涇原節度使馬燧討之次黃菩原瑊引眾據險設槍壘自營遇賊

奔突舊將史抗等內輕瑊顧左右去槍叱騎賊既還虜躡而入遂大敗死者十八子儀召將日朔方軍高天下今敗於虜奈何瑊曰願再戰乃馳朝那與鹽州刺史李國臣趨秦原吐蕃引去瑊邀擊破之悉奪所掠而還回紇侵太原破飽防軍拜瑊都知兵馬使自石嶺關而南督諸軍倚角虜引去子儀為太尉德宗析所部為三節度以瑊兼單于大都護未幾召為左金吾衛大將軍建中中李希烈詐為瑊書若同亂者

閩外春秋 卷六 大將

帝識其謀用不疑更賜良馬錦幣帝狩奉天瑊率家人子弟以從授行在都虞候京畿渭北節度使朱泚兵薄城戰譙門晨至日中不解或以芻車至瑊曳車塞門焚以戰賊乃解泚治攻具矢石如雨晝夜不息凡浹日鑿塹圍城城中死者可藉人心危惴或夜縋出援蔬本供御帝與瑊相泣泚方据乾陵下瞰城翠翟紅袍左右宦人趨走宴賜拜舞又縱嫚詞戲斥天子又佞騎環馳責大臣不識天命造雲梁廣數十丈施大

輪濡邕及革冒之周布水囊爲郭指城東北構木廬蒙葦周置之運薪土其下將塞陞帝召城使以詔書千餘自御史大夫實封五百戶而下券突將死士當賊賜城筆使量功署詔不足則署衣以授因曰朕與公訣矣令馬承倩往有急可奏城俯伏嗚咽帝撫而遣之城前與防城使侯仲莊搗雲梁所道掘大隧積馬矢及薪然之賊乘風推梁以進載數千人王師乘城者皆凍餒甲弊兵餒城但以忠義感率使當賊人憂不

關外春秋

卷之六 大將

三

支羣臣號天以禱城中矢自擲去被血而戰愈厲雲梁及隧而陷風迅悉焚賊皆死舉城歡譟乃第賞將吏泚攻城益急會李懷光奔難賊乃去乘輿進狩山南城以諸軍衛入谷口懷光追騎至後軍擊卻之遷檢校尚書左僕射同中書門下平章事兼靈鹽豐夏定遠西城天德軍節度朔方邠寧振武道永平郡奉天行營副元帥帝臨軒授鉞用漢拜韓信故事制曰寇賊干紀授爾節鉞以戡多難往欽哉城頓首曰敢不畢

方以對揚天子休命乃率諸軍趨京師賊韓玄拒武功城率吐蕃論莽羅兵破之武亭川斬首萬級遂屯奉天以抗西面李晟自東渭橋破賊城與韓游瓌休顏以西軍收咸陽進屯延秋門泚平論功以城兼侍中天子還宮授河中絳慈恩節度使河中同陝魏行營副元帥封咸陽郡王賜大寧里甲第女樂一部將相送歸第與李晟鈞禮俄加朔方行營副元帥還屯河中吐蕃相尚結贊陷鹽夏陰闕京師而畏賊與李晟

關外春秋

卷之六 大將

四

馬燧欲以計勝之乃詭辭重禮請燧講好燧苦贊帝乃詔約盟平涼州以城爲會盟使爲結贊所劫副使崔漢衡以下皆陷惟城得免自奉天入朝羸服待罪詔釋之會吐蕃復入盜使城鎮奉天虜罷還河中虜入涇邠授邠寧慶副元帥進檢校司徒兼中書令卒年六十四羣臣奉慰延英贈太師謚忠武喪車至帝復廢朝城好書性忠謹功高而志益下歲時貢奉必躬閱視每有賜予下拜跪受常若在帝前世方之金日磾

故帝終始信待貞元後天子常恐藩侯生事稍
桀驁則姑息之惟賊有所奏論不盡從可輒私
喜曰上不疑我故治滿十六年常持軍猜間不
能入君子賢之

按渾咸陽通春秋漢書嘗慕司馬遷自敘著
行紀一篇其辭一不矜大雍然儒者氣象四
為元帥兩封郡王鎮奉天時天子用漢王拜
韓信故事臨軒授鉞顯赫莫加焉及賜第錦
歸將相以次躬送與李西平等方之柁侯忠

關外春秋

卷之六

大將

五

謙略同而功伐過之

許曰賊十一從戎又夷種也夷情宜靡不曉
暢者親與結贊盟何不能料虜詐而但以奉
詔為恭也殆有猛志而無英才乎李晟謂虜
必渝盟則賊出展下遠甚矣

宋檢校太師同平章事樞密使前侍中武寧平

虜軍二節度使檢校太尉忠武軍節度使贈
中書令追封濟陽郡王謚武惠曹彬

彬字國華真定靈壽人始生周歲父母以百玩
之具羅列於席觀其所取彬左持干戈右手
取印人皆異之在周隸世下宋太祖典禁
旅時衆皆屬目獨彬時不倚太祖器重之鎮
澶淵補供奉官擢河中都監建隆二年遷客省
使及即位伐蜀以劉光毅為歸州行營前軍副

關外春秋

卷之六

大將

六

部署彬為都監兩川平王全斌等晝夜宴飲縱
部下漁奪蜀人苦之彬屢請旋師全斌等不從
俄而全師雄等構亂擁衆十萬彬復與光毅破
之卒平蜀亂時諸將多取子女玉帛彬橐中唯
圖書衣衾而已及還上以彬清介廉謹授宣徽
南院使義成軍節度使六年遣李繼勳党進征
太原命為前軍都監戰洞溝河斬俘甚衆開寶
二年議親征太原復命為前軍都監次團栢谷
降賊將陳廷山又戰城南奪馬千餘七年將伐

江南彬奉詔與李漢瓊田欽祚先赴荆南發戰
繼濟美帥步兵繼進十月詔以彬爲昇州西南
路行營馬步軍督擢都部署分兵由荆南順流
而東破峽口砦進克池州遂克當塗蕪湖二縣
駐軍采石磯又作浮橋跨大江以濟師大破其
軍於白鷺洲又破其軍於新林港師進次秦淮
城下大敗之俘斬數萬計及浮梁成吳人出兵
來禦又連破之進克潤州金陵受圍至是凡三
時吳人樵采路絕彬每緩師冀煜歸服又使人

關外春秋

卷六

大將

七

諭之曰事勢如此所惜者一城生聚若能歸命
策之上也城垂克彬忽稱疾不視事諸將皆來
問疾彬曰余之疾非藥石所能愈惟願諸公誠
心自誓以克城之日不妄殺一人則自愈矣諸
將許諾共焚香爲誓明日城陷煜面縛就彬請
命彬慰安之曰國主可歸宮治裝以備歸朝煜
深德之諸將懼其或自引決爭言不可彬曰無
畏彼若能死豈復忍耻以見吾輩耶皆如其言
彬以數騎待宮門煜之君臣賴以保全凱旋人

都城令監門者但報自江南勾當公事回其兢
畏不代如此初彬之總師也太祖謂曰俟克李
煜當以卿爲使相副帥潘美預以爲賀彬曰不
然夫是行也仗天威遵廟謨乃能成事吾何功
哉况使相極品乎美曰何謂也彬曰太原未平
爾及還獻俘上謂曰本校卿使相然劉繼元未
下姑少待之美視彬微笑上遂詰所以美以實
對上亦大笑乃賜彬錢二十萬未幾拜樞密使
太宗卽位加同平章事議征太原召彬問曰周

關外春秋

卷七

大將

八

世宗及太祖皆親征何以不能克彬曰世宗時
史彥超敗于石嶺關人情驚擾故班師太祖頗
兵甘草地會歲暑雨軍士多疾由是中止今以
國家兵甲精銳剪太原之孤壘如摧枯拉朽爾
太宗意遂決從征太原加兼侍中爲弭德超所
誣罷爲太平軍節度使旬餘上悟其讒進封魯
國公待之愈厚雍熙三年命彬將幽州行營前
軍馬步水陸之師與潘美等北伐分路進討三
月敗契丹于固安又與米信破契丹于新城斬

首二百級五月戰于岐溝關諸軍收績先是上遣彬與崔彥進米信自雄州田重進趨飛狐潘美出馬門約期齊舉將發上謂之曰潘美之師但先趨雲應卿等以十萬衆聲言取幽州且持重緩行不得貪利彼聞大兵至必悉衆救范陽不暇援山後矣既而美之師先下寰朔雲應等亦連下州縣勢大振每奏至上已訝彬進軍之速及彬次涿州旬日食盡因退師雄州以援

關外春秋 卷之六 大將 九

餽餽上聞之曰豈有敵人在前反退軍以援芻粟失策之甚也亟遣使止彬勿前急引師緣白溝河與米信軍會按兵養銳以張西師之勢俟美等盡略山後地乃會重進之師而東合勢以取幽州時彬部下諸將聞美及重進累建功而已握兵不能有所攻取謀議蜂起彬不得已復畏糧再往攻涿州契丹大衆當前時方炎暑軍士乏困糧且盡彬退軍無復行伍遂為所躡大敗彬等至詔鞠於尚書省令翰林學士賈黃中

等雜治之具伏違詔失律之罪授右驍衛上將軍除以次黜四年起彬為侍從復檢校使淳化五年從平盧軍節度使位復檢校太師同平章事俄召拜樞密使咸平二年被疾上趣駕臨問手為和藥仍賜白金萬兩問以後事對曰臣無事可言臣二子材氣可取臣若內舉皆堪為將上問其優劣對曰舉不如瑋年六十九薨上臨哭之慟對輔臣語及彬必流涕贈中書令追封濟陽郡王謚武惠配享太祖廟庭

關外春秋 卷之六 大將 十

按史稱彬性仁敬和厚在朝廷未嘗忤旨亦未嘗言人過失伐二國秋毫無所取位兼將相不以等威自異遇士夫於塗必引車避之不名下吏每白事必冠而後見居官俸入悉以給宗族知徐州日有吏犯罪既具案逾年而後杖或問其故曰此人新娶婦若杖之其舅姑必以新婦為不利而朝夕笞罵吾因緩之所居敝壞子弟請修葺彬曰時方寒百蟲蝻墻壁間不欲傷害之也其仁厚多此類

評曰曹公爲將歷事漢周以迄宋仁心爲質不喜苛刻吳城垂克忽稱疾不視事惟願諸將克城之日不妄殺一人入成都日有獲婦女者閉之一室窺以度食戒曰是將進御當謹守衛相事平訪其親還之無親嫁之蓋得大將之仁者也

太祖初命曹公討江南將行賜燕于講武殿酒三行公起跪於榻前乞面授處分上懷中出一實封文字付公曰處分在其間自潘美

開外春秋

卷之六

大將

十一

而下有罪但開此徑斬之不須奏稟二臣股栗而退訖江南平無一犯律者比還復賜燕二臣跪榻前臣等幸無敗事昨面授文字不敢藏於家卽納於上前上徐自發封示之乃白紙一張也上神武機權若此

余叨令山右時遇都閫趙君子道渠引避右方苦挽不肯前必俟吾車過而後行至今在念閱寇恂及曹彬傳見其行與諸將相逢及遇士大夫于塗必引車避之乃知武人之席

高位享大名者率以謙退爲諱未有假蹇而妄自尊大者也乃近世南昌劉都督與西陵詹太守爭禮遂至開壤搏拳露之章奏聞寇曹之風亦可以少愧矣

公勛望日隆名寵益峻愈謙下謹懼以保祿位每出鎮藩閫卑躬待士過計臺巡視封部雖朝籍省部位至下者亦屏遠從者端笏迂于道左使者見之無不愧慙賓條或有以過禮爲言公曰上使此人來窺我爾其畏惕如此

開外春秋

卷之六

大將

十二

公居第卑陋未嘗修廣蓋深懼侈滿安於儉德也臨終戒諸子曰慎不得修第皆遵其遺訓無敢踰者及中宮升僊門戶翁赫里巷之間車馬填砌亦止加丹堊而已

公帥師征討凡降四國王江南四川廣南湖南也未嘗殺一無辜功名顯著爲諸將之首諸子賢令瑋琛琛繼領旄鉞陶弼觀公畫像有詩曰蒐兵四解降王縛教子三登止將臺

其少子玘追封王爵實生光憲太后輔佐仁
宗母儀天下累朝聖功仁德天下懷慕以至
濟陰生享王爵子孫昌熾世世無比非元功
陰德享報深厚何以及此雖漢之馮郭追無
以過嗚呼盛哉

遼于越封宋國王耶律休哥

休哥字遜寧祖釋魯隋國王父結思南院夷離
堇休哥少有公輔器初烏古室韋二部叛休哥
從北府宰相蕭幹討之應曆末爲惕隱乾亨元
年宋侵燕北院大王多底統軍使蕭討古等敗
績南京被圍帝命休哥代奚底將五院軍往救
遇大敵于高粱河與耶律斜軫分左右翼擊敗
之追殺三十餘里斬首萬餘級休哥被三創明
日宋主遁去休哥以創不能騎輕車追至涿州

國外春秋

卷之六

七

不及而還。是年冬上命韓匡嗣耶律沙伐宋以
報圍城之役休哥率本部兵從匡嗣等戰于滿
城翌日將復戰宋人請降匡嗣信之休哥曰彼
衆整而銳必不肯屈乃誘我耳宜嚴兵以待匡
嗣不聽休哥引兵憑高而視須臾南兵大至鼓
譟疾馳匡嗣倉卒不知所爲士卒棄旗鼓而走
遂敗績休哥整兵進擊敵乃却詔總南面戍兵
爲北院大王車駕親征圍瓦橋關宋兵來救守
將張師突圍出帝親督戰休哥斬師餘衆退走

入城宋陞彬水南將戰帝以休哥馬介獨黃慮為敵所識乃賜玄甲白馬易之休哥率精騎渡水擊敗之追至莫州橋屍滿道靴矢俱罄生獲數將以獻帝悅賜御馬金孟勞之曰爾勇過于名若人人如卿何憂不克師還拜于越聖宗即位太后稱制令休哥總南面軍務以便宜從事休哥均戍兵立更休法勸農柔修武備邊境大治治和四年宋復來侵其將范密楊繼業出雲州曹彬朱信出雄易取岐溝涿州陷固安置屯

國外春秋

卷六

大將

十五

時北南院奚部兵未至休哥力寡不能出戰夜以輕騎出兩軍間殺其單弱以脅餘眾晝則以精銳張其勢使彼勞於防禦以疲其力又設伏林莽絕其糧道曹彬等以糧運不繼退保白溝月餘復至休哥以輕兵薄之伺彼蓐食擊其離伍單出者且戰且却由是南軍自救不暇結方陣壅地兩邊而行軍渴乏井澆淖而飲凡四日始達于涿闕太后軍至彬等冒雨而逝太后益以銳卒追及之彼力窮乘糧車自衛休哥圍之

至夜彬信以數騎亡去餘眾悉潰追至易州東聞宋師尚有數萬瀕沙河而營促兵往擊之宋師望塵奔竄墮岸相蹂死者過半沙河為之不流太后旋旆休哥收宋屍為京觀封宋國王又上言可乘宋弱略地至河為界書奏不納及太后南征休哥為先鋒敗宋兵於望都時宋將劉廷讓以數萬騎並海而出約與李敬源合兵聲言取燕休哥聞之先以兵扼其要地會太后軍至接戰殺敬源廷讓走瀛州七年宋遣劉廷讓

國外春秋

卷六

大將

十六

等乘暑潦來攻易州諸將憚之獨休哥率銳卒逆擊于沙河之北殺傷數萬獲輜不可計獻于朝太后嘉其功詔免拜不名自是宋不敢北向時宋人欲止兒啼乃曰于越至矣休哥以燕民疲弊省賦役恤孤寡戒戍兵無犯宋境雖馬牛逸于北者悉還之遠近向化邊鄙以安十六年薨夕雨水冰聖宗詔立祠南京休哥智略宏遠料敵如神每戰勝讓功諸將故士卒樂為之用身更百戰未嘗殺一無辜二子高八官至節度

使高十終于越孫馬哥

按遼志夷離董統軍馬大官其部大王也。惕隱其部司徒也。皆大部族也。于越貴官無職。掌班百餘之上。非有大功德者不授。乃遼之尊官。若南朝之三公也。休哥長于料敵。婁挫宋師。宋人借之以止兒啼。其由惕隱而封宋國王。無忝于越矣。

評曰：遼席富彊之執。一時將帥。震揚威靈。風行電掃。休哥以五隊敗曹彬十萬之衆。收其

關外春秋

卷之六

大將

七

屍以爲京觀。厥功偉矣。宜其撫劔抵掌。賈餘勇以威天下也。其奇謀秘計。神變莫測者。將前史所載。未足以發之耶。抑天之所授。衆莫與爭。而能然耶。

宋檢校少師太尉節鎮洮軍河北河東宣撫使

前檢校少傅同知樞密院京畿兩河宣撫使。侍衛親軍都指揮使都統制保靜軍節度使。贈開府儀同三司加贈少保忠憲公种師道。師道字彝叔。少從張載學。以蔭補三班奉職。試法易文階。爲熙州推官。通判原州。提舉秦鳳常平議役法。忤蔡京。旨換莊宅使。知德順軍。又謂其詆毀先烈。罷入黨籍。屏廢十年。以武功大夫忠州刺史涇原都鈐轄知懷德軍。夏國畫境。其

關外春秋

卷之六

大將

八

使焦彥堅必欲得故地。師道曰：如言故地。當以漢唐爲正。則君家疆土益蹙矣。彥堅無以對。童貫握兵柄。而西翁張威福。見者皆旅拜。師道長揖而已。召請闕徽宗訪以邊事。對曰：先爲不可勝。來則應之。妄動生事。非計也。貫議徙內郡。弓箭手實邊。而指爲新邊所募。帝復訪之。對曰：臣恐動遠之功未立。而近擾先及矣。帝善其言。賜襲衣金帶。以爲提舉秦鳳弓箭手。時五路並置官。帝謂曰：卿吾所親擢也。貫滋不悅。師道不敢

拜以請得提舉崇福官。久之知西安州。夏人侵定邊築佛口城。率師往夷之。始至渴甚。師道指山之西麓曰。是常有水。命工求之。果得水。滿谷。累遷龍神衛四廂都指揮使。洛州防禦使。知滑州。督諸道兵。城席韋土賦工。敵至。堅壁葫蘆河。師道陳于河滸。若將決戰者。陰遣偏將曲克徑出橫領揚言。援兵至。敵方駭。顧楊可世潛軍衝其後。姚平仲以精甲襲擊之。敵大潰。斬首五千。級獲橐駝馬牛萬計。其酋僅以身免。卒城而還。

關外春秋

卷六

大將

九

又詔帥陝西河東七路兵。征滅底城。期以旬日。必克。既薄城下。敵守備甚固。官軍小怠。列校有據胡床自休者。立斬之。屍於軍門。今日城不下。視此。衆股栗。謀而登城。城卽潰。時兵至纔八日。帝得捷書。喜。進侍衛親軍馬軍副都指揮使。應道軍承宣使。從童貫爲都統制。拜保靜軍節度使。貫謀伐燕。使師道盡護諸將。師道諫曰。今日之舉。譬如盜入鄰家。不能救。又乘之而分其室焉。無乃不可乎。貫不聽。既次白溝。途人謀

而前士卒多傷。師道先令人持一巨槌自防。賴以不大敗。遼使來請曰。女真之叛本朝。亦南朝之所甚惡也。今射一時之利。棄百年之好。結豺狼之鄰。基他日之禍。謂爲得計。可乎。救災卹鄰。古今通義。惟大國圖之。貫不能對。師道復諫。宜許之。又不聽。密劾其助賊。王黼怒。責爲右衛將軍。致仕。而用劉延慶代之。延慶敗績于盧溝。帝思其言。起爲憲州刺史。知環州。俄遷保靜軍節度使。京畿河北制置使。聽便宜。撥兵食。師道方

關外春秋

卷六

大將

三

居南山豹林谷。聞命卽東過。姚平仲有步騎七千。與之俱。北至洛陽。聞榦離不屯京城下。或止勿行。曰。賊勢方銳。願少駐汜水。以謀萬全。師道曰。吾兵少。若遲回不進。形見情露。祇取辱焉。今鼓行而前。彼安能測我虛實。都人知吾來。士氣自振。何憂賊哉。揭榜沿道。言種少保領西兵百萬來。遂抵城西。趣汴水南。徑逼敵營。金人懼。徙砦稍斂。其游騎。但守牟駝岡。增壘自衛。時師道春秋高。天下稱爲老種。欽宗聞其志。喜甚。開安

上門命尚書右丞李綱迎勞時已議和入見
問曰今日之事卿意如何對曰女真不知兵
有孤軍深入人境而能善其歸乎帝曰業已
好矣對曰臣以軍旅之事陛下餘非所敢知
也拜檢校少傅同知樞密院京畿兩河宣撫使
諸道兵悉隸焉以平仲為都統制師道時彼病
命拜許有與入朝金使王洵在廷頡頏望見
師道拜跪稍如禮帝顧笑曰彼為卿故也京城
自受圍諸門盡閉市無薪菜師道請啟城南壁

開外春秋

卷之六

三

聽民出入如常金人有指過偏將馬忠軍者忠
斬其六人金人來訴師道付以界旗使自為制
後無有敢越仗者又請緩給金幣使彼情歸扼
而殲諸河洮政不可種氏姚氏皆為山西巨室
平仲艾古方以熙河兵入援平仲慮功名獨歸
種氏乃以士不得速戰為言達於上李綱至其
議令城下兵緩急聽平仲節度帝日遣使
道戰師道欲俟其弟秦鳳經略使師中至
過春分乃可擊時相距纔八日帝以為緩

平仲砍管以及于敢李綱罷大學諸生都人伏
闕願見種李詔趣使彈壓師道乘車而來眾塞
簾視之曰果我公也相率聲喏而散金師退乃
罷為甲太一宮使御史中丞許翰見帝以為不
宜解師道兵柄上曰師道老矣難用當使卿見
之令相見於殿門外師道不語翰曰國家有急
詔翰訪所疑公勿以書生之故不肯談師道始
言我眾彼寡但分兵結營控手要地使彼獨道
不通坐以持久可破也翰歎味其言復上奏謂

開外春秋

卷之六

三

師道智慮未衰尚可用於
尉換節鎮洮軍為河北河東宣撫使屯滑州實
無兵自隨師道請合關河卒屯滄衛孟滑備金
兵再至朝論以大敵甫退不宜勞師以示弱却
不用既而師中戰死姚古敗朝廷震悚召師道
還太原陷又使巡邊次河陽遇王洵揣敵必大
舉亟上疏請幸長安以避其鋒大臣以為怯復
召還既至病不能見十月卒年六十七帝哭之
慟贈開府儀同三司京師失守帝搏膺日不用

种師道言以至於此金兵之始退也師道中前議勸乘半濟擊之不從日異日必爲國患故追痛其語建炎中加贈少保謚曰忠憲

按种少保忠誠老練西禦夏北禦金皆胸中先有成算故功成而名立也乃勤王抵汴平仲懷媚功之心李綱主先入之言竟不能緩八日而以斫營取敗惜夫

評曰种氏自世衡至師道已三世號山西名將徽宗任宦豎起邊釁師道之言不售卒基

閩外春秋

卷之六

大將

三

南北之禍金人懸軍深入師道請待西師之至而擊之長駟上黨師中出其背以擒之可謂至計矣李綱顧以爲選懷逗撓動失機會遂至大衄而國隨以敗啜其泣矣何嗟及矣欽宗嫌師道之老而難用不知老臣之當用也善乎中丞許翰曰秦始皇老王翦而用李信兵辱於楚漢宣帝老充國而能成金縢之功自呂望以來以老將收功者難一二數以古揆今師道雖老可用也而帝不納奈何

种公靖康初以保靖節鉞致仕居長安村墅一夕旌節有聲甚異且而中使至遂起方公赴召時有華山道人獻詩曰北蕃羣犬窺籬落驚起南朝老大蟲

閩外春秋

卷之六

大將

三

宋特進開府儀同三司四川宣撫使節制陝西階成等州前檢校少師奉寧保定軍節度使檢校少保充利州路階成鳳州制置使鎮西軍節度使兼宜撫處置使都統制節制真文龍三州明州觀察使兼陝西諸路都統制秦州涇原路馬步軍二副總管忠州刺史贈少師追封涪王謚武安吳玠

玠字晉卿德順軍隴千人少沉毅有志節知兵善騎射讀書能通大義未冠以良家子隸涇原

關外春秋 卷之六 大將 玠

軍政和中夏人犯邊以功補隊將從討方臘破之靖康初夏人攻懷德軍玠以百餘騎追擊斬首百四十級擢副將建炎二年春金人渡河出大慶關略秦雍謀趨涇原都統制曲端命玠為前鋒進據青溪嶺逆擊大破之追奔三十里金人憚焉權涇原路兵馬都監兼知懷德軍三年冬劇賊史斌寇漢中引兵欲取長安曲端命玠擊斬之遷忠州刺史宣撫處置使張浚巡關陝參議軍事劄子羽稱玠兄弟才勇浚與玠語大

悅即授玠統制以弟璘掌帳前親兵尋以玠為秦鳳副總管兼知鳳翔府九月浚合五路兵欲與金人決戰玠言宜各守要害須其弊而乘之及次富平浚又會諸將議戰玠曰兵以利動今地勢不利未見其可宜擇高阜據之使不可勝諸將皆曰我眾彼寡又前阻葦澤敵有騎不得施何用他徙已而敵驟至輿柴囊土籍淖平行進薄玠營軍遂大潰五路皆陷巴蜀大震玠收散卒與弟璘收保散關東和尚原積粟繕兵列

關外春秋 卷之六 大將 玠

柵為死守計或謂玠宜退屯漢中扼蜀口以安人心玠曰我保此敵決不敢越我而進堅壁臨之彼懼吾躡其後是所以保蜀也紹興初金將沒立自鳳翔別將烏魯折合自階成出散關約日會和尚原烏魯折合先期至陣北山索戰玠命諸將堅陣待之更戰迭休山谷路狹多石馬不能行金人舍馬步戰遂大敗遁去沒立方攻箭箬關玠復遣將擊退之兩軍終不得合金人自起海角徃於常勝及與玠戰輒北怯甚謀必

取玠妻宿死兀木會諸道兵十餘萬造浮梁跨渭白寶鷄結連珠營壘石爲城夾渭與官軍相拒十月攻和尚原玠命諸將選勁弓強弩分番迭射號駐隊矢連發不絕繁如雨注敵稍却則以騎兵旁擊絕其糧道度其困且走設伏于神全以待金兵復大敗兀木中流矢僅以身免急溯其鬚以退張浚承制以玠爲鎮西軍節度使璘爲涇原路馬步軍副總管兀木既敗遂自河東歸燕山復以撒離喝爲陝西經略使屯鳳翔

開外春秋

卷六 大將

三

與玠相持二年命玠兼宣撫司都統制節制興文龍三州金人窺蜀以璘駐兵和尚原扼其衝不得逞將出奇來取時玠在河池金人用叛將李彥琪駐秦州睨仙人關以綴玠復令游騎出熙河以綴關師古撒離喝自商於直擣上津三年春長驅趨洋漢興元守臣劉子羽急命田晟守饒風關以驛書招玠入援玠自河池日夜馳三百里以黃棋遺敵曰大軍遠來聊用止渴撒離喝大驚以杖擊地曰爾來何速耶遂大戰饒

風嶺金人被重鎧登山仰攻一人先登則二人擁後先者既死後者代攻玠軍弓弩亂發大石摧壓如是者六晝夜死者山積而敵不退募敢死士人千銀得士五千將以夾攻會玠小校有得罪奔金者導以祖溪間路出關背乘高以關饒風諸軍不支遂潰而敵遂入洋州玠退保西縣敵入興元劉子羽退保三泉築潭毒山以自固玠走三泉會之金人北歸玠遣兵邀擊于武休關掩其後軍潰澗死者以千計盡棄輜重去

開外春秋

卷六 大將

三

金人始謀本謂玠在西邊故道險東來不虞玠馳至雖入三郡而失不償得璘檢校少保充利州路階成鳳翔制置使明年二月敵復大入攻仙人關自鐵山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠合敵首攻玠營玠擊走之又以雲梯攻壘壁玠使人以撞竿碎其梯以長矛刺之璘拔刀畫地謂諸將曰死則死此退者斬金分軍爲二兀木陣于東韓常陣于西

麟率銳卒介其間左紫右繞隨機而發戰又麟
軍少憊急屯第二隘金生兵踵至人被重鎧鐵
鉤相連魚貫而上麟以駐隊矢迭射矢下如雨
死者層積敵踐而登撤離喝駐馬四視曰吾得
之矣翌日命攻西北樓姚仲登樓酣戰樓傾以
爲繩挽之復正金人用火攻樓以酒缶撲滅
之玠急遣統領田晟以長刀大斧左右擊明炬
四山震鼓動地明日大將兵統領王喜王武率
銳士分紫白旗入金營金陣亂因奮擊射韓常

麟外春秋 卷之六 大將 五元

中左目金人始宵遁玠先遣官兵伏河池扼其
歸路又敗之以郭震戰不力斬之是役也金自
元帥以下皆携孥來劉夔乃豫之腹心本謂蜀
可圖既不得逞度玠終不可犯則還據鳳翔授
甲士田爲久留計自是不妄動捷聞授玠川陝
宣撫副使四月復鳳秦隴三州七月錄仙人關
功拜檢校少師奉寧保定軍節度使麟自防禦
使陞定國軍承宣使六年兼營田大使易保平
靜難節玠與敵對壘且十年常苦遠餉勞民屢

汰冗員節浮費益治屯田歲收至十萬斛又調
戍兵命梁洋守將治褒城廢堰民知灌溉可恃
願歸業者數萬家九年金人請和帝以玠功高
授特進開府儀同三司遷四川宣撫使陝西階
成等州皆聽節制遣內侍奉手札以賜至則玠
病已甚扶掖聽命玠善讀史凡往事可師者錄
置座右積久墻牖皆格言也遂卒於仙人關年
四十七贈少師賜錢三十萬玠卒胡世將問玠
所以制勝者麟曰麟從先兄有事西夏每戰不

麟外春秋 卷之六 大將 三

過一進御之頃勝負輒分至金人則更進迭退
忍耐堅久令階而下必死每戰非累日不決勝
不遽追敗不至亂蓋自昔用兵所未嘗見與之
角逐滋久乃得其情蓋金人弓矢不若中國之
勁利中國士卒不及金人之堅耐吾常以長技
洞重甲於數百步外則其衝突固不能相及於
是選據形便出銳卒更迭撓之與之爲無窮使
不得休暇以沮其堅忍之勢至決機于兩陣之
間則麟有不能言者方富平之敗秦鳳皆陷金

人一意晚蜀東南之勢亦棘微矜身當其衝無
蜀久矣故西人至今思之淳熙中追封涪王

按吳公前介于没立魯折合之間而使之不
得合後介于兀术韓常之間而使之遁去真
得隨機應變之妙至謂乘弊而戰據高阜而
使不可勝深中兵機而都督不聽富平之敗
罪在張德遠矣

評曰吳公用兵本孫吳務遠略不求近小利
故能保必勝御下嚴而有恩虛心詢受雖身

同外春秋

卷之六

大將

三

為大將卒伍至下者得以情達故士卒樂為
之死選用將佐視勞能為高下先後不以親
故權貴撓之晚節頗多嗜欲使人漁色於成
都喜餌丹石故得咯血疾以死不可謂之智
也然金人忍耐堅久吳公選擇形勢更迭旄
之與之為無窮史稱吳公兄弟智勇忠實戮
力協心據險抗敵卒保全蜀以功名終詎不
盛哉余嘗考晉卿守蜀如和尚原殺金平仙
人關潭壽山皆期為控制之地古人所未嘗

知可謂名將矣

吳公葬德順軍隴于縣雖隔在虜境松楸甚
盛歲時祠享不輟虜不敢問也公謚武安而
梁益間有廟賜額曰忠烈故西人至今但謂
之吳忠烈云

同外春秋

卷之六

大將

三

宋太傅新安郡王兼陝西河東路宣撫招討使
判興元府前少保開府儀同三司檢校少師
階成岷鳳四州經略使節制陝西諸路軍馬
贈太師追封信王吳璘

璘字唐卿玠弟也少好騎射從玠攻戰積功至
開門宣贊舍人紹興箭筈關之戰璘功居多超
遷統制玠駐師河池璘專守和尚原及兀术大
入玠兄弟以死守之敵陣分合三十餘璘隨機
而應至許全伏發金兵大敗兀术中流矢遁張

關外春秋

卷之六

大將

璘

浚承制以璘為涇原路馬步軍副都總管陞康
州團練使三年遷榮州防禦使知秦州節制階
文是時玠敗於祖溪嶺璘猶在和尚原玠命璘
棄原別營仙人關以防金人深入四年兀术撤
離喝果以大兵十萬至關下璘自武階路入援
先以書抵玠謂殺金平地濶遠前陣散漫須後
陣阻隘然後可以必勝玠從之急修第二隘璘
肩圍轉戰會於仙人關敵果極力攻第二隘諸
將有請別擇形勝以守者璘奮曰兵方交而退

是不戰而走也吾度此敵去不久矣諸君第忍
之震鼓易幟血戰連日金兵大敗二酋自是不
敢窺蜀者數年露布獻捷遷定國軍承宣使玠
卒授璘神龍衛四廂都指揮使時金人廢劉豫
歸河南陝西地樓炤使陝以便宜欲命三帥三帥
謂郭浩楊分陝而守欲盡移川口諸軍于陝西
及璘也
璘曰金人反覆難信懼有他變今我移軍陝右
蜀口空虛敵若自南山要我陝右軍直搗蜀口
我不戰自屈矣當且依山為屯空其要害遲其

關外春秋

卷之六

大將

璘

情見力疲漸圖進據炤從之命璘與楊政兩軍
屯內地保蜀郭浩一軍屯延安以守陝既而胡
世將以四川制置權宜撫司事至河池璘見之
曰金大兵屯河中府止隔大慶一橋爾騎兵疾
馳不五日至川口吾軍遠在陝西緩急不可追
集關隘不葺糧道斷絕此存亡之秋也璘家族
固不足恤如國事何時朝廷恃和忘戰欲廢仙
人關於是世將抗奏謂當外固和好內修守禦
今日分兵當使陝蜀相接近仙人關未宜遽廢

魚關倉亦宜積糧於是奔僅以牙校三隊赴秦州留大軍守階成山砦戒諸將毋得撤備十年金人敗盟詔奔節制陝西諸路軍馬撤離喝渡河入長安趨鳳翔陝右諸軍隔在敵後遠近震恐時楊政在鞏郭浩在鄜延惟奔隨世將在河池世將急召諸將議惟涇原帥田晟與楊政同至參謀官孫渥謂河池不可守欲退保仙人原奔厲聲折之曰懦語沮軍可斬也奔請以百口保破敵世將壯之奔以書遺金將約戰金鵝眼

關外春秋 卷之六 大將 三五

郎君以三千騎衝奔軍奔使李師顏以驍騎擊走之獲三將及女真百十有七人又與金統軍胡蓋戰刻家灣敗之復秦州及陝右諸郡初胡蓋與習不祝合軍五萬屯劉家園奔請討之世將問策安出奔曰有新立壘陣法每戰以長槍居前坐不得起次最强弓次强弩跪膝以俟次神臂弓約賊相搏至百步內則神臂先發七十步強弓併發次陣如之凡陣以拒馬為限鐵鈎相連俟其傷則更代之遇更代則以鼓為節

兩翼以蔽於前陣成而騎退謂之疊陣諸將始猶竊議曰吾軍其殲於此乎奔曰此古來伍令也得車戰餘意無出於此戰士心定則能持滿敵雖銳不能當也及與二酋遇遂用之二酋老於兵據險自固前臨峻嶺後控臘家城謂我必不敢輕犯先一日奔會諸將問所以攻姚仲曰戰於山上則勝山下則敗奔以為然乃告敵請戰敵笑之奔夜半遣仲及王彥銜枚截坡約二將上嶺而後發火二將至嶺寂無人聲軍已畢

關外春秋 卷之六 大將 三五

列萬炬齊發敵駭愕曰吾事敗矣胡蓋善戰奔先以兵挑之用疊陣法更休迭戰輕裘駐馬亟麾之士殊死鬪金人大敗降者萬人胡蓋走保臘家城奔圍而攻之城垂破朝廷以驛書詔奔班師世將浩歎而已明年竟割和尚原以與敵撤戍割地皆秦檜主之也十二年入覲拜檢校少師階成岷鳳四州經略使賜漢中田五十頃時和議方堅而奔治軍常如敵至久之金主亮叛盟拜四州宣撫使亮渡淮遣合喜為西元帥

以兵扼大散關，遊騎攻黃牛堡，璘卽肩輿上殺金平，駐軍青野原，益調內郡兵分道而進，授以方略，制置使王剛中來會璘計事，璘尋移檄契丹、西夏及山東河北，聲金人罪以致討，未幾兼陝西河東招討使，璘遣姚仲取鞏，王彥屯商虢，陝華惠逢取熙河，或久攻不下，或旣得復失，竟無成功，金人據大散關六十餘日，相持不能破，仲舍鞏攻德順，已踰四旬，璘以知夔州李師顏代之，遣子挺節制軍馬，挺與敵戰於瓦亭，敗之。

關外春秋

卷之六 大將

三

璘自將至城下，守陴者聞呼，相公來觀，望咨嗟，矢不忍發，璘按行諸屯，預治黃河戰地，斬不用命者，先以數百騎嘗敵，敵一鳴鼓，銳士空壁躍出，突璘軍，璘軍得先治地，無不一當，十至暮，璘忽傳呼，其將戰不力，人益奮搏，敵大敗，遁入壁，黎明師再出，敵堅壁不動，會天大風雷，金人拔營去，凡八日而克，璘入城，市不改肆，父老擁馬迎拜不絕，璘尋還河池，四月，原州受圍，璘命姚仲以德順之兵往援，璘自趨鳳翔視師，諸將雖

力戰敵攻益急，增兵至十萬，五月仲與敵戰于原州之北嶺，敗績，始璘出師王之望嘗言此行士卒銳氣不及前時，仲年來數奇，不可委以要地，及仲至原，璘亦貽仲書謂原圍未卽解，且還德順，書未達而仲敗，璘亦無功，還尋奪仲兵，欲斬之，或勸而止，械繫河池獄，孝宗受禪，賜璘札命兼陝西河東路宣撫招討使，璘策金人必再爭德順，亟馳赴城下，而完顏悉烈等兵十餘萬果來攻，萬戶豁迭復領精兵自鳳翔繼至，璘築

關外春秋

卷之六 大將

三

堡東山以守，敵極力爭之，殺傷大半，終不能克，乾道初，請闕遣中使勞問，召對便殿，許朝德壽宮，高宗見璘，歎曰：朕與卿老君臣也，可數入見，璘頓首謝，兩宮存勞之，使相踵，又命皇子入謁，拜太傅，封新安郡王，越數日，詔仍領宣撫使，改判興元府，及還鎮，兩宮宴餞甚寵，璘入辭，德壽宮泣下，高宗亦爲之悵然，解所佩刀賜之，曰：異時思朕，視此可矣，璘至漢中，修復褒城古堰，溉田數千頃，民甚便之，三年卒，贈太師，追封信王。

上震悼輟朝二日。賻贈加等。高宗復賜銀千兩。初，璘病篤，呼幕客草遺表，命直書其事，曰：願陛下毋輕棄四川，毋輕出兵，不及家事，人稱其忠。璘剛勇，喜大節，略苛細，讀史曉大義，代兄為將，守蜀餘二十年，隱然為方面之重，威名亞於玠。高宗嘗問勝敵之術，璘曰：弱者出戰，強者繼之。高宗曰：此孫臏三駟之法，一敗而二勝也。嘗著兵法二篇，大略謂金人有四長，我有四短。當反我之短，制彼之長。布陣之法，則以步軍為陣心。

綱外春秋

卷之六 大將

三

左右翼以馬軍為左右肋，拒馬布兩肋之間，至帖撥增損之不同，則係乎臨機知兵者取焉。王剛中嘗稱劉錡之美，璘曰：信叔有雅量，無英槩，天下雷同譽之，恐不能當逆亮。璘竊憂之，錡果無功，以憂憤卒。子挺少起劬閔，弗居其貴，累從征討，功效甚著，有父風焉。璘嘗對孝宗言：諸子中惟挺可任。孝宗亦曰：挺是朕千百人中選者，被遇尤深厚。

按吳璘用兵大率皆兄之家法，與樓炤論金

人反覆難信，宜加防守，不可移川口之兵于陝西。與胡世將論金兵近川口，當修守禦，不可廢仙人關之屯守，皆有先見之明。

評曰：軍法有束伍令，古之名將如韓信、衛青、鄧禹、馬隆、李靖、李光弼，悉皆精求于中，而變化用之。但觀追庸、奔鹵、莽滅裂，以臆行師，素不講習，故不能用，亦不能識也。唐卿自云有新立疊陣法，其實即古束伍令耳。即使是唐卿新法，而更休迭戰，其實即兄晉卿家法耳。

綱外春秋

卷之六 大將

早

余嘗討論其訣，一言以蔽之曰：佚待勞。此胡蓋所以大敗，而世將所以大勝也。獨恨大功垂成，而班師，詔至，是則秦檜之謀國，可勝誅乎。

高宗嘗問唐卿勝敵之術，而知弱出強繼，為孫子三駟之法，則高宗亦非噴噴者。何岳飛勝而詔班師，吳璘勝而又詔班師，若惟恐二帥之成功者，其帝若木偶人，而惟賊檜之提掇耶。豈孝宗已受禪，而帝稱太上皇，太阿遂

不能自撻耶撫卷歎歎令人短氣。史稱吳璘選將率以功有薦才者璘曰兵官非嘗試難知其才以小善進之則僥倖者獲志而邊人宿將之心怠矣。近世乃有偏聽其粉嘴披閱其偽刻而遂授之以偏裨使之當一面安得不敗乃公事哉。

元光祿大夫中書左丞相領荊州河南行中書省開府儀同三司太傅錄軍國重事伯顏伯顏蒙古八鄰部人父曉古合從宗王旭烈兀開西域伯顏長於西域至元初旭烈兀遣入奏事世祖見其貌偉聽其言廣曰非諸侯王臣也其留事朕與謀國事恒出廷臣右世祖益賢之二年七月拜光祿大夫中書左丞相諸曹白事有難決者徐以一二語決之衆服曰真宰相也十一年大舉伐宋與史天澤並拜中書左丞相行省荊湖天澤以病表請專任伯顏乃以伯顏領河南等路行中書省所屬並聽節制秋七月陞辭世祖諭之曰昔曹彬以不嗜殺平江南汝其體朕心為吾曹彬可也九月會師于襄陽分軍為三道並進伯顏與平章阿木由中道循漢江趨鄂州萬戶武秀為前鋒遇水漂霖雨水溢無舟不能涉伯顏曰吾且飛渡大江而憚此潢潦耶乃召一壯士負甲仗騎而前導麾諸軍畢濟次監山距鄂州二十里鄂在漢水北以石為

城宋人又於漢水南築新郢，橫鐵繩鎖戰艦，密樹椿木水中下流，黃家灣堡亦設守禦之具。堡之西有溝，南通藤湖，至江僅數里，乃遣總管李庭劉國傑攻黃家灣堡，拔之，破竹席地，盪舟由藤湖入漢江。諸將請曰：「郢城我之喉襟，不取恐為後患。」伯顏曰：「攻城下策也。」大軍之出，豈為此一城哉？遂舍郢，順流下。伯顏阿木殿後，不滿百騎。十月，郢將趙文義范興以騎二千來襲伯顏，未及介冑，亟還軍迎擊之，手殺文義，擒范興殺

闕外春秋 卷之六 大將 三

之。其士卒死者五百人，生擒數十人。次沙洋，使一俘持黃榜檄文，傳趙文義首入城，招其守將王虎臣、王大用、虎臣等斬俘，焚黃榜。伯顏復命呂文煥招之，又不應。日暮，風大起，伯顏命順風掣金汁，飽焚其廬舍，烟焰漲天，城遂破。生擒虎臣、王大用等四人，餘悉屠之。次新城，令史弼列沙洋所馘於城下，射黃榜檄文於城中，以招之。其守將邊居誼邀呂文煥與語，文煥至城下，飛矢中右臂奔還，乃令總管李庭攻破其外堡，諸軍

蟻附而登，拔之餘衆三千，奮力戰而死。居誼舉家自焚。十一月，阿木使右丞阿里海牙來言渡江之期。伯顏不答。明日又來，又不答。阿木乃自來。伯顏曰：「此大事也。」主上以付吾二人，可使餘人知吾實乎？潛刻期而去。軍次蔡店，宋淮西制置使夏貴等以戰艦萬艘分據要害，都統王達守陽邏堡，荆湖宣撫朱禛孫以遊擊軍扼中流，兵不得進。千戶馬福建言：「淪河口可通沙蕪，入江，伯顏使覘沙蕪口，夏貴亦以精兵守之，乃圍

闕外春秋 卷之六 大將 四

漢陽，軍聲言由漢口渡江，貴果移兵援漢陽。十二月，諸將自漢口開壩，引船入淪河，徑趨沙蕪，遂入大江。伯顏戰艦萬計相踵而至，諸將言沙蕪南岸彼戰船在焉，可攻而取。伯顏曰：「吾亦知其可必取，慮汝輩貪小功，失大事。」一舉渡江，收其全功可也。遂令修攻具，進軍陽邏堡，遣人招之。其將士皆曰：「我輩受宋厚恩，戮力死戰，此其時也。」安有叛國歸降之理。備再平兵，決之今日。伯顏麾諸將攻之，三日不克，乃密謀於阿木曰：

彼謂我必拔此堡方能渡江此堡甚堅攻之徒勞汝今夜以鐵騎三千泛舟直趨上流爲擣虛之計詰旦渡江襲南岸已過則速遣人報我分遣阿里海牙督張弘範等先以步騎攻陽邏堡夏貴來援阿木出其不意率軍泝流西上四十里對青山磯而泊是夜雪大作遙見南岸多露沙洲阿木登舟指示諸將令徑趨是洲載馬後隨萬戶史格先渡爲其都統程鵬飛所却阿木橫身決戰擒其將高邦顯等死者無算鵬飛敗

開外春秋 卷六 大將

四

走得船千餘艘阿木與鎮撫何瑋等數十人攀岸步闢散而復合者數四遂起浮橋而渡阿里海牙繼遣張榮實解汝楫等四翼軍舳舻相銜直抵夏貴引麾下軍數千先遁諸軍乘之殺溺不可數計追至鄂州東門而還阿木遣使還報伯顏大喜揮諸將急攻破陽邏堡斬王達宋軍大潰夏貴僅以身免諸將請追之伯顏曰陽邏之捷吾欲遣使前告宋人而貴走代吾使不必追也諸將議兵所向或欲先取蘄黃阿木曰

若赴下流退無所據先取鄂漢遲遲旬日可爲萬全計伯顏從之師次鄂州鄂特漢陽將戰乃焚其戰艦三千艘火照城中兩城大恐知鄂州張晏然知漢陽軍王儀知德安府來興國皆以城降左丞阿里海牙等以兵四萬分省于鄂窺取荆湖伯顏與阿木以大軍水陸東下十二年春正月至黃州沿江制置副使知黃州陳奕降至蘄州安撫使管景模出降阿木以舟師先趨江州兵部尚書呂師夔與知州錢真孫遣人

開外春秋 卷六 大將

四六

迎降伯顏至江州師夔設宴庾公樓選宋宗室女二人盛飾以獻伯顏怒曰吾奉天子明命興師問罪于宋豈以女色移吾志乎斥遣之二月壬戌次丁家洲賈似道都督諸路軍馬十二萬號百萬步軍指揮使孫虎臣爲前鋒淮西制置使夏貴以戰艦二千五百艘橫亘江中似道將後軍伯顏命左右翼萬戶率騎兵夾江而進砲聲震百里宋軍震動甘先遁以扁舟掠似道船呼曰彼衆我寡勢不支矣似道聞之倉皇失措

速鳴金收軍，軍潰，衆軍大呼曰：宋軍敗矣！阿朮挺身登舟，手舵衝敵船，舳艫相盪，乍分乍合。伯顏命步騎左右犄之，追殺百五十餘里，溺死無算，得船二千餘艘，及其軍資器仗圖籍符印，似道東走揚州，貴走廬州，虎臣走泰州，而江東諸郡皆下。淮西滁州諸軍亦相繼降。四月，有詔以時暑方熾，不利行師，俟秋再舉。伯顏奏曰：宋人之據江海，如獸保險，今已扼其吭，少縱之則逸而逝矣。世祖語使者曰：將在軍，不從中制。兵法

關外春秋

卷六 大將

三

也。宜從丞相言。五月，命奉御愛先傳旨召伯顏。赴闕，進中書右丞相付以詔書，俾諭宋主。十一月，伯顏分軍爲三道，期會于臨安。阿剌罕等以步騎自建康出西安，趨獨松嶺。董文炳等以舟師自江陰循海趨澈浦華亭。伯顏及右丞相阿塔海、繇中道節制諸軍，水陸並進。軍至常州，先是常州守王宗洙遁。通判王虎臣以城降。其都統制劉思勇與張彥王安節等復拒之，推姚訔爲守，固拒數月不下。伯顏射書城中，招諭皆不

應。乃親督帳前軍臨南城，又多建火炮，張弓矢，晝夜攻之。宋兵大潰，屠其城。姚訔及通判陳煥等死之。生獲王安節，斬之。劉師勇變服，單騎奔平江，諸將請追之。伯顏曰：勿追，師勇所過，城守者膽落矣。十二月，次無錫。宋將作監柳岳等奉其國主及太皇太后書來見，垂泣而言曰：嗣君勿冲在，衰經中，自古禮不伐喪，望哀恕班師。伯顏曰：汝國執我行人，又殺害廉奉使等，如我師不進，將效錢王納土乎？李王出降乎？爾宋昔得

關外春秋

卷六 大將

哭

天下於小兒。今亦失于小兒，蓋天道也。不必多言，遣囊加歹同柳岳還臨安。十三年正月，進軍臨平鎮，次阜亭山。宋主遣知臨安府賈餘慶同宗室保康軍承宣使尹甫和州防禦使吉甫奉傳國璽及降表，詣軍前。伯顏受訖，遣囊加歹以宋傳國璽入獻，得府三十七州，百二十八關隘。二縣七百二十三。帝勞伯顏、伯顏曰：奉陛下成算，阿朮効力，臣何功之有？二十四年春二月，成告乃顏及詔伯顏窺覘之，乃多載衣裘入其境。

輒以與驛人既至乃顏為設宴謀執之伯顏覺與其從者趨出分三道逸去驛人以得衣裘故爭獻健馬遂得脫馳還白狀夏四月乃顏反從世祖親征卒擒乃顏二十九年秋宗王明理鐵木兒挾海都以叛伯顏討之相值于阿撒忽秃嶺矢下如雨眾軍莫敢登伯顏先登陷陣諸軍望風爭奮大破之明理鐵木兒挺身走伯顏引軍夜還卒遇伏兵伯顏堅壁不動黎明遂引去伯顏輕騎追擊之斬首二千級俘其餘眾以

外春秋 卷六 大將 兇

歸諸將言古禮兵勝必馮旗于所征之地欲用囚虜為牲伯顏不可眾皆歎服軍中獲謀者忻都欲殺之伯顏不許厚賜之遣齋書諭明理鐵木兒以禍福明理鐵木兒得書感泣以眾來歸未幾海都復犯邊伯顏留拒之廷臣有請伯顏久居北邊與海都通好無尺寸之功者詔以御史大夫玉昔帖木兒代之居伯顏于大同以俟後命玉昔帖木兒未至三驛合海都兵復至伯顏遣人語玉昔帖木兒曰公姑止待我剪此寇

而來未晚也伯顏與海都兵交且戰且却凡七日諸將以為怯憤曰果懼戰何不授軍於大夫伯顏曰海都懸軍涉吾地邀之則遁誘其深入一戰可擒也諸將必欲速戰若失海都誰任其咎諸將曰請任之即還軍擊敗之海都果脫去乃召玉昔帖木兒至軍授以印而行三十年冬十二月驛召至自大同明年正月世祖崩伯顏總百官以聽成宗即位拜開府儀同三司太傅錄軍國重事冬十二月丙申有大星隕于東北

外春秋 卷六 大將 辛

庚子伯顏薨伯顏深略善斷將二十萬眾伐宋若將一人諸帥仰之若神明畢事還朝歸裝惟衣被而已未嘗言功也按伯顏之用兵深合古法舍郢順流而下是城有所不攻也繇淪河趨沙蕪以入大江是鋒不虞之道也不攻陽邏而沂上流以擣其虛是出其不意也縱夏貴奔告諸州是兵貴先聲也騎兵夾江而進砲聲震百里而宋軍潰是氣奪則走也不殺謀者而使齋書諭明

理是因敵問而用之也。而張世傑、邊居誦、趙文義、范興、王虎、臣王六、用夏貴、王達、朱觀、孫程、鵬、飛、張晏、然、王義、與國陳奕、管景、熒、呂師、夔、錢真、孫王安、節劉思勇、皆非其敵也。是以出軍南伐、僅年半而宋亡矣。獨恨呂文煥、劉整、既降于元、而又爲之鄉導、以戕父母之邦、真狐兔之不若、犬豕之不食也。豈非張世傑諸君之罪人與。

評曰：作元史者、伯顏下江南、不殺一人、嗚呼。

開外春秋

卷之六 大將

三

屠郢州、屠常州、所殺不已多乎。元之號令、凡攻城臨敵、但以一矢加遺者、得卽屠之。伯顏前此屠沙洋矣。至攻常州、又不下。及城陷、忿而盡屠之。一城生聚、何啻千萬。夷性殘忍、一至此耶。秉史筆者、乃擬之曹彬、豈其偷乎。惟不用囚虜、襁旗徽、合于不嗜殺之旨耳。伯顏屯兵於臯亭山、其夕月明、忽大風雷震、電伯顏知有異、起立帳外、勒兵防變。見四山旌旗閃爍、皆作精忠字。伯顏曰：此岳公護本。

國顯靈也。噫、宰牲爲文致祭、曰王繫心本朝、此是大忠大義、敢不仰體。但氣數如此、王雖有心、不能違天。若且日宋以三千人來戰、卽斂兵北歸、如只力竭講和、亦不能舍囊中物、而爲口舌所動也。祭訖、風雷皆止。明日、宋無一兵、且納款。伯顏入城、又請王廟致祭。宋遂以亡。

開外春秋

卷之六 大將

三

元蒙古漢軍都元帥前鎮國上將軍江東道宣

撫使益淄萊等路行軍萬戶順天路管民總

管張弘範

弘範字仲璋萬戶張柔第九子也善馬槊頗能
為歌詩中統初授御用局總管三年改行軍總
管從親王峇必赤討李璉於濟南柔戒之曰汝
圍城勿避險地汝無怠心則兵必致死主者慮
其險苟有來犯必相救可因以立功勉之弘範
營城西璉出軍突諸將皆獨不向弘範弘範曰

關外春秋

卷之六 大將

三

我營險地璉乃示弱於我必以奇兵來襲謂我
弗悟也遂築長壘內伏甲士而外為壕開東門
以待之夜令士卒浚壕益深廣璉不知也明日
果擁飛橋來攻未及岸軍陷壕中得跨壕而上
者突入壘門遇伏皆死降兩賊將柔聞之曰真
吾子也至元元年帝念弘範有濟南之功授順
天路管民總管佩金虎符六年括諸道兵圍宋
襄陽授益都淄萊等路行軍萬戶朝廷以益都
兵乃李璉所教練之卒勇悍難制故命領之戍

鹿門堡以斷宋餉道且絕郢之救兵弘範建言

曰國家取襄陽為延久之計者所以重人命而
欲其自斃也曩者夏貴乘汪漲送衣糧入城我
師坐視無御之者而其境南接江陝歸峽商販
行旅士卒絡繹不絕寧有自斃之時乎宜城萬
山以斷其西柵灌子灘以絕其東則庶幾速斃
之道也帥府奏用其言移弘範兵千人戍萬山
既城與將士較射出東門宋師奄至將佐皆謂
衆寡不敵宜入城自守弘範曰吾與諸君在此

關外春秋

卷之六 大將

四

何事敵至將不戰乎敢言退者死即擐甲上馬
立遣偏將李廷當其前他將攻其後親率二百
騎為長陣令曰聞吾鼓則進未鼓勿動宋軍步
騎相間突陣弘範軍不動再進再却弘範曰彼
氣衰矣鼓之前後奮擊宋師奔潰八年築一字
城逼襄陽破樊城外郭九年攻樊城流矢中其
肘畏瘡見主帥曰襄樊相為唇齒故不可破若
故江道斷其拔兵水陸夾攻樊必破矣樊破則
襄陽何所從之明日復出銳卒先登遂拔之

襄陽既下，借宋將呂文煥入覲，賜錦衣白金寶鞍，將校行賞有差。十一年，丞相伯顏伐宋，弘範率左部諸軍循漢江東路，郢西南攻武磯堡，取之。北兵渡江，弘範為前鋒，宋相賈似道督兵阻蕪湖，殿帥孫虎臣據丁家洲，弘範轉戰而前，諸軍繼之。宋師潰，弘範長驅至建康。十二年，次瓜州，分兵立柵，據其要害。揚州都統姜才以二萬人出楊子橋，弘範佐都元帥阿朮禦之，與宋兵夾水陣，弘範以十三騎徑渡衝之，陣堅不動，弘

關外春秋

卷之六

大將

亥

範引却一騎躍馬，揮刀直趣弘範，弘範旋轡反迎刺之，應手斃馬下。其眾潰亂，追至城門，斬首萬餘級，自相蹂躪溺死者過半。宋將張世傑、孫虎臣等率水軍於焦山決戰，弘範以一軍從旁橫衝之，宋師遂敗，追至鬪山之東，奪戰艦八十艘，俘敵千數，上其功，改蒙州萬戶。十四年，師還授鎮國上將軍，江東道宣撫使。十五年，宋張世傑立廣王于海上，閩廣響應，俾弘範往平之。授蒙古漢軍都元帥，陛辭奏曰：漢人無統蒙古軍

者，乞以蒙古信臣為首帥。帝曰：汝知而父與察罕之事乎？其破安豐也，汝父欲留兵守之，察罕不從，師既南，安豐復為宋有，進退幾失據。汝父深悔恨，良繇委任不專故也。豈可使汝復有汝父之悔乎？弘範薦李恒為已貳，至揚州，選將校水陸二萬分道南征。以弟弘正為先鋒，戒之曰：選汝驍勇，非私汝也。軍法重，我不敢以私撓公。勉之。弘正所向克捷，進攻三江寨，寨據隘，乘高不可近，因連兵向之，寨中持滿以待，弘範下令

關外春秋

卷之六

大將

亥

下馬治朝食，若將持久者，持滿者疑不敢動，而他寨不虞也。忽麾軍連拔數寨，回擣三江，盡拔之。至漳州，軍其東門，命別將攻南門西門，乃乘虛破其北門，拔之，攻鮑浦寨，又拔之。繇是瀕海郡邑皆望風降附。十六年正月，庚戌，繇湖陽港發船入海，至甲子門，獲宋斥候劉清、顧凱，乃知廣王所在。辛酉，次崖山，宋軍餘艘碇于海中，建樓檣其上，隱然堅壁也。弘範引舟師赴之，崖山東西對峙，其北水淺，舟膠，非潮來不可進，乃繇

山之東轉南入大洋始得逼其舟又出奇兵斷其後路燒其宮室甲戌李恒自廣州至授以戰艦二使守北面二月癸未將戰或請先用砲弘範曰火起則舟散不如戰也明日四分其軍軍其東南北三面弘範自將一軍相去里餘下令日聞吾樂作乃戰違令者斬先麾北面一軍乘潮而戰不克李恒等順潮而退樂作宋將以為且宴少懈弘範舟師犯其前眾繼之豫構戰樓於舟尾以布幙幘之命將士負盾而伏令之日

聞金聲起先金而妄動者死飛矢集如蝟伏

盾者不動舟將接鳴金撤障弩弓火石交作頃刻并破七舟宋師大潰宋臣抱其王嵩赴水死獲其符璽印張世傑走交趾風壞舟死海陵港其餘將吏皆降嶺海悉平十月入朝賜宴內殿慰勞甚厚未幾疾作帝命尚醫診視病甚沐浴易衣冠扶掖至中庭而闕再拜退坐出所賜劔甲付子珪曰汝父以是立功汝佩勿忘也語竟而卒

按兵家千變萬化不出多方以誤之一語善用兵者第知祖而述之足矣如宋軍突弘範陣而不動待其氣衰乃擊之非以退為進乎宋兵夾水而陣弘範衝之不動乃引却而反刺其將非詭而致之乎佯與一寨相持而潛攻他寨非出其不意乎及兩舟相接而後鳴金撤障以破宋師非善戰者其節短乎總是設謀以誤宋人也豈宋人所能測哉評曰將門有將謂其久歷行陣深得用兵之

解也試看弘範營陣於險地設伏以待李璣斷絕東西援兵以坐困襄陽攻漳州之西南二門而乘虛以破北門作樂立號以給宋兵而宋人遂懈雖是古法亦是家傳若元主命為都元帥而辭曰漢人無統蒙古軍者乞蒙古信臣為首帥是以讓為任之法元主即專任為帥曰勿使汝有察罕之悔是用而不疑之法弘範亦義氣之丈夫也當元兵執文天祥於

五坡岩以見弘範釋其縛而以客禮待之天
祥請死不許處之舟中以自從令其爲書招
張世傑天祥遂書一詩與之末句云人生自
古誰無死留取丹心照汗青弘範笑而置之

三立堂新編閩外春秋卷之七

萃胥外史漢陽 尹商 子皇甫 著

明開國蕭運推誠宣力武臣特進光祿大夫左

柱國太傅中書右丞相參軍國事征虜大將

軍魏國公中山武寧王徐公達

中山王達字國顯鳳陽人長身高額赤色沈毅

剛決儕伍咸莊憚之時郭子興據濠梁稱滁陽

王而太祖為其部師用事達仗劍往從之畧

定遠張家堡得兵三千人又從襲橫澗山寨得

關外春秋 卷之七 大將

兵二萬人時年二十二所委使必効而又時時

以王霸之畧進帝大悅曰此國器也授鎮撫

俾位諸宿將上尋從破元兵于滁州澗再從取

和陽拒戰其援師皆有功而賊帥孫德崖來與

子興合已復有隙軍且闕帝馳單騎往撫之

為所執而子興前已誘執德崖於是達請以身

之德崖軍代曰歸我朱公子我亦歸而孫帥

帝始得脫達亦得脫會滁陽王死帝為大帥

達益重從下俞通海等水寨與蠻子海牙相拒

達別率精兵數千取溧陽溧水二城斷其肘故

諸軍前薄蠻子海牙軍大破之從渡江拔采石

壽太平與常遇春皆為軍冠鋒而達獨參預密

謀進止尋從破擒元將陳瑨先復大破蠻子海

牙乘勝下集慶路帝稱吳國公欲將達而少

之乃會諸將陽責達等以不能戢下召軍正使

定罪達等頓首請死乃已已而命達率諸將攻

鎮江一鼓而下走苗帥完者魯平章定定號令

明肅城中不知有兵達自知專為將矣置淮典

關外春秋 卷之七 大將

翼元帥府於鎮江達領之時張士誠王平江誘

我降將陳保二發舟師自常州來逼達禦之敗

其軍於龍潭追奔至常州請益師上以兵三萬

益達達乃分其軍為三薄常州而壘士誠之弟

士德以卒數萬來援達與諸將計曰士德勇冠

軍且狡未易力勝也去城十八里為三覆以待

而別選鐵騎屬總管王均用將之乃斷敵士德

兵既交均用鐵騎衝其中堅陣亂士德走遇覆

馬蹶獲之遂大破其軍殺虜以萬計進圍常州

不下。帝乃故奪元帥達以下一官而賜書曰：「虐降失陳保二老師孤城，吾所以重過將軍也。將軍勉思補前過，大善不者三尺不貸汝。」因復益以精兵二萬，達乃合四營兵為二以相救。而外營常遇春來應夾攻，破之。凡五月而常州下。時帝以重兵定婺處，將畧有浙東諸郡。而陳友諒之大將趙普勝以兵陷池州，復進據樅陽水寨，數往來窺伺。帝念不及援，達遣其將選精卒襲敗之。普勝棄舟走，復追擒其部將，獲艤

蘭外春秋 卷之七 大將 三

艘數百，遂復池州。捷聞，帝大悅，謂微達何以紓我內顧，超拜奉國上將軍，同知樞密院事。達還鎮池州。帝諜知友諒且犯池，命僉樞密院常遇春以兵來助，使使語達友諒旦夕至，則設伏九華山下而掩其後，可盡取也。達乃與遇春策選卒萬人伏九華，友諒至，盡銳攻城，城中伐鼓大噪，伏盡發，城中應之，遂大破其衆，斬首萬餘級，生獲三千人。遇春曰：「此勁敵也，不殺為後害。」達乃可以狀聞。帝報使者：「天下戰方始，毋

多殺，是逆距之也。而遇春則以夜斃其十之九，上不憚命，悉縱其三百人歸友諒，而曰：「此吾不壹將之故也。」達自是專為大將矣。友諒既陷我太平，遂盛兵壓建康。帝設奇大破之，友諒走，追破之。別將兵屯漢江之沌口，過沔陽戰艦，進中書省右丞洪都降將祝宗、康泰、大帥鄧愈走，達以沌口軍還討定之。宗走死，檻泰送建康。達遂移兵圍廬州。時友諒失洪都而憤，悉其衆來爭樓船高數丈，圍數百重。帝亦悉

蘭外春秋 卷之七 大將 四

師溯流逆之，趣召達自廬來會。與友諒遇於鄱陽湖，達先諸將蕩其前茅，殺千五百人，獲一巨舟而還。軍威振，既而達舟深入，中敵火，撲之更進戰，復破敵而退。時友諒兵盛，帆檣後先不見際。帝謂左右：「卽不利，奈彼乘勝何？」既而曰：「得之矣。」吾以達留守，緩急可百全也。夜以兵符授達，飛舸還建康。達至，申約束，嚴斥埃鎮靜。若不有外兵者，而帝則已破誅友諒還矣。師還，卽吳王位，而達為左相國，淮南北悉平。帝乃與

諸將相謀討士誠。右相國善長以士誠兵尚強。且饒蓄積。宜少緩。達持不可。曰。張氏汰而苛。其大將李伯昇輩。積子女玉帛。且夕人耳。用事者。黃蒸葉三。參軍白面書生。易與也。臣奉。上威德。以大兵感之。當自潰。上大悅。以左相國達。為大將軍。平章軍國重事。遇春為副將軍。率師二十萬討士誠。馮於龍江。進達等諭以毋擄掠。毋殺。毋發丘壠。毋毀廬舍。又戒之曰。士誠能以吳歸命者。必全之。吾聞其母葬閩闔之外墟。

開外春秋 卷之七 大將 五

毋據而芻牧也。達營葑門。分兵營婁胥閩盤諸門。築長圍。架木塔。與城中浮屠等。別築臺三成。曰敵樓。下瞰城中。纖悉皆見。尋使使之建康。請事。帝賜璽書勞之。曰。將軍自昔相從。忠義天性。沈毅有謀。端重止武。用能遏絕亂略。消弭羣雄。今事事稟命。將軍之忠。吾甚嘉之。然將在外。君不御也。自後軍中緩急。將軍便宜行之。勿以聞。平江城堅難卒拔。莫天祐時為士誠守。無錫。更相唇齒。其將楊茂善。泗。數從水中為偵。達獲

茂釋而厚賞之。使往來為間。因盡得其虛實。士誠迫。自出兵戰。馬驚墜水。輿入城。其弟士信。張幕城上。踞銀椅。進秋桃。猶未及嘗。而飛礮已碎其首矣。士誠氣益奪。達知城中困。乃勵士鼓而破葑門。遇春亦破閩門新寨。其樞密唐傑等皆降。遂大潰。士誠收其餘兵三萬巷戰。復潰。馳歸。拒門自縊。久乃蘇。檻送建康。卒以縊死。達之將破城也。與遇春約曰。師入。吾營而左。公營而右。將士人予一牌。曰。掠民財者死。毀民居者死。離

開外春秋 卷之七 大將 六

營二十里者死。師入而民不知。有兵食寢互市。如故。竊相咎曰。奈何。久抗王師。達乃遣輕兵渡江。下通州。歸獻俘於戟門。進封信國公。賜綺帛。為右丞相。亡何。議北伐。平章遇春請直搗元都。執孱主以臨天下。帝曰。壯哉。而昔所畫下平江。樊也。吾欲先取山東。撤其屏蔽。旋掩河南。斷羽翼。拔潼關而守之。天下形勢入我掌握。不待塵牧野。而元都下矣。鼓行而西。雲中九原。以逮關隴。可席捲也。達曰。上策之善。於是信國公

達為征虜大將軍鄂國公遇春副之。馮於北門
七里山大會諸將。謂諸將軍非不健闘。然能持
重。師有紀律。戰勝攻取。得為將之體者。毋如大
將軍達。又謂達闕外之寄。汝實任之。茲行進取。
必自山東始。大將軍至淮。賜書曰。將軍今何嚮。
嚮益都。則必以兵扼黃河。斷其援。即不嚮益都。
而取濟寧。二郡使兵難踰度。其在將軍。金火二
星會於丑分。後火逐金。踰齊魯。以時進取。毋失
達遂率兵攻圍益都。降其平章老保。遂徇濰膠。

開外春秋

卷之七 大將

二

高。光臨淄等諸州邑。因兵威諭降樂安淄川守
將。移兵下東平。進次安山。獲丞杜天祐等。通
濟南。走其大帥脫因帖木兒。避逼濟寧。走其大
帥陳平章。而以都督張興祖守之。遂與副將軍
遇春兵合取東昌所屬州邑。皆下。乃籍山東城
邑。俘獲軍實之數。以上。洪武元年。帝尊大位。
立皇太子。達兼領太子少傅。授銀青榮祿大
夫。上柱國。錄軍國重事。右丞相。少傅。如故。子諱
所以推揚勳畧。甚至至此。之太公。鄧禹。云。達以

大兵渡陳橋。取汴梁。帝聞達等平河南。為幸。
汴梁居十日。達自軍謁行在。上置酒勞之。曰。
將軍哉。忠爾忘身。國爾忘家。斯之謂與。河朔士
民。忍倒懸以待將軍。將軍宜以時進兵。建勛立
業。此其日矣。達與諸將頓首謝。既退。復召達問
計。達對曰。大兵平齊魯。掃河洛。擴廓自保之不
暇。而敢離其穴。我西據潼關。李思齊張思道。魄
奪遠竄。元都一窺中。孫豚耳。誰與為臂指者。臣
不佞仗天威。取之如拉朽。因復奏曰。師進而

開外春秋

卷之七 大將

八

彼北奔。不窮跡之。將為異日憂。上曰。元世祖
乘氣運。而王我中國。今衰矣。彼且自漸盡。何煩
我窮兵。出塞之後。固守疆圉。防其侵軼。可也。達
遂拜命。次河陰。分兵徇河北。右丞薛顯參政傅
友德。兵至衛輝。平章龍二走。追至彰德。龍二復
走。遂取彰德。并廣平。大將軍駐臨清。分遣傅友
德。開陸道。通步騎。都督顧時。濬河通舟師。遂前
下德州。常遇春張興祖。兵悉會取長蘆。滄州。持
直沽。據之。作浮橋以濟師。丞相也。速不。願。速。

都大震抵河西務，敗其平章俺克等，遂進抵通州。與遇春夾河而軍，達軍東岸，遇春軍西岸，遇春敗其西岸兵，擒國公卜顏帖木兒等，入通州。夜三鼓，元君及其后妃太子，開建德門，以其車服重寶，踰五日，達進師，填濠入，陳兵，登齊化門，執其監國淮王帖木兒不花，居守太尉左丞。胡慶童平章送兒必失朴賽因不花，右丞張康伯，御史中丞滿川等，數以奉職無狀，且不先納款，僂之，封府庫，籍其圖書金玉楮幣，以兵千人，聞外未承。

卷之二 大將

虛也。太原下，擴廓不戰潰矣。諸將皆曰：善。遂以輕騎前抵太原而營，乃選精騎銜枚夜襲之。擴廓方然燭，使二童子拔書以侍，卒聞警，倉皇不知所為，蹙一足乘驛馬以十八人走大同，遂走甘肅。山西悉平，進奉元其約束如下。故都時秦民大悅，以奉元為西安府副將軍，兵逼鳳翔。李思齊走臨洮，鳳翔下，達與諸將議所攻，皆以張思道才不如李思齊，慶陽易於臨洮，請先襲幽州。取慶陽，後度隴，攻李思齊於臨洮，達曰：不然。聞外未承。

卷之七 大將

略其西都督顧時略其北參政友德畧其東都督陳德畧其南慶陽接路絕達進逼西門其平章姚暉等開門納師陝西悉平詔達還京師第功宴諸功臣以達爲首稱其攻取山東河南燕冀秦晉等處州郡克敵致勝振揚國威撫綏軍民得大將體賜白金五百兩文幣五十表

蘭州下克尋敗我援師殺指揮使于光時左副將軍遇春卒三年上乃還達大將軍印而以

開外春秋

卷之二

大將

十一

平章政事李文忠代遇春分兵爲二大將軍自潼關出西道持定西以取擴廓左副將軍自居庸出東道從大漠取元嗣主達受命即日行遂至定西擴廓退屯車道峴達進師逼之駐沈兒峪隔深溝而壘擴廓發精兵千人繇間道從東山下潛劫東南壘舉軍皆驚擾左丞胡德濟倉卒不知所措達自率帳前卒擊之敵始退德濟故功臣越公大海子也達械之送京師而斬其部下趙指揮數人以徇遂大破之擴廓脫身

與妻子以十餘騎遁沮黃河得浮木以渡遂歸寧夏奔和林德濟械至京帝釋之而以書諭達謂將軍自效衛青不斬蘇建獨不見穰苴之待莊賈乎將軍誅之則已不誅吾且念其信州諸暨功不得不曲赦以伸吾不忍自今而後將軍母事姑息達既已破平擴廓盡得元嗣主之嫡孫后妃將相寶玉士馬車服無算先後露布開詔振旅還京既至帝爲幸龍江勞之所

開外春秋

卷之二

大將

十二

光祿大夫左柱國太傅中書右丞相參軍國事進封魏國公歲食祿五千石予誥及鐵券免三死子免二死仍世世勿絕賚文綺帛百匹明年復誦大將軍印鎮北平十二月受詔還京師十餘日帝召達與曹國公李文忠宋國公馮勝宴射賜之交趾弓五十彤弓百因諭之曰古者諸侯有四夷功賜之弓矢天下前急肩得無又有大興乎旬日帝御武樓謂達曰擴廓游魂尚出沒奈何達請曰亟發兵坑暨子耳度

兵幾何曰十萬足矣。上曰吾與爾十五萬騎。大將軍出西路，將各五萬騎，轉餉私役者不與。達抵山西境，都督藍玉為前鋒，敗其游騎於野馬川。復敗擴廓於上刺河，擴廓遁。與賀宗哲合，而拒我師於嶺北。時師數發，統而易虜，驟與之戰，不利。死者萬餘人。達固壘而收之。故徹侯功臣無死者，虜亦不敢入塞。獨征西將軍與副將軍友德至西涼，屢破虜，盡收其妻子，以私匿馬馳，故賞不行。而上以達功大，弗問也。自是達

開外表秋

卷之七 大將

三

連歲出鎮北平，歲行盡，即召還。上將印賜休沐，以時宴見，懼飲有兄弟稱，而達愈恂恂恭謹。嘗從容謂徐兄功大，未有寧止，欲以吾吳時舊邸居。若達固謝不敢。一日，強沃以酒，既醉，覆以被，昇卧邸。正寢，達醒，大驚，俯伏階下，呼死罪不已。上益悅，命有司為治甲第，表其坊大功。曰：令世世毋忘爾功。達長女尚燕王，王帝愛子也。國北平，故達歸將印不踰月，輒復之鎮。時北虜漸衰弱，而亦畏達威名，不敢復犯邊。達亦戒

守邊者唯繕城戍，簡士馬，謹烽堠，毋得微功啓釁。故終達之鎮，北平十餘歲，兵民熙熙，有大平色。燕王三子皆達女出，親為王舅。與天子夷輩而見，王必執臣禮，不少間。王以是心念之，又得其用兵法所練士皆精卒。十七年，達在北平，疽發背，小愈。上使達子允恭視之，賜璽書，今九夷八蠻，大者畏力，小者懷德，非將軍何以臻此。且召之歸，而疾益甚。帝憂之，為延致天下名醫，復禱於山川社稷，滅隍之神，願

開外表秋

卷之七 大將

百

假大將軍，息數載，以寧萬姓。吾他日與之同往，竟不起。十八年春二月卒，年五十四。帝袒跣，奔達寢，撫屍而慟。怡然謂羣臣曰：大將軍為朕股肱心膂，修力行陣，東征西討，削平羣醜，克濟大勳。邇者大陰屢犯上將，萬里長城，一旦奪之，悲夫！盡心國家，為社稷重者，寧復有大將軍。吾何以報。但著其勳烈，宜於金石，以永垂不朽。贈中山王，諡武寧，追封其三代。皆中山王而手書。其混一區夏，奠安神人之功，於墓道，且曰婦

女母所愛財寶母所取忠志無疵昭明日月惟大將軍一人而已

按中山王之賢三代而下吾見亦罕矣其用兵也整而簡武而不殘其居功也安其事上也共其藏身也哲蓋韓淮陰鄧高密曹濟陽合而為一者也於乎休哉說者曰諸葛武侯之後得大將二人焉唐汾陽王明中山王是也中山之易在乘初也汾陽之難在振衰也然而亦各有難易焉汾陽之難在庸主也其在英主也

外春秋

卷之七

大將

五

評曰

高帝以神武取天下計初下建康與友諒角實在行間而其他十七皆大將軍力也大將軍拜等于受賑之頃連百萬之眾摧陷廓清掃百葉之遺腥運九有于再造兩儀混而乍闢七曜昏而復明即古名世之佐曷過焉勞而不伐夙夜匪懈以功名終蓋所以處君臣之際

微矣元女侑配英主整其成師於十五年後而資靖難兩都二公光表後裔寵冠羣辟夫豈幸哉

漢太醫淳于意善診病決人生死文帝問曰子治病能全無失乎對曰病順者可治逆者不可治不能全無失也故以大將軍之沉幾策勝端重且武然鎮江之役殆于叛卒與士誠令土刺河之戰挫于賀宗哲騁海之戰敗于哈刺章蠻子帝嘗以達方鄧禹鄧禹亦

外春秋

卷之七

大將

六

曾有赤眉之敗也故曰良將用兵猶良醫用藥良醫不能全無失良將不能全不敗也余聞淳于意之言知用兵焉

明特進榮祿大夫上柱國太子少保平章軍國
重事征虜左副將軍贈翊運推誠宣德靖遠
功臣開府儀同三司上柱國太保中書右丞
相開平忠武王常公遇春

開平王遇春濠之定遠人其先世世爲農家遇
春長身白皙有膽力猿臂善射元末郡盜起躡
江淮間而盜魁劉聚者得遇春而識之使爲什
夫長有所攻剽遇春敢力深入必尅獲而歸以
是爲聚所愛重而遇春察其急鹵掠母遠志屬

關外春秋

卷之二 大將

二

高帝駐兵和州乃偕其私卒數十來歸居兩月
未有所見自請爲先鋒既渡江抵采石磯元兵
置陣於磯上舟相去者三丈餘矢刃蜩集莫敢
登遇春飛舸至上麾之應聲挺戈躍而上敵
皆披靡帥師乘之大敗其衆遂乘勝取太平始
授總管府先鋒無何進爲總管上旣已渡江
而諸將士家屬輜重皆在北滁和之守備單而
元中丞蠻子海牙擁舟師數萬襲據采石界其
中間音問絕上率大衆攻之使遇春多張疑

兵以分其應而自帥正兵搗之旣合而遇春別
操輕舸以精兵橫衝海牙之舟分爲三左右縱
擊大破之悉俘其精銳自是元師扼江之勢衰
而南北通矣遂從取集慶路再從徐達取鎮江
復爲領軍先鋒徐達攻常州而降率叛與張士
誠合而圍達命遇春以師援表裏擊士誠大
破之擒其梟將張將軍復爲總管遂進統軍大
元帥克常州遷中翼大元帥尋從徐達下寧國
分兵取馬馱沙遂取池州戰功最進行中書省

關外春秋

卷之二 大將

六

都督馬步水軍大元帥從上取婺州復有功
進鎮國上將軍同僉書樞密院事守婺州遂以
其兵攻衢州衢州下陳友諒入寇薄我於都城
之龍灣上設伏大破之遇春功復最上追
友諒於江州遇春畱守用法嚴軍民肅欽進行
省參知政事復從上追友諒於安慶遂取江
州還督龍灣寨之師張士誠之大將李伯昇圍
我長興援兵遇之敗長興圍急上乃遣遇春
以大軍援之兵至伯昇拔營遁俘斬其後軍五

千餘人城安慶破池州之叛卒羅友賢斬之
黨悉平。上所任將帥其最著者三人曰平章
傑榮右丞徐達與遇春榮最爲宿舊且善戰既
貴而驕有所不得志輒謀伏兵置酒要上飲
而劫之。事發就縛上猶語諸將吾欲宥榮死以
慰勞臣衆唯唯。遇春直前曰人臣而以反名寧
可宥臣誼不與之共生。上乃飲榮酒流涕而
廖之以是心益愛重遇春張士誠別將呂珍圍
劉福通於安豐。上救之師至而珍已破城殺

關外春秋 卷之七 大將 七

劉福通矣其兵勢盛而連營水陸爲戰守備甚
嚴時汪元帥爲前鋒拔其中壘而據之會左右
軍敗汪元帥兵欲出走阻於塹則殊死鬪卒不
可敗而遇春以精騎橫突其脇凡三合三勝大
軍乘之遂大勝俘獲士馬無算進圍安豐元將
左君弼自廬州來救徐達與遇春逆擊大破之
遂移薄廬州且下而陳友諒傾其國兵號五十
萬來爭南昌圍之數百重凡三月餘而上趣
達遇春廬州之師歸遂從上往救過於鄱陽

湖之康郎山達首敗其前鋒縱火焚敵舟二十
艘殺獲以千計而敵不退友諒太尉張定邊嘗
前犯上舟適膠淺事且迫遇春從傍射定邊
中之始稍稍引退上舟脫而遇春舟復膠淺
力戰以脫明日復大戰乘風縱火焚其舟數十
里湖水盡赤友諒弟友仁友貴等皆焚死連戰
三日友諒之卒死者過半而我兵所亡失亦畧
相當既出湖口諸將佐氣稍稍奪欲縱之去遇
春獨不言上悟乃移舟扼上流而別出奇兵

關外春秋 卷之七 大將 三

絕餉道凡旬五日而友諒軍食乏其左右金吾
將軍皆降友諒迫以百艘突圍湖口而上蹴之
自辰至酉友諒中流矢死俘其卒五萬人斬及
溺者三倍之乃班師飲至策勳以遇春及廖永
忠俞通海爲首賜土田金帛過當復從上
討友諒之子理於武昌圍甫合而其丞相張必
先自岳來援遇春以五千騎逆擊破擒之必先
友諒驍將也陳理魄奪出降進遇春中書平章
政事尋從徐達取廬州始別將兵畧定臨江之

沙坑麻嶺十洞牛皮等寨遂定贛州下南安南
維韶州諸路師還取安陸襄陽復從徐達克秦
州巴克高郵徇淮安徐宿安豐悉下之大發兵
討張士誠命遇春仍副大將軍達而行舟師出
太湖擒其萬戶尹義等直趣湖州之毘山與士
誠兵水陸勁鬪敵大潰遂薄其城飛車戰艦高
皆與睥睨堦其丞相士信掃境內兵來援築壘
營館壓我師之背遇春率奇兵繇大全港入營
於東阡却壓其背士信急抽精兵搏戰遇春鼓

關外春秋

卷之七 大將

三

將士立破之復破其援兵亦龍船於烏鎮士信
跳舊館之卒降得六萬人湖州亦下遂進圍平
江路數破其城中兵凡八月始克之縛士誠以
歸籍其兵得二十五萬時上猶稱吳王召
見戰門所以慰勞備至進銀青榮祿大夫上柱
國錄軍國重事封鄂國公上念遇春功大欲
尊貴之而李善長徐達已為左右相國不能復
置相乃以遇春為平章軍國重事制祿秩與相
國等復議討中原遇春有所獻策語具徐達世

家遇春之前議討張士誠策亦如是大較欲輕
兵直搗其心腹肢節當自瓦解上持重不之
用也而心伏其勇至是命遇春為征虜副將
軍與大將軍達率步騎二十五萬以北上親
禡旗於龍江論諸將當百萬之衆摧鋒陷陣
所嚮披靡無如副將軍遇春第吾不虞其不能
戰虞其輕戰耳夫遇春大將軍也而好與一小
校爭能甚非吾所望也遇春頓首拜詔既行
吳王即皇帝位冊立皇太子以遇春領

關外春秋

卷之七 大將

三

其少保遇春師與大將軍合畧定山東諸郡遂
破汴梁走其帥李景昌進攻河南元兵五萬陣
洛水北將合遇春單騎突其陣敵以二十騎攢
梁刺遇春遇春發一矢殪當先者大呼而入麾
下壯士從之遂盡殺其二十騎敵遂大潰河南
下諸郡邑悉平上為幸汴梁至之二日而遇
春馳入謁上勞之曰將軍與大軍北征不踰
歲而下中原之半功亦大矣勞且倍矣遇春頓
首上悅三日辭復往河南遂與大將軍畧定

河北進逼其大都元主北走遂取之移兵徇太原元太傅河南王擴廓帖木兒自保安還師來援夜劫之擴廓潰而走太原下改遇春為左副將軍居右副將軍馮宗異上出寨取大同西逼鳳翔鳳翔下會元丞相也速以兵寇通州至白河而遁上乃遣遇春以所部馳至故元都部署將士遇春謀元主在開平乃選步卒八萬騎一萬取道三河經鹿兒嶺抵惠州次全寧遂與也速遇復敗之進次大興州遇春使分千騎為

關外春秋

卷之三 大將

三

八伏後其歸捨其丞相脫火赤遂薄開平元主已前走追北數百里俘其宗王慶生平章昂住等斬之師還次柳河川暴得疾卒年僅四十九上為震悼喪車至龍江親出奠為文哭之敘其功甚詳已而大慟始命有司制聞大臣計用宋太宗為韓王趙普舉哀禮擇葬地鍾山之陰明器芻靈凡九十一切皆官給不以煩其家仍驛書報大將軍達使歸而會葬特贈翊運推誠宣德靖遠功臣開府儀同三司上柱國太保中

書右丞相追封開平王謚忠武復推恩王其三子代皆賜謚時猶襲元故明年論功賜金幣一與大將軍等而封子茂鄭國公歲祿三千石子誥參配饗高帝廟庭與祠鷄籠山功臣廟皆次大將軍為第二遇春為人沈鷲果毅撫士卒與同甘苦皆樂為之用出則摧鋒入則殿後未嘗敗北雖不習書史而用兵決勝與古人合年差長於大將軍二歲數從征伐奉節制進止赴期不敢爽毫髮人將軍雅亦推愛之終始無

關外春秋

卷之三 大將

三

小間惟性稍好殺而淫以此不能比大將軍而一時稱名將者猶曰徐常徐常云而上亦均重之晚節每舉以勵諸將帥必曰中山開平二王不偏廢也按烏則擇木臣亦擇君開平王之舍劉聚而歸命真主卒得盟山河而拜禪王匪獨其勇功也蓋亦有神識焉一戰而破采石再戰而破海牙三戰而破士誠四戰而破友諒其能已見於

天下矣。俄又破汪元帥，破左君弼，射張定邊，跳盪無前，及出湖口，諸將欲縱友諒去，而公獨不言，卒以斃之。飲至策勳，安得不卓然當居諸將之首哉！至於擒張必先，降陳理，擒尹義，縛張士誠，開平之功，蓋大大將軍矣。復議討中原，而欲直搗其心腹，壯哉策也。遂與大將軍克元都，而天下定矣。年僅四十，將星遂質宜。

帝之出莫舉哀贈謚加等也夫。

關外春秋

卷之七 大將

三

評曰

高帝英武神靈，其臣莫及，惟於中山開平二王，則心儀焉。世談開平之勇，皆怪而陋，夫暗鳥跳盪，百夫勇耳。彼豈知所謂大將者，夫封鄂而謚忠武，唐之尉遲氏，宋之岳氏，併開平而三大將之材，岳氏則吾開平伯仲哉。

王與中山王攻張士誠於蘇州，久不下，王駕飛樓以觀城中動靜，士誠以物盡覆街市，了無所覩，有善風角者曰：此城龜形，盤門是首。

門是尾，擊其尾，首必出矣。二王如其言而攻之，盤門果先開。

關外春秋

卷之七 大將

明開國輔運推誠宣力武臣特進榮祿大夫性

國征南將軍西平侯黔寧昭靖王沐公英

黔寧王英鳳陽定遠人父蚤亡育於母母復亡

上起兵收而子之既長温爽有姿傑機穎過人

初與李岐陽等俱冒國姓賜名文英差次皇

從子文正數從上征伐入侍帷幄晝夜勤

黜目無逆視上心器之十八用為帳前都尉

從守鎮江居四歲推廣武衛親軍指揮使軍政

修飭加授昭勇大將軍以所部從下福建擒平

閩外春秋

卷之七 大將

三

章陳友定有功歸其姓沐而單名之曰英出鎮

撫建寧三都亡何摧鎮國將軍僉大都督府事

明年進蒙祿大夫同知大都督府事時都督不

為階官而英特受上心管托佐李岐陽為政

益精明中官尤愛重英恒語上曰此兒吾

子孫屏翰也久之命乘傳繇陝西巡行諸路

布上恩惠事有不便者輒更置而後聞且

使練諸部兵以待明年遂副寧河王征西番西

渡黃河畧烏思藏耀兵至於崑崙轉戰數千里

俘虜士卒以萬計馬駝牛羊十倍之師還而寧

河王道卒英代將其眾還京師封西平侯進

號開國輔運推誠宣力武臣勳柱國食祿二千

五百石賜鐵券又明年拜征西將軍窮追西

番降元萬戶乞夫加三樞密副使舒朶兒只都

烏都兒卒二萬餘雜畜二十餘萬平朶甘納兒

七站地數千里復率所部蕩和林轉畧亦集乃

渡黃河登賀蘭擒伏聽者得穹廬所止涉流沙

分兵四翼薄其營自率精騎衝中堅大破之獲

閩外春秋

卷之七 大將

三

大帥國公脫火赤知院愛足覆其全部明年以

所部從大將軍出古北口襲公主山寨掩四部

卒渡臚胸河獲知院李宣亡何以征南右副將

軍同穎川侯傅友德永昌侯藍玉下雲南縣辰

沅出羅鬼遂躡普安至白石江梁王把匝刺瓦

兒審遣其司徒達里麻選甲十萬來拒穎川侯

欲濟師英以諸軍嚴陣若渡者而奇兵潛從上

游遶出賊後賊陣動大軍乘而擊之勁戰自旦

至晡蹙血震蕩英與穎川永昌二侯多縱鉄騎

橫貫而蹙之。生縛達里麻賊大潰，僞屍百里。相屬直抵雲南，悉收其金寶子女，分徇諸部。皆下獨大理，猶為元守。英與永昌侯攻之，其帥段世據龍尾關為固。英分一軍夜從間道登點蒼山，襲其背。質明，英麾騎亂流至關，壯士被羽先登，關破。伏兵從後夾擊，擒段世。拔大理，移兵取車里平緬。不浹月，雲南郡邑悉平。分省列衛戍，簡置守令，勸課農桑。復與賴川侯分道平東川烏蠻寇，而夷兵叛者，合圍雲南。守帥馮誠等告急。

關外春秋

卷之七

大將

三

英簡萬騎馳救之。賊夜遁，乘勝急擊，遂悉復曲靖。永昌之失守者，詔英爾鎮雲南，而召賴川永昌二侯還。賴川侯進封公，英自如。英鎮之三歲，而被平摩沙勒酋首千餘級，亡何麓川宣慰思倫發聚其眾來寇，號三十萬。英選卒三萬拒之。甫對壘，使都督馮誠以輕騎三百歷而挑之。賊以萬眾乘二十象來戰，誠一戰殺數百人，獲一象而返。英喜曰：賊不足平也。明日賊悉眾擁百象來圍象，皆被甲負戰樓，四周若翻楯，挾

大竹為筒於兩傍，筒置短鎗十餘，以標我。英分卒為三隊，命都督誠為前鋒，都督甯正將左，都指揮湯昭將右，各以火炮神機槍弩奮前擊賊。矢石齊發，呼聲震天地。象皆却走，英督大軍乘之，賊遂大潰，斬首三萬餘級，俘萬人生，獲四十象。餘皆被矢如刺，以死。賊帥刁斯郎等皆伏，殪象背。郡蠻震讐，稽顙奉貢，不敢復為梗。明年復平東川，破走叛首阿資入朝，賜宴於奉天殿。賚黃金二百兩，白金五千兩，絲幣百襲，鈔

關外春秋

卷之七

大將

三

五千錠。陛辭，上撫之曰：使我高枕而無南顧憂者，爾也。英歸鎮，復大破阿資眾，走之，使使以兵威折脇，八百圍，并諸番有重譯貢者，時懿文皇子薨，英故嘗侍，東宮有恩誼，聞之，哭嘔血。一日，方坐堂皇理事，忽中風卒，訃聞，上慟哭，輟朝，命以喪歸，賜葬都門外，追封黔寧王，蓋昭靖蓋異數也。有五子。按滇人莊事黔寧王，無異人主，每片紙下土酋所具威儀，出郭迎迓，盟而後啓之，曰：此令

昔也歲時奉獻不絕彼必有所以籠罩懾服之者故世謂南人知有黔國公不知有朝廷也其威信使之然也

評曰

高帝起兵滁陽時皇子幼上多蓄童稚之材勇者子之沐西平其一也長而特受上心眷托中宮尤愛重恒曰此兒吾子孫屏翰也西平慎靜饒兵畧為天子算路監縷以開滇土世保赤社為國藩垣夫豈一朝一

關外春秋

卷之三大將

三

夕之所致也哉

英長子春繼鎮滇年二十六而卒無子弟晟嗣以勤慎稱代為滇帥安南之逆臣黎胡奎弑其君而戕我使者天子討之晟窮追至日南州奇羅海口擒獲胡奎等無遺得郡四十八縣百八十六凱旋論功封黔國公還鎮滇晟父子前後置圃墾田業三百六十日吾日食其一可以周歲珍玩金瑤充牣庫藏幾敵天府後庭曳羅綺者恒數百人役使閭

奴亦可數十百而善事中貴多通遺執政不絕亦能檢制其下數傳而至朝弼當嗣虐其嫂且錮之不使還南京於是上疏相訐久之始得襲佩印鎮守其淫惡益甚且妻拒王命詔削其爵以子昌祚嗣代鎮而朝弼復欲殺昌祚逮至京錮于南京之故第以幽死吁朝弼錮死昌祚嗣興法與恩不相蔽明德衷且遠矣

世傳黔寧王英為太祖外婦之子而王弁

關外春秋

卷之三大將

三

州非之曰帝長於英十五年當英之生帝方貧窶安得有外遇獨不記漢高帝亦有微時外婦之子肥乎考英以洪武二十五年卒年四十八是時聖壽已六十五則帝實長於英十七年外遇而生理或然也鄭端簡曰考陵初起多蓄養子每郡邑下輒遣養子出守蓋二十餘人而昭靖王功最大夫昭靖以絕世雄才又雍容好學如文士自非高帝之龍種能然乎

來爭愈與大海勵將卒分道逆戰大破之虜其
大校百五十八人楊元帥走婺源之禪師汪同
來降愈遣驍將王弼張虎等因之進逼其城破
殺其守將鐵木兒不花獲級三千餘婺源下得
兵三千餘尋遣萬戶朱國寶徇高河壘下之遂
壽昱嶺關進攻建德破其長鎗元帥余子貞獲
馬百匹追奔至淳安復大破之獲戰艦三十卒
三千遂克建德以爲嚴州進同僉行樞密院事
破元將苗陽之兵於烏龍嶺進僉書行樞密院

關外春秋

卷之七

大將

三

事饒州下愈入守之數與陳友諒角有功進中
書省叅政僉院如故兼總各翼軍馬愈乃廣布
上威德撫納降附左丞吳宏等皆自拔歸以兵
取浮梁走其叅政侯邦佐轉戰樂平敗蕭總管
之衆獲萬戶彭壽等諸屬邑皆下遂進圍洪都
駐師臨川之平塘時吳宏旣已歸上因其兵
使取撫州撫州帥鄧克明欲與宏拒而畏愈強
乃遣人詐獻地愈將以援我愈謂得之即率勁
兵間道夜馳二百里黎明下其三門克明出不

明開國輔運推誠宣力武臣特進榮祿大夫右

柱國衛國公寧河武順王鄧公愈

寧河王愈泗州虹人父曰順興有三子長曰友
隆仲即愈愈生而有志及長貌魁岸勇力絕
人元末郡盜起江淮間順興從鄉里少年自保
遂據臨濠與元兵拒戰友隆代之復病死愈復
代之是時年僅十六衆頗少愈旣出戰則先登
陷陣無所不催破衆乃喜曰使仲君早將何至
以首予敵而會高帝駐師滁陽愈自盱

關外春秋

卷之七

大將

三

貽率所部來附授管軍總管遂從渡江而南克
采石取太平元將陳也先合蠻子海牙之兵凡
數萬來見侵上禦之戰甫合而愈與徐達率
奇兵繞出其後大破之獲也先蠻子海牙走遂
從下建康畧定溧水破鎮江愈功最多擢廣興
翼元帥克廣德州長鎗軍謝元帥來攻愈出輕
兵背城戰走之俘其總管武世榮截甲首千移
鎮宣州別將兵取休寧績溪與胡大海合而攻
徽州下之走其將元之苗軍楊元帥以十萬衆

意單騎走之傍邑自度不免乃以分省印及所掠撫州等四路南豐等十八縣印請愈降愈遂定撫州上進兵取洪都降其丞相胡廷瑞平章祝宗同命康泰等召愈以步兵來會攻江西行省秦政鎮之而命祝宗康泰仍故官以所部從宗泰初不欲降迫胡廷瑞意快快不自得又以愈秩卑不欲為之下而廷瑞既從上還建康從容為言降故非宗泰意恐有變時右丞徐達方進攻楚乃發使使以所部從行舟次女兒關外春秋

關外春秋

卷之二

大將

意

港遂謀叛掠商舟布為旗幟夜趣新城門舉礮破之而入愈竭居故康訪司聞變倉卒以數十騎走數與賊遇且戰且走從騎被殺且盡愈窘甚連跨三馬馬輒踣幾不免最後得養子馬乘之乃得脫奔撫州門而出奔還建康以情歸於上上弗罪也而撫之右丞達兵復洪都走祝宗執康泰於是大都督文正開府洪都愈次焉明年陳友諒恣國師圍洪都號五十萬治戰艦高與城等文正約束將士乘城守而愈得撫州門

最為要衝愈晝夜不解甲者三月餘而上來援大破其兵射友諒殺之開始解論功與克敵等卒破于鄧青等二萬人於永豐從開平王遇春蕩臨江之沙坑麻嶺十洞諸山寨圍贛州下之南安南雄韶州諸路悉降進行省右丞尋進湖廣行省平章政事平章位次丞相而愈時年二十八兵與諸大將蚤貴無有如愈與李文忠者出鎮襄陽襄陽西接巴蜀南控楚北襟河洛烽火旌壘相望愈披荆棘立軍府營屯練卒威

關外春秋

卷之二

大將

美

惠甚著初建御史臺首拜右御史大夫時左大夫湯和討方谷珍愈領臺事高帝即位立東宮愈兼太子右諭德以征虜左副副將軍從大將軍出隴右大破王保保於定西悉覆其衆師旋大論功封開國輔運推誠宣力武臣特進榮祿大夫右柱國衛國公歲祿三千石子鑑券子孫世襲又四年以征南將軍討澧州等處溪洞蠻獠悉平之又四年吐蕃諸部為梗劫剽烏思藏貢使輜重愈以征西將軍率都督同

知沐英等往討之，愈分兵為三道，深入覆其巢，窮追至崑崙山，斬首捕虜以萬計，鹵馬牛羊十餘萬，捷聞。上悅，使使召還，中道得疾卒。上聞訃，哭之慟，輟朝三日，喪車至三山門，親臨奠行營，視塋地以故塋，改卜於城南西山之原，葬事皆官給，追封寧河王，謚武順，愈人沈毅詳敏，其事。上最恭順，有所委不憚危苦，功成不矜，敬禮賢士大夫，上心重之，前後托寄親舊，莫敢望焉，有五子，而鎮裝改國申亦絕世，封定遠侯。

關外春秋

卷之七 大將

三

按武人多虛憍而恃氣，桀驁而傲物，年富位高者更甚焉，故稍有微勞，輒向人云：長鎗大劔，安門毛錐，是以文吏每陰用其長，以訖之。而武人絀矣。寧河王年二十八，即為平章，位次丞相，何蚤貴也。守洪都，晝夜不解甲者二月餘，何危且苦也。征吐蕃，窮追至崑崙山，何

勤且遠也，而未嘗以此震而矜之，敬禮賢士大夫，士亦以此稱之。評曰：寧河王初以敢戰深入名，未幾而建方面助最多，汗馬者無寧歲矣，儻爵上公，帶礪六王，而以天死，不獲終享其奉，或謂高帝末功臣鮮自保者，得死為幸，是不然。以寧河之忠順勤勞，雖為畢萬可也。

關外春秋

卷之七 大將

三

明開國輔運推誠宣力武臣特進光祿大夫左

柱國大都督府左都督同叅軍國事信國公

東甌襄武王湯公和

東甌王和字鼎臣，濠人。與上同里閭，少孤。卓越有奇志，嘗從群兒嬉，輒勒習部伍，見者異之。及長，身長七尺餘，多力善射。滁陽王之據濠也，和從惡少年十餘人，仗劍從之，遂隸麾下。每出，跳盪必當鋒，還則殿後。自百夫長從取九灣，再從攻定遠，覆其師，進千戶。而是時，高皇帝

閩外春秋

卷之七 大將

三

以王瘞寄肺腑，請於王與和共事，遂從取洪山寨，得其兵八百，再進長萬夫，復從下滁州，為管軍總管。復從取和州，當是時，諸將皆高帝等夷，莫肯為下，而和長帝三歲，領請執部曲禮。上甚悅之，元將陳也先來寇，和敗却其衆。從上渡江，下采石，定太平，所部獲馬三百，卒千人。陳也先復來寇，和擊其水軍，流矢中左臂，不為撓，尋與中山寧和二王自東門出軍，轉戰至城北，大破之，遂擒也先。以獻，別將下深水，從

平建業，後與中山王取鎮江，進統兵大元帥，守

之，畧定金壇，覆窩莊戍，轉同僉樞密院事。從取常州，為其守帥，與張士誠境接，時和頗好飲，有酒過，嘗請事於上，不獲允，醉而有怨言，謂其下曰：「吾鎮常州，如據坐舍脊，左顧則左右，顧則右，誰能難也。」有言於上者，上隱之不發，和亦大愧悔，悉力拒士誠。凡再破其軍，獲戰艦及馬以百十計，遂從中山王大破士誠於陽山，俘其梟將，獲甲首五百，又逐其將莫元帥，走之虜

閩外春秋

卷之七 大將

早

其妻，還拜中書左丞，與中山王分省而治。復同開平王解長興圍，大破士誠之偽丞相士信軍，超拜平章政事，遂薄姑蘇，圍之。凡九閱月而下，上召見戰門論功，賜帛九有副，上即大位。始建御史臺，為左御史大夫，立東宮，為太子左諭德。時陳友定猶為元守建寧，城險兵勁，和以征南將軍率諸將攻下之，虜友定以歸。扈上幸汴梁，遂同宋國公取懷慶，澤潞晉絳諸郡，尋從中山王拔河中，渡河入潼關，趣鳳翔，越六盤

山秦隴皆蕩平、明年復從中山王大破元丞相、
擄廓帖木兒於定西、遂定寧夏、追虜於察罕腦、
兒虜其猛將虎陳凱、殺之九月、大封賞功臣、與
衛公鄧愈俱爲御史大夫、而和居左、且年位久
在其上、以功不如、僅封中山侯、爲開國輔運、推
誠宣力武臣、榮祿大夫柱國、歲祿千五百石、始
露其守常州時語、和惟頓首謝過而已、久之、進
濠州爲中都、鳳陽府、命和與太師李善長於
其地建官闕、分置督署、以久勞於外、數賜

閩外春秋

卷之七 大將

皇

璽書慰勞、尋甃通州之外郭、徙鎮彰德、甃其城、
上以和用兵數失利、不任將、而堅忍多智、數又
能與太師善長抗、故時委以綜理之任、輒勅且
念其爲里閭長者、竟封爲特進光祿大夫左柱
國、信國公、議軍國重事、歲食祿三千石、與誥券、
明年從中山王北伐、覆灰山營、獲其平章刺里
哥樞密副使九通、又明年巡四川永寧之壩濠、
訓練其士馬、久之、五開山獠亂、和以兵討之、夷
其鹵、斬四萬餘、時中山王岐陽二王皆巴物故、

上念天下承平無事、不欲諸大將屢典兵、而和
識其意、從容爲上言、臣老矣、不敢稱畫繡、願
得歸故鄉、爲容棺之墟、以待骸骨、上大悅、立
賜寶鈔五萬錠、治第於中都、旣而謂和日本最
爾夷、而數爲侵盜、我不欲與之爭、固我封戍而
已、卿雖老、強爲朕一行、於是使和行視山東登
萊、淮揚、吳越、閩嶺、濱海要害、築城、凡數十、民取
一丁爲兵、戍之、和竣事、而新第城、和率妻子
陸辭、賚黃金三百兩、白金二千兩、鈔三千錠、

閩外春秋

卷之七 大將

皇

綵幣四十、有副、又賚其夫人黃金二百兩、白
金一千兩、鈔五百錠、綵幣三十、有副、夫婦皆
賜璽書褒諭、其又明年、魏曹等六公還鄉、賜
皆如信公、而夫人不與焉、自是和與諸公、侯歲
一朝、京師朝必有宴賞、及道里費、而諸公
侯猶不時遣鎮各邊、及將兵討伐、獨和以老不
行、而上愈愛之、且安之、其後入朝、忽病、中風、
不能言、上聞、卽日幸其第、撫視、惋歎良久、遣
還里疾小間、上使其子前軍都督僉事鼎迎

至。都伴以安車入。內殿與群宴而出。賚金帛御膳法酒相屬。最後復大朝。疾寢劇不能興。上復令以安車入。內手摩撫其體。與敘里開舊及艱難勞動。和不能對。稽首而已。上為之雪涕。出藏銀付有司為營葬地。明年卒。年七十。追封東甌王。諡襄武。和有五子。長即鼎前卒。追封信世子。有孫十一人。而弗及嗣。嘉靖中。世封靈壁侯。

按湯信公之戰伐其績何寥寥也。一逗撓一

外春秋 卷之七 大將 聖

不利。毗陵酒語至煩。廷訓而其後乃爵上公。贈真王。駢蕃之錫。諸勳舊不敢望焉。豈亦以縮角布衣之契。故重耶。顯融令終。美哉。乞骸一語。基之矣。夫以絳侯勃之定策。有社稷勲。而煩人主詔。乃怏怏之國。彼其君臣俱失之也。詩云。既明且哲。以保其身。斯信公謂矣。評曰。余聞登萊海上。及漫游吳越間。其父老歷歷指烽戍云。湯信公功。不削滅哉。徵信公。吾其鯨鯢食矣。嗟乎。

之善器使也。

外春秋 卷之七 大將

三立堂新編闕外春秋卷之八

華胥外史漢陽 尹商 于皇甫 著

明開國輔運推誠宣力武臣特進榮祿大夫右

任國同參軍國事征虜大將軍宋國公馮勝

宋公勝初名國勝更名宗異最後名勝其先世

孫潤徙光州再徙濠之定遠遂為定遠人父文

質有二子長曰國用季曰勝皆驍勇饒智畧國

用說雅動止軒舉而勝長軀偉面磊落慷慨

在時黑氣滿舍若烟霧經日不散里中異之淮

闕外春秋

卷之八 九將

南兵大起國用與勝從惡少年數百人立誓以

自固屬 高帝以兵畧地至妙山國用舍衆

來謁 上顧國用儒服謂曰若書生耶試為我

計安出國用曰建康龍蟠虎踞帝王都會自古

記之幸而近我其帥懦弱不任兵宜急擊下其

城踞以號召四方事做仁義勿貪子女玉帛若

群豎子者天下不難定也 上大悅曰此吾心

也遂 召至左右俾預進止機宜當李善長亞

而有所攻戰輒環甲直前奮擊時國用已進勝

上尤愛異之兄弟俱備宿衛從克滁州三汊

河之戰國用手獲其帥與勝偕攻和之板門寨

先登又敗鷄籠山寇 上謀渡江國用與李善

長請待舟楫而後濟會得巢湖水寨兵遂贊獲

之敵也先與盟挿血而嘔國用曰其人必叛叛

形見矣也先果叛而為其下所殺子兆先復擁

大眾據方山與中丞蠻子海牙分水陸而軍以

相救衆各數十萬國用等從攻破海牙已大破

降兆先盡得其衆 上選降卒之驍勇者五百

闕外春秋

卷之八 大將

人為宿衛獨國用與勝擐甲侍帳中 上寢息

自如五百人皆感服 上卽以屬國用勝將而

金陵先登復從取鎮江俱授萬戶復從取寧

國定泰興宜興俱進大元帥國用尋擢帳前親

兵都指揮使專侍謀議從征金華進平紹興功

最多屬疾卒 上親臨奠哭之慟 賜葬江寧

贈鄂國公明年勝代為都指揮使陳友諒陷太

平進逼我龍灣 上禦之大戰於石灰山未決

勝率宿衛士直搗其中堅遂大破之溺死者數

萬俘七千人窮追至采石復破之遂復太平師旋再從上討友諒掩其安慶水軍長驅至江州友諒倉皇走武昌江州平進親軍都護張士誠以兵圍安豐丞相劉福通請救上帥師援之福通已敗見殺安豐且下勝從解其圍第功多遷同知樞密院事從下武昌克廬州走元將左君弼移兵取江西諸郡復同相國達平章常遇春合兵下淮東尋以勝圍高郵下之語見達世家尋取淮安安豐從討張士誠下吳興破執

開外未承

卷之八 大將

三

其將呂珍遂進圍蘇州踰八月始破之論功次平章遇春進銀青榮祿大夫都督府右都督尋從大將軍北討下徐宿青兗濟南凡得郡國十餘立皇太子以功臣備官宋勝領詹事俄爲都督同知總諸衛兵取樂安取汴梁河二郡西趣潼關遂奪潼關守焉復西下華州旋師汴梁謁上於行在上慰勞之拜征虜右副將軍命守汴梁還從大將軍達下山西從武涉取懷慶踰太行克碓子城取澤州遂取潞州轉

戰平陽平陽絳州平制詔右副將軍勝居遇春下偏將軍湯和居勝下偏將軍楊璟居和下渡河發陝西取鳳翔進兵逼臨洮還從大將軍攻圍慶陽執叛將張良臣全陝平前是上諭達大軍已下慶陽右副將軍權鎮之節制諸路兵馬而大將軍與偏將軍和先還京議功賞達遂還達還之五十餘日而勝亦至上責之日將軍不奉詔耶吾欲將軍外過虜內鎮撫關內所寄豈淺鮮而一旦弁髦之何也勝頓首請

開外未承

卷之八 大將

四

死上以其功高弗忍下吏至定賞頗列其事金幣不能當大將軍半俄復爲右都督再以征虜右副將軍同大將軍出西安擣定西大破王保保之師虜其士馬數萬王保保卽擴廓帖木兒也又遣別將鳳翔入連雲棧合攻興元克之蜀地大震移兵平西薄征哨極於西北凱還論功授開國輔運推誠宣力武臣特進榮祿大夫右柱國同叅軍國事封宋國公食祿三千石賜券予誥以勝兄弟親同骨肉痛切肢體又

謂勝十餘年間內則除肘腋之患外則建爪牙之功平定中原佐成混一所以稱揚甚至賜文綺帛八十疋明年宋公勝按陝西修城堙簡士馬又明年大發兵出塞勝以征西將軍率五萬騎繇西路出金蘭取甘肅以疑虜且分其勢勝至蘭州遣右副將軍傅友德以驍騎五千爲前鋒連戰敗虜遂定甘肅時大將軍達兵不利左副將軍文忠所失得相當獨勝以捷聞而有言其匿私虜橐駝馬者賞不行自是連以將軍

開外春秋

卷之六 大將

五

印練兵臨濟北平繼往大同復自大同討元殘寇散不刺等還鎮陝西改河南冊其女爲周王孀妃夫人何氏卒於京上賜璽書慰藉加餐夫人身後吾已任之即欲南從容委事於偏將而後行與議葬畢復之鎮董建周王官府成民不告勞大將軍討虜也兒不花勝以征虜將軍練兵河南待發數賜書慰勉時大將軍達左副將軍文忠皆前卒而元丞相納哈出擁大眾繇金山數窺伺爲邊患上乃拜宋公勝征

虜大將軍額國公友德永昌侯藍玉左右副將軍率恭將南雄侯趙庸等以步騎二十萬乘之鄭國公常茂曹國公李景隆申國公鄧鎮并子侯等皆從軍上復遣故斯獲納哈出部將乃刺吾奉璽書諭之降勝等至通州謀虜有屯慶州者遣永昌侯玉以輕騎乘大雪掩之殺其平章朶來大獲士馬而還勝已隄金山至女直苦屯降納哈出之將慶國公觀童初納哈出分其衆爲四一日榆林一日養鵝莊一日龍安一

開外春秋

卷之六 大將

六

日禿河其人畜輜重富於元主不肯預朝會召之亦不往勝大軍直前逼納哈出度不敵乃因乃刺吾請降勝使藍玉以輕兵往受之納哈出覘知明兵盛乃指天誓嘖曰不復與我有此衆矣遂率數百騎詣玉約降王大喜出酒與飲甚洽納哈出別酌所携耐醅玉玉讓之先納哈出即先飲復酌醅玉玉解衣衣之曰請衣此而後飲納哈出讓弗肯衣玉亦持弗飲久之納哈出取酒澆地顧其下咄咄語鄭國公茂者勝子

婿也時在坐勇而疎勝故欲兒子畜之茂不受且迫欲自見而其部將趙指揮解胡語謂茂此且欲近也茂遽前搏之納哈出驚起欲就馬茂拔佩刀斫之傷臂不得去都督耿忠遂以兵擁納哈出馳而見勝其將士妻子凡十餘萬在松花河者聞而驚潰勝遣降將觀童往諭之亦降勝以禮宴待納哈出令耿忠與同寢食遣使奏捷罪狀鄭國公班師次亦迷河獲遺車四萬五千輛馬數千疋傷痍及老弱二萬四千餘上

開外承秋 卷之六 大略 七

聞大悅使使諭勝等所以勞賜納哈出玉帶龍衣及其部曲金帛無算械鄭公茂至京會有言勝娶虜妃及受良馬無算者又失其殿都督濮英三千騎而茂亦自陳所以搏納哈出故且許勝過上乃命收大將軍印勝還京命歸鳳陽里第奉朝請而諸將士亦無封賞者茂制爵安置嶺右勝自是不復將大兵有所任使久之加太子太師時列勲臣蓋重者八人勝仍居第三賞賜黃金至三百兩白金二千兩鈔萬錠上

春秋高多所猜忌而勝號為雄勇又時時失上意洪武二十八年暴卒諸子皆不得封而國用之子誠積戰功雲南累官至中軍都督府左都督

按疑者事之賊也哈納出來降其所携耐麟玉玉持弗飲有疑心矣哈納敗所以欲遁也而茂前搏之有疑形矣松花河之衆所以驚潰也當時宋公身為大帥不按軍法誅茂未免有憐惜阿袒之心耳茂乃反唇而訐宋公

開外承秋 卷之六 大略 八

何無香火情乎是故或勸行師必以義斷恩也書曰威克厥愛加濟至哉言乎評曰馮國用不死其在韓公岐陽伯仲乎夫勝有大將材積戰功亦久而不能無欲潘而娶虜妃何不簡押甚也且又時時見桀驁焉能免乎金山之役重書况三下以中山開平二王為喻始而勉之中而戒之終而愧焉雖然勝功大罪不能相掩適廢可也勝死不

明開國輔運推誠宣力武臣榮祿大夫柱國太

子太師征虜前將軍穎國公傅友德

穎公友德宿州人少壯勇多力擊刺騎射冠絕

一時元季避亂穎州碭山中為大盜李喜喜所

得從破山東焚燒上都宮闕躡關隴轉剽入蜀

常為軍鋒冠李喜喜敗歸明王珍玉珍疑之不

能用走武昌從陳友諒為別將忽忽無所展聞

高帝舟師伐江南而歎曰此吾主也以所部

謁見於小孤山上奇之俾為別將屬常遇春

開外春秋 卷之六 大將 九

從授安豐掠廬州還從逆擊陳友諒於鄱陽湖

友德操輕舟盪其鋒身被數創戰益力手殺數

百人復與諸將微之禁江口友諒死師旋第功

最復從 上親征圍武昌城東南有高冠山下

瞰城中 上顧諸將誰能奪此山者賞友德即

率萬人先登一鼓而奪之流矢中頰鏃出腦後

復洞脇不為沮武昌平超授雄武衛指揮使復

從徐達下廬州西取夷陵畧衡州襄陽安陸俱

取之與元守兵戰身被九創破擒其將任亮還

師淮東克秦州進逼淮安破張士誠援兵於馬

驢港獲戰艘千復大破元帥竹貞於安豐所過

焚其積聚 上即吳王之元年友德守彭城而

王保保之大將李二來寇勢張甚友德度兵寡

不敵訶其眾方肆掠率步騎二千自呂梁渡直

趣擊之李二有驍將曰韓乙者出戰友德單騎

奮槊刺之墜馬師乘而進遂敗之友德度賊且

復至開城門陣於野使皆卧捨以待聞鼓即起

李二果盛兵至輕我師寡競而竄友德鼓之士

開外春秋 卷之六 大將 十

騰躍搏賊遂敗之縛李二以獻 上大悅召友

德還建康進江淮行省叅政命以麾蓋鼓吹送

歸第翌日復命中書叅議李飲水楊希聖携音

聲伎人一部就友德飲飲水等裸而酣 上怒

皆黜之而喻友德曰若擐甲冑出百死一懼之

固當而彼士人何為者吾不而咎也明年大將

北征 上所褒勉不四五人而獨謂叅政友德

與右丞薛顯勇畧冠諸軍可授之選鋒當一面

復 召諭友德曰漢高帝角項羽而彭越別從

山東始汝其努力友德遂從大將軍破沂州斬其將王宣下青州元丞相也速率數萬騎來爭大將軍設伏友德以輕騎五百爲誘師敵追至伏而迴師擊之伏盡發也速敗走遂取萊陽明年從取東昌棣州樂安復從克汴梁河南及收諸山寨復從渡河取衛輝彰德遂東取廣德臨清滄德進克元都以精騎偵邏古北諸隘掩其殘卒獲馬千六百疋牛羊八千頭車二百五十輛畧大同而還從徇定中山真定皆下畧平定

關外春秋

卷之八

大將

七

州遂克太原王保保自保安以大衆來援兵未交萬騎突至友德帥死上五百拒却之因與大將軍謀夜伏兵掩其營王保保乘屏馬以十八騎走友德追至土門關弗及盡獲其士馬四萬餘復敗賀宗哲於石州擊走四大王逐竹貞至宣府敗脫列伯友德功最多復從大將軍西入關走張思道於鹿臺逼臨洮降其大帥李思齊大將軍圍慶陽友德以精騎扼其走路慶陽下關陝悉平預賜白金文綺從上典又明年復

從大將軍衛定西大破王保保收其士馬輜重移兵伐蜀友德領前鋒出秦州奪畧陽關虜其平章恭琳遂入沔分兵繇鳳翔入連雲棧合攻漢中克之以饋運不繼還軍西安蜀將吳友仁謀復漢中兵大至守臣告急友德以精騎三千攻斗山寨夜令人持十炬列山上蜀兵驚遁凱旋大封功臣授開國輔運推誠宣力武臣榮祿大夫柱國穎川侯食祿千五百石尋進同知大都督府事是歲冬議伐蜀征西將軍湯和副

關外春秋

卷之八

大將

七

將軍廖永忠繇瞿塘以舟師趣重慶友德以征虜副將軍繇秦隴以步騎趣成都既受命上復密諭友德謂蜀人聞西伐必悉其精銳東守瞿塘北阻金牛以抗我師若出其意外直搗階文門戶既隳腹心自潰兵貴神速不在巧遲勉之友德疾馳之陝集諸軍揚聲出金牛而潛使人覘階文守禦果單弱因引兵出陳倉攀援巖谷晝夜兼行抵階州守將丁世珍倉皇拒戰擊走之階州下遂趣文州蜀人斷白龍江橋自固

友德督兵修橋以渡，拔五里關，遂拔文州，渡白水江，所至皆不戰而潰，進拔綿州。漢水漲，乃代山造百艦，而以木牌數千書克階、文、綿州，日月投漢水，順流而下。郡邑見之，皆解體，繼成，遂渡圍漢州。其丞相戴壽、太尉吳友仁等撤瞿塘之守兵以援漢州，至則友德已大破其守將向大亨兵，謂將士曰：「援師至，不憂也。」破大亨奪其膽矣。親督勁兵，迎擊大破，戴壽走，遂拔漢州，進圍成都。壽等出戰，以巨象戴甲士前列，友德勒

開外春秋

卷之八 大將

三

強弩，挾火器衝之，象皆却走。壽兵躡，死者二千數，而合副將軍永忠、德木牌書，率所部直前，破扼江渚，進逼重慶。其僞主明昇降，壽等聞之，乃籍府庫倉廩，反縛諸軍門，得士馬三萬，分兵狗州邑之未下者，克保寧，執吳友仁送京師。上大悅，曰：「穎川侯友德，冒越險阻，首克階、文，破綿、漢、成都，保寧諸郡，功最大。」賜白金二百五十兩，文綺二十表裏。人猶以爲薄，未厭云。是時，誠意伯劉基上平蜀頌，上不自居，推勞諸將臣。

別爲文首褒揚友德，而承忠次之。征西將軍不與焉。明年，副征西將軍馮勝、繇西路出金蘭，友德先率驍勇五千騎馳趣西京，遇元將失刺門突戰，敗之。至永昌，又敗其將朶兒只巴，獲馬牛羊十餘萬，進畧甘肅，手射殺平章不花，降太尉與納兒等，獲馬萬匹。至瓜沙州，破其守將，獲金帛三萬，牛羊二萬。是時，師出三道，獨友德獲全勝，而以主將勝坐小法，不被賞。踰年，大軍復出，鴈門西北，巡長城，外友德爲前鋒，虜聞之，絕漠徙

開外春秋

卷之八 大將

四

去，追獲其平章鄧宇羅帖木兒等，還軍鎮平北。上疏言便宜五事，上報曰：「將軍言是，其下所司悉從將軍，尋召還。」皇太子諸王講武荆山下，與諸徹侯俱增歲祿千石，同中山侯和發兵駐延安，以備伯顏帖木兒果入寇。友德設伏，縱擊大破之，獲其士馬輜重無算，其衆縛以降。上將下雲南，命友德巡行川蜀，永寧雅播等處修城郭，繕關梁，因兵威撫納金筑普定等諸土夷，皆納款，還獻馬五百匹。上別選內廐

良馬十五匹賜之。虜見兒不花寇邊，復以征虜右副將軍從大將軍達出塞，抵北黃河，夜覆其灰山寨，獲士馬以千計。洪武十四年，命友德爲征南將軍，率左副將軍藍玉、右副將軍沐英、諸徽侯大將步騎三十萬討雲南。軍行，上親饑之龍江而命之曰：朕不能親至其地，然嘗覽輿圖，詢彼地豪傑，而得其阨塞，取之之計，當自示寧。先遣驍將別將一軍向烏撒，大軍繼自辰沅入普定，分據要害，乃進兵曲靖，彼所必守地。

關外春秋

卷之八 大將

五

以精卒數千潛從下流掩其背，衆亂，友德乃麾衆畢渡，悉師薄之。右副將軍馳鐵騎，持其中堅，下流之師表裏合擊，遂大破擒達里麻，俘其衆以萬計。友德縱之歸農，歡聲聞遠邇。友德遂自率衆數萬，持烏撒，而遣兩將軍趣雲南。梁王走死，雲南平。兩將軍遣徽侯曹震等分道徇雲南。友德兵已抵烏撒，欲通胡海洋兵，循格孤山而南。諸蠻皆遁，遂城烏撒。工甫集，蠻復大至。友德故持重不戰，以老之士踴躍思奮，乃前爲陣。蠻

關外春秋

卷之八 大將

六

所以奉行不敢爽諸因土俗定租賦興學校
戰骨廣屯田遠邇畏悅以是遂大定 詔友德
玉等還京而右副將軍英以數萬眾畱鎮之友
德入見所以宴勞有加進封穎國公食祿歲三
千石 予誥及鐵券子孫世襲尋以征虜左副
將軍同大將軍勝北襲虜將納哈出於金山盡
降其眾大將軍以誥召歸畱友德撫降虜尋
召還京為征虜前將軍率副將軍趙庸曹興王
弼孫恪等赴北平練卒從燕王出占北口襲元

開外春秋 卷之六 大將 七

太尉乃兒不花丞相咬任等降之悉收其部落
駢馬輜重 詔友德以諸降將還朝尋 命援
信國公和例還鄉賜黃金三百兩白金二千兩
鈔三千錠文綺三千疋加 賜鈔五百錠給兵
百二十人為衛嘗請懷遠田千畝 上曰爾不
聞公儀休事耶祿賜不薄矣而復侵民利何居
友德慙而退復出理山西諸衛兵已副宋國公
總山西河南兵馬屯田公侯在事者悉聽節制
還進兼太子太師尋復與宋公勝往北平山西

備邊聽 宋燕二王節制自藍玉敗友德與宋
公相繼暴卒子孫不得襲封云
按漢史極稱霍去病戰功而曰驃騎所將常
選余觀穎公固驍勇善擊刺而其選古北諸
隘扼慶陽走路攻漢中斗山寨永寧越鳥
撒皆以精騎故而 上獨謂公勇冠諸軍可
授之選鋒當一面是得去病之遺意者也故
所向有功若鄱陽之戰身被數創武昌之戰
流矢中頰出腦後及洞脇不少沮勇過于賁

開外春秋 卷之六 大將 六

育矣還建康時 上命以麾蓋鼓吹送歸第
又命李楊二叅議携聲伎一部就友德飲軍
興諸將所未有也其寵榮非曠世之奇遇哉
評曰友德之顯以敢力戰也然十不一失身
冒百死而無一足稱及其遇 真王虎變龍
從刃不虛下笑不虛畫以至列通侯進上公
嗚呼天哉當時持重善將將無如中山王至
啗鳴跳盪獨開平王而友德差次之稱二虎
將開平死大封之後友德始益展而有方面

勳取已蜀定滇等其聯聯蓋庶幾中山矣後
友德公者為涼公藍玉其戰功亞友德至
上寵任之友德弗如也然卒以謀反死

平蜀將帥古多不利自桓南郡外如吳漢岑
彭之於公孫述鄧艾鍾會之於劉氏郭崇韜
康延孝之於王衍王全斌之於孟昶大者侈
貶小亦責數勲賞俱廢昔賢嘗紀之 國初
如傅穎川廖德慶之下明昇功最卓絕至勞
人主紀頌而賞亦薄二將俱不益封與昔所聞

開外采秋 卷之八 大將 七九
無異可怪也

明征虜大將軍太子太傅涼國公藍公玉

涼國公玉鳳陽定遠人開平王之婦弟也身長
頰面有勇畧從開平王之麾下每戰先登陷陣
所當無前開平王數稱於 高帝 帝亦以
王故寵異之初授管軍鎮撫進武德衛千戶改
親軍千戶累轉武德衛指揮使皆自積戰功起
為都督僉事十一年同西平侯沐英討西番擒
其酋瘦脖子酋斬以千計獲馬二萬餘疋牛羊
十餘萬還封永昌侯久之以征南左副將軍同

開外采秋 卷之八 大將 三

穎川侯討雲南轉戰平之事見穎川侯傳增祿
五百石再以征虜右副將軍同宋國公襲金山
納哈出降之併降其衆十餘萬遂即軍中拜征
虜大將軍代宋國公踰年謀虜主脫古思帖木
兒在捕兒海率勁騎十餘萬自慶州間道襲之
用定遠侯王弼謀戒諸軍皆穴地而爨毋使見
烟火炬其營八十里遂直前薄之虜方整衆北
行不虞我軍至大驚其大尉蠻子輕來逆破而
俘之衆遂潰皆請降虜主與其太子太保奴丞

相失烈門知院捏怯等數十騎遁去。玉遣追之不及，獲其次子地保、奴后妃公主百三十餘人。吳王朶兒只等將相官校三千人，男女十萬七千口，馬四萬七千疋，駝四千八百頭，牛羊十餘萬，車二千餘輛，并得其傳國璽、書寶、玉金印，聚其鎧，伏而焚之。復破降其太師哈刺章，獲將士萬五千八百人，馬馳四萬八千餘疋。捷聞，上大悅，使使齎敕諭玉比之衛青、李靖。玉傲而淫，私元王后，事露，后自縊死。凱旋，上特賜

開外春秋

卷之六 大將

三

玉白金二千兩，鈔一千錠，文綺五十疋，然猶面責數之，擬封梁國公。噉嘴且久，乃改封涼國公，而鑄其過於鐵券，尋討平散毛峒，擒土酋刺惹等萬餘人，置大水田千戶，所進平施南忠建二宜撫司叛蠻，還增歲祿五百石，賜鈔千錠，尋詔還鄉，賜金帛給兵，如穎國公，尋與魏曹二公措置陝西邊事，至蘭川墜馬，微傷，上手詔慰勞之。比於中山開平二王，尋召還，蜀故降將月魯帖木兒反，使玉移師討之，至則裨將翟龍等

已大破其衆，月魯帖木兒走栢興，玉以計誘縛其父子，送京師斬之，而盡降其餘黨，遂班師。定東宮官屬，玉兼太子太傅，意不樂居宋穎二公下，詔曰：我乃不堪太師耶？玉故恃，上寵多，蓄壯奴假子數千人，常占東昌民田，民訟之，御史為置獄，玉執御史笞而逐之，度喜峯關，關吏以夜不時納，玉大怒，縱兵毀關入，上聞之，不善也。玉有間，奏請不盡聽，退而謂所親曰：上疑我矣，遂謀反，為錦衣指揮蔣瓖所告，獄具，磔於市。

開外春秋

卷之八 大將

三

夷三族，榜其狀示天下。玉之誅，倣侯功臣文武大吏，以至偏裨將卒，坐黨謀死者可二萬人，勝友德用材武，且名位極，雖不入裴語，亦皆不良死，又四年而上崩，燕師稱靖難，宿將皆盡，無與抗者。

按玉初征雲南時，諸將十餘人陛辭，上與玉論兵，呼諸將去，三呼而三不應，玉舉袖一呼，諸將盡起，上甚惡之，所謂三呼不如一麾，其後洪武十四年誅玉，收其黨四萬餘，盡誅。

之蓋其禍基于此也。

評曰王之勇略幾與開平王將恨其不善居功也。太傅亦已尊何乃希冀太師而怨望耶。至于逐御史毀喜峰關跋扈甚矣。磔之非寡恩也。而波及馮勝傅友德刑而滿矣。至于宿將盡而燕師長驅而南遂無對壘者。

高帝亦當自悔於玄官耳。

野史載王破元兵後方擬封梁國公而以私元主妃事發改封涼國公。若以涼為亞於梁者。嘗攷李愬平蔡功大亦封涼國公。惟楊素辭鄂而改越則別有說。非隋帝意也。

關外春秋

卷之八

三

明奉天靖難推誠宜力翊運佐理武臣特進光祿大夫左柱國故師英國公定興忠烈王張公輔

定興王輔字文弼其先河南之祥符人父曰王辨勇善戰多智策其仕而當元之末季積討賊功遷至知樞密院元帝亡與其主遁於沙漠洪武乙丑始自拔來歸高帝異其材氣俾以裨校從征卜漁海子哈喇哈之寇以功授濟南衛副千戶又從破平虜粉紅帖木兒畧定抵

延州而還調燕山左護衛奏西敗虜於黑松甲戌從征野人諸夷肉獲多進都指揮同知為霸府元僚燕王寄之若左右手靖難師起王首佐謀畫奪北平九門三日議師所出成欲南王曰為我肘腋患者薊也必滅薊而後可以安意南遂輕兵圍薊薊守馬宜出戰執而殺之并擒其將毛某送北平移兵取遵化夜從敢死士坎墉而登守將拒戰復破斬之遂略密雲至永平皆致其精甲以益師還率所部從王南下進

關外春秋

三

覆其衆獲二將長與侯耿秉文以二十萬軍真定王請單騎規之還謂秉文不能訓其衆且有敗氣急擊勿失諸將猶以兵力不相當難之王曰彼衆而當我銳而整胡不相當也王顧玉而笑謂必從若吾倚若一人足辦遂前薄真定大敗其軍諸衛侯名將皆就縛斬首虜三萬級獲馬二萬疋復從王敗安陸侯吳傑軍輕騎馳救永平走江陰侯吳高辰抵大寧鼓之午凌其堞斬大師朱鑑復致其精甲益師還救北平

閩外春秋

卷之八

大將

王

突騎往返若風雨遂大破曹景隆之衆北平圍解復從攻廣昌蔚州進圍大同皆下之時諜報曹國公收散卒及後軍未傅者號百萬且至矣王與諸將謀之王復進計曰兵貴神速請急往白溝河以逸待之可勝也王悅悉師而往至白溝河三日而景隆來戰王以麾下馳之挫其鋒大軍乘而大破之殺虜數十萬臨泲至濟南圍其城不下還取滄州獲其將徐凱進攻東昌與歷城侯之師遇而虜王率數千騎繞出敵

後敵聚而圍之數十迎王死戰得解玉不知王所在突入其陣大戰手殺數十人玉亦中創而沒王收兵不見玉哭之慟謂諸將勝負兵家常事不足計所恨艱難之際失我良股肱耳復哽咽不已諸將皆泣不能仰視遂以其兵屬輔輔時從王軍中崧宇偉壯顧盼有威容既居玉表壘哀飲泣從事進攻東平搗汝上轉戰至壁入泗州取揚州渡江定京師論功封奉天靖難推誠宜力武臣榮祿大夫柱國信安伯食

閩外春秋

卷之八

大將

王

祿一千石予誥券世襲追玉爲特進右柱國榮國公論忠顯居二歲上謂功臣淇公福成公能等曰吾於功臣次第封矣亦復有所恨乎二公頓首言臣等皆以微勞冒上賞亡所復恨獨張玉不死臣等安敢獨封公而玉之子輔頗自積戰功今者尚稱伯位諸衛侯下語未旣而上曰吾固恨之因進封輔新城侯歲祿千五百石世襲改給誥券又明年而安南叛命上怒拜成國公爲征夷將軍統大兵八十萬征之

上察知輔沈雄有膽力。諸老將皆不如。遂拔爲右副將軍。與左副將軍西平侯辰佐成公而率豐城侯李彬等十八將軍。兵部尚書劉儁贊軍事。刑部尚書黃福大理卿陳洽等給餽餉。凡兩月而次龍州。成國公病。輔代總其師。亡何。成國公薨。輔遂進師。發憑祥。度坡壘關。馮蘇前驅。至隘。雷開走其衆三萬。遂度關。檄季犛父子二十罪。深入抵鷄翎關。謀傍有伏卒。發兵搜之。悉遁。進次富良江北。嘉林縣。別將由芹站西道至北

關外春秋

卷之八 大將

三

江府新福縣。謀知左副將軍以雲南兵至白鶴。遂遣驃騎將軍朱榮往會之。輔用法嚴。所至皆整。謫秋毫無犯。交人感悅。其三帶州守帥鄧原等來降。以賊情實告。欲以老我師。輔遂移軍三帶州。招市江口伐木造舟以進師。上知成國公薨。即命輔爲征夷將軍。而諭之曰。昔者開平王遇春北討。卒於軍。而岐陽王文忠代之。遂鼓諸將滅此殘虜。將軍努力。毋使岐陽獨專美前代也。輔乃遣驃騎朱榮擊賊於嘉陵江北大破

之輔等行視諸城。獨多邦最大。可駢軍而特高峻。下設重濠。濠外復爲坎。坎外皆蒺藜。而士馬甚盛。輔乃懸重賞。募死士爲雲梯。夜蟻附而上。賊於城中列象陣以鬪。輔風其繪。御蒙馬而衝之。象背股栗。退走。矢石齊發。呼聲動天地。賊大潰。遂進兵揭西都。季犛急焚其官室。舍卒遁入海。分兵至生麻潭。舍二江之援卒。於是三江路宜。江酒江諸州邑皆望風。命輔自往江渚。進兵。悉薄其諸寨。獲首虜三萬七千三百九十餘。

關外春秋

卷之八 大將

天

斬其大將以下數萬人。江水爲赤。乘勝長驅。自南州奇羅海口。獲季犛及次子。衛國王澄於海口山。復獲僞主蒼及梁國王芮等將相大臣。檻送京師。盡平其地。行求故王陳氏之後。不得。遂以其地爲交趾。布政司設衛十一。府十七。治之。輔振旅還京師。論功。進封稱英國公。歲祿三千石。子孫世世承襲。賜語參冠服玉帶。上宴之。奉天殿製詩歌以賜之。褒稱甚至。明年。季犛之黨簡定復叛。僭號大越。改元興慶。黔國

公屢討之敗績。上乃復命輔帥師會於致討。時有陳季獫者起兵以應簡定。輔首破其囑門。江柵進平廣成州。走其將軍黃臣釗等大兵出。賊子闕敗賊於江。鹵斬以萬窮追之。抵太平海口。大破其酋帥鄧景異。鹵斬甚衆。麾兵繇福城。江轉。神投海。窮追之於美良縣山中。獲簡定。及偽將相陳希葛等。檻送京師。伏誅。復破賊支黨偽王阮師楡等二萬餘。盡覆其衆。上召輔旋師。時季獫鄧景異等竄海島。獲未悉也。乘

關外春秋 卷之六 大將

无

輔之歸。即囑衆復反。使使乞降。上授以布政使。參政。偽若款者。而蠶食鄰境。自廣且不已。於是季獫與景異稱皇。號大處。上乃復命輔討之。大破賊於常月江。俘斬數萬。復破賊黨黎等。俘斬亦如之。再破之於神投海。生擒大將陳磊等千餘人。遂進逼土黃縣。賊少保潘季祐以其衆寬可插山。遣子僚請降。輔承制赦之。俾以按察副使領又安府事。於是賊諸將帥守令皆請降。尋與黔國公合兵於順州。與賊阮帥耆大賊

於愛子江岸。輔策馬先進。薄其左軍。破之都督朱廣等。復破其右軍。遂盡獲其戰象。并列將五十六人。鄧景異以其腹心路暹蠻昆柵。輔追之。羅蒙江身。越險捫蘿而上。抵其柵。景異復遁。至叱蒲。漆破其南岸柵。飛矢連中其脇。遂擒之。盡獲其餘黨。景異創甚。不欲行。磔之。函首京師。季獫以其家屬走。依南靈土守阮茶彙。斬以狗。輔遣部指揮師祐以兵追之。老嫗懼。請縛季獫。以獻。既而匿之。遂克其三關。縱兵大搜。以蒙母南

關外春秋 卷之八 大將

三

麼之地。生繫季獫及其妻妾子女。復遂得其身。偽相國驩王季裕及姊偽公主諸大將阮帥等。無一遺者。悉檻送京師。磔於市。輔用兵持重。有遠略。於賞罰必信。貴將黃中恃功違節度。詰之不遜。即手刃之。梟於轅門。諸將股栗。莫敢仰視。復有叛寇陳同湖與清化磊紅蠻合而作亂。輔皆捕誅。自是終輔任。惕息莫敢竊發矣。上率六軍北討。召輔前後領左掖兵。而進止機宜。皆密取。輔決最後窮追。絕大漠。無虜。上與諸將

計所嚮輔奮請曰願假臣萬騎騎給一月根必
為陛下殲此虜 上壯之曰休矣吾不欲久
勞帥師旋至於林川而不豫遂崩召輔受遺命
諸軍悉受節度 漢王高煦將反樂安心憚輔
而使所親人枚青入約為內應事成裂數郡
而王之輔即執以獻 上鞠之得其實而會樂
安之鄉人李御史亦來告變 上謀討之謂輔
曰機事一以付卿輔對曰高煦外武而內怯無
能為也願假臣輕騎二萬星馳為 陛下縛之

關外春秋

卷之八

大將

三

來 上口倚卿一人足辦第朕初即位少欲以
威服天下耳及漢平 賜予優渥刑部奏決重
囚 命輔同五都督府九卿審於朝以枉者五
十六人上 詔讞而釋之囚之有審自輔始也
按王振手操內乘虐焰橫張於羣臣無所不
凌侮獨禮重輔輔亦折節待之正統己巳振
挾 天子北禦也先強輔行然不使預軍政
輔老矣嘿嘿不敢言從至上木死於難而其
仲子懋九歲而襲爵其後游歷華瀛為公者

六十六年為太師者二十五年握兵柄者四
十年三知經筵三監國史十主恩榮宴屢代
祀 郊 廟富侈為東第冠後庭曳羅綺者
數百人以老病終壽七十五贈河寧王謚恭
靖而生平無它執能以敦重善為儀而已是
遵何德哉則定興王之餘澤耳

許曰玉始事亡胡位掌武自拔歸 朝積伐
而冠霸條復佐 龍潛之運誼雖不足其略
可稱也輔之雄武宏算信威荒微僭爵九命

關外春秋

卷之八

大將

三

冠秩三台赫赫具瞻者三十餘年而不能抗
握憲之豎身膏草野夫豈耄昏使然耶王何
不以要領死乎尼 上之行乎又何不以病
辭而走死地乎當 文皇絕大漠時王自請
萬騎持一月糧為陛下殲虜其勇壯之氣今
安在哉慮囚而雪枉者半百人明德遠矣宜
其帶礪山河于億萬斯年也
英公征交趾時一日黎賊擁兵大至公下令
出戰叅將子某以風逆按部不出公勸衆力

戰大敗之而還。明日班賞，因問昨日不與戰者爲誰。王知公怒已，欲手曰：「昨以風逆，故不敢出。」公曰：「我獨不畏死乎？我出而爾不繼，賴朝廷福，幸而勝耳。脫或不敵而陷，非爾賣我乎？」命引出，斬之。王叱曰：「誰敢引我？」公遽拔佩刀，叱衆擁出，斬於軍門。

明奉天翊衛推誠宣力守正文臣特進光祿大夫柱國威寧伯仍領都察院事改掌前軍都督府總督五軍十二營兵馬又爲平胡將軍鎮宣府改征西將軍鎮大同進太子太保仍兼左都御史總制甘肅寧夏延綏軍務便宜行事加少保太子太傅贈太傅襄敏王公越。武寧伯越，字世昌，大名之濬人，少補諸生，長纒七尺餘，風骨奇邁，博涉書史，爲詩歌文章，援筆立就，而藻思溢發，爲人多力，善騎射，好談說，經濟大畧，睥睨顧盼，有天下志。二十六舉進士，方對策大廷，忽有旋風起，攝其策，雲表已而不見，皆怪異之。及秋，而朝鮮貢使附越策來，而曰：「其王方視朝，有旋風捲一物下者，則進士卷也。」敢以聞。景帝閱而得姓名，謂吏部曰：「議之。」此當任風憲。於是繇進士選人，得監察御史。英宗復辟日，視朝，親越進止，與奏對，數日，屬之時寇深，長都察院，束濕僚吏，亡當可者，而越於臺事精，所建畫必出深意，表以故愛異之，畱結諸

道章奏久之擢山東按察使名聲益藉。大
同有虜警當置巡撫以基焉。上嫌其貌。罷
不用而喟然曰安得如韓雍者而任之時。已
撫宣府吏部乃請徵越。召見便殿。越故偉服
而短其袂。上熟視良久曰非故快御史耶。可
使。弁而將也。遂擢右副都御史以行。會虜稍徙
去。越乃飭兵政繕器甲簡士伍修堡寨為經久
計。明年協理院事久之以總督視師延綏。輕騎
襲破虜於崖窰川俘四十餘人。虜首百二十進

關外春秋

卷之六 大將

三

右都御史前是文臣視師者多從大軍後出號
令行賞罰而已。至越而始多選驍勇跳盪武騎
為腹心將而與虜搏始有戰矣。用是得數成功
名。越復謀知虜滿都魯孛羅札加思蘭三酋自
河套渡而分寇西路。而其妻子營於紅鹽池。乃
率總兵許寧等以精騎五千襲之。兩晝夜行三
百三十里至其地。分兵千餘為十伏以相救。而
身與寧等分兩哨薄其營。遂破之。擒斬三百五
十五級。獲其女稚駝馬牛羊器械不可勝計。焚

其廬帳而還。時滿都魯等行剽至韋州。頗有所
獲。欲歸而遇諸鎮兵邀而敗之。斬首虜一百四
十九。奪所虜男婦二千馬騾牛羊十三萬甲杖
千六百餘。賊既以失利。歸則廬帳妻子畜產皆
蕩盡。相顧慟哭遠徙。不敢居河套故地。捷聞
再。賜璽書褒諭。俄召還京論功。加太子少
保。食從一品俸。同李賓掌都察院事兼提督十
二營兵馬。又一歲而兵部尚書缺。越意必見屬
而余子俊自外鎮得之。忽忽不樂。乞歸不允。余

關外春秋

卷之六 大將

三

子俊為請進兼兵部尚書以餌之。乃已。明年復
加太子太保。時上所寵信中貴人汪直方領
西廠得刺察中外事。威福傾一時。而年少好言
兵。越乃謀於直以虜首西犯邊。詔保國公永
為平虜將軍率師西討。越為總督直仍監其軍
。越乃為直謀令永將大兵。繇南路身與直將輕
騎繇宣府大同俱會於榆林。既至大同。謀虜帳
在威寧海。則選二鎮之勁騎二萬餘分道乘風
雪薄之。虜很狼出戰。遂破之。斬首虜四百三十

七級鹵男婦百七十馬駝牛羊以數千計旗纛
甲杖萬餘捷聞 詔班師越遂進封奉天羽衛
推誠宣力守正文臣特進光祿大夫柱國威寧
伯歲祿千二百石予誥券子孫世承襲越既
封不當復領都察院而御史許進等上章稱越
功德引王驥楊善劄請仍領院事而越亦不肯
就西班欲仍列大學士萬安吏部尚書尹旻下
俱許之自是益精心事汪直尋復 命越等出
師至大同適虜從山東等墩入境剽掠越縱兵

關外春秋

卷之八 大將

三

擊之擒十人斬首百十三級獲馬七百餘疋
詔進越太子太傅增歲祿四百石復錄一子官
是役也斬級少於法僅下賞而封拜橫溢則
上以直在事欲貴重之故而越改掌前軍都督
府總督五軍十二營兵馬蓋越以文臣爵不得
侯改右班或可得侯不復有薦紳念而萬安劉
吉等稍側目越矣遂復 命越為平胡將軍直
仍監其軍駐宣府調度擊虜虜已退越等請班
師不許遂巡延綏而虜入寇河西清水營等處

越等使遊擊將軍劉寧敗之於塔兒山參將
玉敗之於大灰梁延綏總兵許寧敗之於三里
塔擒十二人斬首虜三百十七人功最多虜亦
劍懼不敢近邊而捷 聞僅加祿五十石汪而
賞亦薄尋改越征西將軍鎮大同不獲稱大帥
而猶與直共一鎮大學士萬安等乃請移越帥
延綏以離之而命延綏帥許寧鎮大同言者以
寧直不相能遂改直於南京御馬監既行則姦
事大露 上乃 命給事御史論紕直入罪因

關外春秋

卷之八 大將

三

併紕越 詔削越官爵追誥券徙置安陸州越
之敗繇汪直然直尚得為奉御一時朝士大夫
雖快越之去而有謂其罰太重弗平者越最名
能知人其在臺所旌拔御史屠滍侶鍾等皆為
大官以至同列而故吏將佐多鳴貴時時稱越
才弘治初赦還鄉尋上書自劾冤狀會有為左
右之者得復左都御史致仕越居恒喜奢華自
奉若諸侯王而其御軍能恤下財往來若流水
不之問籠單頗倒豪傑不知所從入皆願為之

死機事百端閃倏變幻出沒神鬼故不復持名
檢軍行過陝西秦王安之奏伎越語王下
官之為王吠犬久寧有以相辭否因盡乞其
伎女歸一日大雪方坐地鎚使四伎抱琵琶捧
觴侍而一千戶詢虜還即召入與談虜事甚督
大喜曰寒矣千金卮飲之復談則益喜命絃琵琶
而侑酒即併金卮予之已又談則又喜指其
中最姝麗者曰欲之乎以予汝自是千戶所至
為效死力積功至指揮而其夜襲虜帳也將至

開外春秋 卷之六 大將 三

而風暴起塵翳日衆惑欲歸一老卒前曰天贊
我也去而風使虜不覺歸而卒遇虜入掠者還
而我據上游皆是風也越不覺下馬拜功威推
卒功以為千戶越之在安陸予還濟田池射獵
帳飲聲樂如故而其於功名志不小衰會家近
京得通於中貴人李廣為上言之中旨召
掌都察院事為臺諫所論阻時西虜犯邊急兵
部言宜得一重臣控制之庶於進止便凡再薦
弗稱旨時屠蒲為吏部德越而中貴人與吏之

以越名上遂許之 陛見 上慰諭有加進太
子太保仍兼左都御史總制甘肅寧夏延綏軍
務諸鎮守巡撫而下悉聽節制仍許以便宜行
事越至即擣賀蘭山之別部行剽者覆之斬首
捕生過當捷聞加少保太子太傅請復哈密封
以兵援其王還國疏上不報而中貴人廣敗自
殺言者皆首攻越 上雖雅重之不為報而越
坐憂悴病劇遂卒年七十四贈太傅諡襄敏祭
葬如禮越之再起欲還伯爵竟不得而諸子多

開外春秋 卷之六 官環列者 早

按威寧伯與保國永帥千人巡邊虜猝至主
客不當永欲走威寧止之列陣自固虜疑未
敢前薄暮令騎皆下馬銜枚魚貫行毋反顧
自率驍勇殿從山後走五十里抵城虜不覺
明日乃謂永曰我一動虜躡擊無唯類矣結
陣示暇形以惑之也次第而行且下馬無軍
聲故虜不覺也吾非不自危姑矯情鎮耳嗟
夫越誠良將哉

許曰。威寧制。開時天下咸貴其才而醜其
行。非以威寧之線索中人。以弋取功名哉。
然前是西北文臣視師者。不過恃文墨議論。
以誇武吏之短長而已。未有戰也。有之。自公
始。鷲百不如鷄一。越足以常之夫。上所注
嚮惟中人。非直不伯。非廣不起。枉尺而直尋。
宜若可爲也。至今西北。遂稱良將。母若威寧
者。楊文襄王恭襄方之。茂如也。使居明世。亦
可以鞭筆使哉。

三立堂新編闕外春秋卷之九

華胥外史漢陽尹尚書著

論曰語有之天下安注意相天下危注意將然則安危竟分為兩事將相遂分為兩人可並重而不可兼任者耶稽古先覺相湯伐夏救民周公東征四國是阜夾谷卻萊侵地來歸三聖人德望幾千古威名震四海即心膂即牙距執干戈以衛社稷不越樽俎而代之矣胤是而後代不數人亦不乏人或倏相而倏將或始將而後

闕外春秋

卷之九

文師序

一

先驅曰天子且至軍門都尉曰將軍令曰軍中聞將軍令不聞天子之詔居無何上至又不得入於是上乃使使持節詔將軍吾欲入勞軍亞夫乃傳言開壁門壁門士吏謂從屬車騎曰將軍約軍中不得驅馳於是天子乃按轡徐行至營將軍亞夫持兵揖曰介冑之士不拜請以軍禮見天子為動改容式車使人稱謝皇帝敬勞將軍成禮而去既出軍門群臣皆驚文帝曰嗟乎此真將軍矣曩者霸上棘門軍若兒戲耳其

將固可襲而虜也至於亞夫可得而犯耶乃亞夫為中尉孝文且崩誠太子曰即有緩急則亞夫真可任將軍孝景三年吳楚反以亞夫為大尉東擊吳楚因自請上曰楚兵剽輕難與爭鋒願以梁委之絕其糧道乃可制上許之亞夫既發至灞上趙涉遮說之曰將軍能風臣之言乎太尉下車禮而問之涉曰吳王懷輯死士久矣此知將軍且行必置問人於殺颺阨之間且兵事上神密將軍何不從此右走藍田出

闕外春秋

卷之九

文師

二

武關拒徠陽間不過差一二日直入武庫擊鳴鼓諸侯聞之以為將軍從天而下也太尉如其計至雒陽使搜殺黽間果得伏兵乃請涉為護軍太尉見劇孟喜曰七國反吾乘傳至此不自意全又以為諸侯已得劇孟孟今無動吾據滎陽以東無足憂者至淮陽問故父絳侯客鄧都尉曰策安出客曰吳楚兵銳甚難與爭鋒楚兵輕不能久方今為將軍計莫若引兵東北出昌邑以梁委吳吳必盡銳攻之將軍添兵高

輕兵絕淮泗口。塞吳饒餉道。使吳梁相斃。而
食竭。乃以全制其極。破吳必矣。絳侯曰善。從其
策。遂堅壁昌邑南。輕兵絕吳饒道。太尉既會兵
滎陽。堅壁不出。吳方攻梁。梁急。請救太尉。太尉
守便宜。不肯往。梁上書言。景帝使使詔救
梁。太尉亦不奉詔。而使輕騎兵弓高侯等絕吳
楚。兵後糧道。吳兵乏糧。飢數欲挑戰。終不出。夜
軍中驚。內相攻擊擾亂。至於太尉帳下。太尉終
卧不起。頃之復定。後吳奔壁東南。太尉使備。

關外春秋

卷之九 文帥

西北已而其精兵果奔西北。不得入。吳兵既餓
乃引而去。太尉出精兵追逐。大破之。吳王濞棄
其軍。而與壯士數千人亡走。因乘勝遂盡虜之。
降其兵。越人斬吳王頭以告。凡攻守三月而吳
楚破平。於是諸將乃以太尉計謀為是。五年以
亞夫為丞相。因病免。

按文帝勞軍細柳。亞夫屈天子之尊。伸將軍
之威。可見軍法嚴肅。不可犯也。故文帝稱其
為真將軍。不然。晉鄙之兵。無忌得以矯奪。

信之壁。高祖得入卧內。豈非紀律不明約束
不嚴哉。孔明曰。有制之兵。無能之將。不可敗。
其亞夫之謂歟。

評曰。甚矣人才計畫之所繫者重也。鄉使七
國之反而用制。孟又使吳王聽田祿伯之言。
則成犄角之勢。又使吳王聽橫將軍之言。則
無絕糧之厄。天下事未可知也。而皆不用條
侯之幸也。不三月而吳楚破滅。當十世宥之
乃以買上方甲楯。召詣廷尉。吏簿責曰。君縱

關外春秋

卷之九 文帥

四

不欲反地上。即欲反地下。卒以餓死。哀哉。豈
亞夫有從理入口。即貴為將相。不能免乎神
哉。許負之相也。雖然。此景帝之失也。太史公
以守節不遜責之。過矣。
細柳營亞夫為真將軍。不侯外戚。不侯降虜。
為真宰相。而卒餓死獄中。何帝之不仁哉。是
時帝春秋高。太子幼。而亞夫負震主之威。挾
不賞之功。亞夫不死。帝決不瞑目也。故曰。快
快非少主臣。帝本心畢露矣。但置哉。不置箸。

是帝作意以規亞夫乃亞夫怒形于色
善處危機也。

漢丞相錄尚書事假節領司隸校尉益州牧

金鈇鉞曲蓋羽葆武鄉忠武侯諸葛亮

亮字孔明琅邪人家于襄陽西二十里號曰隆
中好爲梁父吟身長八尺每自比于管仲樂毅
時人莫之許也惟博陵崔州平潁川徐庶元直
謂爲信然先王訪士於司馬徽徽曰儒生俗士
豈識世務識世務者在乎俊傑此間自伏龍鳳
雛諸葛孔明龐士元也徐庶亦謂先王曰諸葛
孔明者卧龍也將軍豈願見之乎先王曰君與
俱來庶曰此人可就見不可屈致也將軍宜枉
駕顧之由是先王遂請亮凡三往乃見因屏人
曰漢室傾頽姦臣竊命主上蒙塵孤不度德量
力欲信大義於天下君謂計將安出亮答曰自
董卓以來豪傑並起曹操比於袁紹則名微而
衆寡然操遂能克紹以弱爲疆者非惟天時抑
亦人謀也今操已擁百萬之衆挾天子而令諸
侯此誠不可與爭鋒孫權據有江東已歷三世
國險而民附賢能爲之用此可以爲援而不可

圖也。荆州北據漢沔，利盡南海，東連吳會，西通巴蜀。此用武之國，而其主不能守。此殆天所以資將軍，將軍豈有意乎？益州險塞，沃野千里，高祖因之以成帝業。劉璋闇弱，張魯在北，民阜園富而不知存恤，智能之士思得明君。將軍既帝室之胄，信義著於四海，總攬英雄，思賢如渴，若跨有荆益，保其巖阻，西和諸戎，南撫夷越，外結好孫權，內修政理，天下有變，則命上將將荊州之軍，以向宛洛，將軍身率益州之衆，出於秦川

關外春秋

卷之九 文仲

七

百姓孰敢不箝食壺漿以迎將軍者乎？誠如是則霸業可成，漢室可興矣。先主曰：善。於是與亮情好日密。關羽、張飛不悅，先主解之曰：孤之有孔明，猶魚之有水也。願諸君勿復言。先主好結，亮適有遺髦、牛尾者，因手自結之。亮進曰：明將軍當復有遠志，但結髦而已。耶！即投髦而起。亮遂言曰：將軍度劉鎮南孰與曹公？曰：不如。曰：將軍自度何如？曰：亦不如。曰：今皆不如，而將軍之衆不過數千，以此待敵，非計也。曰：當若之何？亮

曰：荆州非少人也，而著藉者寡。平居發調，則人心不悅，可與劉荊州。凡有游戶，皆使自實，因錄以益衆，可也。劉表長子琦，亦深器亮。表若愛少子琦，琦每與亮謀自安之術。表卒，琦聞曹公來，征遣使請降。先主在樊聞之，率其衆南行，爲曹公所破。先主至夏口，亮曰：事急矣，請奉命求救於孫將軍。時權擁軍在柴桑，觀望成敗。亮說權曰：天下大亂，將軍起兵，據有江東，劉豫州亦收衆漢南，與曹操並爭天下。今操芟夷大難，略已

關外春秋

卷之九 文仲

八

平矣。遂破荊州，威震四海，英雄無所用武，故豫州遁逃至此。將軍量力而處之，若能以吳越之衆與中國抗衡，不如早與之絕。若不能當，何不北面事之？今將軍外託服從之名，而內懷猶豫，事急而不斷，禍至無日矣。權曰：劉豫州何不逃事之？亮曰：田橫齊之壯士耳，猶守義不辱，况劉豫州王室之胄，英才蓋世，衆士仰慕，若水之歸海，安能復爲之下乎？權勃然曰：吾不能舉全吳之地，十萬之衆，受制於人，吾計決矣，非劉豫州

莫可以當曹操者然豫州新敗之後安能抗此
難乎亮曰豫州軍雖敗於長阪今戰士還者及
關羽水軍精甲萬人劉琦合江夏戰士亦不下
萬人曹操之衆遠來疲弊聞追豫州輕騎一日
一夜行三百餘里此所謂驍弩之末勢不能穿
於魯縞者也故兵法忌之曰必蹶上將軍且北
方之人不習水戰又荊州之民附操者逼兵勢
耳非心服也今將軍誠能命猛將統兵數萬與
豫州協規同力破曹軍必矣操軍破必北還如

開外春秋

卷二十九 文節

此則荆吳之勢鼎足之形成矣。權大悅。即遣
周瑜程普魯肅等水軍三萬隨亮詣先主。并力
拒曹公。曹公敗歸鄴。先主遂收江南。以亮爲軍
師中郎將。使督零陵桂陽長沙三郡。調其賦稅
以充軍實。建安十六年。益州牧劉璋遣法正迎
先主。使擊張魯。亮與關羽鎮荊州。先主自葭萌
還攻璋。亮與張飛趙雲等率衆泝江。分定郡縣。
與先主共圍成都。成都平。以亮爲軍師將軍。署
左將軍府事。先主外出。亮常鎮守。足食足兵。先

主卽帝位。以亮爲丞相。錄尚書事。假節。尋領司
隸校尉。亮刑法峻急。法正諫曰。昔高祖入關。約
法三章。今跨據一州。願緩刑弛禁。以慰其望。亮
曰。秦以無道。政苛民怨。天下土崩。高祖可以弘
濟。劉璋暗弱。自焉以來。威刑不肅。蜀人自恣。君
臣陵替。吾今威之以法。法行則知恩。限之以爵。
爵加則知榮。榮恩並濟。上下有節。爲治之要著
矣。曹公遣刺客見先主。問論伐魏形勢。甚合先
主。亮入。客失措。急起如廁。先主謂亮曰。向得奇

開外春秋

卷二十九 文節

士。足以助若。亮徐歎曰。觀客色動。而神懼。視低
而忤。數奸形外露。必刺客也。急追之。客已越墻
去矣。建安二十三年。先主屯陽平。法正從行。亮
表楊洪領蜀郡太守。衆事皆辦。遂使卽真。轉益
州治中。初。捷爲太守。李嚴辟洪爲功曹。嚴未去
捷爲。而洪已爲蜀郡。洪舉門下書佐何祗有才
能。洪尚在蜀郡。而祗已爲廣漢太守。是以西土
咸服亮能。書人之器用也。及先主於永安病篤。
召亮于成都。厭以後事。謂亮曰。君才十倍曹丕。

必能安國終定大事若嗣子可輔輔之如其不才君可自取亮涕泣曰臣敢不竭股肱之力效忠正之節繼之以死先主又為詔敕後主曰汝與丞相從事事之如父建興元年封亮武鄉侯開府治事頃之又領益州牧政事無巨細咸決於亮南中諸郡並皆叛亂亮以新遭大喪故未便加兵且遣使聘吳因結和親遂為與國是歲魏司徒華歆等各有書與亮欲使舉國稱藩亮不答作正議曰昔在項羽起不由德雖處華夏

外春秋

卷之九 文師

七

乘帝者之勢卒就湯餓為後承戒魏不審鑿今次之矣免身為幸戒在子孫而二三千各以耆艾之齒承搗指而進有若崇竦稱莽之功亦將逼于元禍苟免者耶昔世宗之朔述舊基奮靡卒數千摧莽疆四十餘萬於昆陽夫據道討淫不在眾寡孟德以誦勝之力舉數十萬之師救張郃于陽平執窮慮悔僅能自脫遂喪漢中之地旋還未至感毒而死子桓淫逸繼之以篡而二三千多逞蘇張詭靡之說奉進驩堯滔天之

辭欲以誣毀唐帝諷解禹獲大人君子之所不為也又軍誠曰萬人必死橫行天下昔軒轅卒數萬制四方定海內况以數十萬之眾據道而臨有罪可得而干擬者哉後亮率眾南征詔賜金鈇鉞一具曲蓋一前後羽葆鼓吹各一部虎賁六十人亮在南中所在戰捷由越嶲入斬叛帥雍闓太守朱褒夷王高定孟獲收闔餘眾拒亮亮聞孟獲為夷漢所服募生致之既得使觀營陣問何如獲曰向者不知虛實故敗今蒙

外春秋

卷之九 文師

七

賜觀營陣若祗如此定易勝耳使更戰七縱七擒而亮猶遣獲獲止不去曰公天威也南人不復反矣遂至滇池南中平皆即其渠率而用之或以諫亮亮曰若留外人則當留兵兵留則無食一不易也加夷新傷破父兄死喪若留外人而無兵必成禍患二不易也又夷累有廢殺之罪自嫌繁重若留外人終不相信三不易也今吾欲使不留兵不運糧而綱紀粗定夷漢初安故耳於是悉收孟獲等為官屬出其金銀丹漆

牛馬以給軍資。終亮之世，不復反矣。五年，軍北駐漢中。臨發，上疏曰：先帝創業未幾，而道崩殂。今天下三分，益州疲敝，此誠危急存亡之秋也。然侍衛之臣，不懈於內；忠志之士，忘身於外者，蓋追先帝之殊遇，欲報之於陛下也。侍中侍郎郭攸之、費禕、董允等，此皆良實，志慮忠純，是以先帝簡拔以遺陛下。愚以為宮中之事，事無大小，悉以咨之，然後施行，必能裨補闕漏，有所廣益。將軍向寵，性行淑均，曉暢軍事，愚以

國外春秋

卷之六 文帥

十三

為營中之事，悉以咨之，必能使行陣和睦，優劣得所。臣本布衣，躬耕南陽，苟全性命於亂世，不求聞達於諸侯。先帝不以臣卑鄙，猥自枉屈，三顧臣於草廬之中，諮臣以當世之事，由是感激，遂許先帝以驅馳。後值傾覆，受任於敗軍之際，奉命於危難之間。爾來二十有一年矣。先帝知臣謹慎，故臨崩寄臣以大事也。受命以來，夙夜憂懼，恐託付不效，以傷先帝之明。故五月渡瀘，深入不毛。今南方已定，兵甲已足，當獎率三軍，

北定中原，庶竭駑鈍，攘除姦凶，興復漢室，還於舊都。此臣所以報先帝而忠陛下之職分也。願陛下託臣以討賊興復之效，不效則治臣之罪，以告先帝之靈。陛下亦宜自謀，以諮諏善道，察納雅言。深追先帝遺詔，臣不勝受恩感激。今當遠離，臨表涕零，不知所言。遂行。屯于陽平。遣魏延諸軍并兵東下，惟留萬人守城。司馬懿率二十萬眾拒亮，而與延軍錯道，徑至前。當亮亮欲前赴延軍，而相去遠，將士失色。亮意氣自若，勅

國外春秋

卷之九 文帥

十四

軍中皆卧旗息鼓，不得妄出。大開城門，掃地却洒。懿常謂亮持重，而猥見勢弱，疑有伏兵，遂引軍北趣山。明日食時，亮拊掌大笑，謂懿曰：司馬懿必循山走矣。已而揚聲由斜道取郿，使趙雲、鄧芝為疑軍，據箕谷。魏使曹真舉眾拒之，亮身率諸軍攻祁山，戎陣整齊，賞罰肅而號令明。南安、天水、安定三郡叛魏應亮，關中響震。魏令張郃拒亮，亮使馬謖督諸軍與郃戰於街亭。謖違亮節度，大為郃所破。亮拔西縣千餘家還于

漢中戮謾以謝衆，乃上疏請自貶三等，詔以爲
 看將軍行丞相事，所總統如故。初亮以謾才術
 過人，深加器異，照烈謂亮曰：「馬謖言過其實，不
 可大用，亮不謂然，以爲泰軍。至是殺之，亮自臨
 祭，爲之流涕。」蔣琬曰：「昔楚殺得臣而文公喜，秦
 何戮智計之士？」亮曰：「孫武所以能制勝于天下
 者，用法明也。今四海分裂，兵交方殆，若復廢法，
 何用討賊耶？」亮復出散關，圍陳倉，或勸亮更發
 兵者，亮曰：「大軍在祁山，箕谷皆多於賊，而不能
 破賊，爲賊所破，則此病不在兵少，也在一人耳。
 今欲減兵省將，明罰思過，投變通之道於將來，
 不然，雖兵多何益？自今以後，諸有忠慮於國，但
 勤攻吾之闕，則事可定，賊可死，功可躋，足而待
 也。於是考微勞，甄烈壯，引咎責躬，布所失于天
 下，厲兵講武，以爲後圖。戎士簡練，民忘其敗矣。
 亮聞孫權破曹休，魏兵東下，關中虛弱，復上言
 曰：「先帝慮漢賊不兩立，王業不偏安，故託臣以
 討賊，以先帝之明，量臣之才，故知臣伐賊才弱，

敵強也，然不伐賊，王業亦亡，惟坐而得亡，孰與
 伐之？是故託臣而不疑也。臣受命之日，思惟北
 征，宜先入南，故五月渡瀘，深入不毛，并日而食，
 臣非不自惜也。顧王業不可得偏全于蜀都，故
 冒危難以奉先帝之遺意也。而議者謂爲非計，
 今賊適疲于西，又務于東，兵法乘勞，此進趨之
 時也。高帝明並日月，謀臣淵深，然涉險被創，危
 然後安。今陛下未及高帝，謀臣不如良平，而欲
 以坐定天下，此臣之未解一也。劉繇、王朗各據
 州郡，今歲不戰，明年不征，使孫遂并江東，此臣
 之未解二也。曹操用兵，髣髴孫吳，然困於南陽，
 險於烏巢，危於祁連，偏於黎陽，幾敗伯山，殆死
 潼關，然後僞定。一時况臣才弱，而欲以不危定
 之，此臣之未解三也。曹操五攻呂霸不下，四越
 巢湖不成，任李服而復圖之，委夏侯而敗亡。先
 帝每稱操爲能，猶有此失，况臣驀下，何能必勝？
 此臣之未解四也。自臣到漢中，拊年耳，然喪趙
 雲、馬玉等，及曲長屯將七十餘人，突將寶叟等

一千餘人。此皆數十年內糾合四方之精銳。非一州所有。若復數年。則損三分之二。何以圖此。此臣之未解五也。今民窮兵疲。而事不可息。則任與行勞費正等。而不及虛圖之。欲以一州之地。與賊持久。此臣之未解六也。昔先帝敗軍於楚。此時曹操拊手。謂天下已定。其後先帝東連吳越。西取巴蜀。舉兵北征。夏侯授首。此操之失計。而漢事將成也。吳更違盟。關羽毀敗。穉歸蹉跌。曹丕稱帝。凡事如是。難可逆觀。臣鞠躬盡瘁。死而後已。亮復出散關。圍陳倉。曹真拒之。亮糧盡而還。魏將王雙率騎追亮。亮與戰。破之。斬雙。七年。亮遣陳式攻武都。陰平。平之。詔策亮曰。街亭之役。咎由馬謖。而君引愆。深自貶抑。重違君意。聽順所守。前年耀師。馘斬王雙。今歲爰征。郭淮遁走。降集氐羌。興復二郡。威震凶暴。功勳顯。然。方今天下騷擾。元惡未梟。君受大任。幹國之重。而久自抑損。非所以光揚洪烈矣。今復君丞相。君其勿辭。是時孫權稱尊號。羣臣咸以爲名。

卷之九 文帥

七

體弗順。宜顯明正義。絕其盟好。亮曰。權久有借逆之心。國家所以略其釁情者。求犄角之援也。今若加顯絕。便當移兵東伐。與之角力。頓兵相持。坐而待老。使北賊得計。非筭之上。昔孝文卑詞匈奴。先帝優與吳盟。皆應權通變。弘思遠益者也。若就其不動而睦于我。我北伐無憂。河南之衆。不得盡西。此之爲利。亦已深矣。乃遣衛尉陳震往賀權。九年。亮復出祁山。以木牛運糧。晝退軍。與魏將張郃交戰。射殺郃。時亮在祁山。守

卷之九 文帥

六

在險要。十二更下。在者八萬。魏軍始陣。番兵適交。參佐咸以賊衆強盛。宜權留下兵。以并犂執。亮曰。行師以大信爲本。得原失信。古人所惜。去者束裝以待期。妻子企踵而計日。乃勅速去。於是去者感悅。願留一戰。往者憤躍。思致死命。及戰。莫不拔刃爭先。以一當十。殺張郃。郃仲達一戰大魁。此信之由也。十二年春。亮悉大衆由斜谷出。以流馬運。據武功五丈原。與司馬懿對于渭南。尅日交戰。懿戎服視事。使人視亮。獨乘素

與葛巾羽扇指麾三軍隨其進止懿嘆曰諸葛君可謂名士矣亮每患糧不繼使志不伸是以分兵屯田爲久駐之基耕者雜于涓濱居民之間百姓安堵軍無私焉亮數挑戰懿終不出亮因遺懿巾幘婦人之飾懿怒表請決戰魏主不許遣衛尉辛毗杖節以制之亮曰彼本無戰心所以固請者以示武於其衆耳苟能制吾豈千里而請戰耶相持百餘日會亮薨時年五十四及軍退懿按行其營壘處所曰天下奇才也

蜀外春秋

卷之九 文帥

十一

命葬漢中定軍山後主使使持節左中郎將杜瓊贈丞相武鄉侯印綬謚忠武初亮自表後主曰成都有桑八百株薄田十五頃子孫衣食自有餘饒至于臣在外任無別調度不別治生以長尺寸若臣死之日不使胸有餘帛外有贏財以負陛下及卒如其所言亮長于巧思損益連弩木牛流馬皆出其意推演兵法作八陣圖咸得其要云景耀六年春詔立廟於沔陽魏鎮西將軍鍾會至漢川祭亮之廟令軍士不得於

所左右芻牧樵采

按武侯少有逸才英氣躬耕隴畝不求聞達祇因先主三顧草廬乃出而駑馳其素志進欲龍驤虎視苞括四海退欲跨陵邊疆震蕩宇內是以用兵不戢屢耀其武柰所對之敵皆人傑加衆寡不侔攻守異執故連年未克耳然其器能政理抑亦管蕭之亞也薨後黎民追思雖甘棠之詠召伯鄭人之歌子產無以遠譬也

蜀外春秋

卷之九 文帥

十一

用兵之道好高惡下孔明五丈原之屯高平廣大守不可攻而攻不可取進不可禦而退不可追所謂先據不可勝之地以待敵之可勝者也懿本畏孔明屯五丈原故爲誑語以安其衆若果無事何爲受巾幘之辱而不敢出兵逆戰也哉孔明此舉蓋不復爲退計矣親統大軍深入敵境而魏師不敢攻軍民雜居而居民無所苦三代之兵若時雨孔明其庶幾矣

評曰孔明之爲相也。撫百姓示儀軌。約官職。從權制。開誠心。布公道。盡忠益時者雖讐必賞。犯法怠慢者雖親必罰。服罪輸情者雖重必釋。游詞巧飾者雖輕必戮。善無微而不錄。惡無纖而不貶。則政雖峻而人無怨。以其用心平而勸戒明也。可謂識治之良材。管蕭之亞匹矣。

孔明王者之佐。伊尹之儔也。而高卧南陽。自比管樂。何哉。蓋主于撥亂繼絕之志。一時自

外務秋 卷之九 文師 三

寓之言耳。夫孔明之於伊尹。所遇雖異。處心則同。躬耕有莘。而樂堯舜之道。躬耕南陽。而吟梁父之詩。同一隱晦也。弊聘三往。而後起。狂駕三顧。而後從。同一出處也。一夫不被。則有納溝之耻。漢室未復。則爲一己之責。同是。自任也。伊尹往來湯桀之間。二國不以爲問。就桀而後伐之。天下不以爲叛。相太甲而復放之。復太甲而終相之。天下不以爲專。孔明兄弟分仕三國。國人不以爲貳。勸昭烈伐劉

璋而迄取之。後世不以爲貪。昭烈令輔。後帝且曰。苟不可輔。公自取之。孔明不以爲嫌。專國一十二年。後帝不以爲偏。果何修而得此。與亦其素所不屑者。足以取信於人也。朱繡之言。豈欺我哉。

武侯爲後主寫申韓管子六韜。而宋儒非之。不知人主不論撥亂守支。要以智略爲貴。後主寬厚。襟量有餘。而權略知謀不足。識者咸以爲憂。六韜述兵權多奇計。管子責輕重。慎

外務秋 卷之九 文師 三

權衡。申子覈名實。韓子攻事情。施之後主。正中其病。此唐子西之言也。篤論也。攻先主臨終勅後主曰。申韓之書。益人意智。可觀誦之。則後主之觀申韓書。亦先主遺命也。俞豹論孔明忠於先主。而非忠於漢獻。以漢獻尚在。而先主爲不當立也。此說謬矣。習鑿齒曰。惠公朝秦。而子圉以立。更始猶存。而光武舉號。先主合議討賊。是宜速尊。以奉大統。民欣反正。出觀舊物。可謂識時之卓見。豹蓋

未嘗見此論也。

關中王槐野嘗以蕭相國諸葛武侯並論。而謂武侯之不能一天下才累之也。有奇而直見其奇耳。此奇者不為用也。出師表出而儼之士修詞之子皆捫心退矣。木牛流馬出而伎匠之徒執斤錘而求售者皆擺指退矣。八陣圖出而誦鬼谷之書習黃石之略者皆批頰退矣。夫使諸伎客才人皆退而不敢前引以為弗如而不肯任則侯不得不勞勞則

外春秋

卷之九 文帥

五

不得不嘔血而功不就也。夫孔明豈不善用才者其相蜀也屬炎精之漸涸天下固已忽焉忘劉氏而天又從而更之故以龐統之智焉而死法正之敏焉而死關張之悍鷲焉而死於是孔明之志窮勢不得不獨身而力幹之然猶日孳孳焉舉蔣費董向之徒以善其後雖以忌懷之李嚴浮誕之馬謖褊淺之楊儀暴肆之魏延不得已而拾其長以充牛溲馬渤之用令是時而有子房者出而銜亭之

役必復以帷幄付幼良有韓信者出而祁山之役必復以旗鼓付文長有平陽侯者出而五丈原之役必復以書一付公儀則可是三君子無一焉而奈之何其以鄭侯律武侯也孔明逆知其身之足以滅魏又逆知其身亡而蜀不得中原矣蔣費亡而蜀不蜀矣故冀及其身一用焉而卒不遂也且出師表何與于天下之為文者木牛流馬何與于天下之為藝者八陣圖何與于天下之為兵者苟聲

外春秋

卷之九 文帥

五

至而響應氣同而類應則奚不可之有孔明之言曰開誠心布公道集眾思廣忠益其為獨用長者乎哉夫為相者必不一見跡而後可則周官三百六十記里鼓指南車周公無亦露才而闕一世哉武侯平生用兵只是持重魏延自負勇猛每隨侯出請兵萬人與侯異道會于潼關如韓信故事侯不許常謂侯為怯歎恨已才之不盡不知依惟謹慎故先王託以大事也不

然循秦嶺而東、當子午而北、武侯寧不知之耶。

孔子之人管仲、特拈出奪伯氏駢邑二百、沒齒無怨言為證、孔明之使廖立垂泣、李平致死、豈徒無怨言而已哉、夫水至平而邪者取法、鑑至明而醜者亡怒、以其無私也、法行于不可不用刑、加于自取之罪、安得不心服乎、孔明可謂能用刑矣、孔明嘗云、我心如秤、不能為人、伍昂自秦漢以來、未之有也。

外春秋

卷之九 文帥

五

兵行詭道、求勝而已。孔明不聽魏延從褒中出徑取長安之策、而陽平城中自坐危險、何也、蓋惟平生作小心文、止此一篇是放膽文也、故敵人不得覷破、所以為英雄欺人耳、蘇子瞻作武侯廟記云、密如鬼神、疾如風雷、進不可當、退不可追、晝不可攻、夜不可襲、多不可敵、少不可欺、移五行之性、變四時之令人也、神也、仙也、吾不知之、真計龍也、此武侯千秋之知已與。

魏崔浩曰、亮之相劉備、當九州鼎沸之會、英雄奮發之時、君臣相得、魚水為喻、而不能與

曹氏爭天下、委棄荊州、退入巴蜀、誘奪劉璋、偽連孫氏、守窮崎嶇之地、僭號邊夷之間、此策之下者、而以為管蕭之亞匹、不亦過乎、且亮既據蜀、恃山嶮之固、嚴威切法、控勒蜀人、矜才負能、高自矯舉、欲以邊夷之眾、抗衡上國、出兵隴右、再攻祁山、一攻陳倉、疎遲失會、摧劔而反、復入秦川、不復攻城、更求野戰、魏

外春秋

卷之九 文帥

五

人閉壘堅守、以不戰屈之、知窮執盡、發病而死、由是言之、豈合古之善將、見可而進、知難而退者乎、此與陳壽所云略同、朱周公謹謂三蘇皆不取孔明、此言非也、按子瞻謂出師二表、與伊訓說命相表裏、子由云、孔明用兵如神、而以糧道不繼、屢出無功、由是言之、二公許之至矣、若老泉謂孔明棄荊州而就巴蜀、吾知其無能為也、然不考孔明草廬見先主時、已云荊州用武之國、棄而

不取乃先主之失安得以之病孔明乎

朱子云諸葛亮只是笨不用此字而音發之

夫諸葛豈笨者邪按字書笨音奔去聲粗率

也晉書豫章太守史噉肥大時人目為笨伯

宋書王微傳亦有粗笨之語今俗諺亦然揚

用修云朱子字尚不識而欲譏評諸葛乎

雪貴人相傳武侯居隆中時有客至屬妻黃

氏具麵項之麵具侯惟其速後潛窺之見數

木人斫麥運磨如飛遂拜黃氏求傳其術後

冬來

卷之九文帥

三

變其制為木牛流馬云

侯初平南夷夜聞軍中謳歌思歸遂召衆各

與一磚曰爾等久若行役欲還歸者以此而

卧詰朝抵家矣從者果然不從者竟不得歸

雲南管内有一城居民皆蜀人土官堂後中

門甚位出入必俯首云武侯遺制欲其尊朝

廷也若有稍高其戶者輒禍起蕭牆矣苗民

家家奉祀武侯取穀逐顆剝米以炊日不暇

給云亦始自武侯俾終歲勤勞弗獲居閒思

叛也今雖苦難不敢違其法

武侯兵書匣在定軍山上壁立萬仞非人跡

可登顧東橋比兩經其地初視匣其色淡紅

後則鮮明若更新者殆不可曉

冬來

卷之九文帥

三

晉太保都督揚江荆司豫徐兗青冀幽并寧益
雍梁十五州軍事加黃鉞前征討大都督衛
將軍開府儀同三司侍中假節中書監驃騎
將軍錄尚書事領揚州刺史贈太傅廬陵郡
文靖公謝安

安字安石豫章人也父哀太常卿安年四歲時
譙郡桓彝見而歎曰此兒風神秀徹後當不減
王東海及總角神識沉敏風宇條暢善行書弱
冠詣王濛清言良久既去濛子修曰向客何如

晉書 卷之九 文靖

大人濛曰此客疊疊為來逼人王導亦深器之
由是少有重名初辟司徒府除佐著作郎並以
疾辭揚州刺史庾冰以安有重名必欲致之累
下郡縣敦逼不得已赴召月餘告歸復除尚書
郎琅邪王友並不起吏部尚書范汪舉安為吏
部郎安以書距絕之有司奏安被召歷年不至
禁錮終身遂棲遲東山常往臨安山中坐石室
臨瀟谷悠然歎曰此亦伯夷何遠嘗與孫綽等
汎海風起浪湧諸人並懼安吟嘯自若舟人以

安為悅猶去不止風轉急安徐曰如此將無歸
邪舟人承言即迴眾咸服其雅量安雖放情丘
壑然每游賞必以妓女從既累辟不就簡文帝
時為相曰安石既與人同樂必不得不與人同
憂召之必至時安弟萬為西中郎將總藩任之
重安雖處衡門其名猶出萬之右自幼有公輔
之望處家常以儀範訓子弟安妻劉惔妹也既
見家門富貴而安獨靜退乃謂曰丈夫不如此
也安掩鼻曰恐不免耳及萬黜廢安始有仕進

關外春秋 卷之九 文靖

志時年已四十餘矣征西大將軍桓溫請為司
馬將發新亭朝士咸送中丞高崧戲之曰卿累
違朝旨高卧東山諸人每相與言安石不肯出
將如蒼生何蒼生今亦將如卿何安甚有愧色
既到溫甚喜言生平歡笑竟日既出溫問左右
頗常見我有如此客不溫後詣安值其理髮安
性遲緩久而方罷使取憤溫見留之曰令司馬
看帽進其見重如此溫當北征會病卒安投牋
求歸尋除吳興太守在官無當時譽去後為人

所思頃之徵拜侍中遷吏部尚書中護軍簡文帝疾篤溫上疏薦安宜受顧命及帝崩溫入赴山林止新亭大陳兵衛將移晉室呼安及王坦之欲於坐害之坦之甚懼問計於安安神色不變曰晉祚存亡在此一行既見溫坦之流汗沾衣倒執手板安從容就席坐定謂溫曰安聞諸侯有道守在四隣明公何須壁後置人邪溫笑曰正自不能不爾耳遂笑語移日坦之與安初齊名至是方知坦之之劣溫嘗以安所作簡文

外春秋

卷之九 文帥

三

帝謚議以示坐肩曰此謝安石碎金也時孝武帝富於春秋政不自已溫威振內外人情噂喏互生同異安與坦之盡忠匡翼終能輯穆及溫病篤諷朝廷加九錫使袁弘具草安見輒改之由是歷旬不就會溫薨錫命遂寢尋為尚書僕射領吏部加後將軍及中書令王坦之出為徐州刺史詔安總關中書事安義存輔導雖會稽王道子亦賴弼諧之益時疆敵寇境邊書續至梁益不守樊鄧陷沒安每鎮以和靖御以長策

德政既行文武用命不存小察弘以大綱威懷外著人皆比之王導謂文雅過之嘗與王羲之登冶城悠然遐想有高世之志羲之謂曰夏禹勤王手足胼胝文王旰食日不暇給今四郊多壘宜思自效而虛談廢務浮文妨要恐非當今所宜安曰秦任商鞅二世而亡豈清言致患邪是時宮室毀壞安欲繕之尚書令王彪之等以外寇為諫安不從竟獨決之宮室用成皆仰模法象合體辰極而役無勞怨又領揚州刺史詔

外春秋

卷之九 文帥

三

以甲仗百人入殿時帝始親萬機進安中書監驃騎將軍錄尚書事因讓軍號於時懸象失度亢旱彌年安奏與減繼絕求晉初佐命功臣後而封之頃之加司徒後軍文武盡配大府又讓不拜復加侍中都督揚豫徐兗青五州幽州之燕國諸軍事假節時符堅強盛疆場多虞諸將敗退相繼安遣弟石及兄子女等應機征討所在尅捷拜衛將軍開府儀同三司封建昌縣公堅後率眾號百萬次于淮肥京師震恐加安征

討大都督玄入問計安夷然無懼色答曰已別
有旨既而寂然玄不敢復言乃令張玄重請安
遂命駕出山墅親朋畢集方與玄圍碁賭別墅
安常碁劣于玄是日玄懼便為敵手而又不勝
安顧謂其甥羊曇曰以墅乞汝安遂游涉至夜
乃還指授將帥各當其任玄等既破堅有驛書
至安方對客圍碁看書既竟便攝於牀上了無
喜色碁如故客問之徐答曰小兒輩遂已破賊
既罷還內過戶限心喜甚不覺屐齒之折其矯

關外春秋 卷之九 文帥 三

情鎮物如此以總統功進拜太保安方欲混一
文軌上疏求自北征乃進都督揚江荆司豫徐
兗青冀幽并寧益雍梁十五州軍事加黃鉞其
本官悉如故置從事中郎二人安上疏讓太保
及爵不許是時桓冲既卒荆江二州並缺物論
以玄勲望宜以授之安以父子皆著大勲恐為
朝廷所疑又懼桓氏失職桓石虔復有沔陽之
功慮其驍猛在形勝之地終或難制乃以桓石
民為荊州改桓伊於中流石虔為豫州既以三

桓據三州彼此無怨各得所任其經遠無競類
皆如此性好音樂自弟萬喪十年不聽音樂及
登台輔碁喪不廢樂王坦之書喻之不從衣冠
效之遂以成俗又于土山營墅樓館林竹甚盛
每攜中外子姪往來游集肴饌亦屢費百金世
頗以此譏焉而安殊不以屑意常疑劉牢之既
不可獨任又知王味之不宜專城牢之既以亂
終而味之亦以貪敗由是議者服其知人時會
稽王道子專權而姦諂頗有相扇構安出鎮廣

關外春秋 卷之九 文帥 三

陵之步丘築壘曰新城以避之帝出祖于西池
獻觴賦詩焉安雖受朝寄然東山之志始末不
渝每形於言色及鎮新城蕭室而行造汎海之
裝欲須經略粗定自道還東雅志未就遂疾篤
上疏請旋旆君子征虜將軍瑛解甲息徒命龍
驤將軍朱序進據洛陽前鋒都督玄抗威彭沛
委以董督若二賊假延來年水生東西齊舉詔
遣侍中慰勞遂還都聞當與入西州門自以本
志不遂悵然慨嘆謂所親曰昔桓溫在時吾常

懼不全、忽夢乘溫輿行十六里、見一白鷄而止、乘溫輿者、代其位也、十六里止、今十六年矣、白鷄主酉、今太歲在酉、吾病殆不起乎、乃上疏遜位、詔遣侍中尚書喻旨、先是安發石頭金鼓、忽破、又語未嘗謬、而忽一誤、衆亦怪異之、尋薨、時年六十六、帝三日臨于朝堂、賜東園祕器、朝服一具、衣一襲、錢百萬、布蠟若干、贈太傅、謚曰文靖、以無下舍、詔府中備凶儀及葬、加殊禮、依大司馬桓溫故事、又以平苻堅勲、更封廬陵郡公、

關外春秋

卷之九 文帥

三

安少有盛名、時多愛慕、鄉人有罷中宿縣者、還請安、安問其歸資、答曰、有蒲葵扇五萬、安乃取其中者促之、京師士庶競市、價增數倍、及至新城、築埭于城北、後人追思之、名爲召伯埭、

按史稱安石有重名、又云衆服其雅量、然不言其將略如何、乃疆敵壓境、輒任元帥、亦不載其部署、偏裨、應敵權謀、第曰、已別有旨、指授將帥、各當其任、玄不敢復言、豈其事秘、世莫知也、與、抑或史失于纂輯、與、若但以矯情

鎮物目之、晉代薦紳、相沿成風、多如此矣、唐詩云、但用東山謝安石、爲君談笑靜胡沙、亦耳食之說耳、

評曰、建元之後、時政多虞、巨猾陸梁、權臣橫恣、其才兼將相、望繫社稷、斧辰資之以端拱、哂鑿賴之以晏安者、其惟謝氏乎、文靖始居座外、高謝人間、嘯詠山林、汗漫江海、蕭然有陵霞之致、暨于褫薜蘿而襲朱組、去衡輅而踐丹墀、庶積用康、彛倫載穆、苻堅百萬之衆、

關外春秋

卷之九 文帥

三

已職吳江、桓溫九五之心、將移晉鼎、衣冠易慮、遠邇崩心、從容而杜姦謀、宴衍而清羣寇、宸居獲太山之固、維揚免象卵之危、斯爲盛矣、若園基賭墅、以示閒暇、是費文偉之摹本也、烏足道哉、

羊曇者、太山名士、安之甥也、安最所愛重、安卒後、輟樂彌年、行不由西州路、嘗因石頭大醉、扶路唱樂、不覺至州門、左右曰、此西州門、曇悲感不已、以馬筴扣扉、誦子建詩曰、生存

山丘慟哭而去此足見墨涓

之情而安之恩德沁入肺腑者深矣

安僑寓會稽與王羲之許詢支遁為友出則

漁弋山水入則言詠屬文無處世意夫無意

處世者乃有心用世者也簡文帝所謂既與

人同樂必不得不與人同憂已勘破隱衷矣

高松乃曰蒼生今亦將如卿何不戲而虐乎

自晉唐宋元以迄今日其將如卿何者比比

是也言之可為噴飯

文神

晉大將軍侍中太尉開府儀同三司都護交廣

寧七州軍事贈大司馬假密章長沙郡桓公

陶侃

侃字士行本鄱陽人吳平徙家廬江之尋陽侃

早孤貧為縣吏鄱陽孝廉范逵嘗過侃時倉卒

無以待賓其母乃截髮得雙髮以易酒肴樂飲

極歡雖僕從亦過所望及去侃追送百餘里逵

曰卿欲仕郡乎侃曰欲之困於無津耳逵過廬

江太守張夔稱美之遂召為督郵領樅陽令有

陶外奉表

卷之九 文神

美

能名劉弘為荊州刺史辟侃為南蠻長史遣先

向襄陽討賊張昌破之弘既至謂侃曰吾昔為

羊公參軍謂吾其後當居身處今相觀察必繼

老夫矣後以軍功封東鄉侯陳敏之亂弘以侃

為江夏太守加鷹揚將軍敏遣其弟恢來寇武

昌侃出兵禦之隨郡內史扈環聞侃於弘曰侃

與敏有鄉里之舊居大郡統強兵脫有異志則

荊州無東門矣弘曰侃之忠能吾得之久矣豈

有是乎侃潛聞之遽遣子琪及兄子臻謀以

自固。弘引為參軍，資而遣之。又加侃為督護使，與諸軍并力距恢。侃乃以運船為戰艦，或言不可。侃曰：用官物討官賊，但須列上有本末耳。於是擊恢所向必破。侃戎政齊肅，凡有虜獲，皆分士卒，身無私焉。江州刺史華軼表侃為楊武將軍，屯夏口。又以臻為參軍，軼與元帝素不平，臻懼難作，託疾歸。侃怒，遣臻還軼。臻遂東歸於帝。帝大悅，命臻為參軍，加侃奮威將軍，假赤幢曲蓋，軼車鼓吹。侃乃與軼絕，久之，遷龍

國外春秋

卷之九 文帥

五九

襄將軍武昌太守。時天下饑荒，山夷多斷江劫掠。侃令諸將詐作商船，以誘之。劫果至，生獲數人，是西陽王羨之左右。侃即遣兵逼羨，令出向賊。侃整陣於釣臺，為後繼。羨縛送帳下二十人，侃斬之。自是水陸肅清，流亡者歸之盈路。侃竭資賑給焉。又立夷市於郡東，大收其利。而帝使侃擊杜弼，破之。時周顛為荊州刺史，先鎮潯水城。賊掠其良口，侃使部將朱伺救之。賊退保冷口。侃謂諸將曰：此賊必更步向武昌，吾宜還城。

晝夜三日行可至，卿等誰能忍饑聞耶？部將吳寄曰：要欲十日忍饑，晝當擊賊。夜分捕魚，足以相濟。侃曰：卿健將也。賊果增兵來攻。侃使朱伺等逆擊，大破之。遣參軍王貴告捷於王敦。敦曰：若無陶侯，便失荊州矣。即表拜侃為使持節寧遠將軍、南蠻校尉、荊州刺史，領西陽江夏武昌鎮于沌口。賊王冲據江陵，王貢還竟陵。矯侃命以杜曾為前鋒，大都護進軍斬冲，悉降其眾。侃召會不到，貢又恐矯命獲罪，遂與曾舉兵反，破

國外春秋

卷之九 文帥

早

侃督護鄭攀於沌陽，又敗朱伺於沔口。而部將張奕將貳於侃，不欲退入郢中。侃惑之，無何賊至，果為所敗。賊釣侃所乘艦，侃窘急，走入小船。朱伺力戰，僅而獲免。張奕遂奔于賊。侃坐免官。王敦表以侃白衣領職，復率眾擊杜弼，破之。敦於是奏復侃官。弼將王貢精卒三千出武陵江，誘五谿夷，以舟師斷官道，徑向武昌。侃使鄭攀及伏波將軍陶延夜趨巴陵，潛師掩其不備，大破之。貢遁還湘城。弼遂疑張奕而殺之。王貢復

挑戰侃遙謂之曰杜瓌為益州史盜用庫錢父死不奔喪卿本佳人何為隨之也天下寧有白頭賊乎貢初橫脚馬上侃言訖貢歛容下脚辭色甚願侃知其可動復令諭之截髮為信貢遂來降而瓌敗走王敦深忌侃功將還江陵身詣敦別留侃不遣左轉廣州刺史平越中郎將以王廙為荊州侃將鄭攀等不欲南行遂西迎杜魯以距廙敦意攀承侃風旨被甲持矛將殺侃者數四侃正色曰使君雄斷當裁天下何此不

關外春秋

卷九

文帥

望

決乎因起如廁諮議參軍梅陶言於敦曰周訪與侃親姻如左右手安有斷人左手而右手不應者乎敦意遂解於是設盛饌以餞之侃便夜發既達豫章見周訪流涕曰非卿外援我殆不免侃因進至始興先是廣州人背刺史郭訥迎長沙人王機為刺史機復遣使詣王敦乞為交州敦從之而機未發會杜弘據臨賀因機乞降勸弘取廣州弘遂與溫邵等謀反或勸侃且任始興觀察形勢侃不聽直至廣州弘遣使偽降

侃知其詐先於封口起發石車俄而弘至知侃有備乃退侃追擊破之又遣部將許高討機斬之傳首京都諸將皆請乘勝擊溫邵侃笑曰吾威名已著何事遣兵但一函紙自足耳於是下書諭之邵懼而走追獲於始興以功封柴桑侯侃在州無事輒朝運百甓於齋外暮運於齋內人問其故答曰吾方致力中原過爾優逸恐不堪事其勵志勤力皆此類也太平初進號平南將軍尋加都督交州軍事王敦反以本官領江

關外春秋

卷九

文帥

望

州刺史尋轉都督湘州刺史平交州賊又領交州刺史錄前後功進號征南大將軍開府儀同三司王敦平遷都督荆雍益梁諸軍事領護南蠻校尉征西大將軍荊州刺史餘如故侃性聰敏勤於吏職常語人曰大禹聖者乃惜寸陰至於衆人當惜分陰生無益於時死無聞於後是自棄也時造船木屑及竹頭悉令舉掌之咸不解所以後正會積雪始晴廳事前餘雪猶濕於是以前布地及桓溫伐蜀又以侃所貯竹頭作

丁裝船其綜理微密多如此及蘇峻作逆與溫嶠庾亮等俱會石頭諸軍即欲決戰侃以賊盛不可爭鋒當以歲月智計擒之累戰無功諸將請於查浦築壘監軍部將李根建議請立白石壘曰查浦地下又在水南唯白石峻極險固可容數千人賊來攻不便滅賊之術也侃笑曰卿良將也即從根謀夜修曉訖賊見壘大驚賊攻大業壘侃將救之長史殷羨曰若遣救大業步戰不如峻則大事去矣但當急攻石頭峻必救

關外春秋

卷之九 文帥

四三

之而大業自解侃又從羨言峻果棄大業而救石頭諸軍與峻戰陳陵東侃督護景陵太守李陽部將彭世斬峻於陣賊衆大潰初庾亮少有高名受顧命之重蘇峻之禍職亮是由及石頭平懼侃致討亮用溫嶠謀請侃相謝侃遽止之曰庾元規乃拜陶士行耶王導入石頭城令取故節侃笑曰蘇武節似不如是導有慙色侃旋江陵尋以爲侍中太尉加羽葆鼓吹改封長沙郡公加都護交廣寧七州軍事以江陵偏遠移

鎮巴陵屬後將軍郭默矯詔襲殺平南將軍劉胤輒領江州侃聞之曰此必詐也遣將軍宋夏陳修率兵據湓口侃以大軍繼進默遣使寫中詔呈侃參佐多諫曰默不被詔豈敢爲此事若進軍宜待詔報侃厲色曰國家年小不出曾懷且劉胤爲朝廷所禮雖方任非才何緣猥加極刑郭默虓勇所在暴掠以大難新除威綱寬簡欲因隙會騁其從橫耳發使上表討默與王導書曰郭默殺方州即用爲方州害宰相便爲宰相乎導答曰默居上流船艦成資故包含隱忍使其有地足下得以風發相赴豈非遵養時晦以定大事者耶侃省書笑曰是乃遵養時賊也侃既至默將宗侯縛默請侃降侃斬之默在中原數與石勒等戰賊畏其勇聞侃討之兵不血刃而擒也益畏侃詔侃都督江州領刺史侃移鎮武昌遣于斌與南中郎將桓宣西伐樊城破新野遂平襄陽拜大將軍劔履上殿入朝不趨贊拜不名上表固讓輿車出臨津就船明日薨

關外春秋

卷之九 文帥

四四

子樊谿時年七十六成帝下詔追贈大司馬假
密章祠以大牢策謚曰桓侃在軍四十一載雄
殺有權明悟善決斷自南陵迄於白帝數千里
中路不拾遺蘇峻之役庾亮輕進失利亮司馬
殷融詣侃謝曰將軍爲此非融等所裁將軍王
章至曰章自爲之將軍不知也侃曰昔殷融爲
君子王章爲小人今王章爲君子殷融爲小人
初議者以武昌北岸有制城宜分兵鎮之侃每
不答而言者不已侃乃渡水獵引將佐語之曰

關外春秋

卷九 文帥

聖

我所以設險而禦寇正以長江耳邾城隔在江
北內無所倚外接羣夷夷中利深晉人貪利夷
不堪命必引寇虜乃致禍之由非禦寇也且吳
時此城乃三萬兵守今縱有兵守之亦無益於
江南若羯虜有可乘之會此又非所資也後庾
亮戍之果大敗梅陶與親人曹識書曰陶公機
神明鑒似魏武忠順勤勞似孔明陸抗諸人不
能及也謝安每言陶公雖用法而恒得法外意
其爲世所重如此

按陶侃惟織密好問頗類趙廣漢嘗課營
種柳都尉夏施盜官柳植於已門侃見駭車
問曰此是武昌西門前柳何盜來此施惶怖
謝罪故幕府將吏率競競推戴莫敢犯焉乃
王貴張奕皆其部將也而降于杜弢何不能
管其反狀耶豈明有所不及歟

關外春秋

卷九 文帥

聖

觀以戚里之崇挹其膺而下拜茂弘以保衡
之貴服其言而動色望隆分陝理則宜然至
于時屬雷屯富逾天府潛有包藏之志顧思
折翼之祥恃矣
侃嘗夢生八翼飛而上天見天門九重已登
其八惟一門不得入闢者以杖擊之因墜地
折其左翼及寤左腋猶痛有善相者師圭謂
侃曰君左手中有一豎理當爲公若徹於上貴
不可言侃以針決之見血灑壁而爲公字是

以都督八州，手握強兵，潛有窺鼎之志，非純臣之節也。季年懷止足之分，不與朝權，差堪補過矣。若廢妾數十家，僮千餘，珍奇寶貨，逾於大內，此乃達官巨帥，常事而史以此致訾，措大眼孔小耳，不足為侃諤也。

侃惡參佐以戲譁廢事，命取其酒器，蒲博之，具悉投之。江曰：「枵蒲收猪奴戲耳，又惡小民不力，見人持一把未熟稻，曰：『汝既不佃，而戲賊人稻，執而鞭之。』性至孝，武昌號為多士。

閩外春秋

卷之九 文粹

三

殷浩、庾翼等皆為佐吏，每飲酒有定限，常權有餘而限已竭，浩等勸少進，侃淒懷良久，曰：「年少曾有酒失，亡親見約，故不敢踰。」張夔妻有疾，將迎醫於數百里，時寒雪，諸綱紀皆難之，侃曰：「資於事父以事君，小君猶母也。安有父母之疾而不盡心乎？」獨請行，衆咸服其義云。

三立堂新編閩外春秋卷之十一

華胥外史漢陽 尹商 手皇甫 著

唐待進尚書右僕射朔方行軍大總管前檢校
吏部尚書輔國大將軍同中書門下三品夏
官尚書檢校幽營等州都督安東都護同鳳
閣鸞臺三品右武威金吾二衛大將軍右肅
政御史大夫持節隴右諸軍副大使贈荊州
大都督宋國忠公唐休璟

唐璿字休璟以字行京兆始平人舉明經高第

關外春秋 卷之十一 文師

為營州戶曹參軍會突厥誘奚契丹叛都督周
道務以兵授休璟破之於蜀護山數賊多遷朔
州長史永淳中突厥圍澧州都督崔智辨戰死
朝廷議棄澧保靈夏休璟以為不可上疏曰澧
州控河道寇號為襟帶自秦漢以來常郡縣之
上田良美宜耕牧隋季喪亂不能堅守乃遷就
寧慶戎羯得以乘利而交侵始以靈夏為邊唐
初募人以實之西北一隅得以完固今而廢之
則河傍地復為賊有而靈夏亦不足自安非國

家利也高宗從其言垂拱中遷安西副都護會
吐蕃破焉耆安息道大總管韋待價等敗休璟
收其潰亡以定西土授靈州都督乃陳方略請
復四鎮武后遣王孝傑拔龜茲等城自休璟倡
之聖曆中授涼州都督右肅政御史大夫持節
隴右諸軍副大使吐蕃大將麴莽布支率騎數
萬寇涼州入洪源以兵數千臨高望之見賊旗
鏗鮮明謂麾下曰吐蕃自欽陵死替婆降莽布
支新將兵欲以示武且其下皆貴臣酋豪子弟

關外春秋 卷之十一 文師

騎雖精不習戰吾為諸君取之乃被甲先登六
戰皆克斬二將獲首三千五百築京觀而還吐
蕃來請和既宴使者屢規休璟后問焉對曰洪
源之戰是將軍多殺臣士卒其勇無比今願識
之後嗟異擢為右武威金吾二衛大將軍西突
厥烏質勒失諸蕃和舉兵相攻安西道閉武后
詔休璟與宰相計議邊事籌畫所當施行者既
而邊州建諸屯置盡如休璟策后曰恨用卿晚
進拜夏官尚書同鳳閣鸞臺三品后誦楊再思

李嶠、姚元崇等曰：休璟練知邊事，卿輩十不當一。收太子右庶子，仍知政事，會契丹入塞，復以夏官尚書檢校幽營等州都督、安東都護。時中宗爲皇太子，休璟將行，進啓曰：易之兄弟，恩寵過幸，數入禁闈，非人臣所宜。願加防察，帝復位，召授輔國大將軍，同中書門下三品、酒泉郡公。謂曰：初欲召公計事，以有北狄憂，前日直言，今未忘也。加特進尚書右僕射，賜邑三百戶，封朱國公。後累遷檢校吏部尚書，又以特進爲朔方

關外春秋

卷之十 文帥

二

按武人每非薄文士，而曰長鎗大劍，安用毛錐。此可以警庸人，未可以輕豪傑也。唐休璟授易于馬嘉運，傳禮于賈公彥，冲然儒者也。而熟練邊事，行師料敵，未嘗敗衄，蓋在周道，務崔智辨之上，楊再思、李嶠輩十不當一也。武后雖女主，而知人善任，幾與太宗等矣。評曰：善築敵者，輒云虜在目中，此未可易言也。夫虜變詐百出，疑鬼疑神，非明不足以料之，非勇不足以決之，若不能灼見其勝敗，而漫云在目中可乎。唐休璟料敵決勝，班班可冊，如守豐州，定西土，克蕪莽，布支籌，烏勒質，悉如所策，不愧名將矣。洪源之戰，所擊殺吐蕃士卒過當，吐蕃來請和，使者於御前願識其面，豈可與後世妄自標榜者同日語哉。功名富貴得意之處，不可再往，余觀廿一史所載將相若而人，未有再出而能善歸者。唐休璟年踰八十，鐘鳴漏盡，亦可以止矣。猶窺覷而希復用，因見賀婁尚宮方用事，附者

關外春秋

卷之十 文帥

四

輒榮赫乃爲子娶美女故復起宰相宜其不免于評論也况當國又無他毗益乎休璟弗悟而後人謂之、後人謂之而弗鑒之是使後人而復請後人也噫

休璟爲相時有高僧能爲厭勝術一日謂休璟曰相君將有大禍然可以禳去休璟懼僧曰當于甲冗官中訪一孤寒家貧有才幹者出爲曹州刺史既得之願以報某休璟訪於親友得張某卽日拜贊善大夫又旬日用爲

關外春秋

卷之一 文部

五

曹州刺史以告僧僧曰張君赴郡時當令求二犬高大而神駿者已而休璟以語張某既至郡果得二犬高數尺其臆廣尺餘神駿異常而又馴擾乃以獻休璟大悅召僧視之僧曰善育之脫相君之禍者二犬耳後旬日僧又至謂休璟曰事在今夕願早爲之備休璟卽留僧同宿第中命左右數十人執兵器立于榻側至夜分僧笑曰相君之禍免矣迨曉僧呼休璟借尋其迹至後園中見一人卧地

死其頸有血蓋爲犬所噬者又見二犬在大木下仰視之見一人袒而匿其旁詰之則云某與彼俱爲盜昨夕同來害相國遇此二犬彼遂爲所噬而死某懼因匿此二犬蹲于樹下欲視其他往將逃焉迨曉終不去今其死而已休璟曰爾罪固當死然非某心受制于人爾釋之盜拜泣而去然則史稱休璟行師料敵未嘗敗或皆其高僧之力與

關外春秋

卷之一 文部

六

唐鎮軍大將軍兵部尚書前右衛大將軍同中書門下三品攝御史大夫并州都督長史朔方軍總管右肅政臺中丞檢校幽州都督贈太子太保韓國公張仁愿

仁愿華州下邽人有文武材武后時累遷殿中侍御史萬歲通天中監察御史孫承景監清邊軍戰還自鬪先鋒常矢石狀武后歎曰御史乃能如是乎擢為右肅政臺中丞詔仁愿即敘其麾下功仁愿先問承景破敵曲折承景實不行

關外春秋

卷之二 文師

所問皆窮仁愿劾奏承景罔上虛列虜級貶崇仁令以仁愿代為中丞檢校幽州都督默啜寇趙定還出塞仁愿以兵邀之賊引去矢著其手武后遣使勞問賜藥注傅遷并州都督長史朔方軍總管沙叱忠義為突厥所敗詔仁愿攝御史大夫代之既至賊已去引兵蹙擊夜掩其營破之始朔方軍與突厥以河為界北压有拂雲祠突厥每犯邊必先謁祠禱解然後料兵渡而南時默啜悉兵西擊突騎施仁愿請屯軍於

漠南地於河北築三受降城絕虜南寇路唐休璟以為兩漢以下皆北守河今築城虜腹中終為所有仁愿固請中宗從之表留歲滿兵以助功咸陽兵二百人逃歸仁愿擒之盡斬城下軍中股慄役者盡力六旬而三城就以拂雲為中城南直朔方西城南直靈武東城南直榆林三壘相拒各四百餘里其北皆大磧也斥地三百里而遠又於牛頭朝那山北置烽候千三百所自是突厥不敢踰山牧馬朔方益無寇歲損費

關外春秋

卷之二 文師

億計減鎮兵數萬初建三城也不置壅門曲敵戰格或曰邊城無守備可乎仁愿曰兵貴攻取賤退守寇至當併力出拒有回望城者斬何事守備退忸其心哉後常元楷代為總管始築壅門議者益重仁愿而輕元楷景龍二年拜右衛大將軍同中書門下三品封韓國公春還朝秋復備邊帝為賦詩祖道賞賚不貲遷鎮軍大將軍後加兵部尚書稟祿全給卒贈太子太保仁愿為將號令嚴將吏信伏按邊撫師賞罰必直

功罪後人思之爲立祠受降城出師輒享
相文武兼者當時稱李靖郭元振唐休璟仁愿
云

按仁愿爲侍御史時御史郭弘霸稱武后爲
彌勒佛身又鳳閣舍人張嘉福王慶之請以
武承嗣爲皇太子邀仁愿聯章而正色拒之
是仁愿未嘗効力于女主也及仁愿逐虜而
矢著其手后乃賜藥注傳則則天之御下虛
而仁也未有成心也

關外春秋

卷之十 文帥

九

評曰世知三受降城之名而不知仁愿之功
也何也默墮之敢于南侵者以漠南無屯軍
而河北無兵之搗其後也。有此城而守則固
有此城而不置墮門而戰則力。仁愿之用意
深遠矣。元楷監于邢足以知之豈惟元楷即
唐休璟猶質質也信乎兵不易言也。
天下有二柄文武而已。至制勝御人其道雖
相通而實難相兼也。武則誇騎射而短于權
略。文則侈篇章而諛于經綸。若夫宰相代天

秩物變化人神惟有德者宜之若休璟仁愿
用以丞弼非疆所能耶。操功名之地則綽
綽矣。

關外春秋

卷之十 文帥

十

唐朔方軍大總管兵部尚書同中書門下三品

前涼州大夫前涼州都督贈太子少保代國公郭元振

元振本名震魏州貴鄉人以字行長七尺美須髯少有大志十六為太學生家常送資錢四十萬會有縷服者叩門自言五世未葬願假以治喪元振舉與之無少吝一不質名氏十八舉進士為通泉尉任俠使氣撥去小節嘗盜鑄及掠賣部中口千餘以餉遺賓客百姓厭苦武后召

國外春秋

卷之十

十一

欲詰問既與語奇之索所為文章上寶劍篇后覽嘉嘆詔示學士李嶠等即授右武衛鏡曹參

軍進奉宸監丞會吐蕃乞和其大將論欽陵請罷四鎮兵披十姓之地乃以元振充使因規虜情還上疏曰利或生害害亦生利國家所患唯吐蕃與默啜耳今皆和附是將大利於中國也若圖之不審害且隨之夫患在外者十姓四鎮是也患在內者其涼瓜肅是也開隴屯戍自三十年力用困竭脫其涼有警豈堪廣調發

為國者先料內以敵外不貪外以害內然後安

平可保欽陵以四鎮近已畏我侵掠此吐蕃之要然青海吐渾密邇蘭鄯易為我患亦國家之要今宜報欽陵曰四鎮本扼諸蕃走集以分其力使不得併兵東侵今委之則蕃力益彊易以擾動保後無東意當以吐渾諸部青海故地歸於我則俟斤部落還吐蕃矣此足杜欽陵口而和議未絕且四鎮久附其倚國之心豈與吐蕃等一旦分裂恐傷其意又言吐蕃久倦徭戍咸

國外春秋

卷之十

十三

願解和以欽陵欲裂四鎮專制其國故未歸款誠能歲發和親使使欽陵常拒不從則其下必怨斯亦離間之漸也后然其計後數年吐蕃君臣果相猜携卒誅欽陵而其弟贊婆等來降矣久之突厥吐蕃聯兵寇涼州拜元振為涼州都督初州境輪廣纔四百里虜來必傳城下元振始於南碇口置和戎城北磧置白亭軍制東要路遂拓境千五百里自是州無虜憂始收豐衍匹縑易粟數十斛支曆十年牛羊被野治涼五

歲夷夏畏慕河西諸郡置生祠揭碑頌德焉突厥酋烏質勒部落盛彊款塞願和元振卽其牙帳與計事會大雨雪元振立不動至夕凍冽烏質勒已老數拜伏不勝寒會罷卽死其子娑葛以元振計殺其父謀勒兵襲擊副使解琬勸元振夜遁元振不聽堅卧營中全不疑畏明日素服往弔道逢娑葛兵虜不意元振自來乃託言奉迎進至其帳脩弔贈禮哭甚哀留數十日爲助喪事娑葛感悅更遣使獻馬駝牛羊甚衆制

關外春秋

卷之十 文帥

十三

詔元振爲金山道行軍大總管烏質勒之將闕啜忠節與娑葛交怨屢相侵而闕啜兵弱不支元振奏請追闕啜入宿衛徙部落置瓜沙間詔許之闕啜遂行至播仙城遇經略使周以悌以悌教以重寶賂宰相無人朝請發安西兵導吐蕃以擊娑葛求阿史那獻爲可汗以招十姓請郭虔瓘使拔汗那蒐其鎧馬以助軍旣得復讐部落更存闕啜然之卽勒兵擊于闐坎城下之遂遣人間道齎黃金分遺宗楚客紀處訥等楚

客使就其謀元振上疏曰國家往歲不與吐蕃十姓四鎮而不擾邊者蓋其諸豪泥娑羅等屬國自有携貳故贊普南征身殞寇庭嫡庶競立將相爭權自相剪屠士馬疫癘財力困窮所以屈志於漢非實忘十姓四鎮也如其有力後且必爭今忠節忽國家大計欲爲吐蕃鄉道主人四鎮危機恐從此啓吐蕃得志忠節焉復得事我哉往吐蕃猶欲爭十姓四鎮今若効力樹恩則請分子闕疏勒者欲何理抑之且其國諸蠻

關外春秋

卷之十 文帥

十四

及娑羅門方自嫌阻藉令求我助討者亦何以拒之是以古之賢人不望夷狄妄惠非不欲其力懼後求無厭益生中國事也臣愚以爲用吐蕃之力不見其便又請阿史那獻者以其可汗子孫能招綏十姓也且斛瑟羅及懷道與獻父元慶叔僕羅兄俊子俱可汗子孫往四鎮以他旬十姓之亂請元慶爲可汗卒亦不能招來而元慶沒賊四鎮淪陷忠義亦嘗請以斛瑟羅及懷道爲可汗矣十姓未附而碎葉幾危又吐蕃

亦嘗以倭子僕羅并拔布爲可汗矣亦不能得
十姓而皆自亡滅蓋其子孫無惠下之才恩義
素絕故也豈止不能招懷且復爲四鎮患則册
可汗子孫其効罔試矣獻又遠於其父兄人心
何能卽附若兵力足取十姓不必要須可汗子
孫也又請以郭虔瓘蒐兵稅馬於拔汗那往虔
瓘已嘗與忠節擅入其國臣時在疏勒不聞得
一甲一馬而拔汗那挾忿侵擾南導吐蕃將倭
子以擾四鎮且虔瓘往至拔汗那國四面無助

國外春秋

卷之十 文帥

十五

若履虛邑猶引倭子爲敵况今北有娑葛知虔
瓘之西必引以相援拔汗那倚堅城而抗於內
突厥遺伺於外虔瓘等豈有幸哉疏奏不旨楚
客等因建遣攝御史中丞馮嘉賓持節安撫關
隘以御史呂守素處置四鎮以牛師獎爲安西
副都護代元振領甘涼兵召吐蕃併力擊娑葛
娑葛知楚客謀大怒卽發兵出安西接換焉耆
疏勒各五千騎於是關隘在計舒河與嘉賓會
娑葛兵奄至擒關隘殺嘉賓呂守素牛師獎遂

陷安西四鎮路絕元振屯疏勒水上未敢動楚
客復表周以悌代元振且以阿史那獻爲十姓
可汗置軍焉耆以取娑葛娑葛遣元振書且言
無仇於唐而楚客等受關隘金欲加兵擊滅故
我唐死而關且請斬楚客元振奏其狀楚客大
怒誣元振有異圖召將罪之元振使子鴻問道
奏乞留西土不敢歸京師以悌乃得罪流白州
而赦娑葛睿宗立召爲太僕卿將行安西酋長
有鵞而哭送者旌節下玉門關去涼州猶八百

國外春秋

卷之十 文帥

十六

里城中爭具壺漿歡迎都督嗟嘆以聞進同中
書門下三品封館陶縣男後爲朔方軍大總管
藥寶安定遠城尋以兵部尚書復同中書門下
三品睿宗誅太平公主睿宗御承天門諸宰相
走伏外省獨元振總兵扈帝事定宿中書省者
十四昔乃休進封代國公賜一子官俄又兼御
史大夫復爲朔方大總管以備突厥未行會玄
宗講武驪山既三合帝親鼓之元振遽奏請止
帝怒軍容不整引坐蕭下將斬之劉幽求

扣馬首諫曰。元振有大功。雖得罪當宥。乃赦死。流新州。開元元年。帝思舊功。起爲饒州司馬。快不得志。道病卒。年五十八。十年。贈太子少保。元振雖少雄邁。及貴。居處乃儉約。手不置書。人不見其喜愠。

按人主銓敘流品。固不在語言文字間。而亦可觀其所以。則天覽元振寶劍篇。卽詔示學士。而授參軍。進監丞。其憐才熱賜。在世主上矣。而元振之才。雅不負則天也。不許論欽陵。

開外春秋

卷之二 文帥

三

之請。而欲和吐蕃。以問之。制東要路。以絕虜患。闕田盡利。以致豐稔。計殺烏質勒。而使其子婆葛知感。抗疏以明闕毀。所請不可從。朝廷不省。遂至激變。宗楚客紀處納之罪。可勝誅哉。

評曰。宰相於人主最親且近。歷代日爲心膂之臣。安則同其樂。危則同其憂。未有人主焦勞戡定。而密勿元老。可偷息于周盧之外者也。方玄宗誅太平公主時。睿宗御承天門。諸

宰相皆走。獨元振總兵扈帝。事定猶宿中書者十四。昔帝德之。進封代國公。諸宰相亦知愧否。但元振功顯節完。一跌不復。天奪之年。奈何。

蠻夷遠鳥獸之心。難以化誨。懷服。元振久戍邊城。入爲同卿。安西酋長有虜面。哭送者。旌節下玉門。門去涼州尚廿由旬。城中爭具壺漿歡迎。於戲。何修而臻此。與後之爲邊帥者。當奉以爲模楷矣。

開外春秋

卷之二 文帥

一八

唐中書令侍中司徒平章軍國重事開府儀同
三司前檢校尚書右僕射兼門下侍郎平章
事守司空金紫光祿大夫弘文館大學士上
柱國晉國公山南東道淮南彰武軍三節度
使淮西宣慰招討處置使鎮州行營招討使
贈太傅加贈太師謚文忠裴度

度字中立河東聞喜人貞元初擢進士第以宏
辭補授書郎舉賢良方正異等元和六年以司
封員外郎知制誥田弘正效魏博六州於朝竄
關外春秋 卷之十文師 五

宗遣度宣慰弘正知度為帝高選故郊迎趨謁
受命且請徧至諸州布揚天子德澤魏人由是
悅服還拜中書舍人久之進御史中丞宣徽五
坊使方秋闈鷹犬所過撓官司厚得餉謝乃去
下邳令裴寰才吏也寰不為禮因構寰送詔獄
當大不恭宰相武元衡等不能解度入奏事言
寰無罪上怒曰如卿之言寰無罪即杖小使小
使無罪且杖寰度曰按罪誠如聖旨但寰為令
惜陛下百姓安可罪上色霽乃釋寰王師討蔡

以度視行營諸軍還奏攻取策與帝意合且問
諸將才否度對李光顏義而勇當有成功不三
日光顏破時曲兵帝歎度知人進兼刑部侍郎
王承宗李思道謀緩蔡兵伏盜京師刺用事大
臣已害宰相元衡又擊度刃三進斷鞅刺背裂
中單又傷首度冒虜得不死哄導駭伏獨驍王
義持賊大呼賊斷義手度墜溝賊意已死因亡
去議者欲罷度安二鎮反側帝怒曰度得全天
也若罷是賊計適行吾倚度足破三賊矣度亦

關外春秋 卷之十文師 五
以權紀未張王室凌遲常憤愧自行管歸知賊
曲折帝益信仗及病創一再旬分衛兵護第存
候踵路疾愈詔無須宣政衙即對延英拜中書
門下平章事時方連諸道兵環駑不解內外大
恐及度當國內外始安由是討賊益急始德宗
時尚苛伺中朝士相遇金吾輒飛啓宰相至闕
門謝賓客度以時多故宜延天下髦英咨籌策
乃請還第與士大夫相見詔可于時討蔡數不
利羣臣爭請罷兵度奏病在腹心不時去且為

大患不然兩河亦將視此為逆順帝曰一勝一負兵家常勢若師常利則古何憚用兵耶今但論帥臣勇怯兵強弱處置何如耳渠一敗便沮成計乎於是左右不能間十二年宰相李逢吉建言餉億煩匱宜休師唯度請身督戰帝獨目度留曰果為朕行乎度俯伏流涕曰臣誓不與賊偕存臣比觀吳元濟表勢寔窘蹙但諸將心不一不併力迫之故未降耳若臣自詣行營諸將恐臣奪其功必爭進破賊矣即拜門下侍郎

關外春秋

卷之二 文帥

三

平章事彰武軍節度淮西宣慰招討處置使度以韓弘領都統乃上還招討以避弘然實行都統事於是表馬總為宣慰副使韓愈行軍司馬李正封馮宿李宗閔備兩使幕府入對延英曰主憂臣辱義在必死賊未授首臣無還期帝壯之為流涕及行御通化門臨遣賜通天御帶發神策騎三百為衛度屯郟城勞諸軍宣朝廷德意是時諸道兵悉中官統監自處進退度奏罷之使將得專制號令一戰氣倍未幾李愬夜入

懸孤城縛吳元濟以報度遣馬總先入蔡明日統洞曲降卒萬人持節徐進撫定其人度以蔡牙卒侍帳下或謂不可度笑曰吾為彰義節度元惡已擒人皆吾人也入朝進上柱國晉國公復知政事十三年上命六軍修麟德殿戶部侍郎判度支皇甫鎛衛尉卿鹽鐵轉運使程異數進羨餘以供費由是有寵鎛又以厚賂結吐突承璀並同平章事判使如故制下朝野駭愕裴度崔羣極陳其不可不聽表求自退不許度復

關外春秋

卷之二 文帥

三

上疏云以為臣若不退天下謂臣不知廉耻臣若不言天下謂臣有負恩寵臣如烈火燒心衆竊叢體所可惜者淮西盪定河北底寧承宗歛手削地韓弘與疾討賊豈朝廷之方能制其命哉直以處置得宜能服其心耳陛下建升平之業十已八九何忍還自墮壞使四方解體乎上不之省度乃纂述蔡鄆用兵以來憂勤機略因侍宴獻之請內印出付史官然卒為異鎛所構以檢校尚書右僕射兼門下侍郎平章事為

河東節度使穆宗即位、進檢校司空朱克融于
廷、奏亂河朔、加度鎮州行營招討使、時元稹結
宦官魏弘簡、求執政、恐度復當國、因經置軍事、
數持梗、不使有功、度恐亂作、即上書、暴稹過惡、
以爲逆、豎構亂、震驚山東、姦臣作朋、撓敗國政、
陛下若掃蕩幽鎮、先宜肅清朝廷、何者、河朔患
小、禁闈患大小者、臣與諸將必能翦滅、大者非
陛下覺悟制斷、無以驅除、臣自興兵以來、蒙陛
下委付之意、不輕遺姦臣、抑損之事不少、但欲

關外春秋 卷之十一 文帥 三三

令臣失所、使臣無成、則天下理亂、山東勝負、悉
不顧矣、表三上、上不得已、罷弘簡、擢近職、俄擢
稹宰相、稹怨裴度、欲解其兵柄、故勸上、雪王廷
溱而罷兵、以度守司空平章事、東都留守、諫官
叩延英言不可、帝不省、會中人使幽鎮還、言軍
中爲度在朝、而兩河諸候無不懷畏、今居東、人
人失望、帝悟、詔度由太原朝京師、及陛見、感慨
流涕、伏未起、謁者欲宣旨、帝遽曰、朕當延英待
卿、始議謂度無援、且久外爲奸、檢推抑、慮帝

未能明其忠、及進見、辭切氣怡、卓然當天子意、
在位聞者皆竦、毅將貴臣、至嗟咨出涕、舊儀閣
中羣臣未退、宰相不奏事稱賀、則謁者答、帝以
度助德、故待以殊禮、度之行、移書問說、傅以大
誼、二人遂願罷兵、昭義監軍劉承偕、慢劉悟舉
軍譁怒、執承偕、悟拘以聞、帝怒、問度何施而可、
度曰、臣素知承偕怙寵、悟不能堪、嘗以書訴臣、
帝曰、悟胡不自聞、度曰、雖悟得聞、恐陛下不必
聽、且臣視天顏不咫尺、比尚未能決、千里單言、

關外春秋 卷之十一 文帥 三三

可悟聖聽哉、帝曰、前語姑置、直爲今日柰何、度
曰、獨斬承偕、則羣盜破膽矣、帝曰、更言其次、度
曰、投諸荒裔可乎、帝可之、悟果出承偕、昭義遂
安、是時徐州王智興、逐崔羣、諸軍盤互河北、議
者交口請相度、乃以本官兼中書侍郎平章事、
權佞側目、謂逢吉善謀、可以構度、共諷帝自襄
陽召逢吉還矣、度居位再閱月、果爲逢吉所間、
罷爲左僕射、已而逢吉代相、乃出度山南西道
節度使、長慶四年、王廷湊屠牛元翼之家、敬宗

蓋悅歎幸輔非人。學士韋處厚上疏曰：臣聞汲黯在朝，淮南寢謀，干木處魏，諸侯息兵。裴度元勳巨德，文武兼備。若位廊廟，委參決，不能使戎虜畏威，幽鎮自臣。陛下當饋而歎，恨無蕭曹。今一裴度，擯弃于外，所以馮唐知漢文帝有頗牧不能用也。時敬宗雖孺蒙然，實注意度。中人至度所，必丁寧慰安，且示召期。寶曆二年，度請入朝。於是詔復使輔政。朱克融執留賜春衣使。楊文瑞表稱所屬濫惡，又旬假度支帛三十萬。

關外春秋 卷之十 文帥 五

端且請遣工五千助修東都，須天子東巡。帝怒，患之。欲遣一重臣臨慰，曰：克融無恚而悖，必將滅亡。譬如猛虎自哮，躍山林。憑窟穴則然，勢不得離其處。人亦不懼。今亦不須遣使，第以詔書言中人倨驕，須還我。當有處分。春衣不謹，方詔有司。所請丁匠，可速遣來。已勅所在供擬。此則賊謀窮矣。若未能然，則報云：東都宮闕事在有司，不假卿遣丁匠遠來。朝廷緣召發，乃有賜與。朕無所愛，祇是事體不可獨與范陽。帝曰：善。用

度次第克融聽命，歸文瑞未幾，軍亂殺克融。帝崩，定策誅劉克明等，迎立江王。是為文宗。加門下侍郎，進階開府儀同三司，賜實封三百戶。大和四年，數引疾，願上政事。乃詔進司徒。平章軍國重事。度自見功高位極，不能無慮。稍詭跡，避禍。於是牛僧孺、李宗閔輔政，媚度功，乃共短損之。又因度辭位，即白帝進兼侍中，出為山南東道節度使。八年，徙東都留守。俄加中書令。時關豎擅威，天子擁虛器，縉紳道喪。度不復有經濟

關外春秋 卷之十 文帥 五

意，乃治第東都，集賢聖，午橋作別墅，具煥館涼臺，號綠野堂。激波其下，野服蕭散。與白居易劉禹錫為文章，把酒窮晝夜相譁，不問人間事。而帝知度雖老，神明不衰。開成二年，復以本官節度河東。度辭老疾，帝曰：為朕卧護北門，可也。度乃之鎮。三年，以病旬還東都，真拜中書令。卧家未克謝薨，年七十六。帝聞震悼，册贈太傅。謚文忠。命京兆尹護喪。度臨終，自為銘志。帝惟無遺奏，勅家人索之，得半藁，以儲貳為請，無私言會

昌元年加贈太師太中初詔配享憲宗廟廷度
退然纔中人而神觀邁爽操守堅正善占對既
有功名震四夷使外國者其君長必問年歲幾
何狀貌孰似天子用否其威譽德業比郭汾陽
而用不用常爲天子重輕及歿天下莫不思其
風烈葬管城遠今廟食五子議稔知名

按宰相位高貴重誠不宜樹私人植朋黨然
集思廣益武侯所以稱賢相也何至杜門謝
客自蔽其耳目乎裴公因天下多故請于人

外未承

卷之二 文帥

三七

王還第與士大夫相見便翻却舊時窠臼由
是身任討賊卒擒元惡厥功茂焉然必先奏
罷中官統監而後李愬得以特將自由耳若
近日中官四出且得持監司之短長操將領
之殿最而撫按反伺其鼻息莫敢與之異同
矣任平章者裴公傳不可不讀也

淮西之亂以裴度爲元帥及召對上曰僞蔡
稱兵朕於擇帥甚難其人也且安天下用將
帥如造大舟以越滄海其功則多其成則大

一日萬里無所不屈若乘一葉而蹈洪波其
功也寡其覆也速朕今託元老以摧狂寇真
一日萬里矣度曰微臣叨蒙大用惟慮一丸
之卵不足以勝太山款良之馬不足以行千
里但竭臣至忠以仗宗廟之靈臣雖不才敢
以死效命泣不霑濡若不勝語上亦爲之動
容

評曰憲宗討蔡前後四年元濟外連姦臣刺
宰相及用事者沮駭朝謀惟天子赫然排羣

外未承

卷之二 文帥

三七

議任度政事倚以討賊身自督戰遂平淮西
非獨破賊之難任度之難也韓愈頌其功曰
凡此蔡功惟斷乃成其知言哉穆宗不君愴
人腐夫乘釁錯誡而度遂無顯功非前智而
後愚也用不用異也前史稱度晚節頗浮沉
爲自安計是不然大雅曰既明且哲以保其
身度何嘗云

白樂天寄晉公詩云聞說風情筋骨在只如
初破蔡州時足證公之爲元帥年雖老而神

明不衰也

公討元濟時命封人深池濠得一石上有銘曰井底一竿竹竹色深綠綠雞未肥酒未熟障車兒郎且須縮公以示從事令辯其義咸不能究俄有一卒自行間躍而賀曰逆賊成擒矣石銘是其兆也井底一竿竹竹色深綠綠者言吳少誠由行間一卒遂擁十萬兵為帥且喻其榮也雞未肥者言無肉也以肥去肉為已字也酒未熟者言無水也以酒去水

周外春秋

卷之十 文帥

五元

為酉字也障車兒郎謂兵革之士也且縮者謂直退守其所也推而言之則已酉日當冠也公喜顧左右曰卒辯者也歎而異之是歲冬十月李愬將兵入淮西生得元濟盡誅反者公校其日果已酉也公益奇之擢此卒為裨將

公在中書左右忽白失印聞者失色公即命張筵舉樂人不曉其故竊恠之夜半飲酣左右復白印在公不答極歡而罷或問其故曰

此出於胥徒盜印書券耳急則投諸水火緩則復還故處時人服其雅量

憲宗嘗賜公玉帶一圍公臨薨却進使門人作表皆不如意乃令子弟執筆口占狀曰內府之珍先朝所賜既不敢將歸地下又不合留向人間謹却封進聞者歎其簡切公有詩云飽食緩行初睡覺一甌新茗侍兒煎脫巾斜倚繩床坐風送水聲來耳邊可想見蕭灑之致

周外春秋

卷之十 文帥

手畫一

公未第時乘蹇驢上天津橋二老人曰須此人為相公曰見我龍鍾故相戲耳晉公風貌不揚嘗自讚小像云爾貌不揚爾身不長胡為而將胡為而相夫子自道也故不旁溢一語公不信術數不好服食每語人曰鷄猪魚蒜逢着即喫生老病死時至則行其器抱弦達皆此類也

宋叅知政事樞密副使陝西四路宣撫知邠州

前耀州環慶路經略使范仲淹

仲淹字希文吳縣人舉進士第為廣德軍司理參軍以母喪去官晏殊知應天召寘府學服除以殊薦為秘閣校理尋通判河中府徙陳州太后崩召為右司諫以蝗旱奉命安撫江淮還出知睦州徙蘇州召還判國子監仲淹自是言事愈急罷知饒州元昊反延州諸砦多失守仲淹請行改知延州先是詔分邊兵總管領萬人鈐

開外春秋

卷之十又帥

三

轄領五千人都監領三千人寇至禦之則官卑者先出仲淹曰將不擇人以官為序取敗之道也於是分為六將將各三千人分部教閱量賊眾寡更出禦之城青澗以據賊衝大興營田聽民互市又以民遠輸勞苦請建邨城以河中同華中下戶稅租就輸之春夏徙兵就食可省糴之三明年詔諸路入討仲淹曰五月塞外大寒我師暴露不如俟春深入况邨延密邇霧夏西羌必由之地第按兵不動以觀其釁許臣稍以

恩信招來之若臣策不効當舉兵先取綏宥

要害屯兵營田為持久計則茶山橫山之民必挈旗來歸拓疆禦寇策之上也帝皆用之仲淹又請修承平末平等十二砦於是江漢之民相踵歸業久之以與元昊通書降本曹員外郎知耀州環慶路經略使改邠州觀察使仲淹表言觀察使班待制下臣守邊數年羌人頗親愛臣呼臣為龍圖閣老子今退而與王典朱觀為伍恐為賊輕辭不拜慶之西北馬舖砦當後橋川

開外未承

卷之十又帥

三

口在賊腹中仲淹欲城之度賊必爭密遣子純祐先據其地引兵隨之諸將不知所向行至柔遠版築皆具旬日城成即大順城也賊覺以騎三萬來戰佯北仲淹戒勿追已而果有伏大順既城而白豹金湯皆不敢犯環慶自北寇益少時明珠滅賊有勁兵數萬仲淹聞涇原欲襲討之乃上言曰二族道險不可攻攻之必與賊表裏南入原州西擾鎮戎東侵環州矣若北取細腰胡蘆泉泉為保障以斷賊路則二族安而環

州鎮戎徑道通徹，可以無憂。其後細築細腰，胡
盧諸砦，時已命文彥博經略涇原。帝以涇原有
傷夷，欲對徙仲淹。遣王懷德喻之。仲淹謝曰：「涇
原地重，恐臣不足獨當。乞與韓琦同經略，並駐
涇州。涇原有警，臣與韓琦合秦鳳環慶之兵，倚
角而進。若秦鳳環慶有警，亦可率涇原之師為
援。」願詔龐籍兼領環慶，以成首尾之勢。秦州委
文彥博，慶州用滕宗諒。帝皆從之。後元昊遂請
和，乃召拜仲淹為樞密副使，復除叅知政事。帝

闕外春秋 卷之十 文師 四

方銳意太平，數問當世事。仲淹退而上十事，天
子方信嚮，悉採用之。時議弛茶鹽之禁，及減商
稅。仲淹以為茶鹽之入，但分減商賈之利耳。今
國用未減，歲入不可闕。既不取之山澤及商賈，
須取之於農。與其害農，孰若取之於商。議遂寢。
仲淹每患諸路監司不才，取班簿視不才者，皆
一筆勾之。富弼謂仲淹曰：「六丈則是一筆，焉知
一家哭矣。」仲淹曰：「一家哭，何如一路哭耶？」初，仲
淹以忤呂夷簡放逐者數年，及陝西用兵，天子

以仲淹士望所屬，拔用之。及是召還，倚以為治。
中外想望其功業，而仲淹亦以天下為己任。裁
削倖濫，考覈官吏，日夜與致太平論者以為難
行。自按察史出，多所舉劾，人心不悅。任子恩薄，
磨勘法密，僥倖者益不便。於是謗毀稍行，而朋
黨之論浸聞矣。時邊陲有警，因與樞密副使富
弼請行邊。時呂夷簡已老，居鄭。仲淹往見之，夷
簡曰：「何為極去？」仲淹答言經制西事，事畢即還
也。夷簡曰：「經制西事，莫如君。在朝便且君此行，正

闕外春秋 卷之十 文師 五

蹈危機，豈復載入？」自仲淹出，攻者益急。仲淹亦
自請罷，乃以陝西四路宣撫使知邠州。仲淹以
病請鄧州，徙青州，會病甚，請頰州，未至卒。年六
十四。謚文正。仲淹所至有恩，邠慶二州之民與
屬羌皆畫像生祠祀之。及卒，羌酋數百哭之如
父。齋三日，乃去。韓琦為經略，詔討副使，時欲五
路進兵以平夏。仲淹守延州，持不可。尹洙為經
略，判官將命至慶州，歎曰：「公不及韓公矣。」凡用
兵宜置勝敗於度外，今何過慎邪？」仲淹曰：「大軍

一動萬命所懸。可置度外乎。琦遂舉兵。全師陷沒。任福死之。琦還至半途。亡者父兄妻子數千人。呼號馬首。皆持故衣紙錢招魂。而琦不勝悲憤。淹泣。仲淹歎曰。當是時。難置勝敗於度外也。仲淹與琦協謀。必欲收復靈夏橫山之地。邊上謠曰。軍中有一。西賊聞之心骨寒。軍中有一。范西賊聞之。驚破膽。元昊大懼。遂稱臣。慶曆二年。南郊赦書。仲淹因奏言。懷才抱藝之人。一落散地。終身不齒。獸窮則變。人窮則詐。理亦然。

陶外春秋

卷之十文師

四

也。况今邊事未寧。尤宜使過。乞差近臣就中書。定奪元犯情理。分作等第。又委長吏。密切體量。上件人。或有材質。或有節行。亦具申奏。唐張說。為負犯之人。充將帥之用。其表云。活人於死者。必含生而報恩。榮人於辱者。必盡節而雪耻。今猶是也。西賊攻塞門砦。擒高延德。後放歸漢界。朝廷遂配之遠方。仲淹言。將率陷在賊廷。俱是苦戰力屈。出不得已。如朝廷貸高延德。仍與近邊任使。則陷蕃將率。聞之。必願吳賊歸順。望再

見其家矣。或即懷本朝之恩。不助賊計。皆人情之可見者也。劫盜張海。將過高郵。知軍晁仲約。度不能禦。喻軍中富民。出金帛牛酒迎勞之事。聞朝廷大怒。富弼議欲誅仲約。仲淹曰。郡縣兵械。足以戰守。遇賊不禦。而反賂之。此法所誅也。今高郵無兵與械。事有可恕。戮之非法意也。且小民之情。得贖出財物。而免於殺掠。必喜。仁宗乃釋之。弼愠曰。方欲舉法。而多方沮撓。何以整衆。仲淹密告之曰。祖宗以來。未嘗輕殺臣下。柰

陶外春秋

卷之十文師

四

何欲輕壞之。他日手滑。恐吾輩亦未可保也。弼不以為然。及二人出按邊。弼自河北還。及國門。不得入。比夜。徬徨遶牀。歎曰。范六丈。聖人也。吳中大饑。仲淹領浙西。發粟乃募民存餉。為術甚備。吳人喜競渡。好為佛事。仲淹乃縱民競渡。太守日出宴於湖上。自春至夏。居民空巷出游。又召諸佛寺主守。諭之曰。饑歲工價至賤。可以大興土木。於是諸寺工作鼎興。又新教倉吏舍。日役千夫。兩浙大饑。惟杭晏然。仲淹之力也。其為

西師時狄青隸節下，咸奇之，為國器。仲淹授以左氏春秋，曰：「熟此可以斷大事。」將不知古今，匹夫之勇耳。

按人臣立朝，貴於謹密持重，不在乎風力自雄也。希文自江淮還，言事愈急，鋒鏑不太露，即勾不才監司，裁抑任子，何更張之驟也。評曰：希文措置邊事，洵有才智，使其不及於聲名，則宰天下與臨邊一也。何乃為將則長，而為相反短乎？使公終日伴食於朝，未必

開外春秋

卷之十文帥

吳

無補，何須日夜更張自苦為哉？夷簡謂經制西事，莫如在朝便一出國而誇毀得行，不能復安其位矣。

甚矣史之不足信也。韓范經略西夏，原未得志，及五路進兵，全師皆覆，任福死焉。西賊云：「何而心寒膽破也？」當時王堯仁上疏論兵，而云：「韓范皆忠義智勇，不當置之散地，其後劉廬陵亦曰：『元昊寇邊，非韓范出而當其任，西邊之事，何人能辦？殆所謂耳食者與。』」

希文志在招納，故通書元昊，及元昊答書，語多不遜。希文對其使焚之，朝議以希文不當通書，又不當輒焚。宋庠請斬希文，杜衍曰：「希文蓋忠於朝廷也，何可深罪？乃薄責之，庠以文學致位，不知任事之難，史稱其練習故典，遇事輒分別是非，豈其然哉？」

使張暉陽不愛死，則郭令公不得羨收京之勲。使段司農不亟死，則李太尉不得專克復之績。使范文正不貪宋朝人物第一之名，則

開外春秋

卷之十文帥

吳

巍巍相業，又豈落公魏公諸賢所敢望哉？何也？以此三公者，才智固有以大過人也。惟有以累之，故其智不得發，而才不得小焉耳。然亦古今之傑矣。天下惟相才將才最難得也。相才得，然後朝廷尊。將才得，然後朝廷益尊。若其他技能，皆收羅畢舉於將相之門者，安可與將相並論也。

三立堂新編開外春秋卷之十

三立堂新編閩外春秋卷之十一

華胥外史漢陽 尹商 著

宋尚書右僕射同中書門下平章事兼樞密使

都督建康鎮江江州池州江陰軍軍馬前少

師保信軍節度少傅江淮東西路宣撫使觀

文資政殿學士特進金紫光祿大夫贈太保

加太師忠獻魏國公張浚

浚字德遠漢州綿竹人父咸舉進士賢良兩科

浚四歲而孤行直視端無詭言識者知為大器

閩外春秋

卷一 文師

一

中進士第靖康初為太常簿張邦昌僭立逃入

太學中聞高宗即位馳赴南京除樞密院編修

官改虞部郎擢殿中侍御史駕幸東南後軍統

制韓世忠所部逼逐諫臣墜水死浚奏奪世忠

觀察使上下始知有國法遷侍御史時乘輿在

揚州浚言中原天下之根本願下詔葺東京關

陝襄鄧以待巡幸拂宰相意除集英殿修撰知

興元府未行權禮部侍郎高宗召諭曰卿知無

不言言無不盡朕將有為正如欲一飛冲天而

無羽翼卿勉留輔朕除御營使司叅贊公事浚

度金人必來攻而廟堂晏然殊不為備力言之

宰相黃潛善汪伯彥皆笑其過計建炎三年春

金人南侵車駕幸錢塘留朱勝非于吳門捍禦

以浚同節制軍馬會苗傅劉正彥作亂改元赦

書至平江浚命守臣湯東野秘不宜未幾傅等

以檄來浚慟哭召東野及提點刑獄趙哲謀起

兵討賊時傅等以承宣使張俊為秦鳳路總管

後將萬人還將卸兵而西浚知上遇俊厚急邀

閩外春秋

卷一 文師

二

俊握手而泣因告以起兵問罪之意時呂頤浩

節制建業劉光世領兵鎮江浚遣人登蠟書約

頤浩光世以兵來會而命浚分兵扼吳江上疏

請復辟傅等謀命浚將所部詣行在浚以大兵

未集未可誦言討賊乃託云張俊驟回人情震

警不可不少留以撫其軍會韓世忠舟師抵常

熟張浚曰世忠來事濟矣白浚以書招之世忠

至對浚慟哭曰世忠與俊請以身任之浚因大

將士呼至前抗聲問曰今日之舉孰順孰逆

衆皆曰賊逆我順。浚曰聞賊以重賞購吾首。若浚此舉違天悖人。汝等可取浚頭去。不然一有退縮。悉以軍法從事。衆咸感憤。於是令世忠以兵赴關。而戒其急趨秀州。據糧道以俟大軍之至。世忠至秀。即大治戰具。會傳等以書招浚。浚報云。自占言涉不順。謂之指斥乘輿。事涉不遜。謂之震驚宮闕。廢立之事。謂之大逆不道。大逆不道者。族。今建炎皇帝不聞失德。一旦遜位。豈所宜聞。傳等得書恐。乃遣重兵扼臨平。亟除浚。

綱外解狀

卷二 文師

三

世忠節度使。而誣浚欲危社稷。責柳州安置。浚世忠拒不受。會呂頤浩劉光世兵踵至。浚乃聲傳正彥罪。傳檄中外。率諸軍繼進。初浚遣客馮輻往說傳等。會大軍且至。傳正彥不知所出。輻知其可動。即以大義白宰相朱勝非。使率百官請復辟。高宗御筆除浚知樞密院事。浚進次臨平。賊兵拒不得前。世忠等搆賊大破之。傳正彥脫遁。浚與頤浩等入見。伏地涕泣待罪。高宗問勞再三。曰。曩在睿聖。兩宮隔絕。一日啜羹。小黃

門忽傳太母之命。不得已貶卿柳州。朕不覺羹覆于手。念卿被請。此事誰任。留浚引入內殿。曰。皇太后知卿忠義。欲識卿面。適垂簾見卿過庭矣。解所服玉帶以賜。高宗欲相浚。浚以晚進不敢當。傳正彥走閩中。浚命世忠追縛之以獻。與其黨皆伏誅。盜薛慶嘯聚淮甸。至數萬人。浚恐其滋蔓。徑至高郵。入慶壘。喻以朝廷恩意。慶感服下拜。浚留撫其衆。或傳浚爲賊所執。呂頤浩等遽罷浚。樞亮浚歸。高宗驚嘆。即日起就職。浚

綱外奉承

卷二 文師

四

謂中興當自關陝始。慮金人或先入陝取蜀。則東南不可保。遂慷慨請行。詔以浚爲川陝宣撫。處置使。得便宜。黜陟。將行。御營平寇將軍范瓊擁衆自豫章至。行在。先是靖康城破。金人逼脅君后太子宗室北行。多瓊之謀。又乘勢勦掠。左右張邦昌爲之從衛。至是入朝。恃傲無禮。且乞貸逆黨。傳正彥等死罪。浚奏瓊大逆不道。乞仲典憲。翌日召瓊至都堂。數其罪。切責之。送棘寺論死。分其軍隸神武軍。然後行。與松江襄漢守

臣議儲蓄以待臨幸帝問浚大計浚請身任陝
蜀之事置幕府於秦川別遣大臣與韓世忠鎮
淮東令呂頤浩扈蹕來武昌復以張俊劉光世
與秦川相首尾議既定浚行未及武昌而頤浩
變初議浚既抵興元金人已取郿延驍將婁宿
李董引大兵渡渭攻永興諸將莫肯相援浚至
卽出行關陝訪問風俗罷斥姦賊以搜攬豪傑
爲先務諸將惕息聽命會謀報金人大攻江淮
浚卽治軍八衛及知金人北歸復還關陝時金

關外春秋

卷二 文師

五

帥兀朮猶在淮西浚懼其復據東南謀牽制之
遂決策治兵合五路之師以復永興金人大恐
急調兀朮等由京西入援大戰於富平涇原帥
劉鈞身率將士薄敵陳殺獲頗衆會環慶帥趙
哲擅離所部哲軍將校望見塵起驚遁諸軍皆
潰浚斬哲以徇退保興州命吳玠聚兵扼險于
鳳翔之和尚原大散關以斷敵來路關師古等
聚熙河兵于岷州大潭孫渥賈世方等聚涇原
鳳翔兵于階成鳳三州以固蜀口浚上書待罪

帝手詔慰勉紹興初金將烏魯攻和尚原吳玠
乘險擊之金人大敗走兀朮復至玠與弟璘復
邀擊大破之兀朮僅以身免亟鬻其須髯遁歸
拜浚檢校少保定國軍節度使浚在關陝三年
調新集之兵當方張之敵以劉子羽爲上賓任
趙開爲都轉運使擢吳玠爲大將守鳳翔子羽
慷慨有才略開善理財而玠每戰輒勝西北遺
民歸附日衆故關陝雖失而全蜀按堵江淮亦
賴以安初辛炳知潭州浚在陝以檄發兵炳不

關外春秋

卷二 文師

六

遣浚奏劾之至是炳爲御史中丞率同列劾浚
以本官提舉洞霄宮居福州浚既去國慮金人
釋川陝之兵必將併力窺東南而朝廷已議講
解乃上疏極言其狀未幾劉豫之子麟果引金
人入攻高宗思浚前言策勉朱勝非而參知政
事趙鼎請幸平江乃召浚以資政殿學士提舉
萬壽觀兼侍讀入見高宗手詔辨浚前誣除知
樞密院事浚既受命卽日赴江上視師時兀朮
擁兵十萬于楊州約日渡江決戰浚長驅臨江

召韓世忠張俊劉光世議事將士見浚勇氣十倍浚既部分諸將身留鎮江節度之世忠遣麾下王愈請兀朮約戰且言張樞密已在鎮江兀朮曰張樞密貶嶺南何得乃在此愈出浚所下文書示之兀朮色變夕遁五年除尚書右僕射同中書門下平章事兼知樞密院事都督諸路軍馬趙鼎除左僕射浚與鼎同輔治巨寇楊么據洞庭屢攻不克浚以建康東南都會而洞庭據上流恐滋蔓為害請因盛夏乘其怠討之行

關外春秋

卷十一 文師

七

至醴陵釋邑囚數百皆楊么謀者給以文書俾招諭諸砦囚驩呼而往至潭賊衆二十餘萬相繼來降湖寇盡平上賜浚書謂上流既定則川陝荆襄形勢接連事力增倍天其以中興之功付卿乎浚遂奏追岳飛屯荆襄以圖中原乃自鄂岳轉淮東大會諸將議防秋之宜高宗遣使賜詔趣歸勞問之曰卿暑行甚勞湖湘群寇既就招撫成朕不殺之仁卿之功也召對便殿進中興備覽四十一篇高宗嘉嘆置之坐隅浚以

敵勢未衰而叛臣劉豫復據中原六年會諸將議事江上榜豫僭逆之罪命韓世忠據承楚以圖淮陽命劉光世屯合肥以招北軍命張俊練兵建康進屯盱眙命楊沂中領精兵為後翼以佐俊命岳飛進屯襄陽以窺中原浚渡江徧撫淮上諸戍時張俊軍進屯盱眙岳飛遣兵入至蔡州浚入覲力請幸建康車駕進發浚先往江上謀報劉豫與子猷挾金人入攻浚奏金人不敢悉衆而來此必豫兵也邊遽不一俊光世皆

關外春秋

卷十一 文師

八

張大敵勢浚謂賊豫以逆犯順不勦除何以爲國今日之事有進無退且命楊沂中往屯濠州劉麟逼合肥張俊請益兵劉光世欲退師趙鼎及簽書折彥質欲召岳飛兵東下御書付浚令俊光世沂中等還保江浚奏俊等渡江則無淮南而長江之險與敵共矣且岳飛一動襄漢有警復何所恃乎詔從之沂中兵抵濠州光世舍廬州而南淮西洶動浚疾馳至采石今日有一人渡江者斬光世復駐軍與沂中接劉猷攻沂

中沂中大破之。貌麟皆拔柵遁。高宗手書嘉獎。召浚還勞之時。趙鼎等議回蹕臨安。浚奏天下之事。不倡則不起。三歲之間。陛下一再臨江。士氣百倍。今六飛一遠。人心解體。高宗幡然從浚計。鼎出知縉興府。浚以親民之官。治道所急。條具郡守監司。備郎館閣出入送補之法。又以災異。奏復賢良方正科。七年。以浚却敵功。制除特進。未幾。加金紫。光祿大夫。問安使何蘄歸報。徽宗皇帝寧德皇后相繼崩殂。上號慟擗踊。哀不

聞外春秋

卷十一 文師

九

自勝。浚奏天子之孝。不與士庶同。必思所以奉宗廟社稷。今梓宮未返。天下塗炭。願陛下揮涕而起。歛髮而趨。一怒以安天下之民。上乃命浚草詔告諭中外。辭甚哀切。浚又請命諸大將率三軍發哀成服。中外感動。浚退上疏曰。陛下思慕兩宮。憂勞百姓。臣之至愚。獲遭任用。臣每感慨自期。誓殲敵讐。十年之間。親養闕然。爰及妻孥。莫之私顧。其意亦欲遂陛下孝養之心。極生民於塗炭。昊天不弔。禍變忽生。使陛下抱無窮

之痛。罪將誰執。念昔陝蜀之行。陛下命臣曰。我有大隙于北。刷此至耻。惟爾是屬。而臣終隳成。功禍自臣致。乞賜罷黜。上詔浚起視事。浚再疏待罪。不許。乃請乘輿發平江。至建康。浚總中外之政。幾事叢委。以一身任之。每奏對必言讐耻之大。反復再三。上未嘗不改容流涕。時天子方厲精克己。戒飭宮庭內侍。無敢越度。事無巨細。必以咨浚。賜諸將詔。往往命浚草之。劉光世在淮西。軍無紀律。浚奏罷光世。以其兵屬督府。命

聞外春秋

卷十一 文師

十

參謀兵部尚書呂祉往廬州節制。而樞密院以督府握兵為嫌。乞置武帥。乃以王德為都統制。卽軍中取鄴瓊副之。浚奏其不當。瓊亦與德有宿怨。列狀訴御史臺。乃命張浚為宣撫使。楊沂中劉錡為制置判官。以撫之。未至。瓊等舉軍叛。執呂祉以歸。劉豫祉不行。晉瓊等碎齒折首而死。浚引咎求去位。高宗問可代者。且曰。秦檜何如。浚曰。近與共事。方知其間。高宗曰。然則用趙鼎。檜由是憾浚。先是浚遣人持手榜入偽地。聞

劉豫及鄆瓊叛去，復遣間持蠟書遺瓊，金人果疑豫尋廢之。臺諫交詆浚，落職以秘書少監分司西京。居永州九年，以赦復官，提舉臨安府洞霄宮。未幾，除資政殿大學士，知福州兼福建安撫。大使金遣使來，以詔諭爲名，浚五上疏爭之。十年，金敗盟，復取河南，浚奏願因權制變，則大勲可集。因大治海舟千艘，爲直指山東之計。十一年，除檢校少傅、崇信軍節度使，充萬壽觀使。免奉朝請。十二年，封和國公。十六年，彗星出西

閩外春秋

卷十一 文帥

十一

方浚將論時事上疏，謂當今事勢譬如成大疽於頭目心腹之間，不決不止，惟陛下下謀之於心，謹察情僞，使在我不可犯之勢，庶幾社稷安全。不然，後將噬臍，事下三省，秦檜大怒，令臺諫論浚。以特進提舉江州太平興國宮，居連州。徙永州。浚去國幾二十載，天下士無賢不肖，莫不傾心慕之。武夫健將言浚者，必咨嗟嘆息。至兒童婦女亦知有張都督也。金人憚浚，每使至必問浚安在，惟恐其復用。後復觀文殿大學士，州

洪州浚時以母喪將歸葬，念天下事二十年爲檜所壞，邊備蕩弛，又聞金亮篡立，必將舉兵，自以大臣義同休戚，不敢以居喪爲嫌，具奏論之。會星變，求直言，浚謂金人數年間勢決求費用，兵而國家溺於宴安，蕩然無備，乃上疏極言，而大臣沈該、万俟卨、湯思退等見之，謂敵初無覺，笑浚爲狂。臺諫湯鵬舉、凌哲論浚歸蜀，恐搖動遠方，詔復居永州，服除落職，以本官奉祠。二十一年春，有旨自便，浚至潭，聞欽宗崩，號慟不食。

閩外春秋

卷十一 文帥

十一

上疏請早定守戰之策，未幾，亮兵大入，中外震動。復浚觀文殿大學士，判潭州。時金騎充斥，王權兵潰，劉錡退歸鎮江，遂改命浚判建康府，兼行宮留守。浚至岳陽，買舟冒風雪而行，時長江無一舟敢行北岸者。浚乘小舟徑進，曰：吾赴君父之急，知直前來乘輿所在而已。過池陽，聞亮死，餘衆猶二萬屯和州。李顯忠兵在沙上，浚往犒之，一見浚以爲從天而下，無不以手加額。浚至建康，卽牒通判劉子昂辦行宮儀物，請乘輿

臨幸駕幸建康，浚迎拜道左，風采隱然。軍民皆倚以為重。車駕將還臨安，勞浚曰：「卿在此，朕無北顧憂矣。」兼節制建康鎮江府江州池州江陰軍軍馬金兵十萬圍海州。浚命鎮江都統張子蓋往救，大破之。浚招集忠義及募淮楚壯勇，以陳敏為統制，且謂敵長於騎，我長於步，衛步莫如弩，衛弩莫如車，命敏專制弩治車。孝宗即位，召浚入見，改容曰：「久聞公名，今朝廷所恃唯公。」賜坐降同，浚從容言：「人主必兢業自持，使清明。」

綱外春秋 卷十一 文師 十三

在躬則賞罰舉措無有不當，人心自歸。敵讐自服，孝宗悚然曰：「當不忘公言。」除少傅江淮東西路宣撫使，進封魏國公。浚薦陳俊卿為宣撫判官，孝宗召俊卿及俊子栻行在。浚附奏請上臨幸建康以動中原之心，用師淮壘，進舟山東，以為吳璘聲援。孝宗見俊卿等，問浚動靜飲食，顏貌曰：「朕倚魏公如長城，不容浮言搖奪。金人以十萬衆屯河南，聲言窺兩淮。」浚言：「北敵詭詐，不當為之動。」卒無事。隆興元年，除樞密使都督建

康鎮江府江州池州江陰軍軍馬。時金將蒲徒穆等屯靈壁，積糧修城，將為南攻計。浚欲其未發攻之，會李顯忠邵宏淵亦獻搆二邑策。浚具以聞，上報可。召浚赴行在，命先圍兩城。乃遣顯忠出濠州，趨靈壁；宏淵出泗州，趨虹縣。而浚自往臨之。顯忠至靈壁，敗蕭琦；宏淵圍虹縣，降徒穆。周仁乘勝進克宿州，中原震動。孝宗手書勞之曰：「近日邊報中外鼓舞，十年來無此克捷。」浚以盛夏人疲，急召李顯忠等還師，會金

綱外春秋 卷十一 文師 十四

帥紇石烈志寧率兵至宿州，與顯忠戰連日，南軍小不利。忽謀報敵兵大至，顯忠夜引歸。浚上疏待罪，有旨降授特進，更為江淮宣撫使。宿師之還，士大夫主和者皆議浚之非。孝宗復賜浚書曰：「今日邊事倚卿為重，卿不可畏人言而懷猶豫。」前日舉事之初，朕與卿任之。今日亦須與卿終之。浚乃以魏勝守海州，陳敏守泗州，戚方守濠州，郭振守六合，治高郵巢縣兩城為大勢。修濠州關山以扼敵衝，聚水軍淮陰，馬軍壽春。

大飭兩淮守備。孝宗復召杖奏事。浚附奏乞骸骨。孝宗覽奏謂杖曰：朕待魏公有加，不為浮議所惑。帝眷遇浚猶至，對近臣言必曰：魏公未嘗斥其名。尋詔復浚都督之號。金帥僕散忠義貽書三省樞密院，索四郡及歲幣，不然以農隙治兵。時湯思退為右相，思退秦檜黨也，急於求和，遂遣盧仲賢持書報金。浚言：仲賢小人多妄，不可委信。已而仲賢果以許四郡辱命，召浚入見。力陳和議之失，孝宗為止誓書，而令通書官胡

關外春秋

卷二 文帥

三

助楊由義往諭金，以四郡不可割，若金人必欲得四郡，當罷和議。拜浚尚書右僕射，同中書門下平章事，兼樞密使，都督如故。胡助等至宿，金人械繫迫脅之，助等不屈，更禮而歸之。孝宗諭浚曰：和議之不成，天也。自此事當歸一矣。二年，議進幸建康，思退陰與其黨謀為陷浚計。俄詔浚行視江淮，時浚所招徠山東淮北忠義之士，以實建康鎮江兩軍，凡萬二千餘人，萬弩營所招淮南壯士及江西群盜又萬餘人，陳敏統之。

以守泗州，凡要害之地皆築城堡，其可因水為險者皆積水為障，增置江淮戰艦，諸軍弓矢器械悉備。時金人屯重兵于河南為虛聲脅和，有刻日夾戰之語。及聞浚來，亟徹兵歸。淮北之來歸者日不絕。山東豪傑悉願受節度，浚以蕭琦契丹望族，沈勇有謀，欲令盡領契丹降衆，且以檄諭契丹約為應援。金人益懼，思退乃令王之望尹穡馮方交章論浚，浚亦請解節，左司諫陳良翰侍御史周操言浚忠勤人望所屬，不當罷

關外春秋

卷十一 文帥

七

浚留平江，凡八章乞致仕，除少師，保信軍節度判福州。浚辭改醴泉觀使，浚既去，猶上疏論尹穡姦邪必誤國事，且勸上務學親賢，武勉浚勿復以時事為言。浚曰：君臣之義，無所逃於天地之間。吾荷兩朝厚恩，尸重任，今雖去國，猶日望上心感悟，苟有所見，安忍弗言。上如欲復用浚，浚當即日就道，不敢以老病為辭。如若等言，是誠何心哉。聞者聳然。行次餘干，得疾，手書付二子曰：吾嘗相國，不能恢復中原，雪祖侂之耻。

卽死不當葬我先人墓左。葬我衡山下足矣。計聞孝宗震悼，輟視朝，贈太保，後加贈太師，謚忠獻。浚幼有大志，及爲熙河幕官，徧行邊壘，覽觀山川形勢，時時與舊戍守將握手飲酒，問祖宗以來守邊舊法及軍陣方略之宜，故一旦起自疏遠，當樞筦之任，悉能通知邊事本末。在京城中，親見二帝北行，皇族係虜，生民塗炭，誓不與敵俱存，故終身不主和議，每論定都大計，以爲東南形勢，莫如建康，人主居之，可以北望中原。

關外春秋

卷二 文師

七

當懷憤揚。至如錢塘僻在一隅，易於安肆，不足以號召北方，與趙鼎共政，多所引擢，從臣朝列，皆一時之望。人號小元祐，所薦虞允文、汪應辰、王十朋、劉珙等爲名臣，拔吳玠、吳玘於行間，謂韓世忠、忠勇可倚以大事。一見劉琦，奇之，付以事任，卒皆爲名將，有成功。一時稱浚爲知人，浚事母以孝稱，學邃於易，有易解及雜說十卷，書詩禮春秋中庸亦各有解，文集十卷，奏議二十卷，子二人，枳杓自有傳。

按張公駐節秀州，嘗夜坐，忽有客至前，出懷中一紙曰：此苗劉募賊公賞格也。公問欲何爲，客曰：僕河北人，粗讀書，知逆順，豈以身爲賊用，特爲警備不嚴，恐有後來者耳。公下執其手，問姓名，不告而去。此客蓋亦鉅鹿之流亞也。而公之忠勤義勇，有足多者矣。公翼日斬死囚，徇于衆，曰：此苗劉刺客也，是機變之一端也。

評曰：儒者之於國家，能養其正直之氣，則足

關外春秋

卷二 文師

十八

以正君心，一衆志，攘凶逆，處憂患，蓋無往而不自得焉。若張浚者，可謂善養其氣者矣。觀其初逃張邦昌之議，平苗劉之亂，其才識固有非偷懦之所敢望，及其攘郤劌敵，招降劇盜，能使將帥用命，所嚮如志，遠人伺其用舍爲進退，天下占其出處爲安危，豈非卓然所謂人豪者歟。群言沸騰，妻奮妻躡而辭氣慨然，嘗曰：上如復用浚，當卽日就道，不敢以老病辭。其言如是，則其忠愛之心爲何如哉。時

論以浚之忠大類漢諸葛亮然亮能使魏延楊儀終其身不敢異同浚以吳玠故遂殺曲端亮能容法孝直浚不能容李綱趙鼎而又詆之茲所以爲不及歟至於富平之潰師淮西之兵變則成敗利鈍非所能逆睹也

紹興六年七月浚奏東南形勢莫重於建康實中興根本請帝卽幸之以圖恢復會諜報劉豫將南寇趙鼎議幸平江帝從之浚遂薦秦檜授醴泉使爲行營留守參決尚書省樞

閩外春秋

卷十一 文帥

十九

密院事由是漸用事夫檜奸險賊徒包藏禍心帝知其奸榜於朝堂示不復用矣浚豈不知而汲引之哉况主和者檜之奸謀排和者浚之素志今欲恢復而薦主和之奸臣何前後矛盾也厥後武穆之死人徒罪檜殺之而不追究薦檜之人猶近日遼陽之陷人徒罪江夏誤之而不追究薦江夏之人豈政府有碍手者而摸稜至此耶畢竟舉朝搢紳不從封疆起見而惟從情面周旋而已可勝慨哉

可勝嘆哉

書稱知之之難吾於張德遠而益信也岳公嘗論呂祉不習軍旅果漏洩軍情以致郿瓊之叛嘗論項德不相下果交訟不已然則郿瓊之叛呂祉致之也呂祉死郿瓊叛德遠不聽岳公之言所致也至以私恨殺曲端而衆心遂離富平敗衄自是陝西非我有矣淳熙間高廟配享洪景廬舉此爲魏公罪迄不得侑食焉

閩外春秋

卷十一 文帥

二十

高宗嘗問魏公卿見想甚長成對曰臣子杖年十四脫然可與語聖人之道及隆興初魏公督師南軒以內機入奏引見於德壽宮首問魏公起居飲食狀又問卿年幾何曰臣年三十一又問卿母安否曰臣父失侍上愀然久之曰朕與卿父義則君臣情同骨肉卿行奏來有香茶與卿父爲信嗚呼君臣相與其恩意乃至是哉或者謂高宗晚年追悼受不滿於魏公至有寧先天下不用張浚之

言殆不然也。

宋少保特進左丞相兼樞密使武安軍節度使
四川宣撫使雍國公前資政殿大學士叅知
政事端明殿學士簽書樞密院事顯謨閣學
士知平江夔州二府敷文閣待制知大平州
兵部尚書川陝江淮荆襄路宣諭宣撫使贈
太傅謚忠肅虞允文

虞允文字彬甫隆州仁壽人父祺登政和進士
第仕至太常博士潼川路轉運判官允文六歲
誦九經七歲能屬文以父任入官父死紹興二

宋史 卷一百一十五 文苑 五十五

十三年始登進士第通判彭州權知黎州渠州
秦檜當國蜀士多屏棄檜死高宗欲收用之中
書舍人趙達首薦允文召對謂人君必畏天必
安民必法祖宗又論士風之弊以文章進必抑
其輕浮以言語進必黜其巧偽以政事進必去
其苛刻庶可任重致遠且極論四川財賦科納
之弊上嘉納之除祕書丞累遷禮部郎官金主
亮修汴允文上疏言金必敗盟兵出有五道願
詔大臣豫思備禦時三十年正月也十月借工

部尚書充賀正使與館伴賓射一發破的衆皆異之允文見運糧造舟者多辭歸亮曰我將看花洛陽允文還奏所見及亮語申言淮海之備除中書舍人直學士院金使王全高景山來賀生辰欲得淮南地索將相大臣議事於是召三衙大將趙密等議舉兵侍從臺諫集議宰臣陳康伯傳上旨今日更不問和與守直問戰當如何遣成閔爲京湖制置使將禁衛五萬禦襄漢上流允文曰兵來不除道敵爲虛聲以分我兵

關外春秋

卷十一

文帥

三

成其出淮姦謀爾不聽卒遣閔七月金主亮徙汴允文復語康伯閔軍約程在江池冥令到池者駐池到江者駐江若敵兵出上流則荆河之軍捍於前江池之軍援於後若出淮西則池之軍出巢縣江州軍出無爲可爲淮西援是一軍而兩用也康伯然其說而閔軍竟屯武昌九月金主命李通爲大都督造浮梁于淮水上金主自將兵號百萬擅帳相望鉦鼓之聲不絕十月自渦口渡淮先是劉錡措置淮東王權措置淮

西至是權首棄廬州錡亦回揚州中外震恐上欲航海陳康伯力贊親征是月戊午權又自和州遁歸錡回鎮江盡失兩淮矣金主率大軍臨采石而別以兵爭瓜州朝命成閔代錡李顯忠代權命允文往蕪湖趣顯忠交權軍且犒師允文至采石權已去顯忠未來敵騎充斥我師三星散解按東甲坐道旁皆權敗兵也允文謂坐待顯忠則誤國事遂立招諸將勉以忠義曰金帛告命皆在此以待有功衆曰今既有主請

關外春秋

卷十一

文帥

三

死戰或曰公受命犒師不受命督戰他人壞之公任其咎乎允文叱之曰危及社稷吾將安避至江濱見江北已築高臺對植降旗二繡旗二中建黃屋亮踞坐其下謀者言前一日刑白黑馬祭天與衆盟以明日濟江晨炊玉麟堂先濟者予黃金一兩時敵兵實四十萬馬倍之宋軍纔一萬八千允文乃命諸將列大陣不動分戈船爲五其二並東西岸而行其一駐中流藏精兵代戰其二藏小港備不測部分甫畢敵已大

呼亮操小紅旗麾數百艘絕江而來瞬息抵南岸者七十艘直薄宋軍軍小卻允文入陣中撫時浚之背曰汝膽略聞四方立陣後則見女子爾浚卽揮雙刀出士殊死戰中流官軍亦以海鱗船衝敵舟皆平沉敵半死半戰日暮未退會有潰軍自光州至允文授以旗鼓從山後轉出敵疑援兵至始遁又命勁弓尾擊追射大敗之以捷聞犒將士謂之曰敵今敗明必復來夜半部分諸將分海舟縋上流別遣兵截楊林口丁

關外春秋

卷十一 文帥

三五

丑敵果至因夾擊之復大戰焚其舟三百始遁去再以捷聞既而敵遣偽詔來諭王權似有宿約允文曰此反間也仍復書言權已寘憲典新將李世輔也願一戰以決雌雄亮得書大怒遂焚龍鳳車斬梁漢臣及造舟者二人乃趨瓜州漢臣教亮濟江者也顯忠至允文語之曰敵入揚州必與瓜洲兵合京口無備我當任公能分兵相助乎顯忠分李捧軍萬六千往京口葉義問亦命楊存中將所部來會允文至京口敵屯

重兵滁河造三牖儲水深數尺塞瓜洲口時揚存中成閔邵宏淵諸軍皆聚京口不下二十萬惟海鱗船不滿百戈船半之允文謂遇風則使戰船無風則使戰艦數少恐不足用遂聚材治錢改修馬船爲戰艦命張深守滁河振大江之衝以苗定駐下蜀爲援庚寅亮去瓜洲允文與存中臨江按試命戰士踏車船中流上下三周金山回轉如飛敵持滿以待相顧駭愕亮疑曰紙船耳一將跪奏南軍有備未可輕願駐揚州

關外春秋

卷十一 文帥

三五

徐圖進取亮怒欲斬之哀謝良久杖之五十乙未亮爲其下所殺初亮在瓜洲聞李寶由海道入膠西成閔諸軍方順流而下亮愈怒還揚州召諸將約三日濟江否則盡殺之諸將謀曰進有滄殺之禍退有敲殺之憂柰何有萬計者曰殺卽主與南宋通知歸鄉則生矣衆曰諾亮有紫葺細軍不臨陣恒以自衛衆患之有蕭遊巴者給之曰淮東子女玉帛皆聚海陵且嗾使往細軍去而亮死奏聞召入對上慰藉嘉歎謂陳

任卿曰。虞允文。朕之裴度也。於是允文充川陝宣諭使。陛辭言。金亮既誅。新王初立。彼國方亂。天相我恢復也。和則海內氣沮。戰則海內氣伸。上以爲然。允文至蜀。與大將吳玠。議經略中原。玠進取鳳翔。復鞏州。金治兵爭陝西。新復州郡。蜀士欲棄之。允文持不可。孝宗受禪。朝臣有言西事者。謂官軍進討。東不可。西寶雞。比不可。過德順。且欲用忠義人守新復州郡。官軍退守蜀口。允文爭之不得。吳玠遂歸河池。蓋用參知政

關外春秋

卷十一 文帥

三

事史浩議欲盡棄陝西也。允文再上疏。大略言恢復莫先於陝西。陝西五路新復州縣。又係於德順之存亡。一旦棄之。則窺蜀之路愈多。西和階成利害至重。前後凡十五疏。且移書陳康伯。康伯牽於同列。不能回也。隆興元年入對。言今日有八可戰。上問及棄地。允文以笏畫地。陳其利害。上曰。此史浩誤朕。以敷文閣待制知太平州。尋除兵部尚書。湖北京西制置使。時朝廷遣盧仲賢使金議和。湯思退又欲棄唐鄧海泗。手

詔謂唐鄧非險要。可棄度外。允文五上疏力爭。思退怒。卽奏曰。此皆以利害不切於已。大言誤國。以邀美名。宗社大事。豈同戲劇。上意遂定。思退陽請召允文。實欲去之也。允文上印。猶以四州不可棄爲請。乞致仕。詔以顯謨閣學士知平江府。思退竟決和議。割唐鄧。二年。金兵復至。思退貶。上悔不用允文言。陳俊卿亦薦允文。堪大用。除端明殿學士。同簽書樞密院事。乾道元年。拜參知政事。兼知樞密院事。是秋。金遣完顏仲

關外春秋

卷十一 文帥

三

有所議。偃蹇不敬。允文請斬之。廷有議論不果。會錢端禮受李宏玉帶。事連允文。爲御史章服所論。罷政奉祠。西歸。三年二月。召至闕。除知樞密院事。兼參知政事。吳玠卒。議擇代。上諭允文曰。吳玠既卒。汪應辰恐不習軍事。無以易卿。凡事不宜效。張浚。迂濶。軍前事。卿一一親臨之。卽拜資政殿大學士。四川宣撫使。尋詔依舊知樞密院事。歸蜀。一月。召至闕。不數月。復使蜀。太上賜御書。聖主得賢臣。頌上又爲之製跋。陛辭復

以所御雙履及甲冑賜焉。五年八月，拜右僕射。同中書門下平章事，兼樞密使。允文多薦知名士，如洪适、汪應辰及爲相，籍人才爲三等，有所見聞，卽記之。號材館錄，凡所舉上皆拔用。如胡銓、周必大、王十朋、趙如、遇、晁公武、李熹，其尤章明者也。詔以范成大爲祈請使，爲陵寢故，金不從。且謀報欲以三十萬騎奉遷陵寢來歸，中外洶洶，荆襄將帥皆請增戍。允文謂金方懲亮，決不輕動。不過以虛聲撼我耳。敵卒無他，會慶節。

外春秋

卷十一 文師

三九

金使烏林答天錫入見，金主婿也，驕倨甚，固請上降榻，問金主起居，上不許。天錫跪不起，侍臣錯愕失措。允文請大駕還禁中，且諭之曰：大駕旣興，難再御殿。使人來且隨班上壽，金使慚而退。上以僕射名不正，改爲左右丞相。八年二月，授允文特進左丞相，兼樞密使。梁克家爲右丞相，允文嘗舉克家自代，上不許。是月以病乞解機政，又薦克家靖重有宰相器，至是始同相。御史蕭之敏劾允文，允文上章待罪，上過德壽宮，

太上曰：采石之功，之敏在何許？毋聽其去。上爲出之。敏且書扇製詩以留之。允文言之敏端方，請召歸以闢言路。上謂其言寬厚，命曾懷書之時政記。允文力求去，授少保、武安軍節度使。四川宣撫使進封雍國公，陛辭，上諭以進取之方，期以某日會河南。允文言異時戒內外不相應，上曰：若西師出而朕遲回，卽朕負卿。若朕已動而卿遲回，卽卿負朕。上御正衙酌酒賦詩以遣之。且賜家廟祭器。九年，至蜀，大軍月給米一石。

外春秋

卷十一 文師

三九

五斗不足贍其家。允文捐宣司錢三十萬易米計口增給，立戶馬七條，括民馬，奏選良家子以儲戰用。上嘗謂允文曰：丙午之耻，當與丞相共雪之。又曰：朕惟功業不如唐太宗，富庶不如漢文景。故允文許上以恢復，使蜀一歲無進兵期。上賜密詔趣之。允文言軍需求備，上不樂。淳熙元年薨。後四年，上幸白石，大閱，見軍皆少壯，謂輔臣曰：虞允文行沙汰之効也。尋詔贈太傅，賜謚忠肅。允文風姿雄偉，長六尺四寸，慷慨磊落。

有大志而言動有度、人望而知爲任重之器、早以文學致身臺閣、晚際時艱、出入將相、垂二十年、孜孜忠勤、無二焉、嘗注唐書五代史藏于家、有詩文十卷、經筵春秋講義三卷、奏議二十二卷、內外志十五卷、行于世、子三人、公亮公著抗孫、

按采石之戰、不過敗卒數千、以破金數十萬之衆、以執以力、皆不讓也、允文書生、獨能勝之、得非運籌決策、有大過人者乎、蓋亮已知

關外春秋

卷二 文帥

三

舉國之人、不願戴已、亦知雍爲國人所立、然其兵已出、不可已也、且亮以貪暴殘虐御人、允文以公忠信義勉人、兵未交而勝負之機已決矣、或以比謝玄、周瑜、劉錡、吾以爲允文爲優也、夫謝周劉、宿將也、允文、書生也、彼皆出師禦敵也、此則將命犒師也、特見當時事勢危迫、故不顧矯制之小嫌、以成退敵之大功耳、以宿將之才、而勝敵於預備易、以書生之見、而勝敵於倉卒難、此允文之所以爲優

也、評曰、孝宗志圖恢復、而宿將鮮有存者、中外倚重爲長城、獨下劉錡耳、當今亮之南役、其鋒甚銳、而錡以病不克進師、允文許國之忠、炳如日月、奮勇督戰、一舉而挫之、亮乃自斃焉、雖曰天亡、實允文一激之力也、昔赤壁一勝、而三國之勢成、淮淝一勝、而南北之形定、允文采石立功、宋事轉危爲安、實係乎此、及其能慷慨任重、豈易得哉、

元中書左丞相平章軍國重事前輔國上將軍

樞密使河南等路宣撫使兼江淮諸翼軍馬

經略使贈太尉謚忠武史天澤

天澤字潤甫。秉直。季子也。身長八尺。音如洪鐘。善騎射。勇力絕人。年四十始折節讀書。尤熟於資治通鑑。議論多出人意表。其兄天倪帥真定。遣護送其母歸京。既而天倪為武仙所害。府僚王縉王守道與天澤燕語曰。變起倉猝。部曲散走。多在近郊。公能迴轡而南。不招自至矣。天

關外春秋

卷十一

文帥

三

澤毅然曰。兄弟之讐。雖死不避。况未必死邪。即傾貲裝。易甲仗南還。行次滿城。得士馬甚眾。遣監軍李伯佑詣國王。言魯言狀。且乞濟師。李魯俾笑。乃解將蒙古軍三千人援之。合勢進攻。盧奴。仙驍將葛鐵槍者。擁眾萬人來拒戰。天澤迎擊之。身先士卒。勇氣百倍。賊退阻派河。乘夜而遁。天澤追及之。生擒葛鐵槍。餘眾悉潰。獲其兵甲輜重。軍威大震。遂下中山。略無極。拔趙州。進軍野頭。會天澤兄天安亦提兵來赴。擊仙敗之。

仙奔雙門。遂復真定。宋大名總管彭義斌陰與

仙合欲取真定。天澤同笑乃解扼諸贊皇。仙不得進。義武勢感。焚山自守。天澤遣銳卒五十。摧鋒而入。自以鐵騎繼其後。縛義斌斬之。未幾。先令謀者結死士於城中。大曆寺為內應。夜斬關而入。據其城。天澤引步卒數十。踰城東。出至藁城。求援于董俊。俊授以銳卒數百。夜赴真定。而笑乃解兵亦至。捕叛者三百餘人。仙從數騎走保西山。乃積砦。笑乃解忿民從賊。驅萬餘人將

關外春秋

卷十一

文帥

三

殺之。天澤曰。彼皆吾民。但為賊所脇耳。殺之何罪。力爭得釋。乃繕城壁。立樓櫓。為不可犯之計。招集流散。存恤困窮。以抱犢諸砦仙之巢穴。急攻下之。仙乃遁去。繼又取蟻尖馬武等砦。而相衛亦降。庚寅冬。武仙屯兵於衛。天澤合諸軍圍之。金將完顏合達以眾十萬來援。戰不利。諸將皆北。天澤獨以千人繞出其後。敗一都尉軍。與大軍合攻之。仙逸去。遂復衛州。壬辰春。太宗由白波渡河。詔天澤以兵由孟津會河南。至則虜

宗已破合達軍于三峰山，乃命畧地京東，招降太康柘縣瓦，圍睢州，追斬金將完顏慶山，奴于陽邑。夏，帝北還，留睿宗總兵圍汴。癸巳，春，金主突圍而出，令完顏撒自黃龍岡來襲新衛。天澤率輕騎馳赴之，比至，圍已合。天澤奮戈突至，城下呼守者曰：汝等勉力，援兵且至。復躍出其衆，皆披靡。遂與大軍夾擊之，白撒等敗走蒲城。天澤尾其後，白撒等兵尚八萬，俘斬殆盡。金主以軍舸東走歸德。天澤追撒吉思不花，欲薄城背。

關外春秋 卷十一 文帥 三五

水而營。天澤曰：此豈駐兵之地乎？彼若來犯，則進退失據矣。不聽。會天澤以事之汴，比還，撒吉思不花全軍皆沒。金主遷蔡，帝命元帥俸蓋率大軍圍之。天澤當其北面，結棧潛渡，汝水血戰連日。甲午，春正月，蔡破，金主自經死。金主移軍伐宋。乙未，從皇子曲出攻棗陽。天澤先登，拔之。及攻襄陽，宋兵以舟數千陳於硝石灘。天澤挾二舟載死士直前，擣之覆溺者萬計。丁酉，從口温不花園光州。天澤先破其外城，攻子城，又破。

之師次復州，宋兵以舟三千鎖湖面為柵。天澤曰：柵破則復自潰。親執桴鼓，督勇士四十人攻其柵。不踰時，柵破，復人懼請降。進攻壽春，天澤獨當一面。宋兵夜出斫營，天澤手殺數人，麾下兵繼至，悉驅其兵入淮水死，乘勝而南。所向輒克。戊午，秋，從憲宗伐宋，由西蜀以入。己未，夏，駐合州之釣魚山。軍中大疫，方議班師，宋將呂文德、韓璪千餘，沂嘉陵江而上，北軍迎戰不利。帝命天澤禦之，乃分軍為兩翼，跨江注射，親率舟師順流縱擊，三戰三捷，奪其戰舟百餘艘，追至重慶而還。中統初，世祖命往鄂渚，撤江上軍，還授河南等路宣撫使。俄兼江淮諸翼軍馬經略使。二年秋，九月，扈從世祖親征阿里不哥，詔丞相線真將右軍，天澤將左軍，合勢蹙之。阿里不哥敗走。三年春，李璫以益都叛，遂據濟南，詔親王哈必赤討之。繼命天澤往，天澤聞璫入濟南，笑曰：豕突入笠，無能為也。至則進說于哈必赤曰：璫多譎，兵精不宜力角，當以歲月斃之。乃

關外春秋 卷十一 文帥 三五

日，璫多譎，兵精不宜力角，當以歲月斃之。乃

深溝高壘，絕其奔軼。凡四月，城中食盡，軍潰出。降生擒，斬于軍門，誅同惡者數十人。餘悉縱歸。明日，引軍東行，未至益都，城中人已開門迎降。初，天澤將行，帝臨軒授詔，責以專征，俾諸將皆聽節度。天澤未嘗以詔示人，及還，帝慰勞之，悉歸功於諸將，其慎密謙退如此。至元三年，以天澤為輔國上將軍、樞密副使。四年，改中書左丞相。六年，帝以宋未附，議攻襄陽，遣天澤駙馬

關外春秋 卷十一 文師 五

聲援，為必取之計。七年，以疾還燕。十年春，與平章阿朮等進攻樊城，拔之。襄陽降。十一年，詔天澤與伯顏總大軍自襄陽水陸並進。天澤至郢州，遇疾，還襄陽。帝遣侍臣賜以葡萄酒，且諭之曰：卿自朕祖宗以來，躬擐甲冑，跋履山川，宣力多矣。又卿首事南伐，異日功成，皆卿力也。勿以小疾阻行為憂，可且北歸，善自調護，還至真定。帝又遣其子杠與尚醫馳視，賜以藥餌。天澤因附奏曰：臣大限有終，死不足惜，但願天兵渡江。

武 慎勿殺掠，語不及它。薨年七十四。贈太尉，謚忠。

按古禮，兄弟之讐，不反兵。是讐之必報，止差父母一等耳。天澤之兄為武仙所害，即傾資裝易甲杖，南還，誓死不避，可不謂篤於友于者乎？夫天澤，蒙古將也，而尚知棠隸之情分如此，吾漢人乃有嗾兄之讐以為吠狗，參弟之讐以報睚眦者，吾故曰：夷狄之有兄弟，不如諸夏之亡也。若擒葛鐵槍于盧奴，斬彭義斌于贊皇，虜慶山奴于楊邑，敗白撒于滿城，逼金主于蔡州，奪呂文德之戰艦，斬李璫于濟南，傳稱勇力絕人，信哉。

關外春秋 卷十一 文師 五

評曰：天澤平居未嘗自矜其能，及臨大節，論大事，毅然以天下之重自任。拜相之日，門庭悄然，或勸以權自張。天澤舉唐韋澳告周舉之語曰：願相公無權。爵祿刑賞，天子之柄，何以權為？因以謝之。言者慚服。出入將相五十年，柱石四朝，師表百辟，可謂社稷之臣。其視

富貴權勢欲跡退避若將晚之者汝能善始
令終爲開國元臣人以方郭儀曹彬云
天澤決築圍宋故其相元則爲功首猶夏則
爲罪魁但其遺表願世祖渡江勿殺戮則中
夏生靈賴以保全者不少庶乎厥罪可贖耳

三立堂新編岡外春秋卷之十一

文帥

三立堂新編閩外春秋卷之十一

華胥外史漢陽 尹商 著

明特進光祿大夫左柱國少師兼太子太師吏部尚書華蓋殿大學士贈太保謚文襄楊公一清

公名一清字應寧先世雲南安寧州父景中鄉試累官廣東化州同知景泰甲戌十二月六日生一清天順庚辰父致仕攜一清便道訪前母劉氏家于巴陵一清甫九歲穎悟絕倫經書一

閩外春秋 卷十一 文師

覽不忘善屬文岳州同知胡昇大奇之薦于楚當道遂以奇童薦入翰林讀中秘書憲廟命內閣選師教之受業于黎文僖公年十四中順天鄉試壬辰登進士授中書舍人九載擢山西僉臬督學政朔正學書院拔各庠俊秀會業于中親為督誨故院中士連魁天下為狀元者二人其以學行功業者聞者甚多內艱歸復補陝西副臬其政視山西更優所識拔士李夢陽康海輩最著入為太常少卿遷南太常卿擢左副

都御史經理陝西茶馬一清親歷邊荒浚水利弊條陳機宜詔皆擬行茶馬大興天子以為能命總督陝西三邊軍務撫鎮以下咸屬焉一清至上疏曰陝西各邊延綏城堡據險寧夏甘肅河山阻隔賊雖侵犯為患猶淺惟花馬池至靈州一帶地里寬漫城堡稀疎兵力單弱一或失守虜眾折墻而入犯我環慶寇我固原深人我平鳳臨鞏其間漢土雜處儻兵連禍結內變或因之而作根本動搖誠非細故此所謂膏肓

閩外春秋 卷十二 文師

之疾腹心之害也臣聞劣歷官陝西有年虜情邊事頗常究心但腹裏頗年旱荒倉廩空虛饋餉不繼虜賊動號數萬倏聚忽散未至而廣徵士馬則徒費芻糧既至而調兵應援則緩不及事縱使大兵既集務速則彼或不來持久則我師先老恐終無以伐其深入之謀沮其方張之勢常聞防邊之計莫危於戰莫安於守臣恐坐談不如親見自慶陽環縣延綏定邊寧夏花馬池興武清水管直抵寧州一帶邊城堡墩臺

躬親閱視，廣集衆思，兼收羣策，參酌損益，始有定論。其大要有曰：修濬墻塹，以固邊防；增設衛所以壯邊兵，經理寧夏以安內附；整飭韋州以遏外侵，當務之急，莫先於此。但陝西財匱民勞，修邊之役，人多異議。然利害有輕重，關係有大小，大事可成，則小費不足計。遠効可圖，則近怨不足恤。此臣區區犬馬一寸之忠也。今之河套，卽周之朔方，漢之定襄，赫連勃勃統萬城也。唐張仁愿築三受降城，置烽堠千八百所，自是突

關外春秋

卷十二

文帥

三

厥不敢踰山牧馬，朔方無寇，歲省費億計。滅鎮兵數萬，受降遠在河外。古之舉大事者，勞而後佚，類如此。受降據三面之險，當千里之蔽，正統以來，浸失其險，舍受降而衛東勝，已失一面之險。又輟東勝以就延綏，則以一面之地，遮千餘里之衝，遂使河套沃壤爲虜甌脫，巢穴其中，深山大沙，勢固在彼，而寧夏外險，反南備河。此陝西北虜之患，所以相尋而莫之能解也。茲欲復守東勝，因河爲固，東接大同，西接寧夏，使河套

方千里之地，歸我耕牧，開屯田數百萬，用省內運。及今將延綏寧夏一帶邊防，設法整飭，賊來有以待之，雖非上計，猶逾於無策。醜虜聞知，或數十年未敢輕犯，我得休養生息，東勝之議，未必終不可復也。世之論邊事者，或專主於戰伐，臣亦非敢忘戰者，方將蒐選官軍，策勵將士，修車馬，備器械，儲糗糧，明斥堠，今冬虜賊若復侵犯，謹當督率諸將，恭行天罰，成功在天。臣不敢必，凡所當爲，臣不敢避。今首以築墻挑塹爲言，

關外春秋

卷十二

文帥

四

宜必惜茲多口，但受恩深重，自當爲國遠圖。今年套內無賊，腹裏有秋，人民稍安，正可有爲之日。應合經理邊防事宜條奏，伏望聖明俯垂省覽。下兵部議，勅公經理。二年，公言臣初兼巡撫，已不能專力馬政，今冒總制事，益廢間，乞仍遣巡茶御史兼馬政，而瑾惡公不先白已，內批罷一清，遂引疾去位。而瑾怒不已，逮詔獄，首相長沙李東陽力救，得釋。五年，安化王寘鐸反，命太監張永討之，永奏須文臣有智謀者一人

同行詔召公仍總制陝西延綏寧夏甘涼各處軍務協同討賊謂永曰藩室亂易除國家內變不可測奈何永曰何謂一清曰寧夏事不足平非久當有捷報內變事非一清所能爲也永伴若不知纔入陝界果聞仇鉞已擒賊永服公料事有神促席問內變事公手畫瑾字末曰渠日夜在 上傍不離安從得聞入一言乎一清曰此自有間可乘觀討賊不付他人付公 上意可知矣言已卽袖出二奏與永一言寧夏事一

關外春秋

卷十二 文帥

五

言內變事囑永曰公班師入京見 上先進寧夏奏 上必就公問一清詭言請屏人語乃進內變奏永曰卽不濟奈何公曰公言必濟顧公言時須有端緒萬一不信卽頓首請 上卽時召瑾抄其兵器請 上登城驗之如無反狀殺奴倭狗又頓首涕哭 上必怒瑾瑾誅柄用公益爲所爲呂強張承業暨公千載三人耳但須得請卽行事無緩時刻永勃然作曰老奴何惜餘年報 主乎已而未入京請見如公策 上

覽奏至瑾姪劉二漢方面大耳已謀不軌遂頓首卽召瑾入侍瑾不知已有別旨差永抄沒其冢矣上命縛瑾下獄竟誅瑾等瑾誅召拜戶部尚書加太子太保改吏部山東盜起一清上平賊十一策俱見 可進少保兼太子太傅復進少傅武英殿大學士 肅皇帝卽大位復起爲總督陝西三邊軍務餘官如故至是蓋三往其部曲舊校見無不踴躍喜然老矣所經畫視前稍劣召歸進少師兼華蓋殿大學士後策免

關外春秋

卷十二 文帥

六

居鎮江卒一清生而天閹不能御婦人無子學博才雄應變濟務尤曉暢邊事總制歲久得士卒權虜聞其至相謂公已回矣今云復來將無僞傳因召虜人來見果真卽相率遁去威信之著自有國以來未之前聞也羽檄旁午頃刻上十餘疏列書吏十餘人各執筆聽受甲乙爲次口占輒書一疏成則諸疏皆成文事各殊略無錯亂古今才敏如公者百代不一二數也 按文襄自童牙以迄通籍結交海內名士文

章日益有名，從學者日衆，如丹徒、新貴同在政府。太原喬宇爲太宰，皆執弟子禮。終身不衰。公薨，喬自山西至丹徒，持服奔喪，其師友之義何如也。公爲督學，謂都人曰：吾於陝得三士：康海、呂柟、馬理也。後果爲聞人。在銓部時，疏救給事王昂。在政府時，疏救御史孟洋。又秦滇鎮守太監，誣奏直指張璞、劉天和、王廷相下獄。公一一疏救，其存心行已光明俊偉，類如此。處羣小橫流之中，而有陰扶善類

關外春秋

卷十二 文師

七

之意。當大權倒置之際，而有審制兇逆之謀，堂堂乎大臣哉。

武皇南征，過其第，朝一清于中堂。次日大宴，賦詩以贈，凡十二章。肅皇爲世子日，獻王從容言曰：吾楚有三傑，若知乎，問爲誰？曰：故大司馬大夏、少師東陽、少傅一清。上久已識之矣。嘉靖四年正月，以本官起兼兵部尚書、都察院左都御史、總督陝西三邊軍務，賜金幣及勅，比于趙充國、馬長、郭子儀，命巡撫都御史卽家敦遣啟行。十一月召入闕明。

年五月陞見，復吏部尚書、武英殿大學士，加少師，兼太子太傅，御製一詩賜之。薨于九年八月十四日，贈太保，謚文襄。卒之日，夜四鼓，寒風颼颼，堂戶閉，皆洞開，有一卒過公之門，恍見公輿出，騎從旌幟甚盛。卒私念曰：吾聞公病，今將何之？公病起耶？及出大市，又遇公如故。天明方聞公薨矣。

關外春秋

卷十二 文師

八

上以遷顯陵事問公，對曰：地道尚靜，體魄宜安。山陵既定，無故舉遷，恐有他虞。况獻皇大葬之後，陛下自藩邸升爲天子，不謂之吉，壞不可，乃不果遷。

評曰：兪州有言，文襄任邊重寄三，皆有聲，不爲相，當無訾矣。雖然，公能沮閣豎谷大用，陸閻之封爵，救言官孟洋、張樸等之逮繫，調停時局，保全善類，可謂救時之相矣。而又明于知人，拔仇鉞于列校，而寘鏞就食，舉王守仁于庶僚，而宸濠受誅，錄楊宏于編戍，而總兵

漕運若伍文定之首倡義旅喬宇之捍禦
都俞謀之總制江右皆儲材于無事之時應
用于有事者也至陰結張末以誅逆瑾不動
聲色清君側以安國家古稱社稷臣何以加
焉去國之日上遣中使賜路費蟒衣舉朝
士大夫有祖於南郭門外者有祖於五里亭
十里亭者有追祖於張家灣者冠蓋擁道公
車積不得行近古以來未之有也若夫妻斐
貝錦營營蒼蠅豈暇與辯哉當大學衍義修

開外承秋

卷十二文飾

九

完進呈欲行賞典當事者以公去削公名氏
若無預焉者上怒曰是書實肇于楊一清
乃可獨遺乎命再補列遺官齊賞金帛於家
又方議分祀禮紛紛不一上軫念曰朕誤
放楊一清歸矣若彼在能無決乎其仰承
主眷俯協與情不可謂不駢蕃赫奕矣
羅文恭述楊文襄為相時有人饋美珠一斗
者公直受之後詣邊將請留待左右詢邊
事公隨出珠分勞之投之地頃刻立盡門生

有貧歸者發囊助給率數十百金以為常
以天下財為天下用而不為私蓄即比此一
介不取可也楊太宰述徐文貞為相時亦
捐千金為邊將紆禍意亦若此

開外承秋

卷十二文飾

十

明太子太傅兵部尚書贈特進光祿大夫柱國

太傅謚忠肅于公謙

公名謙字廷益其先河南人曾大父九思仕元至湖廣宣慰使都元帥最後遷杭州路總管卒老於杭遂為杭人大父文始仕明為兵部主事改工部父彥昭有隱君子行受謙封兵部右侍郎再與其曾大父大父俱贈少保兵部尚書謙生而頤質美容止七歲僧蘭古秦善相見而大奇之曰異日救時宰相也十六補邑諸生時按

關外春秋

卷十二 文帥

十一

察僉事行學督責諸生過峻爭噪而倚之方詎攘問僉事墜泮宮池諸生皆驚走出謙獨前掖之起僉事怒乃欲以罪歸謙謙徐對曰渠公者走不噪公者留此易曉事也今不罪噪公者而罪不噪公者猶可而因以罪授公者其謂何僉事意悟乃止而謙由此顯名二十三舉進士拜江西道監察御史謙風骨秀峻音吐鴻恩每奏對宣廟前上必為傾聽而是時領佐長臺事其御寮屬甚嚴而獨才謙以為已弗如也按

江西辯明誣獄出數百人之寃死者藩國挾

和買為市屢害謙復按懲之一方若滌頌聲滿道歸復借錦衣官校搜捕官河之匿私隱者謙所按覈於權倖不小避扈蹕下樂安州漢王高煦既而縛降上卒命謙數其罪謙肆口而成其言皆正大剴切高煦俯首戰慄稱萬死而已上大悅還師第賞鈔幣與大臣同久之議增補各部右侍郎治諸鎮糧稅兼練卒撫民上手書謙姓名授吏部遂超拜兵部右侍郎兼

關外春秋

卷十二 文帥

十三

治河南山西奉 璽書以往時年僅三十三時人榮之其在山西則以大同在塞外巡按御史不能至其地往往翫狎請別設御史併上谷治之而又盡奪大同鎮將之役卒墾私田者為官屯邊用充溢謙于吏術民事亡所不精劉而尤以足兵食明舉措振綱紀為急當是時居政本者三楊皆重謙所奏請朝上毋不夕報可於是得行其志滿九歲遷左侍郎食二品俸謙既在官久威惠流聞嘗輕騎自河內歷太行而

盜有伏窺者，謙厲聲叱之，皆大驚散走。曰：不為我公死罪，幸赦我，當入朝議事。舉叅政孫原貞王來自代，是時三楊前後卒，而中貴人王振持秉勢張甚，以謙無謁，嗾之勒給事中廷劾謙，以久不遷，怨望，擅舉人自代，亡人臣禮，下法司論斬。繫三月，暑讞上，振怒適解，乃謂大臣：吾嘗見一故御史名若于謙者，恣甚，欲治之，今乃非此于謙耶？赦之，以為大理寺左少卿，而所薦孫原貞王來俱顯名。景泰中，至尚書，與謙略相

關外春秋 卷十二 文 五

塙謙甫出獄，而山西河南吏民伏闕上書請借留謙者以千數。周晉諸王亦言之，乃俾以少卿復撫二鎮。又明年始以兵部右侍郎召，距其初至鎮十九年矣。是時南北屢用兵，大盜時起，尚書郝楚以清幹著，而謙佐之以弘斷，部事雖稍稍飾，然尚扼於中貴人，振不能大展，而亡何為正統已巳，虜酋也先既破略獨石馬營諸鎮，至秋益猖獗，振遂挾上下詔親征謙，與郝楚上言也。先醜豎子耳，諸邊將士足制之。

陛下為宗廟社稷主，奈何不自重奉以與犬羊角乎？請毋煩六師，上不聽。楚乃從治兵，而留謙仍治部事。車駕至土木，蒙塵報至，京師大震。皇太子幼不能監國，太后乃命郕王攝政以輔之。王御左順門，時中貴人振雖已歿，中外恨而欲食其肉，於是九卿臺諫廷劾振罪，請用反法於其家，奏未竟，而錦衣指揮馬順者振黨也，妄傳王旨叱衆退，給事中王竑起直前，捽順曰：此正所謂翼虎者，今日猶

關外春秋 卷十二 文 五

敢爾。衆爭捶之，立死。又捽二閣之嘗私振者死，時衛卒聲洶洶，王懼欲退，諸大臣皆披靡，有趨匿者，公獨直前掖。王且啓：王下令曰：捽順與二閣死者義激無罪，少選俟得請。皇太后即族振，且籍順等家，衆始退。于是王乃起，謙徐徐步出掖門，吏部尚書王直者最為篤老，臣執謙手而歎曰：朝廷正藉公耳，今日雖百王，直何能為？尋進兵部尚書，謙謝弗允，乃上言：扈駕文武臣有預軍事進止，當以失機論，即

死亦不宜濫。卹報許。廊王既卽。大位益賢謙虛。已委焉。入對慷慨泣奏曰。虜得志。挾我大駕。勢必長驅而南。今軍實武庫兵盡矣。司馬宜急分道募兵。及留漕卒。自益。司空宜併日而蒐乘繕械。九門要地。宜令都督孫鏜衛穎雷通張軌等分守之。都御史楊善給事中王竑等。參焉。凡兵皆出營郭外。毋令避。而示弱郭外之民。皆徙入內安插。毋令失所。而置通州倉。欲守之。或不能委。以與虜。則可惜。宜令官軍皆給一

關外春秋 卷十二 文師 七五

歲祿奉聽。其自運仍以贏米為之。直虜所急者。草諸廠。宜亦聽軍稱力取之。不盡則焚之。毋以飽虜馬。而是時石亨方坐繫。楊洪亦以逗遛當。譴謙惜其才。勇請赦之。與安遠侯柳溥為大帥。而身總其機。宜進止不効。則治臣之罪。以謝天下。上皆嘉納之。虜報益急。而侍講徐理者。以曉暢軍事聞。且好言天象。上使中貴人召而詢之。則力謂紫微中宮皆有變。必反故都。而後吉。諸中貴人之風竄者。悉土考。相軋未定。而指紳

士人多遺其私。重歸謙。乃慟哭廷諍曰。京師天下本宗廟社稷山陵寧。此百官萬姓祭。庚廉萃此。此而不守。去欲安之。今日足一動。明日大事去矣。且虜乘勝驕。實不足畏也。上聞之曰。善。其一聽謙處。分十月也。先挾太上皇帝破紫荆。遂直窺京師。石亨議毋出兵。第壁以老之。諫曰。不可。賊張甚矣。而我又先之。弱是佐彼張也。亟擐甲統大營。營於德勝門外。諸門皆有兵。擐二十二萬。虜見我兵盛而嚴。不敢

關外春秋 卷十二 文師 七六

輕犯。以數騎來營我。謙乃設伏於空屋。使數騎誘虜。虜遂以萬騎來薄我。伏發。敗之。孫鏜毛福壽復敗之。西直門。謙使謀。上皇舉駕遠夜。令人以火炮擊其營。死者千計。賊遂退。有詔褒于謙。進加少保總督軍務。謙固辭。不許。謙退而語人曰。四郊多壘。卿大夫耻之。今謙不能死。而以微功賞。能無重耻哉。復上疏固辭。不許。大同參將許貴奏請遣使贖其幣。以款虜。而徐為討伐計。謙謂前者故非不遣使。都情揮季鏗指

揮岳謙遣而虜隨入寇通政王復少卿王榮遣而不獲徵。太上一信其狡焉侮我而處我何似而可言和。况虜不共戴天等也。理固不可和。萬一和而虜遂肆無厭之求。從之則坐敵。不從則生變。勢亦不可和。因劾貴介胃之臣。而委靡退怯。法當誅。於是邊將人人言戰守。虜不能挾重相恫喝。始欲歸。太上天。謙以添易真保諸州郡為京師拱衛。而事力單甚。乃皆宿兵。使都指揮陳旺等分將之。而右都督楊俊帥焉。久

關外春秋

卷十二

文師

七

之皆屹然重鎮中貴人喜寧者故俘虜也下蠶室得近而後復沒虜為虜用諸所要挾皆寧謀謙密授計楊俊捕而磔之復授計侍郎王偉誘誅為虜間者小田兒虜自是益計屈時復議遣使與也先和且迎太上天群臣王直等請之力上意不懌曰我非貪此位而卿等強樹焉而今復作紛紜向衆不知所對謙從容曰天位已定寧復有它言和者覲以解目前而得為備耳上顧而改容曰從汝從汝於是左都御史

楊善以奉使往而上皇返駕先朝處降虜近畿也先入寇多從之而北會西南方用兵謙與上謀每征行輒挾其精騎以往厚與之資有功則官之已而更遣其妻子自是肘腋少它患楊洪既自獨石入衛而所留老弱凡入城悉歸也先然彼亦不之守謙謂此宣府垣屏也不可棄乃復授都督孫安計使以精兵由龍門關出據之而募民屯田且戰且守八城遂復貴州苗寇久未平侍郎何文淵請罷二司專設都司而

關外春秋

卷十三

文師

八

以大將鎮之謙曰不設二司是夷之也夷之何以通滇楚道且無故而棄祖宗所設地不祥遂寢當是時浙閩則有鄧茂七葉宗留廣則有黃省養又有獯猺而三楚之貴竹苗獠處處蜂起前後命將將兵皆出謙獨運號令明審動合機宜雖宿舊勳臣小不中程律即請旨切責究治不貸片紙行萬里外電耀霆擊靡不惴惴效力毋敢飾虛辭以抵者以故天下咸服謙而歸景帝能用人時已已城下之役石亨功不

如謙而得世侯爵心媿之乃推謙公 詔予一
子府軍前衛副千戶謙辭至再三有云縱臣欲
為子求官自當乞 恩於君父何必假手於石
亨於是亨益愧且恨謙矣 上復 賜謙闕西
甲第謙辭曰匈奴未滅何以家為去病豈子尚
知此意臣獨何人而敢饜此又不許乃置 上
前後所 賜璽書袍鎧冠帶弓劍之屬於堂而
加封識歲時一謹視而已謙多寓血房以便朝
謁一日病痰壅 上使中貴人與安太醫院董

闕外春秋

卷十二

五

宿視之云治痰必需竹瀝 上為 親幸萬歲
山伐竹以 賜且命計謙日用所需悉出自
尚方謙惶恐謝且乞歸 詔免朝謁尋賜璽書
褒予備至 太宗以北伐故宿兵燕中甚盛而
會承平久不能無老弱公侯中貴人徃徃役占
土木之難半以委虜其額雖有五軍神機三千
諸營將不相屬相支調為恒謙議選精兵十五
萬分十營營以一都督領之五千人為一小營
營以一都指揮領之餘兵散歸五軍等營以備

次調雖有楊洪石亨柳溥為大帥而進止皆
一由謙相顧頽首而已 景皇帝不豫石亨謀
與吉祥等發南城鋼迎太上復辟英帝甫御殿
而謙與大學士王文下獄謂謙文與中貴人
舒良王承張未等謀迎 襄王為帝坐以誅反
律論斬棄市籍其家自 上賜外無長物謙死
之日陰霾翳天行路嗟嘆吉祥麾下有達官指
揮朶耳者以一觴酌其地而慟吉祥悲朴之明
日復醇慟如故先是杭之西湖洞窳底孫原貞

闕外春秋

卷十二

五

時填其地語人曰哲人其萎乎吾甚虞于公俄
西北邊報甚亟 上憂之時恭順侯吳瑄侍進
曰于謙在不令虜至此 上為默然謙有一子
冕白府軍前衛千戶赦歸 憲宗初上疏白冤
狀 上憐而復其官 賜祭有云當國家之多
難保 社稷以無虞惟公道而自持為權姦之
所害在 先帝以知其枉而 朕心定憐其忠
天下誦而稱之 孝宗初加贈特進光祿大夫
柱國太傅謚肅愍 賜特祠於其墓日旌功

改文資累遷至應天尹。諫為文肆筆立就。而以古人功業自期。若不肩也。所存奏疏若干卷。集若干卷。萬曆中改謚忠肅。

按

景帝不豫。石亨知其必不起。乃與掌兵都督張軌、張輓、左都御史楊善、副都御史徐有貞、謀迎上皇復位。遂結中官曹吉祥、蔣冕、白於皇太后許之。八月十六日。既暮。軌、輓等會於有貞宅。時有邊報北虜欲入寇京師。有貞

闕外春秋

卷十二

文帥

三

以為宜乘此為名。納兵入內。輒首肯之。有貞復升屋。覽步乾象。亟下曰。時在今夕。不可失矣。將出。有貞焚香祝天。與家人訣曰。事成。社稷之福。不成。戚族之禍。遂往會亨。收掌門鑰。開門納兵。時已滿。下四鼓。天色晦冥。亨、軌等惶惑。顧謂有貞曰。事當濟否。有貞大言曰。時至矣。忽退。遂薄南宮城。毀垣壞門而入。亨等入見。上皇出問曰。爾等何為。俯伏合詞。請陛下即位。遂共掖登輿。有貞前導。忽星月開。

朗。上皇顧問卿等為誰。各以姓名對。遂升

奉天殿。登御座。初文武羣臣約是日入候。景帝視朝。頃之。南城鼓噪。震地。羣臣失色。須臾鐘鼓大鳴。上皇復位矣。尋修于公於市。評曰。古者司馬掌邦政。以平夷寇亂。雖曰張皇六師。然非必天子在行。而後謂之武也。戎衣一着於牧野之誓。即倒載干戈。而包以虎皮。示天下不復用兵焉。漢高困于平城。唐文睿于安市。噫。嘻。危哉。我高皇帝神武馭

闕外春秋

卷十三

文帥

三

世。彭蠡之後。不復親征。文皇帝躬率六飛。三犁虜庭。而被堅馳輕。與匪茹角。日犯霜露。以媒叵測。北望而抱遺弓之痛。天下悲之。宣宗之世。將士精銳。氣警瓊裘。然使閭振狎之。而輕以萬乘委敵。即令黃屋亡恙。紫蓋還洛。而蒙塵之辱。畢世莫可洗矣。三改代而。狂不知戒。輕從中貴惡。少履虎尾。而幸免于。啞。胡可再恃也。夫人主據九重之沉沉。尚不能忘戒心。今率然而臨廣莫。寄命鋒刃。豈不

殆哉。故土木之變。忠臣義士所為寒心。

聖子神孫所當警戒也。

北地李夢陽為于公詞記口。謙死一時痛之。云鴛鴦水上走。何處尋魚鱗。而當虜之擁。太上而南。至宣府。宣府人登陴曰。賴天地社稷之靈。國有君矣。至大同。而大同人登陴曰。賴天地社稷之靈。國有君矣。而謙獨颺言曰。社稷為重。君為輕。斯言也。功以之成。禍以之生。歟。謙以介冑。分不言和。而言戰守。當

開外春秋

卷十二 文師

三

太上之迎復。謙不為梗。小梗者王文楊俊耳。

景帝之信謙。謂其能禦固。非有布衣腹心素。一不合。則睽。再不違。則去。夫人主以私愛欲易太子。雖留侯不能得之。漢高。而謙能得之。景帝乎哉。天命所歸。大寶中奪。小人貪功。伏機發。元助甫就。膺此既烈。智不及避。勇不及決。悲哉。

英廟北狩。蒙塵虜人悔禍。旋奉駕歸。此自古之所無也。固國家國勢之強。亦人事有以中其

機會是時。邴王監國。不欲急君。邊人謝之曰。中國有主矣。虜人抱空質。而負不義於天下。所以汲汲來歸。蓋合鄭公孫申之謀也。魯庶

公時。晉人執鄭伯。公孫申曰。我出師以圍許。為將。改立君者。晉必歸君。故鄭人圍許。示晉不急君也。晉欒武子曰。鄭人立君。我執一人焉。何益。不如伐鄭而歸其君。以求成。於是諸侯伐鄭。鄭伯歸。

已已之役。不急奉迎。太上為景帝庇乎。

開外春秋

卷十二 文師

三

不知。太上所以得速還者。由不急迎也。特不可為訓耳。天位不再。社稷為重。君為輕。千載而下。能幾周公哉。南城之奉養。不以禮。則非也。易儲。君心也。相職也。于忠肅一本兵耳。夫不錄其再造之功。而以易儲罪忠肅。何其忍也。

公鎮河南山西時。夙夜拊循郡邑。延訪父老。以便益疾苦。歲饒。則冬書官。錫糴民粟。歸庾。儉則吐庾粟。減直以糴。公私得相贍。而於下

尤利河勢將潰公厚築堤障之多植榆柳其上五里有亭亭有長青以修補官道俱貴種樹間鑿井以蔭行者而飲渴者當入

朝議事人謂宜索土物以充交際公笑而舉其袖曰吾惟有清風而已因賦詩曰首帕蕭蕭若與合春本資民利及為殃清風兩袖朝天去免得閭閻話短長

關外春秋

卷十二 文師

五

明推誠宣力武臣特進榮祿大夫柱國靖遠伯總督雲南軍務賜金牌信符便益行事西巡陝西寧夏甘涼等處收領平蠻將軍復領兵部事加號奉天翊衛推誠宣力守正文臣光祿大夫贈靖遠侯謚忠毅王公驥

靖遠侯驥字尚德其先太原家大同之宣寧尋徙東鹿為東鹿人世世務農至驥而始讀書三十餘成進士驥為人長身偉幹多力便騎射剛毅有膽既入仕通法律尤曉暢戎略以選授兵

關外春秋

卷十二 文師

五

科給事中累遷兵部右侍郎前後滿九載進尚書當是時南北多邊警羽檄旁午兵部最為要重張本材而廉稍以刻稱許廓僅僅循職而驥代之始振刷有風望時西虜阿台朶兒只伯數侵盜甘涼諸邊戍殺掠吏人左右副總兵都督任禮蔣貴等勢敵不相下狐疑莫發於是驥較部務行邊制詔一切便宜行事是時都指揮使安敬為偏將黯而怯都督蔣貴都御史曹翼追虜至魚海子將及之而敬謂前途無水草不

可進引還曹翼言狀。上密勅驥責貴死狀而
修敬軍中以殉驥故。祕之。而大會諸將方就坐。
忽揖敬下曰。汝奈何逗撓誤大計。命斬敬。而
謂貴曰。公亦當死。且責狀以報。於是諸將士股
栗莫敢仰視。驥乃請分兵畫地約以賊小至。則
各自戰守。大至則併力拒敵。軍勢遂大振。尋下
詔任禮為平羌將軍。蔣貴趙安副之。而驥特
為監督討阿台。朶兒只伯諸進止悉取。驥謀
虜營狼山等處。乃選精騎授蔣貴使為前鋒。而

國外春秋

卷十三 文帥

三

自與任禮等以大軍繼之。且與貴約曰。勉旃。不
能成功毋相見也。貴感奮直前搏虜。敗之。貴復
以精騎二千五百出鎮夷。間道兼行。三日夜。及
而大敗之。得其左丞脫羅及裨校百人。斬首三
百餘。獲金銀璽印各一。駝馬兵甲以千計。朶兒
只伯與阿台以數騎遁。尋賜死。明日至亦集乃
地。得偽萬戶二人。以為鄉導。窮追五百餘里。至
黑泉而還。捷聞。貴禮皆進封伯爵。而驥兼大
理寺卿。兼食其俸。詔還理部事。久之。麓川

宜慰司任發叛。雲南總兵沐晟與弟昂討之。不
利。晟至以憂死。驥與太師英國公輔等議以
天下全盛。而世弱於舊。屬小夷非策。時中貴人
王振方柄國。喜功名。遂命定西伯蔣貴為平
蠻將軍。驥總督軍務。率副將軍李安劉聚等大
發兩都諸鎮漢土兵。合十五萬討之。瀕行。賜
驥貴黃金。犒車細。鎧蟒繡緋衣。朱弓矢。驥馳傳
至雲南。而貴等兵集。冬十月。驥等抵金齒。其別
酋陶孟刀門捧以鎮康降。遣丹保等率輕兵五

國外春秋

卷十二 文帥

三八

千受之。因其眾破昔刺寨。進攻孟通。而驥等以
兵二萬水陸攻上江。敗其伏兵。遂進圍上江寨。
副總兵劉聚參將官聚兵亦至。因風焚其排柵。
遂大破之。殺其將刀放。受刁招漢父子。虜刀門
項斬五萬餘級。上江平。尋敗其象陣於泥溝。等
復敗其象陣於永毛。庵泥寨。遂拔之。驥等遂進
圍麓川。縱火焚其門。并庫藏。廬舍皆盡。以大捷
聞。仍請留所部兵。昇都指揮胡誌九人分守
金齒蒙化等處。而是時維摩州賊韋郎羅稱廣

新王以叛詔驥旋師討之驥曰此不足血吾必也乃遣偏師歷其境曰王尚書大兵至矣賊皆潰韋郎羅走安南傳檄捕之安南王懼斬其首并妻子來獻廣南富州土守交惡十餘年不解驥諭之立釋構請命師旋上遣戶部右侍郎王質資羊酒迎勞數百里外既入見慰勞有加特封驥推誠宣力武臣特進榮祿大夫在國靖遠伯歲食祿千二百石追封及三代子孫世承襲賜誥券貂蟬冠朝服玉帶白金百兩綵

關外春秋

卷十二 文師

三九

幣十表裏鈔萬貫而貴進封定遠侯賞亦如之劉聚等陞賞皆過望士卒賜予加等府庫為竭而驥以侯伯奉朝不預兵部政矣蔣貴果勇善戰雖至大將猶鋒陷堅驥前後皆賴之成大功而是時思任發尚在竄其子思機發復率其餘眾往來窺伺乃復命驥總督雲南軍務率都督同知冉保都督僉事毛福壽以兵往圖之賜金牌信符便宜行事驥至思任發復走緬甸索之不獲而思機發眾漸盛不能制乃

奉請益兵詔復遣定西侯貴以兵五萬會討之然緬甸卒不肯送思任發以思機發致警為解驥等無如之何乃縱兵擣思機發寨獲其妻子家屬及從賊百餘戰象十一驥等還京師加祿定西侯歲五百石驥三百石其白金鈔幣如初而冉保毛福壽等陞賞亦次之亡何西巡陝西寧夏其涼等處所至申飭邊隘練士卒虜不敢犯久之召還會思機發竄之孟養孟養與相比匿不肯捕送於是驥復總督軍務偕平蠻

關外春秋

卷十二 文師

三九

將軍官聚討之師抵金沙江賊立柵西岸驥作浮梁以度一鼓破之復連拔其三柵斬獲萬計然竟不能獲孟養酋與思機發驥威名故甚盛至是凡三率師南矣而稍稍損於前然業已獎勞驥聚召還京矣至是停獎勞勅勒聚還而改驥領平蠻將軍討貴州苗獲其稱割于王蟲富者檻送京師修之加歲祿百石時禁私役閩人俱令籍入官惟黔國公寧陽侯得留閩人驥獨留六人驥老且八十食肉躍馬多從女侍

供張奉御如王公而會武清侯石亨等奉太
上皇於南宮而驥與焉復領兵部事加號奉天
翊衛推誠宜力守正文臣階爲光祿餘如故數
月復請老又三歲乃卒年八十三贈靖遠侯謚
忠毅子瑞嗣至今不絕

按天順時本兵之權甚重而靖遠之材足以
稱之

主上之禮遇亦大優渥焉當其輟部務行邊一
切便宜行事及功臣還朝而兼大理卿兼

閩外春秋

卷十三

文帥

三

食其俸今有之否麓川之役瀕行而賜黃金
介冑蟒繡弓矢今有之否師旋而上遣
少司農賚羊酒迎勞于數百里外今有之否
及再督雲南軍務賜金牌信符今有之否
而靖遠老且八十供張奉御頗奢幾與郭汾
陽王等得留闈六人云
評曰靖遠與濟武功三伯者皆材人也靖遠
材而欲武略則優與濟材而巧武功材而躁
其恭恇忍割皆有陰慝而靖遠差寬之矣不

然以麓川之三役塗炭幾天下半而卒以長
世也吁可以知其無隱惡矣

閩外春秋

卷十三

文帥

三

明奉天翊衛推誠宣力守正文臣特進光祿大夫柱國武功伯兼華蓋殿大學士徐公有貞公名有貞初名理字元玉後改今名蘇州吳縣人。生而短小精悍目光炯炯注射穎敏絕世。十三二即能為古文辭有貞於書無所不讀而好習兵法及刑名水利諸家言於天文風角占驗尤精究不倦人或謂有貞此豈公職耶有貞笑曰待職而後習則已晚矣是時天下承平久執末者新方從事西南夷而不慮北有貞憂之上

歸外春秋

卷十二

文帥

子

封事千餘言皆關係國家大計而於備北方事尤切下所司議行久之也先犯宣府大同諸陵中貴人振挾上北伐且戢行而有貞指天象謂所親曰茲行也必敗上不歸矣已而敗問至大駕果蒙塵中外籍籍謂有貞知兵邨王時監國召有貞入使大璫與安等問計有貞為言紫微垣俱已動急乘虜之未深而還故都為使與安等不以為然而尚書于謙廷請斬倡南遷者刑部侍郎江淵亦自稱知兵次入對

以固守之說進得直文淵閣而有貞屈矣然猶以才舉行監察御史俾鎮河南以備緩急授有貞請於執政者必便宜行事易璽書而後發時所治彰德而郡民驟間變爭亡匿山谷間有貞擇倅丞之屬素見信者使捐之皆歸業有貞乃建牙募兵入衛且萬人然多太行群盜有貞厚其餼教以坐作進退擊刺之法然使自相團結而不籍其貫址以故其人雖難制皆踴躍願為官用會虜敗退有貞罷鎮徵還京師充

歸外春秋

卷十二

文帥

子

經筵講官進右春坊右諭德仍兼侍講有貞既負材請急欲大顯用邑邑不自得乃以玉帶獻內閣陳循而進日者之術曰先生帶且玉矣若無何循加少保心喜有貞數為言之上不答國子祭酒缺循以為言上曰是徐理耶南遷之謬也而可長成均也有貞久不遷不能無望循循見之第云君無仍舊名而已有貞悟始改今名無何河決山東之沙灣凡七歲隨築隄決餉導沮而役卒疲甚乃議進有貞為都察院右

僉都御史治之河以決故涸而有貞至方冬
而水暴漲公私之艘畢達而治河卒踰數萬人
悉與之期而遣之乃乘輕航窅河源遂踰濟汶
至衛汴循大河道濮范還鳩工而前所造幸
依期至乃爲渠以疎之中置閘以節直之渠起
金堤張秋之首凡百餘里而至於大澤之潭
范暨濮又上數百里經澶淵以接河汴用平水
勢水勢平凡河流之傍出而不順者則堰之堰
有九長各萬丈捷以水門繚以虹堤堰之崇三

關外春秋 卷十二 文帥

十餘尺其厚什之長百之門之廣三十有六丈
厚倍之隄之厚如門崇如堰長倍之用平水性
水性平濬漕渠至數百里復建閘於東昌之龍
灣魏灣者入積水過丈則開而洩之皆道古河
以入於海蓋三年而告成有貞嘗欲築一決口
下木石則若無者而惟之一僧居山中有道術
有貞往叩焉僧無所答第云聖人無欲有貞沉
思竟日而始悟曰僧蓋言龍有欲也此其下有
龍穴吾聞之龍惜珠吾有以制之矣鐵能融珠

乃溶鐵數萬斤沸而下之龍一夕徙而決口塞
夫有貞知制龍欲而不知龍之以欲見制人也
功成而 景帝召對而褒勉之進左副都御史
駁駁用矣不能稍自制而比於石亨從迎 太
上皇於南宮始亨與許彬善以謀語之彬曰善
應天順人功莫大焉雖然彬老矣無能爲也必
徐元玉而後可亨乃謀之有貞乃復指天象曰
豈其復爽耶遂與謀決南宮綱而 太上皇復
辟捕于謙等下之獄有貞之術治河 命則關

關外春秋 卷十二 文帥

臣商輅有力焉至是併陳循等皆弗能救而從
之下石即日進兵部尚書兼翰林院學士直文
淵閣于謙等之禍中外咸側目有貞而有貞意
殊自得請於石亨曰願得冠側注而從兄後石
亨爲言之 上 上曰爲我語有貞但僂力不
患不封也居旬日亨復言 上乃下 詔封有
貞奉天朔衛推誠宣力守正文臣特進光祿大
夫柱國武功伯歲祿一千一百石子孫世爲錦
衣衛指揮使遂進兼華蓋殿大學士領文淵閣

事賜貂蟬冠玉帶公服旬月之間。恩賜赫奕。與石亨張軌等埒。時上既以虛已委有貞而石亨與中貴人吉祥數干預大政。有貞積不能平。而私囑上於亨。吉祥不能無厭色。乃稍稍裁抑之。且為上徵言其貪橫狀。上亦為之動。而御史楊瑄遂糾亨吉祥侵占民田不法。上復以問有貞及李賢。有貞等對與瑄合。乃瑄敢言。俾覆覈所侵田。於是御史張鵬等遂具草悉糾亨它罪狀。將上之。而兵科都給事中王

聞外春秋

卷十二 文卿

三

鉉密以告亨。亨馳訴於上。謂鵬乃已僂兒豎。永猶子。結御史為永報讐。上遂御文華殿。悉收諸御史面詰之。諸御史具亨事俱有驗。上怒曰。亨即實。汝曹何不早言之。下錦衣獄。寃主使詞連右都御史耿九疇。副都御史羅綺皆下獄。亨復訴於上。謂有貞賢寔使之。於是併下獄。獄具有貞謫廣東右叅政。李賢謫福建右叅政。諸御史獨楊瑄張鵬。戍而九疇綺等從輕比謫矣。尋以李賢素謹重。不預情。留之。有貞既行。

而有以飛章謗國是者。其語復多侵亨吉祥。於是復訴之。上謂有貞實又使之。逮歸置獄。拷窮極。鍛鍊無所得。而摘其詰詞。糞禹神功。謂為所自。草坐大逆不道。當死。以雷震奉天門。有為黔首發雲南金齒安置。有貞謫金齒之四年。而復指天象語人曰。曹石禍作矣。是慘於我。我且歸。而石亨益死獄。家籍有貞以赦還里。按承平日久。士大夫安于處堂。絕未有講求兵法者。有貞不待職而習之。宜其見嗤于文

聞外春秋

卷十三 文卿

三

俗吏也。乃南遷之說雖紕。而竟使之鎮河南。人固不可無才哉。必易勅得便宜而後發。又募用太行羣盜。而皆踴躍樂為之用。亦一素習兵法之効也。更名以希進。決南宮以要功。比石亨以求封媚附。殺于謙。彼哉不足道矣。金齒之謫。非不幸也。評曰。占候之術。微渺難精。即精之。未必盡驗也。余嘗遇異人。得異書。窮年皓首。沉酣其中。而十僅得其六七耳。遠左之勛。奴首之異。不

幸而言中、先君每誠之、遂其作磨堯堅矣、武
功之占候果奇、其事再驗、一不驗、幾遂悞國、
世之所謂不詳人也耶、

三立堂新編闕外春秋卷之十二

闕外春秋

卷十二

文解

三九

三立堂新編闕外春秋卷之十三

華胥外史漢陽 尹商 于皇甫 著

明太子太保兵部尚書項襄毅公忠

公名忠字蓋臣嘉興人也舉進士年二十二為刑部郎已從英宗北狩土木陷虜自拔歸間道走七日夜始達宣府足刺疾黎數百不覺也歸明年進廣東按察副使已改山東所歷多軍功後元年為陝西按察使會陝西饑不及上聞輒發倉賑全活殆數萬計未幾以繼母喪歸

闕外春秋 卷十三 文師

陝人走數千赴闕乞留於是奪制袁墨衰還治陝凡五載徵為大理卿行陝人復馳闕乞

留甚懇上謂忠得陝人心遂拜右副都御史留鎮其地仍賜鈔三千緡時洮岷番亂擊捕降其衆明年成化改元督寧遠伯任壽破北虜於

延綏又明年毛里孩舉國犯邊督彰武伯楊信破之於小龍州虜大創去陝土亢且鹵苦乏水

公尋故龍首渠濬三十里又疏鑿涇陽鄭白渠灌田七萬頃後二年固原土達濬四怨都指劉

清之偏擁衆叛旬日嘯聚且二萬據石城逆殺官軍死傷積野守將寧遠伯任壽廣義伯吳琮巡撫都御史陳价以失事逮獄命公總督詣道兵討之公至親援甲冑厲鋒刃陷陣入時虜勢張甚從高乘我我衆披靡前却伏羌伯毛忠戰死公中流矢兵將潰公即陣斬千戶退縮者陣稍定會有星孛于台斗人人搖動營內外訛言甚公曰兵家禁祥去疑昔李晟討朱泚非焚惑守歲乎而功竟以成是在戰不在機祥也我

闕外春秋 卷十三 文師

備之耳時同事者日夜望援兵甚急而廷議方且濟師公辭之曰兵有合變吾據賊水草坐扼其要足以困賊勝之必矣京軍脆弱不習戰即簡練盡得精銳馳數千里來塞外此自疲祇取敗耳於是大司馬兩侯伯主議者皆銜公公不顧堅壁持賊者且百日時時單騎過賊營諭大義且陳禍福賊亦稍稍相率多來降者獨滿四自計罪不得原日感驍騎挑戰或截出劫營大小且三百餘戰當是時虜衆甚銳連號一呼雲

清之偏擁衆叛旬日嘯聚且二萬據石城逆殺官軍死傷積野守將寧遠伯任壽廣義伯吳琮巡撫都御史陳价以失事逮獄命公總督詣道兵討之公至親援甲冑厲鋒刃陷陣入時虜勢張甚從高乘我我衆披靡前却伏羌伯毛忠戰死公中流矢兵將潰公即陣斬千戶退縮者陣稍定會有星孛于台斗人人搖動營內外訛言甚公曰兵家禁祥去疑昔李晟討朱泚非焚惑守歲乎而功竟以成是在戰不在機祥也我

矢石雨下，公奮戰盡擊，卻之楊虎，程者
來，虎怒戰慄，乞宥死，公曰：爾死何道，願不足污
我，乃宥能自効乎？虎程伏地，嗟咽願受命，公即
解金鈎束賜之，數慰約結，以厚恩遣歸，為內應，
已賊數出戰，虎程竟賣滿四，乃被擒，因擊下石
城，斬首八千級，俘二千餘人，仍留軍戍之。明年
論功，進右都御史，會京圻大水，勅巡視順天
諸府，公為振之，民賴以生者幾三十萬人，又明

湖外春秋 卷三十一 文帥 三

年大旱，荆襄多流民，李胡子者，劉千斤黨，倡為
亂，上特命公往平之，公至，兵二十五萬，聲言
勦捕，而實諭撫散，因偏示山谷，眾感悟，涕泣而
解散者九十三萬人，編戍者萬餘人，隨附土著
者三萬人，併斬其拒命者二千人，時有星變，言
官論荆襄戍殺人所致，公再疏，自列言為國任
怨，未嘗妄殺，因力求歸，不許，又明年討平野王
剛，小王洪召還院，已進刑部尚書，論年改兵部
尚書，時拒瑞汪直剛，是歲，荆襄朝臣屢典大

獄百官莫敢睨，公特疏發其姦，及擿其黨，瑛
輩上震怒，罷直東廠，瑛坐戍邊，有御史戴紱
附直祈進，上書白其能奉法，上惑之，直仍領
廠事，遂首搆公，欲寘之死，不得，得落職去，後七
年，諸奸相繼敗，復公兵部尚書，致仕，卒，年八十
二，贈太子太保。

披土達鷲，猛關中根本，四未平時，朝野洵洵，
使其得志，天下事未可知也，項公竭盡心力，
露宿原野者六十餘日，躬冒矢石者二十餘

湖外春秋 卷三十一 文帥 四至六

載，始克獲醜，獻馘殄平巨寇，而止進一階，較
諸趙輔劉聚王越封拜如寄者，不無功懋賞
薄之疑矣。
評曰：馬援征南，蒙惹苻之謗，鄧艾伐蜀，來檻
車之徵，從古關外之臣，媚疾流言，非惟功不
見錄，抑且身之不保也，先是荆襄盜起，中外
恇懼，皆慮何日得寧，公肅將天威，克平通寇，
遣回流民一百五十餘萬，譴戍賊黨一萬二
百有奇，隨居家屬五萬九千餘人，四省境內

明都察院右都御史總督兩廣軍務前巡撫大同宣府江西右僉都御史協理院事襄毅韓

公雍

公名雍字永熙吳人幼穎敏讀書過目即成誦弱冠舉進士選授監察御史尋奉命錄囚碭山教諭丘純責膳夫丘磨兒磨兒父教令逃去因訴他御史純筆死吾子他御史榜掠純強自誣服然無所得屍黃河撈一浮體支解者父迺哭吾兒也於是純坐極刑雍疑之縱跡得磨兒

關外春秋

卷十三

文帥

七

絕始白父之出巡按江西衆猶謂雍年少未經事難之雍抵鎮振刷精彩經措宏父後先皆弗如也廬陵饑盜大起雍從巡撫侍郎楊寧謀設伏捕首虜二百餘餘孽次誅無噍類楊寧見雍輒自失曰御史即少而老於吏是聰明百寧何可當而大學士陳循者廬陵人也熟知雍才可大用言於上擢僉都御史代寧巡撫焉雍時未三十黜屬吏奸貪疏滯獄均徭役平市價恩威大著英宗皇帝狩土木虜猖獗西南夷

繼叛諸省無不被兵江西獨恃雍少安英

宗復辟下陳循獄戍之雍坐是調山西副使尋

罷歸一載召拜大理右少卿復右僉都御史

協理都察院事長院者寇深剛愎少許可迺獨

心敬雍雍亦時時有所喻益石亨誅錦衣指揮

劉敬坐直所邀亨午具用朋黨律罪死雍抗言

朋黨者阿比共亂朝政人以一飯當之恐過重

亨盛時大臣中固有朝夕趨其門為宴會累時

今不坐獨以坐敬何也敬卒不死虜復寇掠內

關外春秋

卷十三

文帥

八

地制詔雍巡撫大同宣府陞辭賜宴及

鈔雍至則虜已遷修戰守練卒固城堡為一時

北方之重還議事上喜雍狀貌晉兵部侍郎

英宗皇帝崩內閣學士陳文忠雍因事間

於大學士李賢左遷浙江叅政雍為叅政日頗

不理省務日選勝從賓客曲宴西湖賦詩自娛

且適也純皇帝初兩廣蠻寇復大起拜都

督趙輔征夷將軍發湖湘閩廣土漢兵討之兵

部尚書王竑言于朝曰韓雍才氣無雙盜事非

雍莫可為者雍舊有過請置勿計於是使使就
浙江拜韓雍左食都御史贊理軍務雍即日拜
命會衆議進取或請分軍蹙賊入廣西可破
雍奮曰不然古仗鉞臨戎制闕外謂利國家得
專之也夫兵有合為正分為奇者二廣地鮮完
大藤峽為賊藪本也諸軍不先薄其本迺分兵
以趨末分兵勢弱趨末難盡我全師至彼南可
以攻大藤援高廉雷東可以應南韶西可以取
柳慶北可以斷陽明諸路勢若常山蛇首尾互

關外春秋 卷十三 文師 九

應彼分而拒我聚而攻志曰先人有奪人之心
茲行也必勝我奪之矣遂行會趙輔輔知雍才
軍事一聽雍於是督大兵分道進擊賊剗脩仁
荔浦抵大藤峽道有儒生里老數十人跪持
香曰我輩苦賊久矣莫敢自拔今幸遇天兵得
生為良民荷甚願先三軍鋒雍大怒顧左右叱
曰此皆賊耳縛斬之左右初亦疑何乃殺良民
哉既縛而袂中利刃出迺知間也悉斷頸散手
足割腸胃分掛箐棘中累累相屬賊大驚且曰

韓公天威也悉力拒不支遂破之前後斬獲四
萬一千七十六有奇捷上天子大嘉賞雍功
制詔即軍中拜雍左副都御史賜文綵幣
六官一子錦衣鎮撫雍請以讓其弟詔可雍
復獻策二廣賊勢實相聯屬不兼委且勢輕互
避不便於是命雍總督軍務撫鎮而下咸聽
約束雍既得以便宜行益修飭陣伍擇別將分
捕窮黨與功最鉅晉都察院右都御史雍威嚴
擬王公三司長吏見長晚白事促縮如小吏軍

關外春秋 卷十三 文師 十

門設銅鼓數十儀節詳密宿佐皆極一時之選
然盡法繩下不貸大吏以故謗議遂起內臣黃
沁忌公不得肆嗾人上書誣公引疾乞歸薨年
五十三謚襄毅
按公言自古蠻夷來寇不可以禮義較惟戰
勝自戢叔敖曰寧我薄人軍志曰先人有奪
人之心薄之也兵貴拙速不尚巧遲於是衆
從公會諸軍出東道平陽嶠修仁荔浦諸賊
直抵大藤峽斬其藤置千戶所控賊出入刻

石紀功、班師、公有信義、不爲岸谷、臨戎莅政、豹變鵬搏、雖發奸摘伏、而事簡心平、摘詞酒翰、風生泉湧、天才逸發、無愧經緯全材焉、評曰、未熙少時多奇鬼神跡、至今鄉里能誦道之、近惟故弗悉、二廣士大夫先生、每屈指公曰、此百世功也、大藤峽天險、賊蟠據無敢窺、獨公及王伯安兩至之、信然哉、

太子少保兵部尚書程襄毅公信

公名信、字彥實、休寧人、生于河間、舉進士、選給事中、吏科、景帝卽位、虜犯京師、公監軍守西城、上五事、曰、新號令以振軍威、募勇敢以備警急、召勅王以遏南侵、設武備以防內變、養銳氣以備戰守、都督孫鏜禦虜西城外、失利、諸將不相援、鏜急呼城門求入、公不肯、疏言鏜小失利、卽開城納鏜、虜益張、人心益危、趣鏜戰、必効死力、上立詔勿納鏜、虜逼城、鏜兵亦附城戰、公

與都督王通都御史楊善城上鼓譟、發鎗礮、佐鏜、虜退、遂請勅石總兵于少保、移營關廂外、禦虜、且號令諸將、景泰初使蜀、還言道過畿輔、民饑乞賑貸、延議奉迎、上皇時有龔千戶者、投密書高穀家言禮宜厚、語漸聞、莫敢發、公偕同列會疏入、留中不報、明年、上中興固本十策、曰、敬天求賢、納諫謹災節用、詳刑選將、練兵尚儉、隆師、又明年、上修德疏、陞山東叅政、遼東宣府、故隸二藩、公至遼東憂去、六年、服闋、改四川、理

節松番天順初入賀會錄景泰間進言者陞公
太僕卿公案故事理管衛馬三營大將石亨孫
鏗曹欽並疏言太僕苛急請馬隸兵部太僕寺
言馬政高皇帝諭馬數勿令人知今隸兵部
馬登耗太僕不得聞卽有警馬不給請以責兵
部上是公言復歸太僕二年陞僉都御史巡
撫遼東建州酋董山通朝鮮受偽制爲中樞密
使公廉得偽制疏請先發伐其謀上爲遣給
事中使朝鮮錦衣譯官出建州董山匿不承出

開外春秋 卷十三 文帥 三

偽制示之皆愕懼乞貢馬謝罪會虜李來欲寇
遼東塞公提兵出境屯三月遼東總兵海寧
伯董興倚吉祥姻又昵都指揮夏霖恣不法分
巡僉事胡鼎發霖奸贓罪四十事公條上詔錦
衣指揮郭英逮霖籍其家英得霖貨末滅霖寇
深遂劾公惑外臺官瀆聖聽詔詰公不肯引咎
徵下詔獄調南京太僕少卿五年召還少司寇
憂去成化初起爲少司馬當是時廣川陝荆
襄諸路用兵獨署部區畫方略皆中機宜先是

四川貴州山都掌蠻叛兩鎮守將不相下兵久
無功朝議遣憲大臣督戰科道官在軍中者忽
告捷得賞未幾諸蠻又叛據大壩山箐險破合
江上九縣三年進公大司馬督軍與襄城伯李
瑾發川廣雲貴番漢兵討賊公至末寧分大軍
三道自督入金鵝池四川軍由戎縣貴州軍由
芒部雲南軍由普市入期會大壩大軍進至李
子關渡船舖賊恃險拒敵飛礮下礮石如雨我
軍發神鎗勁弩賊却攀崖上順風舉火焚其龍

開外春秋 卷十三 文帥 高

背豹尾二寨賊退保大壩貴州軍已躋其後四
川雲南軍角其左右賊驚散不支連破諸賊寨
斬首五千擒二千餘賊復走入天井水磨二洞
洞竅幽暗不可入窒洞圍守月餘賊死幾盡九
姓土僚附賊乘還師撲勦又大捷請移瀘州衛
渡航舖控諸蠻分山都掌故地隸末寧芒部更
大壩爲太平川立長官司轄熟夷論功兼大理
卿言官論功上首虜不實公四疏請老不允七
年春無雨雪公應詔條闕政言兵事可更張者

四兵弊可申理者五其大者延綏兩廣歲遭殺掠邊以捷聞朝以捷賀上下相蒙戎夷益肆四方流民盡聚荆襄不早區畫變起中土天子六師馭輕居重京營士馬疲耗器甲頓朽非大更張緩急可憂是歲改南部叅贊機務公曰叅贊謹非常有司事非所宜預八年合南都大臣言興利除害三十餘事乞召還給事中王徽劾退南京守臣應城伯孫繼先明年致仕又明年卒贈太子少保謚襄毅以功得世錦衣百戶公才

關外春秋 卷十三 文師 十五

雄氣果然沉思曲算顧不輕洩先是虜久據河套中議遣大同守將楊信將兵十萬搜套公執不可公征南蠻制詞官殺皆得專斷迄班師不敢輒賞殺一人曰刑賞天子大柄顧閫外事不易集假大臣束攝人即幸事集輒自專非分有奇禍少時力耕養父母及貴寡慾自檢花鳥書畫不接耳目割田五百畝為義庄贈姻書族人子敏政以奇童薦入翰林官至少宗伯按衛青有言人臣不敢自擅專誅於境外故

天子賜尚方劍原以統攝偏裨諸將示不敢參差耳程公自出征迄班師不敢殺一人得聖人法外之意

評曰宋太祖命曹彬討江南懷中出一勅授彬而實封其函曰處分在其中潘美以下不用命者斬之訖江南無一犯律者彬還繳勅曰幸無債事昨面授勅謹納還帝徐發封示之乃一張白紙而已太祖亦未嘗許彬專殺也說者曰高仁厚斬楊茂言張浚斬范瓊張

關外春秋 卷十三 文師 十五

輔斬黃中王驥斬安敬非歟顧王帥何如人耳輒近乃有賜劍在手恣意屠殺若割羊豕者蓋天性慘刻人也殆程公所云必有奇禍者乎

明少保兼太子太保吏部尚書前少師太子太師兵部尚書以尚書總督陝西三邊軍務王公瓊

人名瓊字德華山西晉州人舉進士為戶部郎中歷藩臬二千石皆第一武宗廟召拜戶部侍郎進尚書久之改兵部瓊為人多許算額敏然議凡天下兵馬數多寡強弱及塞隘夷險偏裨否才一覽悉計無遺武宗末政在宦官上多遊伴饑民乘間起為盜最夫者山東

劉六河南趙鏐蜀藍鄢江西桃源華林瑪璫多者至二十餘萬攻城剽府庫驅壯士從老稚掠充食劉趙輩尋為尚書彭澤陸完先後平餘黨次起日益盛封事告變旁午瓊手錄指計悉合機宜虜嘗入寇山西一得利踰歲乃復獵境上陽若東者瓊曰是必趨舊利奏集諸鎮兵據山西要害賊果入大敗之進少保太子太師陳金討兩廣蠻有功謂指出瓊進少傅贛州盜大起王守仁時巡撫請得從軍與法便宜行事瓊才

外傳 卷三 文師 三

之成報 可果以次賊平而瓊又再進少師太子太師寧王反報至 朝中外惴惴亡人色而瓊益治兵自如且日吾久用王守仁上游何耶度反已執之亡何守仁果執王時都督江彬得幸瓊陰與厚結所言無不當瓊得以成功者彬力也瓊惡吏部尚書陸完位居上會完以罪去遂代之然貪財好睚眦中人為吏部大不稱肅皇帝即大位言官論其奸狀有指 詔下獄內閣臣楊廷和欲論瓊死已赦出之戍邊左瓊

外傳 卷七 文師 天

既以就戍益大恨廷和廷和因議禮不合罷歸瓊上疏自列語多侵廷和釋為民虜大入陝殺掠吏民楊一清還 朝難其代 詔復瓊尚書總督諸軍事瓊至修一清之政加振刷焉犄角逐虜去斬獲累二百餘瓊上言鹽池北邊虜虜覘商人過輒入剽掠商以是絕不肯來請外修整護之然多風沙易滿改築塙虜既阻塙不得進商乃肯稍復來邊人以配楊一清進太子太保復改吏部卒瓊與彭澤俱號一時名將其議

略密事相矛盾論者謂變議得云

按流賊之害甚于虜何也虜性野宿不能久居內地來則禦去則追可計日而奏捷也劉六趙燧藍鄆輩盤踞山東河南四川江西之間倏去倏來備於此又突於彼我兵甫集彼即颺去非歲月可以數寧者也王公料敵制勝綽有成算不可謂不長於將略矣用王伯安以縛叛王發縱指示在亂萌未兆之先知幾其神乎

關外春秋

卷十三 文紳

完

評曰公以書生當伏鉞寄節制萬里立功邊陲董六師統百官威望綦重但恐陸全卿居已上擠而代之清議弗許焉雖然代楊文襄總制秦中諸軍其設施伯仲文襄于今為烈矣

明提督軍務巡撫四川都御史馬吳

公名吳關中人長身驍捷善騎射舉進士為監察御史出為按察僉事尋以御史時罪謫真定推官至則教吏士習武多布置鈎指民家有流劫奸盜亡命悉擒之再用前罪謫判開州吏士伏闕上言馬吳於真定稱保障甚宜真定請勿謫詔許之亡何蜀盜藍鄆叛侵掠蜀合四省兵討之未効吏部尚書言馬吳才可蜀按察僉事佐治兵吳至閱所部笑曰將不知兵若勝何擇

關外春秋

卷十三 文紳

手

驍勇材力之士千人分四隊隊各立長會賊來逼城吳夜出百騎舉砲擊賊營亂自路籍而悉兵從後乘之斬首四千級軍中皆喜以兵起未有者吳曰此尚未見大敵胡足喜宜及勝用之遂前遇賊賊方陣左而伏兵於右為應吳以正兵當左而身與兵百騎直擣伏伏驚潰趨左左陣亦潰兵合擊火其柵大破之斬騎將方四捕首虜降萬人遷副使治兵川東道賊延蔓勢尚張都御史高崇熙謀於副使張思齊招諭賊

請降而乞任劄臨清市空其民吳曰臨清市襟喉上達重敘下連湖湘其地饒富沃衍胡可委賊自困獨益飭治募召豪傑賊困不敢東伏漢州平填未幾復反集眾至二十萬前後官兵俱敗績賊遂圍中江固謀嚮成都吳以五十騎馳赴中江賊走窮追之與總督彭澤合擊大破殺賊首廖麻子遂進右僉都御史巡撫蜀廖麻子死餘黨尚數萬竄於東鄉山推喻老人為帥吳請于彭澤曰山險不便騎射深入賊為王或

關外春秋

卷十三 文帥

三二

兵從後追捕首虜又萬人執普法惡誅之吳都御史于一子錦衣百戶然吳好功名又欲討松潘夷不勝罷免按賊不難攻而難得攻賊之將如馬公攻伏兵據山險招土番絕水道賊謀死不暇矣允稱將才評曰嘉靖初胡世寧盛言於朝吳名將可用也其撫蜀亦欲平松潘夷曰吳長用兵輕用其長故敗臣短用兵重用其短必勝嗚呼各

關外春秋

卷十三 文帥

三二

三立堂新編聞外春秋卷之十四

華胥外史漢陽 尹商 于皇甫 著

明光祿大夫柱國太子太保兵部尚書毛公伯溫

公名伯溫字汝厲其先為浙三衢人宋初曰休者來守吉州因家龍城其後遂為吉水人父榮舉鄉試為浙江藩司經歷公屢推恩自曾祖以下累贈光祿大夫柱國太子太保兵部尚書公振時嘗畫見寶塔色相具備稍長輒有異識補

聞外春秋

卷十四文師

一

諸生提學邵文莊公奇其文舉鄉試明年第進士受紹興府推官郡人呼為毛青天當道判訴者咸求詣公為幸或吏事疑似牽制與轆轤不可致詰者必相屬以是攝判嘗半越中辛未徵拜河南道御史巡按福建左布政其用賄入為大理卿公論劾不貸郡縣征民賦率廣額外羨日舟車耗息幾埒正算籌按釐正必復故常丙子巡按河南禁諸司人和買諸司有所科遣必親按勘如均徭大戶皆酌丁稅為準鎮守太監

孫某往在山東許御史得直人多畏之至是市猾羅求匿府中為奸利公發其罪狀窮逮頗急孫怒謂人曰是鉗辱我我將甘心公聞之一日至其府謂曰吾未朝食曷食我食我必宴樂醉飽始得孫不能測強具食食半謂曰外間聞公有言故來相就能待吾食已耶孫驚曰是何言是何言公天子法官也吾何敢公哂曰我固知無是事也聞公在山東許御史費金二萬乃得直御史為公許遂有名人多憐之公既失利

聞外春秋

卷十四文師

二

且誰不切齒者吾知若有愆也相與大笑痛飲而罷戊寅巡按湖廣壽王軍校凌官吏虐民一繩以法仍請詰治輔導官無所縱洞庭水寇出沒湖中而剽掠多在郡縣巡檄與邏湖官軍互相抵諍寇不可弭公移守弁居岳州兼統之患以漸息明年宸濠反督兵九江斷上游奔逸已而果獲殘黨賜勅加俸湖廣視河南時事孔棘然政體練習激揚有方至今湖南北婦人孺子談稀奇事必曰是出毛御史雖踵謠言不易

以他姓也。河南湖廣兩過比士，曲防精鑿，得人為多。辛巳，世宗卽位，太監張銳、張忠十九人，奸罪敗露，論獄當斬。其黨陰庇，假汗奏牘，冀得易辭。公上言：忠、銳輩在正德間濁穢朝政，誤國不忠。使先帝聖德不光，人人痛憤。陛下卽位之詔，歷數其惡，天下鼓舞。如日再中，今復緩於行刑，坐視能法。豈新政所宜有哉！此必司禮太監蕭敬章、蔣同惡相濟，嘿與周旋。臣恐敬章不誅，則明詔不信於天下也。疏入，中官為之屏氣。

外春秋 卷四 文節

三

壬午，擢大理右寺丞甲申，轉左，擢都察院右僉都御史，巡撫寧夏。寧夏北隣套虜，恃兵為命，首罷衙前標軍三百人，歸營諸司無敢以兵自衛。檢屯田沒於河者，獨其軍租。夏地早寒，禾黍未實而霜隕，禱於神。仲冬始霜，歲大熟，未幾大獄事起。以公嘗在大理，例當坐論，未受代。宗室以下三千餘人，上疏乞留，不報。戊子，罷職歸。壬辰九月，用薦者復起。奉勅提督鴈門等關，巡撫山西。俄改提督蘇州等處邊備，巡撫順天。俄

改理院事。明年三月，陞右副都御史。四月，同吏部考察京朝官。六月，以誑誤復罷歸。是年，公始五十有二，而兩尊人壽康無恙。歲時奉觴，鄉人咸聚觀榮之。丙申，皇太子立，將語論外國，上以安南久缺朝貢，詔使不通，議與師責問而難其人。廷臣舉公可任大事。丁酉春，以右都御史召公起復。公懇辭不允，復遣官促上道，不得已拜命。五月，至京師。上疏言朝貢不至，由莫登庸爭亂所致，宜馳檄問罪，而赦其脇從。交酋且

外春秋 卷四 文節

四

獻誠矣。其或不恭，必行天討，則諸方略不可不圖。謹上六事：曰正名，曰用兵，曰用人，曰理財，曰明賞罰，曰一事體。以廷議不果行，有旨理院事。十一月，陞工部尚書。奉命勅提督天壽山工程。諸陵石柱道遠，車摧勞費千萬，公以意制八輪車，前後聯絡，隨地險夷為低昂，工作易就。上聞之喜，賜繡囊銀勺各一。己亥春，聖駕南巡，慮宣大諸方切近畿甸，勅公總理，整飭宣大山西三關軍務。將發，賜大紅金線飛魚羅衣錦

袋銀瓢刀箸各一公至邊簡將帥嚴問謀峻關
隘增斥埃均犒賞而諸邊靖大同之北川原漫
衍難以守望往年巡撫張文錦議建五堡叅將
賈鑑不能和拊士卒激禍隕身是後論者競以
五堡為諱公謂昔之憤事由處置失宜勞逸不
均非堡之害也於是即舊弘賜鎮川二堡廣之
於鎮川東增堡曰鎮邊弘賜之西增鎮虜鎮河
二堡堡相去各二十五里募新軍三千實其中
蠲廢田之租使之屯耕以一叅將督五指揮分

關外春秋

卷十四 文帥

五

守之先是虜入大同無虛歲至是五堡橫峙聲
援易及警報鮮至五月還院其年置官察加太
子賓客仍協理院事秋七月復同吏部考察京
朝官八月上決意南征加公叅贊軍務九月
同總兵官咸寧侯仇鸞南行十月兵部論五堡
功加太子太保賜銀綺蔭一子國子生庚子夏
至廣徧求計畫安南者始安南黎利代陳而王
四傳至嗣為陳嵩等所殺嗣無嗣國內爭亂其
臣莫登庸父子割據其地黎民舊臣鄭惟時等

告變且以黎寧為請登庸懼納表乞降朝廷遣
官廉之未得至是勅公得以便宜行事且視
誠偽為行止議者多主黎氏欲乘釁取故地郡
縣之公既廣集羣策遣人宣布朝廷威德反
覆利害夷民上狀為莫登庸送款者甚眾公以
夷性叵測未可輕信下令籍諸省土漢狼達水
兵廣分三道以入一自憑詳一自
龍州一自思陵而以歸順欽州烏山三哨援之
雲南分三道自蓮花灘以入利兵儲糧刻期待

關外春秋

卷十四 文帥

六

發九月至南寧擇地布營登庸聞益懼屢使請
罪且言黎氏已絕無可推擇朝廷曲赦其死
願歸欽州四峒故地世世奉朝貢正朔如制辭
極悲懇公念安南罹禍已久聖天子全覆宇
內不忍一夫失所平其毒亂豈以貪利土地為
心且窮治大宥非羈縻遠夷之道遂定計以十
一月納降鎮南關至期築壇具儀登庸率屬繫
頸徒跣北面蒲伏獻降表侯命遣姪莫文明代
請闕下公為疏請上從之以登庸為安南都

統使分治其地處惟瞭等內地厚予田宅訪
氏之裔館之他州進公太子太保加賜銀綺
詔班師至京師辭免進秩上慰諭有加公益
感激舉時弊當釐革者列爲八事一禁酷刑二
慎舉劾三革騷擾四懲勢豪五省繁文六明職
守七正士氣八備兩造意以近世刑獄任情民
多冤死官司上下相蒙多承風旨伺喜怒剝民
爲供張釣取機利御史既不能辯奸僞日肆貴
賤化習風靡俗流漸不可長請一一覺察如制

關外春秋 卷十四 文師 七

上報曰民不得所皆行司食酷所致御史舉劾
失實都察院不嚴考覈吏部不公黜陟給事中
不能糾正國家何賴焉卿言切中時弊其令所
司務實舉行是時巡按遼東御史胡某縱左右
受賄公劾罷之朝廷紀綱爲之稍振北虜犯邊
兵部有所建白必令公覆議以上虜嘗越三關
畿輔震恐公以都城無郭恐一旦倉猝無備欲
倣南都爲輔城以衛軍民疏上不果行十一月
理兵部事往時諸邊將領轉遷計納賂厚薄爲

遲速莫不稱貸以行謂之債帥帥不能償
科條沒入軍士衣糧賸削日甚以是邊兵貧弱
不支敗衄公謂此弊不除雖有奇策不可取效
痛禁抑調發以杜倖門已而奉勅提督團營
軍務營內丁耗方議招募公上言兵貴精不貴
多都城招募良民未必肯行而賈豎游食緣以
括利莫若簡閱爲先又言兵不用命以法令太
寬上無節制故也夫退無必死之患進有不測
之危孰肯冒鋒鏑以致命哉如涉逗遛自都指

關外春秋 卷十四 文師 八

揮以下斬以狗首將則令巡撫狀罪以聞如是
而威不行者無是理也親軍衛士多勲戚中貴
子弟怙勢干寵名實莫究冗食濫爵未有齒及
者公銳意清汰怨讟日起不爲動公善任人有
所咨詢虛已相下卽廝卒皆得盡言以是將領
勇怯賢愚無不周知應劇九轉不少執吝諸邊
兵力財用不足疏至卽議遣發無遙制之患甲
辰六月以一品滿考進光祿大夫柱國給四代
誥命上遣奉御賀俊賜楮幣少牢上尊十月

巡撫順天都御史朱方以邊境無事乞罷戍兵已而戒嚴方任罪公亦坐是罷為民歸家二月疽發背卒垂卒部邑大夫來問疾危坐談國家事不少亂鄉人聞計無少長咸太息嗟惋公氣宇沈緩臨大事剖疑折奸聲氣不露言人之善若出諸已故能所至有聲動無敗事建五堡時人為之危而堅任不惑及征安南倖功者謂公必有冀望然卒奉上得意保全生靈兵不血刃師不羸糧默定潛亂懷服南土未嘗張皇

關外春秋

卷十四 文師

九

變幻詐飾觀聽雖由稟受成算亦其謹厚惠慈出於天性然也嘉靖乙巳六月卒年六十有四按中貴之性喜媚而惡慙善待之者亦得其力如楊文襄公之於張永王襄敏之於汪直真得駕馭之妙者也公既窮逮羅求而又身入孫監府中強為宴樂大笑痛飲而罷是亦一法也蓋此輩朝夕在人主左右易以通呼吸而行威福即不至沈固之阿王振魏談之阿劉寧郭陽之阿錢能屈

銓王雲鳳之阿劉瑾要當以和平處之夫惟剛不吐柔不茹若仲山甫之柔嘉斯盡善耳非脂韋軟美之謂也

評曰武吏之弊甚于文吏故大司馬之澄汰昭太宰為尤亟也公理兵部事而九邊無債帥提督團營而簡罷游食嚴逗留之令清衛士之冗至今人稱毛汝厲不衰若安南之役肅將天威懷服南土功伐可與張定興沐西平爭烈矣

關外春秋

卷十四 文師

十

公善形家言昔按楚偶至一邑見村落松木翳鬱風氣完萃疑有異人居之迂道往觀將至忽聞鼓吹喧闐遣吏卒偵之乃一著姓老叟壽躋一百八十諸裔孫設筵相慶公大異之即通刺拜賀焉甫至見里巷幽邃每行數步輒有衣冠士庶數十輩以齒敘後先遮道迎迓如是老稚不下五六百人及門老叟拱候公下車扶之並肩登堂再四慰勞各長揖分賓主而坐話間公喜其風景秀異乃命諸

孫導之徧閱一番公大加稱賞欲告別見陳設甚盛叟曰今日甲老壽辰諸孫輩薄席卽獻大人爲他日遐壽之兆公忻然就席酒數巡公詢其庚甲云生於元末某年有劉誠意推算命數可驗尋思間泫然泣下公檢閱其命紙至末句有云三旬花甲滿臨死遇毛公公爲之愕然亟辭去叟送之至門公遣人偵叟則甫至中堂端坐而逝吁叟之福壽固奇劉之命數神矣此公親歷之事故道之詳如此

關外春秋

卷十四 文帥

十一

少師華亭公言督學江右時按部道遇毛公以征安南召過其舟謁之語小洽毛公曰公來甚佳得無飢否當具小點心以待卽呼侍者捧大漆盤四其二盤裝炙鵝鵝皆大臠其二盤裝饅頭如盤大者各五十許又不置筋以手掇之銀盃二使注酒長酸大嚼旁若無人華亭雖不能多食而少年勇于酒互舉無筭至暮惓然別曰公大器也迨毛公下安南

還華亭亦已副八座矣毛食兼數人嘗王莽鹿鳴宴諸生人陪二大白不醉

世宗御製送毛伯溫南征詩大將征夷胆氣豪腰懸秋水呂虔刀風吹金鼓山河動電閃旌旗日月高天上麒麟原有種穴中螻蟻莫能逃大標銅柱歸來日庭院春深慶有勞

關外春秋

卷十四 文帥

十一

明光祿大夫柱國少師兼太子太師吏部尚書

贈太保謚襄毅楊公博

公諱博字惟約幼穎敏讀書能五行俱下十七
舉於鄉弱冠登進士授陝西藍屋令調長安歷
官兵部郎中會肅皇帝南狩承天起閣學翟
文懿公為行邊使以公參幕府起遼左至甘肅
行萬餘里所至輒有疏記悉得其肯綮至肅州
屬番數百人遮道邀賞文懿欲勿予不能予之
悉來者益眾無以應之公請文懿坐堂上嚴儀

關外春秋

卷十四 文師

十三

衛詭諸番轅門外數之曰相公奉詔勞君若
等宜傾巢遠逐乃泄泄若此何也諸番咸懾服
莫敢仰視以乃釋之稍賚其先至者諸夷落聞
之方懼以後至見讓莫敢復來文懿以公為敏
入朝薦公才堪大任嘉靖辛丑壬寅虜數入宜
太山西公為職方郎中羽檄旁午應機立斷其
所規畫靡不當上意指安南不庭廟議發兵
討之公請先之以文告會安南請降公謂小醜
不足煩王師宜許以自新因上便宜六事肅

皇帝用其策交人遂欵服至今已從職方出為

山東督學憲副陞參政丙午以僉都御史巡撫
甘肅初罕東諸屬番畏土魯番侵擾避居肅州
境上久之其眾滋繁邊人患之公召諸番酋犒
以牛酒因語之曰若輩久羈於此既不能歸胡
不為久遠計諸酋曰為計奈何公曰此去某處
水草甘美吾為若築城堡作渠壩給耕具使若
等定居長為藩蔽如何諸酋咸頓首曰幸甚公
乃築白城威虜金塔等七城稍給與牛具器用

關外春秋

卷十四 文師

十四

諸酋率其部落數千人徙居之離塞遠者四五
百里河西益少胡患乃鑿龍首等渠墾田萬餘
頃又請以巡按御史兼督學政如遼東例富而
教之肅州遂為重鎮虜畏不敢近塞間一入盜
將士奮擊斬首百四十餘級上賜璽書加獎
晉副都御史庚戌丁母憂西人擁道泣送車不
能行是歲虜大入薊薄都城癸丑起公兵部待
郎經略薊鎮築潮河川墩以遏虜衝簡將士汰
冗弱軍聲大振事竣詔遂留督薊遼保定軍

務無何虜復寇古北口號二十萬連營百餘里
公授甲登陣督諸軍禦之架石藜射所殺傷甚
衆一虜先登及雉我軍斫其腕墮虜氣阻乃退
公募死士持火器夜襲其營一夕四五驚虜衆
宵遁捷聞賜身緋衣一襲晉右都御史歷一
子錦衣衛百戶明年虜以萬騎入馬蘭谷公督
兵擊走之幾獲其酋打來孫公在薊二年虜再
犯俱不得利去乙卯入爲兵部尚書尋加太子
少保丙辰丁父憂戊午詔還本兵時尚未終

關外春秋 卷十四 文帥 十五

禱會虜圍大同右衛急公倉卒奉詔率師援
之墨線而往虜聞公出關曰楊少保至矣遂遁
右衛圍解詔晉公太子太保兼左副都御史
暫留經畫大同事築牛心等墩堡二千八百餘
座濬濠塹三十里五十日而畢會虜入薊鎮督
臣被收又移公鎮薊公至虜遁乃召公還理
部事加少保癸亥虜復寇薊督臣易之不爲備
虜穿塞入至通州烽火通於其泉日夜圍上守
禦方略虜尋引去上怒而誅督臣乙丑以一

品再考瘞一子國子生丙寅改吏部尚書肅
皇上賓穆宗踐祚請錄忠諫舉遺佚蠲通肆
赦海內大悅丁卯一品三考加少傅兼太子太
傅再歷一子國子生公疏辭恩廕三請乃許
其在銓衡所建論甚衆大率以錄舊德抑淨薄
課功能禁競趨爲務以故遊談之士頗不便之
左右佯臣亦不悅公遂爲所構謝政歸久之
上寤乃起公以冢宰理本兵事萬曆改元詔
公還吏部以一品四考晉少師兼太子太師仍

關外春秋 卷十四 文帥 十六

廕一子國子生所賜資甚厚癸酉奉命分
獻夕月壇疾作扶歸遂懇乞骸骨給傳歸數月
而卒年六十六上震悼爲輟朝一日賜祭
葬贈太保謚襄毅
按晉地表裏山河其人壞璋多大節能以功
名自顯余燥髮卽知嚮慕先達每聞先君言
楊襄毅公在本兵久又徧歷諸鎮躬履戎行
練習邊事江陵當國時每從公問今中國所
以制禦夷狄之策及九邊險易將士優劣公

悉為道所以如指諸掌故江陵在政府所措
置邊事蓋得之公為多及公薨江陵為志其
墓有曰 今上登極首命公還秉銓衡余
受 先帝遺託方欲與公同心協力共佐
休明而公已矣嗟呼天不憖遺一老用輔
英主惜哉然其生平所建立咸足以方駕
往昔炳耀後禩矣江陵眼空一世鮮許可而
欲欽揚公必有所以折服之者也
評曰天下有大人有偉人其志翩翩其行巖

外春秋

卷十四

文帥

七

巖卓然若秋峰之聳峙昂然若鷄羣之野鶴
偉人也其志淵淵其行桓桓巍然若泰華之
嵒礪浩然若滄溟之包容大人也要以閎深
真衍不言而信不怒而威使人望而歸之世
以為眾父為著龜則大人較之偉人為愈矣
余觀公在朝廷則朝廷重在邊陲則邊陲重
國有大政議者盈庭或日中不決公纔出數
語眾已稱善排大難批大節應手而釋恢恢
尚有餘力九邊之士聞公來如見父母驩濯

鼓舞白刃在前不駢而赴嘉靖中疆場多故
肅皇帝以威斷馭下本兵督臣大者誅
十繫斥未嘗終三歲不更置也惟公以敏練
稱上意眷遇之隆始終弗替在甘肅時嘗
疏發咸寧侯仇鸞之奸鸞被收下獄後更貴
幸為大將軍用事銜公甚深分宜當國縱其
子干政願指百官公在本兵數以事見忤相
與批根中之者屢矣而竟不得聞其後咸寧
誅分宜敗而公望益重隆萬之間老成凋謝

外春秋

卷十四

文帥

八

惟公歸然如魯靈光為海內所倚此其品望
功業有越在風格之外者矣嗟呼非大人而
能若是乎
公長大善飲噉每噉麪一甌輒兩舉筋凡十
六舉筋而盡八甌大虜深入通國惴恐公時
在部覆疏遣將甫畢食肥肉二斤許包子三
十酒數升輒大睡鼻息如雷人服其雅量余
曾晤公孫太史公世芳狀貌不甚修偉彬彬
然若江左風儀焉

明太子太保兵部尚書前以尚書兼都察院右副都御史總督薊遼三鎮軍務以尚書協理京營戎政以右都御史兼左侍郎理部事以侍郎兼右僉都御史巡撫浙江以右副都御史巡撫真保陝西宣府以右僉都御史巡撫

應天張公佳微

公名佳微字肖甫少穎敏秀俊異凡兒七歲侍父南溪公舉古書傳語即能談質如素習者日誦書千餘言十七為諸生義試輒冠諸生時重

關外春秋

卷十四 文帥

九

慶太守光州劉公出行部得公文而大奇之使其子游即玄子也劉公固以古文祠名又好談兵多奇文籍盡以屬公公間與玄子談英雄而嘆曰夫英雄者其吾家子房乎當其動以無之用當其靜以有之用卒遇之而若素忽欽之而叵測若趙文子之談笑于衷甲周條侯之安卧于攻壘斯其亞矣玄子異其志二十三舉于蜀明年遂成進士出補大名之滑令滑故三輔岩邑也時緹帥挾上寵張甚其所遺詞事官校

與重公一日晏坐有弁而急裝者一

辟轉之至邑門門者戟之叱曰我官校也遂入公下與語徑前曰縣官欲捕若邑耿氏豪亦與若有連胥吏以下皆辟易遂挾公入別室出七首交置于項公心知所謂曰若何欲曰予我萬金公陽驚曰我何所得萬金揖者曰某庫有萬金公復陽驚曰庫金誠有之第上皆邑賦長名氏若出十里外必敗且今日予公庫金法必死不予亦死死等耳寧死國引其項曰七首胡

關外春秋

卷十四 文帥

十

不下髯者曰我何忍下第欲得金耳公徐謂曰邑郭中多富人我出一帚授之即不得萬金可半致也呼一小吏前命筆書帚應賦金者二十曹曰緹帥責金甚急可人賦致二百金來予之時丞簿踟躕儀門外尚謂果官校捕公既得公所賦金主名乃皆賊曹游徼饒武者也始知為劫賊亟進此二十人者人奉二十金而袖鉄椎前謁公謂民貧所賦金止此矣公陽怒曰賦汝人二百金胡二十也何以解二公橐復令一人

前忽躍而就之髻者出不意即自剄死群縛升者訊之各任敬髻者高章也使游徼四跡郊外有三四輕騎皆逸去拷問皆得其人磔于市公見劫時從容若無事者劫既解解卧達旦人以是知公可大受矣時蜀當有吏部缺而太宰嘉禾吳公難其人聞公且至曰此佳吏部郎也至則補故官而少日以司勳郎請時權相分宜子前已知之風公賂而不得乃脫謂吳公是子故太宰私人今太宰亦私之耶吳公持之不得乃

外春

卷十四 文師

三

遷公膳部郎以自解分宜假風靈變察諸官僚而公得請矣謫而同知陳州遷知蒲州蒲于晉最雄其疆王貴家櫛比而亟遭地震之變廬舍畜牧無所賦不時供公委曲拊循之而威亦不廢若它所操攝則游办解也超河南按察食事飭穎上兵公益得發舒穎毫之間謠如矣自是公望益重遷參議廣西入飭大名兵備為副使分守甘州為右叅政按察山西為使所至有聲實吏民所頌稱山西之未幾而復超拜都察院

右僉都御史提督應天等處軍務兼巡撫公乘傳至九江而安慶以兵變聞道路洶洶為梗公夜趨潛山屬九江兵使者使郵報安慶軍門旦夕至矣會叛卒前已就擒餘黨謀外應者脅息不敢動而公自桐城走金陵任謂得其實則安慶之衛體宿重與郡守抗而守志隆以故南兵部出稍裁之而又嚴核其占役指揮馬負圖張志學張承祖忿投其舍人挑悍卒故嘗為盜江洋者吳錫等張旗幟犯守守跳遂行剽人財帛

外春

卷十四 文師

三

守已與守備設策平之矣公乃具疏上其事請一切正法而留守中貴人意惑之謂守實激之變以搖公公不為動詔逮指揮等論死而以錫付公行法焉守卒得白未幾擢右副都御史巡撫真保諸郡甫發江口而以内艱歸矣服甫除而召撫陝西未上改宣府之未幾而虜別部長滿五擁鉄騎六百闖入獨石口剽掠時久已通互市矣公大帥麻錦伏兵邀之生獲其副八賴滿五使求之辭甚哀公計以縱之則見

狎戮之則見警乃以屬大帥錦俾建旗鼓縛八
賴將斬而馳赦之八賴叩頭流血曰微太師身
首異處矣公諭以威德給之銀符八賴自誓不
敢復闖入邊然八賴擾而滿五騎明年挾益賞
公下令有浮予一餅一肉者斬滿五乃構段柰
台吉銀定倘不浪數千騎闖入邊有所殺略公
移文順義王罰段柰吉馬駝牛羊以償然滿五
銀定倘不浪強俺答不能制于是廷議有稍
益之賞以羈縻者公上疏謂今日之勢與曩異

關外春秋

卷十四 文帥

十三

曩者權在虜不得不中彼之欲以全吾之體今
者權在我顧乃屈吾之體以伸彼之欲乎哉即
欲有伸漸不可長彼苟叛而更大入臣自悉一
鎮之力制之不効則治臣之罪慎毋使虜輕我
上曰善虜既聞公治兵互相恐乃更還所掠人
畜獻馬百六十疋牛羊橐駝稱之求勿解互市
上謂公處分能惜虜勞賜金帛適當是歲公所
減省緡錢以萬計城七堡一城二堡又城獨石
半壁貓兒峪三城修南山邊墻萬六千九百四

十赤功倍而費省復屢賜金帛入為兵部右
侍郎未幾而浙江有驕卒之警督撫浙者吳中
丞善言故良吏也而不習兵嘗取中旨減卒
月餉卒訴之不聽遂噪而縛吳公車中冠履俱
破至演武場群誓吳公而數之且甘心焉會公
部郎諱與二御史往解譬百端然猶責吳公狀
始復餉而以二千金謝過乃已吳公遂出遜于
吳興寧聞江陵公曰孰能制之既而謂吾得
人矣遂命公兼右僉都御史出鎮浙許以便

關外春秋

卷十四 文帥

十四

宜行事公甫與吳公代而市民之亂復起始杭
城中諸柵俱有役夫司干既諸土著者募游手
克之其後必取身役其人情多借貴勢以免夫
數益以狹役益迫而游手無所得食僑客丁佐
卿假利便言之監司弗聽意忿忿曰謂吾曹無
瓜距耶寧營卒之弗若謀之市滑相構詛為亂
而會佐卿坐他法郡囊三木以徇市猾相與篡
奪之諸亡賴子益麋集行焚貴勢家謂庶幾
役者遂破兩臺使門掠其衣裝以出使者

三司俱匿跡佛廬以免事。聞公謂其人曰：營兵哨海者發乎？曰：發矣。而二營留，問留者不與。市民合耶？曰：未也。公喜曰：吾知所以發矣。速驅之。從吏惴惴無人色。公食飲談笑自若。既抵鎮，而民行剽愈甚，盡毀諸柵以快意，千餘人抵臺門。公以輕輿出諭之，而從者材官劍客數十人皆發弓挾烏銃以從。公直前臨橋而諭曰：汝曹母反，反則以天下兵拏僂汝矣。且汝必有所苦，曰：苦夜役耳。夫強有力之家，倚貴勢之家，以免

關外春秋

卷十四 文帥

三五

而監司守令若弗聞也者，公曰：易耳。柰何以汝一憤易汝族，卽下令除役，衆姑叩首退。既退而行，剽巨室，竟夜火光亘天。公夜草檄，質明使一技馳諭之，衆裂其檄。公大怒曰：上命我誅亂卒，今乃見亂民而靡耶？召游擊將軍徐景星使呼二營之長入，而慰勉之曰：亂民極矣，雖然非爾曹比，易剪也。何不自以為功，可贖罪乎？咸踴躍聽命。公又呼點卒之首倡亂者馬文英、劉廷用，曰：聞汝二人前自縛請死，壯士也。汝死法，胡

不死義，且必不死。二人亦踴躍聽命。公乃約束二營壯士，使景星帥而討亂民。凡四戰，大敗之。生獲百五十人，至轅門而丁佐卿與焉。公擇其豪得五十人，皆斬首梟轅門，餘悉下獄。其從亂者咸惕伏，或鳥獸散去。杭人若更生，公具疏以聞。且謂邇來有司奉行太過，裁削太甚，徒務虛名，不究實禍，以至遠近離心，乘機竊發。始而兵變，繼而民變，誠見人心不固，戎首易生。若非仰藉明威，申飭法度，其接踵挾持，不知所終。

關外春秋

卷十四 文帥

三六

蓋陰以風喻江陵公也。江陵雖枝而爲之少寬，言於上，優詔褒答，以公奮身犯難，定變俄頃，紀綱大振，忠績卓異，賜飛魚服，金二鎰，文綺四表裏，是歲以追錄宣府功，又以考三載績，後先錄一子補胃子，公私念兵且戢矣。寬之則廢法，急之則生變，乃陽好，謂二倡亂者馬文英、劉廷振曰：罪可贖矣。予之冠帶，二人意自得，揚揚群卒間。且有所侵侮，群卒大怨恨，謂若倡我以亂，自爲功，得官而使吾曹尚惴惴也。公度是二

渠者與衆心左無能爲矣乃與兵使者顧君
謙謀俾發諸營之卒哨于海而密以名屬徐
軍下令縛之至軍門并文英廷振數而斬之餘
皆赦弗治仍呼平亂者二營卒語之曰吾非不
得若主名以昔有微勛耳且吾不若食言群卒
咸股拜唯唯既而曰吾曹始能食寢矣公復具
疏聞執政者以公功請上大悅拜都察院
右都御史兼兵部左侍郎俾還部理左侍郎事
劉玄子聞之亦曰子房之儔與趙文子條侯之

閩外春秋 卷十四 文師 三

膽少年時所自許何若左券也公既得代道拜
兵部尚書協理京營戎政尋又改兼右副都御
史總督薊遼三鎮兼理糧餉公既至薊門申約
束蒐卒乘信賞必罰大將偏裨以下凜若負霜
雪又似得春陽而嚮之也時遼左與大虜土蠻
近而開原故屬夷逞家奴仰家奴與之通爲嚮
導數犯邊遼左之大帥李成梁者素負勇略麾
下有強兵公虛心寄之以二奴賊爲急成梁率
精騎搗其營斬二奴及裨酋四十五級甲首一

千五百六十三級鹵馬一千七百三十疋駝羊弓
甲稱是捷聞告郊廟獻俘稱賀加公太子
少保錄一子錦衣百戶世襲子誥命金幣土
蠻三萬騎入寇寧遠伯拒之大有斬獲賜蟒
錦衣金三鎰文綺四百戶之應襲者爲副千戶
公戒寧遠伯虜不得志出必更入喜防之寧遠
伯設伏以待而身自搗其營獲酋長十三級餘
賊八百三十七級優詔進太子太保百戶之
進爲千戶者得世襲兵部尚書缺廷推公上

閩外春秋 卷十四 文師 三

遲徊久之乃決入理部事當廷試竟讀卷官
歲決重辟當廷審秉筆者爲吏部而上忽以
屬公蓋重公也公爲人坦心大度而性又愛客
有以稅文至者無不延納客氣益發舒或自詭
能得公意有所關說公雖不之許亦不問而中
貴人驕故以兵部爲外府公多執不之應以是
怨公臺諫乘而有訛公者賴上知之然公以
盛滿自抑恒曰功成名遂身退天之道也吾家
子房非師哉三上書乞骸骨解益懇始得俞

肯歸而買田巴岳玄天爲靖廬延道士與共居
爲文紀其勝飄飄然有遺世志云

按公爲諸生時卽習先秦西京言不上於黃
初大曆間多所厭咀矣及令滑邑多暇乃益
爲歌詩而李于鱗守順德爲比壤于鱗郎刑
部時與王元美吳明卿徐子與宗子相梁公
實歌詩酌倡傳于人人公意艷之乃謁于鱗
出其詩爲贊于鱗大善之折節與鈞禮然公
益心儀于鱗矣當是時世皆以文人目公不

關外春秋

卷十四 文師

手九

知公幼而好譚兵爲令而計禽巨盜爲帥而
計斬亂首劉玄子所以贊嘆爲子房之儔也
公亦自云吾師吾家子房也

評曰明興以來稱文武才者輒稱王文成楊
文襄王肅敏而已肅敏小孫于武而文襄疎
于文非公比也公之所就大矣哉
肖甫爲人深沉雅靚藏用不露是以能定亂
也夫市民之鼓亂也狂刃如蝟公單車直入
括然而無撓色要之集義所生者非直膽勇

已也誅亂民利用速誅亂卒利用緩此兵法
也速而能審緩而能密此將術也嗟乎安得
張公起而與之譚兵法將術哉

明柱國少傅兼太子太保兵部尚書前少保右都御史兼工部左侍郎總督河道兵部左侍郎總督川湖貴州軍務右僉都御史巡撫遼東贈太師特進光祿大夫左柱國謚襄毅李公化龍

公名化龍字于田七世祖瑾著大名長垣縣籍又五傳而為棟公之父也娶吳生公吳夫人姪時夢玉柱立庭中麒麟入懷公孩提穎慧絕倫讀書五行俱下此時屬文出人意表補諸生太

關外春秋

卷十四

文師

三

守永嘉王公奇之與南樂魏吏部齊名中癸酉試第二人明年成進士余先君同年也除嵩令均徭平訟與民休息犯三尺不貸嵩太治公年少世以方子奇治阿公擢南繕部主事已移南吏部與同郡魏中丞吉水鄒給事嶺南唐文選友善於書無所不闕六籍諸子史外天文地理風角占候皆精為詩文不規規古人談諧杯酒揮毫數千言已遷河南督學僉事有能聲未幾復遷山東督學副使治一如中州河洛鄒魯間

士斌斌如也累官太僕少卿右通政會遼警狎至兵食彫剋廷推撫臣眾逡巡莫適任以屬公公曰事君軍旅不避難叱馭而前首請補缺餉給同馬無以營馬供郵傳明斥堠嚴偵諜控要害籌攻守終日凜凜如對敵狀日與新帥董一元詣營中選練刑牲以血瀝酒飲諸部曲而誓之臨敵選懦者有如此酒士人人冀得一當報公而遼虜土蠻子卜吉速把亥子把兔兒其族炒花花大最驍悍分東西道期廣寧南合國

關外春秋

卷十四

文師

三

公語諸帥諸虜環視我不戰益取輕勢且無遼矣一戰而遼可存死猶為之况未必死乎卜彥眾數萬難與爭鋒所躄躄在右屯右屯有備足自保東虜炒花把兔眾財萬餘併力禦之必敗偏敗西可不戰走也東虜五日不出公策之更進二日虜合我兵奮氣將何以戰下令退兵伏鎮武堡虜至見無兵鼓掌而笑率眾疾駢過之未半伏四起呼聲震天地虜駭而奔斬首四百有奇棄駝馬牛羊徧野幕帳甲冑山積明日西

虜張穹廬城隅指麾傲睨又分衆犯懷武綴我師而我奉令守者築墻濬濠濠外多品字坑攻五日力殫莫如何公復募敢死士數百人斫其營虜懼而却又敗之靖遠敗之高平敗之黑山大敗之什方堡於是虜伏不敢逞酋長乞市許之羈縻不絕而益修內治堅右屯之守厚家丁之餉有功若死事者賞之遼人歌舞於塗高枕卧矣上褒公功晉右司馬任子世錦衣千戶而公念兩尊人甚遂病力請歸無何播賊楊應

龍叛

上即家拜公總帥

六月兼程入成都賊

屠茶江城

泰游房嘉寵張良賢死之公奮志剪

威領兵力尚單以計緩之故移文詰責若將撫者而厚集兵八路路各三萬四川茶江路屬帥劉綎南川路屬帥馬孔英叅政張棟護之永寧路屬副帥曹希彬合江路屬帥吳廣叅政謝詔護之貴州分烏江沙溪平越三路屬帥李應祥按察使楊寅秋叅議張存意護之湖廣偏橋一路屬帥陳璘按察使胡桂芳叅議魏養蒙護之

諸偏裨郡邑長佐取便宜更置轉運芻粟舟車千里絡繹不絕上賜尚方劍公登壇誓師所不同心戮力者殺無赦計賊穴海龍圍必負固老我師而柝木山羊簡臺諸峒為遁逃藪也婁山崖門桑木諸關為門戶法當先斬關責在蜀矣賊恃偏橋外九苗遺種為援必掃四牌通三渡然後圍可攻也貴州夷狡而兵寡軍興不給水西與賊唇齒無令鉢賊責在楚黔矣公密授方略諸為賊守者殪之順則貸之及破柝木羊

簡諸峒

乘勝衝桑木關

拔之又破賊金子垣

山關

薄崖門力戰于水牛塘據三圓山山高海

龍數十仞我踞高瞰下賊列柵甚固我師死戰拔之固樵汲路絕馬帥衝其前劉帥為督怯曹吳二帥乘之遂破養鷄養馬諸城海門龍鳳諸關賊膽落扶妻子夜遁圍上而守鐵鑄關會霖雨白日晦冥公下令急攻破之圍前重岡復嶺賊弩矢雨下我師仰攻未即克而公奉太公諱慮諸將解體收淚草檄為師期購敢死先登連

破長坎瑪瑙青龍毋氏諸圍入三度折白田下
令五帥分日迭攻破二城六路兵蟻拊雲梯上
賊窘莫知所為縱火自焚投繯死縛其婦若子
女若黨與無噍類矣是役也進兵纔百日獲賊
魁一生致諸小酋千一百有奇斬首二萬二千
六百有奇俘賊屬五千五百有奇招降賊一十
二萬有奇獲賊生口一千有奇招降民一十二
萬有奇拓地千有餘里露布以聞上御門受
俘告廟詔示天下從公議置府二州一縣八

關外春秋

卷十四 文節

五

衛一與中土等分隸蜀黔設元戎憲使鎮之先
是公以滿考晉御史大夫屢請歸執喪上問
公賢勞許之然公慟不得奉父舍以倚廬為始
喪將三年河決運道阻廷議公勝其任上即
家拜兼少司空行河使使敦趨上道公至力主
開加河疏云加河工疑信相半篤而論之其善
有六其不必疑有二計費可三十萬業已括餘
金發倉粟留漕糧不煩內帑而部署郎中副使
等官分任之按察使汪可受總考成云上從之

不半年加河通增水驛設關啓閉以時漕艘與
官民船魚貫行恠嘆歡呼為宇宙奇事適以內
艱歸歸又一年上諭內閣平播功大無封侯
伯者何以顯忠良之臣傳天下後世閣臣謂功
非一人夫非一人者將吏耳督臣寧有二哉晉
公少保兵部尚書任子世錦衣衛指揮使服象
龍服尋召公入掌京營戎政所條議四十二
事上從之權貴役卒乘馬盡以歸營營政改觀
矣尋晉本兵大瑞視武弁為外府政以賄成公

關外春秋

卷十四 文節

五

榜其薦剡多寡歷歲久近於堂以次推用請寄
不行而摘其泰甚者予一空名勒歸里私門竟
塞虜王死三娘子老諸酋擁兵爭立馳檄諭之
而定當計武吏所斥大金吾督帥倚錢神附戚
賊者若而人又上防邊任將十六事著為令三
年加柱國少傅兼太子太保以善播後事論功
晉少師任子錦衣衛正千戶進一級世襲旨
下公不及見矣公體鴻大魁傑音吐如鐘四夷
觀聽形神俱肅助勦戎馬蚤見二毛比盛夏草

次河濱蒸濕腥穢重以哀母而時事多打格廢
箸咨嗟則病瘵矣數請告優詔不許萬曆辛亥
十二月十五日薨年五十八遺表乞上相臣補
大僚銓臺省起廢棄諸軍國重事上覽之動
容為輟朝一日贈太師謚襄毅遣朝臣造葬加
祭若干壇

按李襄毅生平濶達大度容人之過惡聲不
妄加僮僕劉帥齋黃金玉帶為吳太夫人壽
公奏彈之終不檢其戰功客造門門無留者

關外春秋

卷十四 文師

三

座上常滿詞賦方伎輻湊並進雖厮賤乞哀
必曲濟之尤好獎掖後生士執經受業蔚為
時棟者鵠起傾家廩食里餒人全活萬計聞
公病博頰呼天願以身代有詩文奏議若干
卷海內縉紳學士所誦服撫遼時嘗謂諸將
吏疆場之事不可無備一旦有不虞不戒虜
騎闕於互市之間其何以制其死命未廿數
年而撫順之變如公所料云
評曰公之功在社稷者有三天下莫不知之

而莫有筆之於書以昭示後世者當平秀吉
蹂躪朝鮮時廷議集天下兵力以救之遼
當十一兵所過蹂躪甚于虜倭使往來規遼
易與耳然虜卒不能挾倭斃頓我倭卒不能
踰朝鮮度劉我則以公在也曾未三月大創
虜振積衰掃積蠹遼始可為國家藩籬功一
也播首再犯順不深罪致討惟事姑息言撫
者十九彼悉我寧夏朝鮮之役疲于奔命目
中已無黔蜀矣水西首雖陽赴義討賊而除

關外春秋

卷十四 文師

三

觀望成敗司馬賞格以夷攻夷能平播者予
播安氏頗垂涎焉不知黔人所卧則安氏榻
益之以播西南非國家之有矣公所檄安氏
兵與他夷兵不及十一安氏莫測意嚮見公
用兵如神弄其子播中不顧營控縱送惟公
掌握而播始平功二也嘉靖末可決以十數
決旋築築旋決山以東河以南北畿之南南
畿之北民死于河若死于治河者以澤量而
吳越江湖漕粟沉舟微調竭澤不與焉自公

開加河天下始知河之利不足恃而害則可避。破拘擊，革沿習，所為救民命，節民力，寧止萬數功三也。余嘗晤蜀中監司守令經事公者，為言羽書旁午，剖決如流，幕下文武將吏以百十計，各欲畫一奇效一策，以佐公，未出諸口，形諸牘，而公已檄下矣。知已知彼，發必中窾，黠桀膽落，世以擬○韓襄毅而文采過之，諒哉。

國家五等之爵，原以待誅兇拓地之功，李公

開外春秋

卷十四 文帥

三

出軍纔百日，師不老糧不匱，而唐宋以來數百年之通寇，即不敢望中山開平。視新建之擒叛王，威寧之襲零虜，其優尚何如也。夫新建無血戰之勇，威寧無闢地之勞，而皆貂綿蟬聯，李公僅得金吾，不蒙胙土，何官家之媚功吝賞也。夫惟賞太輕，罰太重，斯邊臣不肯用命耳。天下無事，重在一太宰，有事，重在一司馬，太宰如參朮，溫補之劑也，司馬如芩連，剋伐之

劑也。國朝兼長者，惟馬鈞、楊、蒲坂兩人。近日其惟李公乎。李公若位統均，必可方時。馬楊惜乎天奪之年，嗚呼！人之亡邦，家殄，公之謂矣。

公督學汴梁時，每出輒有數十人扮輿夫裝，伺其至門，輒荷而行，曰：吾親病，禱于神，命我但與公輿，即痊云。又士民家建齋，齋者輒立公一神主，曰：無公主，則玄修不虔，是以知公為菩薩，請向人間者也。今游于帝所，適復其

開外春秋

卷十四 文帥

早

本位而已。

三立堂新編闕外春秋卷之十五

華胥外史漢陽 尹商 于皇甫 著

論曰。安嘗有死地。出軍有死門。旌麾有死兆。士卒有死氣。總而歸之。天地之死數。雖大智大勇。大英雄。大豪傑。莫能逃也。然名將必得其死所。得其死所。則為死忠。死義。死節。死名。當是時也。輒坤晦冥。風日慘淡。神嚎鬼哭。鼓聲金嘶。非無路可以求生。實無心再去想活。非馬革之裹尸。同豹死以留皮。好頭頸要當為國家受人一刀。

闕外春秋

卷十五

一

是乃撐持宇宙之好漢。慷慨血性之男兒。儻所謂兵解非耶。竹可焚而不可改其節。玉可碎而不可易其白。千載而下。聞其姓字。考其實錄。猶凜凜有生氣焉。嗟乎。死等耳。死于戰為快。死于病為崇。死于法為辱。若本欲戰而或掣其肘。本不病而或禁其足。本不扞文罔而或扼其吭。黑灰于奸臣之手中。其為死最苦。最冤。而一腔熱血。結而為愁雲。灑而為淒雨。噫。而為悲風。轟而為迅雷。上帝之所哀憐。明主之所震悍。貞士之

所嘆美。良史之所褒崇。其英標俠骨。至今猶香也。余故取耿恭馬援等計人表章為忠將而紀其行事。

闕外春秋

卷十五

二

之歷旬不下是其寡弱盡力之效也可遣黃
酒泉太守各將精騎二千多具旛幟倍道兼行
以赴其急匈奴疲極之兵必不敢當四十日間
足還吾塞帝然之乃遣征西將軍耿秉屯酒泉
行太守事遣秦彭與謁者王蒙皇甫援發張掖
酒泉敦煌三郡及鄯善兵合七千餘人會柳中
擊車師攻交河城北虜驚走車師復降會關寵
已歿蒙等聞之便欲引兵還先是恭遣軍吏范
羌至敦煌迎兵士寒服羌因隨王蒙軍俱出塞
關外春秋 卷十五 忠將 三

踰年心力困盡鑿山爲井煮弩爲糧出於萬死
無一生之望前後殺傷虜數千百計卒全忠
勇不爲大漢耻恭之節義古今未有宜蒙顯爵
以厲將帥及恭至雒陽鮑昱奏恭節過蘇武宜
蒙爵賞於是拜爲騎都尉范羌爲共丞金城隴
西羌反恭上疏言方畧詔召入問狀乃遣恭副
車騎將軍馬防討西羌初恭出隴西上言故安
豐侯竇融昔在西州甚得羌胡腹心今太鴻臚
因卽其子孫前擊白山功冠三軍宜奉大使鎮
關外春秋 卷十五 忠將 四

撫涼部令車騎將軍防屯軍漢陽以爲威重繇
是大忤於防及防還監營謁者李譚承旨奏恭
不憂軍事被詔怨望免官卒
按耿恭遠帥西域乘城搏戰吏士渴乏至于
竿馬糞汁而飲其苦極矣拜井得泉煮鎧弩
食其筋革出萬死一生之計卒全忠勇揚名
蠻夷之中古今罕有司空第五倫以爲不宜
殺是誠何心哉幸賴范羌毅然固請迎恭分
兵冒雪入城拔出然皆皮骨僅存形容枯槁

嗟乎是難能也

評曰余初讀蘇武傳感其茹毛窮海不為大漢羞○後覽耿恭疏勒之事喟然不覺涕之無從嗟乎義重於生以至是乎昔曹子抗質于柯盟相如申威於河濤益以決一旦之負異乎百死之地也以為二漢當疏高爵宥十世而蘇君恩不及嗣恭亦終與半戶追誦龍蛇之章以為歎息

耿伯宗拜井出泉說者以為鬼神佑漢後梁

外春秋

卷十五

忠將

五

牛存節守澤州朱友謙叛附于晉與岐兵合圍持久欲以渴疲之存節禱而鑿井凡八十處水皆甘可食胡天不德而乃助偽梁耶若宋种世衡董寬州之役鑿地百五十尺至石不及泉世衡命屑石一畚償百錢工復致力過石數重泉果沛發斯又以人力遇神者夫

後漢伏波將軍新息忠成侯馬援

援字又淵扶風茂陵人其先趙奢為趙將號曰馬服君子孫因以為氏援少有大志為郡督郵送囚至司命府囚有重罪援哀而縱之遂亡命北地遇赦囚雷牧畜轉遊隴漢間常謂賓客曰丈夫為志窮當益堅老當益壯既處田牧至有牛馬羊數千頭穀數萬斛乃歎曰凡殖貨財產貴其能施賑也否則守錢虜耳乃盡散以班昆弟故舊身衣羊裘皮袴王莽末四方兵起援避

外春秋

卷十五

忠將

六

地涼州隗囂甚敬重之以援為綏德將軍與央籌策是時公孫述稱帝於蜀囂使援往觀之援素與述同里閭相善以為既至當握手歡如平生而述盛陳陛衛以延援入欲授援以封侯大將軍位賓客皆樂留援曉之曰天下雄雌未定公孫不吐哺走迎國士與圖成敗反修飾邊幅如偶人形此子何足久羈天下士乎固辭歸謂囂曰子陽井底蛙耳而妄自尊大不如專意東向囂使援奉書洛陽援至引見於宣德殿世祖

迎笑謂援曰卿邀遊二帝間今見卿使人大懼
援頓首辭謝因曰當今之世非獨君擇臣也臣
亦擇君耳臣與公孫述同縣少相善臣前至蜀
述陞我而後進臣臣今遠來陛下何知非刺客
姦人而簡易若是帝復笑曰卿非刺客顧說客
耳援曰天下反覆盜名守者不可勝數今見陛
下恢廓大度同符高祖乃知帝王自有真也帝
甚壯之使大中大夫來歙持節送援西歸隴右
隗囂與援共卧起問以東方流言及京師得失

簡外春秋

卷十五

忠將

七

援說囂曰前到朝廷每接讌語才明勇略非人
敵也且開心見誠無所隱伏濁達多大節畧與高
祖同經學博覽政事文辨前世無比囂曰卿謂
何如高帝援曰不如也高帝無可無不可今上
好吏事動如節度又不喜飲酒囂意不悖曰如
卿言反復勝邪然雅信援故遂遣長子恂入質
援因將家屬隨恂歸洛陽會隗囂用王元計發
兵拒漢援乃極陳滅囂之術帝乃召援計事因
使援將突騎三千往來游說囂將高峻任禹之

國下及羌豪為陳禍福以離囂之黨帝自西征
囂至漆諸將多以王師之重不宜遠入險阻計
猶豫未決會召援夜至帝大喜引入具以羣議
質之援因說隗囂將帥有土崩之勢兵進有必
破之狀又於帝前聚米為山谷指畫形勢開示
衆軍所從道徑往來分析曲折照然可曉帝曰
虜在吾目中矣明日遂進軍至第一囂衆大潰
自王莽末西羌寇邊遂入居塞內金城屬縣多
為虜有來歙奏言隴西侵殘非馬援莫能定拜

簡外春秋

卷十五

忠將

八

援隴西太守援乃發步騎三千人擊破先零羌
於臨洮斬首數百級獲馬牛羊萬餘頭守寨諸
羌八千餘人詣援降援因奏為置長吏繕城廓
起塢候開導水田勸以耕牧郡中樂業外武都
參狼羌與塞外諸種為寇殺長吏援將兵擊之
至氐道縣羌在山上援軍據便地奪其水草不
與戰羌遂窮困豪帥數千萬戶亡出塞諸種萬
餘人悉降於是隴右清靜援務開寬信寬以待
下任吏以職但總大體而已賓客故人日滿其

門諸曹時自外事援輒曰此丞樞之任何足相
煩頗哀老子使得遊遊若大姓侵小民黠羗欲
旅距此乃太守事耳傍縣嘗有報仇者吏民警
言羗反百姓奔入城救狄道長請門請開城發
兵援時與賓客飲大笑曰燒虜何敢復犯我曉
狄道長歸守寺舍長怖急者可牀下伏後稍定
郡中服之援善兵策帝常言伏波論兵與我意
合每有所謀未嘗不用交趾女子徵側及女弟
徵貳反攻於是重書拜援伏波將軍以扶樂侯

關外春秋

卷十五 忠將

九

劉隆爲副遂緣海而進隨山刊道千餘里與賊
戰破之遂斬徵側徵貳傳首洛陽封援爲新息
侯初援軍還將至故人都出迎平陵人孟冀素
有計謀於坐賀援援拱手曰吾望子有善言反
同衆人邪方今匈奴烏桓尚擾北邊欲自請擊
之男兒要常死於邊野以馬革裹尸還壘耳何
能卧床褥死兒女子手中邪冀曰諒爲烈士當
如此矣援嘗有疾梁松來候獨拜牀下松帝貴
婿也援自以我松父友不答松恨之三十四年

武谿蠻夷反援復請行時年六十二帝老之未
許援自請曰臣尚能被甲上馬遂據鞍顧盼以
示可用帝笑曰嬰鑠哉是翁也遂遣援率耿舒
等將十二郡募士及弛刑四萬餘人征五谿援
夜謂友人謁者杜愔曰吾受厚恩年迫餘日常
恐不得死國事今獲所願其心瞑日但畏長者
家兒難得調介介獨惡是耳軍至臨鄉遇賊攻
縣援迎擊破之斬獲二千餘人皆散走入竹林
中初軍次下雋有兩道可入從壺頭則路近而

關外春秋

卷十五 忠將

十

水險從克則塗夷而運遠帝初以爲疑及軍至
耿舒欲從克道援以爲素日費糧不如進壺頭
溢其咽喉克賊自破以事上之帝從援策進營
壺頭賊乘高守隘水疾船不得上會暑甚士卒
疫死援亦中病遂困乃穿岬爲室以避暑氣賊
每升險鼓譟援輒曳足以觀之左右哀其壯莫
不爲之流涕耿舒與兄好時候余書曰前舒上
書當先擊克糧雖難運而兵馬得用軍人數萬
爭欲先奮今壺頭竟不得進大衆佛鬱行所誠

可痛惜前到臨鄉賊無故自攻若夜擊之即可殄滅伏波類西域賈胡到一處輒止以是失利今果疾疫皆如舒言弁得書奏之帝乃使虎賁中郎將梁松乘驛責問援因代監軍會援病卒松宿懷不平遂因事陷之帝大怒追收援新息侯印綬先是援在交趾常餽意以實用能輕身省愆以勝瘴氣軍還援載一車爲種卒後譖者以爲所載皆明珠文犀帝益怒妻孥惶懼不敢以喪還舊塋裁買城西數畝地藁葬而已賓客

關外春秋

卷十五

忠將

十一

故人莫敢吊獨有同郡朱勃詣闕上書白援寬帝出松書示之方知所坐繇松也書奏報援得歸葬勃字叔陽年十二能誦詩書嘗候援兄况授裁知書見之自失况乃慰援曰朱勃小器速成智盡此耳勿畏也及援爲將軍封侯而勃位不過縣令援後貴常待以舊恩而卑侮之勃愈自親及援遇讒惟勃能終白焉建初三年肅宗迎策諡曰忠成侯

按馬援騰聲三輔遨遊二帝及定節立謀以

于時主將懷負禹之願蓋爲千載之遇焉然其戒人之禍智矣而不能自免于讒隙豈功名之際理固然乎

評曰語有之烈士暮年壯心不已新息有焉第年踰六表政願情養壽之時也而自請擊蠻夷何其可已而不已乎被甲上馬據鞍顧盼雖復矍鑠哉有加老婦新教亦昧止足之戒矣若云男兒要當死於邊野以馬革裹尸壯哉言也

關外春秋

卷十五

忠將

十一

援初爲書與將楊廣使曉勸置其言甚佳朱勃之上書訟援寬其言亦佳然援實俠之豪而移書嚴敦反令其效伯高不欲其效季良何哉然卒以此書得改葬則此書不爲無意矣范曄謂其能回觀物之智而爲反身之察施于人則恕自鑒其情亦明此言非也夫伏波節俠也既自許以馬革裹尸又何畏乎讓說哉

漢前將軍假節鉞都督荆襄九郡事壯繆漢

亭侯關公羽

公諱羽字雲長河東解人也。好左氏春秋。諷誦略皆上口。身長九尺五寸。髯長一尺八寸。亡命奔涿郡。先主於鄉里合徒衆而公與張飛爲之禦侮。先主爲平原相。以公與飛爲別部司馬。分統部曲。先主與二人恩若兄弟。寢則同牀而稠人廣坐。侍立終日。公隨先主周旋不避艱險。先主兵至徐州。公定計斬車胄。卽守下邳。行太守

關外春秋

卷十五 忠將

七

事而先主還小沛。曹操東逼先主奔袁紹。操用程昱計。賺公出戰。困公于土山。張遼以操旨說之。公報操云。明公布大義于天下。而速取自絕。非某之所敢知。君猶是漢也。某敢不臣漢哉。所請三事。望君俯從。敢拜嘉命之辱。操悉從之。公乃引數十騎歸操。操拜爲偏將軍。禮之甚厚。紹遣大將軍顏良攻東郡太守于白馬。操使張遼及公爲先鋒擊之。公望見良。麾蓋策馬刺良于萬衆之中。斬其首還。紹請將莫能當者。遂解白

馬圍操卽表封公爲漢壽亭侯。袁紹又復遣文醜領兵直渡黃河。據延津。戰退張遼。又戰徐晃。晃退走。文醜沿河追趕。公忽提刀而來。遂斬之。初操壯公之爲人。而咎其心神。無久留意。令張遼以情探之。公歎曰。吾極知曹公待我厚。然吾受劉將軍厚恩。不可背之。吾終不啻要當立効。以報乃去耳。遂以公言報操。操義之。及公殺顏良。操知其必去。禮遇加厚。張遼屢達其誠意。公與遼書云。魯仲連東海之匹夫耳。爲齊下士。然

關外春秋

卷十五 忠將

古

且耻不帝秦。職爲通侯。列漢元宰。獨可使負漢耶。子且休矣。忽南陽陳震持先主書至。公覽而哭曰。吾非不欲尋兄。奈不知其所也。吾安肯事曹公而圖富貴乎。震云。公曰。人生天地間。無始終者。非君子也。吾昔日已對曹公言及。曹公已許之矣。吾已立功報其恩。吾來時明白去。不可不明白也。因作書答云。羽自幼讀書。能知禮義。至于觀羊角哀左伯陶之事。論張元伯范巨卿之約。未嘗不三歎而流淚也。羽昔守下邳。內

無積粟外無援兵。欲盡忠死節，奈有二嫂之重，不敢斷首碎軀，死于溝壑也。近自汝南知信，昔日降漢之時，已曾豫言，今已有微功之報，不容不從。羽但懷二心，天地可表。云陳震得書，自回公再辭操，操不出，公徐思曰：豈曹公不容我去乎？大丈夫既欲去，不動非丈夫也。遂作書辭之。云某聞主憂臣辱，主辱臣死，曩所以不死，欲得故主之音問耳。今故主已在河北，此心飛越，神已先馳。惟明公幸少矜之。千里追隨，當不計

關外春秋

卷之五

五

利害，謀死生也。子女玉帛之脫，勒之寸丹。他日幸以旗鼓相當，退俟三舍，意者亦欲如重耳之事秦繆者乎。遂將累次所賜金帛，一一封記，懸侯印于庫中。黎明，逕出北門而去。有蔡陽欲將鐵騎追公，操曰：「事主不忘其本，天下之義士也。來去明白，天下之丈夫也。汝等皆可效之。」程昱等皆不平，操曰：「吾昔日曾許之，彼各為其主，勿追也。」乃勅張遼驟馬請公少憩，而自引數騎前來。公乃回馬立于霸陵橋上，曰：「累蒙丞相

恩賜微勞，不足補報。異口萍水，相逢別圖，奉辭操笑而答曰：「雲長忠義之士，恨吾薄福，不能相從。金銀一盤，錦袍一領，畧表寸心。公卻金受袍，遂下橋望北而去。前至東嶺，斬孔秀，至洛陽，斬孟坦，斬韓福，至沂水，斬王植。至滑州，太守劉延不以船隻應付，遂至秦琪寨邊，因彼語言不遜，又斬之。乃過黃河，往北進發。此是袁紹地界也。公所歷關隘，凡五處，斬將六員。公馬上自歎曰：「吾非欲沿途殺人，奈事不得已。」

關外春秋

卷之五

六

耳。忽孫乾自汝南來，云：「袁紹多疑，主持不定，其與皇叔先求脫身。今已往汝南會合劉辟矣。」公遂逕走汝南。操再遣使齎公文，遍行諸處，又令張遼傳諭沿途關隘，任便行。公作書與操，云：「劉豫州有言，尉佗秦之小吏耳，猶獨立不詭。某啞啞飛鳴，翔而後集，寧其志終小人下也。使明公威德布於天下，幹旋漢鼎，窮海內外，將拜下風。沐高義矣。獨其兄弟，哉。至古城，得會張飛，忽蔡陽追至，欲與秦琪報讐。琪陽之甥也。公怒，斬

之尋從先主就劉表表卒探定荆州先主自樊將南渡江別遣公掉船數百艘使會江陵操追至當陽長坂先主斜趨漢津適與公船相值得濟汚焉初先主在許與操共獵公勸先主殺操不聽及在夏口飄飄江渚公怒曰往日獵中若聽羽言可無今日之困也先主曰彼時亦為國家惜之耳若天道輔正安知此不為福乎先主欲取樊城公用徐庶策襲之及徐庶之母為曹操所囚庶即歸曹而薦孔明以自代先主因三

關外春秋

卷十五

忠將

七

顧茅蘆而拜為軍師焉公不悅及孔明用計燒新野燒博望而公乃歎服也孫權遣兵佐先主拒操操敗走華容道孔明令公過其歸路公見其敗衄可憐卑詞求活有寬假之意又想昔日五關斬將受操之恩不忍加戮縱之使行天下義之張昭設計取還荆州而魯肅屯兵陸口各地使人請公赴會公慨許次日赴之關平諫阻公曰吾于千鎗萬刃之中矢石交攻之際匹馬縱橫如入無人之境豈憂江東羣鼠乎况吾曾學

萬人之敵業已許諾不去是吾怯也次日公至酒酣肅云公曰烏林之役左將軍親冒矢石戮力破敵豈得徒勞而無一塊土相資而足下欲來收地耶因佯推醉曰公今日請吾赴宴非問是非醉後恐傷故舊之情遂與肅作別先主為漢中王遣費詩封公等為五虎大將公不悅云詩云漢中王與將軍如同一體可與同休戚共禍福不宜計較官號之高下爵祿之多寡也願將軍熟思之公大悟乃再拜受印公

關外春秋

卷十五

忠將

六

聞馬超來降作書與孔明問超人才可誰比孔明答曰孟起兼資文武雄烈過人一時之傑黥彭之徒當與翼德並驅爭先猶未及髯之絕倫逸羣也公美鬚髯故謂之髯公省書大悅以示賓客曰孔明知我忽蜀使至拜公為前將軍假節鉞都督荆襄九郡事公受命遂起兵攻曹仁於樊操遣于禁龐德助仁德令匠造昇櫬而行前至樊城三十里出言不遜公聞之大怒曰天下英雄聞吾之名盡皆縮頸而奔龐德豎子何

至來貌視吾也是時秋天霖雨襄泛漲公因據
堰水滄禁七軍皆沒禁降斬龐德於是梁郟陸
渾諸起義者擁衆遙受公印號爲之聲援威震
華夏操欲遷都以避其銳司馬懿將濟以爲關
將得志孫權必不願也可遣人令權躡其後許
割江南以封權則樊圍自解操從之公嘗爲流
矢所中貫其左臂醫曰矢鏃有毒毒入于骨當
破臂刮骨去毒此患乃除耳公便伸臂令醫劈
之時公宴會諸將飲食相對臂血淋漓盈于盤
外春秋 卷十五 忠將 七
器而公割炙飲酒言笑自若醫曰真天神也先
是權遣諸葛瑾爲子求婚于公公辱罵之不許
權大怒至是用呂蒙慢兵之計託病回陸口而
使陸遜卑詞讚美以驕其志遂襲取荊州而糜
芳傅士仁皆降吳矣操復遣徐晃救曹仁公不
能克引軍還是時方悔不聽司馬王甫之言而
嘆其中豎子之謀略矣及屯麥城而救兵不至
夜走臨沮小路至決石被擒父子皆受害權送
公首于操操以諸侯禮葬之景耀二年追謚曰

壯繆侯

按史稱關公爲萬人之敵爲世虎臣而嘗其
剛而自矜惜其大功之不就以爲公之兵不
先加于腹心之吳而先加于肘腋之魏不先
加于藏身背伺之權而先加于露刃面拒之
操故其勝魏也未足以強弱而其信吳也乃
反以自斃固也不知公始識玄德于草昧卒
然相遇而遂授之以肝膽死生之信至于崎
嶇顛沛西東奔竄而其志愈厲窘於浮虜之
中而其義愈明蓋公之大節不以間關而廢
兄弟不以離亂而廢君臣其時如者山岳登
如者川流而炳如者日月星辰嗚呼斯其所
以亘萬古而猶神也耶
評曰公自布衣應募掃黃巾若敗葉賊良梟
德若承蜩縛禁若擊鼠覆七軍若淹燈其跳
盪摧拉之雄武夫人而能狀之間關萬死跡
故至于一錐莫立之地抗漢賊噓漢燼于一
綫未盡之愬其孤忠亮節夫人而能言之蓋

上而后王君公下而紅女嬰孺近而都掖遠而魁結侏離之鄉。亡能不心儀公者也。麥城之役。公穆然而就寘。若無聞者。垂五百年而始為開皇。一顯于玉泉之刹。而尚沃泯也。又垂五百年而為崇寧。再顯於蚩尤之戰。而後著自是而又垂五百年。公若以一身化億兆。身而應天下。天下以億兆心為一心。而趨公。其卽捍之靈與供奉之虔若相當焉。世稱公。有口義勇武安王者。元所封也。有曰西臺朗。

陵。誠魔上將者。道家符籙所傳也。有曰三界伏魔大帝神威遠鎮天尊者。我朝神宗所加徽號也。嗚呼。公雖誦于一時。而信于千秋矣。夫繇侯而王。而帝矣。天子且不名。而余敢名之哉。是以特稱公云。

關公之失荊州。非公之失。而昭烈之失也。昭烈之失。在委公。以與操角。而不為之後繼也。其不借吳。則次之。夫操猾虜也。割天下之三垂。而以戎馬扼其吭。公雖勝。獲于禁。沒其七

軍能保操之不自至乎。操至公保其能勝乎。卽勝。能孤軍乘而深入乎。不勝。其何以退乎。夫勝而不能退。是自縱敵也。不勝而不可以退。是委公敵也。俱非所以有荊州之道也。當是時。昭烈或自出。或以委孔明翼德。率三萬之衆。而駐荊襄。為公聲援。公進而可以藉其威。而脅操。退而可以有所就。而不壞散。隱然奪蒙遜之狡謀。而江陵固于太山矣。夫以昭烈之明。孔明之智。而計不出此。孰非天也。夫

取襄樊。而因以北掩洛。東蹂許。其賢於箕山斜谷。不百倍哉。故曰天也。不然。數千里出軍。而不置謀主。是時法孝直龐士元俱無恙。擇一人焉。與公共鎮荊州。則善矣。

嗚呼。篡漢者。瞞也。成瞞篡者。權也。瞞名漢相也。實漢賊也。權陽瞞敵也。陰瞞翼也。公批亢於前。而不虞姦生於腋。七軍甫淹。六師臨厄。使永安之恨。不在許昌。而在公安。建興之師。不出樊城。而出祁山。安樂之賤。與歸命之璧。

而相後先惜哉

初魯子敬嘗勸孫仲謀以曹操尚存宜且撫
輯雲長與之同仇不可失也可謂有遠慮者
及呂蒙代屯陸口以為公素驍雄有兼併之
心又矜其詐力不可以腹心待遂密謀害公
以快意一時不思吳蜀結盟所治何事而剪
其羽翼失同仇之義矣故綱目書孫權使呂
蒙襲取江陵關某走避權遂斬之所以歸罪
于權著其無翊漢之心而助操之惡也

國外春秋

卷十五 忠將

三

小說載呂蒙設計以圖關公及得荊州而吳
侯大宴諸將呂蒙接盃欲飲忽然擲盃于地
一手揪住孫權厲聲大罵曰碧眼小兒紫髯
鼠輩還識吾否吾自破黃巾以來縱橫天下
三十年矣被汝一旦以姦計圖之吾生不能
啖汝之肉死當追呂誠之寃吾乃漢壽亭侯
關某也但見呂蒙七竅流血而死然則蒙亦
枉費心機矣關公雖死餘威猶烈也真天神
哉

巴蜀四塞非進取之地武侯首陳取荊州之

策而先主不能用也其後爭之于吳而不得
吳止分數郡與之及關公敗并數郡而失之
矣蓋荆襄為南北咽喉在三國為必爭之地
吾嘗徧閱城外平曠寥闊乃戎馬之場可以
戰而不易守也或云先主當都于此而孔明
不力主之夫孔明精通堪輿而肯輕易定陽
耶

國外春秋

卷十五 忠將

三

長說殺活越權活曹操更為美譚也特為拈
出
關張不負先主先主不負關張桃園之盟真
可隻行千古也若是今日盟兄盟弟何待死
後即生前已負之矣何況盟兄盟弟即同胞
共乳之人無不胡孫也繇此而言桃園三公
真聖人也真神人也何可及哉
人生在世驚天動地事也要幹得一兩件此
後便可高枕而卧矣如雲長斬得顏良文醜

曹操孫權都不敢正而視。卽周郎有意圖玄德見雲長在側。膽自碎矣。

楚人慄疾易動。項王將之而為張良所散。關公將之而為呂蒙所誘。其潰一也。或曰。關公項王之後身也。烏江之役。惘然有曠志心。故啗啞叱咤之氣。鬱而未舒。轉生而為季漢之熊羆。麥城之役。慨然有悔悟心。故跳盪虓武之威。戢而護法。顯化而為佛門之龍象。然公回頭證果。超出輪迴。繇侯而王。而帝。總是一

陶外春秋

卷十五

忠將

圭

尊伽藍。豈非放下屠刀。立便成佛者耶。

世言公髯中有一莖龍鬚也。故威鎮天下。鎮荊州日。忽大雷雨。其鬚騰空而去。而公之威望遂損。又初出軍攻樊。夢猪嚙其足。自知不祥。語子平曰。吾今衰暮矣。年近六旬。雖死何恨。而善諛者曰。猪亦有龍象。然與否與。據玉泉禪師之言。雲長乃受顏良之報也。可見世上因果。着着不差。卽忠義如雲長。亦不能免也。世人何必苦苦放債。直待本利一時

俱到哉。

曹孟德畢竟是一英雄也。只待雲長一事。當時袁紹袁術公孫瓚孫權劉表皆以延攬豪傑為急。誰人做得。嘗想雲長在許昌時。孟德送金帛。送美女。送良馬。送戰袍。極其綢繆。求以結納。都不吝惜也。及一出北門。便斬他六將。雲長固是無可奈何。而孟德全不以為嫌。反遣人送公文。又遣張遼傳諭沿途放行。非英雄而能之乎。所以華容道上。僥倖保殘喘也。

陶外春秋

卷十五

忠將

圭

詩云。無德不報。雲長以之。若季世人情。噉噉鄉隣。有辱其絕網者。輒忿不可解矣。昆弟有管其廝養者。輒怒不可釋矣。勢宦之門客。寒生不敢唾斥矣。上官之差役。下僚不敢譙訶矣。故曰。林頭捉刀人。真英雄也。

余令山右時。曾移書解州守羅公。問關公有後裔否。荅曰。龐德之子。曾隨鍾鄧伐蜀。破盡滅關氏家。而雲長絕矣。嗚呼。曹瞞漢之篡賊也。而二十五男。至今沛澤之種。如狗鼠然。

其麗不億也。雲長漢之忠臣也。而解良之抱
忽諸。天道固乃爾耶。雖然千百世下。讀三國
志者。每詈罵曹操。未有片香相貺。而雲長之
廟貌。鐘簷徧天下。所得孰多也。則謂關公之
血胤。至今未嘗絕可也。麗會亦徒操惡念耳。

隋柱國上開府儀同三司右屯衛大將軍汝南

太守萊州刺史贈光祿大夫宿國武烈公

鐵杖

鐵杖始興人也。驍勇有膂力。日行五百里。走及
奔馬。性疎誕。使酒好交遊。重信義。每以漁獵為
事。不治產業。陳大建中。結聚為群盜。廣州刺史
歐陽頎。俘之以獻。沒為官戶。配執御傘。每罷朝
後。行百餘里。夜至南徐州。踰城而入。行火光劫
盜。且逼及時。仍又執傘。如此者十餘度。物主識

關外春秋

卷十五

忠將

六

之州。以狀奏朝。士見鐵杖。每旦恒在。不之信也。
後數告變。尚書蔡徵曰。此可驗耳。於仗下時。購
以百金。求人送詔書與南徐州刺史。鐵杖出。應
募。齋勅而往。明旦及奏事。帝曰。信然。為盜明矣。
惜其勇捷。誠而釋之。陳亡後。徙居清流縣。遇江
東反。楊素遣鐵杖頭戴草束。夜浮渡江。覘賊中
消息。具知還報。後復更往。為賊所擒。逆帥李稜
遣兵杖三十人衛之。縛送高智慧。行至虔亭。衛
者悉食。哀其餒。解手以給其餐。鐵杖取賊刀。亂

斬衛者殺之皆盡悉割其鼻懷之以歸素大奇
之後叙戰勲不及鐵杖遇素馳驛歸于京師鐵
杖步追之每夜則同宿素見而悟特奏授儀同
三司以不識書放還鄉里成陽公李徹稱其驍
武開皇十六年徵至京師除車騎將軍仍從楊
素北征突厥加上開府煬帝即位漢王諒反於
并州又從楊素擊之每戰先登進位柱國尋除
萊州刺史無治名後轉汝南太守稍習法令群
盜屏跡後因朝集考功郎竇威嘲之曰麥是何

關外春秋

卷十五

忠將

无

姓鐵杖應口對曰麥豆不殊那忽相怪威赧然
無以應之時人以爲敏慧尋除右屯衛大將軍
帝待之愈密鐵杖自以荷恩深重每懷竭命之
志及遼東之役請爲前鋒顧謂醫者吳景賢曰
大丈夫性命自有所在豈能艾炷炙頰瓜蒂歎
鼻治黃不差而卧死兒女手中乎將度遼謂其
三子曰阿奴當備淺色黃衫吾荷國恩今是死
日我旣被殺汝當富貴唯誠與孝汝當勉之及
濟橋未成去東岸尚數丈賊大至鐵杖跳上岸

此葉天圖配補

與賊戰死武賁郎將錢士雄孟金又亦死之左
右更無及者帝爲之流涕購得其尸下詔曰鐵
杖志氣驍果夙著勲庸陪扈問罪先登陷陳節
高義烈身殞功存典言至誠追懷傷悼宜賚殊
榮用彰飾德可贈光祿大夫宿國公諡曰武烈
子孟才嗣尋授光祿大夫孟才有二弟仲才季
才俱拜正議大夫賜贈巨萬賜輿轎車給前後
部羽葆鼓吹平壤道敗將宇文述等百餘人皆
爲執縛王公已下送至郊外士雄贈左光祿大

關外春秋

卷十五

忠將

三

夫右屯衛將軍武強侯諡曰剛子傑嗣金又贈
右光祿大夫子善誼襲官孟才字智稜果烈有
父風帝以孟才死節將子恩賜殊厚拜武賁郎
將及江都之難慨然有復讐之志與武牙郎錢
傑素交厚二人相謂曰吾等世荷國恩門者誠
節今賊臣弑逆社稷淪亡無節可紀何面目視
息世間哉於是流涕扼腕遂相與謀糾合恩舊
欲於顯福宮邀宇文化及事臨發陳謙知其謀
而告之與其黨沈光俱爲化及所害忠義之士

哀鳴

按麥鐵杖驍武善走，失身羣盜之中，沒為執。傘之隸，此貞士不屑與為友者，乃浮江為賊。所擒能殺賊而歸，豈所稱兼人之勇，脫身之哲，合併一時者歟。及除上開府，再進屯衛大將軍，每懷竭命之志，度遼而自請為前鋒，若樂其死者，即虎痴茂以加矣。嗚呼壯哉。評曰：為將當有怯時，是以暴虎馮河，死而無悔者，孔子彼之遼東之役，橋尚未成，何乃飛

閩外春秋

卷二十五 忠將

三

身上岸而自送死乎。大丈夫果不當卧死兒女手中，奈何。拚性命而為阿奴搏富貴哉，可以無死，死傷勇，此類是也。

古之將帥，雖有熊羆之姿，賁育之勇，而適弗逢世，多辱身于綠林，如杜伏威、王君廓輩，皆是也。然而一片桀驁之氣，斐挫而不餒，欲有所待而發奮為天下雄也。麥鐵杖亦一壯士，當其抑鬱米起，亦安知有鴻鵠之志哉。終能振拔汚泥之中，騰躍風雲之上，符馬革之願。

快生平之心，非遇其時，惡能至此也耶。

閩外春秋

卷十五 忠將

三

唐鎮軍大將軍行左衛大將軍遼東道行軍大
總管安撫大使前左右驍衛大將軍沮江軍
弓月道二大總管贈輔國大將軍并州大都
督京國毅公契苾何力

何力鐵勒哥論易勿施莫賀可汗之孫父葛隋
末爲莫賀咄特勒以地近吐谷渾監陘多屬囑
徙去熱海上何力九歲而孤號大俟利發貞觀
六年與母率衆千餘詣沙州內屬太宗處其部
於甘涼二州擢何力左領軍將軍九年與李大

關外春秋

卷十五 忠將

三

亮薛萬徹萬均討吐谷渾於救水川萬均率騎
先進爲賊所包兄弟皆中創墮馬步鬪士死十
七八何力馳壯騎冒圍奮擊虜披靡去是時吐
谷渾王伏允在突淪川何力欲襲之萬均愆前
敗以爲不可何力曰賊無城郭逐薦草美水以
爲生不乘其不虞正恐鳥驚魚駭後無以窺其
巢穴乃閱精騎千餘直擣其牙斬首數千級獲
它橐馬牛羊二十餘萬俘其妻子伏允挺身免
有詔勞軍於大斗技谷萬均耻名出其下乃排

何力引功自名何力不勝憤挺刀起將殺之詔
將勸止及還帝責問其故何力具言萬均敗狀
帝怒將解其官授何力何力頓首曰以臣而解
萬均官恐四夷聞者謂陛下重夷輕漢則誣告
益多又夷無知謂漢將皆然非示遠之義帝重
其言乃止有詔宿衛北門檢校屯營事尚臨洮
縣主十四年爲葱山道副大總管與討高昌平
之始何力母姑臧夫人與弟沙門在京州沙門
爲賀蘭都督十六年詔何力往視母於是薛延

關外春秋

卷十五 忠將

三

陀毗伽可汗方強契苾諸酋爭附之乃脅其母
弟使從何力驚謂其下曰上於爾有大恩且遇
我厚何遠反皆曰可敦都督去矣尚何顧何力
曰弟往待足矣我義許國不可行衆執之至毗
伽牙下何力箕踞拔佩刀東向呼曰有唐烈士
受辱賊庭耶天地日月臨鑒吾志卽割左耳誓
不屈毗伽怒欲殺之其妻諫而止何力被執也
武境之帝曰何力入廷陀如涸魚得水其脫必
應帝曰不然若人心如鐵石殆不背我會使也

言狀帝泣下。即詔兵部侍郎崔敦禮持節許延陀尚主。因求何力乃得還。授右驍衛大將軍。公主行有日。何力陳不可。帝曰：天子無戲言。既許之。可柰何。何力曰：禮有親迎。宜詔毗伽身到京師。或諸靈武。彼畏我。必不來。則姻不成。而憂憤不知所出。不必搆貳。不及一年。交相疑沮。毗伽素狠戾。必死。死則二子爭國。內叛外攜。不戰而擒矣。帝然之。毗伽果不敢迎。鬱邑不得志。恚而死。少子拔酌殺其庶兄突利。自立。國中亂。如

隋外春秋

卷十五 忠將

三

其策云：帝征高麗。詔何力為前軍總管。次白崖城中。賊稍創甚。帝乃為傅藥。城拔。得刺何力者。高突教驕。使自殺之。辭曰：彼為其主。冒白刃以刺臣。此義士也。犬馬猶報其養。况於人乎。卒捨之。俄以崑岳道總管平龜茲。帝崩。欲以身殉。高宗諭止。永徽中西突厥阿史那賀魯以處月處密姑蘇歌邏祿卑失五姓叛。寇延州。陷金嶺略蒲類。詔何力為弓月道大總管。率左武衛大將軍梁建方。繞素成。收雍及燕然。都護回紇兵入

萬計之。處月首朱邪孤注。遂殺招慰使果。殺都尉單道惠。據牢山以守。何力等分兵道攀。高而上。急攻之。賊大潰。孤注夜遁。輕騎窮躡。行五百里。孤注戰死。虜渠帥六十。俘斬萬餘。牛馬雜畜七萬。取處密。時健俟斤合支賀等以歸。還左驍衛大將軍。封邠國公。顯慶中。為沮江行軍軍大總管。與蘇定方及右驍衛大將軍劉伯英伐高麗。不克。龍朔初。復拜遼東道行軍大總管。率諸蕃三十五軍進討。帝欲自率師繼之。次鴨綠

隋外春秋

卷十五 忠將

三

水。蓋蘇文遣男生以精兵數萬拒險。衆莫敢濟。會水合。何力引兵譟而濟。賊驚。遂潰。追兵斬首三萬級。餘衆降。男生脫身走。有詔班師。時鐵勒九姓叛。詔何力為安撫大使。何力以輕騎五百馳入其部。虜大驚。何力諭曰：朝家知而誑。遂及翻動。使我賁爾過。得自新。罪在凶渠。取之則已。九姓大喜。共擒偽葉護及特勒等二百人。以歸。何力數其罪誅之。餘衆遂安。士卒道死者。令所在收瘞。獨護其家。未幾。蓋蘇文死。男生為弟

所逐使子詣闕請降，乃拜何力爲遼東道行軍大總管、安撫大使、經畧之。副李勣同趨高麗，勣已拔新城，留何力守。時高麗兵十五萬屯遼水，引鞞數萬衆據城。何力擊破之，斬首萬級，乘勝進拔八城，引兵還與勣會，合攻辱夷大行二城，克之。進拔扶餘，勣勒兵未進，何力率兵五十萬先趨平壤，勣繼進攻。凡七月，拔之，虜其王以獻。進鎮軍大將軍，行左衛大將軍，徙封涼。總章儀鳳間，吐蕃滅吐谷渾，勢益張，入寇鄯廓河坊。

關外春秋

卷十五 忠將

夫

等州，詔周王爲洮州道，相王爲涼州道，行軍元帥率何力等討之。二王不行，亦會何力率贈輔國大將軍、并州大都督、陪葬昭陵，謚曰毅。始龍朔中，司稼少卿梁修仁新作大明宮，植白楊于庭，示何力曰：「此木易成，不數年可庇。」何力不答，但誦白楊多悲風，蕭蕭愁殺人之句。修仁驚悟，更植以桐。

按契苾何力夷種也。太宗物色于降虜之中，繼爲將軍，遂忠義許國，拔刀割耳抗節賦庭。

嗚呼！豈非毅然烈士哉！帝亦諒其心如鐵石，不難拚一公主以贖何力。王臣俱得之矣。評曰：夷性悖固，其能知義所在者，驚挺不可選。蓋巧不足而諒常有餘也。漢武帝時，休屠王之子金日磾著忠節孝，及病，屬霍光輔少主。光讓日磾，日磾曰：「臣外國人，且使匈奴，輕漢。於是遂爲光副。」太宗因何力得萬均敗狀，怒將解其官以授何力。何力曰：「以臣而解萬均官，恐四夷聞之，謂陛下重夷輕漢，則誣告。」

關外春秋

卷十五 忠將

夫

益多，又非示遠之義。斯人也，而有斯言也，其篤慎可步武日磾矣。

三立堂新編關外春秋卷之十五

三立堂新編閩外春秋卷之十六

華胥外史漢陽 尹商 子皇甫 著

唐御史中丞副河南節度使贈揚州大都督忠

烈公張巡

巡字巡鄧州南陽人博通羣書曉戰陣法氣志高適畧細節所交必大人長者不與庸俗合時人不知也開元末擢進士第巡繇太子通事舍人出為清河令治績最而負節義或以困阨歸者傾貲振護無吝秩滿還都於是楊國忠方專

閩外春秋

卷十六 忠將

一

國權勢可炙或勸一見且顯用答曰是必為國怪祥朝官不可為也更調真源令土多豪猾大吏卑南金樹威恣肆邑中語曰南金口明府手巡下車以法誅之赦餘黨莫不改行遷善政簡約民甚宜之安祿山反譙郡太守楊萬石降賊偃巡為長史使西迎賊軍巡率吏哭玄元皇帝祠遂起兵討賊至雍丘雍丘令令狐潮已附賊遂自將東敗淮陽兵虜其眾反接在廷將殺之暫出行部淮陽囚更解縛起殺守者迎巡入城

以拒潮巡乃屠潮妻子磔城上初靈昌太守

吳士祇受詔合河南兵拒祿山於是乃舉充以東委巡經略潮以賊眾四萬薄城人大恐巡諭諸將曰賊知城中虛實有輕心今出不意可驚而潰也乘之勢必折諸將曰善巡乃分千人乘城以數隊出前驅直薄潮軍軍却明日賊攻城設百樓巡柵城上束芻灌膏以焚焉賊不敢向巡伺隙擊之積六旬大小數百戰士帶甲食裹瘡鬪潮遂敗走追之幾獲潮怒復率眾來然

閩外春秋

卷十六 忠將

二

素善巡至城下情語巡曰本朝危感兵不能出關天下事去矣足下以羸兵守危堞忠無所主盍相從以苟富貴乎巡曰君平生以忠義自許今日之事忠義何在潮慚而退圍守復四十餘日朝庭聲聞不通潮聞玄宗已走蜀復以書招巡有大將六人白巡涉勢不敵且上存亡莫知不如降六人者皆官開府特進巡陽許諾明日堂上設天子畫像率軍士朝人人盡泣巡引六將至責以大誼斬之士心益勸會糧乏潮餉賊

密米數百艘。且至。巡夜壁城南。潮悉軍來。垣遣勇士銜枚濱河。取鹽米千斛。焚其餘而還。中矢盡。巡縛。羣為八千餘。被黑衣。夜絕人城。下潮兵爭射之。得箭數十萬。其後復夜絕人。賊笑不設備。乃以死士五百斫潮營。軍大亂。焚壘幕。追奔十餘里。賊慚。益兵圍之。巡使郎將雷萬春於城上與賊潮相聞。賊弩射之。百中六矢。而不動。潮乃大驚。遙謂巡曰。向見雷將軍。方知足下軍令矣。然其如天道何哉。巡曰。君未識人倫焉。

關外春秋

卷十六

忠將

三

知天道未幾。薪水竭。巡給潮欲引眾走。請退軍二舍。使我逸。潮不知其謀。許之。遂空城。四出三十里。撤屋發木。而還為備。潮怒。圍復合。巡徐謂潮曰。君須此城。歸馬三十匹。我得馬且出奔。請君取城以藉口。潮歸馬。巡悉以給驍將。約曰。賊至。人取一將。明日潮責巡。答曰。吾欲去。將士不從。奈何。潮怒。欲戰。陣未成。三十騎突出。擒將十。斬百餘級。收器械牛馬。潮遁還陳畱。不復出。七月。潮率賊將瞿伯玉攻城。遣僞使者四人傳

賊命。招巡。巡斬以徇。餘繫送。所圍凡四月。賊常數萬。而巡眾纔千餘。每戰輒克。於是河南節度使嗣虢王巨屯彭城。假巡先鋒。俄而魯東平。陷賊濟陰太守高承義舉郡叛。巨引兵東走。臨淮賊將楊朝宗謀趨寧陵。絕巡餉路。巡外失巨。拔眾保寧陵。馬裁三百。兵三千。至睢陽。與太守許遠城父令姚閻等合。乃遣將雷萬春南。雲等領兵戰寧陵北。斬賊將二十。殺萬餘人。投尸于汙水。為不流。朝宗夜去。有詔拜巡至客郎。

關外春秋

卷十六

忠將

四

中。副河南節度使。至德二載。祿山死。慶緒遣尹子琦將同羅突厥奚勒兵。凡十餘萬。攻睢陽。巡勵士固守。日中二十戰。氣不衰。遠自以材不及。巡請稟軍事。而居其下。巡受不辭。遠專治軍餉。戰具。前此遠將李滔救東平。遂叛入賊。大將田秀榮潛與通。或以告遠。曰。晨出戰。以碧帽為識。視之如言。盡覆其眾。還。輒曰。我誘之也。請以精騎往。易錦帽。遠以告巡。巡召登城。讓之。斬首示賊。因出薄戰。子琦敗。獲車馬牛羊。悉分士。秋毫

無入其家有詔拜巡御史中丞遠侍御史
部郎中巡欲乘勝擊陳雷子琦聞復圍城
其下曰吾蒙上恩賊若復來正有死耳諸君雖
捐軀而賞不值勲以此痛恨聞者感慨乃椎牛
大饗悉軍戰賊望兵少大笑巡遠親鼓之賊潰
追北數十里其五月賊刈麥乃濟師巡夜鳴鼓
嚴隊若將出賊申警俄息鼓賊覘城上兵休乃
弛備巡使南霽雲等開門徑抵子琦所斬將拔
旗有大酋被甲引拓羯千騎麾幟乘城招巡巡

關外春秋

卷十六 忠將

五

陰絕勇士數十人墮中持鉤陌刀盤弩約日聞
鼓聲而奮所恃衆不爲備城上謀伏發擒之弩
注矢外向救兵不能前俄而絕士復登陣賊皆
愕眙乃按甲不出巡欲射子琦莫能辨因刻蒿
爲矢中者喜謂巡矢盡走自子琦乃得其狀使
霽雲射一發中左目賊還七月復圍城初睢陽
殺六萬斛可支一歲而巨發其半饑濮陽濟陰
遠固爭不聽濟陰得糧卽叛至是食盡士日賦
米一勺甞水皮鬻紙而食才千餘人皆疲傷氣

乏巡出愛妾曰諸君經年乏食而忠義不少哀
吾恨不割肌以啖衆寧惜一妾而坐視士饑乃
殺以大饗坐者皆泣巡癩令食之遠亦殺奴僮
以哺卒至羅雀掘鼠煑鐵弩以食賊將李懷忠
過城下巡問君事胡幾何曰二君曰君祖父
官乎曰然君世受官食天子粟奈何從賊關弓
與我確懷忠曰不然我昔爲將數死戰竟沒賊
此殆天也巡曰自古悖逆終夷滅一日事平君
父母妻子並誅何忍爲此懷忠掩泣去俄率其

關外春秋

卷十六 忠將

六

黨數十人降巡前後說降賊將甚多皆得其死
力御史大夫賀蘭進明代巨節度屯臨淮許叔
冀尚衡次彭城皆觀望莫肯救巡使霽雲如叔
冀請帥不應遣布數千端霽雲嫚罵馬上請決
死鬪叔冀不敢應巡復遣如臨淮告急引精騎
三十冒圍出賊萬衆遮之霽雲左右射皆披靡
旣見進明進明曰睢陽存亡已決兵出何益霽
雲曰城或未下如已下請以死謝大夫叔冀者
進明麾下也房縉本以牽制進明亦兼御史大

夫勢相埒而兵精進明懼師出且見襲又忌巡
聲威恐成功初無出師意又愛霽雲壯士欲留
之爲大饗樂作霽雲泣曰昨出睢陽時壯士不
粒食已彌月今大夫兵不出而廣設聲樂義不
忍獨享雖食弗下咽今主將之命不達霽雲請
置一指以示信歸報中丞也因拔佩刀斷指一
坐大驚爲出涕卒不食去措矢回射佛寺浮圖
矢著輓曰吾破賊還必滅賀蘭此矢所以志也
至真源李賁遺馬百匹次寧陵得城使廉坦兵

關外春秋

卷十六

忠將

七

三千夜冒圍入賊覺拒之且戰且引兵多死所
至才千人方大霧巡聞戰聲曰此霽雲等聲也
乃啓門驅賊牛數百人將士相持泣賊知外援
絕圍益急衆議東奔巡遠議以睢陽江淮保障
也若棄之賊乘勝鼓而南江淮必亡且師饑衆
行必不達十月癸丑賊攻城士病不能戰巡西
向拜曰孤城備竭弗能全臣生不報陛下死當
爲厲鬼以殺賊賊遂陷與遠俱執巡衆見之起
且哭巡曰安之勿怖死乃命也衆不能仰視子

琦謂巡曰聞公督戰大呼輒背裂血而嚼齒皆
碎何至是答曰吾欲氣吞逆賊耳子琦怒以刀
抉其口齒存者三四子琦服其節將釋之或曰
彼守義者且得衆心不可留又以刃脅降霽雲
未應巡呼曰南八男兒死爾不可爲不義屈霽
雲笑曰欲將有爲也公知我者敢不死乃與姚
閻雷萬春等三十六人俱遇害巡年四十九初
子琦議生致一人慶緒所乃送遠洛陽至偃師
亦以不屈死巨之走臨淮巡有姊嫁陸氏遮王

關外春秋

卷十六

忠將

八

勸勿行不納賜百緡弗受爲巡補裨行間軍中
號陸家姑先巡被害巡長七尺鬚髯每怒盡張
讀書不過三復終身不忘爲文章不立藁守睢
陽士卒居人一見問姓名其後無不識更潮及
子琦大小四百戰斬將三百卒十餘萬其用兵
未嘗依古法勒大將教戰各出其意或問之答
曰古者人情敦樸故軍有左右前後大將居中
三軍望之以齊進退今胡人務馳突雲合鳥散
變態百出故吾止使兵識將意將識士情上下

有習人自爲戰爾。其械甲取之於敵。未嘗自修。禦每戰必親臨行陣。有退者。巡已立其所。謂曰。我不去此。爲我決戰。士感其誠。皆一當百。待人無所疑。賞罰信。與衆共其苦。寒暑雖廝養。必整衣見之。下爭致死力。故能以少擊衆。未嘗敗。被圍。久初殺馬食。既盡。而及婦人老弱。凡食三萬口。人知將死。而莫有叛者。城破。遣民止四百。而已。始肅宗詔中書侍郎張鎬代進明節度河南。率浙東李希言。浙西司空襲禮。淮南高適。青州

開外春秋

卷十六

忠將

九

鄧景山。四節度倚角同救睢陽。巡亡三日而鎬至。十日而廣平王收東京。議者或謂巡始守睢陽。衆六萬。既糧盡。不持滿按隊。出再生之路。與夫食人。寧若全人。獨張澹。張建。封樊。是朱巨川。李翰。謂巡蔽遮江淮。沮賊勢。天下不亡。其功也。翰等皆有名士。繇是天下無異言。天子下詔褒贈。巡揚州大都督。遠。荊州大都督。齊雲。開府儀同三司。並寵其子孫。立廟睢陽。歲時致祭。德宗差次至德以來。將相功效尤著者。以顏杲卿。袁

履謙。盧奕。及巡。遠。齊雲。爲上。自是訖僖宗。求忠臣後。無不及三人者。大中時。圖巡。遠。齊雲。像于凌烟閣。睢陽至今祠享。號雙廟云。

按大將臨戎。御衆必須。拏定一大頭腦。方足以激勵士氣。聳動人心。余觀張中丞初率吏哭。玄宗皇帝祠。而起兵討賊。及六將以執不敵。議降。中丞又設天子書像於堂上。率軍士朝引大誼而斬之。是皆拏定大頭腦。故士氣鼓而人心奮也。是以雷萬春。面中六矢而不

開外春秋

卷十六

忠將

十

動。南齊雲拔刀斷指而不惜。以故大小四百戰。斬將三百。卒十餘萬。食人三萬口。至於力屈。城陷。與姚閻等三十六人同時遇害。其俠骨至今猶香也。許曰。張巡許遠。可謂烈士夫矣。以疲卒數萬。嬰孤墉。抗方張不制之虜。鯁其喉。牙使不得搏食。東南牽掣首尾。厯潰梁宋間。大小數百戰。雖力盡乃死。而唐全得江淮財用以濟中興。引利償害。以百易萬。可矣。巡先死不爲墟。

遠後死。不為屈。死三日而救。至十日而賊亡。天以完節付二人。昇名無窮。不待畱生而後顯也。

張公守睢陽城。孤勢感而意自如。其謝加金吾表云。逆賊祿山。迷逆天地。羶膝闕廷。臣被圍七旬。身經百戰。王辱臣死。當臣致命之時。惡稔罪盈。是賊滅亡之日。又激勵將士詩云。接戰春來苦。孤城時漸危。合圍疑月暈。分守若魚麗。屢厭風塵起。旋將白羽揮。裴創猶出陣。飲血更登陴。忠信應難敵。堅貞諒不疑。無人報天地。心計欲何施。嗚呼。忠義之情見乎詞矣。

剛外春秋

卷十六 忠將

七

唐檢校禮部尚書行軍司馬兼都知兵馬使前

御史中丞知奉天行營事涇州刺史贈太尉

忠烈張掖郡王段秀實

秀實字成公。汧陽人。六歲號孝童。及長。沉厚。能斷。慨然有濟世意。舉明經。其友易之。秀實曰。摻章摘句。不足以立功。乃棄去。天寶四載。從安西節度使馬靈督討護有功。授安西府別將。靈督罷。又事高仙芝。後又從封常清討太勃律。次賀薩勞城。與虜戰。勝之。改綏德府折衝都尉。後吐

剛外春秋

卷十六 忠將

三

蕃襲京師。代宗走陝。白孝德薦為涇州刺史。時

郭子儀為副元帥。居蒲。子晞以檢校尚書領行

營節度使。屯邠州。邠人之嗜惡者。納賄。鼠名伍

中。因白晝群行。巧誦於市。有不嫌。輒擊傷市人。

椎釜鬲。兇益於道。甚至撞害孕婦。孝德不敢言。

秀實自州以狀白府。願計事。至則曰。天子以生

人付公治。公見人被暴害。恬不為意。其如大亂

何。孝德曰。願奉教。因請曰。秀實不忍人無辜暴

死。亂天子邊事。公誠以某為都虞侯。能為公已

之孝德。卽檄署付軍。俄而晞士十七人入市。取酒刺殺酒翁。壞釀器。秀實列卒取之。斷首置。上植市門外。一營大譟。盡甲。秀實徐解佩刀。選老。蹙一人持馬徑至。晞門下。甲者皆出。秀實笑。而入。曰。殺一老兵。何甲也。吾戴吾頭來矣。甲者愕。貽秀實。以曉之。曰。尚書負若屬邪。副元帥負若屬邪。柰何欲以亂敗郭氏。俄而晞出。秀實又曰。副元帥功塞天地。今尚書恣卒爲暴。使亂天子邊。欲誰歸罪乎。罪且及副元帥矣。今邪惡子

聞外春秋 卷十六 忠將 三

弟以貨竄名籍中。殺害人。藉藉如是。人皆曰。尚書以副元帥故不戢士。然則郭氏功名。其與存者有幾。晞再拜曰。公幸教晞。卽叱左右解甲。秀實曰。吾未哺食。請爲我設具。已食。又曰。吾疾作。願一宿門下。遂卧軍中。晞大駭。戒候卒擊柝衛之。明日晞與俱至。孝德所陳謝。邪賴以安。始馬。璘城涇州。秀實爲雷後。以勞加御史中丞。大曆三年。欲徙涇州。是軍自四鎮北庭赴難。數征伐有功。旣驟徙。遂出怨言。別將王童之。因謀作亂。

約日聞警鼓而縱。秀實知之。召鼓人陽怒失節。且戒曰。每籌盡當報。因延數刻。盡四鼓而曙。明日又有告者。曰。夜焚橐積。約救火。則發。秀實申嚴警備。夜果火。卽下令。曰。敢救火者。斬童之。居外。請人不許。明日收捕。并其黨八人。皆斬。以狗復下。令曰。後徙者。族。軍遂徙。無敢後者。吐蕃寇邊。我師不利。璘爲虜。隔未能還都。將引潰兵先入。秀實讓曰。兵法失將。麾下皆斬。公等忘死而欲安其家邪。乃悉城中士。使銳將鉞之。依東原

聞外春秋 卷十七 忠將 四

列兵。示賊虜不敢偏。俄而璘得歸。久之。璘有疾。請秀實攝節度副使。秀實遂按甲備變。璘卒。秀實命。愿將馬頤。主喪。李漢惠。主賓客。家人位於堂。宗族位於庭。賓客位於衙內。尉吏士卒位於營次。非其親。不得居。喪。側。朝夕臨。三日止。有族談離立者。皆捕囚之。一軍遂安。朝廷卽拜秀實四鎮北庭行軍涇原鄭穎節度使。德宗立。加檢校禮部尚書。建中初。宰相楊。欲城原州。以議不合。改爲司農卿。朱泚反。以秀實素有人望。使

騎往迎秀實至。謂泚曰：將士東征，寡賜不豐，有司過耳。人主何與知之？公本以忠義開天下，今變起倉卒，當諭衆以禍福，掃清宮室，奉迎乘輿，可也。泚默然。秀實知不可，乃陽與合陰，結將軍劉海賓、姚令言、都虞侯何明禮共圖泚。會源休教泚偽迎天子，遣將韓旻統領師三千疾馳奉天。秀實以爲此係危徧之時，遣人諭大吏岐靈岳竊取令言印，不獲，乃倒用司農印，追其兵旻至駱谷驛，得待而還。秀實謂海賓曰：旻還吾等

關外春秋

卷十六

忠將

五

無遺類矣。我當直搏殺賊，諸公請畢力相應。翼日泚召秀實計事，源休姚令言、李忠臣、李子平皆在坐。因語及僭位事，秀實勃然起，執休腕，奪其象笏，唾泚面，大罵曰：狂賊可磔萬段，我豈從汝反邪？遂擊泚笏，中頰流血，蟻而匍匐走。海賓等卒無應者。秀實知無援，乃大呼曰：我不同汝反，胡不殺我，遂遇害。年六十五。帝在奉天，恨用秀實不極，才垂涕悔恨，詔贈太尉，謚忠烈，賜封戶五百，莊第各一區，長子三品，諸子五品，並正

員官，又詔致祭，旌其門閭，親銘其碑云。

按成公嘗以禁兵寡弱，不足備非常，言於帝曰：古者天子曰萬乘，諸侯曰千乘，大夫曰百乘，蓋以大制小，以十制一。今外有不廷之虜，內有梗命之臣，而禁兵寡少，卒有患難，何以待之？且猛虎所以百獸畏者，爲爪牙也。若去之，則犬彘馬牛皆能爲敵。帝不用，及涇卒亂，召神策六軍，無一人至者，而後帝悔用成公之才未盡晚矣。

關外春秋

卷十六

忠將

六

評曰：唐人柳宗元稱世言段太尉大抵以爲武夫一時奮不顧死，以取名，非也。大尉爲人，始常低眉拱手，行步言氣卑弱，未嘗以色待物。人視之，儒者也。遇不可，必達其志，決非偶然者。宗元不妄許人，諒其然耶？非孔子所謂仁者必有勇乎？詳觀太尉行事，如救高仙芝于恒邏斯，促梁宰之赴靈武，助李嗣業之，莫戢郭晞之軍，償焦令謨之穀，徙涇州之兵，治馬麟之喪，例用司農之印，當時亦不能盡

信於君。及臨大節。蹈之無二色。何哉。彼忠臣
誼士。寧以未見信望于人。要返諸已。得其正
而後慊於中。而行之也。嗚呼。雖千百歲後。其
英烈言詞。如嚴霜烈日。可畏而抑哉。

李晟收伏宮闕。朱泚走涇原。泚忽馬上叩頭
稱乞命。而手足紛紜。若有拒捍。因墜馬。良久
復蘇。左右扶上馬。問其故。泚曰。見段司農劉
海賓杖戈執戟。與朕相敵。不堪其苦也。將士
聞者。益懷異志。

關外春秋

卷十六 忠將

七

唐兵部尚書同中書門下三品充朔方軍節度

大使前左散騎常侍朔方行軍大總管改御

史大夫銀青光祿大夫兼源州都督并州都

督長史安北大都護贈尚書左丞相清源忠

烈公王駿

駿洛陽人少孤好學長豪曠不受銜檢擢明經

第歷殿中侍御史會朔方元帥魏元忠討賊不

利委罪于副將韓思忠請誅之駿以思忠偏裨

權不已制且其人勇智可惜不宜獨誅固爭得

關外春秋

卷十六 忠將

八

釋駿亦出為渭南令景龍末授桂州都督州有

兵舊嘗仰餉銜承駿始築羅郭罷戍卒埭江開

屯田數千頃以息轉漕百姓賴之後遷朔方軍

副大總管安北大都護吐蕃以精甲十萬寇臨

洮次大來谷其酋坐遠延以兵踵而前駿率所

部二千與臨洮軍合料奇兵七百易胡服夜襲

賊去賊五里令日前遇寇大呼鼓角應之賊驚

疑伏在傍自相鬪死者萬計而薛嗣至武階距

大來二十里賊陣兩軍間亘一舍而近駿往迎

訥夜使壯士銜枚、塵突、賊駭引去。追至洮水，敗之。俘獲如積，以功加銀青光祿大夫、清源縣男。兼源州都督，又進并州都督、長史。明年，突厥默啜為拔曳固所殺，其下多降。分置河曲，既而降者稍稍叛去。駿上言：突厥向以國亂，故款塞，今徙處河曲，使內伺邊，必為患。虜脫南牧，降帳必與連衡，以相應接。表裏有敵，雖韓彭孫吳無所就功。請至農隙，令朔方軍大陳兵，召酋豪告以禍福，啗以金縉。且言南方麋鹿魚米之饒。

關外春秋 卷十六 忠將 九

並遷置淮右河南，不二十年，漸服諸華。料以充兵，則皆勁卒。議者若謂降狄不可以南處，則高麗舊俘置沙漠之西，城傍編夷居青徐之右，何獨降胡不可徙歟？臣復料議者必曰：故事置于河曲，前日已寧，今無獨異，且往者頡利破亡，邊鄙安定，故降戶得以久安。今虜未殄滅，此降人皆戚屬，固不與往年同也。臣請以三策料之：悉其部落置內地，獲精兵之實，閉黠虜之患，此上策也。亭障之下，蕃華參處，廣屯戍為備擬，費其

人勞，下策也。置之胡塞，滋成禍萌，此無策也。不然，前至河水，且必有變。書未報而虜已叛，乃敕駿將并州兵濟河以討。駿間行，卷甲捨幕，趨山谷。夜遇雪，恐失期，誓於神曰：駿事君不以忠，不討有罪。天所殛者，當自蒙罰。士眾無罪，心誠忠而天監之，則止。雪反風，以獎成功。俄而和霽，特叛胡分二道走。駿自東道追及之，獲級二千。以功遷左散騎常侍，朔方行軍大總管，改御史大夫，跌跌部及僕固等散保受降城之鄙，潛引突

關外春秋 卷十六 忠將 三

厥內擾。駿盡誘而誅之，拜兵部尚書，復為朔方軍大總管。爾池胡康待賓據長泉反，陷六州。詔郭知運與駿討平之，封清源公。玄宗以宮人賜知運等，駿獨不敢取，曰：臣之事君，猶子事父，詎有嘗近闈掖而臣子敢當乎？誓死以免。見聽。初，駿奏朔方兵力有餘，願罷知運獨當戍，未報而知運至，故不協。駿所降附，知運輒縱擊，賊意駿賣已，乃復叛。駿坐貶，後代張說為兵部尚書，同中書門下三品，充朔方軍節度大使。河北河西

隴右河東之軍盡屬是冬帝親郊追會大禮賧以水壯請雷將兵待邊手勅慰勉卒贈尚書左丞相謚忠烈賧氣貌偉特時謂為熊虎相感慕節義有古人風其待下肅一吏人畏愛

按賧禦吐蕃則設疑兵以敗之禦突厥則欲徒降者於內地以安之一則倉卒之謀一則長久之計也若不受官人之賜而引父子為比賧之明于分義審矣

評曰史稱王賧感慕節義有古人風嘗考廣

閩外春秋

卷十六 忠將

三

州都督周利貞欲必殺劉幽求賧不忍其無罪就戮故雷不遣後幽求得免復執政故詔幽求為刻石辭一張誣魏元忠賧獨上疏申救曰魏公以忠獲罪苟得辨雖死弗悔合二事觀之亦可槩見矣及卒後王禘討奚於幽州言戰時見賧與部將麾兵赴敵則九原之下猶耿耿也天子嗟異遣使祭賧廟優其子孫云

唐檢校司空左右僕射同中書門下平章事

兵工二部尚書澤州刺史兼澤潞節度副使

倪國公進義陽郡王贈太保李抱真

抱真字太玄沈慮而斷兄抱玉屬以軍事授汾州別駕僕固懷恩反陷焉挺身歸京師代宗以懷恩倚回紇所將朔方兵精憂之召抱真問狀答曰郭子儀嘗領朔方軍人多德之懷恩欺其下曰子儀為懷恩所殺今起而用是伐其謀兵可不戰解也既而懷恩敗如抱真策遷陳鄭澤

閩外春秋

卷十六 忠將

三

潞節度雷後既謝因言百姓勞逸在牧守願得一州以自試更授澤州刺史兼澤潞節度副使徙懷州仍為懷澤潞觀察雷後凡八年抱真策山東有變澤潞兵所走集乘戰伐後賦重人困軍伍彫凋乃籍戶三丁擇一蠲其徭租給弓矢令每月得曹偶習射歲終大校親按籍第能否賞責比三年皆為精兵舉所部得成卒二萬既不廩於官而府庫實乃曰軍可用矣繕甲淬兵遂雄山東天下稱招義步兵為諸軍冠德宗嗣

位檢校工部尚書領招義節度使田悅反圍
及臨洛詔抱真與河東馬燧合神策兵救之斬
其將楊朝光遂解臨洛邢之圍以功檢校兵部
尚書復與悅戰洹水走之進圍魏悅戰城下大
敗進檢校尚書右僕射會朱滔王武俊反救悅
抱真退保魏帝倉卒符奉天聞問諸將皆哭各
引麾下遠屯於是李希烈陷汴李納反鄆而懷
光相次反河中抱真獨以數州截然橫絕潰叛
中離沮其姦為群盜所憚與元初檢校左僕射

關外春秋

卷六

忠將

三

同中書門下平章事進義陽郡王朱滔悉幽薊
兵與回紇圍貝州以應朱泚而希烈既竊名號
則欲臣制諸叛眾稍離天子下罪已詔並赦群
盜李抱真乃遣客賈林以大義說武俊使合從
擊滔武俊許諾而內猶豫抱真將自造其壁諉
軍事於盧元卿曰吾此行繫時安危使遂不還
部勒以聽天子命惟子勵兵東向雪吾之耻亦
惟子即以數騎馳入見武俊曰此希烈爭竊帝
號滔攻貝州此其志皆欲自肆於天下足下既

不能與競長雄捨九葉天子而臣反虜乎且詔
罪已禹湯之心也方上暴露播越公能自安
乎因持武俊涕下交頤武俊亦感泣左右皆泣
退卧帳中酣寢久之武俊感其不疑乃益恭指
心誓天曰此身已許公死矣食訖約為昆弟而
別旦日合戰大破滔經城進檢校司空實封六
百戶抱真喜士聞世賢者必欲與之遊雖小善
皆卑辭厚幣雖千里邀致之至無可錄徐徐以
禮謝會天下稍無事乃飾臺沼以自娛好方士

關外春秋

卷六

忠將

三

謂不死可致因餌丹而卒年六十二詔贈太保
按兵法上將伐謀抱真請用汾陽王而解回
紇之兵者是兵法親而離之抱真馳入王武
俊軍而說之降以敗朱泚者是訓練澤潞之
民三年而成精兵故招義步兵為天下最可
為後世練土著之法
評曰李義陽之用兵沉而能斷當時獨以數
州橫絕潰敗中離阻其姦為群盜所憚豈不
毅然烈丈夫哉何至為孫季常所欺乃欲升

天仙去也。刻鶴羽二公。秦漢兩天子所不為。而習乘之。殆大惑不覺者歟。古詩云。服食求神仙。多為金石誤。餌。三萬丸。已不能食。得醫少間。亦可猛省矣。更益三千丸。非自促其死乎。

梁匡國節度使北。面行營。招討使。贈太師王彦章。

彦章字子明。鄆州壽昌人也。少為軍卒。事梁太祖。為開封府押衙左親從。指揮使。末帝即位。遷濮州刺史。又徙澶州刺史。又。彦章為人。驍勇有力。能。跳。足。履。棘。竹。百。步。持。一。鐵。鎗。騎。而。馳。突。奮。疾。如。飛。而。他。人。莫。能。舉。也。中。統。王。鐵。鎗。梁。晉。爭。天下。為。勁。敵。獨。彦。章。心。常。輕。晉。王。謂。人。曰。亞。子。關。鷄。小。兒。耳。何。足。懼。哉。梁。分。魏。相。六。州。為。兩。鎮。

懼魏軍不從。遣彦章。章。早。南。走。魏。人。降。晉。晉。軍。攻。破。澶。州。虜。彦。章。妻。子。歸。之。大。原。賜。以。第。宅。供。給。甚。備。間。遣。使。者。招。彦。章。彦。章。斬。其。使。者。以。自。絕。然。晉。人。畏。彦。章。之。在。梁。也。必。欲。招。致。之。待。其。妻。子。愈。厚。自。梁。失。魏。博。與。晉。交。河。而。軍。彦。章。常。為。先。鋒。遷。匡。國。軍。節。度。使。北。面。行。營。副。招。討。使。是。時。晉。已。盡。有。河。北。以。鐵。鎖。斷。德。勝。口。築。河。南。北。為。兩。城。號。夾。寨。龍。德。三。年。夏。晉。取。鄆。州。梁。人。大。恐。宰相。敬。翔。顧。事。急。以。繩。內。靴。中。入。見。末。帝。

而泣將引繩自經曰事急矣非彦章不可末帝乃召彦章為招討使以段凝為副末帝問破敵之期彦章對曰三日左右皆失笑彦章受命而出馳兩日至滑州置酒大會陰遣人具舟於楊村命甲士六百人皆持巨斧載冶者具糒炭乘流而下彦章會飲酒半佯起更衣引精兵數千沿河以趨德勝舟兵舉鎖燒斷之因以巨斧斬浮橋而彦章引兵急擊南城浮橋斷南城遂破蓋三日矣是時莊宗在魏以朱守殷夾寨圍彦

齊春秋

卷十六

忠將

七

章為招討使驚曰彦章驍勇吾嘗避其鋒非守殷敵也然彦章兵少利於速戰必急攻我南城即馳騎救之行二十里而得夾寨報者曰彦章兵已至此至而南城破矣莊宗徹北城為楸下楊劉與彦章俱浮于河各行一岸每舟楫相及輒戰一日數十接彦章至楊劉攻之幾下晉人築壘博州東岸彦章引兵攻之不克還楊劉戰敗是時段凝已有異志與趙巖張漢傑交通彦章素剛憤梁日削而嫉巖等所為嘗曰俟我破

賊還誅奸臣以謝天下巖等聞之懼與凝叶力傾之其破南城也彦章與凝各為捷書以聞凝遣人告巖等匿彦章書而上已書末帝初疑其事已而使至軍獨賜勞凝而不及彦章軍士皆失色及楊劉之敗也凝乃上書言彦章使酒輕敵而至於敗趙巖等從中日夜毀之乃罷彦章以凝為招討使彦章馳至京師入見以笏書地自陳勝敗之迹巖等諷有司劾彦章不恭勒還第唐兵攻兗州末帝召彦章使守捉東路是

齊春秋

卷十六

忠將

七

時梁之勝兵皆屬段凝京師祇有保鑿五百騎皆新募之兵不可用乃以屬彦章而以張漢傑監之彦章至遞坊以兵少戰敗退保中都又敗與其牙兵百餘騎死戰唐將夏魯奇素與彦章善識其語音曰王鐵鎗也舉稍刺之彦章傷重馬踏被擒莊宗見之曰爾常以孺子待我今日服乎又曰爾何不守兗州而守中都中都無壁壘何以自固彦章對曰大事已去非人力可為莊宗惻然賜藥以封其創莊宗愛其驍勇欲全

活之使人慰諭彦章。彦章謝曰：臣與陛下血戰十餘年，今兵敗力窮，不死何待？豈有朝事梁而暮事晉，生何面目見天下之人乎？莊宗又遣明宗諭之。彦章病創，卧不能起。仰顧明宗呼其小字曰：汝非邈佶烈乎？我非苟活者。遂見殺。年六十一。晉高祖時追贈彦章太師。

按李亞子乃朱三之所畏也，獨王子明心常輕之，目為鬪鷄小兒，豈不壯哉！夫破敵以三日為期，是豈獨特其勇者，以有成美在胸中。

圖外春秋

卷之三

三

故伴起更旅而胡兵趨德勝，困急擊破之，蓋兵機貴密，以兵情貴速也。所恨良擬使趙嚴，匿子明書而上已書，遂致子明不賞而又落耳。小人之妬害，功臣如此。至于兵敗力窮，引頸受戮，讀廬陵死事傳，猶令人髮上指冠也。可勝歎哉！可勝歎哉！

諱曰圭，字明武，人不知書，嘗謂人曰：豹死留皮，人死留名。其於忠義，蓋天性也。考當時斬晉使以自絕，呼明宗曰：我豈苟活者。此在讀

此葉天圖配補

書知禮義者未必能而子明慨然為之，可謂得其死矣。

宋雲州觀察使右領軍衛大將軍鄭州刺史代州等處兵馬都部署贈太尉太同軍節度使楊業

業并州太原人父信爲漢麟州刺史業幼倜儻任俠善騎射好畋獵所獲倍於人嘗謂其徒曰我他日爲將用兵亦猶用鷹犬逐雉兔爾弱冠事劉崇爲保衛指揮使以驍勇聞累遷至建雄軍節度使屢立戰功所向克捷國人號爲無敵太宗征太原素聞其名嘗購求之既而孤壘甚

關外春秋

卷十六 忠將

三

危業勸其主繼元降以保生聚繼元既降帝遣中使召見業大喜以爲右領軍衛大將軍師還授鄭州刺史帝以業老於邊事復遷代州兼三交駐泊兵馬都部署帝密封橐裝賜予甚厚會契丹入鴈門業領麾下數千騎自西京而出繇小徑至鴈門北口南嚮背擊之契丹望見業旌旗卽引去主將成邊者多忌之有潛上謗書斥言其短帝覽之皆不問封其奏以付業雍熙三年大兵北征以忠武軍節度使潘美爲雲應路

行營都部署命業副之以西上閣門使蔚州刺史王侁軍器庫使順州團練使劉文裕護其軍諸軍連拔雲應寰朔四州師次桑乾河會曹彬之師不利諸路班師美等歸代州未幾詔遷四州之民於內地令美等以所部之兵護之時契丹國母蕭氏與其大臣耶律漢寧南北皮室及五押惕隱領衆十餘萬復陷寰州業謂美等曰今邊兵益盛不可與戰朝廷止令取數州之民但領兵出太石路先遣人密告雲朔州守將俟

關外春秋

卷十六 忠將

三

大軍離代州日令雲州之衆先出我師次應州契丹必來拒卽令朔州民出城直入石碣谷遣強弩千人列於谷口以騎士援於中路則三州之衆保萬全矣侁沮其議曰領數萬精兵而畏懦如此但趨鴈門北州中鼓行而往文裕亦贊成之業曰不可此必敗之勢也侁曰君侯素號無敵今見敵逗撓不戰得非有他志乎業曰業非避死蓋時有未利徒令殺傷士卒而功不立今若責業以不死當爲諸公先將行泣謂美曰

此行必不利業太原降將分當死上不殺寵以連帥授之兵柄非縱敵不擊蓋伺其便將立尺寸以報國恩今諸君責業以避敵業當先死於敵因指陳家谷口曰諸君於此張步兵強弩為左右翼以援俟業轉戰至此即以步兵夾擊救之不然無遺類矣美即與旆領麾下兵陣於谷口自寅至巳旆使人登托邏臺望之以為契丹敗走欲爭其功即領兵離谷口美不能制乃緣交河西南行二十里俄聞業敗即麾兵却走業

外春秋 卷十六 忠 將

三

力戰自午至暮果至谷口望見無人即拊膺大慟再率帳下士力戰身被數十創士卒殆盡業猶手刃數十百人馬重傷不能進遂為契丹所擒其子延生亦沒焉業因太息曰上遇我厚期討賊捍邊以報而反為姦臣所迫致王師敗績何面目求活耶乃不食三日死帝聞之痛惜甚俄下詔曰執干戈而衛社稷聞鼓聲而思將帥盡力死敵立節邁倫不有追崇曷彰義烈故雲州觀察使楊業誠堅金石氣激風雲挺隴上之

雄才本山西之茂族自委戍乘式資戰功方提貔虎之師以効邊陲之用而群帥敗約援兵不前獨以孤軍陷於沙漠勁果殲厲有死不回求之古人何以加此是用特舉徽典以旌遺忠寬而有靈知我深意可贈太尉大同軍節度賜其家布帛千疋粟千石大將軍潘美降三官監軍王旆除名隸金州劉文裕除名隸登州業不知書忠烈武勇有智謀練習攻戰與士卒同甘苦代北苦寒人多服瓊扇業但挾纊露坐治軍事

外春秋 卷十六 忠 將

三

傍不設火侍者殆偪仆而業怡然無寒色為政簡易御下有恩故士卒樂為之用朔州之敗麾下尚百餘人業謂曰汝等各有父母妻子與我俱死無益也可走還報天子眾皆感泣不肯去淄州刺史王貴殺數十人幾盡遂死餘亦死無一生還者聞者皆流涕業既沒虜庭官其子延朗延訓延環延貴延彬凡數人按遼耶律糾軫開楊業出兵令蕭撻凜伏兵于路及業至糾軫擁眾為戰勢業麾幟而前

斜軫佯退伏發斜軫進攻業敗走至狼牙村衆軍皆潰業被擒斜軫責曰汝與我國角勝三十餘年今日何面目相見業但稱死罪而已蓋業初建梗邊之策至狼牙村心惡之欲避不可得遂陷然則業亦輕敵所致不得獨罪潘美王侁也卽夙有無敵之名難以脫矣但素得部卒不忍離去從之以歿則忠義之風槩可想見焉

評曰宋乘下太原之銳以師伐燕又遣曹彬

關外雜錄

卷十六

忠將

三

楊業等分道伐遼是兩役也遼亦岌岌乎戒嚴哉狼牙之戰楊業爲斜軫所擒遼復故地宋自是不敢深入矣嗟夫業之死非戰之不善也非謀之不臧也非力之不勇也所恨以寡敵衆爲王侁所陷耳然潘美主帥也不能制一侁任意去留無如之何獨不記業臨行之言乎乃美僅左三官侁僅除名則太宗之譴失律之將爲太輕矣九京之下業未必瞑目也噫

宋兵馬副元帥知開封府前河北義兵都總管

贈觀文殿大學士忠簡公宗澤

澤字汝霖婺州義烏人母劉氏夢天大雷電光燭其身翌日而澤生澤自幼豪爽有大志登進士第廷封極陳時弊考官惡其直真末甲調館陶尉朝廷大開御河時隆冬役夫僵仆于道中使督之急澤上書其帥曰天寒苦民功未易集需至初春可不優而辦上聞從之知萊州掖縣部使者市牛黃澤曰方時疫癘牛飲其毒則結

關外雜錄

卷十六

忠將

三

爲黃今和氣橫流牛安得黃獨御以聞通判登州朝廷遣使繇登州結女真盟海上謀夾攻契丹澤語所親曰天下自是多事矣退居東陽結廬山谷間命知磁州澤至繕城堡浚隍池治器械募義勇爲固守計除河北義兵都總管金人破真定遣數千騎直扣磁州城澤擐甲登城令壯士以神臂弓射走之開門縱擊斬首數百級所獲羊馬金帛悉以充賞康王再使金行至磁澤迎謁曰肅王一去不還今敵又詭辭以致大

王願勿行。王遂回相州。有詔以澤為副。元帥從王起兵入援。會簽樞曹輔賁蠟封欽宗手詔。目京師至。言和議可成。澤曰。金人狡諂。是欲款我師爾。君父之望。入援。何嘗饑渴。宜亟引兵直趨澶淵。次第進壘。以解京師之圍。萬一敵有異謀。則吾兵已在城下。汪伯彥難之。勸王遣澤先行。自是澤不得預府中謀議矣。二年初。澤至開德。十三戰皆捷。澤度金人必犯濮。先遣二千騎往援。金人果至。大敗之。金人復向開德。又大敗之。

關外春秋

卷一六 忠將

三

澤兵進至衛南。先騎云前有敵營。澤揮眾直前。轉戰而東。敵益生兵。王孝忠戰死。前後皆敵壘。澤下令曰。今日進退等死。不可不從。死中求生。士卒知必死。無不一當百。斬首數千級。金人大敗。退却數十里。澤計敵眾十倍於我。今一戰而卻。勢必復來。使悉其鐵騎夜襲吾軍。則危矣。乃暮徙其軍。金人夜至。得空營。大驚。自是憚澤不敢復出。澤聞金人逼二帝北行。即提軍趨滑。走黎陽。至大名。欲徑渡河。據金人歸路。邀還二帝。

而勒王之兵卒無一至者。康王即位于南京。澤入見。涕泗交頤。陳興復大計。時與李綱同人對。相見論國事。慷慨流涕。綱奇之。上欲畱澤。潛善等沮之。除。維。開學士。知襄陽府。時金人有割地之議。澤上疏。其畧曰。自金人再至。朝廷未嘗命一將出一師。但聞奸邪之臣。朝進一言以告和。暮入一說以乞盟。終致二聖北遷。宗社蒙耻。臣意陛下赫然震怒。大明黜陟。以再造王室。今即位四十日矣。未聞有大號令。但見刑部指揮

關外春秋

卷一六 忠將

三

云。不得磨播赦文於河之東西。陝之蒲解者。是禡天下忠義之氣。而自絕其民也。臣雖駑怯。願躬冒矢石。為諸將先。澤時年六十九矣。開封尹關李綱薦澤。徙知開封府。時敵騎畱屯河上。金鼓之聲。日夕相聞。而京城樓櫓盡廢。民兵雜居。盜賊縱橫。澤至。首捕誅舍賊者數人。下令曰。為盜者。贓無輕重。並從軍法。繇是盜賊屏息。民賴以安。王善者。河東巨寇也。擁眾七十萬。車萬乘。欲據京城。澤單騎馳至善營。泣謂之曰。朝廷當

危難之時使有如公一二輩豈復有敵患乎今日乃汝立功之秋不可失也善感泣願効力遂降時有楊進號沒角牛兵三十萬王再興李貴王大郎等各擁衆數萬往來京西淮南河南北侵掠爲患澤皆遣人招降之金遣人以使僞楚爲名至開封澤曰此名爲使而實覘我也拘其人乞斬之有詔延置別館澤曰國家承平二百年不識兵革以敵國誕謾爲可憑信不惟不嚴攻討之計其有實欲賈勇思敵所懷之士大

關外春秋

卷上六 忠將

三

夫不以爲狂則以爲妄致有前日之禍今金人假使僞楚來覘虛實臣愚乞斬之以破其奸而陛下惑於人言令遷置別館優加待遇臣愚不敢奉詔以彰國弱上乃親札諭縱之真定懷衛間敵兵甚盛澤渡河約諸將共圖恢復而於京城四壁各置使以領招集之兵又據形勢立堅壁二十四所於城外沿河鱗次爲連珠砦連結河東河北山水砦忠義民兵於是陝西京東西諸路人馬咸願聽澤節制矣秉義郎岳飛犯法

將刑澤見奇之曰此將材也會金人攻汜水澤以五百騎授飛使立功贖罪飛大敗金人而還遂陞飛爲統制飛繇是知名澤視師河北還上疏不報復抗疏言國家結好金人欲以息民卒之劫掠侵奪靡所不至是守和議果不足以息民也當時固有阿意順旨以叨富貴者亦有不相詭隨以獲罪戾者陛下觀之惜富貴者爲是乎獲罪戾者爲是乎今之言遷幸者猶前之言和議爲可行者也今之言不可遷者猶前日之

關外春秋

卷上六 忠將

四

言和議不可行者也惟陛下熟思而審用之兀术渡河謀攻汴諸將爭先斷河梁嚴兵自固澤笑曰去冬金騎直來正坐斷河梁耳乃命步將劉衍趨滑劉達趨鄭以分敵勢戒諸將極力保護河梁以俟大兵之集金人聞知夜斷河梁道去二年金人自鄭抵白沙去汴京密邇都人震恐僚屬入間計澤方對客圍碁笑曰何事張皇劉衍等在外必能禦敵乃選精銳數千使繞出敵後伏其歸路金人方與衍戰伏兵起前後夾

擊之。金人果敗。金將粘罕據西京。與澤相持。澤遣步將李景良。圖中立郭俊民。領兵趨鄭。迎敵大戰。中立死之。俊民降。景良遁去。澤捕得景良。謂曰。不勝罪可惡。私自逃。是無主將也。斬其首。以徇。既而俊民與金將史姓者及燕人何仲祖等持書來招澤。澤數俊民曰。汝失利死。尚為忠義鬼。今反為金人持書相誘。何面目見我乎。斬之。謂史曰。我受此土。有死而已。汝為人將。不能以死敵我。乃欲以兒女子語誘我乎。亦斬之。謂

關外春秋

卷十六 忠將

聖

何。賜從貸之。山東盜起。執政謂其多以義師為名。請下令止勦王。澤疏曰。自敵開京城。忠義之士憤懣爭奮。廣之東西。湖之南北。福建江淮。越數千里。爭先勦王。當時大臣無遠識大畧。不能撫而用之。使之饑餓困窮。弱者填溝壑。強者為盜賊。此非勤王者之罪。乃一時措置乖謬所致耳。今河東不從敵。而保山砦者。不知其幾。諸處節義之夫。自黥其面而爭先救駕者。復不知其幾。此詔一出。臣恐草澤之士一旦解體。倉卒

有急。誰復有願忠效義之心哉。王策者。本遼酋。為金將。往來河上。澤擒之。解縛至堂上。為言契丹本宋兄弟之國。今女真辱吾王。又滅而國。義當協謀雪耻。策感泣。願効死。澤因是盡得敵之虛實。遂決計大舉。先是澤去磁。以州事付兵馬鈐轄李侃。統制趙世隆。殺之。至是世隆與其弟世興將三十人來歸。眾懼其變。澤曰。世隆本吾一校。何能為。世隆至。澤詰之曰。河北陷沒。而吾宋法令。上下之分。亦陷沒耶。命斬之。時世興佩

關外春秋

卷十六 忠將

聖

刀侍側。眾兵露刃庭下。左右皆懼。澤徐語世興曰。汝兄犯法。當誅。汝能奮志立功。足以雪耻矣。世興感泣。金人攻滑州。澤遣世興往救。世興至。掩其不備。敗之。時有降寇趙海者。屯板橋。輒壅路以阻行人。芻者八人過其壘。海怒而斃之。規事者以告澤。澤遣人召海。海以甲士五百自衛而入。澤方對客。海具狀。即械送獄。客曰。彼甲士甚眾。姑徐之。澤笑謂其次將曰。領眾還。營明日誅海于市。見者皆慄。統制官楊進屯城南。王善

屯城北，二人不相下，各率所部相拒于天津橋。澤出片紙以諭之曰：爲國之心固如是乎？當戰陣立功時，勝負自見，何自苦爲？二人相視慙沮而退。澤威聲日著，北方聞其名，甚尊憚之。對南人言必稱宗命爺。時契丹九州人日有歸中國者，澤選契丹漢兒自近，諭以共滅金賊，刷君父之耻，卽給資糧遣之，賜以公憑，俟宿軍渡河爲信，又爲榜文散示，陷沒州縣，爲死，長中國被虜河北之人，澤謂人曰：事可舉，過河者三而卒。

關外春秋

卷一六 忠將

忠

忠

身先，故請歸京，充力。辛卯，金人八。統制韓世忠、主管侍衛閻勅率所敵命宗。澤遣本司統制官楊進等援之。澤自上奏曰：臣欲乘此暑月，遣王彥等取懷衛，瀋相等州，遣王再興等自鄭州真護陵寢，馬廣等自大名取洛相，真定楊進、王善丁進、李貴等各以所領兵分路並進。旣渡河，則山寨忠義之民相應者，不啻百萬，契丹亦必同心熾殄。乞朝廷遣使聲言立契丹天詐之後，講吾舊好，以攜虜情，遣知幾辯

博之士西使夏，東使高麗，諭以禍福，必出助兵，同加掃蕩。如此，則二帝有回鑿之期，兩河可以安帖矣。願陛下早下還京之詔，臣當躬冒矢石，爲諸將先疏入，不報。澤歎曰：吾志不得伸矣。罪前後二十餘奏，皆爲潛善等所抑，憂憤成疾，因疽發于背，諸將入問疾。澤矍然曰：吾以二帝蒙塵，積憤至此，汝等能殲敵，則我死無恨。衆皆流涕，諸將出，澤歎曰：出師未捷，身先死，長使英雄淚滿襟。翼日風雨晝晦，澤連呼過河者三而卒。

關外春秋

卷一六 忠將

忠

都人號慟，遣表猶贊上還京，贈觀文殿學士，諡忠簡。按春秋時，衛靈公待孔子爲政，而孔子必先正名。蓋名者，人治之大者也。宗公聞張邦昌俗位，欲先行誅討，曰：人臣豈有服赭袍、張紅蓋、御正殿者乎？自古姦臣，皆外爲恭順，而中藏禍心，未有竊據寶位，改元肆赦，心狀昭著。若邦昌者，宜亟行天討，興復社稷。因勸進康王，卽帝位于南京，與孔明勸昭烈踐阼同意。

得至聖正名之旨矣。

評曰。方金人偪二帝北行。宗社失主。宗公一呼而河北義旅數十萬衆。若響之赴聲。實繇宗公之忠忱義氣。有以風動之也。抑斯民目睹君父之陷於塗淖。孰無憤激之心哉。使當其時。公得勇往直前。無或齟齬牽制之。則反二帝復舊都。特一指顧間耳。黃潛善汪伯彥嫉能而忌功。遂使公不得信其志。發憤而薨。豈不惜哉。夫澤之易箠也。猶連呼渡河者三。

關外春秋

卷十六 忠將

聖

是其愛君憂國。雖就木屬纊之際。而猶不渝焉。所恨高宗惑于僉邪之口。而不能竟其豪傑之用。千載而下。忠臣義士。猶為之掩卷扼腕。國之不競。有以哉。

嘗觀自古及今。國運之盛也。京師席居重馭。輕之勢。故一旦有急。其禁旅宿衛之兵。自足以制猝然之變。國運之衰也。天下多窺關號澤之雄。或倉卒內變。其除克雪耻之憤。專望于勒王之師。然幸而有勤王者。尚可以解都

城之圍。而還之太平之舊也。宋至徽欽二帝時。腥膻雖已雲族。義旗猶自星羅。當時樞軸大臣。若能駕馭得宜。當必鳩烏合為干城。驅市人如城虎。而庸才淺見。措置乖方。遂令天下節義之士。垂首喪氣。莫效一臂之力。而反請下令止之。嗚呼。何其愚而闇于大較也。

宗公在館陶尉時。凡獲逃軍。即殺之。邑境為之無盜。時呂大資惠卿帥大名。召與語。仍薦之。宗公可謂有遠見矣。近日逃軍化為流賊。

關外春秋

卷十六 忠將

聖

捐徽八年。蹂躪七省。使初發難時。有一人如宗公。法在必行。何至潰決如此乎。而今而後知老宗之不可及也。

三立堂新編關外春秋卷之十六

華胥外史漢陽 尹商 于皇甫 著

宋少保河南府路陝西河東北路招討使改河

南北路招討使樞密副使武昌節制國公前

開府儀同三司太尉宣撫使兼管田大使荆

湖南北襄陽路招討使宣撫河東節制河北

路檢校少保荆湖南北斬黃潭州荆南鄂岳

州黃復州漢陽軍德安府江南西路沿江六

制置使鎮寧崇信軍清遠軍二節度使神武

開外春秋 卷之十七 忠將

後軍都統制權知潭州兼權荆湖東路安撫

都總管借補英州刺史追封鄂王謚武穆改

忠武岳飛

飛字鵬舉。相州湯陰人。少負氣節。沈厚寡言。家

貧。力學。木好。左氏春秋。孫吳兵法。生有神力。未

冠。挽弓三百斤。弩入石學。射於周同。盡其術能。

左右射同死。朔望設祭於其家。父義之曰。汝為

時用。其狗國死。義乎。宣和四年。真定宣撫劉韜

募敢戰士。飛應募。相有劇賊陶俊。賈進和。飛請

百騎滅之。遣卒偽為商入賊境。賊掠以充部伍。

飛遣百人伏山下。自領數十騎逼賊壘。賊出戰。

飛佯北。賊來追之。伏兵起。先所遣卒擒俊。及進

和以歸。康王至相。飛因劉浩見。命召賊將。待

以三百八十人降。補承信郎。以鐵騎三百往李

固。渡管。敵敗之。從浩解東京圍。與敵相持於滑

南。領百騎習兵河上。敵猝至。飛麾其徒曰。敵雖

衆。未知吾虛實。當及其未定。擊之。乃獨馳迎敵。

有梟將舞刀而前。飛斬之。敵大敗。遷秉義郎。隸

開外春秋 卷之十七 忠將

留守宗澤戰開德曹州。皆有功。澤大奇之。曰。爾

勇智才藝。古良將不能過。然好野戰。非萬全計。

因授以陣圖。飛曰。陣而後戰。兵法之常。運用之

妙。存乎一心。澤是其言。康王即位。飛上書數千

言。大略謂黃潛善汪伯彥輩奉車駕日益南。恐

不足繫中原之望。願陛下乘敵穴未固。親率六

軍北渡。則將士作氣。中原可復。書聞。以越職奪

官。歸詰河北招討使張所。所待以國士。借補修

武郎。充中軍統領。所問曰。汝能敵幾何。飛曰。勇

不足恃。用兵在先定。謀。藥枝。拽柴。以取荆。莫敢
采樵。以致絞。皆謀定也。所。豐然。曰。君殆。非行伍
中人。借補武經郎。命從王彥渡河。至新鄉。金兵
盛彥不敢進。飛獨引所部。奮其。而。非將
軍爭奮。遂拔新鄉。明日戰。侯兆川。身被十餘創。
士皆死戰。又敗之。夜屯石門山下。飛引兵益北。
戰於太行山下。擒金將拓拔耶烏居數日。復遇
敵。飛單騎持丈八鐵鎗。刺殺黑風大王。敵眾敗
走。飛自知與彥有隙。復歸宗澤為畱守司統制。

附外表秋 卷十七 忠將 三

澤卒。杜充代之。飛居故職二年。每戰皆捷。從間
劫保護陵。寢大戰。汜水關。射殪金將大破其眾。
狂軍竹蘆渡。與敵相持。選精銳三百伏前山下。
令各以薪芻交縛。兩束。夜半。藝兩端而舉之。金
人疑援兵至。驚潰。二年。賊黃善曹成孔彥丹等。
合眾五十萬。薄南薰門。飛所部僅八百。眾懼不
敵。飛曰。吾為諸君破之。左挾弓。右運矛。橫衝其
陣。賊亂。大敗之。借補英州刺史。杜充將還建康。
飛曰。中原地尺寸不可棄。今一舉足。此地非我。

有他日欲復取之。非數十萬眾不可。充不聽。遂
與俱歸。時命充守建康。金兵至。充迎降。建康失
守。兀朮趨杭州。飛邀擊至廣德境中。六戰皆捷。
擒其將王權。俘簽軍首領四十餘。察其可用者。
結以恩。遣還。令夜斫營。縱火。飛乘亂。縱擊。大敗
之。駐軍鐘村。軍無見糧。將士忍饑。不敢擾民。金
所籍兵。相謂曰。此岳爺軍。爭來降附。四年。兀
朮攻常州。宜與令迎。飛移屯焉。飛四戰皆捷。兀
朮趨建康。飛設伏牛頭山待之。夜令百人。黑衣

附外春秋 卷十七 忠將 四

混金營中。擾之。金兵驚。自相攻擊。兀朮攻淮西。
遂復建康。時孔彥丹據武陵。張用據襄漢。李成
據江州。湖湘連兵數萬。圍江州。久未解。招討使
張俊請與飛同討。李成賊黨馬進在均州。豫章
介均江之間。俊急趨之。飛曰。賊貪而不慮後。若
以騎兵自上流。絕生米渡。出其不意。破之必矣。
飛請自為先鋒。俊大喜。飛重鎧。躍馬。潛出賊右。
突其陣。所部從之。進大敗。走筠州。背城布戰。長
十五里。飛設伏。以紅羅為幟。上刺岳字。選騎二

百隨幟而前賊易其少薄之伏發賊敗走飛使人呼曰不從賊者坐吾不汝殺坐而降者八萬餘人賊大敗追斬進成北走降偽齊張用寇江西用亦相人飛以書諭之曰吾與汝同里南薰門鐵路步之戰皆汝所悉今吾在此欲戰則出不戰則降用得書遂降江淮平俊奏飛功第一加神武右軍副統制建寇范汝為陷邵武江西安撫李回邀飛分兵保建昌軍及撫州飛遣人以岳字幟植城門賊望見相戒勿犯賊黨姚達

開外春秋

卷十七 忠將

五

饒青寇建昌飛遣王萬徐慶討擒之陞神武副軍都統制二年賊曹成擁衆十餘萬竊江西歷湖湘據道賀二州命飛權知潭州兼權荆湖東路安撫都總管付金字牌黃旗招成成聞飛將至驚曰岳家軍來矣即分道而遁飛入賀州得成謀者縛之帳下飛出帳調兵食吏曰糧盡矣奈何飛佯曰姑反茶陵已而顧謀若失意狀頓足而入陰令逸之謀歸告成成大喜期翌日來追飛命士尊食潛趨遠嶺未明已至太平場破

其若奪二隘成又以衆十餘萬守蓬頭嶺飛部才八千一鼓登嶺破其衆成走宣撫司降嶺表平授武安軍承宣使屯江州時虔吉盜連兵定掠循梅廣惠英詔南雄南安建昌汀邵武諸郡帝復命飛討平之秋入見帝手書精忠岳飛字製旗以賜之授鎮南軍承宣使江南西路沿江制置使又改神武後軍都統制仍制置使偽齊遣李成挾金人入侵破襄陽唐鄧隨郢諸州及信陽軍湖寇楊么亦與偽齊通欲順流而下李

開外春秋

卷十七 忠將

六

成又欲自江西陸行趨兩浙與么會帝命飛為之備四年除兼荆南鄂岳州制置使飛奏襄陽等六郡為恢復中原基本今當先取六郡以除心膂之病李成遠遁然後加兵湖湘以殄羣盜帝以諭趙鼎曰知上流利害無如飛者遂授黃復州漢陽軍德安府制置使飛渡江中流顧幕屬曰飛不擒賊不涉此江抵鄂州城下偽將京超號萬人敵乘城拒飛飛鼓衆而登超投崖死復鄂州遣張憲徐慶復隨州飛趨襄陽李成

迎戰左臨襄江。飛笑曰：部署步騎，各有所宜，而賊皆失之。是何能為？舉鞭指王貴曰：爾以長鎗步卒擊其騎兵，指牛皐曰：爾以騎兵擊其步卒，合戰馬應搶而斃，後騎皆擁入江，步卒死者無數。成夜遁，復襄陽，復鄧州。又復唐州信陽軍，襄漢平。趙鼎奏湖北鄂岳最為上流要害，若令飛屯鄂岳，不惟江西藉其聲勢，湖廣江浙亦得安妥。乃以隨郢唐鄧信陽並為襄陽府路，隸飛。飛移屯鄂，授清遠軍節度使，湖北路荆襄潭州制。

關外春秋

卷十七

忠將

七

置使封武昌縣開國子元木劉豫合兵圍廬州。帝手札命飛解圍，提兵趨廬，偽齊已驅甲騎五千偏城。飛張岳字旗與精忠旗合兵，一戰而潰。廬州平，五年入覲，授飛鎮寧崇信軍節度使。又除荆湖南北襄陽路制置使，進封武昌郡開國侯。神武後軍都統制，命招捕楊么。飛所部皆西北人，不習水戰。飛曰：兵何常，顧用之何如耳。先遣使招諭黃佐降，飛表授佐武義大夫，單騎按其部。拊佐背曰：子知順逆者，果能立功，封侯豈

足道。欲復遣子至湖中，擒其可乘者，招其可勸者，如何？佐感泣，誓以死報。時張浚以都督至潭，參政席益與浚語，疑飛玩寇，欲以聞。浚曰：岳侯忠孝人也，兵有深機，胡可易言。益慙而止。黃佐襲周倫砦，殺倫，擒其統制陳貴等。飛上其功，遷武功大夫，統置任上安。不稟王燦令，軍以此無功。飛難士安使餌賊，曰：三日賊不平，斬汝。士安宣言：岳太尉兵二十萬至矣。賊見任士安軍，併力攻之。飛設伏，士安戰急，伏四起，擊賊，賊走。會

關外春秋

卷十七

忠將

八

召浚還防秋。飛袖小圖示浚，曰：已有定畫，都督能少留不。八日可破賊。浚曰：何言之易。飛曰：王四廂以王師攻水寇，則難。飛以水寇攻水寇，則易。水戰我短彼長，以所短攻所長，所以難。若因敵將用敵兵，奪其手足之助，離其腹心之託，使孤立，而後以王師乘之，八日之內，當俘諸酋。浚許之。飛遂如岳州。黃佐招楊欽來降，飛喜曰：楊欽驍悍，既降，賊腹心潰矣。表授欽武義大夫，禮遇甚厚。乃復遣歸湖中。兩日，欽說余端劉詭等

降飛詭罵欽曰賊不盡降何來也杖之復令人湖是夜掩賊營降其衆數萬么負固不服方浮舟湖中以輪激水其疾如飛旁置撞竿官舟迎之輒碎飛伐君山爲巨筏塞諸港汊又以腐木亂草浮上流而下擇水淺處遣善罵者挑之且行且罵賊怒來追則草木擁積舟輪礙不行飛亟遣兵蕪之賊奔港中爲筏所拒官軍乘筏張牛革以蔽矢石舉巨木撞其舟盡壞么投水牛舉搶斬之飛入賊壘餘酋驚曰何神也俱降飛

關外春秋 卷十七 忠將 九

親行諸岩慰撫之縱老弱歸田籍少壯爲軍果入日而賊平沒歎曰岳侯神美也初賊恃其險曰欲犯我者除是飛來遂以其言爲讖獲賊舟千餘鄂渚水軍遂爲沿江之冠詔兼鄆黃制置使飛以目疾辭不許加檢校少保進封公還軍鄂州除荆湖南北襄陽路招討使六年大行山忠義社梁興等百餘人慕義來歸張浚至江上會諸大帥獨稱飛與韓世忠可倚大事命飛屯襄陽以窺中原飛移軍京西改武勝定國軍節

度使除宣撫副使置司襄陽命往武昌調軍居毋憂降制起復飛扶視還廬山連表乞終喪不許累詔趣起乃就軍又命宣撫河東節制河北路首遣王貴等攻魏州下之降其衆數萬張浚日飛措畫甚大今已至伊洛則太行一帶山岩必有應者飛遣楊再興進兵至長水縣再戰皆捷中原響應七年人見拜太尉俄除宣撫使兼營田大使從幸建康以王德瑄瓊兵隸飛詔諭德等曰聽飛號令如朕親行飛數見帝論恢復

關外春秋 卷十七 忠將 十

之畧帝日進止之機朕不中制又召至寢閣日中興之事一以委卿令節制光州飛方圖大舉會秦檜王和遂不以德瑄兵隸飛詔諸都督府與張浚議事浚謂飛曰王德淮西軍所服浚欲以爲都統而命呂祉以都府參謀領之如何飛日德與瓊素不相下一旦捭之在上則必爭呂尚書不習軍旅恐不足服衆浚曰張宣撫如何飛日暴而寡謀尤瓊所不服浚曰然則楊沂中爾飛日沂中觀德等爾豈能馭此軍浚然日

浚固知非太尉不可。飛曰：都督以正問飛，飛不敢不盡其愚。豈以得兵為念耶？即日，上章乞解兵柄，終喪服。以張憲攝軍事，步歸廬，母墓側，浚怒，奏以張宗元為宜撫判官，監其軍。帝累詔趣飛還職，飛力辭，詔募屬造廬以死請。凡六日，飛趣朝待罪。帝慰遣之。宗元還，言將和士銳，人懷忠孝，皆飛調養所致。帝大悅。飛奏錢塘僻在海隅，非用武地，願陛下建都上游，用漢光武故事。親率六軍往來督戰。庶將士知聖意所向，人人

聞外春秋 卷十七 忠將 十一

用命。未報而鄧瓊叛，浚始悔。飛復奏願進屯淮甸，伺便擊瓊。期於破滅，不許詔駭師江州。為淮浙援。飛知劉豫結粘罕而兀木惡劉豫，可以間而動。會軍中得兀木諜者，飛陽責之曰：汝非吾軍人，強斌耶？吾向遣汝至齊，約誘致四太子。汝往不復來，吾繼遣人問齊，已許我。今冬以會合寇江為名，致四太子於清河。汝所持書竟不至，何背我耶？諜冀緩死，即詭服，乃作蠟書言與劉豫同謀，誅兀木事。因謂諜曰：吾今貸汝，復遣至

齊，問舉兵期，剖股納書，戒勿泄。諜歸以書示兀木。兀木大驚，馳白其主。遂廢豫。飛奏宜乘廢豫之際，搗其不備，長驅以取中原。不報。八年，還軍鄂州。九年，以復河南，授開府儀同三司。飛力辭。三詔不受。帝溫言獎諭，乃受。會遣士褒謁諸陵，飛請以輕騎從，洒掃實，欲觀蒙以伐謀。又奏金人無事請和，此必有肘腋之虞，名以地歸我，實寄之也。檜白帝止其行。十年，金人攻拱亳，劉錡告急，命飛馳援。飛遣張憲姚政赴之。帝賜札曰：

聞外春秋 卷十七 忠將 十二

設施之方。一以委卿。朕不遠度。飛乃遣王貴牛、舉董先、楊再興、孟邦傑、李寶等，分布經畧西京。汝鄭頴昌、陳曹光、蔡諸郡。又命梁興渡河糾合忠義社，取河東北州縣。又遣兵東援劉錡。西援郭浩。自以其軍長驅以闕中原。帝得奏，大褒其忠。授少保。河南府路、陝西河東北路招討使。尋改河南北諸路招討使。未幾，所遣諸將相繼奏捷。大軍在頴昌，諸將分道出戰。飛自以輕騎駐鄆城，兵勢甚銳。兀木大懼，會龍虎大王議，以為

諸帥易與獨飛不可當欲誘致其師併力一戰中外聞之大懼詔飛審處自固飛曰金人伎窮矣乃日出挑戰且罵之兀朮怒合龍虎大王蓋天大王與韓常之兵逼郿城飛遣子雲領騎兵直貫其陣戒之曰不勝先斬汝塵戰數十合賊屍布野初兀朮有勁軍皆重鎧貫以韋索三人爲聯號拐子馬官軍不能當是役也以萬五千騎來飛戒步卒以麻札刀入陣勿仰視第斫馬足拐子馬相連一馬仆二馬不能行官軍奮擊

關外春秋

卷十七

忠將

十三

遂大敗兀朮大憟口自海上起兵皆以此勝今已矣兀朮益兵來部將王剛以五十騎覘敵遇之奮斬其將飛時出視戰地望見黃塵蔽天自以四十騎突戰敗之方郿城再捷飛謂雲曰賊屢敗必還攻穎昌汝宜速援王貴既而兀朮果至貴將遊奕雲將背崑戰于城西雲以騎兵八百挺前決戰步軍張左右翼繼之殺兀朮塔夏金吾副統軍枯罕孛董兀朮遁去梁興會太行忠義及兩河豪傑等屢戰皆捷中原大震飛奏

興等過河人心願歸朝廷金兵屢敗兀朮等皆令老少北去正中興之機飛進軍朱仙鎮距汴京四十五里與兀朮對壘而陣遣驍將以背崑騎五百奮擊大破之兀朮遁還汴京飛檄陵臺令行視諸陵葺治之先是飛遣梁興等布德意招結兩河豪傑山砦韋銓孫謀等歛兵固堡以待王師李通胡清等舉衆來歸金人動息山川險要皆得其實盡磁相開德澤潞晉降汾隰之境皆期日興兵與官軍會其所揭旗以岳爲號

關外春秋

卷十七

忠將

十四

父老百姓爭載糗糧以餽義軍焚香迎者充滿道路自燕以南金號令不行兀朮欲發書以抗飛河北無一人從者乃嘆曰自我起北方以來未有如今日之挫衄金帥烏陵思謀素號桀黠亦不能制其下但曰毋輕動俟岳家軍來即降金統制王興統領崔慶等皆率所部降將軍韓常亦欲以五萬衆內附飛大喜語其下口直抵黃龍府與諸君痛飲爾方指日渡河而檜欲畫淮以北棄之諷臺臣請班師飛奏金人銳氣沮

喪盡棄輜重渡河豪傑向風士卒用命時不再
來槍知飛志銳不可回乃先請張浚楊沂中等
歸而後言飛孤軍不可久留乞令班師一日奉
十二金字牌飛憤惋泣下東向再拜曰十年之
力廢於一旦飛班師民遮道哭訴曰我等戴香
盆運糧草以迎官軍金人悉知之相公去我輩
無噍類矣飛亦悲泣取詔示之曰吾不得擅留
哭聲震野飛留五日以待其徙從而南者如市
亟奏以漢上六郡閑田處之方兀木棄汴去有

閩外春秋

卷十七 忠將

五

書生叩馬曰太子母走岳少保且退矣兀木曰
岳少保以五百騎破吾十萬京城日夜望其來
何謂可守生日自古未有權臣在朝而大將能
立功於外者岳少保且不免况欲成功乎兀木
悟遂留飛既歸所得州縣旋復失之飛力請解
兵柄不許自廬入覲帝問之飛拜謝而已後謀
報金分道渡淮飛請合諸帥之兵破敵兀木韓
常與龍虎大王疾驅至廬帝趣飛應援凡十七
札飛策金人舉因南來巢穴必虛若長驅京洛

以壽之彼必奔命可坐而敵時飛方苦寒噉負
疾而行師至廬州金兵望風而遁飛還兵于舒
以俟命兀木破濠州張俊駐軍黃連鎮不敢進
楊沂中遇伏而敗帝命飛救之金人聞飛至又
遁時和議既決槍患飛異已乃密奏召三大將
論功行賞韓世忠張俊已至飛獨後槍又用參
政王次翁計之六七日既至授樞密副使位參
知政事上飛固請還兵柄五月詔同俊往楚州
指置邊防總韓世忠還駐鎮江楊么平飛遺世

閩外春秋

卷十七 忠將

六

忠浚樓船各一兵械畢備世忠大悅俊反忌之
及同行楚州城俊欲脩城為備飛曰當戮力以
圖恢復豈可為退保計俊變色遂大憾飛兀木
遺槍書曰汝朝夕以和請而岳飛方為河北圖
必殺飛始可和槍亦以飛不死終梗和議故力
謀殺之以諫議万俟卨與飛有怨風尚劾飛又
風中丞何鑄侍御羅汝楫交章彈論飛累章請
罷樞柄尋還兩鎮節充萬壽觀使奉朝請槍怒
未已又論張俊令劫王貴誘王俊誣告張憲謀

還飛兵槍遣使捕飛父子證張憲事使者至飛笑曰皇天后土可表此心初命何鑄鞠之飛裂裳以背示鑄有盡忠報國四大字深入膚理既而閱實無佐驗鑄明其無辜改命万俟卨高誣飛與憲書令虛申探報以動朝廷雲與憲書令措置使飛還軍言其書已焚飛坐繫兩月無可證者又逼孫革等證飛受詔逗遛命評事元龜年取行軍時日雜定之傳會其獄歲暮獄不成槍手書小紙付獄即報飛死時年三十九雲素

關外春秋

卷十七

忠將

七

市籍家貧徙嶺南天下寃之獄之將上也韓世忠請槍詰其實槍曰飛子雲與憲書雖不明其事體莫須有世忠曰莫須有三字何以服天下時洪皓在金蠟書馳奏以為金人所畏服者惟飛諸酋聞其死酌酒相賀飛至孝母有疾藥餌必親母卒水漿不入口者三日家無姬侍災玠願與交歡遺以名姝飛曰王上宵旰豈大將安樂時却不受玠益敬服帝欲為飛營第飛辭曰敵未滅何以家為或問天下何時太平飛曰文

臣不愛錢武臣不惜死天下太平矣師每休舍注坡跳滾皆重鎧習之子雲嘗習注坡馬蹶怒而鞭之卒有取民麻一縷以束芻者立斬以狗卒夜宿民開門願納無敢入者軍號凍死不折屋餓死不肉掠卒有疾躬為調藥諸將遠戍遣妻問勞其家死事者哭之而育其孤凡有頒犒均給軍吏秋毫不私善以少擊衆欲有所舉盡召諸統制與謀謀定而後戰故有勝無敗猝遇敵不動故敵為之語曰撼山易撼岳家軍難張

關外春秋

卷十二

忠將

六

後嘗問用兵之術曰仁智信勇嚴闕一不可調兵食必慮額曰東南民力耗敝極矣荆湖平募民營田又為屯田歲省漕運之半好賢禮士覽經史雅歌投壺恂恂如書生然忠憤激烈議論持正不挫於人卒以此得禍孝宗詔復其官以禮改葬追封鄂王謚武穆

按張德遠嘗稱岳侯忠孝人也嘗觀其母病而親藥餌母卒而漿不入口朔望而祭其射師周同却吳玠之名姝辭高宗之賜第請赦

虞城之脅從。奏官其張所之子。種種高義。豈獨武人少雙。卽文吏亦睜乎後矣。德遠之稱。非虛美也。而紫陽嘗其直前廝殺。不失言乎。公謂不惜死。則天下太平。夫直前廝殺。是真不惜死。而反以相譏耶。蓋至理宗追贈忠武。而公之氣始伸。公之心始白矣。其文曰。李將軍口不出辭。聞者流涕。藺相如身雖已死。凜然猶生。又曰。易名之典雖行。議禮之言未一。始爲忠愍之號。旋更武穆之稱。獲觀中興之

兩外春秋

卷十七 忠將

七

舊章。灼知皇祖之本意。爰取危身奉上之實。仍采戡定禍亂之文。合此兩言。節其一惠。昔孔明之志興漢室。子儀之光復唐都。雖計効以或殊。在秉心而弗異。垂之典冊。何嫌今古之同辭。賴及子孫。將與山河而並久。吁公論定矣。評曰。西漢而下。若韓彭絳灌之爲將。代不乏人。求其文武兼資。仁智並用。如岳公者。詎可多得哉。公北伐。軍至汧梁。朱仙鎮。有詔班

師。公自爲表。答詔。忠義之言。流出肺腑。史稱公立身行兵。可方關雲長。而文藻過之。乃卒死于賊槍之手。豈天不祚宋耶。昔劉宋殺檀道濟。當下獄時。道濟瞋目曰。自壞汝萬里長城。高宗忍自棄其中原。故忍于殺公。嗚呼。冤哉。嗚呼。冤哉。

帝嘗問公得良馬否。公曰。臣始有二馬。日啖芻豆數斗。飲泉一斛。然非精潔卽不受。介而馳。初不甚疾。比行百里始奮迅。自午至酉。猶

兩外春秋

卷十七 忠將

三

可。二百里。褫鞍甲。不息不汗。若無事然。此其受大而不苟。取力裕而不求逞。致遠之材也。不幸相繼以死。今所乘者。日不過數升。而秣不擇粟。飲不擇泉。攬轡未安。踴躍疾驅。甫百里力竭。汗喘始欲斃。然此其寡取易盈。好逞易窮。駑鈍之材也。帝稱善。噫。此非獨論馬也。論士論將。亦不能外是矣。岳公收復河南。謝勅。罷兵表曰。夷狄不情。犬羊無信。莫守金石之約。難充溪壑之求。姑暫

國而解倒垂猶云可也。欲長慮而尊中國，豈其然乎？未幾虜即淪盟，卒之功隳身頹，哀哉。後臨安一若軍請紫姑神，而公忽降書一絕云：經略中原二十秋，功多過少未全酬。丹心似石憑誰恕，空有游魂徧九州。恢復之志死而不衰，此其所以為武穆與。天下之事，有常有變，君子常則守經，變則處權。余觀岳公班師，未嘗不嘆公報國之忠，而恨公之未知權也。昔舜不告而娶，嫂溺援之

耳。與其班而中奸臣之謀，孰若行權而圖恢復之計耶？惟當駐師郟城，而馳奏曰：臣奉陛下寢閣親囑之語，長驅北伐，滅賊在旦夕，普不及顧，并表檜奸惡，如或阻匿，即矯制發兵以清君側為名，與天下忠臣義士共誅之。奉麾一呼，無不響應，俟除兇雪耻，恢復中原，然後請伏斧鑕，以贖矯制之罪。如此則蓋世之功，自收之何至父子囚辱，死于奸檜之手哉？公素好左氏，獨不知斷以此義耶？此見可與權者之難也。

昔人以岳公朱仙之役，當用大夫出疆之法，不奉詔而進兵，可以報讐而復中原，非也。凡可用出疆之命而進兵者，其勢足以制內者，也勢不足以制內而為之，必敗。如有岳公不奉詔而進兵，檜以尺一削岳公之官，使一部將代將之而歸，何以自處乎？強敵乘于前而嚴僂迫于後，岳公雖強，兩河之兵雖響應，勢不能獨舉，必用韓世忠、張俊之軍為之犄角。

劉錡王德之卒爲後勁吳璘以秦蜀之兵劫其西援而後金之膽寒而中原可復也今諸帥一時奉詔歸而岳公以孤軍深入情見氣懾而虜悉其全師以挫我勝負未可知也夫岳公可以復中原而不得復又使之必不復是故志士仁人所以深恨于高宗也

高宗所以詔公歸者以公之不從和議耳。槍所以阻公進兵者亦爲其梗已和議耳。公亦知其意矣。班師之後何不束身歸朝解兵終

海外春秋

卷十七 忠將

三

喪杜門謝客絕口不言世事。則槍亦可以相忘矣。况公之無罪。帝之所知也。未必遂有殺之之意也。又自將兵以救濠州。與馮婦何異。又與張俊同如楚州。閱軍。是以張俊忌之於前。秦檜忌之於後。羣小忌之于中。金人忌之于外。未幾罷奉朝請。而殺公之意始顯然矣。非自貽伊戚乎。嗚呼。見機而作。不俟終日。何其昧于進退之機耶。說者猶以爲賊槍矯詔殺公。然槍非承帝意。必不敢殺大將。藉使槍

矯詔殺之。而非帝本旨。帝豈不能正其擅殺之罪乎。按宋史何鑄傳。明言鑄曰。公寃。而槍答以此。上意也。果爾。則高宗之昏懦。可勝慨哉。夫手書精忠岳飛。製旗以賜之者。非高宗歟。召至寢閣。命之曰。中興之事。一以委卿。朕不非高宗歟。賜札曰。設施之方。一以委卿。朕不遙度者。非高宗歟。而乃謬聽賊槍之言。誅有功之臣。豈天奪帝之鑒。遂墮其雲霧中。而迷不復悟哉。

海外春秋

卷十七 忠將

四

宋太尉開府儀同三司御前諸軍都統制節制軍馬前淮南制置使京畿等處招討使寧國保信二軍節度使浙東都總管李顯忠

顯忠綏德軍清澗人也。初名世輔。南歸。賜名顯忠。蘇唐以來。世襲蘇尾九族。巡簡。初其母當產。數日不能免。有僧過門。曰。所孕乃奇男子。當以劔矢寘母傍。即生。已而果生。顯忠立於蓐。咸異之。年十七。投效用。隨父永奇出入行陣。金人犯郟延。經畧王庶命永奇募間者。得張琦。更求一

闕外春秋

卷十七 忠將

三

人顯忠請行。永奇曰。汝未涉歷。行必累琦。顯忠曰。顯忠年小。膽氣不小。必不累琦。當與琦俱。有敵人夜宿陶穴。顯忠絕穴中。得十七人。皆殺之。取首二級。馬二匹。餘馬悉折其足。庶大奇之。補承信郎。充隊將。絲是始知名。轉武翼郎。充副將。金人陷延安。授顯忠父子官。永奇聚泣曰。我宋臣也。世襲國恩。乃為彼用耶。會劉豫令顯忠帥馬軍赴東京。永奇密戒之曰。汝若得乘機。即歸本。無以我故貳其志。事成。我亦不朽矣。顯忠

至東京。劉麟喜之。授南路鈐轄。仍密遣其客雷燦。以蠟書赴行在。已而豫廢。兀朮以萬騎馳獵淮上。與顯忠獨立馬圍場間。顯忠戒吳俊往探。淮水可渡。馬處欲執兀朮歸朝。俊還。顯忠馳問之。為竹刺傷馬而止。兀朮授顯忠承宣使。知同州。顯忠至郟省侍。永奇教顯忠曰。同州入南山。乃金人往來驛路。汝可於此擒其酋。渡洛渭。歸商。號歸朝。第報我知。我當以兵取延安而歸。顯忠赴同州。即遣黃士成等持書歸蜀。至吳。報歸

闕外春秋

卷十七 忠將

三

朝事。元帥撒里曷來同州。顯忠以計執之。馳出城。至洛河。舟船後期不得渡。與追騎屢戰皆勝。顯忠憇高原。望追騎益多。乃與撒里曷折箭為誓。不得殺同州人。不得害我骨肉。皆許之。遂推之下山崖。追兵爭救得免。顯忠携老幼長驅而北。至郟城縣。急遣人告永奇。永奇即挈家出城。至馬趨谷口。為金人所及。家屬二百口皆遇害。是日天昏大雪。延安人聞之。皆泣下。顯忠僅以二十六人奔夏國。夏人問故。顯忠泣具言父母

妻子之亡、切齒疾首、恨不即死、願得二十萬人、生擒數里曷、取陝西五路歸于夏、顯忠亦得報、不共戴天之讐、夏主曰、汝能為立功、則不斬借、兵、時有首豪號青面夜叉者、以為夏國患、乃令、顯忠圖之、請三千騎晝夜疾馳、奄至其帳、擒之以歸、夏主大悅、即出二十萬騎、以文臣王樞武、臣嚆訛為陝西招撫使、時紹興九年二月十四、日也、顯忠引兵至延安、總管趙惟清大呼曰、郿、延路今復歸宋矣、已有赦書、顯忠與官吏觀赦、

閩外春秋 卷十七 忠將 三

書、列拜、顯忠大哭、眾皆哭、百姓哭聲不絕、及以、得延安府、見講和赦書、招撫可以本部軍歸國、嚆訛不從曰、初經畧乞兵來取陝西、今既到此、乃令我歸耶、顯忠知勢不可、乃出刀斫嚆訛不、及擒王樞縛之、夏人以鐵錫子軍來、顯忠以所、部拒之、馳揮雙刀、所向披靡、夏兵大潰、殺死蹂、踐無慮萬人、獲馬四萬匹、顯忠揭榜招兵、以紹、興九年為文書、每得一人、予馬一匹、旬日間得、

萬人皆驍勇少壯、又擒其害父母弟姪者皆斬、于東城之內、行至鄜州、已有馬步軍四百餘、撒、里曷在耀州、聞顯忠來、一夕遁去、四川宣撫吳、玠遣張振來撫諭云、兩國見議和好、不可生事、可量引兵赴行在、遂至河池縣、見玠玠撫之曰、忠義歸朝、惟君第一、從行史臣崔阜等六百餘、人列拜庭下、玠又撫之、犒以銀絹、詣行府受告、勅金帶、除指揮使承宣使、至行在、高宗撫勞再、三、賜名加資、又賜田鎮江、以崔阜輩充將佐、兀

閩外春秋 卷十七 忠將 三

術犯河南、命顯忠為招撫使、前軍都統制、與李、貴同破靈璧縣、兀術犯合肥、手詔以軍與張俊、會顯忠至孔城鎮、與敵戰、敗之、兀術謂常曰、李世輔歸宋、不曾立功、此人敢勇、宜且避之、乃、焚廬江而走、顯忠欲追之、與死戰、俊以奉旨監、護、慮失顯忠、遂各以軍還、太后至臨安、顯忠入、覲、加保信軍節度使、浙東副總管、顯忠就西邊、山川險易、因上恢復策、忤秦檜意、金使言顯忠、私遣人過界、遂降官奉祠、台州居住、復寧國軍、

節度使陞都統制二十九年金渝盟詔顯忠以本部捍禦遣統制官韋永壽等以二百騎至安豐軍與金將小韓將軍兵五千人戰于大人洲敗之俄又增兵萬餘來顯忠率騎軍出自旦至午氣百倍以大刀斫敵陣敵不能支殺獲甚衆掩入淮者不可計金主亮犯淮西朝廷命王權拒于合肥權退保和州又棄軍渡江和州失守金主親統細軍駐和之鷄籠山將濟采石朝廷詔以顯忠代權命虞允文趣顯忠交軍軍中大

喜於是有采石之捷語在允文傳顯忠退軍沙

上得楊存中報車駕至平江可速進兵顯忠選銳士萬人渡江盡復淮西州郡軍至橫山澗與金射鵰軍戰統制頓遇重傷韋永壽死之敵兵敗走金主亮切責諸將不用命諸將弑之而還是役也顯忠所將一萬九千八百六人行賞有差張振功為最詔賜顯忠五子金帶授顯忠淮南置制使京畿等處招討使擢太尉寧國軍節度使主管侍衛馬軍司公事赴行在孝宗即位

賜川百頃兼灌池州駐劄御前諸軍都統制節制軍馬隆興元年兼淮西招撫使時金主襲新立山東河北豪傑遙起耶律諸種兵數十萬據數郡之地太行山忠義耿京王世隆輩皆欲挈地還于朝金懼亟請和顯忠陰結金統軍蕭琦為內應請出師自宿毫趨汴絲汴京以通關陝關陝既通則鄜延一路熟知顯忠威名必皆響應且欲起其舊部曲可得數萬人以取河東時張浚開都督府四月命顯忠渡江督戰乃自豫

梁渡淮至陡溝琦背約用拐子馬來拒與戰敗之琦復背城列陣顯忠躬率將士鏖戰琦敗走遂復靈壁入城宣布德意不戮一人中原歸附者踵接時邵宏淵圍虹縣未下顯忠遣靈璧降卒開諭禍福金貴戚大周仁及蒲察徒穆皆出降宏淵耻功不自己出又有降千戶訴宏淵之卒奪其佩刀顯忠立斬之繇是二將益不相能六月兵傳宿州城金人來拒顯忠敗之斬其左翼都統及首虜數千人追奔二十餘里宏淵至

顯忠將 卷十七 忠將 元 三

謂顯忠曰。招撫真關西將軍也。顯忠閉營休。為攻城計。宏淵等不從。顯忠引麾下楊椿上城。開北門。不踰時。拔其城。宏淵等歟後。趣之。乃始渡濠登城。城中巷戰。又斬首虜數千人。擒八十餘人。遂復宿州。衆寄居官劉時攝州事。捷聞。授顯忠開府儀同三司。殿前都指揮使。妻周氏封國夫人。宏淵欲發倉庫犒士卒。顯忠不可。移軍出城。止以見錢犒士。士皆不悅。金帥李撒自南京率步騎十萬來。晨薄城。列大陣。顯忠親帥軍。遇於城南。戰數十合。李撒大敗。遂退走。統制李福統領李保各以所部退避。皆斬以徇。翼日敵益兵至。顯忠謂宏淵并力夾擊。宏淵按兵不動。顯忠獨與所部力戰百餘合。殺左翼都統及千戶萬戶。斬首虜五千餘人。俄增兵復來。偏城顯忠用克敵弓射卻之。宏淵顧衆曰。當此盛夏。插扇於清涼。猶不堪。况烈日中被甲苦戰乎。人心遂搖。無鬪志。至夜。中軍統制周宏鳴鼓大譟。陽謂敵兵至。與邵世雍劉侁各以所部兵遁。繼而

關外春秋

卷之七 忠將

三

統制左十淵統領李彥孚亦遁。顯忠移軍入城。殿司前軍統制張淵各遁去。金人乘虛復來攻。城顯忠竭力捍禦。斬首虜二千餘人。積尸與羊馬墻平。城東北角敵兵二十餘人。已上百餘步。顯忠取軍所執斧斫之。敵始退卻。顯忠曰。若使諸軍相與掎角。自城外掩擊。則敵兵可盡。金帥可擒。河南之地。指日可復矣。宏淵又言。金添生兵二十萬來。儻我軍不返。恐不測生變。顯忠知宏淵無固志。勢不可孤立。歎咤曰。天未欲平中原耶。何沮撓若此。是舉所喪軍資器械殆盡。幸而金不復南。顯忠以軍還。見浚納印待罪。責授果州團練副使。潭州安置。後朝廷知其故。復防禦使。觀察使。浙東副總管。提舉台州崇道觀。召除威武軍節度使。左金吾衛上將軍。賜第京師。上奇其狀貌魁傑。命繪像閣下。復太尉。淳熙四年。召赴行在。提舉萬壽觀。奉朝請。入見。給真奉賜。內庫金再葺前所賜第。賜之。七月卒。年六十九。贈開府儀同三司。謚忠襄。

關外春秋

卷之七 忠將

三

按顯忠真丈夫也。謀執兀朮，謀執撒離喝，可以言忠。借夏兵以復父之讐，又別招兵以報殺父之讐，可以言孝。兀朮畏而避之，可以言勇。渡江而盡復淮西州郡，可以言謀。吾固品之爲真丈夫也。

評曰：李顯忠生而神奇，立功異域，父子破家殉國，志復中原，豈非人之賢豪間耶？見忤槍賊，屢遭廢黜，待離之役，又爲邵宋淵所忌，竟無成功。悠悠蒼天，謂之何哉！

三立堂新編閩外春秋卷之十八

華胥外史漢陽 尹商 于皇甫 著

宋閩門宣贊舍人差充山東路忠義軍都統制

仍知海州事贈保寧軍節度使謚壯魏勝

勝字彥威淮陽軍宿遷縣人多智勇善騎射應

募為弓箭手紹興年間金人將南侵聚芻糧造

器械籍諸路民為兵勝躍曰此其時也聚義士

三百北渡淮取連水軍宣布朝廷德意不殺一

人連水民翕然以聽遂取海州郡守渤海高文

閩外春秋

卷十八 忠將

十一

富聞勝起遣兵來捕勝迎擊走之追至城下城

中大恐文富閉門守驅民上城禦之勝令城外

多張旗幟舉烟火為疑兵又遣人向諸城門諭

以金人棄信與師本朝寬大愛民之意城上民

聞之即開門勝遣勇銳者登城樓餘自門入莫

有禦者獨文富與其子安仁率牙兵拒守勝整

軍與安仁父子戰譙門內殺安仁及州兵千餘

擒文富民皆安堵勝權知州事遣人諭胸山懷

仁沐陽東海諸縣皆定乃蠲租稅釋罪囚發倉

庫犒戰士分忠義士為五軍紀律明肅部分如

宿將勝自兼都統制益募忠義以圖恢復遠近

聞之響應旬日得兵數千即具其事報境上帥

守莫給軍糧器甲時帥守雖知金人將渝盟莫

敢以聞左軍統制董成謀出西北取沂州勝先

遣間還知金兵數萬至沂以我軍器甲未備戒

成勿動成不從勝率所部千餘人直入沂州巷

戰殺其守及軍士三千餘眾悉俘得器甲數萬

金人生兵復集競登屋擲瓦擊之成軍幾敗勝

閩外春秋

卷十八 忠將

二

欲斬成以其饒勇釋之金人造同知海州事蒙

恬鎮國以兵萬餘取海州抵州北二十里新橋

勝帥兵迎之設伏于隘陣以待眾殊死戰伏發

賊大敗殺鎮國賊千人降三百人軍聲益振山

東之民咸欲來附勝傳檄招諭結集以待王師

之至沂民壁蒼山者數十萬金人圍之久不下

若首勝晨告急勝提兵往救之陣于山下金人

多伏兵勝兵遇伏皆赴砦金人襲之勝單騎而

殿以大刀奮擊金人望見勝知其為將也以五

百騎圍之數重勝馳突四擊金陣開復闔戰時身被數十槍。刃出圍金兵追之馬中矢踣步而入若無敢當者。金人又急攻絕其水。柴中食乾糲殺牛馬飲血勝默禱而雨驟作。金人攻益急周山爲營勝度其必復攻海州因間出若趨城中金人果解蒼山圍自新橋抵城下勝出戰皆捷。金分兵四面攻之勝募士登城以禦矢石如雨者七日金兵死傷多遁去勝嘗出戰矢中鼻貫齒不能食猶親禦戰勝起義久朝廷尚

聞外來秋

卷十八 忠將

三

未知沿海制置使李寶遣其子公佐諱海道規敵至州始遣忠義將朱震褚道請行在白勝姓名于執政始知勝之功焉。金主亮渡淮慮勝晚其後分兵數萬來攻會李寶帥舟師往膠西破金人舟艦勝遣人邀之同擊于新橋大敗之寶既捷勝亦還州爲捍禦計金兵至營於城北將度關門先遣人說勝使降勝開門出諭之曰汝主叛盟失信耳故興兵我朝以仁義之師來復傳報汝主渡淮必敗爾等宜早來歸必獲爵賞

時金兵已逼關勝登關門張樂飲酒犒軍士令固守勿出戰金兵攻之踰時乃少遣士出憑險監擊之金人知不可攻率將轉而渡河渡關後勝欲兵入城金兵追將及勝獨乘馬逐之叱曰魏勝在此聞者皆辟易勝兵已入城金兵徑趨城東欲過砂堰圍城爲營勝先已據堰備之金軍不得過勝又恐新募士守河者不知金兵遽來絕我河路亟收軍入城金兵追至東門外黃土坂勝單騎逐之大叱之金兵五百皆望風退

聞外來秋

卷十八 忠將

四

勝又追十數里才得入城金兵復自西南來襲勝從後叱之金兵駭散手殺數人奏功授關門祇候差知海州兼山東路忠義軍都統遣其子昌同峒崑山首領張榮持旗榜往結山東忠義金兵殺傷已衆一日黎明乘昏霧四面薄城急攻勝激厲士卒竭力捍禦矢石交下城上鎔金液投火牛金兵不能前乃拔砦走拒海州爲長垣包州城于中使不能出及亮死乃解去勝善用大刀能左右射旗揭曰山東魏勝金人望見

卽退走勝爲旗十數書其姓名密付諸將遇戰卽揭之金兵悉避走初勝起義時無州郡糧餉之給無府庫倉廩之儲勝經畫市易課酒榷益勸糶豪右環海州度視敵兵攻取處築城浚置關隘在軍未嘗一日懈弛恒如寇至方會金主被殺北歸王師亦南還矣初亮聞勝在海州知不可取曰少須他時耳亮旣殞勝益得自治軍旅人皆精銳獲金謀者徧以酒食厚賂遣還自有北方來歸者與之同卧起共飲食示以

關外春秋 卷十八 忠將 五

不疑周其饗貧使之感激自是山東河北歸附者衆得金人虛實悉以上聞又第其忠義士功能假授官資因李寶轉達于朝悉如所請金人遣山東路都統總管以兵十萬攻海州時寶帥海州水陸並進抵城北砂巷勝率衆合寶軍大破之斬首不可計堰水爲之不流餘悉奔潰勝獨率兵追北二十里至新橋又破之盡獲其鞍馬器甲寶亦駐海州爲進取計金人復遣五斤太師發諸路兵二十餘萬來攻海州先遣一軍

自州西南斷勝軍餉道勝擇勇悍士三千餘騎拒千石閘堰金軍不能進連夜始還畱千人備險隘金兵十萬來奪勝率衆鏖戰殺數千人餘皆遁去下令守險勿追報寶寶以防海道登舟不復發兵時百姓懼金兵大至皆欲入城統制郭蔚閉門不納牛馬散野呼號動地城中亦懼勝入城諭以賊勢退怯之狀固守可保無虞乃開門盡納之居無何金兵環城圍數重勝與郭蔚分兵備禦偃旗仆鼓寂若無人金兵驚疑數

關外春秋 卷十八 忠將 六

日不敢攻已乃植雲梯置砲石四面合圍負土填壕勝俟其近城鳴鼓張旗矢石俱發繼以火牛金液凡三晝夜金兵竟不能近於是罷攻修營壘絕河道謀爲固守勝俟其不備掩擊或獨出擾之使不得休息又間夜發兵劫其營或焚其攻具旣而金人迸力急攻勝告急于李寶寶以間還報城中已命張子蓋率兵來解圍金人已退意頃之子蓋兵至勝出與子蓋議戰事勝軍城北砂巷與金軍大戰斬首不可計追數

卜里餘兵皆遁時都督張浚在建康召勝詢以軍務轉鬪門宜贊舍人差充山東路忠義軍都統制仍知海州隆興初詔以鎮江御前同統制魏全來守海州督府亦遣賈和仲充招撫使節制本路軍馬海州駐劄和仲忌勝陰誘忠義軍使不安勝與辨是非和仲又讒勝於都督都督惑之呼勝至鎮江計事罷其職改京東路馬步軍副總管都督府統制建康府駐劄既而督府知其誣罷和仲復勝舊職勝既還海州見州城

聞外春秋

卷十八 忠將

七

西南枕孤山敵至登山得瞰城中虛實故西南受敵最劇勝築重城圍山在內寇至則先據之不能害勝嘗自創如意戰車數百輛砲車數十輛車上爲獸面大牌木槍數十垂璽幕軟牌每車用二人推轂可蔽五十人行則載輜重器甲止則爲營掛搭如城壘人馬不能近遇敵又可禦箭簇列陣則如意車在外以旗蔽障弓車當陣門其上寘床子弩矢大如鑿一矢能射數人發三矢可數百步砲車在陣中施火石砲亦

二百步兩陣相近則陣間發弩箭砲近陣門則刀斧槍手突出交陣則出騎兵兩嚮掩擊得捷拔陣追襲少却則入陣間稍憇士卒不疲進退俱利伺便出擊慮有拒遏預爲解脫計夜習不使人見二年以議和徹海州戍命勝知楚州以本州官吏及部兵赴新治詔勝同淮東路安撫使劉寶知高郵軍劉敏措置盱眙軍楚州一帶勝專一措置清河河口時和議尚未決金兵乘其懈以舟載器械糧糧自清河出欲侵邊勝覘知之身帥忠義士拒于清河口金兵詐稱欲運糧往泗州緣清河入口入淮勝知其謀欲禦之都統制劉寶以方議和不許金騎軼境勝率諸軍拒于淮陽自如至申勝負未決金軍增生兵來勝與之力戰又遣人告急于寶寶在楚州相拒四十里堅謂方講和迄不發一兵勝矢盡無救猶依土布爲陣謂士卒曰我當死此得脫者歸報天子乃令步卒居前騎爲殿至淮陰東十八里中矢墜馬死年四十五事聞贈保寧軍節度使

聞外春秋

卷十八 忠將

八

謚忠壯。詔於鎮江府江口鎮立廟，賜號褒忠。令有司刻木以飲，奠于鎮江。官其二子，賜銀千兩，絹千匹，宅一區，田百頃。其後廉得劉寶，不出救兵，削兩鎮節鉞，沒入家貨，貶瓊州死。

按紹興三十年間，海州為金人所據，彥威以義起兵，故可以擒其守，而自權知州事。然止以三百人起事，遂能定胸山、懷仁、沐陽諸縣。其才畧有過人者，築重城，剏如意車，可以攻，可以守，得兵家良法，是鎮將所當祖述者也。

關外春秋

卷十八 忠將

九

評曰：魏勝崛起，無甲兵糧餉之資，提數千烏合之眾，抗金人數萬之師，卒完一州，名震當時。壯哉！然見忌於劉寶，無援而戰死，亦可傷矣。孝宗削奪劉寶節鉞，貶死海外，差足以贖彥威之目乎。

宋贈檢校少保靜海軍節度使沿海制置使前

浙西路馬步軍副總管李寶

寶，河北人，嘗陷金，拔身從海道來歸。金主亮淪盟，淮浙姦民倪詢、梁簡等教金造舟，且為鄉導。金使蘇保衡造舟于潞河，明年以保衡為統軍，將繇海道襲浙江。諜聞，高宗謂宰臣曰：李寶頃因召對，詢以北事，歷歷如數，且以一介脫身還朝。陛對無一毫沮懾，是必能事者。乃授浙西路馬步軍副總管，駐劄平江。今與守臣督海舟捍

關外春秋

卷十八 忠將

十

禦。高宗問舟幾何，曰：堅全可涉風濤者百二十艘，兵幾何，曰：僅三千，皆閩浙弓弩手，非正兵也。旗幟甲杖亦相備，事急矣。臣願亟發，賜寶衣帶鞍馬，尚方弓刀戈甲及銀絹萬數。八月次江陰，先遣其子公佐，謂曰：汝為潛伺，敵動靜虛實，毋誤。公佐受命，即與將官邊士寧偕往。寶將啓行，軍士爭言西北風力尚勁，迎之非利。寶下令敢沮大計者斬，遂發。蘇州大洋行三日，風甚惡，舟散不可收。寶抗慷慨，顧左右曰：天以是試李寶耶。

寶心如鐵石不變矣。酬酒自誓風即止。明日散舟復集。士寧自密州回。得敵耗甚悉。且言公佐已扶魏勝得海州。寶喜曰。吾兒不負乃翁矣。士氣百倍。趁衆乘機進。適大風復作。海濤如山。寶神色不爲動。風少殺。始縱舟抵東海。敵已雲合圍海州。旗麾數十里。寶麾兵登岸以劔畫地。令曰。此非復吾境。力戰與否。在汝等。因握槳前行。遇敵奮擊。將士賈勇。無不一當十。敵出不意。亟引去。勝出城迎寶。獎其忠義。勉以共立功名。勝

閩外春秋

卷十八 忠將

七

感泣。乃維舟犒士。遣辯者四出招納降附。聲振山東。豪傑如王世修輩各署旗集義勇。爭應援。多者數萬人。寶列名上諸朝。檄所部會密之膠。西命公佐以部事昇勝。與俱發。至膠西石臼島。敵舟已出海口。泊唐島。相拒僅一山。時北風盛。寶禱于石臼神。俄有風自樅樓中來。如鐘鐸聲。衆咸奮。引舟握刃待戰。敵操舟者皆中原遺民。遙見寶船。給敵兵入舟中。使不知王師猝至。風駛舟疾。過山薄虜。鼓聲震疊。海波騰躍。敵大驚。

掣可舉。帆帆皆油纜。彌亘數里。風浪捲聚一隅。窘束無復行次。寶亟命火箭環射。箭所中。烟焰旋起。延燒數百艘。火所不及者。猶欲前拒。寶叱壯士躍登其舟。短兵擊刺。燼之舟中。餘所謂簽軍。盡中原舊民。皆登島岸。脫甲歸命。以故不殺。然倉卒舟不獲。溺死者衆。俘大漢軍三千餘人。斬其帥完顏鄭家奴等六人。禽倪詢等。上于朝。獲其統軍符印。與文書器甲糧萬斛。餘衆物不能舉者。悉焚之。火四晝夜不滅。寶將乘勢席

閩外春秋

卷十八 忠將

七

捲公佐切諫。以爲金主亮方濟淮。聞通泰已陷。得遠失近。且有腹背憂。乃還軍駐東海。視緩急。爲表裏援。遣曹洋輕舟奏捷。上喜曰。朕獨用李寶。果立功爲天下倡矣。詔獎諭書。忠勇李寶。四字表其旗幟。除靜海軍節度使。沿海制置使。賜金器玉帶。亮聞膠西之敗。大怒。召諸酋。約以三日渡江。於是內變殺亮。向微唐島之捷。則亮之死未可期。錢塘之危可憂也。寶之功大矣。寶戰具精利。宰臣陳康伯取其長槍克敵弓弩。俾所

司為式製之卒贈檢校少保

按高宗因一見李寶而知其必能事似亦非憤憤者而寶即慷慨就道暴風怒號而不驚海波連山而不沮遂大戰于唐島而斬其帥俘其眾火其舟自此金亮致死錢塘獲保其功亦不小矣

評曰李寶從北朝自拔來歸其於高宗非有咳唾之恩眇昧之飾也一旦陞對兼戮力海上駕一葉于洪濤巨浪中無一毫徂憚酬酒

關外春秋

卷十八 忠將

三

祝天握槩前行此魏勝所以感泣而石曰神所以致靈也。繇是觀之天固未嘗絕宋也。而高宗惟檜賊之言是聽是信則宋之日絕于天也。

明東丘郡侯花雲

雲世為懷遠人少孤隨母嫁張氏貌偉而異號勇絕人儕輩畏服之歲癸巳仗劍謁上於臨濠上奇其材力俾將兵畧地所至輒克破懷遠城口虜其帥以歸進攻全椒拔之羣寇據繆家寨雲俟夜襲之寇散走上將取滁州單騎前行遇賊數千人於道拔劍躍馬衝其陣而遇賊驚曰此黑將軍勇甚不可與爭鋒兵既至遂克滁州甲午從上取和州得卒三百以功授

關外春秋

卷十八 忠將

古

管勾明年乙未率所部先渡江上克太平以公忠勇可信任命宿衛左右丙申上破集慶雲得兵千人陞總管徇鎮江丹陽丹徒金壇諸縣皆下之遇馬賊沙刺盜數百遮道索戰雲且行且鬪三日夜皆禽殺之授前部先鋒攻常州拔其城駐守牛唐營夏六月立行樞密院於太平遂拜雲院判備安遠大將軍丁酉春正月克常熟州獲卒萬餘命雲將之秋七月以兵三千之寧國陷山澤中八日羣盜相結梗道公操矛

鼓譟出入營壘間。斬首千百計。而身不中一矢。還命守太平。後四年。遂卒。卒時年三十有九。夫人郅氏。雲與偽漢戰時。一子方三歲。夫人以牲酒祭家廟。會家人泣曰。今城且破。吾夫忠義人。必以身死之。吾夫死。吾必不獨生。然不可使花氏無後。嬰兒在。若等善撫育之。六年。庚子。夏。閏五月。癸酉。偽漢主陳友諒以舟師入寇。圍太平。雲率麾下三千餘人。結陣迎戰。三日。賊不得入。乙亥。城中乏食。雲士馬憊。城陷。賊縛雲急。雲怒。

閩外春秋

卷十八 忠將

五

奮身大呼。縛盡解。起奪守者刀。殺五六人。罵曰。虜非吾主敵也。苟不輒降。賊怒。碎其首。縛於舟楫。衆射之。公奮激罵賊不少變。至死。聲猶壯。夫人聞雲就擒。赴水死。年甫三十有五。侍兒孫氏。瘞夫人尸。遂抱兒以行。偽漢軍虜之。至九江。軍中惡養小兒。孫氏以兒授漁家。囑之曰。此兒良。宜善視之。是年冬。王師伐偽漢。漢敗。孫氏至漁家。視兒在。矚漁人出。竊負以走。夜宿陶穴中。天曙。脫簪。僦舟渡江。遇僭軍奪舟。棄江中。孫氏

抱兒遇斷木。浮至附之。入葦洲。採蓮實哺兒。七日不死。夜半聞人語聲。呼之。逢老父。號雷老。告之故。與俱行。明年辛丑。春二月。達上所。孫氏泣抱兒拜。上上亦泣。寘兒於膝。曰。此將種也。賜雷老衣物。遣之。復其徭。已而令人追之。忽不見。後五年。甲辰。上即吳王位。追封雲東丘郡侯。兒八歲名煒。侍皇太子就學。年十三。授虎賁右衛副千戶。後七年。拜僉水軍左衛指揮司事。煒於洪武丁巳。借孫氏至太平。奉夫人骸骨。

閩外春秋

卷十八 忠將

六

歸。乃束草像雲。以二月巳未合葬。上元縣南五十里之水橋。嗚呼。觀雲之死。賊與妻妾之報。雲可以知雲之為人矣。天不矜其後。豈不宜哉。宋文憲銘其墓碑云。雲雷邁屯區宇。分萬生真。人鎮乾坤。騎龍鞭霆。下天門。前翼後衛。奮若雲。誰其最雄。花將軍力。驅智駕敵。萬人踪。踪羣盜。猶靡磨。大刀長戟。屬索韉。左麾右刺。流電奔。緋衣緇弁。貔虎屯駐。馬飲江。江水渾。吳楚之域。殺氣昏。手挽天河。洗妖氛。軍聲降。然若雷。霆。遭者。

膽落兩足躡元戎。前太江濟腰佩。兵符威尊。控制上游爲國藩。僞漢恃力不圖存。建旗揚帆。事鉦鼓。艤艫蔽江躡。鉤援提牛享士。士氣伸馳。馬督戰寧顧身。賊焰熾若烈火焚。大戰三日。勢愈殷。單騎赴之。齒齧齧。怒髮上指。目吐煙。汝賊兇頑。犬與豚。願醢汝肉。一口吞賊。慙耳塞。不忍聞。至不死。屈酬國恩。飄然乘雲。叩帝關。請爲厲鬼。扼賊亢。賊當殛死。洗厥元。天子下詔褒忠勲。東丘立侯。賁九原。孤兒保育。寵便蕃。不墜

關外春秋 卷十八 忠將 七

宗祀天所敦。生爲烈士死明神。神靈在天光焯焯。嗟爾來觀萬子孫。繼忠思孝。慎勿誤。弗信請考太史文。

按 高帝初得太平。以花將軍守之。友諒入寇。上胡不命一將援之。而坐致陷也。友諒縛雲。雲奮呼。縛皆絕。豈不毅然壯士乎哉。至賊亂擊雲。碎其首。縛之檣。而業射以死。嗚呼。忠而烈矣。而妻部氏亦赴水死。忠節萃于一門焉。至今請其傳。令人歛衽。

評曰。忠臣之後。必有鬼神呵護。花將軍罵賊而死。藐焉一孤。得孫氏保之。遂有雷老鹿之非孫氏將種不得活。非雷老不得達。上所皆鬼神左右之耳。李禿云在天爲風雲。在地爲雷雨。死則爲雷老。生則爲花雲。總是一人而已。其善說因果者乎。

關外春秋 卷十八 忠將 六

明提督十二團營掌中軍都督府事定襄伯前鎮守甘肅掛平卷將軍印總兵官副鎮守大同都督僉事贈定襄侯謚忠武郭公登登字元登武定侯英諸孫也年七歲讀書過目輒成誦十歲能文詞永樂二十二年充勳衛正統七年從王驥征麓川有功九年從沐斌征騰衝有功歷陞署都指揮僉事十四年七月虜入塞急進都督僉事副廣寧伯劉安守大同會上親征成國公朱勇西寧侯宋瑛武靖伯朱冕

閩外春秋

卷十八 忠將

元

全軍覆沒倉卒議班師公告學士曹鶴張益駕入宜從紫荆關乃忽東折向居庸纔四十里虜至。上北狩當是時大同堡塢蕭條城門盡閉人心危疑公慷慨自奮修城繕兵拊循士卒弔死問傷裹創傳藥眾皆感戴是年八月虜奉上皇至城下索金幣約賂至歸駕公閉門不納上皇曰朕與登有姻何外朕若此公遣人奏曰臣奉朝廷命守城不敢擅啓閉竟不出劉安孫祥霍瑄出見獻上皇金帛瑄尤効力及約

賄往虜笑不應竟擁駕去十月虜以和為名犯京師公欲率所部兵并糾集忠義從門入援先以蠟書馳奏大畧謂胡馬南驅三關失險賊匪連內地為患非輕欲悉起各處官軍民壯入護闕庭使賊腹背受敵首尾不揀奏至賊已退優詔褒答再上疏言虜人雖回離邊不遠傳報有云黃河已凍且尚延緩青草復生再侵京關事雖未信情亦可疑十二月虜復欲犯京師公以京兵新選不可輕發又疏曰今日之計可

閩外春秋

卷十八 忠將

三

以養銳不可浪戰可以用智不可鬪勇其涑水易州真定保定一帶皆堅壁清野京兵分據倚角安營以逸待勞以至待客勿求僥倖歷陞右都督景泰元年正月賊入境率兵躡之行七十里至水頭日暮休兵夜二鼓東西沙窩賊營自朔州掠回公召將士問計或言我寡莫若全軍而返公曰我軍去城百里一退避人馬疲倦賊以鐵騎來追難以自全即按劍起曰敢言退者斬徑薄賊營天漸明賊以數百騎迎戰公奮勇

先帝諸軍繼進呼聲震山谷公射中二人手刃一人遂大破其衆追奔四十餘里至栲栳山斬首虜二百餘奪還人馬器械萬計進封定襄伯食祿千一百石與世券是役也公以八百騎破虜數千爲一時戰功第一閏正月公獲虜謀二人械至京皆也先所親信鞠之云喜寧與也先謀遣人至京規兵衆寡大明皇帝立未立期今年五月名送上皇奪京城誘也先入寇皆喜寧及小田兒也先戰大同把八平章死戰北

關外春秋

卷十八 忠將

三

京耶那孩平章及其弟宇羅死人馬約九萬戰死疫死不下萬餘老營駐九龍其精銳在斷頭山又言虜甚怕我大砲神銳餘公憤邊事未戢弊政猶存思得公廉有爲者相與其事上疏曰往者承平日久人心驕逸在官既無廉耻之心蒞政唯肆貪淫之志釀成汚濁之風致有夷狄之禍又曰虜勢雖云取和變態豈能預料儻或淪盟則大同一鎮首先受敵及今無事之時若不早爲措置一旦賊至又似前日束手無

策中國受侮已深邊事豈容再壞虜既退欲大興屯田苦民力困乏牛種俱無疏乞官爲措置四年秋病召還京公初至大同上可戰者不及數百馬百餘匹不數年馬至萬五千匹精兵數萬人公智勇兼備紀律嚴明料敵制勝動合機宜一年百戰未嘗挫劔以已意設爲攪地龍飛天網繫深塹覆土木人馬通行如履實地賊入圍中令人發其機自相擊撞頃刻十餘里皆陷當是時巡撫年富知公天順元年奪爵爲都督

關外春秋

卷十八 忠將

三

僉事南京是秋滿成其肅未幾召還充圍營總兵八年卒贈侯謚忠武按公守大同虜本上皇至城下索賂公閉門不納的是穩着門一開則大事去矣故定襄之功在社稷當與于忠肅並論也余是以列之于忠將焉評曰武官不怕死郭公無愧焉彼劉安者何以借他故還京也守城者既論功而伯之還京者何不問罪而誅之手余嘗歎軍中乏馬

定襄能以百餘匹。息至萬餘。詩人所詠。駮牝三千。而歸美於秦。心塞湖。公足以當之矣。攬地龍。飛天網。徒聞其名。余曾以問武弁。莫有知其制者。乃知公之不可及也。公家汾陽王之唾。為奴才者也。

公在鎮時。虜卒入寇。公出戰。偶被執。虜欲加害。公叱曰。我乃總兵也。虜不敢無禮。以木挺昇公。往見酋長。又與夾騎而行。公體肥重。虜以其笨也。防護亦懈。公忽縱身騰躍。拉首于

關外春秋

卷十八 忠將

三

隨攘其臂。仍奪其馬。乘之突圍。疾馳還營。虜遣千騎追之。不獲。公之驍勇如此。

公工詩。有聯珠集。謫甘州時。有詩送岳正曰。青海四年羈旅客。白頭雙淚倚門親。莫道得歸心便了。天涯多少未歸人。又曰。甘州城南河水流。甘州城北胡雲愁。玉關人老貂裘敝。苦憶平生馬少游。李文正公評其詩為國朝武臣之冠。

明援遼總兵官前部太子太保左都督蓋忠壯

杜公松

松字叔茂。陝西榆林衛人。世為本衛弁。累官都督同知。榆林多名將。而松素驍膽決。所至以廉勇聞。沙場血戰。未嘗被甲。而驍悍善射。能運尉遲敬德鋼鞭。鞭重八十斤。每與虜角。輒奮鞭而馳。虜望見。輒遁去。則追而鞭其馬。馱賊無不仆者。健兒因割其級。以為常。歲出塞搗巢。虜首長服稱曰。太師而不名。性剛躁。麾下健兒及降

關外春秋

卷十八 忠將

四

卒有過。輒懲之。故所部憚其嚴。無敢犯者。萬曆辛亥。松時帥遼。熊廷弼奉差巡按。廉得松殺降狀。劾罷之。戊午。建夷反。襲陷撫順。故帥張承胤猝與賊遇。陣方交。賊盡師誘之。承胤有眾數千。貪利。競前。行列錯亂。賊因而乘之。承胤不能力戰。全軍皆歿。按臣沁水張銓劾其喪師辱國。不宜褒恤。而廷議亟起宿將。以雪遼水之耻。於是起松原官。充援遼帥馬。駐山海關。奉檄應援。捐家貲募死士。可二千人。六月。松馳萬里勤王。

先請將出山海關八月抵遼陽師出潞河時人聚觀之時暑甚士卒皆揮汗成雨公慙慙郵亭裸形示人曰我杜松武夫不識字惟不學讀書人貪財懼死耳眾見其刀痕箭痕如刻畫然其未創而幸有紅處不得十之三也相與揮涕咨嗟而去已未二月經畧楊鎬分瀋陽為一路從撫順關出邊以松為主將保定總兵王宣原任總兵趙夢麟副之又以標下右翼游擊劉遇節參遊龔念遂柴國棟王浩楊欽汪海楊汝達張

關外春秋

卷十八 忠將

五

大紀諫之而以分巡兵備副使天維張銓監督馬銓余社友也幼為貴公子素以詩酒自娛軍旅非其所長松當奴之西南面所統官兵共二萬五千餘人初鎬至遼密與奴約以三百萬計和松獨主戰其意見業已與鎬相擊矣遂藏怒胸臆而私語所厚口若用杜松遼事不知所終吾其死是官乎及棧而出郊鎬作為好語曰奴善用伏兵須萬金慎重將軍勉之松唯唯先發之一日天日黯黯陰霾翳障風折將臺旗竿識

者憂之壬午松同王宣等督兵從瀋陽啓行癸未午後次撫順關下營初鎬令松以三月朔至口與馬林翌日會兵而進松素負驍勇易眎奴嘗構柎械以誇眾曰我必生致之毋令諸將分功也兵既發不待期而欲出口王宣張銓力阻不聽諸將佐及其任叩馬力阻亦不聽於是令乘嚴裝三鼓逕進出撫順關三月甲申朔侵晨入賊界銓駐邊外前軍離營四十里至二道關山谷狹隘馬不得並行陝西官軍乍與賊交鋒

關外春秋

卷十八 忠將

五

多戰歿進至渾河渾河者奴地最險處從坦途橫絕其中以界東西者也諸將請安壘休息待明日東渡松怫然大怒目眦盡裂口義旗東指執抗顏行摧枯拉朽正當乘勝而前何期之有遣人視河河水不及馬腹而有小舟數十蕩漾其間松揚鞭大喜曰天贊我也且不屑拏舟將裸形策馬諸將請被甲松大笑曰入陣披堅豈壯夫所為老夫束髮從戎惟常備護臂鞞笠蒙頭今已瞠然一翁不知甲重幾許汝曹適以是

相苦乎怒叱趣進兵士皆解衣而浴水齊胸項
輒令內丁亂搥其背并龔念遂驅填渾河中河
水爲之不流河平而後松得渡先是首使人壅
水上流故河淺若可揭及諸軍渡十之七首乃
決壅而水暴溢師衝爲兩沒于河者幾千人士
卒多潰散悉棄車營之兵無復行伍渡河將士
反顧若負冰雪忽遇賊生擒十四人焚克二砦
直抵三道關山益嶮巖伏兵突起約三萬騎松
督兵奮戰數十合自午至酉方圍據山頭以高
閣外春秋 卷十八 忠將 三

伏石隙間越數日得還初鎬將出師松以兵餉
未充士卒未習將領未協不宜大舉迺密遣使
進關投揭當路冀緩師期李如栢偵知其耗輒
於關外要而奪之使不得達故松雖善戰而河
決水湧不必皆亂流而渡後車火藥又被伏奸
所焚賊以合力設伏誘我遂墮其術中而費志
以死也蓋如栢與松素不相能及誓師時謬爲
恭謹曰吾今願以首功奉讓松遂踴躍獨當撫
順之衝臨期又使人謬傳曰李將軍自清河進
閣外春秋 卷十八 忠將 三

臨下衝殺伏兵又從山溝渾河兩傍樹林出四
向對壘鏖戰良久會日暮黑霧障天彼此混殺
前後隔斷不通賊萬炬忽明從火光下齊力撲
斫松奮戰被鎗力窮久竭仰天大呼曰我杜松
榆林好漢大小數百戰誠斬數千人跳盪無前
乃今爲奸臣陷于死地天乎冤哉又奮而戰虜
明火識松萬箭攢射斃其肉立盡王宣等俱陣
亡官兵敗歸者尚一萬四千人張銓等以未入
險獲免不知曾賦詩自慰否耳劉遇節重傷京

神明不衰兩臂猶有數百斤力與劉綎齊名天啓初贈少保左都督襲陞三級錄子本衛正千古世襲立祠加祭奠予謚

按為將必上觀天時下察地利劑之以人和而後可以敵王愾奏膚功也杜叔茂之初出師天日晦冥風折將旗失天之時渾河決水士卒中斷失地之利驅士眾於水并襲叅將填河中失人之和三者無一焉猶不自斂戰而尚恃血氣之勇致與尸之凶哉計三路陣

閩外春秋

卷十八 忠將

三

二道鎮副協叅游都司通判守備中軍千把總等官共三百一十餘員軍丁四萬五千八百七十餘人馬騾索駝共二萬八千六百餘匹隻 國朝二百五十年來無此大勦松之馮河無謀安得不死乎論者謂杜將軍似戚元敬劉將軍似俞克壯然杜之雄猛不如戚之穩練劉之技擊不如俞之儒雅 評曰余嘗聞之白將軍兆慶云杜劉二將軍真當時之虎將也假令經畧不妄舉但圖二

公之形于遼瀋間奴賊亦不敢正視也老楊既乏將畧又非將才若之何惜惜而驅二十萬眾於虎狼之窟自壞萬里長城哉叔茂勇冠三軍為西北飛將每歲搗巢虜尊之為太師威名豈不赫赫也乎雖一陷于奸賊中傷再陷于逆奴詭伏而捐軀報國不愧鬚眉丈夫矣議言不咎乃以剛愎輕進歸罪將軍謂一死不足以塞責嗚呼夫一死豈易言哉彼雖沒字碑而不學讀書人貪財怕死此言也

閩外春秋

卷十八 忠將

三

楊鎬輩當愧死矣善乎武陵楊司馬脩齡公曰劉杜兩將軍生為裏革之人死作睢陽之鬼斯二公之知己矣余故摭其逸事詮次而為之傳云 熹宗辛酉春余入京赴試頗聞先是經畧老楊謀以百萬金與奴酋講和及老楊入關則戰場中數萬冤鬼扳轅號哭向老楊覓頭顱車軛不得行老楊魄奪幾覆于車下因思國家金匱之天下斷送於章句腐儒之手可惜

又可笑也何也。太宰職在用人，既列選才一科，何不廣詢錙銖之士，而胡亂以吉風望氣、高踪澗步者為英雄也？既奉有破格之

明旨，何不旁求岩穴之中，而胡亂以司道所延接、部邑所交驗者為邊才也？夫真正邊才，別有一種膽力，決不可指吏才為邊才。真正英雄，別有一種臭味，決不肯借撫按為介紹。試

觀近日公車所薦揚不啻數百人，誰堪為國家當一面，誰堪為封疆決一戰者，不過拾朝

闡外春秋

卷十八 忠將

三

報之餘，濬簡宦譜之捷足，聊以塞白焉耳。吁！未嘗求之，未可謂無其人也。

明援遼總兵官左軍都督府左都督贈少保謚忠烈劉公綖

綖字元輔，本貫四川，世為南昌衛指揮。父顯有勇畧，萬曆初總四川兵，攻把都蠻于特魯，禽阿苟養么兒，斬阿墨賊，遂喪膽。雷阿太守錫冠嶺，而阿二方三等上九絲山，顯計蠻中九日必醉飲，乘夜冒雨攀蘿，腰絙扳挽而上，兵入蠻帳，二首醉夢驚起，距鬪互擊，截蹈籍投崖落壑，死者亡筭。二首挺身走，追至黔之大盤山，獲之。又

闡外春秋

卷十八 忠將

三

破鷄冠寨，阿大逸出被擒，都蠻平，獲諸葛武侯銅鼓九十三，古函牛鼎淳于葵器若干，告廟爵賞有差。閣學陳公以勤有平蠻碑，是時綖已束髮從征矣。顯卒，綖襲職，萬曆壬午滇中緬酋岳鳳反，司馬議調鄧子龍及綖各領兵三千赴之，子龍擒罕虔，綖以計縛岳鳳，并其子襲烏獻于朝，自是綖之名遂震西南矣。癸巳倭陷朝鮮，檄綖往援之，功最，師旋，雷鎮王京，朝鮮卒賴以安，會播酋楊應龍反，撤綖歸，又以愆期降充

為事官從征，總綦江路，緜夜郎舊城，進賊穴，在海龍岡，夙稱天險，謀據岡以老我師，而柵本山羊簡臺，諸峒為遁，逃數，婁山崖門，桑木諸關為門戶，賊阻兵死拒，乃運草縱焚，時風逆，天欲雨，綦叩禱，風轉，火入峒，賊多燬為煨燼，已復挑老虎兵付子朝棟，使盡力與綦角，綦奮勇大戰，遂殲焉，賊奔潰，又連破數關，進逼海龍岡下，功最次，日陳璘、吳廣并刀攻圍六路，兵螳附雲梯而上，賊窘，莫知計所出，舉火自焚，雉經而死，縛

關外春秋

卷十八 忠將

三

其妻妾若子女，若黨與如千人，無唯類矣，播平露布以聞，獻俘告廟，詔示天下，制府李公化龍鑄銅鼎，銅標鐫銘，豎于海龍岡之巔，撫軍江公鐸伐石紀功而還，是役也，綦一戰破三峒，再戰克九盤，二戰取石虎婁山，入養馬城，四戰奪鐵柱，奪後關，諸軍逼海龍，連月不拔，綦至一日而克二城，蕩其巢穴，故征播功以綦江為首，甲辰春，叙進左都督，錄一子世本，衛指揮使，戊申滇南逆酋阿克反，詔起綦為帥，往討之不果行。

未幾復起帥四川，駐遵義，遵義守唐君自負，僑徒欲與綦手搏，數侮綦，綦曰：吾儕百，朝廷尊官，毋媒藝，唐乘酒攘臂而前，綦一舉指唐輒仆，廷議謂綦以武弁，歐郡守，勒歸，木匪歲而建夷之難作矣，戊午，反，陷撫順城，於是綦起左軍都督府僉書，五月，率守備劉招孫等七百餘人及故部曲三千餘人而行，綦入都，條上方畧，謂虜蓄謀已久，芻糧山積，不惜金帛以養死士，戰則兼中國之長技，詭計百出，未可

關外春秋

卷十八 忠將

三

固莽議勦，必熟察彼已情形，厚集士卒而訓練之，俟其心志既一，器械芻糧完備，多方應援，守可固，戰可勝，然後得以幾萬全，況今人情洶洶，一聞敵，則過于張皇，稍退，竟置之度外，一疏累數千言，奏上，不省，惟許其調川兵若干而已，八月，綦部署兵丁出海關，長子佶年十八，次子佐年十七，俱從征，而寓家累于通州，聞報即趨，裝上道，綦及二子劉招孫等先居遼陽，至十一月，經略楊錦始分寬奠為一路，令綦王之統朝

鮮兵萬人并南浙大同兵又三萬人已未二月，
鎬誓師遼陽，令縱從涼馬堡出邊，縱為帥，而祖
天定姚國輔周義江萬化徐九思周翼明等隸
之，監督者游蓋兵備副使康應乾賈理者同知
黃宗周也，而朝鮮兵馬分路並進，又監以喬一
琦，攻奴之東，已卯，縱令劉招孫徐九思孫應祥
祖天定喬一琦周義等為前鋒，自統大軍為中
軍，朝鮮兵為繼，後眾共四萬餘，是夜至涼馬甸，
五星關於東方，自毛午寨進發，將次深河，達賊

關外春秋

卷十八 忠將

三

阻兵截我官軍，擊却之，斬首若干級，癸未，前抵
深河下營，統兵丁前進，至馬家寨口，伏發，諸軍
奮擊，連戰三合，賊眾奔入山，遂破其寨，當陣斬
首若干級，生擒夷漢若干人，三月甲申朔，一琦
前發，直抵奴寨，一百二十里，有精兵五百餘騎，
對山誘戰，倏進倏退，徐九思從已至未，擊傷賊
多，馬忠單騎率夷丁知刻什兔阿婆戶殺入賊
隊，賊披靡而退，乙卯，大軍至深河，賊兵數百騎
列陣以待，官軍斬獲數多，賊皆登山，縱令諸軍

進攻之時，縱連克董古火狐狸等寨，斬首三百
餘級，夷漢男婦若干，砲銃擊斃賊數千，賊燭火
胡狸死焉，奴聞縱破諸寨，大怖，遂西虜數萬相
結，連夜將其精銳七萬伏於東山，縱出寨三百
餘里，大兵屯大葫蘆寨，堅壁列營，不動，奴酋於
是設計以杜松陣亡衣甲器械，使浙降人之黠
者詐為松材官，持號矢入營告急曰：杜將軍傲
將軍威靈，幸抵酋城，深入敵境，竊思攻之不繼，
敬請將軍會師夾攻，縱低回久之，曰：予與爾將

關外春秋

卷十八 忠將

三

軍比肩登壇，安得傳矢，是偏禪我也，偽官曰：矢
雖以令偏禪，今事急，藉此取信耳，縱不及再思，
詫曰：出師時，原約傳砲為號，今師抵賊城，何不
聞砲聲，偽官即曰：此去虜城五十里，馳三里，傳
一砲，不若飛騎之迅，縱方首肯，而偽官已叩首
馳去，還報奴酋田劉將軍俟砲乃行，於是賊亟
傳砲，縱命諸將拔營而進，老弱各執鹿角繞營
如城，至半舍許，砲聲益轟，乃并鹿角而趨，少頃
至狼山，懸崖峭壁，巉巖齧人，縱深疑之，忽兩山

伏發矢如雨注江萬化祖天定皆戰歿。縱見前軍失利，急取飛刀左右衝突，殺死賊將數人，朝鮮左右兩營圍之數重，劉招孫竭力死鬪，格殺數十賊，賊衆爭前斫死，自己至西，內外斷絕，全軍俱沒，縱面中一刀，胸中一矢，力不能支，遂遇害。視西路更慘矣。縱江南名將，轉戰深入，克十五寨，手刃賊級無算，衝陣十層，血戰七日，斬奴一子二婿，竟以糗糧不充，車營不繼，應援不及而死。天下聞而悲之。時年六十七，鎮江游擊喬

閩外春秋

卷十八 忠將

三

一琦見賊圍急，力竭自經于林莽間，衆救解，仍投危崖死。一軍精銳俱盡，縱智勇具足，行兵有紀律，手擎大刀重百斤，趨捷異常，嘗列駿馬五十餘，跳躍其間，來往若猿猴，其禦虜有連環釘板，倒馬鎗，諸葛連珠弩，紅綿索，飛杖，木將軍等，其家丁則合南北倭苗夷虜黑獠鬼，俱一能抗十強者，一能抗百馬，逸能止車，覆能起其馮，師也，躬自屠牛以卜勝負，嘗於大營斬三大牯頭，隨刀落，三提而已。縱二子陣亡，守備劉可眷等

五人得生，還家丁并大同兵奔出萬餘人，事聞神廟，問之，發內庫錢遣中使於都城寺廟焚香追薦，各立木主，家屬優給，護送回籍，贈少保，義陞三級，廕一子指揮僉事，世襲謚忠烈，加祭葬，授子信都指揮使忠義萃于一門矣。

按奴酋之兇悍，從來不經見者也。我國家之馭奴，怠而且玩，亦從來所未有者也。兵取之調募，疎于練，將取之家居，稽于途，經畧取之龍鍾之老，監軍取之文俗之吏，略于用人。

閩外春秋

卷十八 忠將

美

兵未練而驟戰，將未和而互用，器不犀利而對壘，劉將軍慣用川兵，而川兵未至，兵未知將意，將不識軍情，驅而使之入不測之地，是以將予敵也。善用兵者，機不先露，期不預泄，今兵未發而先揭示於外，明指進攻之路，是與敵爲市也。師行糧從，兵家首務，今出塞三百里之外，深入賊境，賊以佚待勞，我以饑禦飽，是以三軍爲戲也。斯數者皆取敗之道也。國家功令殺奴者不侯，第世襲軍弁，齊不

遇萬金。今以二十萬。衆不能博一官。五百萬。餉不能做萬金之賞也。李永芳且揚揚得意矣。何朝鮮之急于拒叛。中國之甘于縱賊耶。夫奴非能敗中國也。中國自敗也。中國欲餌奴。即因吾餌以騁其愉快。鍛鍊生者之罪。抹煞死者之功。沙塲夜泣之冤。何繇血食。無定河邊之骨。奚從酒經畧之熱淚哉。

許曰。余祖籍廬陵。於將軍有維系之誼。當將軍征播時。道經邦渚。先君命余張筵於江漢。

關外春秋

卷十八

忠將

完

之許。爲將軍推輪。將軍深自抱損。無鷲搏鴟張之態。而一當大敵。提刀上馬。氣慨驍雄。千人自廢。非天下之大勇。孰能當此登壇而將者乎。說者謂將軍可與戚少保李寧遠鼎足而三。夫少保無勇功。寧遠無智名。惟將軍兼總其長。而勵必死之志。言不測之險。連破梟巢。幾掃虎穴。決命爭首。有李陵飲血之雄。而忠過之。馬革裹尸。有馬援據鞍之志。而事兼之。嗚呼。壯哉。

天子憫將軍忠烈。贈賡加等。易名立祠。祝冥福。

而超塵劫。將軍雖死而不死也。於今十有七。

年。余方采輯大司馬王公所爲傳。參以傳聞。

補綴而述。將軍行實。猶若與將軍覲面者。凜凜有生氣也。

劉將軍征播時。官都督矣。一與郡守睚眦。輒

褫革回衛。此見

神宗時。廷議尚有分曉。本兵尚有主持。所以

抑其跋扈之氣。而全薦紳之體也。夫猫不蓄

關外春秋

卷十八

忠將

畢

鼠而蓄鷄。豈善猫乎哉。近日左袒武帥。而勒郡守執手板。猶屬吏。則矯枉過直矣。畢竟不能行。武帥亦不任受也。蓋從來文帥建節以制一方。得以統轄武吏。武帥撫劔以修封疆。難以稱廢文吏也。而不聞寇恂曹彬之事乎。天之所以分經緯也。

三立堂新編關外春秋卷之十八

三立堂新編 闕外春秋卷之十九

華胥外史漢陽 尹商 于皇甫 著

論曰日中則昃月滿則虧。花開必謝氣燠必寒。當濃郁之極返清冷之鄉。明哲之所以解元毀而墮天裘也。故曰建鼓而行不若善刀而藏者佳。余嘗怪廉頗饗發于善飯李廣睚眦于當虜充國攘臂于金城馬援曳杖于壺頭李靖慷慨于吐谷子儀蹉跎于關中皆昧夫止足之戒者也。嗚呼鐘鳴漏盡矣。猶夜行不止乎。夫鵠印搖

闕外春秋

卷十九 智將小論

邊月龍旗掣海雲豈不亦喧壓閣轄也哉。孰與賣瓜灌園之為快適逍遙也。古之至人進則龍驤退則豹隱龍驤則圖形烟閣豹隱則諍道雲山。臨身仰做撒手即空。外不束縛內不黏帶。所謂知進退而不失其正其惟聖人乎。聖人吾不得而見之矣。轉屬而下則學癡學呆學拙易戒亢龍。詩詠保身處功名盛滿之地者當書一通于座右。余特選越范蠡等計。人標口智。將而錄其顛末于左。

越相國上卿賜夷子陶朱公范蠡

蠡字少伯越人也。吳王夫差日夜勒兵且以報越。越欲先吳未發往伐之。范蠡諫曰不可。臣聞兵者凶器戰者逆德。陰謀逆德好用凶器上帝禁之行者不利。越王決意與師吳王聞之悉發精兵擊越。敗之夫椒。夫椒在吳縣。越王乃以甲楯五千入棲於會稽。上會稽也。吳王聞之越王謂蠡曰以不聽子故至於此奈何。蠡對曰持滿者與天。與天法天也。言持滿不定傾者與人之功。故人之功。與天同道。故天與之。上定傾。與天同道。故天與之。上定傾。與天同道。故天與之。上定傾。

闕外春秋

卷十九 智將

與節事者與地。言地能財成萬物人宜卑辭厚禮以遺之。不許而身與之。市勾踐曰諾。乃令大夫種因吳太宰而行。成於吳。請委國為臣妾。吳王將許之。子胥諫曰天以越賜吳勿許也。種還以報勾踐。勾踐欲殺妻子。燔寶器。觸賊以死。種止勾踐。勾踐乃以美女寶器令種間獻吳太宰。種受因說吳王許之。子胥諫弗聽。卒赦越罷兵而歸。勾踐反國乃苦身焦思置膽於坐。坐卧即仰膽。飲食亦嘗膽也。曰女忘會稽之耻耶。

身自耕作，夫人自織，食不加肉，衣不重采，與百姓同其勞。於是舉國政屬大夫種，而使范蠡為質於吳。二歲而歸，勾踐自會稽歸。七年，相循其士民，士民欲用以報吳。大夫逢同諫曰：「鴛鳥之擊也，必匿其形。今吳兵加於齊晉，怨深於楚越，德少而功多，必淫自矜，為越計莫若結齊親楚，附晉以厚吳。吳之志廣，必輕戰，是我連其權，三國伐之，乘其弊，可克也。」勾踐曰：「善。」居二年，吳王將伐齊，子胥諫之，吳王弗聽，遂伐齊，敗之艾陵。

閩外春秋 卷十九 晉將 三

越大夫種可試嘗之，貨粟以下其事。吳王遂與之。太宰嚭說子胥，王賜子胥屬鏃自殺。明年春，吳王北會諸侯於黃池，吳國精兵從，王惟獨老弱與太子留守。勾踐復問范蠡，范蠡曰：「可矣。」乃發習流二千，教士四萬人，君子六千人。君子言君委之也。諸御千人，伐吳。吳師敗，遂殺吳太子。吳告急於王，王方會諸侯於黃池，乃秘之。已盟，乃使人厚禮以請成。越自度亦未能滅吳，乃與吳平。其後四年，越復伐吳，吳師敗，越遂復棲吳王

於姑蘇之山。吳王使公孫雄肉袒膝行而前，請成。越王勾踐不忍，欲許之。范蠡曰：「會稽之事，天以越賜吳，吳不取，今天以吳賜越，越其可逆天乎？且夫君王早朝晏罷，謀之二十二年，一旦而棄之，可乎？天與弗取，反受其咎，君忘會稽之厄乎？」范蠡乃鼓進兵，使人謂吳王曰：「吾置王甬東，君百家，吳王謝曰：「吾老矣，不能事君王，遂自殺。」

閩外春秋 卷十九 晉將 四

范蠡事越王勾踐，既苦身戮力，與勾踐深謀二十餘年，卒滅吳，報會稽之耻，北渡兵於淮，以臨齊晉，號令中國，以尊周室。勾踐以霸而范蠡稱上將軍，還反國。范蠡以為大名之下，難以久居，且勾踐為人，可與其患，難與處安。為書辭勾踐曰：「臣聞主憂臣勞，主辱臣死。昔者君王辱於會稽，所以不死，為此事也。今既已雪耻，臣請從會稽之誅。」勾踐曰：「孤將與子分國而有之，不然，加誅於子。」范蠡曰：「君行令，臣行意，乃乘舟浮海，出齊變姓名，自謂鴟夷子皮，耕於海畔，苦身戮力，父子治產，居無何，致產數千萬。齊人聞其賢，以

為相范蠡喟然嘆曰。居家則致千金。居官則至卿相。此布衣之極也。久受尊名不祥。乃歸相印。盡散其財。以分知友鄉黨。而懷其重寶。間行以去。止于陶。以為此天下之中。交易有無之路。通為生。可以致富矣。於是自謂陶朱公。居無何。致貲累巨萬。范蠡三徙。成名於天下。卒老死於陶。故世傳曰陶朱公。

按吳越春秋。吳赦越。罷歸勾踐。與妻入朝於吳。雷之踰三年。乃行賂。始得釋歸。而苦身修

閩外春秋

卷十九 晉將

五

政。求報于吳。其間少伯奇謀秘計尚多。則謂少伯不惟工于謀國。而且工于謀身。既有下人之智。而從容以奉吳。又有扁舟之行。而勇退以遠禍。易曰。見幾而作。不俟終日。詩曰。既明且哲。以保其身。少伯有焉。余斷以為古今謀臣第一。

評曰。天地人三語。乃少伯終身運用。誠信之術。觀其卑詞以請成。足以存越。厚吳以乘敵。足以雪耻。貸粟以卜事。又足以審動靜。行止

之機。皆是術也。吳王乃信宰嚭而殺子胥。至于始蘇自殺。而蔽面曰。吾無面見子胥也。豈不悲哉。

余嘗怪少伯圖伯則伯。致富則富。學仙則仙。吳宮既沼。西施無恙。亡吳者則尤物也。在太公猶掩面而斬。姐已少伯乃載之。而逃千古之下。無敢議其無行。五湖一舸。風流掩映。又不以此尤物而妨其得仙。異哉。越大夫。吾誠不得而測其津涯也。贊曰。勁吳死。殘越生。裴

閩外春秋

卷十九 晉將

六

西子。浮海行。耕于齊。為上卿。賈于陶。散千金。出見奇。徙我名。賜夷子。何童心。

漢文成留侯張良

良韓人也家五世相韓秦滅韓良悉以家財求
客刺秦王為韓報仇得力士為鐵椎重百二十
斤秦皇帝東遊良與客狙何十頃切擊秦皇帝
博浪沙中誤中副車秦皇帝大怒大索天下求
賊甚急良乃更姓名亡匿下邳嘗從容步遊下
邳圯上有一老父衣褐至良所直墮其履圯下
顧謂良曰孺子下取履良鄂然欲殿之為其老
強忍下取履父曰履我良業為取履因長跪履

闕外春秋

卷十九 智將

七

之父以足受笑而去良殊大驚隨目之父去里
所復還曰孺子可教矣後五日平明與我會此
良因怪之跪曰諾五日平明良往父已先在怒
曰與老人期後何也去曰後五日早會五日雞
鳴良往父又先在復怒曰後何也去曰後五日
復早來五日良夜未半往有頃父亦來喜曰當
如是出一編書曰讀此則為王者師矣後十年
興十三年孺子見我濟北穀城山下黃石即我
矣遂去無他言不復見旦日視其書乃太公兵

法也良因異之常習誦讀之後十年陳涉等起

兵良亦聚少年百餘人遇沛公將數千人畧地
下邳西遂屬焉良數以太公兵法說沛公沛公
善之常用其策良為他人言皆不省良曰沛公
殆天授故遂從之沛公欲以兵二萬人擊秦峽
下軍曉音良說曰秦兵尚強未可輕臣聞其將
屠者子賈豎易動以利願沛公且留壁使人先
行為五萬人具食益張旗幟諸山上為疑兵令
鄭食其持重寶鳴秦將秦將果畔欲連和俱西

闕外春秋

卷十九 智將

八

襲咸陽沛公欲聽之良曰此獨其將欲叛耳恐
士卒不從不從必危不如因其懈擊之沛公乃
引兵擊秦軍大破之遂北至藍田再戰秦軍竟
敗遂至咸陽秦王子嬰降沛公沛公入秦宮意
欲留居之良曰夫秦為無道故沛公得至此夫
為天下除殘去暴宜縞素為資今始入秦即安
其樂此所謂助桀為虐沛公乃還軍霸上項羽
至鴻門下欲擊沛公項伯乃夜馳入沛公軍私
見張良欲與俱去良曰臣為韓王送沛公今事

有急亡去不義乃具以語沛公沛公大驚曰爲將奈何良曰沛公誠欲倍項羽邪沛公曰願生教我距關無內諸侯秦地可盡王故聽之良曰沛公自度能却項羽乎沛公默然良久曰固不能也今爲奈何良乃固要項伯項伯見沛公沛公與飲爲壽結爲婚令項伯具言沛公不敢倍項羽所以距關者備他盜也及見項羽後解漢元年沛公爲漢王王巴蜀漢王之國良歸韓良因說漢王燒絕所過棧道示天下無還心以固

關外春秋 卷十九 智將 九

項王意良至韓說項王曰漢王燒絕棧道無還心矣乃以齊王田榮反書告項王項王以此無西愛漢心而發兵北擊齊良乃間行歸漢王漢王亦已定三秦矣復以良爲成信侯從東擊楚至彭城漢敗而還漢王下馬踞鞍而問曰吾欲捐關以東等棄之誰可與共功者良進曰九江王黥布楚梟將與項王有隙彭越與齊王田榮反梁地此兩人可急使而大王之將獨韓信可屬大事當一面即欲捐之捐之此三人則楚可

破也漢王乃遣隨何說九江王黥布而使人連彭越及魏王豹反使韓信將兵擊之因舉燕代齊趙然卒破楚者此三人力也良多病未嘗特將也嘗爲畫策臣時時從漢王三年項羽急圍漢王榮陽漢王恐憂與酈食其謀撓楚權食其請復立六國後漢王曰善趣刻印先生因行佩之矣食其未行張良從外來謁漢王王方食曰子房前客有爲我計撓楚權者具以酈生語告於子房曰何如良曰誰爲陛下畫此計者陛下

關外春秋 卷十九 智將 十

事去矣漢王曰何哉良曰臣請借前箸爲大王籌之因言湯伐桀封其後於杞者度能制桀之死命也而陛下不能制項籍之死命其不可一矣武王伐紂封其後於宋者度能得紂之頭也今陛下不能得項籍之頭其不可二矣武王入商表商容之間釋箕子之拘封比干之墓今陛下不能也其不可三矣發巨橋之粟散鹿臺之錢以賜貧窮今陛下不能也其不可四矣倒置干戈覆以虎皮以示天下不復用兵今陛下不

能也。其不可五矣。休馬華山之陽，示以無所爲。今陛下不能也，其不可六矣。放牛桃林之陰，以示不修楡積，今陛下不能也，其不可七矣。且天下游士雖親戚，棄項棄去，故舊從階下游者，徒欲日夜望咫尺之地，今復六國立，韓魏燕趙齊楚之後，天下游士名歸事其主，從其親戚，反其故舊墳墓，陛下與誰取天下乎？其不可八矣。且夫楚唯無強，六國立者，復撓而從之，陛下焉得而臣之？誠用容之謀，陛下事去矣。漢王輟食吐

關外春秋

卷十九 智將

十一

哺罵曰：豎儒幾敗乃公事，令趣銷印。漢四年秋，漢王追楚至陽夏南，戰不利而壁固陵。諸侯期不至，良說漢王，漢王用其計，諸侯皆至。漢六年，封功臣。良未嘗有戰鬪功，高帝曰：運籌策帷幄中，決勝負千里外，子房功也。自擇齊三萬戶，良曰：臣始起下邳，與上會留，此天以臣授陛下。陛下用臣計，幸而時中，臣願封。留足矣，不敢當。三萬戶，封良爲留侯。上已封大功臣二十餘人，其餘日夜爭功不決，未得行封。上在洛陽南宮，望

見諸將往往相與坐沙中，語上曰：此何語？留侯曰：此謀反耳。上曰：何故反？留侯曰：陛下起布衣，以此屬取天下，今陛下爲天子而所封皆蕭曹故人所親愛，而所誅者皆生平所仇怨，今軍吏計功以天下不足徧封，此屬畏陛下不能盡封，恐又及誅，故卽相聚謀反耳。上曰：奈何？留侯曰：上平生所憎，羣臣所共知，誰最甚者？上曰：雍齒與我故，數窘辱我，我欲殺之，爲其功多，故不忍。留侯曰：今急先封雍齒，以示羣臣，羣臣見雍齒

關外春秋

卷十九 智將

十二

封，則人人自豎矣。於是上乃置酒，封雍齒爲什方侯，而急趣丞相御史定功行封。羣臣罷酒皆喜曰：雍齒尚爲侯，我屬無患矣。劉敬說帝都關中，左右大臣皆山東人，多勸上都雒陽。雒陽東有成臯，西有穀函，背河向伊雒，其固亦足恃。留侯曰：雒陽四面受敵，此非用武之國。夫關中左轂函，右隴蜀，沃野千里，南有巴蜀之饒，北有胡苑之利，阻三面而固，守獨以一面，東制諸侯，順侯安定，河渭漕輓天下，西給京師，諸侯有變，順

流而下。足以委輸。此所謂金城千里。天府之國也。劉敬說是也。於是高帝即日駕西都關中。留侯從入關。漢十一年。黥布反。上自將兵而東。留侯曰。臣宜從。病甚。楚人剽疾。願上無與楚人爭鋒。十二年。上從擊破布軍歸。留侯乃稱曰。家世相韓。及韓滅。不愛萬金之資。為韓報讐。強秦天下震動。今以三寸舌為帝者師。封萬戶。位列侯。此布衣之極。於良足矣。願棄人間事。欲從赤松子游耳。乃學辟穀。道引輕身。後八年卒。謚為文

閩外春秋

卷十九 智將

三

成侯子房始所見下邳圯上老父與太公書者。後十三年。從高帝過濟北。果見殺城山下黃石。取而葆祠之。

按子房從滄海君得力。士已怪。舉百二十斤。椎於河中。而正中副車。可謂辣手。始皇太索。而不能得子房。非徒自免。并隱力士。真大惟事。然有此一擊。則報韓之義盡矣。祖龍死。秦鹿失。天下之勢。非劉則項。百韓成。足輔乎。故燒棧道。遺羽書。又以齊王反書告羽。觀者以

為為漢。無非為韓也。

評曰。真西山云。子房為漢謀臣。雖未嘗一日居輔相之位。而其功實為三傑之冠。故高帝字之。其人品在伊呂之間。而學則五百之雜。其才如管仲。而氣象高遠。則過之。自漢而下。惟諸葛孔明略相伯仲。若荀彧。附曹而比之。子房既非其倫。豈浩何人亦自此焉。多見其不知量也。

子房之奇計甚多。如捐關東。籍前箸。侯雍齒。

閩外春秋

卷十九 智將

四

安太子為最大。其說帝毋留居秦宮室。則因樊噲言。說帝都關中。又因婁敬言。皆所謂未嘗特將意也。若夫感秦滅項。英雄之恨已銷。可以辟殺謝世矣。非然者。信誅何囚。良不去。將次及焉。故杜門不出。道引輕身。從赤松子游耳。子房蓋俠士也。而知義策士也。而知幾。故蚤年十三。似荆軻。晚年十七。似魯仲連。得黃老之術。而不以七尺殉天下者。也是以主謀而不主事。陰行其志。而不盡用其才。彼之

多病而未嘗特將也。非獨善藏其用。蓋欲預留一步。為辭謝事之地耳。若曰臣不願封三萬戶。但得留體骨足矣。即不侯有餘榮焉。故說曰封留也。且北上授書。其中必有一弓。全軀遠害之術。豈其工于為漢。而拙于自謀也哉。故曰子房得老氏不敢為天下先之旨。嗚呼。所以處君臣之際。微矣。余曾作留侯論一篇。刻在藏稿中。茲撮其大略云。贊曰。秦之鹿。推其足。楚之猴。烹其頭。漢之馬。得天下。帝

關外春秋

卷十九 留侯

五

借公。公借帝。為韓來。報韓去。前黃石。後赤松。張子房。真英雄。

後漢前將軍高密侯前大司徒鄴侯鄧禹。禹字仲華。新野人。更始立。豪傑多薦禹。禹不往。及聞光武安集河北。即杖策北渡。追及於鄴。光武見之。甚歡。謂曰。我得專封拜。生遠來。寧欲仕乎。禹曰。不願也。但願明公威德加於四海。禹得效其尺寸。垂功名於竹帛耳。光武笑。因畱宿。間語曰。更始雖都關西。然山東未安。亦借青犢之屬。動以萬數。三輔假號者。往往羣聚。更始既不。自聽斷。諸將皆庸人。崛起。志在財幣。爭用威力。

關外春秋

卷十九 留侯

六

朝夕自快而已。非有忠良明智深慮遠圖。欲尊主安民者也。明公素有盛德大功。為天下所向。服軍政齊肅。賞罰明信。為今之計。莫如延攬英雄。務悅民心。立高祖之業。救萬民之命。則天下不足定也。光武大悅。因令左右號禹曰鄧將軍。當宿止於中。與定計議。時任使諸將。多訪於禹。禹所舉。皆當光武以為知人。及赤眉西入關。更始遣王匡成丹劉均。以拒之。光武等赤眉必破。長安欲乘釁并關中。而方有事山東。未知所計。

以禹沈深有。大度乃拜為前將軍持節中分。麾下精兵二萬人。遣西入關。令自選偏裨以下。可與俱者。建武元年。禹自箕關入河東。都尉守關不開。禹攻破之。進圍安邑。數月。斬更始大將軍樊參。於是王匡成丹劉均等合軍十餘萬。共擊禹。軍不利。樊崇戰死。韓歆等皆勸禹夜去。禹不聽。明日癸亥。匡等以六甲窮日不出。禹因得更理。勒眾。明日。匡悉軍出攻禹。禹令軍中無得妄動。既至營。因傳發諸將。鼓而並進。大破之。匡等

關外春秋 卷十九 智將 三

皆棄軍走。禹率輕騎急追。獲劉均等皆斬之。遂定河東。光武即位於鄴。使使者持節拜禹為大司徒。封為鄴侯。禹時年二十四矣。是時三輔連覆敗。赤眉所過殘賊。百姓不知所歸。聞禹乘勝獨尅。而師行有紀。皆望風相携。負以迎軍降者。日以千數。眾號百萬。禹所止輒停車駐節。以勞來之。父老童穉垂髮戴白。滿其車下。於是名震關西。帝嘉之。數賜書褒美。諸將豪傑皆勸禹徑攻長安。禹曰。不然。今吾眾雖多。能戰者少。前無

可仰之積。後無轉饋之資。赤眉新拔長安財賦。充實鋒銳。未可當也。夫盜賊羣居。無終日之計。財穀雖多。變故萬端。寧能堅守者也。上郡北地安定三郡土廣人稀。饒穀多畜。吾且休兵北道。就根養士。以觀其弊。乃可圖也。於是引軍北至。拘邑。禹所到擊破。赤眉別將諸營堡。郡邑皆閉門歸附。帝以關中未定。勅禹進兵。禹猶執前意。遣馮愔宗歆守拘邑。二人爭權相攻殺。愔遂殺歆。因反擊禹。禹以聞。帝問愔所親愛為誰。對曰

關外春秋 卷十九 智將 六

護軍黃防。帝度愔防不能久。和因報禹曰。縛為愔者必黃防也。後月餘。防果執愔。將其眾歸罪。時赤眉西走扶風。禹乃南至長安。軍昆明池。大饗士卒。率諸將齋戒擇吉日。修禮謁祠高廟。收十一帝神主。遣使奉詣洛陽。因循行園陵。為置吏士奉守。引兵與延岑戰於藍田。不克。復就穀雲陽。自馮愔反。後禹威名稍損。又乏食。歸附者離散。而赤眉復還入長安。禹與戰。敗走。至高陵。軍士饑餓者皆食棗菜。帝乃召禹還。敕曰。赤眉

無穀。自當來東。吾折極筓之。非諸將受也。無得復妄進兵。禹慙。數以饑卒徵戰。輒不利。獨與二十四騎還詣宜陽。延岑與秦豐復寇順陽間。帝遣禹護諸將擊破岑於郤。追至武當。復破之。岑奔漢中。餘黨悉降。十三年。天下平定。封禹爲高密侯。禹內文明。篤行淳備。天下既定。常欲遠名。勢。有子十三人。各使守一藝。修整閭門。教養子孫。皆可以爲後世法。帝益重之。

按鄧禹初見光武。卽勸其延攬英雄。務悅民

開外春秋

卷十九

智將

九

心。與蕭何養民致賢之意相髣髴。皆開國之許謨也。

評曰。仲華沈深有大度。師行有紀律。定河東。撫關西。破延岑。爲中興武功第一。

范曄有言。夫變通之世。君臣相擇。斯最作事謀始之幾也。鄧公羸糧徒步。觸紛亂而赴光武。可謂識所從會矣。是以中分麾下之軍。遂定河東之地。授封鄧侯。汝作司徒。真足以垂功名于竹帛。不負所願者也。及至長安。擇吉

謁廟。收十一帝神主。奉詣洛陽。可謂修大禮。識大體矣。自馮愔反後。威名稍損。謝大司徒印綬。以特進奉朝請。營梓交。而下無二色。進退用。而上無猜情。君臣之美。後世無間然矣。

宋侍中太尉使持節都督南兗豫徐等州諸軍

事故騎常侍車騎大將軍開府儀同三司南

兗州刺史南昌縣忠武公沈慶之

沈慶之字弘先吳興武康人也兄敞之為趙倫

之征虜參軍監南陽郡擊蠻有功遂即真慶之

少有志力孫恩作亂遣人寇武康慶之未冠隨

鄉族擊之繇是以勇聞荒擾之後慶之躬耕墾

畝勤苦自立年三十未知名往襄陽省兄倫之

見而賞識焉時倫之子伯符為竟陵太守遂命

伯符版為寧遠中兵參軍竟陵蠻屢為寇慶之

為設規畧每擊破之繇此致將帥之稱永初二

年慶之除殿中員外將軍又隨伯符謀討彥之

北伐伯符病歸仍隸檀道濟道濟還見太祖稱

慶之忠謹曉兵上使領隊防東掖門稍得引接

出入禁省出戍錢唐新城及還領淮陵太守領

軍將軍劉湛之被收之夕上開門召慶之慶之

戎服履屨縛縛入上見而驚曰卿何意乃爾急

裝慶之曰夜半喚隊主不容緩服遣收吳郡太

守劉斌殺之累遷員外散騎侍郎元嘉中離州

羣蠻大動征西司馬朱修之不能討以慶之為

建威將軍率眾助修之修之失律下獄慶之專

軍進討大破緣沔諸蠻累官世祖撫軍中兵參

軍世祖以本號為離州隨府西上時蠻寇太甚

水陸梗礙世祖停大隄不得進分軍遣慶之掩

討大破之鄖山蠻最强盛魯宗之屢討不能克

慶之勇定之還京師加建威將軍南濟陰太守

離州蠻又為寇慶之以將軍太守復與隨王誕

入沔既至襄陽率柳元景等十將將二萬餘人

伐沔北諸山蠻八道俱進慶之取五渠頓破鴨

以為眾軍節度無功慶之乃會諸軍於茹丘山

下謂眾曰今若緣山列旆以攻之則士馬必損

去歲蠻田大稔積穀重巖未有饑弊卒難禽剪

今令諸軍各率所領以營於山上出其不意諸

蠻必恐恐而乘之可不戰而獲也於是諸軍並

斬山開道不與蠻戰鼓譟上山衝其腹心先據

險要諸蠻震擾因其懼而圍之莫不奔潰自冬

至春因糧蠻穀項之南新郡蠻帥田彥生率部曲十封六千餘人反圍郡城慶之遣元景率五千人赴之軍未至郡已被破焚掠甚慘元景追之至山下衆軍悉集圍山數重宗慈率其所領先登衆軍齊力急攻大破威震諸山羣蠻皆稽顙慶之患頭風好著狐皮帽羣蠻號曰蒼頭公每見慶之軍輒畏懼曰蒼頭公已復來矣慶之引軍自茹丘山出檢城大破諸山斬首三千級擄生蠻若干降蠻若干隨王誕築納降受俘二

關外春秋

卷九

智將

三

城於白楚慶之復率衆軍討大羊諸山大羊蠻緣險築重城施門櫓甚峻山多木石積以爲礮立部曲建旌旗樹長帥鐵馬成羣慶之連營山中開門相通又命諸軍各穿池於營內水不外汲兼以防火項之風甚蠻夜下山人提一炬以燒營火至燧以池水灌滅諸軍多出弓弩夾射之蠻散走慶之令諸軍斬山開道攻之而山高路險暑雨方盛乃置東岡蜀山宜民西柴黃微上麥六戍而還蠻被圍守日久並饑乏稍出歸降

慶之前後所獲蠻竝移京邑以爲營戶遷太子步兵校尉太祖將北討慶之諫曰馬步不敵久矣道濟再行無功慶之失利而返今料王玄暮等未踰兩將六軍之盛不過往時將恐重辱王師難以得志上曰小寇竊據河南修復王師再屈自別有以虜所恃唯馬夏水浩汗河水流通泛舟北指則礪礪必走滑臺小戍易可覆拔克此二戍館穀弔民虎牢洛陽自然不固比及冬間城守相接虜馬過河便成擒也慶之又固陳

關外春秋

卷九

智將

三

不可丹陽尹徐湛之吏部尚書江湛竝在坐上使湛之等難慶之慶之曰治國譬如治家耕當問奴織當訪婢陛下今欲伐國而與白面書生輩謀之事何繇濟上大笑及北討慶之副玄暮向礪礪戍主棄城走玄暮圍滑臺慶之與蕭斌畱礪礪仍領斌輔國司馬玄暮攻滑臺積旬不拔虜主拓跋燾率大衆南向斌遣慶之救玄暮慶之曰玄暮兵疲衆老虜寇已逼各軍營萬人乃可進耳少軍輕往必無益也斌固遣令去而

玄恭退。斌將斬之。慶之固諫乃止。太祖後問何故諫。斌殺玄恭對曰。諸將奔退。莫不羈擧。自歸而死。將至逃散。且大兵以攻爲便。耳。蕭斌以前驅敗績。欲死。慶之曰。夫深入寇境。規求所欲。退敗如此。何可久住。今青冀虛弱。而坐守窮城。若虜衆東過。青東非國家有也。會詔使至。不許退。斌復問計於慶之。慶之曰。關外之事。將所得專。詔從遠來。事勢已異。節下有一范增而不能。空議何施。斌及坐者竝笑曰。沈公乃更學問。慶

關外春秋

卷十九

百將

註

之厲聲曰。衆人雖見古今。不如下官耳。學也。玄謨自以退敗。求成礪。斌乃還歷城。申垣垣護之。共據清口。慶之乘驛馳歸。未至。詔止之。使還救玄謨。會虜已至彭城。不果行。太尉江夏王義恭留領府中兵。參軍扈謁。至卯山。義恭遣慶之拒之。慶之以爲虜衆驅往。必見擒。不肯行。太祖後謂之曰。河上處分皆合事宜。惟恨不乘礪敬耳。卿在左右久。偏解我意。正復違詔濟事。亦無嫌也。二十九年。復更北伐。慶之固諫不從。以

立議不同。不使北出。是時亡命司馬黑石廬江。叛吏夏侯方進。在西陽五木。誑動羣蠻。淮汝江汚皆受患。十月。遣慶之督諸將討之。詔豫荆雍。竝遣軍受節度。三十年正月。世祖出次五洲。總統羣帥。慶之從巴水出。至五洲。諮受軍略。會世祖典籤董元嗣自京師還。陳元凶弒逆。世祖遣慶之還山。引諸軍。慶之謂腹心曰。蕭斌婦人不足數。其餘將帥皆易與耳。東宮同惡。不過三十人。此外屈逼。必不爲用力。今輔順討逆。不憂不

關外春秋

卷十九

智將

義

濟也。衆軍旣集。假慶之征虜將軍。武昌內史。領府司馬。世祖還至尋陽。慶之及柳元景等竝以天下無主。勸世祖卽大位。不許。賊欲遣慶之門生錢無忌齋書說慶之解甲。慶之執無忌白世祖。世祖踐阼。以慶之爲領軍將軍。加散騎常侍。尋出爲使持節。督南兗豫徐兗四州諸軍事。鎮軍將軍。南兗州刺史。常侍如故。鎮盱眙。上伐逆定亂。思將帥之功。下詔曰。朕以不天。有生罔二。泣血千里。志復深逆。鞠旅伐罪。義氣雲湧。羣帥

仗節指難如歸故曾未積旬宗社蕪穉遂以眇身猥纂大統永念茂庸思崇徽錫新除使持節散騎常侍都督南兗豫徐兗四州諸軍事鎮軍將軍南兗州刺史沈慶之等皆忠國忘身義高前烈功載民聽誠簡朕心定賞策動茲焉攸在宜列士開邑永蕃皇家慶之可封南昌縣公食邑三千戶又特臨軒召拜又使自盱眙還鎮廣陵孝建元年正月魯爽反上遣左衛將軍王玄謨討之軍沂淮向壽陽總統諸將尋聞荆江二

關外春秋

卷十九 智將

三

州竝反徵慶之入朝率所領屯武帳崗甲仗五十人入六門魯爽先遣弟瑜進據蒙籠歷陽太守張幼緒率軍討瑜值爽至衆散而反乃遣慶之濟江討爽爽聞慶之至連營稍退自留斷後慶之與薛安都等進與爽戰安都臨陣斬爽進慶之號鎮北大將軍進督青冀幽三州給鼓吹一部開府儀同三司辭改封始興郡公戶邑如故慶之以年滿七十固請辭事報可以為侍中左光祿大夫開府儀同三司又固讓不許表疏

數十上又面陳曰漢高猶許張良之退臣有何用必為聖朝所須乃至稽顙泣涕上不能奪聽以郡公罷就第月給錢十萬米百斛衛吏五十人大明元年又申前命復固辭三年司空竟陵王誕據廣陵反復以慶之為使持節都督南兗徐兗三州諸軍事車騎大將軍開府儀同三司南兗州刺史討之至歐陽誕遣客慶之宗人沈道愍齋書說慶之餉以玉環刀慶之遣道愍反數以罪惡慶之至城下誕登樓謂之曰沈君白

關外春秋

卷十九 智將

三

首之年何為來慶之曰朝廷以君狂悖不足榮少壯故使僕來耳上慮誕北奔使慶之斷其走路慶之移營白土去城十八里夕進新亭誕果出走不得去還城事在誕傳誕餉慶之食提挈者百餘人出自北門慶之不問悉焚之誕於城上授函表倩慶之為送慶之曰我奉詔討賊不得為汝送表汝必欲歸死朝廷自應開門遣使吾為汝送護之每攻城輒身先士卒上戒之曰卿為統任當令處分有方何蒙斬城下身受矢

石邪自四月至于七月，乃屠城斬廷進慶之司。空又困讓，於是依晉密陵侯鄭袤故事，朝會慶之位次司空，給衛吏五十人，門施行馬。四年西陽五水蠻復爲寇，慶之以郡公統諸軍討平之。居清明門外，有宅四所，室宇甚麗，又有園舍在婁湖，慶之一夜攜子孫徙居之，以宅還官，悉移親戚中表於婁湖，列門同開焉。廣開田園之業，每指地示人曰：錢盡在此中，身享大國，家素富厚，產業累萬金，奴僮千計，再獻錢千萬，教萬斛。

閩外春秋

卷十九 智將

完

以始興優近，求改封南海郡，不許。妓妾數十人，竝美容工藝，慶之優游無事，盡意歡愉，非朝賀不出門，每從遊幸，及校獵，據鞍陵厲，不異少壯。太子妃上世祖金錢七等及杆杓，上以賜慶之，曰：卿辛勤匪懈，歡宴宜等，且觴酌之賜，宜以大。夫爲先也。慶之累辭爵命，朝廷敦勸甚篤，何尚之謂曰：上虛懷側席，詎宜固辭。慶之曰：沈公不效，何公去而復還也，尚之有愧色。上嘗歡飲，普令羣臣賦詩，慶之手不知書，眠不識字，上逼令

作詩，慶之曰：臣不知書，請口受。聞伯上即令顏師伯執筆，慶之口授之，曰：微命值多幸，得逢時運昌，朽老筋力盡，徒步還南崗。辭榮此聖世，何媿張子房。上甚悅，衆稱其美。世祖晏駕，慶之與柳元景等竝受顧命，遺詔若有大軍旅及征討，悉使委慶之前。廢帝即位，加慶之几杖，給三望車一乘。慶之每朝賀，常乘猪鼻無轡車，左右從者不過三五人，騎馬履行園田，政一人視馬而已。每農桑遠月，或時無人，遇之者不知三公也。

閩外春秋

卷十九 智將

手

及加三望車，謂人曰：我每遊履田園，有時人與馬成三，無人則與馬成二。今乘此車，安所之乎？及賜几杖，竝因讓，廢帝狂悖無道，衆勸慶之廢立。及柳元景等連謀以告慶之，慶之與江夏王義恭素不厚，發其事，帝誅義恭、元景等，以慶爲侍中、太尉，封次子中書郎、文季建安縣侯。義陽王昶反，慶之從帝渡江，總統衆軍，少子文耀年十餘歲，善騎射，帝愛之，又封永陽縣侯。帝凶暴日甚，慶之猶盡言諫爭，帝稍不說，及誅何邁，慮

慶之不同量其必至乃閉清谿諸橋以絕之慶之果往不得度而還帝乃遣其從子攸之齋藥賜慶之死時年八十是年初慶之夢有人以兩匹絹與之謂曰此絹足度謂人曰老子今年不免兩匹八十尺也足度無盈餘矣及死賜與甚厚追贈侍中太尉如故給鸞輅輜輶車前後羽葆鼓吹謚曰忠武公

按慶之功名甚盛而史不載其用兵方畧第云斬山開道先據險要又穿池營內汲水防

關外春秋

卷十九 晉將

三

火而已蓋沈約文筆委蕪不能揮霍以表章其武功非慶之之寡謀也

評曰慶之雖武人而耳學亦復不淺如云詔從遠來事執已異節下有一范增而不能用豈絕不學問者至上邇令作詩而曰辭榮此盛世何愧張子房非目不識丁者所能辦也若知止勇退曰沈公不效何公去而復還真不愧子房矣人患不自立耳慶之年三十尚未知名一為趙倫之賞識遂致將帥之稱得

除員外將軍漸至華廡位登三事則士亦何必蚤達哉但苦無具眼物色之者也

關外春秋

卷十九 晉將

三

魏柱國太子太師大都督大將軍前使持節驃

騎大將軍開府儀同三司恒州刺史折衝保

文公于謹

于謹字思恭河南洛陽人小名巨彌性沉深有
識量畧窺經史尤好孫子兵書屏居閭里未有
進仕之志或勸之者謹曰州郡之職昔人所鄙
台鼎之位須待時來吾所以優游鄉邑聊以卒
歲耳太宰元穆見之歎曰王佐才也及破六韓
拔陵首亂北境引蠕蠕為援大行臺僕射元纂

關外春秋

卷十九

智將

三

討之宿聞謹名辟為鎧曹從事集令謹率二千
騎追之前後十七戰盡降其衆嘗為賊所圍謹
以常乘駿馬一紫一騶賊所先識乃使二人各
乘馬突陳而出賊以為謹也皆爭逐之謹率軍
餘擊之其追騎遂奔走乃得入塞時魏末喪亂
群盜蜂起謂廣陽王若極武窮兵非計之上者
願稟大王之威畧馳往論之必不勞兵甲可致
清蕩王然之謹亦解諸國語乃單騎入賊中示
以恩信於是西鄙鐵勒酋長七列河等三萬餘

戶並欵附相率南遷廣陽王欲與謹迎之謹曰

破六汗拔陵兵衆不少問七列河等歸附必乘
要擊彼若先據險要則難與爭鋒今七列河等
餌之當競來抄然後設附而待必指掌破之王
然其計拔陵果來要擊破也列河于嶺上諸衆
皆沒謹伏兵發賊遂大敗悉收得七列河之衆
魏帝嘉之除積射將軍又隨征鮮于修禮軍次
白牛邏遂停車中山侍中元晏言於靈太后曰
廣陽王以宗室之重受律專征今乃盤桓不進

關外春秋

卷十九

智將

三

坐圖非望又有于謹者知畧過人為其謀主風
塵之際恐非陛下純臣也靈太后詔於尚書省
門外立榜募獲謹者許重賞謹聞之乃謂廣陽
曰今女主臨朝聽信寵倖苟不明白殿下素心
便恐禍至謹請東身詣闕歸罪有司披露心膽
廣陽許之謹遂到榜下曰吾知此人衆共詰之
謹曰我即是矣有司以聞靈太后引見之大怒
謹備述廣陽忠欵兼陳停軍之狀靈后意解捨
之及賀拔岳被害太祖赴平涼謹乃言於太祖

曰魏祚陵遲，權臣擅命，羣盜蜂起，黔首傲然。明公挾超世之資，懷濟世之略，四方遠近，咸所歸心。願早建良圖，以副衆望。太祖曰：何也？對曰：關中秦漢舊都，古稱天府。將士號勇，厥壤膏腴。今若據其要害，招集英雄，悉辛勸農，足觀時變。且天子在洛，逼迫羣兒。若明公請都關右，帝必喜而西遷。然後挾天子而令諸侯，奉王命以討暴亂，桓文之業，千載一時也。太祖大悅，會有敕追謹爲關內大都督，謹因進都關中之策。魏帝納

關外春秋

卷十九 智將

三

之尋而齊神武逼洛陽，謹從魏帝西遷，仍從太祖征潼關，破邕洛城，授使持節車騎大將軍儀同三司北雍州刺史，進爵監田縣公。大統初拜驃騎大將軍，開府。其年討擒逆人王游東，攻魏將高叔禮，破之。又擒東魏李徵伯，齊神武至沙苑，從太祖與諸將力戰，破之。進封常山郡公。又從戰河橋，拜大丞相，府長史兼大行臺尚書。積胡帥夏州刺史劉平叛，討平之。除大都督、大將軍。恒州刺史入爲太子太師，復從太祖東征，攻

栢谷塢，拔之。邕山之戰，大軍不利，謹率其麾下，僞降立于路左。神武軍乘勝逐北，不以爲虞，追騎過盡，謹乃自後擊之，齊軍大駭。以此大，全進位柱國大將軍。初，梁元帝平侯景之後，於江陵嗣位，密與齊氏通使，將謀侵軼。其兄子岳陽王譽時爲齊州刺史，以梁元帝殺其兄譽，遂結雙隙。據襄陽來附，仍請王師，乃令謹率衆出討。太祖餞于青泥谷，長孫儉問謹曰：爲蕭繹之計，將欲如何？謹曰：耀兵漢沔，席卷渡江，南據丹

關外春秋

卷十九 智將

三

陽，是其上策。移鄆內居人，退保子城，峻其陴堞，以待援至，是其中策。若難於移動，據守羅郭，是其下策。儉曰：揣繹定出何策？謹曰：必用其下策。儉曰：彼棄上而用下，何也？對曰：蕭氏保據江南，綿歷數紀，屬中原多故，未遑外略。又以我有齊氏之患，謂力不能分，且繹懦而無謀，多疑少斷。愚民難與慮始，皆戀邑居，既惡移動，當保羅郭。所以用其下策。謹乃令中山王及大將軍楊忠等率精騎先據江津，斷其走路，梁人立木柵

於外城廣輪六十里尋而謹至悉衆圍之梁主
屬遣兵出戰爲謹所破旬有六日外城遂陷梁
主退保子城翌日率其太子已下面縛出降尋
殺之立遣營爲梁王振旅而旋太祖親至其第
宴語極歡嘗謹奴婢一千口及梁之寶物金石
絲竹樂一部別封新野郡公謹固辭不許又令
司樂作常山公平梁歌十首使工人歌之謹自
以久當權勢望隆位重功名既立願保優閒乃
上先所乘駿馬及所著鎧甲等太祖識其意乃

陶外春秋 卷十九 智將 三

曰巨猾未平公豈得便爾獨善遂不受以疾薨
時年七十六高祖親臨詔譙于儉監護喪事贈
官賜諡曰文謹有智謀善於事上各位雖重愈
存謙挹每朝參往來從者不過三兩騎而已朝
廷凡有軍國之務多與山決之謹亦揭其智能
功臣之中特見委信終始若一人無間言
按周太祖崩孝閔帝尚幼中山公護雖受顧
命而名位素下羣公各固執政不相率服護
以爲憂密訪於謹謹曰風蒙丞相殊眷情深

骨肉今日之事必以死爭之明日羣公會議
謹辭色抗厲衆皆悚然謹既太祖等夷護每
申禮敬至是謹乃趨而言曰公若統理軍國
謹等便有所依遂再拜羣公迫于謹亦再拜
因是衆議始定孝閔詔稱執德淳固爲國元
老是以晉公東伐謹雖老病以其宿將舊臣
猶請與同行詢訪戎略焉

評曰于謹懷佐時之略逢啓聖之運帷帳盡
其謀獻方面宣其庸績擬巨川之舟楫爲大

陶外春秋 卷十九 智將 三

厦之棟梁是其材謀有足稱者及謹以青年
碩德與重望高禮備上庠功歌司樂常以盛
滿爲戒覆折是憂蓋冲然知足知止不辱不
殆云

隋上柱國加上儀同涼州總管前都督新安太

守永州刺史新義郡公別封壽光縣公韓擒

擒字子通河東垣人少慷慨以膽畧見稱容貌

魁岸有雄傑之表性又好書經史百家皆畧知

大旨太祖見而異之令與諸子游集後以軍功

拜都督新安太守稍遷儀同三司襲爵新義郡

公武帝伐齊齊將獨狐永業守金墉城擒說下

之進平范陽加上儀同拜永州刺史又遷利州

陳將龔慶任蠻奴蕭摩訶等共為聲援頻寇江

閩外春秋

卷十九 智將

三

北前後入界擒屢挫其鋒陳人奪氣開皇初高

祖潛有吞并江南之志以擒有文武才用夙著

威名於是拜為廬州總管委以平陳之任甚為

敵人所憚及大舉伐陳以擒為先鋒擒率五百

人宵濟襲采石守者皆醉擒遂取之進攻姑孰

半日而拔次於新林江南父老素聞其威信來

謁軍門晝夜不絕陳人大駭陳叔寶遣領軍蔡

徵守朱雀航聞擒將至衆懼而潰任蠻奴為賀

若弼所敗棄軍降於擒擒以精騎五百直入朱

雀門陳人欲戰蠻奴攜之日老夫尚降諸君何

事衆皆散走遂平金陵執陳主叔寶及至京賀

若弼與擒爭功於上前弼曰臣在華山死戰破

其銳卒擒其驍將震揚威武遂平陳國韓擒略

不交陣豈置之比擒曰本奉明旨令臣與弼同

時合勢以取僞都弼乃敢先期逢賊遂戰令將

上傷死甚多臣以輕騎五百兵不血刃直取金

陵降任蠻奴執陳叔寶據其府庫傾其巢穴弼

至夕方扣北掖門臣啓開而納之斯乃救罪不

閩外春秋

卷十九 智將

早

暇安得與臣相比上曰二將俱合上勳於是進

位上柱國賜物八千段先是江東有謠歌曰黃

斑青驄馬發自壽陽浹來時冬氣未去日春風

始不知所謂擒本名虎平陳之際又乘青驄馬

往反時節與詩相應至是方悟其後突厥來朝

上謂之曰汝聞江南有陳國天子乎對曰聞之

上命左右引突厥詣擒前曰此是孰得陳國天

子者擒厲然顧之突厥惶恐不敢仰視其有威

容如此別封壽光縣公又拜涼州總管俄召還

京上宴之內殿，恩禮殊厚，無何，其鄰母見掄門下甚盛，有同王者，母異而問之，其中人曰：「我來迎王，忽然不見，又有人疾篤，忽驚走，至掄家，曰：『我欲謁王，左右問曰：『何王也？』答曰：『閻羅王。』掄子弟欲捷之，掄止之曰：『生爲上柱國，死作閻羅王，斯亦足矣。』因遘疾，數日卒，時年五十五。」

按韓子通深謀大略，超越等夷，伐齊而說下其城，伐陳而就執其主，論功當在賀輔伯之上，賀乃與韓相詢，挺刃而爭，曲在賀矣。高祖

國外未幾

卷十九 智將

望

曰：二將俱合上動，不第甲乙亦和事天子而已。及閱二公傳，則帝之於輔伯，其加禮者既優，而晉擢者更崇，子通未敢望也。其故殆不可曉，無乃以平陳之役，獨爲主帥，而掄爲先鋒歟？然二公俱總管也，俱帝委以平陳者也，何軒輊若是乎？

評曰：自晉室衰微，中原幅裂，陳氏憑長江之地險，恃金陵之祿氣，以爲天限南北，人莫能窺。高祖將一函夏，而韓掄以爪牙宣其力，申

國威于萬里，使東南之民，出于湯火，數百年連寇，旬日廓清。高名塞于宇宙，盛業光于天壤，於戲盛矣。掄自詫曰：「生爲上柱國，死作閻羅王，吁！善始善終，逃聽前古，罕聞其匹也。」掄屢世將家，威聲動俗，敵國旣破，名遂身全，庶幾哉少伯子房之儔矣。及其卒也，不聞賜贈，豈有司劾掄放縱士卒，淫污陳宮，故稽恤與耶？

三立堂新編圖外春秋卷之二十一

華胥外史漢陽 尹商 于皇甫 著

宋武寧軍節度使前西川行營都部署安國軍

節度使贈中書令王全斌

全斌并州太原人，事莊宗，累歷內職，同光末，國有內難，兵入宮城，近臣宿將皆棄甲遁去，惟全斌與符彥卿等十數人居中拒戰，莊宗中流矢，扶掖至絳霄殿，全斌慟哭而去。晉初，以功遷護聖指揮使，周顯德中，遂領恩州團練使，從世宗

圖外春秋

卷二十一 智將

一

平淮南，復瓦橋關，攻相州，畱後，宋初，李筠以潞州叛，全斌與慕容延釗繇東路會大軍進討，以功拜安國軍節度，詔令完葺西山堡，若不踰時而就，建隆四年，與洛州防禦使郭進等率兵攻大原境，俘數千人以歸，進克樂平，乾德二年，詔伐蜀，命全斌為西川行營前軍都部署，率禁軍步騎二萬，諸州兵萬人，繇鳳州路進，召示川陝地圖，授以方略，十二月，率兵拔乾梁渡，萬仞燕子二砦，遂下興州，蜀刺史藍恩縉退保西縣，

敗蜀軍七千人，獲軍糧若干，進拔石圍，魚關，白水二十餘砦，先鋒史延德進軍三泉，敗蜀軍數萬，擒招討使韓保正，獲糧若干，既而崔彥進、康延澤等逐蜀軍過三泉，遂至嘉陵，殺虜甚眾，蜀人斷閣道，軍不能進，全斌議取羅川路以入，延澤潛謂彥進曰：「羅川路險，軍難並進，不如分兵治閣道，與大軍會於深渡。」彥進以白，全斌然之。命彥進、延澤督治閣道，數日成，遂進擊金山砦，破小漫天砦，全斌繇羅川趨深渡，與彥進會蜀

圖外春秋

卷二十一 智將

二

人依江列陣以待，彥進遣張萬友等奪其橋，會暮，夜蜀人退保大漫天砦，詰朝，彥進、延澤、萬友分三道擊之，蜀人悉其精銳來逆戰，又大破之，乘勝拔其砦，蜀將王審超監軍趨崇澁，遁去，復與三泉監軍劉延祚、大將王昭遠、趙崇翰引兵來戰，三敗，追至利州北，昭遠遁去，渡桔柏江，焚梁退守劔門，遂克利州，得軍糧八十萬斛，自利州趨劔門，次益光，全斌會諸將議曰：「劔門天險，古稱一夫荷戟，萬夫莫前，諸君宜各陳進取之

策侍衛軍頭向籍曰降卒卒進言益光江東越
大山數重有狹徑名來蘇蜀人於江西置砦對
岸有渡自此出劔關南二十里至清強店與大
路合可於此進兵即劔門不足恃也全斌等即
欲捲甲赴之廣延澤曰來蘇細徑不須主帥親
往且蜀人屢敗併兵退守劔門莫若諸帥協力
進攻命一偏將趨來蘇若達清強北擊劔關與
大軍夾攻破之必矣全斌納其策命史延德分
兵趨來蘇造浮梁于江土蜀人見梁成棄砦而

閩外春秋

卷二

智將

三

道昭遠聞延德兵趨來蘇至清強即引兵退陣
于漢源坡留其偏將守劔門全斌等擊破之昭
遠崇韜皆遁走遣輕騎追獲傳送闕下遂克劔
州四年正月師次魏城孟昶遣使奉表來降全
斌等入成都旬餘劉延讓等始自峽路至俄詔
發蜀兵赴闕人給錢十千未行者加兩月廩食
全斌等不即奉命繇是蜀軍憤怨人人思亂兩
路隨軍使臣嘗數十百人全斌彥進及王仁瞻
等各保庇之不令部送蜀兵但分遣諸州牙校

蜀軍至綿州果板切屬邑衆至十餘萬交州刺
史全帥雄者嘗爲將有威惠適以其族赴闕下
綿州遇亂帥雄匿於曲江民舍後數日爲亂兵
所獲推爲主全斌遣都監朱光緒往招撫之光
緒盡滅帥雄之族納其愛女及橐裝帥雄遂無
歸志率衆急攻綿州爲指揮使劉福田紹斌所
敗遂攻彭州逐刺史王繼濤殺都監李德榮據
其城成都十縣皆起兵應之帥雄自號興蜀大
王開幕府置僚屬署節帥二十餘人令分據灌

閩外春秋

卷二

智將

四

口導江郫新繁青城等縣彥進與張萬友高彥
暉田欽祚同討之皆敗彥暉戰死欽祚僅免全
斌又遣張延翰張煦往擊不利退入成都帥雄
分兵斷閣道緣江置砦聲言欲攻成都自是中
蜀眉雅東川果遂渝合資簡昌普嘉茂榮陵十
七州並隨帥雄爲亂郵傳不通者月餘全斌等
甚懼時城中蜀兵尚餘二萬全斌慮其應賊與
諸將謀誘致夾城中盡殺之未幾劉延讓曹彬
破帥雄之衆於新繁俘萬餘人帥雄退保郫縣

全斌仁瞻又攻破之師雄走保灌口岩病死于金堂衆推其本爲主據銅山旋爲康廷澤所破後丁德裕等分兵招輯賊衆始息全斌之入蜀也屬冬暮京城大雪太祖設氈帷於講武殿衣紫紹裘帽以視事忽謂左右曰我被服若此體尚覺寒念西征將士衝犯霜雪何以堪處卽解裘帽遣中黃門馳賜全斌仍諭諸將曰不能遍及也全斌拜賜感泣初成都平命參知政事呂餘慶知府事全斌但典軍旅會有詔全斌及

關外春秋 卷二十 智將 五

彥進破蜀日奪民家子女下帛不法等事與諸將同時召還太祖以全斌等初立功雖犯法不欲辱以獄吏但令中書問狀全斌等具伏令御史臺於朝堂集文武百官議其罪於是百官定擬全斌等罪當大辟請准律處分乃下詔曰全斌等貪殘無厭殺戮非罪稽于儻革職爾玩兵尚念前勞特從寬貸止停旄鉞猶委藩宣全斌責授崇義軍節度觀察留後彥進仁瞻各責授如法開寶末車駕幸洛陽郊祀召全斌侍祠以

爲武寧軍節度論之曰朕以江左水陸重鎮諸將不遵紀律故抑卿數年爲朕立法今已克金陵芝卿節鉞仍以銀器萬兩帛萬匹錢千萬賜之全斌至鎮數月卒年六十九贈中書令全斌輕財重士不求聲譽寬厚容衆軍旅樂爲之用

按全斌克李筠於潞州降孟昶於西蜀是宋開國之功臣也但激變蜀人貽禍頗劇非遇藝祖之寬厚難乎免於韓彭之戮矣

關外春秋 卷二十二 智將 六

王全斌既激蜀人之亂朱光緒又激師繼之亂踰年而始定鄉使師雄不死蜀禍未歇也二將之罪可勝誅哉評口乾德伐蜀之師未七旬而降款全斌之功紀太常而勒鐘鼎矣迺黜貨殺降辱啓禍變豈大將軍所爲哉太祖不欲辱以獄吏而從入議之貸可謂得馭功臣之道矣全斌不惟嫻于戡定亦且明于止足嘗云自古將帥多不能保全功名欲于平蜀之

疾東歸是以黜居山郡十餘年怡然自得不作書空牢慙之態君子避之乃蘇易簡躁於仕進罷參政爲禮部侍郎知鄧州其心鬱悒不勝閒冷之歎曾移書於舊友曰退位菩薩難做竟未登強仕而卒錢惟演已爲使相恨不得爲真宰居常歎曰使我於黃紙盡處押一箇字足矣竟未卽真都哉有愧於全斌多矣

宋太師咸安郡王改鎮南武安寧國節度使前

太保英國公兼河北諸路招討使樞密使少師武寧安犯軍節度使京東淮東路宣撫處置使開府儀同三司太尉檢校少保充淮南東西路江南東西路二宣撫使武成德軍武寧昭慶軍武勝軍三節度使浙西江浙二制置使鄭延路副總管加平寇左將軍追封通義郡王贈忠武肅王韓世忠

世忠字良臣延安人風骨魁岸日晡如電早年

驚勇絕人能騎生馬駒家貧無產業嗜酒尚氣不可繩檢年十八以敢勇應募隸赤籍挽強馳射勇冠三軍崇寧四年西夏擾動郡調兵捍禦世忠在遣中至銀州夏人嬰城自固世忠斬關殺敵將擲首陣外諸軍乘之夏人大敗旣而以重兵次高平嶺世忠率精銳鏖戰解去俄復出間道世忠獨部敢死士殊死鬪敵少却顧一騎士銳甚問俘者曰監軍駙馬元移也躍馬斬之敵衆大潰從劉延慶築天降山砦爲敵所據世

忠夜登城斬二級，割護城鹽以獻。至佛口砦，蕞底河斬獲甚多。官印二年方臘反，江浙震動。世忠以偏將從王淵討平之。淵歎曰：「真萬人敵也。」時有詔能得臘首者授兩鎮節鉞。世忠窮追至睦州清溪峒，賦深源巖屋為三窟，諸將繼至，莫知所入。世忠潛行溪谷間，野婦得徑，即挺身仗戈直前度險數里，搗其穴，格殺數十人，擒臘以出。辛興宗領兵截峒口，掠其俘為己功，故賞不及世忠。別帥楊維忠還闕，直其事，轉承節郎。欽

關外春秋

卷二十 智將

九

宗即位，從梁方平屯濬州。金人壓境，方平遣王師數萬皆潰。世忠陷重圍中，揮戈力戰，突圍出，焚橋而還。欽宗召對便殿，詢方平失律狀，條奏甚悉。轉武節大夫，詔諸路勒王兵領所部入衛。會金人退，河北宣撫副使李彌大有大校李復鼓衆作亂，淄青附之。山東復擾，彌大檄世忠將所部追擊。至臨淄，河兵不滿千，分爲四隊，布鐵蒺藜自寨歸路。令曰：進則勝，退則死。走者命後隊剿殺。於是莫可返顧，皆死戰，大破之，斬復餘

黨奔潰，乘勝逐北。至宿遷，賊尚萬人，方擁子女，推牛縱酒。世忠單騎夜造其營，呼曰：「大軍至矣。」亟束戈捲甲，吾能保全汝立功名。賊駭慄請命，因跪進牛酒。世忠下馬解鞍與其飲，啖衆悉就降。詔入朝，授單州團練使，屯滹沱河。又遷嘉州防禦使，還大名。趙野辟爲前軍統制，時康王如濟州，世忠領所部勸進。金人縱兵逼城，人心恟懼。世忠據西王臺力戰，金人少卻。翌日酋帥率衆數萬至，時世忠麾下僅千人，單騎突入，斬其

關外春秋

卷二十 智將

十

酋長，遂大潰。康王即位，授光州觀察使，帶御器械。世忠請移都長安，下兵收兩河。時論不從。建炎二年，降定國軍承宣使，帝如揚州。世忠扈從，時張遇自金山來降，抵城下不解甲，人心危懼。世忠獨入其壘，曉以順逆，衆悉聽命。三年，帝如錢塘，世忠即繇海道赴行在。苗傅劉正彥反，張浚等在平江議討亂。世忠得浚書，大慟，舉酒酌神曰：「誓不與此賊共戴天。」士卒皆奮，見浚曰：「今日之事，世忠願與張俊身任之。」以所部發平江。

時世忠妻梁氏及子亮為傳所質朱勝非給傳曰今日太后遣二子慰撫世忠則平江諸人益安矣於是召梁氏入付安國夫人俾前迎世忠建其勤王梁氏疾驅出城一日夜會世忠於秀州於是進兵傳等大懼次臨平賊將苗翊馬柔吉負山阻河為陣中流植鹿角以梗行舟世忠舍舟力戰張俊繼之劉光世又繼之軍少卻世忠復舍馬操戈而前令將士曰今日當以死報國面不被數矢者皆斬是以士皆用命賊列神

關外春秋 卷二十 智將 三

管弩持滿以待世忠賊目大呼挺刃突前賊辟易矢不及發遂敗傳正彥擁精兵二千聞海金門以遁世忠馳入帝步至宮門世忠手執哭日中軍吳洪佐逆為最尚雷朕肘腋能先誅乎世忠即謁洪握手與語折其中指戮於市又執賊謀王世修以屬吏詔授武勝軍節度使御營左軍都統制又以為江浙制置使復自衡信追賊至漁梁驛與賊遇世忠步走挺戈而前賊望見昨日此韓將軍也皆驚潰遂擒正彥及傳

送行在皆伏誅世忠初陛辭奏曰臣誓生獲賊為社稷制耻乞殿前二虎賁護俘來獻至是卒如其言帝手書忠勇二字揭旗以賜授檢校少保武寧昭慶軍節度使兀木將入侵帝召諸將問移蹕之地張俊辛企宗勸自鄂岳幸長沙世忠曰國家已失河北山東若又棄江淮更有何地於是世忠為浙西制置使守鎮江既而兀木分道渡江諸屯皆敗世忠自鎮江退保江陰杜充以建康降敵兀木自廣德破臨安帝如浙

關外春秋 卷二十 智將 三

東世忠以前軍駐青龍鎮中軍駐江灣後軍駐海口俟敵歸邀擊之會上元節就秀州張燈高會忽引兵趨鎮江及金兵至則世忠軍已先屯焦山寺兀木遣使通問約日大戰許之戰將十合梁夫人親執桴鼓金兵終不得渡盡歸所掠假道不聽請以名馬獻又不聽捷辣在維州遣李董太一趨淮東以援兀木世忠與二酋相持黃天蕩太一李董軍江北兀木軍江南世忠以海艦進泊金山下預以鐵綆貫大鈎授驍健者

明且敵舟燥而前。世忠分海舟為兩道，出其背。每縋一縷，則曳一舟沉之。兀術窮感，求會語，祈請甚哀。世忠曰：還我兩宮，復我疆土，則可以相全。兀術語塞，又數日求再會，言不遜。世忠引弓欲射之，亟馳去。謂諸將曰：南軍使船如使馬，奈何？募人獻破海舟策。閩人王某者，教其舟中載土，平板鋪之，穴船板以擢槳。風息則出江，有風則勿出。海舟無風不可動也。又有獻謀者曰：鑿大渠接江口，則在世忠上流。兀術一夕潛鑿渠

關外春秋

卷二十

智將

十三

三十里，且用方士計，刑白馬，別婦人心，自剖其額祭天。次日風止，我軍帆弱，不能運。金人以小舟縱火，矢下如雨。孫世詢嚴允皆戰死。敵得絕江遁去。世忠收餘軍還鎮江。初，世忠謂敵至必登金山廟，觀我虛實。乃遣兵百人伏廟中。百人伏岸，許約聞鼓聲，岸兵先入。廟兵合擊之。金人果五騎闖入，廟兵喜，先鼓而出，僅得二人。逸其三，中有絳絕玉帶，既墜而復馳者，詰之，乃兀術也。是役也，兀術兵號十萬，世忠僅八千餘人，相

拒四十八日而敗。金人自是不敢復渡江矣。帝賜札褒獎，拜檢校少保、武成、威德、軍節度使、神武左軍都統制、建安范汝為反，以世忠為福建、江西、荆湖宣撫副使。世忠曰：建居閩嶺上流，賊沿流而下，七郡皆血肉矣。亟領步卒三萬，水陸並進，次劔潭，賊焚橋。世忠策馬先渡，師遂濟。賊盡塞要路，拒王師。世忠命諸軍偃旗，仆鼓，徑抵鳳凰山，類瞰城邑，設雲梯、火樓，連日夜併攻。五日城破，汝為竄身自焚，斬其弟岳吉，以狗擒其

關外春秋

卷二十

智將

古

謀主謝嚮施達及裨將陸必顯等五百餘人誅之。賜從者汰遣，民感更生。家為立祠。捷聞，帝曰：雖古名將，何以加？賜黃金器皿。江湖寇賊尚多，而廣西賊曹成擁眾在郴州。世忠既平閩寇，旋師永嘉。若將就休息者，忽繇處信徑至豫章，連營江濱數十里，羣賊不虞其至，大驚。世忠遣人招成降之，得戰士八萬，遣請行在，遂移師長沙。時劉忠有眾數萬，據白面山，營柵相望。世忠至，欲急擊，宣撫使孟庾不可。世忠曰：兵家利害，非

恭政所知遂與賊對壘交棋張飲堅壁不動眾
莫測一夕與蘇格聯騎穿賊營候者呵問世忠
先得賊軍號隨聲應之周覽以出喜曰此天賜
也夜伏精兵二千於白面山與諸將拔營而進
賊方迎戰我兵已馳入中軍奪望樓植旗蓋傳
呼如雷賊回顧驚潰麾將士夾擊大破之斬忠
首湖南平授太尉賜帶笏仍敕樞密以功頒示
內外師還建康置背嵬軍皆勇勢絕倫者四年
以建康鎮江江東宣撫使駐鎮江金人與劉豫

關外春秋 卷二十 智將 五

合兵分道入侵帝手札命世忠飾守備圖進取
辭音懇切世忠受詔感泣遂自鎮江濟帥俾統
制解元守高郵候金裝卒親提騎兵駐去儀當
敵騎伐木為柵自斷歸路會遣魏良臣使金世
忠歡熒給良臣有詔移屯守江良臣疾馳去
世忠度良臣已出境即上馬令中軍日抵言鞭
所嚮即引軍次大儀勒五陣設伏二十餘所約
聞鼓即起擊良臣至金聶兒孛罕聞世忠退即
引兵至江口距大儀五里別將撻孛也擁鐵騎

過五陣東世忠傳小麾鳴鼓伏兵四起旗色與
金人旗雜出金軍亂我軍迭進背嵬軍各持長
斧上搵人胸下斫馬足敵披甲皆泥淖世忠麾
勁騎四面蹂躪人馬俱斃遂擒撻孛也等二百
餘人所遺董取亦擊金人於天長縣之鴉口擒
女真四十餘人解元至高郵遇敵設水軍夾河
陣日合戰十三相拒未決世忠遣成閔將騎上
往援復大戰俘生女真千餘人世忠復親追至
淮金人驚潰相蹈藉溺死甚眾捷聞群臣入賀

關外春秋 卷二十 智將 六

論者以此舉為中興武功第一時撻懶屯泗州
兀朮屯竹塹鎮為世忠所扼會雨雪金饋道不
通野無所掠殺馬而食蕃漢軍皆怨兀朮引還
五年進少保六年授武寧安化軍節度使京東
淮東路宣撫處置使置司楚州世忠披草萊立
軍府與士同力役夫人梁氏親織簿為屋將士
有怯戰者世忠遣以巾幗設樂大宴俾婦人粧
以耻之故人人奮厲撫集流散通商惠工山陽
遂為重鎮時張浚以右相視師命世忠自承楚

圖淮陽世忠即引軍渡淮至其城下為賊所圍奮戈一躍潰圍而出賊遺駭呼延道與金將合李董搏戰扼其吭而擒之乘銳掩擊金人敗去既而圍淮楊賊堅守不下約曰受圍一日則舉一烽至是六烽具舉兀木與劉猗皆至世忠勸陣向敵使人諭之曰錦衣驄馬立陣前者韓相公也或危之世忠曰不如是不足以致敵敵果至殺其導戰二人遂引去初世忠移屯山陽遣間結山東豪傑約以緩急為應宿州馬泰及太

關外春秋

卷二十 智將

七

行群盜多願奉約束者金人廢劉豫中原震動世忠謂機不可失請全師北討招納歸附為恢復計會秦檜王和議徙世忠屯鎮江世忠言金人詭計恐以緩我師乞留軍蔽遮江淮願効死迎敵若不勝從和未晚章十數上皆慨慷激切且請面奏帝優詔褒荅後金果渝盟咸如其言金使蕭哲之來以詔諭為名世忠聞之凡四上疏言不可許願舉兵決戰兵勢最重處臣請當之金人欲剗豫我也舉國士大夫盡為陪臣恐

人心離散士氣消沮且請馳驛面奏不許世忠在楚州十餘年兵僅三萬而金人不敢犯但不附和議為檜所抑遂抗疏言檜誤國因乞骸罷為醴泉觀使奉朝請進封福國公節鉞如故自此杜門謝客口不言兵時跨驢携酒從一二奚童縱游西湖以自樂平時將佐罕得見其面十二年改潭國公顯仁皇后自金還世忠請臨平朝謁后在北方聞其名慰問者良久十三年封咸安郡王後改鎮南武安寧國節度使二十一

關外春秋

卷二十 智將

六

年八月薨進拜太師追封通義郡王孝宗朝追封新王謚忠武配饗高宗廟庭性慤直勇敢忠義事關宗社必流涕極言嗜義輕財器械規畫精絕過人今克敵弓連鎖甲狡猊鬃及跳澗以習騎洞貫以習射皆其遺法也知人善獎用成剛解元王勝王權劉寶岳超起行伍兼將旄皆其部曲云解兵罷政臥家凡十年澹然自如若未嘗有權位者晚喜釋老自號清涼居士嘗議買新淦縣官田高宗即札賜之因號其莊曰旌

忠蓋當時諸將各以姓爲軍號如張家軍岳家軍之類朝廷頗疑其跋扈聞其買田甚喜故特賜之子彥直彥質彥古皆以才見用

按韓公風骨魁岸日瞬如電日者言當作三公公怒其侮已毆之及爲將斬關殺敵挺身仗戈躍馬直前所向披靡其勇畧真有大過人者及得疾謂將吏曰吾以布衣百戰致位王公賴天之靈保首領沒於家諸君尚哀其死耶又戒家人曰吾名世忠汝曹毋諱忠字

外春秋

卷二十 智將

七九

嗚呼斯其忠肝義膽真可隻行古今矣公嘗中毒矢以彊弩括取之十指僅存其四刀痕箭瘢如刻畫然君子是以服其勇也
岳飛冤獄來朝無敢出一語公獨撻檜怒曰莫須有三字何以服天下又抵排和議觸檜尤多或勸止之公曰今日畏禍苟同他日瞋目豈可受鐵杖於太祖殿下時一二大將多曲徇苟全公同在政府一揖外未嘗與語其懣多如此云

建炎中興張韓劉岳爲將人自爲法四帥中韓岳兵尤精當時於軍中角其勇健者爲之籍每旗頭押隊缺於籍中又角其勇力出衆者爲之將副有缺則於諸隊旗頭押隊內取之別置視隨軍謂之背危軍悉於四等人內角其優者補之一人背危諸軍統制而下與之亢禮犒賞異常勇健無比凡有堅敵遣背危軍無不破者燕北人呼酒瓶爲危大將之酒瓶必令親信人負之故韓兵用以名軍危

外春秋

卷二十 智將

子

卽譽北人語說故云
評曰宋靖康建炎之際天下安危之機也勇畧忠義如韓公是天以資高宗之恢復也方兀木渡江惟公對敵以閒暇示之及劉豫廢中原人心動搖公請乘時進兵此機何可失也高宗惟姦檜之言是聽使公不得展其才和議成而宋事去矣暮年退居口不言兵部曲舊將不與相見蓋懲岳飛之事也昔漢文帝思頗牧於前代宋有一世忠而不盡其用

惜哉

梁夫人京口娼也。嘗五更入帥府候賀朔。忽於廟柱下見一虎蹲卧。鼻息訥訥然。驚駭而走出。不敢言。已而人至者衆。復往視之。乃一卒也。因蹴之起。問其姓名。爲韓世忠。心異之。密告其母。謂此卒定非凡人。乃邀至其家。具酒食。卜夜盡。催深相結納。資以金帛。約爲夫婦。韓後立殊功。爲中興名將。遂封兩國夫人。鄭王嘗邀兀朮於黃天蕩。幾成擒矣。一夕擊

關外春秋

卷二

智將

三

河遁去。夫人幼世忠。失機縱敵。乞加罪。舉朝動色。其明智英偉如此。紅拂又瞠乎後矣。韓公每與軍官飲。巨觥無算。不設果肴。王權一日竊懷一蘿蔔。公見之。大怒曰。小子如此口饒。以手按其額。痛不可忍。隨成痕腫。既乃復與之飲。

明開兩輔運守正文臣資善大夫上護軍誠意

伯贈太師謚文成劉公墓

基字伯溫。處之青田人。少穎敏。絕群讀書。過目輒誦。善經學。工屬文。旁通天官陰符家言。元末舉進士。嘗從肆得星曆書。留之一日。而返之。卽聞記如流。其人驚而歸。基笑曰。安所事書。書不在吾腹。耶。授瑞州之高安丞。故秘書監揭曼碩有人倫鑒。見而謂之曰。子魏玄成流也。而英特殆過之。基爲丞。以廉節著。發獲姦伏。數與強禦

關外春秋

卷二

智將

三

挺。小民愛若慈父。而貴豪多不便者。尋與其長抗議不合。投劾歸。再補江浙儒學副提舉。復論御史失職。受臺抨。再投劾。歸。基益任誕。不持循。嘗遊西湖。有異雲起西北。光射湖水。客以爲慶雲。將賦詩。基大言曰。天子氣也。在金陵十年後。英主出其下。非我誰名世者。衆掩耳稍遁去。基獨與門人沈與原携飲湖亭。沈醉乃別。時無能識基者。西蜀趙天澤獨奇之。謂曰。公乃受魏玄成目耶。非諸葛孔明莫能當也。爲文以王佐

期基而方谷珍反海上省憲乃辟基元帥府都事與元帥築慶元諸城以逼谷珍時左丞帖里帖木兒議招撫基持不可曰谷珍首亂赦之無以懲後所赦計獨其餘黨耳左丞曰善以便宜進基行省都事與謀谷珍懼使陰賄基基御不受持前議益堅左丞乃聞之朝而谷珍悉其賄使人浮海至京交關用事者許谷珍官聽之降而坐基擅持威福傷人主好生德奪職羈管紹興併罷左丞基自是放浪紹興諸山水游必有

關外春秋

卷二

智將

音

記又多為歌詩自適而谷珍益肆橫不可制山越蜂起行省乃復以都事辟基授以兵基且撫且討悉平之而是時石脉宜孫為樞密院判負義幹基與之相掎角軍聲大振自樞密經歷遷行省郎中經畧使上基功而用事者右方氏僅以基故儒學副提舉資遷總管府判基既左轉又失兵乃結告身庭中拜曰臣不敢負世祖皇帝無所措足矣遂逃歸青田山中著郁離子以見志會高帝已下金華定括蒼基置酒延客

指乾象示之曰此乃豈人力也耶客亡去基遂決策從高帝而會上使使以金帛來聘遂與章溢葉琛間道走金陵且謂溢琛吾西湖言驗矣既見上陳時務十八策上大悅語基先生有至計勿憚陳吾能行之俄偽漢陳友諒傾國入寇歷金陵而軍勢張甚上欲發兵禦之而眾懼擾不決有請背城決一戰者有以鍾山王氣請奔據之者至有勸納款者基後至獨張目不言上為起入內趣召基屏人語曰先生可以有言乎基曰先斬主納款及奔鍾山者然後言上固問計安出乃曰賊驕矣誘之深入而伏兵邀取之故易易耳夫取威定霸在此舉也而言納款及奔者何也上於是決策誘破友諒盡覆其眾以克敵賞爵基基弗受時上雖已定江東稱吳國公而奉明韓林兒座於中書省基怒罵曰彼牧豎耳奉之何為遂不拜上怪而問基基陳天命所在上感悟始定征討大計師攻友諒之皖城不下基謂潭九地何

關外春秋

卷二

智將

音

足久勞我友諒。膽破矣。急進薄江州。彼必遣江州下皖城焉。往友諒果遁。如基料都督馮勝攻其城。上使基授之方畧。基以一赫號封曰夜半出兵至某所。見某方青雲起。即設伏。項有黑雲起者。賊伏也。勿輕動。日中晏而黑雲漸薄。回與青雲接者。賊歸也。銜枚躡其後。擊之可盡擒也。勝啓讀之初。亦莫敢信。已而青黑雲起。具如基言。始以為神。遂奉而破賊。取其城。友諒之丞相胡廷瑞使其子請以洪都降。有所要質。上

關外春秋

卷二十 智將

五

難之。基從後倚所坐胡床。上悟而許之。洪都下苗軍叛。殺金華。括蒼守將田大海。耿再成等。衝人洶洶。其將夏毅憂之甚。迎基入。眾即帖伏。基為移書諸屬邑。俾固守。以俟邵平章之兵。至而悉誅諸叛將。基輒為人言。上神武。必有天下。最爾方氏。不為竇融。當且為田橫。而方氏亦素畏基。甲辭以幣來。基白之。上使受而答之。因騰書。宣言上威德。方氏遂請降。上於軍間有所謀。輒馳使以書叩基。基事事條答。皆懸

中俄驛。召還道建德。而張士誠來寇。李左丞文忠時為帥。奮欲擊之。基使勿擊。日三。日後必走走而尾之。可盡擒也。三日基登城望曰。賊走矣。眾見其壁壘旗幟如故。且聞嚴鼓聲。莫敢發。公復趣之。至其所。則空壁耳。所留皆老弱。俘追而薄之。東陽悉獲其眾。基既還。京入謝。士從容問曰。吾欲取陳友諒。張士誠。而師生謂士誠審適。且富而弱。宜先。若為我策之。基對曰。士誠自守虜耳。陳氏據上游。稱帝。此不宜久。蘊崇

關外春秋

卷二十 智將

其

之。取陳氏。士誠則囊中物耳。而會友諒復攻圍洪都。上遂率師逆擊之。大戰于彭蠡湖。雖小利。而尚未決。基請移軍湖口。以金木相犯。日決。勝。陳氏遂平。置太史令。秩正三品。基領之日中。有黑子。基奏東南當失一大將。俄而參軍胡深伐陳友定。敗沒。上方欲刑人。而基入見。亟語之。夢以頭有血。而土傳之。故欲應之。基曰。頭上血。眾也。而傳以土。得眾。且得土也。應在三日。上為停三日。囚待之。而海寧降。上大悅。悉以

所停囚什基縱歸里焚惑守心群下皆惴惴以
上且有誅戮基密奏宜下書罪已以回天意
上許之衆乃安大旱上特命基驗滯獄
甫決而雨隨注時基最爲上所信鄧所言無
不聽而中書參政張杲寵相軋猶時時念故元
君欲爲元弱明使人上書頌上功德請及時
娛樂侈大宮闕以明得意上出以示基基曰
是欲爲趙高也杲色動心怨基乃使其腹心齊
翼巖伺基陰事欲以中基而杲先坐事誅司天

關外春秋

卷二十 智將

三

臺災翼巖遂飛章告基專擅顧所評皆取上
密旨行或有請而報可者上怒面詰翼巖
等悉得其受杲指狀燦於市上卽位擢御史
中丞領太史令如故諸大典制封賞冊拜皆基
與左丞相李善長學士宋濂計定時處州七縣
糧當加於宋歲額五升而上獨令青田僅以
五升爲額曰令鄉里世世子孫頌劉伯溫也時
丞相善長貴盛基獨事舉與抗議不相下善長不
能平也而適以事見譴意使凌說因彈之基爲

上言李舊勳且能輯和諸將上曰是數欲
害汝汝乃爲之地且汝忠力足任此基叩頭
曰爲巨室者棟必大卽輕易而得小者寧無
爲室憂上乃解一日上欲相中書左丞楊
憲以問基基素與憲善對曰憲有相才無相器
夫宰相者任理爲衡而不以已與乃稱憲寧能
無已也問右丞汪廣洋何如曰此褊淺殆甚於
憲參政胡惟庸何如曰日用之債贖破犂犢也
上曰吾固難之吾之相母逾先生基曰臣非不

關外春秋

卷二十 智將

三

自知弟臣疾惡太甚又不耐繁劇恐孤陛下
恩其後憲以怙寵廣洋以異悞惟庸以大逆皆
不良死而會幸鳳陽基與左丞相居守請
於上謂宋元以寬縱失國且今刑亂用重必
使紀綱肅而後惠政可施乃飭諸道御史一切
按劾權倖無所避而中書省都事李彬坐貪縱
見法丞相以彬省察且素暱之請於基得緩獄
基不聽獄具馳奏報可基卽斬之丞相大志
恨俟上歸而誣基盛夏方祈雨僂人於壇墮

之下非所以奉承天意。上惜基持其章不下，而風基以病請告，就醫青田。時上再幸鳳陽，不能無畫繡，意建為中，而銳欲出塞滅王保保。基瀕行，謂上中都曼衍，非天子居，王保保不可輕也。其後皆如基言。明年大封功臣，手詔叙基勲伐，召赴京師，命兼弘文館學士。已封其祖父皆永嘉郡公，乃封基開國輔運守正文臣資善大夫上護軍誠意伯，勲級猶二品，而祿二百五十石，僅得忠誠伯之半。非

關外春秋

卷二十 智將

毛

璉曰：服闋，亟上之，毋令後人習也。又為一書，大畧勸上以修德省刑，祈天永命。且寬猛若循，環然毋持一端，諸形勢要害之地，宜宿重兵，與京師形勢相終，授其次子仲璟曰：惟庸方在，事上之何益？是不久必敗。敗則上思我，其時可審聞也。基為人剛毅，有大節，慷慨敢言，遇天利害，果勢壯不復反顧，而揣摩事計多中。其於天文尤懸斷不爽。若鬼神。初，上禮重之，呼老先生而不名。又時時謂人伯溫、吾子房也。然

關外春秋

卷二十 智將

手

運籌策授筭遣將推步則周天掌上指擣則千里目前語無不響往鮮空返子房之在三傑獨推天授曲逆之誇六出尚慙鬼謀垂拜相而力辭有餘讓矣甫歸田而論事有餘忠矣

評曰世以誠意伯多帷幄契又善天官家言相率為鬼神之說傳之往往過實天官家言誠巧合命中矣然不名其所繇授死而上之中秘雖其家亦無習者世所傳皆謬故盡緝

闕外春秋

卷二十 智將

三

之不錄大較誠意伯之為人磊落慷慨不愛其奇以佐英主奇人哉至明哲保身之微視少伯子房遠矣

伯溫少讀書寺中一異人每出神則一月後為僧所焚其人神迅夜呼曰我在何處某知之開牕應口我在此神即附之聰明增前數倍天文兵法一覽洞悟翊運為謀臣之冠劉誠意之功大矣而高帝報之輕也吁以術合者也非以天下大策合也

公初見

太祖問能詩乎口能帝方食

指所用班竹箸使賦之公應聲曰一對湘江玉並看二妃曾洒淚痕斑帝掣感口頭巾氣公徐曰漢家四百年天下盡在張良一借間帝大悅時時謂人伯溫吾子房也美哉詩識之矣

太祖親征友諒大戰于彭蠡湖與伯溫皆在御舟觀戰公忽躍起大呼曰難星過可更舟帝如言亟更之坐未定舊舟已為砲擊碎矣

闕外春秋

卷二十 智將

三

上既有天下謂公曰汝既佐朕定天下復有何術以教朕之嫡孫使守天下乎公曰有因具一小篋而用鐵汁灌其鎖以授之及晴難兵入建文君問篋視之則架裝伽黎刺刀度際各一曰此劉公教我我也遂為僧而遁

明奉天翊衛推誠宣力守正文臣特進光祿大夫柱國新建伯南京兵部尚書參贊機務前巡撫江西南贛等處提督軍務都察院右副都御史贈新建侯謚文成王公守仁

守仁字伯安，紹興餘姚人。父華舉進士第一。侍日講，累官南京吏部尚書。母曰鄭夫人，當娠而王母岑媪夢神人袞冕乘五色雲下，抱一兒授之。驚悟，聞啼聲則已生守仁。岑媪以語王父，天叙名之曰雲。五歲尚不能言，一日出從群兒戲，

關外春秋

卷三十一 智將

七

有僧見而撫之曰：是非常兒，奈何！名泄之。耶王父悟，因為更今名，即能言而讀書。即過日成誦十一歲，嘗從父華北上過金山，試之詩，得二絕句，皆奕奕神勝。華以是奇之，然為兒戲，猶故一日之市所，與粥雀者爭，游客熟視之，出篋錢市雀而送守仁歸塾。曰：少年當貴極人臣，立非常功名，且斷他弟子。壽夭貴賤皆驗。守仁自是稍受經術，工屬文。一日謂其師曰：讀書欲何為？師曰：取甲第耳。守仁曰：讀書乃僅取甲第耶？如聖賢何？父華聞而歎曰：異哉！乃欲令我兒見之，然已負其材氣，十五訪客於若庸山海關，時關出塞，與諸屬國夷角射，因縱觀山川形勝，慨然有勒碑燕然志。踰冠舉鄉試，其經術執文益大進，而益好為兵。凡三舉而為會試第二人，遂登甲榜，使治前威寧伯王越墓。守仁少則夢威寧伯贈之寶劍，既葬而其子出威寧伯所佩劍為謝，則宛然若覩矣。益沾沾自喜，還而朝議方急西北邊，守仁為策得入事上之，其言皆警劄，報聞

關外春秋

卷三十一 智將

七

尋授刑部雲南司主事，出決江北囚，事竣游九華諸山，有所遇，遂好神仙之術。明年引疾請告，因築室於陽明洞中，頗習導引，習之久而有若先知者。眾譁且以為仙，而無所得。遂游南屏虎跑諸刹，與諸禪衲偕，往往有所發明。久之乃北上，道山東而巡按御史陸爾聘之主試，補兵部武選司主事。明年中貴人劉瑾等導上為狎遊，南省臺臣戴銑等爭之力，瑾矯旨捕置詔獄。守仁上疏，其言切下之詔獄，廷杖四十，死而復

蘇謫貴州龍場驛丞守仁至錢塘欲緩行而瑾使人尾之急守仁懼不免乃托投江而輕舟自海至閩入武夷山中歸又逾年始之驛又明年瑾伏誅擢知廬陵縣遷南京刑部主事覲事成雷為吏部驗封司主事已同考會試遂超為文選員外郎明年進考功司郎中是時楊一清為太宰器守仁而驟用之其年進南京太僕寺少卿分署滁州而是時王瓊為兵部尚書用事獨奇守仁才以為不世出會南贛汀漳等處俱有

圖外春秋

卷二十

智將

五

山賊憑險阻為亂郡邑苦之乃擢守仁都察院右僉都御史巡撫其地守仁謂巡撫權輕不足以控壓諸道因上奏云古者賞不踰時罰不後事過時而賞與無賞同後事而罰與不罰同况過時而不賞後事而不罰其何以整齊衆心鼓舞士氣誠得以大軍誅賞之法責而行之於平時假臣等令旗令牌便宜行事如是而兵不精賊不平臣無所逃死王瓊讀而歎曰不與此人權將誰與也覆奏改提督軍務兵馬糧餉悉聽

便宜區畫用兵進止不必奏聞文武官逗遛不用命者聽以軍法從事於是守仁得益展才用立兵符申約束且為文撫諸賊詞旨隄測懇至而賊酋黃金巢盧珂鄭志高等相率叛命矣已遂進兵破橫水賊擒其大酋謝志柵等五十六人因使使諭桶岡賊方狐疑未決乘其懈襲擊復破之擒大酋藍天鳳等三十四人斬從賊千一百級俘賊屬數如橫水時湖頭賊尚強而其

圖外春秋

卷二十

智將

五

酋池大鬚等尤黠桀故與降賊盧珂等讐守仁使使以牛酒諭降之乃報曰大鬚等欲歸死而盧珂等將乘隙而掩我家室今者不解甲以自保耳守仁乃陽移文責珂志高等而珂志高等急上變謂大鬚等實挾言以老我王師且列其寇亂狀守仁復陽怒杖責盧珂等下之獄而諭之情復以新曆給大鬚等且諭使來見大鬚遂以其疏勇九十二人裹甲來見守仁為慰諭宴犒之館於祥符宮使更新衣習禮供張儲餼甚

設大鬚等喜過望至正元之次日守仁張樂大宴伏士以待引大鬚等魚貫入即僂之庭無一脫者遂出盧珂等於獄使之歸發兵為鄉導夜半守仁出師與之會遂破利頭石門覆其巢三十餘擒大賊五十八酋斬從賊二千餘餘奔九連山守仁以九連深險不易攻乃使精卒七百衣賊衣佯若奔潰者賊從崖上招呼與相應久而賊覺之則師已度險賊狼狽失據大軍感之皆就縛守仁既已盡得賊地相險要增設和平

閩外春秋

卷二十

智將

三

縣治如初捷上進右副都御史予世官錦衣衛百戶再進副千戶守仁念非王瓊精心任之毋與成名者每疏捷輒歸本瓊不容口而內閣首臣與瓊交惡因而訾及守仁矣時寧王宸濠謀不軌素浮慕守仁而畏其擁強兵上游使腹心劉養正往探之養正故善守仁好講學吊詭而守仁亦使其門人冀元亨應宸濠聘欲以窺其為人語兩不合而罷時福建軍人進貴殺官吏以叛聞詔遣守仁往勸處尋事已平於是

守仁取道南昌歸省抵豐城而宸濠反殺都御史孫燧按察副使許逵劫府庫署置將相劉養正李士實等守仁聞變即返而宸濠已遣兵千人逆之守仁入於漁舟得免是夕抵臨江又三日抵吉安吉安知府伍文定邀守仁起兵討宸濠守仁然之乃與文定計上疏告變而移檄列郡暴宸濠罪俾各率吏士勤王時巡按御史謝源伍希儒自嶺外復命道吉安守仁畱之紀功守仁兵未集而憂宸濠之兵速出日南京

閩外春秋

卷二十

智將

三

空城耳而實無備宸濠至則下矣南京下事未可知也乃為檄檄諸郡邑使備餉云准兵部咨題請都督許泰邵永以邊兵四萬繇陸取鳳陽道都督劉暉桂勇以京邊兵四萬繇水取淮楊道督臣王守仁以兵二萬繇南贛發楊旦以兵八萬自廣西發泰金以兵六萬自湖廣發皆會趨南昌所經繇關供者以軍興法從事又為蠟書貽李士實劉養正云得密示且為為國至意第從史早出足一離省大事濟矣而故繫

宸濠之謀示將斬而令黠校監者偽若與宸濠欵泄而縱之宸濠微得書檄傍徨未決而與士實養正謀則皆勸之疾趨南京即大位宸濠益內疑十餘日而探知中外兵不至乃悟守仁給之畱少兵守城而劫其衆六萬人號十萬襲九江南康皆下之進圍安慶不下守仁兵已集又謀知宸濠離南昌乃大喜整衆至樟樹鎮使精卒四百襲破其伏兵之在新舊廠者躡之至莫士蟻附而上遂破擒其宜春王拱樞中涓四

關外春秋

卷二十 智將

无

等千餘人官人多焚死守仁猶在後軍質明而始知之建大將旗鼓入城申約東拊循其脇從吏士然已不能無所殺傷矣守仁畱二日即發兵贖宸濠宸濠時為安慶所抗氣稍阻而驟聞南昌失守解圍自救守仁使伍文定等以四精卒三千分道逆擊之都指揮余恩以游兵四百往來為疑兵而陳槐等復以兵二千分為十餘軍張疑設伏與文定等密相應與其前鋒遇於黃家渡文定等佯北以致之賊爭利競進而

亂邢珣以所部衝擊斷其中堅文定恩等乘之伏群起賊遂大敗退保八字腦宸濠懼盡發南康九江之城守者以自益守仁乃分兵襲取之明日復大戰我兵少却守仁急命取先却者頭益爭奮擒斬賊二千餘溺水死者以萬計宸濠益大懼乃聯舟為方陣盡出其金銀以賞士而詰責敗者將斬之未決而我兵四面至砲火碎其副舟遂奔潰妃嬪皆與宸濠泣別沈水死遂擒宸濠與其世子眷屬李士賓劉養正數十人

關外春秋

卷二十 智將

早

斬首三千級溺水者二萬餘浮屍衣甲器物巨十餘里尋分道搜捕其餘黨殆盡世宗初召守仁入受封特拜南京兵部尚書叅贊機務遂歸省父華于越尋論功奉天翊衛推誠宣力守正文臣特進光祿大夫柱國新建伯父華亦得封如之時人以為榮而最後田州土守岑猛驕不用命縱兵躡其鄰郡乃召守仁起家以故官兼都察院左都御史總督二廣及江西湖廣四鎮軍務討之守仁且至而徵兵已大集盧蘇等

亦素憎守仁威名。窘甚。守仁意不欲多殺。既抵南寧。卽上疏請一切撫綏。而以便宜悉散其衆。僅留楚兵數千自衛。使之招諭盧蘇王受。皆大悅。率衆掃境。叩南寧爲四營。而各挾其心。脅數百人入見。守仁爲諭之。杖之一百。然聽其人爲伍伯。取完事而已。因改田州爲田寧。赦岑猛之後。與盧蘇王受皆弗誅。因蘇受兵以攻斷藤峽。寇斷藤峽者。卽大藤峽。其中諸徭。上連八寨。下通仙臺。花相諸峒。連絡數十餘。巢盤亘三百里。

閩外春秋

卷二十 智將

十一

數出流劫郡邑。自韓雍大征之後。無能平者。守仁使盧蘇等爲鄉導。扶永順保靖二宣慰土兵。分道深入。大破之。斬敵者三千餘級。而其男女牛馬器械。以萬計。守仁方欲移府治建衛所。增兵設官。次第上疏。而病矣。守仁既病。益甚。上疏乞骸骨。因北歸。度大庾而革。卒於南安舟中。年五十八。隆慶初。用諫官言。贈守仁新建侯。謚文成。賜葬予祭。及贈誥詞。推明爲元勳聖學。正億得副爵。正億卒。子承勳嗣。守仁天資敏敏。絕世

少而好古文辭。爽朗多奇。晚取詞達不能工也。既以氣節名世。又建不世勲。迨有志聖學。一切盡掃去之。而識者不謂盡然。又其慕好之者。亦挾以兩相重。其御烏合。籠豪雋。待宵人。蹈險出危。儼權譎。種種變幻。孔子有云。作易者。其有憂患乎。抑中古以後。不能不爾。

按王公養疴陽明洞時。與布衣許璋善。璋故精於天文地理兵法奇門九遁之學。公之擒逆濠。多得其力。成功歸。贈以金帛。不受。公每

閩外春秋

卷二十 名將

十一

乘筍輿訪之。山中菜羹麥飯。信宿不厭。然則天下未嘗無人也。但惟王公能朝夕之。故功之成也。不曰許璋。而曰王公。嘉靖初。紹興有三尚書。韓公邦問。王公鑑之。及陽明先生也。韓公與先生父海日翁同輩。先生事之甚謹。值冬至節。皆赴公所稱賀。先生貂蟬朝服。乘馬而趨。俄從人報韓尚書在後。先生應下馬執笏立道。左韓公至。不下。與弟拱手曰。伯安行矣。予先往。遂行。先生俟其

過乃上馬當是時韓公儼然以前輩自居先生歆然不以勛臣自重古道兩足徵也評曰見長者言與王公辯不能不心折也即不心折亦不能言勝退而讀其書則平平耳今天下之好稱新建十七八也間有疑之者以其學故若乃起義旅擒叛王不使沈重之尊輕與匹夫角而大事定其功孰能難之

關外春秋

卷二 智將

三

新建之功不在難而在速稍遲則建業下矣又稍遲而六師接江流可購下矣茲其所以偉也

王公云凡人言語正到快意時便戡然能忍默得意氣正到發揚時便翕然能收斂得忿怒嗜欲正到沸騰時便廓然能消化得非天下之大勇不能也然此數病良知之所本無只因良知昏昧蔽塞而後有若良知一提醒時即如白日一出而魍魎自消矣此道學三昧語

其矣哉克己之難也陽明家居時有里人求其處見其佳勝默悔前之未收也忽惕然內訟曰是何心哉有貪心便無恕心矣且悔且訟兩念交戰行里許始化徐以告從行諸弟云然

三立堂新編關外春秋卷之二十

華胥外史漢陽 尹商 于皇甫 著

論曰孔子嘗曰我戰則克又必臨事而懼好謀而成故曰帝王之道出于萬全萬全者貴謀而賤戰也蓋軍書狎至羽檄輻湊妙在窺左足而先應不在恃血氣而虛憍當必審彼己之間而揆勝負之局焉當必韜息然之習而運變化之神焉夫我與敵兩角而互求勝者也兵無常勝而能必敵之可勝兵能必勝而又使敵不知吾

闕外春秋

卷之三十一 謀將

一

之所以勝豈非以謀哉自古破勁敵墮名城必藉已勝之威以氣奪之不則存必勝之術以計取之不則有不敗之策以久持之非智謀孰能當此者乎是故大將臨戎必以謀為本余故選齊管仲等人標為謀將而次其行如左

齊管仲

管夷吾字仲穎人也少時嘗與鮑叔牙游鮑叔善遇之已而鮑叔牙事齊公子小白管仲事公子糾及小白立為桓公公子糾死管仲請囚桓公發兵攻魯心欲殺仲鮑叔曰臣幸得從君君竟以立君將治齊即高侯叔牙足矣君且欲霸王非夷吾不可夷吾所居國國重不可失也於是桓公使鮑叔迎仲及堂阜而脫桎梏齊祓而見桓公桓公厚禮以為大夫任政相齊桓公欲

闕外春秋

卷之三十一 謀將

二

正卒伍修甲兵仲曰君欲如是則大國亦將如是小國諸侯之臣有守圉之備難以速得志于天下公欲速得志于天下諸侯則事有所隱而政有所寓乃作內政而寓軍令焉于是三分齊國以為三軍擇其賢者使為之君制五家為軌軌為之長十軌為里里有司四里為連連為之長十連為鄉鄉有良人以為君令是故五家為軌五人為伍軌長帥之十軌為里故五十里為小戎里有司帥之四里為連故二百人為卒連

長帥之十連為鄉，故二千人為旅，鄉良人帥之。五鄉一師，故萬人一軍。五鄉之師帥之，三軍故有中軍之鼓，有高子之鼓，有國子之鼓。春以田曰蒐，振旅。秋以田曰獮，治兵。是故卒伍政定于里，軍旅政定于郊，內教既成，令不得遷徙，故人與人相保，家與家相愛，少相居，長相游，祭祀相禱，死喪相恤，居處相樂，相和是故夜戰其聲相聞，晝戰其目相見，急難足以相識，歡忻足以相死，以守則固，以戰則勝。君有此教，士以橫行于

閩外春秋

卷之三十一 謀

三

天下誅無道，以尊周室，天下大國之君，莫之能圍也。仲以區區之齊，在海濱，通貨積財，富國彊兵，與俗同好惡，下令如流水之原，俗之所欲，因而予之，俗之所否，因而去之，善因而為福，轉敗而為功，貴輕重，仲有輕重篇慎權衡，桓公實怒少嫺，南襲蔡仲因而伐楚，責包茅不入貢于周，桓公實北征山戎，管仲因而令燕修召公之政，於柯之會，桓公欲背曹沫之約，管仲因而歸之諸侯繇是歸齊，桓公以霸

九合諸侯，一匡天下，管仲之謀也。

按小白以高國陰召入莒，魯亦發兵送公子糾，而使仲別將兵遮莒道，射中小白帶鈞，乃小白佯死以誤仲，已而有高國內應，故得先入立。故小白遺魯書曰：召忽管仲，讐也，請得而甘心焉。後因鮑叔一言，遂出于檻車之中，而加諸羣臣之上，雖仲之忘君以事魯，實桓之知人而善任也。茫茫宇宙，寧復有兩管仲，寧復有兩桓公哉。

閩外春秋

卷之三十一 謀

四

評曰：余讀管氏牧民山高乘馬輕重九府詳哉其言之也，既見其著書，又觀其行事，內政之作，卒伍定于里，而軍政成于郊，故平居恩威足以相服，行陣節制足以相使，猶有三代寓兵于農之遺意焉。蓋欲強兵必先富國，故曰倉廩實而知禮節，衣食足而知榮辱，此管氏之本謀也。卓乎為古今將相之全才也。孔子曰：微管仲吾其被髮左衽矣。又曰：如其仁，左氏曰：管仲之世祀也，宜哉，謂其有禮也。

夫以孔子稱其仁、左丘明稱其有禮、而管氏之後不復見于齊者、余讀其書、大抵以魚鹽富齊耳、然後知刑之不可與民爭也、故桑弘羊滅族、常堅王鉞、楊慎矜王涯之徒、皆不免於禍、孔循誅死、故曰與其有聚斂之臣、寧有盜臣、放于利而行、多怨、可不戒哉、

管仲從桓公伐孤竹、春往而冬反、迷惑失道、仲曰、老馬之智可用也、乃放老馬而隨之、遂得道焉、杜少陵詩云、古來存老馬、不必取長途、用此事也、

闕外春秋

卷之三十一

漢書

五

仲從桓公于家難之後、嗣君新立、國事艸創、一朝圖霸、奔列國于指掌、推勁楚于顧盼、謀若雷動、功若神助、何其雄也、不旋踵而名已登于仙錄、吾想其前苦貧賤、後迫經營、何時聞道而修證乎、管子一書、文冠千古、靈心偉手、又誰授之也、

齊軍師孫臏

臏生阿甄之間、孫武之後也、孫臏嘗與龐涓俱學兵法、龐涓既事魏惠王、得為將軍、而自以為能不及孫臏、乃陰使召孫臏、臏至、龐涓疾其賢于已、則以法刑斷其兩足而黥之、欲隱勿見、齊使者如梁、孫臏以刑徒陰見說齊使、齊使以為奇、竊載與之齊、齊將田忌喜而客待之、忌數與齊諸公子馳逐重射、重射者謂以重相射、即下千金是也孫子見其馬、足不甚相遠、馬有上中下輩、于是孫子謂

闕外春秋

卷之三十一

漢書

六

田忌曰、君第重射、臣能令君勝、田忌信然之、與王及諸公子逐射千金、及臨質、質猶對也、將欲對射之時也孫子曰、今以君之下駟與彼上駟、取君上駟與彼中駟、取君中駟與彼下駟、既馳三輩畢、而田忌一不勝而再勝、卒得王千金、于是忌進孫子於威王、威王問兵法、遂以為師、其後魏伐趙、趙急請救于齊、齊威王欲將孫臏、臏辭謝曰、刑餘之人不可、於是乃以田忌為將、而孫子為師、居懶車中、坐為計謀、田忌欲引兵之趙、孫子曰、夫

解雜亂紛糾者不控捲。故聞者不搏機批亢。擗虛形格勢禁。則自為解耳。今梁趙相攻。輕兵銳卒。必竭于外。老弱罷于內。君不若引兵疾走大梁。據其街路。衝其方虛。彼必釋趙而自救。是我一舉解趙之圍。而收弊于魏也。田忌從之。魏果去邯鄲。與齊戰于桂陵。大破梁軍。後魏與趙攻韓。韓告急於齊。齊使田忌將而往。直走大梁。魏將龐涓聞之。去韓而歸。孫子謂田忌曰。彼三晉之兵素悍勇。而輕齊。齊號為怯。善戰者因其勢。

閩外春秋

卷之三十一 謀將

七

而利導之。兵法百里而趨利者。蹶上將。蹶猶五也。十里而趨利者。軍半至。使齊軍入魏地。為十萬。竈明日為五萬。竈又囑法為二萬。龐涓行三日。大喜曰。我固知齊軍怯。入吾地三日。士卒亡者過半矣。乃棄其步軍。與其輕銳倍日并行逐之。孫子度其行。暮當至馬陵。馬陵道狹而旁多阻隘。可伏兵。乃砍大樹白而書之曰。龐涓死于此樹之下。於是令善射者萬弩夾道而伏。期日暮。見火舉而俱發。龐涓果夜至斫樹下。見白書。

乃鑽火燭之。讀未畢。齊軍萬弩俱發。魏軍大亂相失。龐涓自知智窮兵敗。乃自剄曰。遂成孫子之名。齊因勝盡破其軍。虜魏太子申。以歸。孫臏以此名顯天下。世傳其兵法。

按孫臏前與田忌救趙。則使之疾走大梁。而令龐涓釋趙以自救。後與田忌救韓。則直走大梁。而又且滅竈以示怯。兵法所謂攻其所必救。能而示之不能也。評曰。士不困阨不能激。當孫臏入魏。龐涓以法刑斷其融足而黥。

閩外春秋

卷之三十一 謀將

八

之。臏之困阨極矣。困阨之極。其思必深。其慮必遠。故其機變日出而無窮。是以疾走大梁。揣龐涓之輕之也。而以為怯。日為滅灶。則可以堅其輕我之心。而倍日併行以逐之。既倍日併行以逐。則旁多阻隘。彼且不及蒐。而吾可設伏以襲之。是為藏于九地之下。動乎九天之上。不必兩陣相交。而勝負已決矣。臏既斫大樹白而書之。涓果燭白書而讀之。真算無遺策也。臏之用兵神矣哉。

魏將軍西河守吳起

起，衛人也。好用兵，嘗學於曾子。事魯君，齊人攻魯，魯欲將吳起，起取齊女為妻，魯疑之。吳起欲就名，遂殺其妻，以明不與齊也。魯卒以為將，將而攻齊，大破之。魯人或惡吳起，曰：「起，猜忍人也。其少時，家累千金，游仕不遂，遂破其家，鄉黨笑之。吳起殺其誘已者三千餘人，而東出衛郭門，與其母訣，齧臂而盟，曰：『起不為卿相，不復入衛。』」遂事曾子，居頃之，其母死，起終不歸，曾子薄之。

問外春秋

卷之三十一

詳將一

九

與起絕，起乃之魯，以兵法事魯君。魯君疑之，起殺妻以求將。夫魯小國而有戰勝之名，則諸侯圍解矣。且魯衛兄弟之國也，而君用起，是棄衛也。魯君疑之，謝吳起，起問魏文侯賢往事之文侯，問李克曰：「吳起何如人哉？」克曰：「起貪而好色，然用兵，司馬穰苴不能過也。遂以為將，擊秦，拔五城，起為將，與士卒最下者同衣食，臥不設席，行不騎乘，親裹贏糧，與士卒分勞苦，卒有病疽者，起為吮之。卒毋聞而哭之，人曰：『子卒也，而將

軍自吮其疽，何哭焉？母曰：『非然也。往年吳公吮其父，其父戰不旋踵，遂死于敵。今又吮其子，妾不知其死所矣，是以哭之。』文侯以吳起善用兵，廉平，盡能得士心，乃以為西河守，以拒秦韓。魏文侯既卒，起事其子武侯。武侯浮西河而下，中流，顧吳起曰：「美哉！乎山河之固，此魏國之寶也。」起對曰：「在德不在險。昔三苗氏左洞庭，右彭蠡，德義不修，禹滅之。夏桀之居左河濟，右太華，伊闕在其南，羊腸在其北，修德不仁，湯放之。商紂

問外春秋

卷之三十一

詳將一

十

之國，左孟門，右太行，常山在其北，太河經其南，修政不德，武王殺之。繇此觀之，在德不在險。若君不修德，舟中之人盡敵國也。」武侯曰：「善。」即封吳起為西河守，甚有聲名。魏置相，相田文，吳起不悅，謂文曰：「請與子論功可乎？」田文曰：「可。」起曰：「將三軍，使士卒樂死，敵國不敢謀，子孰與起？」文曰：「不如子。」起曰：「治百官，親萬民，實府庫，子孰與起？」文曰：「不如子。」起曰：「守西河，而秦兵不敢東鄉，韓趙賓從，子孰與起？」文曰：「不如子。」起曰：「此三者

子皆出吾下而位加吾上何也文曰主少國疑大臣未附百姓不信方是之時屬之于子乎屬之于我乎起默然良久曰屬之子矣文曰此乃吾所以居子之上也田文既死公叔為相尚魏公主而害吳起吳起懼得罪遂去即之楚楚悼王素聞起賢至則以為相明法審令捐不急之官廢公族疏遠者以撫養戰鬪之士要在強兵破馳說之言縱橫者于是南平百越北并陳蔡却三晉西伐秦諸侯患楚之強故楚之貴戚盡

闕外春秋 卷之二十一 十一

欲害吳起及悼王死宗室大臣作亂而攻吳起因射刺之太子立乃使令尹盡誅射吳起者坐而夷宗死者七十餘家

按吳子殺妻拜將是薄于妻殺謗已者三千餘人是薄于鄉母死終不歸是薄于親起蓋忍人也是以始事魯而魯君疑之中事魏而魏君疑之後事楚而楚殺之錄于孫行之不良也

評曰兵法視卒如愛子故可與之俱死起之

善撫士卒至承躬為吮疽人情所最難也故其為將歷魯魏楚凡三國而所向輒有功若對武侯云在德不在險卓哉千古名將也第論相而謂于田文辭公主則賣于公孫之僕豈尺有所短乎

闕外春秋 卷之二十一 十一

北齊書

齊將軍安平君田單

田單者齊諸田疏屬也。為臨菑市掾，不見知。及燕使樂毅伐齊，破之。潛王出奔，保莒城。燕師長驅平齊，而田單走安平，令其宗人盡斷其車軸，末而傅鐵籠音已。而燕軍攻安平，城壞，齊人走，爭塗，以轆折車敗。音也音也為燕所虜。唯田單宗人以鐵籠故得脫。東保，即墨。燕既盡，降齊城，唯獨莒。即墨不下，燕軍聞齊王在莒，并兵攻之。淖齒殺潛王于莒，因堅守莒城，以距燕。數年

外春秋

卷之二十一

七

不下。燕引兵東圍即墨，即墨大夫出戰死。城中相與推單曰：「安平之戰，田單宗人以鐵籠得全，習兵，立以為將軍，以距燕，頃之，燕昭王卒，惠王立，與樂毅有隙。」田單問之，乃縱反。問曰：「齊王已歿，城之不拔者二耳。樂毅畏誅而不敢歸，以伐齊為名，實欲連兵南面而王齊。齊人未附，故且緩攻，即墨以待其事。齊人所懼，唯恐他將之來，即墨殘矣。」燕王以為然，使騎劫代樂毅。樂毅曰：「歸趙。」而田單乃令城中人食必祭其先祖于庭，

飛鳥悉翔舞城中，下食。燕人怪之。田單因宣言曰：「神來下教我。」乃令城中人曰：「當有神人為我。」

師有一卒曰：「臣可以為師乎？」因反走。田單乃起，引還東郭，坐師事之。卒曰：「臣欺君，誠無能也。」田單曰：「子勿言也。」因師之。每出約束，必稱神師。乃宣言曰：「吾唯恐燕軍之剿，所得齊卒，置之前行，與我戰，即墨敗矣。」燕人聞之，如其言。城中人見齊諸降者盡剿，皆怒，堅守。唯恐見得。單又縱反。問曰：「吾懼燕人掘吾城外塚墓，修先人，可為寒

外春秋

卷之二十一

七

心。燕軍盡掘塋墓，燒死人。即墨人從城上望見，皆涕泣，其欲出戰，怒自十倍。田單知士卒可用，乃身操版插，與士卒分功。妻妾編于行伍之間，盡散飲食饗士。令甲卒皆伏，使老弱女子乘城。遣使約降于燕。燕軍皆呼萬歲。田單又收民金，得千鎰，令即墨富家遺燕將曰：「即墨即降，願無擄掠吾族。家妻妾，令安堵。」燕將大喜，許之。燕軍繇此益懈。田單乃收城中得千餘牛，為絳緗，皆畫以五彩龍文，束兵刃于其角，而灌脂，乘葦于

尾燒其端鑿城數十穴。夜縱牛壯士五千人隨其後。牛尾熱怒而走。燕軍夜大驚。牛尾炬火光明並耀。燕軍視之皆龍文。所觸盡死傷。五十八人因衝枚擊之。而城中鼓譟從之。老弱皆擊銅器爲聲。聲動天地。燕軍大駭。敗走。齊人遂夷殺其將騎劫。追亡逐北。所過城邑皆畔燕。復歸田單。田單乘勝卒至河上。而齊七十餘城皆復爲齊。乃迎襄王于莒。人臨淄。襄王封田單號曰安平君。

闕外春秋

卷之三十一

謀將

五

按田單之破燕有二。內以示已之強。而怒之外。以示敵之弱。而驕之。怒則盛。驕則墮。且歸兵法曰。朝氣盛。晝氣墮。暮氣歸。齊人得之。朝而燕軍乃坐。晝暮之敝焉。故齊乘其亂。一擊而亡。無他。齊孤旅也。而燕戰勝。又老其師也。評曰。太史公有言。兵以正合。以奇勝。善之者出奇無窮。正還相生。如環之無端。其田單之謂耶。單之令城中人。每食祭祖。而引飛鳥下集。正爲神來教我計也。以一卒爲神師。而動

稱神師者所以愚士卒也。宜言唯恐燕人剗齊降卒。掘齊墓塚。所以激士卒也。與士卒分功而又饗士者。所以撫士卒也。遣使納降。又令富家遺燕將金者。皆所以玩弄敵人也。既設若干詭計。又度其士卒可用。乃以火牛攻之。得未曾有。殆兵法之無窮。若天地變幻。若鬼神者歟。

闕外春秋

卷之三十一

謀將

五

漢後將軍衛尉前少府大將軍護軍都尉營平

壯侯趙克國

克國字翁孫隴西上邽人始為騎士以六郡良
家子善騎射補羽林為人沉勇有大略少好將
帥之節而學兵法通知四夷事武帝時以假司
馬從貳師將軍擊匈奴大為虜所圍漢軍乏食
數日死傷者多克國乃與壯士百餘人潰圍陷
陳貳師引兵隨之遂得解身被二十餘創貳師
奏狀詔徵克國武帝親見視其創嗟嘆之拜為

關外春秋

卷之三十一

謀將

七

中郎遷車騎將軍長史昭帝時武都氏人反克
國以大將軍護軍都尉將兵擊定之遷中郎將
屯上谷擊匈奴獲西祁王擢為後將軍與大將
軍霍光定冊尊立宣帝封營平侯歷後將軍少
府是時光祿大夫義渠安國使行諸羌先零蒙
言願時渡湟水北逐民所不田處畜牧安國以
聞克國劾安國奉使不敬是後羌人旁緣前言
抵目渡湟水郡縣不能禁先零遂與諸羌種豪
二百餘人解仇交質盟詛上聞之以問克國對

曰羌人所以易制者以其種自有豪數相攻擊
執不一也往三十餘歲西羌反時亦先解仇合

約攻令居與漢相距五六年廼定至征和五年
先零蒙封煎等通知匈奴匈奴使人至小月氏
傳告諸羌曰漢貳師將軍眾十餘萬人降匈奴
羌人為漢事苦張掖酒泉本我地地肥美可共
擊居之以此觀匈奴欲與羌合非一世也云
宜及未然為之備後月餘羌侯狼何果遣使至
匈奴藉兵欲擊鄯善燉煌以絕漢道克國以為

關外春秋

卷之三十一

謀將

八

狼何小月氏種在陽關西南勢不能獨造此計
宜遣使者行邊兵豫為備救視諸羌毋令解仇
以發覺其謀于是兩府復白遣義渠安國行視
諸羌安國至召先零諸豪三十餘人以尤桀黠
皆斬之縱兵擊其種人斬首千餘級于是諸降
羌及歸義羌侯楊玉等恐怒亡所信鄉遂劫略
小種背畔犯塞攻城邑殺長史安國以騎都尉
將騎三千屯備羌為虜所擊失車重兵器甚
眾安國引還至今居以聞時克國年七十餘上

老之使丙吉問誰可將者克國對曰臣請于老臣者矣上問將軍度羌虜何如當用幾人克國曰百聞不如一見兵難諭度臣願馳至金城圖上方略願陛下以爲老臣勿以爲憂上笑曰諾克國至金城須兵滿萬騎欲渡河恐爲虜所遮卽夜遣三校銜枚先渡渡輒營陳會明畢遂以次盡渡虜數百騎來出入軍旁克國曰吾士馬新倦不可馳逐此皆驍騎難制又恐其爲誘兵也擊虜以殄滅爲期小利不足貪令軍勿擊

關外春秋 卷之二十一 謀將 九

遣騎侯四望陔中虜夜引兵上至落都召諸校司馬謂曰吾知羌虜不能爲兵矣使虜發數千人守杜四望陔中兵豈得入哉克國常以遠斥侯爲務行必爲戰備止必堅營壁尤能持重愛士卒先計而後戰遂西至西部都尉府日饗軍士士皆欲爲用虜數挑戰克國堅守捕得生口言羌豪相數責曰語汝反今天子遣趙將軍來年八九十矣善爲兵今請欲一鬪而死可得邪初罕开豪靡當兒使弟離庫來告都尉曰

先零欲反後數日果反離庫種人頗在先零中都尉卽留離庫爲質克國以爲亡罪迺遣歸告種豪大兵誅有罪者明白自別毋取并滅克國計欲以威信招降罕开及劫略者解散虜謀倣極迺擊之酒泉太守辛武賢奏言今虜朝夕爲寇土地寒苦漢馬不能冬屯兵在武威張掖酒泉萬騎以上皆多羸瘦可益馬食以七月上旬齋三十日糧分兵並出張掖酒泉合擊罕开在鮮水上者虜以畜產爲命皆離散兵卽分出雖

關外春秋 卷之二十二 謀將 三

不能盡誅直奪其畜產虜其妻子復引兵還冬復擊之大兵仍出虜必震壞天子下其書克國令與校尉以下吏士知羌事者博議克國以爲武賢云此殆空言也先零首爲畔逆它種劫略故臣愚冊欲捐罕开開昧之過隱而勿章先行先零之誅以震動之宜悔過反善因赦其罪選擇良吏知其俗者拊循和輯此全師保勝安邊之策天子下其書公卿議者咸以爲先零兵盛而負罕开之助不先破罕开則先零未可圖

也。上乃拜侍中樂成侯許延壽為強弩將軍。即拜酒泉太守武賢為破羌將軍。賜璽書嘉納其冊。以善救議克國。克國既得讓。以為將任兵在外。便宜有守以安國家。迺上書謝罪。因陳兵利害。口臣竊見騎都尉安國。前幸賜書。擇羌人可使。使罕論告以大軍當至。漢不誅罕。以解其謀。恩澤其厚。非臣下所能及。臣獨私美陛下盛德。至計已。故遣开豪雕庫。宣天子至德。罕开之屬。皆聞知明詔。今先零羌楊玉。將騎四千。及煎

圖外春秋 卷之二十一 謀將一

鞏騎五千。阻石山木。侯便為寇。罕未有所犯。今置先零先擊罕。釋有罪誅亡辜。起一難就兩害。誠非陛下本計也。臣聞兵法。攻不足者守有餘。又曰善戰者致人不致于人。今罕羌欲為燉煌。酒泉寇。宜飭兵馬。練戰士。以須其至。坐得致敵之術。以逸擊勞。取勝之道也。今恐二部兵少。不足以守。而發之。行攻。釋致虜之術。而從為虜所致之道。愚以為不便。先零羌虜欲為背畔。故與罕开解仇。結約。然其私心。不能不恐。漢兵至

而罕开背之也。臣愚以為其計常欲先赴罕开之急。以堅其約。先擊罕羌。先零必助之。今虜馬肥。糧食方饒。擊之恐不能傷害。適使先零得施德于罕羌。堅其約。合其黨。虜交堅。黨合。精兵二萬餘人。迫脅諸小種。附著者稍眾。莫須之屬。不輕得離也。如是虜兵寢多。誅之用力數倍。臣恐國家憂累。錄十年數不二三歲而已。臣得蒙天子厚恩。父子俱為顯列。臣位至上卿。爵為列侯。犬馬之齒七十六。為明詔填溝壑。死骨不朽。以

圖外春秋 卷之二十一 謀將一

所顧念。獨思惟兵利害至熟悉也。於臣之計。先誅先零已。則罕开之屬。不煩兵而服矣。先零已誅。而罕开不服。須正月擊之。得利之理。又其時也。以今進兵。誠不見其利。唯陛下裁察。璽書報從克國計焉。克國引兵至先零在所。虜久屯聚。解弛。望見大軍。棄車重。欲渡涼水道。阨狹。克國徐行驅之。或曰逐利行進。克國曰。此窮寇不可迫也。緩之則走。不顧。急之則還。致死。于是虜赴水溺死者數百。降及斬首五百餘人。虜馬牛羊

十萬餘頭車四千餘輛兵至旱地令軍毋懈聚落芻牧田中旱羗聞之喜曰漢果不擊我矣羗靡忌使人來言願他還復故地克國以聞未報靡忌來自歸克國賜飲食遣還諭種人護軍以下皆爭之曰此反虜不可擅遣克國曰諸君但欲便文自營非為公家忠計也語未卒羗書報令靡忌以贖論後旱卒不煩兵而下其秋克國病上賜書曰將軍年老加疾朕甚愛之今詔破羗將軍詣屯所為將軍副急因天時大利吏士

關外春秋

卷之三十一 謀將

重

銳氣以十二月擊先零羗即疾劇留屯毋行獨遣破羗羗弩將軍時羗降者萬餘人矣克國度其必壞欲罷騎兵屯田以待其敝作奏未上會得進兵單書克國子中郎將引懼使客諫克國曰誠令兵出破軍殺將以傾國家將軍守之可也即利與病又何足爭一旦不合上意遣繡衣來責將軍將軍之身不能自保何國家之安克國嘆曰是何言之不忠也往者舉可先行羗者吾舉辛武賢丞相御史復白遣義渠安國竟沮

敗羗云吾國以死守之明主可為忠言遂上屯田奏曰臣聞兵者所以明德除害也故與得於外則福生于內不可不謹臣所將吏士馬牛食日用糧穀若干鹽若干芟橐若干難久不解繇役不息又恐他夷卒有不虞之變相因並起為明主憂且羗虜易以計破難用兵碎也故臣愚以為擊之不便計度臨羗東至滿堂羗虜故田及公田民所未墾可二千頃願罷騎兵留弛刑應募及淮陽汝南步兵與吏士私從者合凡

關外春秋

卷之三十一 謀將

重

萬二百八十一人用穀月若干鹽若干分屯要害田事出賦人貳十晦至四月草生發郡騎及屬國胡騎抗健各千餘馬什二就草為田者遊兵以克入金城郡益積畜省大費今大司農所轉穀至者足支萬人二歲食謹上田處及器用簿唯陛下裁許上報曰欲罷騎兵萬人留田即如將軍計虜當何時伏誅兵當何時得決熟計其便復奏克國上狀曰臣聞帝王之兵以全取勝是以貴謀而賤戰蠻夷習俗雖殊于禮義之

國然其欲避害就利。愛親戚。畏死。一也。今虜
臣其美地薦草。愁于寄托。遠遯骨肉。離心人有
畔志。而明王班師罷兵。萬人留田。順天時。因地
利。以待取勝之虜。雖未即伏辜。兵決可期。月而
望。臣謹條不出兵留田便宜十二事。上復賜報
云。克國復奏曰。臣聞兵以計為本。故多算勝
少算。先零羌精兵。今餘不過七八千人。失地遠
客。分散饑凍。罕開莫須。又頗暴畧其羸弱畜產。
時還者不絕。皆聞天子明令。擄捕斬之賞。臣愚

關外春秋

卷之三十一 謀將

五

以為虜破壞。可日月冀。遠在來春。故曰兵決可
期。月而望。竊見北虜自燉煌至遼東。萬一千五
百餘里。乘塞列隊。有吏卒數千人。虜數大衆。攻
之而不能害。今留步士萬人屯田地。執平易。多
高山遠望之。便部曲相保。為壘。木樵。校。聯。不
絕。臣愚以為屯田內有區費之利。外有守禦之
備。騎兵雖罷。虜見萬人留田。為必擒之。具其土
崩歸德。宜不久矣。從今盡三月。虜馬羸瘦。必不
敢捐其妻子于宅。種中遠涉河山而來。為寇。又

見屯田之士精兵萬人。終不敢復將其累。還
歸故地。是臣之愚計。所以度虜且必瓦解其處。
不戰而自破之冊也。臣竊自惟念。奉詔出塞。引
軍遠擊。窮天子之精兵。散車甲于山野。雖尺
寸之功。始得避憐之便。而臣後咎餘責。此人臣
不忠之利。非明主社稷之福也。云。愚臣伏計
熱甚。不敢避斧越之誅。昧死陳愚。唯陛下省察。
克國奏每上。輒下公卿議。臣初是克國計者。什
三中什五。最後什八。有詔詰前言不便者。皆須

關外春秋

卷之三十一 謀將

五

首服。丞相魏相曰。臣愚不習兵事。利害。後將軍
數畫軍冊。其言常是。臣任其計。可必用也。上于
是報克國曰。將軍計善。其上屯田及當罷者。人
馬數。將軍雖貪。謹兵事自愛。上以破羌強弩將
軍。數言當擊。又用克國屯田處。離散。恐虜犯之。
于是兩從其計。詔兩將軍與中郎將。叩出擊。強
弩出降四千餘人。破羌斬首二千級。中郎將。叩
斬首降者亦二千餘級。而克國所降。復得五千
餘人。詔罷兵。獨克國留屯田。明年五月。克國奏

請罷屯兵奏可。克國振旅而還，所善浩星賜說。克國曰：衆人皆以破羌強弩出擊，多斬首獲降，虜以破壞，然有識者以爲虜執困窮，兵雖不出，必自服矣。將軍卽見宜歸功于二將軍，如此將軍計未失也。克國曰：吾年老矣，爵位已極，豈嫌伐一時事以欺明主哉？兵勢國之大事，當爲後法。老臣不以餘命一爲陛下明言兵之利害，卒死，誰當復言之者？本以其計對上，然其計罷遣辛武賢歸酒泉太守官，克國復爲後將軍，衛尉。

蘭外春秋 卷之三十一 謀將 三

其秋羌若零離留等共斬先零太豪，猶非楊玉首。及諸豪弟澤等皆帥前鞏黃瓶之屬四千餘人降漢，封若零弟澤等爲帥，衆王爲侯，爲若爲言兵侯，爲獻生君，初置金城屬國，以處降羌。詔舉可護羌校尉者，時克國病，四府舉辛武賢小弟湯，克國遂起奏湯使酒不可蠻夷，不如湯兄臨衆時湯已拜受節，有詔更用臨衆病免。五府從舉湯酒數醉，酌羌人，羌人反畔，卒如克國之言。朝廷每有四夷大議，常與參兵謀，問籌策焉。

年八十六薨謚壯侯

按克國屯田乃兵家詭計，不惟漢廷君臣及先零罕开爲所惑，班孟堅作傳亦不識其幾而言之娓娓也。克國知先零罕开乃烏合之衆，勢不能久，故以計挫之，但願至金城圖上方略。又曰：兵以全取勝，及到彼只欲爲屯田計，凡與漢廷往復論難者，不過糧草多寡，初不露幾也。羌人實不可久留，又見其設施出于意外，遂輸款而退。克國亦奏凱而還，在邊

蘭外春秋 卷之三十一 謀將 三

自冬徂夏，原不曾取得一粒穀，想亦不曾下種。不然五月穀已德，豈肯留以遺羌人耶？屯田上奏以六月戊申，璽書報可以七月甲寅，屈指纔七日耳，可見漢時御軍之法，簡肅精明，無壅蔽沮抑之患。若我朝邊報一到，閣臣漫批云：該部議覆，及到部又會同某官某官共議，凡數轉而復報聞，卽極速要匝月矣。安得不稽悞軍機，安得不破壞封疆，憂危之士當謀所以破舊例也。

評曰趙翁孫老成持重先計而後戰而又遠斥侯愛士卒行必爲戰備止必爲營壘蓋老于用兵者是以對武帝云亡踰于老臣又云願陛下以屬老臣勿以爲憂自任抑何雄也乃若至金城夜遣三校銜枚渡河至先零在所虜欲渡湟水而徐行駢之皆合古兵法非徒以老革自負者矣及帝賜璽書曰五星出東方中國大利太白出高州敢戰者吉誦讓頗甚而翁孫不爲動必不肯釋致虜之術而

簡外春秋

卷之三十一

謀將

完

徒爲虜所致之道則其見之真而守之定也所以史稱其功德與霍子孟等而圖形未央宮歟
李溫陵云兵事不必盡言武賢決當薦用浩星賜之言千載不可易也其然是翁孫但保全功名而不爲上明言利害正所謂人臣不忠之利非明主社稷之福也將在外當便宜有守以安國家翁孫計之熟矣

後漢討虜將軍上谷太守淮陵侯王霸霸字元伯潁陽人世好文法少爲獄吏常慷慨不樂吏職漢兵起光武過潁陽霸率賓客上謁曰將軍興義兵竊不自量貪慕威德願克衛伍光武曰夢想賢士共成功業豈有二哉遂從擊破王尋等于昆陽還休鄉里後從光武于洛陽光武爲大司馬以霸爲功曹令史及玉郎起光武在薊郎移檄購光武光武令霸至市中募人將以擊郎市人皆大笑舉手邪揄之霸慚慙而

簡外春秋

卷之三十一

謀將

完

還光武卽南馳至下曲陽傳聞王郎兵在後從者皆恐及至滹沱河侯吏還曰河水流漸無船不可濟官屬大懼光武令霸往視之霸恐驚衆欲且前阻水還卽詭曰兵堅可渡官屬皆喜光武笑曰侯吏果妄語也遂前比至河河水亦合乃令霸護渡未畢數騎而水解光武謂霸曰安吾衆得濟免者卿之力也霸謝曰此明公至德神靈之祐也光武謂官屬曰王霸權以濟事殆天瑞也以爲軍正爵關內侯既至信都破拔卽

帝追斬王郎得其璽綬封王鄉侯從平河北常
與賊宮俊共營霸獨善撫士卒死者脫衣以
飲之傷者躬親以養之光武即位以霸曉兵愛
士可屬任拜為偏將軍并將城宮傳俊兵而以
宮俊為騎都尉建武二年更封富波侯帝使霸
與捕虜將軍馬武東討周建於垂惠蘇茂將五
校兵四千餘人救建而先遣精騎遮擊馬武軍
糧武往救之建從城中出兵來擊武武恃霸之
援戰不甚力為茂建所敗武軍奔過霸營大呼

關外春秋 卷之三十一 謀將 三

求救霸曰賊兵盛出必兩敗努力而已乃閉營
堅壁軍吏皆爭之霸曰茂兵精銳其衆又多吾
吏士心恐而捕虜與吾相持兩軍不一此敗道
也今敗營固守示不相援賊必乘勝輕進捕虜
無救其戰自倍如此茂衆疲勞吾乘其弊乃可
尅也茂建果悉出攻武合戰良久霸軍中壯士
路澗等數十人斷髮請戰霸知士心銳乃開營
後出精銳襲其背茂建前後受敵驚亂敗走霸
武各歸營賊復聚衆挑戰堅固不出方饗士作

倡樂茂雨射營中中霸前酒樽安坐不覺
皆曰茂前日已破今易擊也霸曰不然蘇茂客
兵遠來糧食不足故數挑戰以微一功之勝今
閉營休士所謂不戰而屈人之兵善之善者也
茂建既不得戰乃引還營其夜建兄子誦反閉
城拒之茂建遁去誦以城降五年春帝使太中
大夫持節拜霸為討虜將軍遷上谷太守領屯
兵如故更封向侯時盧方與匈奴烏桓連兵寇
盜尤數緣邊愁苦詔霸將弛刑徒六千餘人與

關外春秋 卷之三十一 謀將 三

杜茂治飛狐道堆石布土築起亭障自代至平
城三百餘里與匈奴烏桓大小數百戰頗識邊
事數上書言宜與匈奴結和親又陳委輸可從
温水漕以省陸轉輸之勞事皆施行霸居上谷
二十餘歲三十年定封淮陵侯永平二年以病
免卒
按王霸詭言冰堅可渡者欲前阻水以拒敵
即韓信背水立陣之意耳及至河而水果合
雖河伯之效順亦天命之攸歸也其後帝命

其處爲危渡口。所以示天幸不可恃。以垂戒。子孫足見其大度也。石勒擊劉曜濟自大塢。以河水泮爲神助。號爲靈昌津。此其視光武遠矣。若魏爾宋兆從西河梁西渡。襲京邑。先是河神通夢于河邊人曰。朱家欲渡河。用余作。澗波津。令爲之縮水脉。及兆至。有行人自言。知水淺處。以草表插而導道焉。兆遂策馬而渡。此叛臣也。而河伯亦相之。何歟。評曰。王霸善撫士卒。深識機宜。光武遂以爲

閩外春秋

卷之三十一 謀將

重

可獨任。拜倫將軍。不救馬武。而使之力戰。倉卒中。那得有此奇善。合于兵法。不巳。而關之訣。若周誦閉門而拒。及建則又以人力迎天者也。

後漢征西大將軍行天水太守事陽夏節侯爲

異

異字公孫。潁川父城人。好讀書。通左氏春秋。孫子兵法。漢兵起。異以郡掾監五縣。與父城長苗萌共城守。爲王莽拒漢。光武略地潁川。攻父城不下。屯兵中車鄉。異間行屬縣。爲漢兵所執。因得召見。異願歸。據五城以報德。光武遣之。異謂苗萌曰。諸將多暴橫。獨劉將軍不虜掠。觀其言語舉止。非庸人也。可以歸身。萌從其計。光武以爲

閩外春秋

卷之三十一

謀將

重

司隸校尉道經父城。異開門奉牛酒迎。光武以異爲主簿。及王郎起。光武自薊東南馳。晨夜草舍。至饒陽蕪蕪亭。時天寒冽。衆皆饑疲。異上豆粥。明旦。光武謂諸將曰。昨得公孫豆粥。饑寒俱解。及至南宮。遇大風雨。光武引車入道旁空舍。異抱薪。鄧禹焚火。光武對竈燎衣。異復進麥飯。菟肩。因復渡滹沱河。異爲人謙退。不伐行。與諸將相逢。輒引車避道。進止皆有表識。軍中號爲整齊。每所止舍。諸將並坐論功。異常獨屏樹下。

軍中號曰大樹將軍及破邯鄲乃更部分諸將各有配隸軍士皆言願屬大樹將軍光武以此多之時更始遣舞陰王李軼大司馬朱鮪將兵號三十萬與河內太守武勃共守洛陽光武將北徇燕趙以魏郡河內城邑完全舍原實乃拜寇恂為河內太守異為孟津將軍統二郡軍河上與恂合勢以拒朱鮪等異乃遣李軼書勸其亟定大計轉禍為福初軼與光武首結謀約加相親愛及更始立反其爵伯升雖知長安已危

關外春秋

卷之三十一

謀將

註

欲降又不自安乃報異書曰軼本欲蕭王首謀造漢結死生之約今軼守洛陽將軍鎮孟津千載一會思成斷令唯深達蕭王願進愚策以佐國安人軼自通書之後不復與異爭鋒故異曰此得北攻天井關拔上黨兩城又南下河南成阜以東十三縣武勃將萬餘人與異戰于士鄉下士鄉在軼異斬勃獲首五千餘級軼又閉門不救異見其信効具以奏聞光武故宜露軼書令朱鮪知之鮪怒遂使人刺殺軼由是城中乖離多

有降者建武二年春定封異陽夏侯音時赤眉延岑暴亂三輔郡縣大姓各擁兵衆大司徒鄧禹不能定乃遣異代禹討之車駕送至河南賜以乘輿七尺貝劔勅異曰三輔遭王莽更始之亂重以赤眉延岑之酷元元塗炭無所依訴今之征伐非必略地屠城要在平定安集之耳音時赤非不健聞然好虜掠卿本能御史士念自修功無為郡縣所苦異頓首受命引而西所至皆布威信弘農羣盜并將軍者十餘輩皆率衆

關外春秋

卷之三十一

謀將

美

降異異與赤眉遇于華陰相拒六十餘日戰數十合降其將劉始王宣等五千餘人三年春遣使者即拜異為征西大將軍會鄧禹率車騎將軍鄧洪等引歸與異相遇禹洪要異兵攻赤眉異曰異與賊相距且數十日雖屢獲雄將餘衆尚多可稍以恩信傾誘難卒用兵破也上令使諸將屯澠池要其東而異擊其西一舉取之此萬成計也禹洪不從遂與賊戰移日赤眉佯敗棄輜重走車皆載土以豆覆其上兵士饑爭取

之赤眉還擊洪、洪軍潰亂，異與禹合兵救之。赤眉小卻，異以士卒饑倦可且休，禹不聽。復戰，大為所敗，死傷者三千餘人。禹得脫歸宜陽，異棄馬步走上回谿阪，與麾下數人歸營，乃堅壁不出，收其散卒，招集諸營堡數萬人，與賊約期會戰。使壯士變服，與赤眉同伏于道側。且日赤眉使萬人攻異前部，異裁出以救之。裁，小出兵所賊見勢弱，遂悉眾攻異，異乃縱兵大戰，日晏，賊氣衰，伏兵卒起，衣服相亂，赤眉不復識別，眾遂

關外春秋 卷之三十一 謀將 三

驚潰，追擊大破之，降男女八萬人，餘眾尚十餘萬。東走宜陽，帝降璽書勞異曰：赤眉破平，吏士勞苦，始雖重趨回谿，終能奮翼澠池，可謂失之東隅，收之桑榆。方論功賞，以答大勳。異自以久在外不自安，上書思慕闕廷，願親帷幄。帝不許。後人有上章言異專制關中，威權至重，百姓歸心，號為咸陽王。帝使以章示異，異怖懼陳謝。詔報曰：將軍之于國家，義為君臣，恩猶父子，何嫌何疑而有懼意。六年春，異朝京師，帝謂公卿曰：

是我起兵時主簿也。為吾披荊棘，定關中，旣罷賜以珍寶衣服錢帛。詔曰：倉卒蕪蕪亭豆粥，澠池河麥飯，厚意久不報。異稽首謝曰：臣聞管仲謂桓公曰：願君無忘射鉤，臣無忘檻車。齊國賴之。臣今亦願國家無忘河北之難。小臣不敢忘中車之恩。後諸將為隗囂所敗，乃詔異軍拘邑未及至，隗囂乘勝使其將王元行巡將二萬餘人下隴，因分遣巡取拘邑。異即馳兵欲先據之。諸將皆曰：虜兵盛而新乘勝，不可與爭，宜止軍

關外春秋 卷之三十一 謀將 三

便地。徐思方略，異曰：虜兵臨境，恆伏小利。恆，伏也。伏，猶懼也。遂欲深入，若得拘邑，三輔動搖，是吾憂也。夫攻者不足，守者有餘。今先據城，以逸待勞，非所以爭也。潛往閉城，偃旗鼓，行巡不知，馳赴之。異果乘不意，卒擊鼓建旗而出。巡軍驚亂奔走，追擊數十里，大破之。九年，帝復遣異行，天水太守事攻公孫述之將趙匡等，皆斬之。時諸將共攻冀，不能拔，欲且還。異固持不動，常為眾軍鉅。明年病發，薨于軍，謚節侯。

拔豆粥麥餅、村媪尋常事耳、而蕪蕪亭津池、河、遂成千古佳話、許曰、餓飯不及壺殮、宜光武之不忘厚意也、與、

許曰、用兵論功、文士或據臂爭之、武夫當何如也、馬公孫勣建元功、謙退不伐、至今聞大樹將軍之號、猶令人景慕焉、光武嘗夢乘赤龍上天、覺悟、心中動悸、異拜賀曰、此天命發於精神、心中動悸、大重慎之性也、遂與諸將議上尊號、則又何其雄斷也、

關外春秋

卷之三十一

許

竟

李軼朱鮪皆更始所倚重、守洛陽以拒光武者、異遣軼書勸其轉禍為福、所以離其交也、而光武得軼報書、遂宜露而令鮪知之、軼安得不死、光武太惡心矣、吁、凡爭天下者皆如是、異欲思信誘赤眉、而禹不從、異欲因士卒饑倦休兵、而禹又不聽、遂至大敗、倘非變服設伏、賊安得破也、異之將略賢于仲華遠矣、

後漢射聲校尉都護西域軍司馬蒲博兵長中

假鼓吹幢麾定遠侯班超

超、字仲升、扶風平陵人、彪之少子也、為人大志、居家常執勤苦、不耻勞辱、有口辨而涉獵書傳、家貧、常為官傭書以供養、久勞苦、輟業、投筆嘆曰、大丈夫無他志、略猶當効傅介子、張騫、立功異、以取封侯、安能久事筆硯間乎、左右皆笑之、超曰、小子安知壯士志哉、其後行詣相者曰、祭酒、布衣諸生耳、而當封侯萬里之外、超問

關外春秋

卷之三十一

許

早

其狀、相者指曰、生燕頰虎頭、飛而食肉、此萬里侯相也、奉車都尉竇固出擊匈奴、以超為假司馬、將兵別擊伊吾、戰于蒲類海、多斬首虜而還、固以為能、遣與從事郭恂俱使西域、超到鄯善、鄯善王廣奉超禮意甚備、後忽更疎解、超謂其官屬曰、寧覺廣禮意薄乎、此必有北虜使來、狐疑未知所從故也、明者暗未萌、况已著邪、乃召侍胡、詐之曰、匈奴使來已數日、今安在乎、侍胡惶恐具服其狀、超乃閉侍胡、悉會其更士三十

六人與共飲酒。酣因激怒之曰：卿曹與我俱在絕域，欲立大功以求富貴。今虜使到，裁數日而王廣禮義即廢。如令鄯善收吾屬送匈奴，骸骨長爲豺狼食矣。當奈何？官屬皆曰：今在危亡之地，死生從司馬。超曰：不入虎穴，不得虎子。當今之計，獨有日夜以火攻虜，使彼不知我多少，必大震怖，可殄盡也。滅此虜，則鄯善破膽，功成事立矣。衆曰：當與從事議之。超怒曰：吉凶決于今日。從事文俗吏，聞此必恐而謀泄，死無所名。非

聞外春秋

卷之三十一

謀將

望

壯士也。衆曰：善。初夜，遂將吏士往奔虜營。會天大風，超令十人持鼓，藏虜舍後。約曰：見火，然皆當鳴鼓大呼。餘人悉持兵弩，夾門而伏。超乃順風縱火。前後鼓譟，虜衆驚亂。超手格殺三人，吏兵斬其使。及從士三十餘級。餘衆百許人，悉燒死。明日，乃告郭恂。恂大驚，既而色動。超知其意，舉手曰：隸雖不行，班超何心獨擅之乎？恂乃悅。超于是召鄯善王廣，以虜使首示之。一國震怖。超曉告撫慰，遂納子爲質。還去于賓固，因大喜。

具上超功狀，拜求更選使使西域。帝壯超節，乃以超爲軍司馬，令遂前功。帝欲益其兵，超曰：願將本所從三十餘人足矣。如有不虞，多益爲累。是時于闐王廣德新攻破莎車，而匈奴遣使監護其國。超既西，先至于闐。廣德禮意甚疎，且其俗信巫。巫言神怒，何故欲向漢？漢使有騶馬，急索取以祠我。廣德乃遣使就超，請馬。超密知其狀，報許之。而令巫自來取馬。有頃，巫至，超即斬其首以送廣德。曰：辭責之。廣德素聞超在鄯善，

聞外春秋

卷之三十一

謀將

望

誅滅虜使，大惶恐，即攻殺匈奴使者，而降超。超重賜其王以下，因鎮撫焉。時龜茲王建爲匈奴所立，攻破疏勒，殺其王而立。龜茲人兜題爲疏勒王。超從間道至疏勒，去兜題所居磐橐城九十里。佯遣吏田慮先往降之。勅慮曰：兜題本非疏勒種，國人必不用命。若不即降，便可執之。慮既到，兜題見慮輕弱，殊無降意。慮因其無備，遂前劫縛兜題。左右出其不意，皆驚懼奔走。慮馳報超，超即赴之。悉召疏勒將吏，說以龜茲無道。

之狀回立其故王。兄子忠爲王國人大悅。忠及官屬皆請殺兜題。超不聽。釋而遣之。肅宗初卽位。下詔召超。超發還。疏勸舉國憂恐。其都尉黎奔曰。漢使棄我。我必復爲龜茲所滅。誠不忍見漢使去。因以刀自剄。超還至于闐王侯以下。皆號泣曰。依漢使如父母。誠不可去。互抱超馬脚。不得行。超恐于闐終不聽其東。又欲遂本志。乃更還疏勸。乃上疏請兵曰。臣竊見先帝欲開西域。故北擊匈奴。西使外國。鄯善于寘卽時向化。

關外春秋

卷之三十一 謀將

聖

今拘彌莎車疏勒月氏烏孫康居復願歸附。欲共拜力。破滅龜茲。平通漢道。若得龜茲。則西域未服者。百分之一耳。前世議者皆曰。取三十六國。號爲斷匈奴右臂。今西域諸國貢奉不絕。惟焉耆龜茲獨未服從。今宜拜龜茲侍子白霸爲其國王。以步騎數百送之。與諸國連兵。數月之間。龜茲可擒。以夷狄攻夷狄。計之善者也。帝知其功可成。議欲給兵。平陵人徐幹素與超同志。上疏願奮身佐超。遂以幹爲假司馬。將弛刑及義

從千人就超。先是莎車以爲漢軍不出。遂降于龜茲。而疏勒都尉番辰亦復反叛。會徐幹適至。超遂與徐幹擊番辰。大破之。斬首千餘級。多獲生口。超旣破番辰。欲進攻龜茲。以烏孫兵疆宜。因其力。乃上言烏孫大國。控弦十萬。可遣使招慰。與共合力。帝納之。拜超爲將兵長史。假鼓吹。檢校以徐幹爲軍司馬。別遣衛侯李邑護送烏孫使者。賜大小昆彌以錦帛。李邑始到于闐。而值龜茲攻疏勒。恐懼不敢前。回上書陳西域之

關外春秋

卷之三十一 謀將

聖

功不可成。又盛毀超擁愛妻。抱愛子。安樂外國。無內顧心。超聞之。歎曰。身非曾參。而有三至之譏。恐見疑于當時矣。遂去其妻。帝知超忠。乃切責邑曰。縱超擁愛妻。抱愛子。思歸之士千餘人。何得盡與超同心乎。令邑詣超。受節度。詔超若邑任在外者。使留與從事。起卽遣邑送烏孫侍子。還京。徐幹謂超曰。邑前毀君。何不緣詔書留之。更遣它吏送侍子乎。超曰。是何言之陋也。以邑毀超。故特遣之。起回發疏勸于闐兵擊莎車。莎

車陰通使疏勒王忠、唆以重利忠遂反從之。西保烏即城，超乃更立其府丞成大為疏勒王。悉發其不反者以攻忠，積半歲而康居遣精兵救之。超不能下，是時月氏新與康居婚，相親。超乃使使多齎錦帛遺月氏王，令曉示康居王。康居王乃罷兵執忠以歸其國。烏即城遂降于超。後三年，忠說康居王借兵還據損中，密與龜茲謀遣使詐降于超。超內知其奸而外偽許之。忠大喜，即從輕騎詣超。超密勒兵待之，為供張設樂。

關外春秋

卷之三十一

謀將

異

酒行，乃叱吏縛忠斬之。超發于闐諸國兵二萬五千人復擊莎車，而龜茲王遣左將軍發溫宿姑墨尉固合五萬人救之。超召將校及于闐王議曰：「今兵少不敵，其計莫若各散去。」于闐從是而東，長史亦于西歸，可須夜鼓聲而發。陰緩所得生口，龜茲王聞之大喜，自以萬騎于西，外遮超溫宿王將八千騎於東，界微于闐。超至，二虜已出，密召諸部勒兵，鷄鳴馳赴莎車營，赫大驚。亂奔走，追斬五千餘級，大獲其馬畜財物。莎車

遂降。龜茲等因各退散，自是威震西域。初，月氏嘗助漢擊車師有功，回求漢公主，超不許，由是怨恨。遣其副王謝將兵七萬攻超，超衆少，皆大恐。超警軍士曰：「月氏兵雖多，然數千里踰葱嶺來，非有運輸，何足憂邪？但當收穀堅守，彼饑窮自降，不過數十日決矣。」謝遂前攻超，不下，又抄掠無所得。超度其糧將盡，必從龜茲求救，乃遣兵數百于東界要之。謝果遣騎齎金銀珠玉以賂龜茲。超伏兵遮擊，盡殺之，持其使首以示謝。

關外春秋

卷之三十一

謀將

異

謝大驚，即遣使請罪，願得生歸。超縱遣之。月氏繇是大震。龜茲姑墨溫宿皆降，乃以超為都護。徐幹為長史，拜白霸為龜茲王，西域唯焉耆危須尉犁懷二心。超遂發龜茲鄯善等八國兵合七萬人，計為青兵，到尉犁界而遣曉說焉耆尉犁危須曰：「都護來者，欲鎮撫三國，即欲改過好善，宜遣大人來迎。今賜王綵五百匹，焉耆王廣遣其左將北韃支奉牛酒迎超。超詰韃支曰：汝雖匈奴侍子，而今秉國之權，都護自來，王不以

時迎皆汝罪也。或謂超可便殺之。超曰：非汝所及。此人權重于王，今來入其國而殺之，遂令自疑，設備守險，豈得到城下哉？于是賜而遣之。廣乃與大人迎超于尉犁，奉獻珠物。焉耆國有葦橋之險，廣乃絕橋，不欲令漢軍入國。超更從他道，懸度到焉耆，去城二十里，止營大澤中。廣出不意，大恐，乃欲悉驅其人共入山保焉耆。左侯元孟先嘗質京師，密遣使以事告超。超即斬之，示不信用。乃期大會諸國王，曰：揚聲當重加賞。

關外春秋 卷之二十一 謀將

聖

賜。于是焉耆王廣尉犁王汎及北韃支等三十人相率詣超。其國相腹久等十七人懼誅，皆入海，而危須王亦不至。坐定，超怒詰廣曰：危須王何故不到？腹久等何緣逃？遂叱吏士收廣汎等，斬之。傳首京師。曰：縱兵抄掠，斬首五十餘級，更立元孟為焉耆王。超留焉耆半歲，慰撫之。于是西域五十餘國悉皆納質內屬焉。下詔封超為定遠侯。超自以久在絕域，年老思土，上疏曰：臣聞太公封齊，五世葬周。狐死首丘，飛鳥依

風。夫周齊同在中土，千里之間，况于遠處絕域。小臣能無依風首丘之思哉？蠻夷之俗，畏壯侮老。臣超犬馬齒殲，常恐年衰，奄忽僵仆，孤寡棄捐。臣不敢望到酒泉郡，但願生入玉門關。謹遣子勇入塞，及臣生在，令勇目見中土。帝乃召超還。超在西域三十一年，至洛陽，拜為射聲校尉。超素有胸脇疾，既至，病遂加。卒，年七十一。初，超被召，以戊巳校尉任尚為都護，與超交代。尚謂超曰：君侯在外國三十餘年，而小人猥承君後，任重慮淺，宜有以誨之。超曰：年老失智，任君數當大位，豈班超所能及哉？必不得已，願進愚言。塞外吏士，本非孝子順孫，皆以罪過徙補邊屯。而蠻夷懷鳥獸之心，難養易敗。今君性嚴急，水清無大魚。察政不得下和，宜蕩佚簡易。寬小過，總大綱而已。超去後，尚私謂所親曰：我以班君當有奇策，今所言平平耳。尚至數年，而西域反亂，以罪被徵。如超所戒。

關外春秋 卷之二十一 謀將

聖

按超先為假司馬，歷軍司馬，又為將兵長史。

爲都護及封侯而歸洛陽止拜射聲校尉未嘗身居將軍之位在西域三十一年軍中亦未嘗立大將之號但既假鼓吹幢麾居然大將矣况踰葱嶺迄縣度得遠夷之和同異俗之心而致天誥獨宿耻以報將士之警更置疏勒龜茲兩國王斬康居焉耆尉黎三國王威震西域西域五十餘國皆納質內屬其功大而遠其權專且久雖與衛霍爭路先驅可矣。

開外春秋

卷之二十一

諱將

三

自古未有以三十六人取三十六國者有之自仲升始自古未有居西域三十一年者有之自仲升始彼誠生有異相少有大志故發憤張膽甘膏身于夷狄以要功名其坦步葱雪咫尺龍沙亦一時之傑也若謂從事文俗吏不可與謀諒哉。

評曰仲升嘗云願從谷吉效命絕域庶幾張騫棄身曠野迺以兜鍪易筆研遂奉大漢之威靈斷匈奴右臂日之所入莫向不化而又

不費中國幾斗粟不調中國幾枝兵惟以夷狄攻夷狄全是機智威信足以震懼控制之耳。

仲升不敢望到酒泉郡但願生入玉門關攷輿地志玉門關屬敦煌郡今沙州也去長安三千六百里關在敦煌縣西北酒泉今肅州也去長安二千八百五十里漢都關中而仲升年老思土指二地以明依風首丘之思我朝都燕薊較長安更遠矣是以無人出玉門

開外春秋

卷之二十二

諱將

三

仲升出使西域而妻子與之俱是不獨仲升之奇節卽其妻亦異人也。

熹宗初年奴酋內亂有

古求班傳其人。是時省中相知者欲薦余宣諭朝

鮮其疏稿手札尚存。余慨諾。行有日矣。會江夏來而意見不合。當路信彼之篤。余遂力辭。而別用一人。竟至僨轅也。乃吾家兩行向當路長跽而泣。必尼吾之行。夫蒼頭男子也。而

惟懼若是安得有妻子如仲升者哉
息真令英雄短氣
撫卷嘆

三立堂新刻閩外春秋卷之二十一

目下天火

一錄將

三

華胥外史漢陽 尹商 于皇甫 著

後漢尚書令前尚書僕射司隸校尉朝歌長虞

詡

詡字升卿。陳國武平人。祖父經為郡獄吏。案法平允。嘗曰。東海于公高為里門。而其子卒。至丞相。吾央獄六十年。雖不及于公。子孫何必不為九卿耶。故字詡曰升卿。初辟太尉李修府。拜郎中。承初中。羌胡反亂。殘破并涼。大將軍鄧騭欲

闕外春秋

卷三十一

謀將

一

棄涼州。并力北邊。乃會公卿集議。議者咸同。言詡乃說李修曰。竊聞公卿策棄涼州。愚心未見其便。先帝開擴土宇。劬勞後定。而今棄之。涼州棄。即以三輔為塞。三輔為塞。則固陵單外。此不可之甚者也。諺曰。關西出將。關東出相。觀其習兵壯勇。實過餘州。今羌胡所以不敢入。據三輔。為心腹之害者。以涼州在後故也。其土人所。以摧鋒執銳。無反顧之心者。為臣屬於漢故也。若棄其境域。徙其人底。安土重遷。必生異志。如

使豪雄相聚。席捲而東。雖賁育為卒。太公為將。

猶恐不足當禦。詡恐其疽食侵淫。而無限極。棄之非計。脩曰。吾意不及此。微子之言。幾敗國事。計將安出。詡曰。今涼土擾動。人情不安。切憂卒。然有非常之變。誠宜令四府九卿。各辟彼州數人。其牧守令長子弟。皆除為冗官。外以勸勵。荅其功勤。內以拘致防其邪計。脩善其言。更集四府。皆從詡議。於是辟西州豪傑為掾屬。拜牧守長吏子弟為郎。以安慰之。鄧騭兄弟不平。欲以

闕外春秋

卷三十一

謀將

二

吏法中傷。詡後朝歌賊。專季等數千人。攻殺長吏。屯聚連年。州郡不能禁。乃以詡為朝歌長。故舊皆弔。詡曰。得朝歌可哀。詡笑曰。志不求易。事不避難。臣之職也。不遇盤根錯節。何以別利器乎。始到。謁河內大守馬稜。稜勉之曰。君儒者。當謀謨廟堂。反在朝歌邪。詡曰。初除之日。士大夫皆見弔勉。以詡等之。知其無能為也。朝歌者。韓魏之郊。背太行。臨黃河。去敖倉百里。而青冀之人。流亡萬數。賊不知開倉。招眾劫庫。兵守成。阜

斷天下右臂此不足憂也今其衆新盛難與爭鋒兵不厭權願寬假轡策勿令有所拘聞而已及到官設令三科以募求壯士自掾吏以下各舉所知其攻劫者爲上傷人偷盜者次之帶喪服而不事家業爲下收得百餘人詡爲饗會悉貫其罪使人賊中誘令劫掠乃伏兵以待之遂殺賊數百人又潛遣貧人能縫者備作賊衣以綵線縫其裙爲識有出市里者吏輒禽之賊繇是駭散咸稱神明遷懷令後羗寇武節鄧太后

關外春秋 卷三十三 謀將 三

以詡有將帥之畧遷武都太守羗乃率衆數千遮詡於陳倉嶓谷詡卽停軍不進而宣言上書請兵頒到當發羗聞之乃分鈔傍縣詡因其兵散日夜進道兼行百餘里令吏士各作兩窺日增倍之羗不敢逼或問曰孫臏滅窺而君增之兵法日行不過三十里以戒不虞而今日且二百里何也詡曰虜衆多吾兵少徐行則易爲所及速進則彼所不測虜見吾窺日增必謂郡兵來迎衆多行速必憚追我孫臏見弱吾今示強

勢有不同是也卽到郡兵不滿三千而羗衆萬餘攻圍赤亭數十日詡乃令軍士強弩勿發而潛發小弩羗以爲矢力弱不能至并兵急攻詡於是使二十強弩共射一人發無不中羗大震退詡因出城奮擊多所殺傷明日悉陳其兵衆令從東郭門出北郭門入改易衣服回轉數周羗不知其數更相恐動詡計賊當走乃潛遣五百餘人於淺水設伏候其奔躍虜果大奔因掩擊大破之賊繇是敗散南入益州詡乃占相地

關外春秋 卷三十三 謀將 四

勢築營壁二百八十所招還流亡假賑貧人郡遂以安先是運道隘險舟車不通驢馬負載僦五致一僦賃也僦五致一謂用一石也詡乃自將吏士按行川谷自沮至下辨數十里中皆燒石薪木開漕運道以人僦雇借傭者於是水運通利歲省四千餘萬永建初爲司隸校尉奏太傅馮石大尉劉熹中常侍程璜等百官側目又案中常侍張防請託受取不報自繫廷尉以聞帝不聽詡坐論輸左校防必欲害之二日之中傳考

四獄宦者孫程張賢知詡以忠獲罪乃相率奏收張防送獄又叱防下殿於是防坐徒邊程復上書陳詡有大功語甚激切帝感悟即赦出詡復拜議郎數日遷尚書僕射永和初遷尚書令卒臨終謂其子恭曰吾事君直道行已無愧所悔者為朝歌長時殺賊數百人其中何能不有寬者自此二十餘年家門不增一口斯獲罪於天也。

按涼州有二不可棄一則國陵單外二則人

闕外春秋

卷三十三 諜將

五

心紛囂李修心孔尚明故升卿得關其說何鄧騭兄弟乃以升卿異議而欲以朝歌陷之也然設三科令誘劫而待之又使縱衣人為識而擒之適足以展其盤根錯節之利器而揚名于後世夫人忠無材耳不論地之佳惡也。

評曰兵法是碁局妙在金鵬變着孫臏滅竈以示弱虞詡增竈以示強何嘗執定死本易曰變而通之存乎其人升卿可以語于斯

詡年十二孝養祖母縣舉順孫國相欲以為吏詡辭曰祖母九十非詡不養相乃止及祖母服闕始就李太尉辟非躁進者而好刺舉無所回容數以此忤權威遂九見譴考三遭刑罰剛正之性終老不屈焉又奏臺郎顯職仕之通堵今或一郡七八或一州無人宜令均平以厭天下之望則秉銓者所當采納也

闕外春秋

卷三十三 諜將

六

後漢太尉錄尚書事行驃騎將軍持節錄關東

事特進光祿大夫城門校尉河南尹太僕行

車騎將軍交州刺史錢塘侯朱儁

儁字公偉上虞人母嘗販紵為業儁能孝養好

義輕財鄉閭敬之特同規辟公府當行假郡庫

錢百萬為冠幘費後倉卒督責規無以備儁乃

竊母繒帛為規解對規被錄占對儁為母悲責

之儁曰小損當大益初貧後富必然理也本縣

長山陽度尚見而奇之薦於太守辛毅稍歷郡

周外春秋 卷三十三 謀將 七

職後太守尹端以儁為主簿端坐討賊許昭失

利為州所奏罪應棄市儁乃羸服間行輕齋數

百金到京師賂主章吏遂得刑定州奏故端得

輪作左校端喜於降免而不知其繇儁亦終無

所言交趾賊梁龍等萬餘人與南海太守孔芝

反叛攻破郡縣光和元年即拜儁交趾刺史既

到州界按甲不前先遣使詣郡觀賊虛實宣揚

威德以震動其心既而與七郡兵俱進逼之遂

斬梁龍降數萬人旬月盡定以功封都亭侯黃

巾起公卿多薦儁有才畧拜為右中郎將持節

與左中郎將皇甫嵩討潁川汝南陳國諸賊悉

破平之嵩乃上言其狀而以功歸儁於是進封

西鄉侯遷鎮賊中郎將時南陽黃巾張曼成起

兵數萬殺郡守屯宛下為後太守秦頡擊殺曼

成賊更以趙洪為帥眾遂十餘萬據宛城儁與

荊州刺史徐璆及秦頡合兵圍洪自六月至八

月不拔有司奏欲召儁司空張溫上疏曰昔秦

用白起燕任樂毅皆曠年歷載乃能克敵儁討

周外春秋 卷三十三 謀將 八

潁川已有功效引師南指方畧已設臨軍易將

兵家所忌宜假日月責其成功帝乃止儁因急

擊洪斬之賊帥韓忠復據宛拒儁儁兵少不敵

乃張圍結壘起土山以臨城內因鳴鼓攻其西

南賊悉眾赴之儁自將精卒五千掩其東北乘

城而入忠乃退保小城惶懼乞降司馬張超及

徐璆秦頡皆欲聽之儁曰兵有形同而執異者

昔秦項之際民無定主故賞附以勸來耳今海

內一統惟黃巾造逆納降無以勸善討之足以

懲惡今若受之更開逆意利則進戰鈍則乞降縱敵長寇非良計也。因急攻連戰不克，僞登土山望之，顧謂張超曰：「吾知之矣。」外圍周固，內營逼急，乞降不受，欲出不得，所以死戰也。萬人一心，猶不可當，况十萬乎？不如徹圍，并兵入城，忠見圍解，執必自出，自出則意散，易破之道也。既而解圍，忠果出戰，僞因擊破之，乘勝逐北，斬首萬餘級。忠等遂降，而秦頴積忿，忠遂殺之。餘衆懼不自安，復以孫夏爲帥，還屯宛中。僞急攻夏。

關外春秋

卷三十一

謀將

九

追至西鄂精山，復斬萬餘級，賊遂解散。明年春，遣使者持節拜僞右車騎將軍，更封錢塘侯，加位特進，累官光祿大夫，城門校尉，河南尹，遷太僕，行車騎將軍。初，平中代周忠爲太尉，錄尚書事，復行驃騎將軍事，持節錄關東，不果行。

按兵法善攻者敵不知其所守，公偉攻西南而掩東北是也。兵法圍師必闕，公偉解圍而降韓忠是也。其封侯而稱名將，豈與僥倖成功者等哉。臨敵不可易將，公偉賴得張溫，前

展限以責成功耳。公偉不納降而致討，審于兵家之形勢矣。

評曰：朱僞素饒方畧，有明哲雄霸之名，陶謙等十一人僉以僞名將，數有戰功，堪當重任，共推爲太師，移檄牧伯，同討李淮等，奉迎天子。僞胡不相率同仇，直指咸陽，而誤赴李淮之徵，謬云欲乘間以濟大事，何其貳也。卒爲淮所留，而發病以死，惜哉。

關外春秋

卷三十一

謀將

十

又難也。尹端有罪，僞行金京師，遂爲刑定州，奏以免于死，此活命之恩也。其意氣之慷慨爲何如哉。蓋好義輕財，天性然也。所以傳此名也。

漢車騎將軍假節領司隸校尉兼開州牧西鄉

桓侯張飛

飛字翼德涿郡人身長八尺環眼虎鬚聲如巨雷少與關公俱事先主關年長數歲飛兄事之初隨先主從幽州太守劉焉破黃巾賊又解青州太守龔景之圍又赴中郎將盧植帳下聽調遂同皇甫嵩朱雋戰于廣宗以火攻勝嵩言張梁張寶勢敗必投廣宗依張角飛即隨先主引兵復回於路適遇盧植在檣車中問之則植為

關外春秋

卷三十三 謀將

二

黃門左豐所誣陷也飛怒欲斬護送軍人以救植先主止之又回涿郡忽山後黃巾蓋地而來殺敗董卓飛同先主關公殺退黃巾救出卓卓驕傲不與賞賜飛提刀入帳中欲殺卓先主叱退于是弃卓而投朱雋雋待之甚厚令先主為先鋒進攻張寶飛手刺賊將高升遂乘勝破寶及先主以功授中山府安喜縣尉履任三月餘督郵至縣先主迎之督郵不為禮飛氣填胸臆及到公署昂然高坐時先主先主退歸縣中

次日提縣吏勒取縣尉劣蹟先主往見又不

參回縣問生于是飛從驛前過得督郵魚然狀忽大怒直入後堂大喝害民賊認得我否手揪其頭毛拉到縣前縛馬椿上扳下柳條將督郵兩腿鞭打二百打折柳條十數條先主聞得縣前馬沸趨出視之則鄉縛者督郵也先主急止之遂弃官歸鄉里因往代州匿劉恢家曹操伐董卓飛見關公已斬華雄便欲殺入關去袁術阻回及公孫瓚為呂布所逼飛挺矛來戰直追

關外春秋

卷三十三 謀將

三

至關下飛見關上風飄青羅傘蓋知是董卓驟馬上關欲擒董卓未果曹操入荊州先主敗走江南操追之一日一夜及于當陽之長阪先主弃妻子使飛將二十騎拒後飛據水斷橋瞋目橫矛厲聲大叫曰吾乃燕人張翼德在此誰敢決一死戰曹軍聞之盡皆戰慄操急去其傘蓋回顧左右曰吾曾聞雲長舊日所言翼德于百萬軍中取上將之首級如探囊取物耳飛又大叫聲未絕

便回軍，故遂得免。先主命龐統宰耒陽，到任百餘日，惟在醉鄉。飛巡視至縣，統宿酒未醒，扶醉而來。飛怒詈之，統惟佯笑，隨喚公吏將百餘日公案，一時剖斷，並無差錯。民皆叩首拜服。統投筆於地，飛卽極力薦舉爲副軍師中郎將。先主定江南，以飛爲宜都太守，征虜將軍，封新亭侯。先主入益州，還攻劉璋，飛與孔明等溯流而上，分定郡縣。至巴郡，太守嚴顏據城不降。飛設計賺出嚴顏，生擒之。飛入城，大叱顏曰：「大軍到，何

關外春秋

卷三十二 謀將

十三

不早降，而敢拒戰，顏回叱曰：「卿等無狀，侵我州郡。我州但有斷頭將軍，無降將軍也。」飛大怒，令左右牽去斫頭。顏全無懼色，曰：「斫頭便斫頭，何怒也。」飛壯而釋之，引爲賓客。飛所過戰克，與先主會于成都。孔明大驚曰：「何到之速。」先主爲述義釋嚴顏之事。孔明拱手賀曰：「乃主上洪福，將軍用謀，立此莫大之功也。」益州既平，以飛領巴西太守，曹操破張魯，留夏侯淵、張郃守漢川，郃別督諸軍下巴西，欲徙其民於漢中，進軍宕渠。

蒙頭盪石與飛相拒，五十餘日。飛率精卒萬餘人，從地道邀郃軍交戰。山道窄狹，前後不得相救。飛遂破郃，卻奔馬緣山，獨與麾下十餘人從間道退。引軍還南鄭。巴土獲安。先是，郃營山上，飛營山前。飛每日飲酒大醉，辱罵張郃。孔明聞之，遂將成都佳釀五十甕，裝三車，令魏延解赴軍前。車上各插黃旗，大書「軍前公用美酒」。飛將酒擺列帳中，勅軍士大開旗鼓而飲之。命兩小卒相撲爲戲。郃曰：「張飛大欺我也。」遂下山切寨。

關外春秋

卷三十三 謀將

十四

而爲飛所敗。云：先主爲漢中王，拜飛爲右將軍，假節。章武元年，遷車騎將軍，領司隸校尉，封西鄉侯，兼閬州牧。初，飛雄壯威猛，亞於關公。魏謀臣程昱等咸稱關、張萬人之敵也。關善待卒伍，而驕于士大夫。飛愛敬君子，而不恤小人。先主嘗戒之曰：「卿剛毅既過，差又日鞭撻徒兒，而令在左右，此取禍之道也。」及得雲長凶聞，旦夕號泣，血濕衣襟。諸將以酒解之，每醉，南望切齒，睜目，怒恨之甚。醒又痛哭，自赴成都，抱先主足而

哭先主撫飛背亦哭克期伐吳飛到關中令軍士皆白旗白袍掛孝東征帳下末將范疆張達求寬限飛怒撻之二人探知飛醉挾刀夜入帳中殺飛持其首順流而奔東吳飛亡時年五十五先是七月丙寅出師是夜先主心驚肉顫仰觀天文見西北一星其大如斗忽然隊地適關中都督表至先主頓足曰噫飛死矣景耀三年追謚曰桓侯

按張桓侯嘗就左將軍劉巴宿巴不與語孔

關外春秋

卷三十一 謀將

五

明謂巴曰翼德雖實武人敬慕足下足下宜少降意至未陽見龐統一日而剖決百日之牘遂力薦而大用之此二事可見其愛敬君子矣若暴而寡恩以短取敗理數之常也鄉使桓侯無此破綻庶幾哉與曹參用勃等爭烈矣

評曰翼德早年尚或鹵莽收川之時義釋嚴顏豈勇夫所為哉看他賺張郃何等精妙卽玄德弗解惟孔明知之故亟饒許多美酒蓋

非貪孟乃以酒爲兵耳或曰皆孔明薰蒸之力也所以擇人而處處世第一件緊要事也李溫陵有云只打督郵一節翼德便不可及今之上司粧威作勢索取下司者亦往往有之安得翼德柳條着實打他二百也余令昭餘時有貳守呂希尚貪而毒奉直指小審之委每至一邑輒索過山錢曾見文水令米君魄以厚幣恨其不蝨麾之再三其差役浼余居間然後受因索覽其脂韋之詞令人欲嘔

關外春秋

卷三十一 謀將

六

凡經過諸邑高自矜貴大做身分或嗔供應之不腆或怒公館之蕭條借以需索稍不滿望卽螫之余亦在其螫中若遇張公不知打幾百也惜乎無人打他也

據水斷橋是關公之先見遠識關中一着全局都勝真神人也只爲當時先爲翼德占了地步所以曹操畏之如虎非公先見遠謀何以有此故善爲計者決不在臨時幹辦定須閒時做了忙時用也若義釋嚴顏是豪傑遇

豪傑兩家氣味原是一家此翼德所以釋嚴顏而嚴顏並不懼翼德也。涪陵有桓侯刀斗其銘文字甚工侯所書也。張士環詩云山河割據三分國宇宙威名丈八矛江上祠堂嚴佩劍人間刀斗見銀鈎則桓侯不獨以武功顯卽文墨亦自佳。

間外春秋

卷三十一

謀將

七

吳南郡太守尋陵侯呂蒙

蒙字子明湖南富陂人少南渡依姊夫鄧當當為孫策將數討山越蒙年十五六竊隨當擊賊當顧見大驚呵叱不能禁止歸以告蒙母母恚甚蒙跽而訴曰貧賤難久脫誤有功富貴可致且不探虎穴安得虎子母哀而舍之當以蒙年小輕之曰彼孺子何能為此欲以肉餒虎耳他日與蒙會又唾辱之蒙大怒引刀殺吏出走後校尉袁雄薦之孫策召見奇之引置左右數歲

間外春秋

卷三十一

謀將

六

鄧當死張昭薦蒙代當拜別部司馬權統事料諸小將兵少而用薄者欲并吞之蒙陰除賁為兵作絳衣行滕及簡日陳烈赫然兵人練習權見之大悅增其兵從征黃祖祖令都督陳就逆以水軍出戰蒙勒前鋒親梟就首將士乘勝進攻其城祖聞就死委城走兵追擒之權曰事之克繇陳就先獲也以蒙為橫野中郎將益州將襲肅舉軍來附周瑜表以肅兵益蒙蒙盛稱肅有膽勇且慕化遠來於義宜益不宜奪也權善

其言還肅兵瑜使甘寧前據夷陵曹仁分衆圍
寧寧困急使使請救蒙說瑜分遣三百人柴斷
險道賊走可得其馬瑜從之軍到夷陵即日交
戰所殺過半敵夜遁去行遇柴道騎皆舍馬步
走兵追感擊獲三百疋方船載還於是將士形
勢自倍乃凌江立屯與相攻擊曹仁退走遂據
南郡撫定荊州魯肅代周瑜當之陸口肅意尚
輕蒙因詣蒙飲酒酣蒙問肅曰君受重任與關
羽爲降將何計畧以備不虞肅造次應曰臨時

關外春秋

卷三十一 謀將

元

施宜蒙曰今東西雖爲一家而關羽實熊虎也
計安可不豫定因爲肅畫五策肅於是越席就
之拊其背曰呂子明吾不知卿才畧所及乃至
於此也遂拜蒙母結友而別時蒙與成當宋定
徐顧屯次比近三將死子弟幼弱權悉以兵并
蒙蒙固辭陳啓顧等皆勤勞國事子弟雖小不
可廢也書三上權乃聽蒙又爲擇師使輔道之
其操心率如此後權拒曹公於濡須蒙進奇計
又勸權夾水口立塢所以禦備甚精曹公不能

下而退曹公遣朱光爲廬江太守屯皖六陣
田又令間人招誘鄱陽賊帥使作內應蒙曰皖
田肥美若一收熟彼衆必增如是數歲操態見
矣宜早除之乃具陳其狀於是權親征皖引見
諸將問以計策蒙乃薦甘寧爲升城都督督攻
在前蒙以精銳繼之侵晨進攻蒙手執袍鼓士
卒皆騰踴自升食時破之旣而張遼至夾石聞
城已拔乃退權嘉其功卽拜廬江太守所得人
馬皆分與之廬陵賊起諸將討擊不能擒權曰

關外春秋

卷三十一 謀將

三

鷲鳥累百不如一鶚復令蒙討之蒙至誅其首
惡餘皆釋放復爲平民是時昭烈令關羽鎮守
荊土權命蒙西取長沙零桂三郡蒙移書二郡
望風歸服惟零陵太守郝普城守不降而昭烈
自蜀親至公安遣羽爭三郡權時駐陸口使魯
肅萬人屯益陽拒羽而飛書召蒙使捨零陵急
還助肅初蒙既定長沙當之零陵過鄱載南陽
郝玄之玄之者郝普之舊也欲令誘普又被書
當還蒙秘之夜召諸將授以方畧晨當攻城顧

謂玄之曰、郝子太聞世間有忠義事、亦欲為之、而不知時也、左將軍在漢中、為夏侯淵所圍、關公在南郡、我至尊身自臨之、救死不給、豈有餘力復營此哉、今吾士卒致命、至尊遣兵相繼、子欲以旦夕之命、待不可望之救、猶牛蹄中魚、冀賴江漢、其不可恃明矣、不移日而城必破、城破身死、何益於事、而令百歲老母、截自受誅、豈不痛哉、度此家謂援可恃、故至此耳、君可見之、為陳禍福、玄之見普、其宣蒙意、普懼而聽之、玄之

關外春秋

卷三十三 謀將

三

乃先報蒙、蒙預敕四將各選百人、普出、使人守城門、須臾、普出、蒙迎、執其手、與俱下船、語畢、出書示之、因拊手大笑、普見書、知昭烈在公安、而羽在益陽、慙恨入地、蒙留孫河、委以後事、即日引軍赴益陽、先主請盟、權乃歸普等、割湘水、以零陵還之、魯肅卒、蒙代肅、西屯陸口、肅軍人馬萬餘、盡以屬蒙、又拜漢昌太守、與關羽分土、接壤、知羽驍雄、有并兼心、且居國上流、其勢難久、初魯肅等以荆州借備、且為曹操尚存、宜相輔

協、與之同讐、蒙乃密陳計策、曰、今征虜守南郡、潘璋駐白帝、蔣欽將游兵萬人、循江上下、應敵所在、蒙為國家前據襄陽、如此何憂於操、何賴於羽、且羽君臣、矜其詐力、所在反覆、不可以腹心待也、權深納之、及代肅、倍脩恩厚、與羽結好、羽後討樊、留兵將備公安南郡、蒙密上疏曰、羽討樊、而多留備兵、必恐蒙圖其後也、蒙常有病、乞分士眾還建業、以治病為名、羽聞之、必微備兵、盡赴襄陽、我大軍浮江、晝夜馳上、襲其空虛、

關外春秋

卷三十三 謀將

三

則南郡可下、而羽可擒也、遂稱病篤、權乃露檄召蒙還、陰與圖計、羽果撤兵赴樊、魏使于禁救樊、羽盡擒禁等人、馬數萬、權聞之、遂密遣蒙先行、蒙至尋陽、盡伏其精兵、艣中、使白衣搖櫓、作商賈人服、晝夜兼行、至羽所置江邊屯候、盡收縛之、是故羽不聞知、遂到南郡、士仁糜芳皆降、蒙入據城、盡得羽及將士家屬、皆撫慰之、約令軍士不得干用人家、有所求取、蒙麾下士是汝南人、取民家一笠、以覆官鎧、官鎧雖公物、蒙

猶以為犯軍令遂垂涕斬之於是軍中震懾道
不拾遺蒙旦夕使親近存恤耆老問所不足疾
病者給醫藥饑寒者賜衣糧羽府藏財寶皆封
閉以待權至羽還在道數使人與蒙相問蒙輒
厚遇其使周游城中家家致問或手書示信羽
人還私相參訊咸知家門無恙見待過於平時
故吏士無鬪心會權尋至羽自知孤窮乃走麥
城西至漳鄉衆皆委羽而降權使朱然潘璋斷
其徑路即父子俱獲荆州遂定蒙之謀也權以

關外春秋

卷三十一

謀將

三

蒙為南郡太守封屏陵侯蒙疾權時在公安迎
置內殿所以治護者萬方募封內有能愈蒙疾
者賜千金時有鍼灸權為之慘感欲數見其顏
色又恐勞動常穿壁視之見小能下食則喜顧
左右言笑不然則咄咄夜不能寐病中瘳為下
赦令群臣畢賀後更增篤權自臨視命道士於
星辰下為請命年四十二遂卒權哀痛甚為之
降損蒙常以部曲事為江夏太守蔡遺所白蒙
無恨意及豫章太守顧邵卒權問所用蒙因薦

遺奉職佳吏權笑曰君欲為祁奚邪於是用之
甘寧兇暴好殺既常失蒙意又時違權令權怒
之蒙曰將如寧難得宜容忍之權遂厚寧卒得
其用後權與陸遜論周瑜魯肅及蒙曰公瑾雄
烈膽畧兼人遂破孟德開擴荆州邈焉難繼君
今繼之公瑾昔邀魯肅來東致達於孤孤與宴
語便及大畧帝王之業此一快也後孟德因獲
劉琮之勢張言方率數十萬衆水步俱下孤請
諸將各問所宜俱言宜遣使迎之肅即駁言不

關外春秋

卷三十一

謀將

三

可勸孤急呼公瑾仗以衆逆而擊之此二快
也後雖勸吾借玄德地是其一短不足以損其
二長常以此方鄧禹也又子明小時孤謂不辭
劇易果敢有膽而已及長學問開益籌略奇至
可以次於公瑾但言議英發不及之耳圖取關
羽勝於魯肅肅答孤書云帝王之起皆有驅除
羽不足忌此肅內不能辨外為大言耳孤亦恕
之不苟責也
按阿蒙年未弱冠便憫然有食牛之氣矣及

為將計取曹仁三百之馬擊破曹瞞屯皖之兵論降郝普謀襲關公勇而有謀斷識軍計其殆深於兵者乎

評曰蒙既知蜀君臣不可以腹心待固也而不思操之可憂不若關之可倚乎余嘗謂子敬之連爾敵曹尚為長見耳况蒙與權謀襲關公者極其秘密矣然關公得禍而蒙即因終豈蒼翁以關公為漢忠臣蒙不當襲殺之乎不可謂非果報也

關外春秋

卷三十一 謀將

三

吳書載將軍糜士仁守公安蒙令虞翻說之翻至城門謂守者曰吾欲與汝將軍語仁不肯相見翻為書誘之仁得書流涕而降則仁原未嘗讐關公也而陳壽作志云仁素嫌關輕已蒙陰誘仁仁使人以牛酒迎降失其實矣即此一事壽之誣傳者必多謂之謗書可也

孟子有言君之視臣如手足則臣視君如腹心以余觀于吳侯之厚呂蒙則又不啻手足

而已何以故權生平垂涎荊州而未有人能唾手取之者蒙一旦以奸謀詭獲不勝心意之滿足矣故見蒙疾發迎置內殿治護萬方至于欲見顏色而穴壁瞻之即昭烈之待關張難相伯仲三國中僅有而絕無者也

吳侯以呂蒙病篤命道士於星辰下為之請命竊疑仲謀英雄豈惑于巫覡之說而亦信鬼邪較近世神道設教浸假而為禳解之說蓋禱爾于上下神祇自春秋時而已然矣夫

關外春秋

卷三十一 謀將

三

惟聖人則敬鬼神而遠之故謂子路曰丘之禱又矣

晉宣威將軍假節前平虜護軍西平太守加東

羌校尉奉高縣侯馬隆

隆字孝興東平平陸人少而智勇泰始中將興
伐吳之役下詔曰吳會未平宜得猛士以濟武
功雖舊有薦舉之法未足以盡殊才其普告州
郡有壯勇秀異才力傑出者皆以名聞將簡其
尤異擢而用之交州舉隆才堪良將稍遷司馬
督初涼州刺史楊欣失羌戎之和隆陳其必敗
俄而欣為虜所沒河西斷絕帝每有西顧之憂

關外春秋

卷三十一 謀將

三

臨朝而嘆曰誰能為我討此虜通涼州者乎朝
臣莫對隆進曰陛下若能任臣臣能平之帝曰
必能滅賊何為不任顧卿方略何如耳隆曰陛
下若能任臣當聽臣自任帝曰云何隆曰臣請
募勇士三千人無問所從來率之鼓行而西稟
陛下威德醜虜何足滅哉帝許之乃以隆為武
威太守公卿翕曰大軍既衆州郡兵多但當用
之不宜橫設賞募以亂常典隆小將妄說不可
從也帝弗納隆募限腰引弩三十六鈞弓四鈞

立標簡試自旦至申得三千五百人隆曰足矣

因請自至武庫選杖武庫令與隆忿爭御史中
丞劾隆隆曰臣當亡命戰場以報所受武庫令
乃以魏時朽杖見給不可復用非陛下使臣滅
賊意也帝從之又給其三年軍資隆於是西渡
溫水虜樹機能等衆以萬計或乘險以逼隆前
或設伏以截隆後隆依八陣圖作偏箱車地廣
則六角車管路狹則為木屋施於車上且戰且
前弓矢所及應弦而倒奇謀間發出敵不意或

關外春秋

卷三十一 謀將

三

火道累磁石賊負鐵鎧行不得前隆卒悉被犀
甲無所留礙賊咸以為神轉戰千里殺傷以千
數自隆之西音問斷絕朝廷憂之或謂已沒後
隆使夜到帝撫掌歡笑臨朝召群臣謂曰若從
諸卿言是無秦涼也乃詔曰隆以偏師寡衆奮
不顧難冒險能濟其假節宣威將軍加赤幢曲
蓋鼓吹隆到武威虜大人猝拔韓且萬能等率
萬餘落歸降前後誅殺及降附者以萬計又率
善戎沒骨倫等與隆會於大帳斬之涼州遂平

朝議將加隆將士勲賞，有司奏隆將士皆先加顯爵，不應更授。衛將軍楊珧駁曰：前精募將士，少加爵命者，此適所以為誘引。今隆全軍獨剋西土，獲安不得便，以前授塞此後功，宜皆聽許。以明要信。乃從珧議，賜爵加秩各有差。太康初，以隆為平虜護軍西平太守，將所領精兵。又給牙門一軍，屯據西平。時南虜成奚每為邊患，隆至，帥軍討之。虜據險拒守，隆令軍士皆負農器，將若田者。虜以隆無征討意，御衆稍息。隆因其

關外春秋

卷三十一

謀將

元

無備，進兵擊破之。畢隆之政，不敢為寇。大熙初，封奉高縣侯，加授東羌校尉，積十餘年，威信振於隴右。時洛陽太守馮翊嚴舒與楊駿通親，密圖代隆。毀隆年老謬老，不宜服戎。於是召隆，以舒代鎮。氏羌聚結，百姓驚懼。朝廷恐關隴復擾，乃免舒，遣隆復職，竟卒于官。

按馬孝典武吏也，而饒俠節。魏兗州刺史令狐愚坐事伏誅，舉州無敢收者，而孝典以私財殯葬，列植松柏。舊史載之，以為美譚。

評曰：為將惟在方畧，亦在預備軍資。馬孝典征西羌而作偏箱車，所以濟其險。征南虜而使軍負農器，所以襲其無備。立標簡試，得壯士若干人，夾道累磁石，以紿賊鎧，儘有機智。然非帝預給三年軍資，即孝典難作無米之炊也。孝典幸而遇帝耳。

關外春秋

卷三十一

謀將

手

軍興必須甲杖，馬隆請自至武庫選杖。武庫令乃以魏時朽杖給之，豈朝廷遣將滅賊之意，曲在令也。御史不効令，而劾隆，曲在中丞也。隆已成功，朝議將加爵賞，有司奏不應更授，曲在有司也。此等肺腸，皆嫉才妬功，懷私病國之徒，豈社稷之福哉。

兵無選鋒曰北，隆之請募勇士，是兵家第一義。公卿乃謂不宜橫設賞募，以亂常典。小將妄說不可從，皆誤國之奸。當膏之齊斧者也。從來朝廷大事，只是一群癡物，執常典而撓事機之會。藐卑官而短英雄之氣也。嗚呼，豈惟晉代哉。此弊也，安得採時之

相一婦而更之哉

關外春秋

卷三十一 謀將

三

晉安南將軍持節都督涼州諸軍涼州刺史前

訪 中郎將龍驤將軍豫章太守尋陽縣壯侯周

訪

訪字士達汝南安城人漢末避地江南吳平因家廬江尋陽焉訪少沉毅果於斷割周窮振乏家無餘財為縣功曹時陶侃為散吏訪薦為主簿相與結交元帝渡江命參鎮東軍事時有與訪同姓名者罪當死吏誤收訪訪奮擊收者數十人皆散走而自歸于帝帝不之罪尋以為楊

關外春秋

卷三十一 謀將

三

烈將軍領兵一千二百屯尋陽鄂陵與甘卓趙誘封華軼所統厲武將軍丁乾與軼所統武昌太守馮逸交通訪收斬之逸來攻訪訪率眾擊破之逸遁保柴桑訪乘勝進討軼遣其黨王約傅札等萬餘人助逸大戰於湓口約等又收訪與甘卓等會於彭澤與軼水軍將朱炬等戰又敗之軼將周廣燒城以應訪軼眾潰訪執軼斬之遂平江州帝以訪為振武將軍尋陽太守加鼓吹曲蓋復命訪與諸軍共征杜弼弼作桔槔

打官軍船艦訪作長岐棧以拒之。枯棹不得爲害。而賊從青草湖窺抄官軍。又遣其將張彥。詣豫章。焚燒城邑。王敦時鎮淦口。遣督護繆綦。李恒。受訪節度。共擊彥。綦於豫章石頭與彥交戰。彥軍退走。訪率帳下將李午等追彥破之。臨陣斬彥。時訪爲流矢所中。折前兩齒。形色不變。及暮。訪與賊隔水。賊衆數倍。自知力不能敵。乃密遣人如樵採者而出。於是結陣鳴鼓而來。大呼曰。左軍至。士卒皆稱萬歲。至夜。令軍中多布火。

關外春秋

卷三十一 謀將

三

而食。賊謂官軍益至。未曉而退。訪謂諸將曰。賊必引退。然終知我無救軍。當還掩襲。宜促渡水。北既渡。斷橋訖。而賊果至。隔水不得進。於是遂歸。發遣杜弘保廬陵。訪追擊敗之。賊嬰城自守。尋而軍糧爲賊所掠。退存巴丘。糧廩既至。復圍弘於廬陵。弘大擲寶物於城外。軍人競拾之。弘因陣亂突圍而出。訪率軍追之。獲鞍馬鎧杖。不可勝數。帝又進訪龍驤將軍。王敦表爲豫章太守。加征討都督。尋陽縣侯。時涼州刺史張

光卒。愍帝以侍中第五琦爲征南大將軍。監荆梁益寧四州。出自武關。賊帥杜曾擊瞻胡混等。並迎琦奉之。聚兵數萬。破陶侃於石城。攻平南將軍荀崧於宛。不尅。引兵向江陵。王敦以從弟真爲荊州刺史。令督護征虜將軍趙誘襄陽太守朱軌。陵江將軍黃峻等討曾。而大敗於女觀湖。誘軌並遇害。曾遂逐廩徑造沔口。大爲寇害。威震江沔。元帝命訪擊之。訪有衆八千。進至沔陽。曾等銳氣甚盛。訪曰。先人有奪人之心。軍之

關外春秋

卷三十一 謀將

三

善謀也。使將軍李恒督左甄。許朝督右甄。訪自領中軍。高張旗幟。曾果畏訪。先攻左甄。曾勇冠三軍。訪甚惡之。自於陣後射雉。以安衆心。令其衆曰。一甄敗。鳴三鼓。二甄敗。鳴六鼓。趙胤領其父餘兵。屬左甄。力戰。敗而復合。胤馳馬告訪。訪怒叱令更進。胤號哭還戰。自旦至申。兩甄皆敗。訪聞鼓音。選精銳八百人。自行酒飲之。敕不得妄動。聞鼓音乃進。賊未至三十步。訪親鳴鼓。將士皆騰躍奔赴。曾遂大潰。殺千餘人。訪夜追之。

諸將請待明日訪曰曾驍勇能戰向之敗也彼勞我逸是以尅之宜及其衰乘之可滅鼓行而進遂定漢沔曾等走固武當訪以功遷南中郎將督涼州諸軍涼州刺史屯襄陽訪謂其僚佐曰昔城濮之役晉文以得臣猶在而有憂色今不斬曾禍難未已於是出其不意又擊破之曾遁走訪部將蘇溫收曾諸軍并獲第五琦胡混擊曠等送於王敦又白敦說琦偪於曾不宜殺敦不從而斬之進位安南將軍持節都督刺史

關外春秋 卷三十一 謀將 三

如故初王敦懼杜曾之難謂訪曰擒曾當相論為荆州刺史及是而敦不用訪大怒敦手書譬釋并遣玉環玉椀以申厚意訪投椀於地曰吾豈買堅可以買悅乎陰欲圖之既在襄陽務農謝半勤于採納守宰有缺輒補然後言上敦患之而傳其疆不敢有異訪威風既著遠近悅服智勇過人為中興名將性謙虛未嘗論功伐或問訪曰人有小善鮮不自稱公勲如此初無一言何也曰朝廷威靈將士用命訪何功之有世

以此重之訪練兵簡卒欲宜方中原與李矩郭默相結慨然有平河洛之志善於撫納士眾皆為致死聞敦有不臣之心訪常切齒敦雖懷逆謀故終訪之世未敢為非太興二年卒年六十一謚曰壯侯

按周訪少時廬江善相者陳訓謂訪與陶侃日二君皆位至方岳功名略同但陶得上壽周得下壽後侃以七十六卒訪短十六年陶以勤王推為盟主為中興名將則功名果略同也

關外春秋 卷三十一 謀將 三

評曰行軍最戒張皇訪患杜曾之勇而於陣後射雉以安眾心至兩甄俱敗六鼓齊鳴必待賊在三十步外自選精兵騰躍奔赴所謂善戰者其節短也王敦素有不臣之心終訪之世不敢謀逆蓋其威名有足以警伏之者矣訪平杜弢之亂其子撫為益州太守三十餘年平隗文鄧定蕭敬文三寇撫子楚為犍為

太守世在梁益甚得物情平司馬助之亂太和中妖賊李弘稱號改年鳳皇楚遣其子瓊討平之瓊子璇不屈於符堅可謂五世名臣矣。

閩外春秋

卷三三 謀將

五

晉都督徐充青司冀幽并七州軍事散騎常侍左將軍會稽內史贈車騎將軍開府儀同三司獻武康樂縣公謝玄

玄字幼度少穎悟為叔父安所器重及長有經國才略屢辟不起桓溫辟為掾其禮重之符堅強盛邊境數被侵寇朝廷求文武良將可以鎮禦北方者安乃以玄應舉中書郎鄒超雖素與玄不善聞而歎之曰安違衆舉親明也玄必不負舉才也時咸以為不然超曰吾嘗與玄共在

閩外春秋

卷三三 謀將

五

桓公府見其使才雖履展間亦得其任所以知之於是召還拜建武將軍兗州刺史領廣陵相監江北諸軍事時符堅遣軍圍襄陽車騎將軍桓冲禦之詔玄發三州人丁遣彭城內史何謙游軍淮泗以為形援襄陽既沒堅將彭超攻龍驤將軍戴逵於彭城玄率東莞太守高衡後軍將軍何謙次于泗口欲間遣使報逵令知救至其道無繇小將田泓請行乃沒水潛行將趣城為賊所獲賊厚賂泓使云南軍已敗泓偽許六

既而告城中曰南軍垂至我軍行來報爲
得勉之遂遇害時彭超置鎗重於雷城玄乃
擊遣謙等向雷城超聞之還保鎗重謙馳進解
彭城圍又西討堅將句難等斬顏用邵保戰于
君川復大破之又攻破浮航運糧於是罷彭城
下邳二戍詔遣殿中將軍慰勞進號冠軍加領
徐州刺史還于廣陵以功封東興縣侯及符堅
自率兵次于項城衆號百萬而涼州之師始建
咸陽蜀漢順流並係至先遣符融慕容暉張

關外春秋

卷三十三 謀將

竟

蚝符方等至潁口梁成王先等屯洛澗詔以玄
爲前鋒都督徐亮青三州楊州之晉陵幽州之
燕國諸軍事與叔父征虜將軍石從弟輔國將
軍瑛西中郎將桓伊龍驤將軍檀玄建威將軍
戴熙揚武將軍陶隱等拒之衆凡八萬玄先遣
廣陵相劉牢之五千人直指洛澗卽斬梁武及
成弟雲步騎崩潰爭赴淮水牢之縱兵追之生
擒堅僞將梁佗王顯梁悌慕容屈氏等收其軍
質堅進屯壽陽列陣臨淝水玄軍不得渡玄使

謂符融曰君遠涉吾境而臨水爲陣是不欲速
戰諸軍稍却令將士得周旋僕與諸君緩轡而
觀之不亦樂乎堅衆皆曰宜阻淝水莫令得上
我衆彼寡勢必萬全堅曰但却軍令得過而我
以鐵騎數十萬向水逼而殺之融亦以爲然遂
麾使却陣衆因亂不能止於是玄與瑛伊等以
精銳八千涉渡淝水石軍拒張蚝小退玄瑛仍
進決戰淝水南堅中流矢臨陣斬融堅衆奔潰
自相蹈籍投水死者不可勝計淝水爲之不流

關外春秋

卷三十三 謀將

早

餘皆棄甲宵遁聞風聲鶴唳皆以爲王師已至
草行露宿重以饑餓死者十七八獲堅乘輿雲
母車儀服器械軍資珍寶山積牛馬驢騾駱駝
十餘萬詔遣殿中將軍慰勞進號前將軍假節
固辭不受賜錢百萬緣千疋旣而安奏符堅喪
敗宜乘其釁會以玄爲前鋒都督率冠軍將軍
桓石虔徑造渦澗經略舊都玄復率衆次于彭
城遣參軍劉襲攻堅兖州刺史張崇於鄆城走
之使劉牢之守鄆城兖州旣平玄患水道險澁

糧運艱難。用督護閩人與謀堰。呂梁水樹樹立。七埭爲派。擁二岸之流。以利運漕。自此公私利便。又進伐青州。故謂之青州。派遣淮陵太守高素以三千人向廣固。降堅。青州刺史符朗又進伐冀州。遣龍驤將軍劉牢之等。據碭磔。濟陽太守郭蒲。據滑臺。奮武將軍顏雄。渡河立營。堅子不遣將桑據屯黎陽。玄命劉襲夜襲據走之。丕惶遽欲降。玄許之。丕告饑。玄饋丕米二千斛。又遣晉陵太守滕恬之渡河守黎陽。三魏皆降。以

闕外春秋

卷三十三 謀將

聖

亮青司豫平。加玄都督。徐亮青司冀。幽并七州。事以助封康樂縣公。朝議以征役既久。宜置戍而還。使玄還鎮淮陰。會翟連張頌反叛。河北騷動。玄自以處分失所。上疏送節。求解職。詔不許。玄又自陳不堪攝職。詔又使移鎮東陽。玄卽路疾篤。上疏曰。臣以常人。忽蒙殊遇。不復自重。遂從戎政。驅馳十載。不辭鳴鏑之險。每請爲軍鋒。繇恩厚亡軀。非死者生也。天祚大晉。王威屢舉。實繇陛下神武英斷。無思不服。亡叔臣安協贊

雍熙以成天功。而霖霧尚翳。六合未朗。遺黎塗炭。巢穴宜除。復命臣荷戈前驅。董司戎首。冀仰憑皇威。宇宙寧一。陛下致太平之化。庸臣以塵露報恩。然後從亡叔臣安退身東山。以道養壽。此誠以形于文古。達于聖聰矣。臣所以區區家國實在于此。豈謂經略不振。自貽斯戾。是以奉送章節。待罪有司。而聖恩赦過。使抱罪之臣復得更名。木石猶感。而况臣乎。願所患沉頓。有加無損。伏願陛下矜其所訴。霽然垂恕。不令微臣

闕外春秋

卷三十三 謀將

聖

銜恨泉壤。表寢不報。久之。轉散騎常侍左將軍。會稽內史。玄既與疾之郡。十三年卒於官。時年四十六。追贈車騎將軍。開府儀同三司。謚曰獻武。

按符堅恃衆輕敵。謂投鞭可以斷流。殆驕兵也。故麾使却陣。致亂而不可止。遂成幻度之名。向使堅以百萬之衆。更番迭擾。幻度亦難枝梧。豈致爲八千人所摧敗。幻度少好佩紫羅香囊。頗爲褻展之習。乃叔

安石戲賭而焚之。既不傷其意，遂以過其流及長而磨。文武良將之選，泥水之捷，千古垂名。邈超稱安能違衆舉親，玄能不負所舉。知言哉！再傳而生靈運，文藻豔逸，踈踈詞場，真稱芝蘭玉樹，生於庭階矣。安石云：子弟何豫人事，而正欲使其佳。余則云：子弟何得不豫人事，而安得使其不佳。

評曰：康樂才兼文武，志存匡濟。淮淝之後，劫寇望之而土崩；滑頓之師，中州靡之而席捲。

閩外春秋

卷三十三 謀將

望

方欲西平華洛，北定幽燕，廟筭有餘，良圖不果。降齡何促，功敗垂成，捋其遺文，經綸遠矣。

秦丞相都督中外諸軍事冀州牧前司徒錄尚

書事平陽郡侯王猛

猛，字景略，北海劇人。家于魏郡，少貧賤，以鬻舂為業，嘗貨舂於洛陽，有一人貴買其舂，而云無直，令隨之取直。猛從之行，不覺遠，忽至深山，見一老父鬚髮皓然，踞胡床而坐，左右十許人，有一人引猛進拜之。父老曰：王公何緣拜，乃十倍償舂。直遣人送之。猛既出，顧視向處，乃嵩高山也。猛博學好兵書，氣度雄遠，隱于華山，桓溫伐

閩外春秋

卷三十三 謀將

望

秦入關，猛被謁，請之一面談。當世之務，捫虱而言，傍若無人。溫察而異之，曰：吾奉天子之命，率師討逆，為百姓除殘，而三秦豪傑未有至者，何也？猛曰：公不遠數千里，深入寇境，今長安咫尺，而不渡灃水，百姓未知公心，是以不至。溫默然。徐曰：江東無卿比也。署為軍謀祭酒。溫將還，資猛車馬，欲與俱南。猛還山咨師，師曰：卿與桓溫豈並世哉？在此可富貴，何為遠行？猛乃止。時秦王符生剛虐不道，而東海王符堅有大志，聞猛

名遣呂婆樓招之一見如故語及典廢六符同契堅大悅自謂如玄德之遇孔明也代立以猛為中書侍郎掌機密又轉始平令猛明法峻刑鞭殺下吏百姓訟其酷徵下廷尉堅親問之猛曰宰寧國以禮治亂國以法若以臣不能窮殘盡暴肅清執法臣甘心鴨鑊以謝孤負酷政之刑臣未敢聞命堅謂羣臣曰王景略固是夷吾子產之儔也以爲尚書左丞未幾除吏部尚書又遷左僕射司隸校尉加騎都尉居

關外春秋

卷三十一 謀將

望

中宿衛領選如故時猛年三十六矣歲中五遷權傾中外特進姑臧侯樊世本氏豪衆辱猛曰君無汗馬勞何敢專管大任吾輩耕之君食之耶猛曰非徒使君耕之又將使君炊之世大怒曰要當懸汝頭于長安門外不然吾不處世猛以白堅後世入言事堅佯問猛曰吾欲以楊壁尚主何如世勃然曰楊壁臣之婿也陛下安得令之尚主猛讓之曰陛下帝有海內而君收競婚是爲二天子也世怒將擊猛左右止之世遂

醜言大罵堅大怒立命斬世并黜尚書僕射相長史席寶爾後上下成服莫敢言者汝南公騰謀反誅騰秦王生之弟也生弟晉公柳等猶有五人猛屢言於堅曰不去五公終必爲患不聽明年淮南公幼乘長安之虛帥衆入襲李威捕斬之而晉公柳趙公雙皆與通謀幼誅雙復與魏公廋燕公武謀作亂賴以次誅滅秦國乃定惜未早聽猛之言也晉桓温伐燕至枋頭燕遣使求救於秦王猛密言於堅曰燕雖強大慕

關外春秋

卷三十一 謀將

與

容評非温敵也若温舉山東進屯洛邑收幽冀之兵引并豫之粟觀兵峭澠則陛下事去矣不如與燕合兵退温温退燕亦病矣然後從其病而取之堅乃遣兵救燕初燕吳王垂因慕容評專國奔秦堅大喜郊迎執其手曰天生賢傑必相與成大功也猛曰垂如龍虎非可馴之物若借以風雲恐不可復制當早除之不聽燕初許割虎牢以西略秦晉兵既退燕復悔堅怒遣猛及將軍鄧羌等帥步騎三萬伐燕進攻洛陽

之發長安也。請慕容垂子慕容令以為參軍。導將行，造垂飲，謂垂曰：「何以贈我？」垂解佩刀贈之。猛至洛陽，賂垂所親金熙，使詐為垂使者，謂令曰：「吾父子來此，以逃死也。今王猛疾人如讐，秦王心亦難知。聞東朝比來悔悟，吾今還東。汝可速發，令疑之，奔燕軍。」猛即表令叛狀，垂懼而出走。及藍田，為追騎所獲，堅勞之曰：「卿家國失和，委身投朕，賢子心不忘本，亦各有志，卿何為過懼而狼狽若是？待之如舊。」猛敗燕軍，取洛陽。

閩外春秋

卷三十一 謀將

吳

置戍而還，堅以猛為司徒錄尚書事，封平陽郡侯。猛固辭，後督諸軍十六萬騎伐燕。慕容評屯潞州，猛進與相持，將軍徐成規之。期日中，及昏而反，猛怒，將斬成。鄧羗請宥之，猛曰：「若不斬，軍法不立。」羗固請曰：「成羗郡將也，羗願與成效戰，以贖罪。」猛又不許，羗怒，還營，嚴鼓勒兵，將攻猛。猛使人語之曰：「將軍止，吾今赦成矣。」成既獲免，羗自來謝，猛執羗手而笑曰：「吾試將軍，爾將軍於郡將尚爾，况國家耶。」秋七月甲子，猛誓師渭

源，眾踴躍，破釜，棄糧，大呼而進。猛望見燕軍，勝謂羗曰：「今日非將軍不能破敵，勉之。」羗曰：「若能以司隸見與，公勿憂也。」猛曰：「此非所及，當以安定太守萬戶侯相處。」羗不悅而退。俄而兵交，猛召羗，羗不應。猛馳就許之，羗乃大飲帳中。與張蚝、徐成跨馬運矛，馳赴燕陣，出入數四，殺傷數百人。及日中，燕兵大敗，俘斬五萬餘，乘勝追擊，所殺及降又十餘萬。慕容評單騎走還鄴，於是秦兵長驅圍鄴，猛之未至鄴也，鄴旁剽劫公

閩外春秋

卷三十一 謀將

吳

行，及猛至，遠近帖然，號令嚴明，軍無私犯，燕民各安其業。更相謂曰：「不圖今日復見太原王猛，聞而歎曰：慕容玄恭，可謂古之遺愛矣。」設大牢以祭之。玄恭，恪字也。十一月，堅留李威輔太子守長安，自率精銳十萬赴鄴。七日而至，猛潛如安陽，謁堅曰：「臣奉陛下威靈，擊垂亡之虜，譬如釜魚，無足慮也。監國幼冲，驚駕遠臨，脫有不虞，悔之何及。」秦王乃入鄴，執燕主暉，以猛為冀州牧，都督關東六州軍事。俄入為丞相，稍加都督

中外諸軍事猛宰政公平流放尸素拔幽滯顯
賢才外修兵革內崇儒學於是兵強國富匪及
昇平猛之力也猛疾堅親臨省問以後事猛曰
晉雖僻陋吳越乃正朔相承臣沒之後願勿以
晉爲圖鮮卑羗虜我之讐也終爲人患宜漸除
之時鮮卑慕容垂爲冠軍將軍羗人姚萇爲龍
驤將軍皆敵國來降爲堅所寵任故猛言及之
比歛三臨哭謂太子曰天不欲吾平六合耶何
李吾景略之速也葬之如漢霍光故事

閩外春秋

卷三十三 謀將

覽

按王景畧性剛明嚴肅尤分善惡士不參其
神契卽不與交秦晉實罕其匹也及得志微
時一餐之惠睚眦之忿靡不酬報時論以此
少之

評曰猛有經濟之才堪與管仲子產比肩堅
擬之太公非其倫矣而乃以文王自比多見
其不知量也且堅之於猛旣言聽計從而輕
以百萬之師劔于淝水何不記其臨沒之言

桓温何等氣槩王猛被褐捫虱旁若無人鄧
羗何等跋扈王猛玩弄狎侮如調獼猴慕容
垂傾心來降而詐使其子奔回如弄嬰兒的
是猾手亦是老手景略誠爲豪傑然非呂婁
樓之汲引猛安得進乎夫一餐之惠必且報
之奈何不思所以報婁樓也

閩外春秋

卷三十三 謀將

謀將

評

宋使持節散騎常侍都督征討諸軍事征南大

將軍開府儀同三司江州刺史武陵郡公檀

道濟

檀道濟高平金鄉人少孤以和謹致稱高祖創
義道濟從入京城參高祖建武軍事後以建義
助封吳興縣侯又討郭寄生討桓謙荀林拒道
覆戰功居多遷安遠護軍武陵內史復為太尉
參軍拜中書侍郎轉寧朔將軍參太尉軍事以
前後功封作唐縣男豫章公世子為征虜將軍

關外春秋

卷三十一

謀將

至

鎮京口道濟為司馬臨淮太守加冠軍將軍宋
武帝北伐以道濟為前鋒所至望風降服徑進
洛陽偽將軍姚沈歸順凡拔城破壘俘四千餘
人議者謂所獲俘囚應悉戮以為京觀道濟曰
伐罪吊民正在今日皆釋而遣之於是戎夷感
悅歸者甚眾長安既平世子當鎮江陵復為西
中郎司馬持節南蠻校尉遷侍中文帝即位轉
護軍加散騎常侍聽直入殿省以佐命功改封
永脩縣公徙為丹陽尹護軍如故景平初虜圍

青州告急加使持節監征討諸軍事未至虜燒

營遁走還鎮廣陵徐羨之謀欲廢立諷道濟入

朝既至以謀告之將廢之夜道濟入宿衛有就謝

晦宿晦疎動不得眠道濟就寢便熟晦服其量太

祖即位進號征北將軍加散騎常侍進封武陵

郡公又增督青徐等五郡諸軍事及討謝晦上

問策於道濟對曰臣昔與謝晦同從北征入關

中見晦才略明練殆難與敵然未嘗孤軍決勝

戎事恐非其長臣悉晦智晦悉臣勇今奉命征

關外春秋

卷三十一

謀將

至

討必未陣而擒也晦本謂道濟與羨之同誅忽
聞其來遂不戰而潰事平遷都督江州豫州等
四郡諸軍事征南大將軍開府儀同三司江州
刺史持節常侍如故元嘉八年到彥之伐索虜
已平河南復失之虜偏滑臺加道濟都督征討
諸軍事北畧地至濟上連戰二十餘日虜眾盛
遂陷滑臺道濟至歷城以資運竭乃還先是宋
人降魏者其說糧罄士卒憂懼莫有鬪志道濟
夜唱籌量以所餘少米散其上及旦魏軍謂

資糧有餘，故不復追，以降者妄斬，以御其
兵寡弱，軍中大懼。道濟乃命軍士悉甲，身白服，
乘輿，徐出外圍，魏軍懼有伏，不敢逼，乃歸。道濟
雖不剋定河南，全軍而返，雄名大振，魏甚憚之。
道濟立功前朝，威名甚重，左右腹心，並經百戰，
諸子又有才氣，朝廷疑畏之。時人或目之曰：安
知非司馬仲達也。文帝寢疾，彭城王義康慮宮
中晏駕，道濟不可復制，召道濟入朝，其妻向氏
曰：夫高世之勲，道家可忌。今無事相召，禍其至

閩外春秋

卷二十二 謀將

聖

矣。道濟見收，憤怒氣盛，目光如炬，俄爾間引飲
一斛，乃脫幘投地，曰：乃壞汝萬里長城，魏人聞
之，皆曰：道濟已死，吳子輩不足復憚。自是頻歲
南伐，有飲馬長江之志。文帝問殷景仁曰：誰可
繼道濟？若曰：道濟以累有戰功，故致威名，餘未
任耳。帝曰：不然，昔李廣在朝，匈奴不敢南望，後
繼者復有幾人？魏兵至瓜步，文帝登石頭城望，
甚有憂色，歎曰：若道濟在，豈至此。

按道濟唱籌量沙，敵人疑有餘糧，而不敢逼。

乘輿出圍，敵人懼有伏兵，而不敢逼。其略
也。徐羨之謀廢立，諷濟入領軍府，就謝靈運
其夕，踰竦動不其眠，道濟枕便，是其膽
也。及討謝晦也，晦本謂道濟與羨之同誅，忽
聞其來，不戰自潰，是其慮也。三者具矣，而死
于義康之手，豈昔人之所謂目論者歟。
評曰：檀公位居台鉉，豫班河岳，寵靈優渥，舉
世無比矣。空懷疑貳，履霜日久，彭城慮宮車
晏駕，不可復制，會索虜之入寇，假召命以趨

閩外春秋

卷二十二 謀將

聖

朝，而身為魚肉矣。儻使下船還鎮，星言適發，
未必便就羈縲。又使璽書雖至，而飄然長送，
卽百義康其奈之何。據罪狀道濟云：參軍歷
延祖密以啓聞，則是羨非所構，天高難問焉。
爾。

三立堂新編閩外春秋卷之二十二

三立堂新編闕外春秋卷之二

華胥外史漢陽 尹商 于皇甫 著

宋征虜將軍領安西司馬贈左將軍青州刺史
龍陽縣壯侯王鎮惡

王鎮惡北海劇人祖猛仕苻堅任兼將相鎮惡
以五月五日生家人以俗忌欲令出繼疎宗猛
見曰此非常兒昔孟嘗君惡月生而相齊是兒
亦將與吾門矣故名爲鎮惡年十三而苻氏敗
亡關中擾亂流寓涇澠之間嘗寄食澠池人李

闕外春秋 卷之三十三 諱考

一

方家方善遇之謂方曰若遭遇英雄主要取萬
戶侯當厚相報方曰君丞相孫人才如此何患
不富貴至時願見用爲本縣令足矣後客若荆
州願讀諸子兵書喜論軍國大事騎射非所長
而意略從橫果決能斷廣固之役或薦之武帝
召與語異焉因留宿且謂諸佐曰鎮惡王猛孫
所謂將門有將卽以爲行參中軍太尉事武帝
謀討劉毅鎮惡曰公若有事西楚請給百舸爲
前驅及劉毅有疾逃遣從弟兖州刺史劉蕃爲

副貳武帝偽許之大軍西討加振武將軍使率

龍驤將軍勦恩百舸前發但云劉兖州上鎮惡
受命便晝夜兼行揚聲劉兖州上毅謂爲信然
不知見襲鎮惡去江陵城二十里舍船步上勦
恩軍在前鎮惡次之舸留一二人對舸岸上豎
六七旗下輒安一鼓語所留人曰計我將至城
便長嚴若後有大軍狀又分隊在後令燒江津
船艦鎮惡徑前襲城語前軍曰若有問者但云
劉兖州至津戍及百姓皆言劉藩實上晏然不

闕外春秋 卷之三十三 諱考

二

疑將至城逢毅要將朱顯之與十餘騎步從數
十問是何人答云劉兖州至顯之馳前問藩所
在軍人答曰在後及至軍後不見藩又望見江
津船艦被燒烟焰張天而鼓聲甚盛知非藩上
便躍馬告毅令閉諸城門鎮惡亦馳進得入城
便因風放火燒大城南門及東門又遣人以詔
及赦文并武帝手書凡三函示毅毅皆燒不視
金城內亦未信帝自來及短兵接戰鎮惡軍人
與毅下將或是父兄子弟表親者且聞且語知

武帝自來人情離解一更許前陣潰散斬毅勇將趙蔡毅左右兵猶閉東西閣拒戰鎮惡慮閣夜自相傷犯乃引軍出繞金城開其南面以為退路毅慮南有伏兵三更中率左右三百許人開北門突出毅便取子肅民馬而出政值鎮惡軍衝之不得去回衝蒯恩軍二人鬪已一日疲倦毅從大城東門出奔牛牧佛寺自縊鎮惡身被五箭射鎮惡手所執稍於手中破折江陵平後二十日大軍方至以討劉毅功封漢壽縣子

關外春秋

卷之二十三 恭將

三

武帝北伐轉鎮惡為諮議參軍行龍驤將軍領前鋒將發前將軍劉穆之謂曰公愍此遺黎志蕩通逆昔晉文王委獨於鄧艾今亦委卿以關中想勉建大功勿孤此授鎮惡曰不尅咸陽誓不濟江三秦若定而公九錫不至亦卿之責矣鎮惡入賊境戰無不捷進次澠池造故人李方家升堂見母厚加酬賚卽版授方為澠池令大軍次漳關謀進取計鎮惡請率水軍自河入渭直至渭橋鎮惡所乘皆蒙衝小艦行船者悉在

船內泝渭而進艦外不見有行船人北土素無舟楫莫不驚以為神鎮惡既至命將士會早便棄船登岸渭水流急諸艦悉逐流去鎮惡撫士卒曰卿諸人並家在江南此是長安城北門外去家萬里而舫乘衣糧並已逐流去豈復有求生之計耶唯宜死戰可以立大功不然則無遺類矣乃身先士卒眾莫不騰踊爭先即陷長安城城內六萬餘戶鎮惡撫慰初附號令嚴肅武帝將至鎮惡迎於灊上武帝勞之曰成吾霸業

關外春秋

卷之二十三 恭將

四

者真卿也謝曰此明公之威諸將之力鎮惡何功之有帝笑曰卿欲學馮異邪帝留第二子義真為安西將軍鎮惡以征虜將軍領安西司馬委以捍禦之任王猛之相符堅也北人以方諸葛亮入關之功又鎮惡為首時論者深憚之沈田子與鎮惡爭功武帝將歸留田子與鎮惡私謂田子曰鍾會不得遂其亂者為有衛瓘等也語曰猛獸不如羣狐卿等十餘人何懼鎮惡故二人常有猜心時鎮惡與田子俱會傅弘之壘

田子求屏人因斬之弘之奔告義真義真率王
修被甲登橫門以察其變俄而田子至言鎮惡
反修執田子以專戮斬焉於是追贈左將軍青
州刺史武帝受命追封龍陽縣侯謚曰壯侯
接鎮惡自豫章口舍船登陸每船一二人對
岸設立旗鼓分明是韓信破趙之法屯兵渭
橋鎮惡所乘皆蒙衝小艦行船者悉在艦內
外不見有人分明是呂蒙襲荊州之法即使
暗合亦是翻本耳雖然天下鮮有暗合者誰

人知翻本乎

閩外春秋

卷之三十三

五

評曰王鎮惡機神明敏屢著功績荆南遊覺
執居上流難與強藩憂兼內侮乃輕舟先邁
神兵電激肝食之虞一朝霧散及王師西伐
有事中原長駟洛陽肅清湖陝入渭之捷指
搗無前遂廓定咸陽俘斬僞主克成之効莫
與爲疇實扞城所寄國之方召也北虜游魂
寇掠渭北統率衆軍曜威撲討賊旣還奔奄
遺恐害雖沈田子之猛獸亦繇高祖密使

國耳豈勇略震王者身危耶但劉穆之以鄧
艾相方頗效藥石柰何不悟而冀望九錫乎
史載鎮惡入關極意收斂子女玉帛不可勝
計既克長安藏姚泓僞輦譜者爲有異志高
祖密覘之則鎮惡悉別取輦上所飾金銀而
弃輦於垣側此豈大將軍所爲哉可鄙之甚
矣

閩外春秋

卷之三十三

六

梁都督十州諸軍事太尉司徒都督郢州刺史

江業縣公陸法和

法和不知何許人也。隱於江陵百里洲。衣食居處一與苦行沙門同。耆老自幼見之。容色常不定。人莫能測也。或謂自出嵩高。遍遊遐邇。既入荊州。汶陽郡高要縣之紫石山。無故捨所居山。俄有蠻賊文道期之亂。時人以爲預見萌兆。及侯景始告降於梁。法和謂南郡朱元英曰。貧道共植越擊侯景。去。元英曰。侯景爲國立効。師云。

圖外春秋

卷之三十三 謀將

七

擊之。何也。法和曰。正自如此。及景渡江。法和時在青谿山。元英往問曰。景令圍城。其事云何。法和曰。凡人取果。宜待熟時。不捺自落。植越但待侯景熟。何勞問也。因問之。乃曰。亦尅亦不尅。景遣將任約擊梁湘東王於江陵。法和乃詣湘王。乞征約。召諸蠻弟子八百人在江津。二日便發。湘東遣胡僧祐領千餘人與同行。法和登艦大笑。曰。無量。兵馬。江陵多神祠。人俗恒所祈禱。自法和軍出。無復一。人。以爲神。皆從行。故也。至

赤沙湖與約相對。法和乘輕船不介胄。法並

下去約軍一里。乃還謂將士曰。聊觀彼龍。睡不動。吾軍之龍甚自踊躍。即攻之。若得待明日。當不損客主一人而破賊。然有惡處。遂縱火舫於前。而逆風不便。法和執白羽麾風。風勢即返。約衆皆見。梁兵步於水上。於是大潰。皆投水而死。約逃竄。不知所之。法和曰。明日午時。當得及期。而未得人問之。法和曰。吾前於此洲水乾時。建一利語。植越等。此雖爲利。實是賊標。今何不向

圖外春秋

卷之三十三 謀將

八

標下求賊也。如其言。果於水中見約。抱利仰頭。裁出鼻。遂擒之。約言求就師。目前死。法和曰。植越有相。必不兵死。且於王有緣。決無他慮。王於後當得植越力耳。湘東果釋。用爲郡守。法和既平約。謂湘東王曰。貧道已斷侯景一臂。自然平矣。無足可慮。蜀賊將至。法和請守巫峽。待之。乃總諸軍而往。親運石填江。三日水遂分流。橫之以鐵鍊。武陵王紀果遣蜀兵來渡峽口。勢感進退不可。王與法和經略一戰而殄之。軍次

白帝謂人曰諸葛孔明可謂名將吾目見之此
城旁有其埋弩箭鏃一斛許因插表令掘之如
其言又嘗至襄陽城北大樹下畫方二尺令弟
子掘之得一龜長尺半以杖叩之曰汝欲出不
能得已數百歲不逢我者豈見天日乎為受三
歸龜乃入草初八壘山多惡疾人法和為采藥
療之不過三服皆差即求為弟子山中毒虫猛
獸法和設其禁戒不復噬螫所泊江湖必於峰
側結表云此處放生漁者皆無所得才有少獲

外春秋

卷之三十三 諫將

九

輒有大風雷船人懼而放之風雨乃定晚雖將
兵猶禁諸軍漁捕有竊違者中夜猛獸必來欲
噬之或亡其船纜有小弟子戲截蛇頭來詣法
和法和曰汝何意殺蛇因指以示之弟子乃見
蛇頭解袴褶而不落法和使懺悔為蛇作功德
又有人以牛試刀一下而頭斷來詣法和法和
日有一斷頭牛就卿徵命殊急若不為作功德
一月內報至其人弗信少日果死法和又為人
置宅園墓以避禍求福嘗謂人曰勿繫馬於確

其人行過鄉曲門側有確因繫馬於其柱入門
中憶法和戒走出將解之馬已斃矣梁元帝以
法和為都督郢州刺史封江業縣公法和稱
臣其啓文朱印名上自稱司徒梁元帝謂其僕
射王哀曰我未嘗有意用陸為三公而自稱何
也哀曰彼既以道術自命容是先知梁元帝以
法和功業稍重遂就加司徒都督刺史如故部
曲數千人通呼為弟子唯以道術為化不以法
獄加人又列肆之內不立市丞牧佐之法無人

外春秋

卷之三十三 諫將

十

領受但以空檻箠在道間上開一孔受錢買客
店人隨貨多少計其估限自委檻中行掌之司
夕方開取條其孔日輸之於庫又法和平常言
若不出口時有所論則雄辯無敵然猶帶蠻音
善為攻戰具在江夏大聚兵艦欲襲襄陽而入
武關梁元帝使止之法和曰法和是求佛之人
尚不希釋梵天王坐處豈規王位但於空王佛
所與主上有香火因緣見主人應有報至故求
援耳今既被繫是業定不可改也於是設供食

具大餽薄餅及魏舉兵法和自郢入漢川將赴江陵梁元帝使人逆之曰此自能被賊但鎮郢州不須動也法和乃還州開其城門着鹿白布衫布袴邪巾大繩束腰坐葦席終日乃脫之及聞梁元帝敗滅復取前凶服着之哭泣受弔梁人入魏果見餽餅焉法和始於百里洲造壽王寺既架佛殿更截梁柱日後四十許年佛法當遭雷電此寺幽僻可以免難及魏平荊州宮室焚燼總管欲發取壽王佛殿嫌其材短乃停後

關外春秋

卷之三十一

謀將

七

周氏滅佛法此寺隔在陳境故不及難天保六年春清河王岳進軍臨江法和舉州入齊文宣以法和為大都督十州諸軍事太尉公西南大都督五州諸軍事荊州刺史安湘郡公宋莅為郢州刺史官爵如故莅弟遙為散騎常侍儀同三司湘州刺史義興縣公梁將侯瑱來逼江夏齊軍棄城而退法和與宋莅兄弟入朝文宣聞其奇術虛心相見備三公鹵簿於城南十二里供帳以待之法和遙見鄴城下馬禹步辛術謂

曰公既萬里歸誠至上虛心相待何為作此非法和手持香爐步從路車至於館明日引見給通德給網車伏身百人詣闕通名不稱官爵不稱臣但云荆山居士文宣宴法和及其徒屬於昭陽殿賜法和錢百萬物千段甲第一區田一百頃奴婢二百人生資件物稱是宋蒞千段其餘儀同刺史以下各有差法和所得奴婢盡免之曰各隨緣去錢帛散施一日便盡以官所賜宅營佛寺自居一房與凡人無異三年間再

關外春秋

卷之三十一

謀將

七

為太尉世猶謂之居士無疾而告弟子死期至時燒香禮佛坐繩牀而終浴訖將歛屍小縮止三尺許文宣令開棺視之空棺而已法和書其所居壁而塗之及剝落有文曰十年天子為尚可百日天子急如火周年天子遞代坐又曰一母生三天兩天共五年說者以為婁太后生三天子自孝昭即位至武成傳位後主共五年焉按法和託沙門而隱跡覽梁難而挺身師動神

其奇畫天壤間乃有此人亦奇矣
 評曰陸公不僧不俗才足戡禍亂道足了生
 死有游戲三昧之意其討侯景也海岳從風
 百靈效順梁元帝以功高疑之稍萌于心卽
 先知之陸公曰貧道學道之人尚不希釋梵
 天王豈窺人主之位殆神人也

唐檢校尚書左僕射眉州刺史劍南東川節度

使高仁厚

仁厚不知何許人初事劍南西川節度使陳敬
 瑄爲營使敬瑄多遣人歷縣鎮訶事謂之尋事
 人所至多所求取有二人過資陽鎮獨無所求
 鎮將謝弘讓邀之不至自疑有罪夜亡入羣盜
 中明日二人去弘讓實無罪也捕盜使楊遷因
 執弘讓送敬瑄敬瑄杖其脊釘於西城二七日
 煎油滲之又以膠麻掣其瘡備極慘酷見者寃

關外春秋

卷之三十五

謀將

西

焉又有邛州牙官阡能因公事違期避杖亡命
 楊遷復誘之能方欲出首聞弘讓之寃大罵楊
 遷發憤爲盜踰月衆至萬人立郡伍署職級橫
 行邛雅二州攻陷城邑所過塗地浸淫入蜀州
 境陳敬瑄乃以仁厚爲都招討指揮使往討之
 未發前一日有鬻麪者到營中邏者疑執而訊
 之果阡能之謀也謀自言父母妻子囚於獄約
 不得軍中虛實卽死仁厚哀之曰我何忍殺汝
 今縱汝歸汝言爲我潛語寨中人云僕射愍汝

曹皆良人爲賊所制情非得已明日尚書來汝曹有能投兵迎降者署背曰歸順皆得復舊業所欲誅者阡能羅渾擊句胡僧羅夫子韓求五人耳遂遣之明日仁厚兵發至雙流把截使白文現出迎仁厚周視帳棚怒曰阡能役夫其衆皆耕民耳竭一府之兵歲餘不能擒今觀壑柵重復半審如此宜其可以安眠飽食養寇邀功也命引出斬之監軍力救久之得免命悉平整柵留五百兵守之餘兵悉以自隨阡能聞仁厚

關外春秋

卷之三十三 將

五

將至遣羅渾擊立五寨伏兵千人以邀官軍仁厚謂知遣人入賊中告諭如所以語謀者賊大喜呼謀軍棄甲降仁厚因撫諭書其背使歸語寨中未降者寨中餘衆爭出渾擊狼狽踰壑走其衆執以詣仁厚仁厚械送府悉命焚五寨惟留旗幟明旦仁厚謂降者曰始欲卽遣汝歸而前途諸寨百姓未知吾心着汝曹爲我前行過穿口新津寨下示以背字告諭之比至延貢可歸矣乃取旗倒繫之每五十爲隊授以一

旗使前揚旗疾呼曰羅渾擊已生擒送使府大軍行至居寨中者速如我出降立得爲良人矣至穿口句胡僧置十一寨寨中人爭出降胡僧大驚拔劍過之不能止共擒以獻其衆五千餘人皆降明旦又焚寨使降者又執旗先驅至新津韓求置十三寨皆迎降求自投水死衆鉤出斬以徇將士欲焚寨仁厚止之曰降人皆未食先運出資糧然後焚之新降者競炊爨與先降來告者共食之語笑歌吹終夜不絕明日仁厚

關外春秋

卷之三十三 將

其

縱雙流穿口降者先歸使新津降者執旗先驅且日入邛州境亦可散歸矣羅夫子置九寨於延貢其衆前夕望新津火光已待降及新津人至羅夫子脫身棄寨奔阡能明日羅夫子阡能謀悉衆決戰計未定日向暮延貢降首至阡能羅夫子走馬巡寨欲出兵衆皆不應明旦諸寨知大軍已近呼謀爭出執阡能阡能窘急赴井爲衆所擒不死又執羅夫子羅夫子自到衆挈羅夫子首歸阡能請仁厚擄馬首大呼泣拜曰

百姓負冤日久無可控訴今遇尚書如出九泉
睹白日已死而復生矣謹呼不可止賊寨在他
所者仁厚分遣諸將往降之出軍凡六日五賊
皆平每下縣鎮輒補鎮過使使安集戶口仁厚
還天子御樓勞軍授仁厚檢校尚書左僕射眉
州刺史於是陳敬瑄梟韓求羅夫子首於市釘
門能羅渾擊句胡僧於城西七日而高之敬瑄
與仁厚謀曰韓秀昇未擒貢輸梗奪公能破之
當以東川待公仁厚許之詔拜行軍司馬仁厚

歸外春秋

卷之三十三 謀將

七

以銳兵負岸而陣使游兵逼賊火不戰則夜以
千卒直薄營火而謀之秀昇率舟師救火仁厚
遣人驚沒鑿舟皆沉眾潰秀昇斬之不能止眾
怒執秀昇降檻車送行在斬之東川節度使楊
師立聞敬瑄以仁厚代已有望言敬瑄諷帝徵
師立以本官兼右僕射楊師立得詔書益怒移
檄言敬瑄十罪殺監軍使舉兵屯涪城詔削師
立官爵以仁厚為東川節度留後將兵二萬討
之以西川楊茂言為行軍副使賊黨鄭君雄張

士安嬰城閱四旬夜出兵擾北柵副使楊茂言
不能禦引兵走其旁數寨亦走東川人併兵攻
中軍仁厚設兩翼而伏披柵門列炬賊不敢進
伏發擊走之追至城下蹙之壕中多斬獲而還
仁厚念諸棄寨走者所當誅殺甚眾乃密召孔
目官張詔諭之曰爾速遣步探子將數十人分
道追走者自以爾意諭之曰僕射幸不入寨皆
不知汝曹速歸來旦牙參如常勿憂也詔素長
者眾信之至四鼓皆還寨惟楊茂言走至張把

歸外春秋

卷之三十三 謀將

八

乃追及之仁厚聞諸寨漏鼓如故喜曰悉歸矣
詰旦諸將牙集以為仁厚誠不知也坐良久仁
厚謂茂言曰昨夜聞副使身帥士卒走至張把
有諸對曰昨夜聞賊攻中軍左右言僕射已去
遂策馬驟隨既而審其虛復還寨中曰仁厚與
副使俱受命天子將兵討賊若仁厚先走副使
當叱下馬行軍法代總軍事然後奏聞今副使
既先走又為欺誤理當何如茂言拱手曰當死
仁厚曰然命左右扶下斬之諸將股栗仁厚乃

召昨夜所獲俘虜數十人釋縛縱歸君雄等聞之懼皆不敢出師立自督士十戰皆北仁厚爲書射城中曰仁厚不忍玉石俱焚爲諸君緩師十日使諸君自成其功諸君圖之數日君雄大呼于衆曰天子所討反者耳吾等何預也衆呼萬歲乃與士安大譟而進以書示師立口請以死謝衆自沉于地死君雄悉誅其家獻首天子仁厚入府縱繫囚賑貧乏詔拜河南東川節度使

閩外春秋

卷之三十三 諱將

十九

按陳敬瑄恃田令孜之執尋事整人而楊遷遂執謝弘讓於敬瑄敬瑄之濕束弘讓者極慘毒阡能因是聞風爲盜橫行邛雅間焉則首禍者敬瑄而從史之者楊遷也高尚書雖平阡能之亂而楊遷敬瑄未見所坐豈錯代耶

評曰仁厚之行軍智勇兼施德威並用者也討阡能妙在不威而招撫全得縱帶麴者之力討而直妙在不攻而圖之全得孔目官之

之視壘棚而恠其重複牢固暗合于楊處道除鹿角之法大開營門而賊不敢入暗合于趙子龍叱張翼之法可與談兵矣

魏侍中特進撫軍大將軍左光祿大夫監祕書

事東郡公崔浩

浩字伯淵小字桃簡清河人也白馬公玄伯之長子少好文學博覽經史玄象陰陽百家之言無不關綜研精義理時人莫及弱冠爲通直郎轉著作郎太祖以其工書常置左右太祖季年威嚴頗峻宮省左右多以微過得罪浩獨恭勤不怠或終日不歸太祖知之輒命賜以御粥太宗初拜博士祭酒賜爵武城子太宗好陰陽術

關外春秋

卷之三十一 謀將

三

數浩綜覈天人之際舉其綱紀處決多驗恒與軍國大謀甚爲寵密是時有兔在後宮不知何從得入太宗怪焉命浩推之浩曰當有隣國貢嬪嬙者明年姚興果獻女太史令王亮蘇坦因華陰公主等言讖書國家當治鄴勸太宗遷都浩與特進周澹言於太宗曰遷都非策也國家居廣漠之地民畜無筭號稱千毛之衆今留守舊部分家南徙恐不滿諸州之地參居郡縣處榛林之間情見事露則百姓意沮四方聞之有

輕信之意屬焉蠕蠕必提軍而來雲中平城

有危殆之慮阻隔恒代千里之險救援甚難如此則聲實俱損矣今居北方山東有變輕騎南出耀威桑梓之中百姓見之望塵震服此國家威制諸夏之長策也至春草生乳酪將出兼有菜果足接來秋若得中熟事則濟矣太宗深然之曰唯此二人與朕意同復使中貴人問澹曰今既糊口無以至來秋來秋或復不熟將如何浩等對曰可簡窮下之戶諸州就穀若來秋無

關外春秋

卷之三十一 謀將

三

年願更圖也但不可遷都太宗從之初姚興死之前歲也太史奏營惑在匏瓜星中一夜忽然亡失不知所在或謂下入危亡之國將爲童謠妖言而後行其災禍太宗聞之大驚乃召諸碩儒令與史官求其所詣浩對曰案春秋左氏傳說神降于莘其至之日各以其物祭也請以日辰推之庚午之夕辛未之朝天有陰雲營惑之亡當在此二日之內庚子未春皆正於春辛爲西宮今此二日之內庚子未春皆正於春辛爲

日炎惑果出於東井，留守盤旋，秦中大旱赤地，昆明池水竭，童謠詭言，國內誼擾，明年姚興死，三年國滅。泰常元年，司馬德宗將劉裕伐姚泓，舟師自淮泗入清，欲涉河西上，假道於國，詔羣臣議之。外朝公卿咸曰：「不許便。」太宗將從之。浩曰：「此非上策。」司馬休之徒擾其州，劉裕切齒，來久，今與子劣，乘其危亡而伐之，臣視其意，必欲入關，勁躁之人，不顧後患。今若塞其西路，裕必上岸北侵，如此則姚無事而我受敵，今蠕蠕

關外春秋 卷之三十三 謀將 五

內寇，民食又乏，不可發軍。發軍赴南，則北寇進擊，若其救北，則東州復危。未若假之水道，縱裕西入，然後與兵塞其東歸之路。所謂下莊刺虎，兩得之勢也。使裕勝也，必德我假道之惠，令姚氏勝也，亦不失救隣之名。縱使裕得關中，縣遠難守，彼不能守，終為我物。今不勞兵馬，坐觀成敗，開兩虎而收長久之利，上策也。夫謀國擇利而為之，豈顧婚姻酬一女子之惠哉？假令國家棄恒山以南，裕必不能發吳越之兵，與官軍爭

守河北也。居然可知。議者猶曰：「裕西入，退路窮，腹背受敵，北上岸則姚軍必不出關助我，揚聲西行，意在北進，其勢然也。」太宗遂遣長孫嵩發兵拒之，戰於啤城，為裕將朱超石所敗。太宗恨不用浩計，劉裕西伐，前軍已至流關，太宗問浩如何，浩對曰：「必克。」太宗曰：「劉裕武能何如？」慕容垂浩曰：「裕勝。」太宗曰：「何也？」浩曰：「慕容垂承父祖世君之資，生便尊貴，同類歸之，少加倚仗，便足立功。劉裕挺出寒微，不階尺土之資，不

關外春秋 卷之三十三 謀將 五

因一卒之用，奮臂大呼，而夷滅桓玄，比擒慕容超，南摧盧循等，僻晉陵遲，遂執國命。裕若平姚而還，必篡其主，其勢然也。秦地虎狼之國，裕欲行荆揚之化於其地，譬無翼而欲飛，不可得也。太宗曰：「裕已入關，不能進退，我遣精騎南襲彭城，壽春，裕亦何能自立？」浩曰：「今西北二寇未殄，陛下不可親御六師，兵眾雖盛，而將無韓白，長孫嵩有治國之用，無進取之能，非劉裕敵也。臣謂待之不晚。」太宗笑曰：「卿量之已審矣。」浩曰：「臣

嘗私論近世人物不敢不上聞若王莽之治國待堅之管仲也。慕容玄恭之輔少主。慕容暉之霍光也。劉裕之平逆亂。司馬德宗之曹操也。太宗曰先帝如何。浩曰太祖用漠北醇樸之人南入中地。變風易俗。化洽四海。臣豈能仰名。太宗曰屈巧何如。浩曰屈巧家國夷滅。一身孤寄。為姚氏封殖。不思樹黨彊隣。報讐雪耻。乃結忿於蠕蠕。背德於姚興。擡豎小人。無大經略。正可殘暴。終為人所滅耳。太宗大悅。語至中夜。賜浩御

閩外春秋 卷之三十三 謀將 三

標醪酒十觚。木精戎鹽一兩。曰朕味卿言。若此鹽酒。故與卿同其旨也。三年彗星出天津。入太微。經北斗。絡紫微。犯天棓。八十餘日。至漢而滅。太宗問浩。浩曰漢書載王莽篡位之前。彗星出入。正與今同。其應不在國家。晉室主弱。臣疆累世陵遲。故桓玄逼奪。劉裕秉權。彗孛者惡氣之所生。是為僭晉將滅。劉裕篡之應也。太宗然之。五年。裕景廢其主。司馬德文而自立。太宗恒有微疾。其屢見。乃使中貴人密問浩曰。春秋

字北斗。七國之君皆將有咎。今茲日飲於胃。鼎盡光。趙代之分野。朕疾彌年。療治無損。恐一旦奄忽。諸子並少。將如之何。浩曰陛下春秋富盛。幸就平愈。但自聖化龍興。不崇儲貳。是以永興之始。社稷幾危。今宜早建東宮。選公卿忠賢。陛下素所委仗者。使為師傅。左右信臣。簡在聖心者。以充賓友。入總萬機。出統戎政。監國撫軍。六柄在手。若此。則陛下可優游無為。頤神養壽。今長皇子熹年漸一周。明淑溫和。眾情所繫。時登

閩外春秋 卷之三十三 謀將 三

儲副。則天下幸甚。太宗納之。於是使浩奉策告宗廟。命世祖為國副主。居正殿。臨朝。司徒長孫嵩。山陽公奚斤。北新公安同。為左輔。坐東廂。西面。百寮總已。以聽焉。太宗避居西宮。時隱而窺之。聽其決斷。大悅。會聞劉裕死。太宗欲取洛陽。虎牢滑臺。浩曰。春秋晉士句帥師侵齊。聞齊侯卒。乃還。君子大其不伐喪。以為恩足以感孝子。義足以勸。今國家未能一舉而定。江南宜遣人

下令德之事也。裕新死，黨與未離，兵臨其境，必相率拒戰，功不可必，不如緩之。始光中，進爵東郡公，拜太常卿。時議討赫連昌，郡臣皆以為難。唯浩曰：「往年營惑再守羽林，越鈞陳，其占秦亡。又今年五星併出東方，利以西伐，天應人和，不可失也。」世祖乃使奚斤等擊蒲坂，而親率輕騎襲其都城，大獲而還。及復討昌，次其城下，收衆偽退，昌鼓譟而前，舒陣為兩翼，會有風雨從東南來，揚沙昏冥，宦者趙倪進曰：「今風雨從賊後

關外春秋

卷之三十三

謀將

壬

來。我向彼背，天不助人，又將士飢渴，願陛下攝騎避之，更待後日。」浩叱之曰：「是何言歟！千里制勝，一旦之中，豈得變易？賊行不止，後已離絕，宜分軍隱山，掩擊不意。風道在人，豈有常也？」世祖曰：「善。」分騎奮擊，昌軍大潰。議擊蠕蠕，朝臣內外盡不欲行。唯浩贊成之。赫連昌太史張淵、徐辯說世祖曰：「今年巳巳，三陰之歲，歲星襲月，太白在西方，不可舉兵，北伐必敗，雖剋不利於上，世祖意不決，乃召浩令與淵等辯。浩難淵曰：「陽者德

也。陰者刑也。故日蝕修德，月蝕修刑。夫王之用刑，大則陳諸原野，小則肆之市朝。戰伐者用刑之大者也。以此言之，二陰用兵，蓋得其類。脩刑之義也。歲星襲月，年飢民流，應在他國。遠期十二年。太白行蒼龍宿於天文，為東，不妨北伐。臣觀天文，比年月行掩昴，其占三年天子大破，旄頭之國。蠕蠕高車旄頭之衆也。夫聖明御時，能行非常之事，願陛下勿疑也。淵等曰：「蠕蠕荒外無用之物，得其地不可耕而食，得其民不可臣

關外春秋

卷之三十三

謀將

壬

而使輕疾無常，難得而制，有何汲汲而苦勞士馬也？浩曰：「淵言天時，是其所職。若論刑勢，非彼所知。斯乃漢世舊說，常談施之於今，不合事宜也。夫蠕蠕者，舊是國家北邊叛隸，今誅其元惡，收其善民，令復舊役，非無用也。漠北高涼，不生蚊蚋，水草美善，夏則北遷，田牧其地，非不可耕而食也。蠕蠕子弟來降，貴者尚公主，賤者將軍，大夫居滿朝列，又高車號為名騎，非不可臣而畜也。夫以南人追之，則患其輕疾，於國兵則不

然何者彼能遠走我亦能遠逐與之進退非難制也。且蠕蠕往數入國，民吏震驚，今夏不乘虛掩進，破滅其國，至春秋復來，不得安卧，自太宗之世，迄於今日，無歲不警，豈不汲汲乎哉！且蠕蠕恃其絕遠，謂國家力不能至，自寬來，故夏則散衆放畜，秋肥乃聚，背寒向溫，南來寇抄，今出其慮表，攻其不備，大軍卒至，必驚駭星分，望塵奔走，狂馬護羣，化馬戀駒，驅馳難制，不得水草，未過數日，則聚而困敝，可一舉而滅，蹙勞永

關外春秋

卷之三十三 謀將

三

逸，長久之利，時不可失也。諸軍遂行，天師寇謙謂浩曰：是行如何？果可克乎？浩對曰：天時形勢必克無疑，但恐諸將瑣瑣，前後顧慮，不能乘勝深入，使不全舉耳。及軍入其境，蠕蠕先不設備，凡所俘虜及獲畜產車廬，彌漫山澤，蓋數百萬，高車殺蠕蠕衆類歸降者三十餘萬，落虜遂散亂矣。世祖沿濁水西行，至涿邪山，諸大將果疑畏，不深入，勸世祖停止不追。世祖每幸浩第，多問以異事，或倉卒不及束帶，奉進蔬食，不暇精

美世祖爲舉七箸，或立嘗而旋，其見寵愛如此。於是引浩出入卧内，加侍中，特進撫軍大將軍，右光祿大夫，賞謀謨之功。世祖從容謂浩曰：卿才智淵博，事朕祖考，忠著三世，故延卿自近，其思盡規諫，匡予弼予，勿有隱懷。朕雖當時遷怒，若或不用，久久可不深卿言也。又召新降高車渠帥數百人，賜酒食於前，世祖指浩以示之曰：汝曹視此人，尪纖懦弱，手不能彎弓，持矛胷中所懷，乃過甲兵。朕每有征討，而慮不自決，前後

關外春秋

卷之三十三 謀將

三

克捷，皆此人之力也。俄而南藩諸將表劉義隆大嚴，欲犯河南，請兵三萬，先其未發，逆擊之。因誅河北流民在界上者，絕其鄉導，足以挫其銳氣，使不敢深入。詔公卿議之，咸言宜許。浩曰：此不可從也。往年國家大破蠕蠕，馬力有餘，南賊震懼，常恐輕兵奄至，故先聲勦衆，以備不虞，非敢先發。又南土下濕，夏月蒸暑，非行師之時，且彼先嚴有備，必堅城固守，屯聚糧食，不給分兵討，則無以應敵。未見其利，就使能來。

待其勞倦秋涼馬肥因敵取食徐待擊之萬全之計。且天時不利於彼。害氣在楊州。不宜先舉兵。一也。午歲自刑。先發者傷。二也。日蝕滅光。晝昏星見。飛鳥隨落。宿值斗牛。憂在危亡。三也。熒惑伏匿於翼軫。戒亂及喪。四也。太白未出。進兵者敗。五也。夫與國之君。先修人事。次盡地利。後觀天時。故萬舉而萬全。國安而身盛。今義隆新國。是人事未周也。災變屢見。是天時不協也。舟行水涸。是地利不盡也。三事無一成。自守猶或

問外春秋

卷之三十三 謀將

三

不安。何得先發而攻人哉。世祖不能違眾。遂遣陽平王杜超鎮鄴。琅邪王司馬楚之等屯潁川。於是賊來遂疾。世祖聞赫連定與劉義隆懸分河北。乃治兵欲先討赫連。世祖疑焉。問計於浩。浩曰。義隆與赫連定同惡相招。連結馮跋。牽引蠕蠕。歸肆逆心。虛相唱和。義隆望定進。定待義隆前。皆莫敢先入。以臣觀之。有似連雞。不得俱飛。無能為害也。今義隆軍來。東西列兵。徑二千里。一是不。分勢弱。以此觀之。俾見情

見止望固河自守免死為幸無北度意也。赫連定殘根易摧。擬之必仆。剋定之後。東出潼關。席卷而前。則威震南極。江淮以北。無立草矣。平涼既平。其日宴會。世祖執浩手以示蒙遜。使曰。所云崔公。此是也。朕行止必問。成敗決焉。世祖將討沮渠牧犍。先問於浩。浩對曰。牧犍惡心已露。不可不誅。官軍往年北伐。雖不克獲。實無所損。今出其不意。大軍卒至。擒之必矣。且牧犍劣弱。諸弟驕恣。民心離解。加天災地變。都在秦涼。必

問外春秋

卷之三十三 謀將

三

滅之國也。世祖曰。善。命公卿議之。弘農王奚斤等三十餘人。皆曰。牧犍雖心不純。臣然職貢不絕。又其地鹵斥無水草。大軍不得久停。天梯山上積雪丈餘。至春夏消液成川。引以溉灌。彼聞軍至。決渠水涸。則致渴乏。討之未見其便。浩曰。漢書地理志稱涼州之畜。為天下饒。若無水草。何以畜牧。又漢人為居。終不於無水草之地。築城郭立郡縣也。又雪之消液。纔不斂塵。何得通渠引漕。溉灌數百頃乎。此言大誣。於是遂討涼

州而平之如浩所言乃詔浩曰昔身前之隆北上我太祖道武皇帝奄有區夏太宗承統光隆前緒朕以躬身獲奉宗廟戰戰兢兢如臨淵海故即位之初不遑寧處揚威朔裔掃定赫連建於神廡始命史職注集前功以成一代之典自爾已來戎旗仍舛秦隴克定徐兗無塵平浦寇於龍川討孽豎於涼城而史闕其職篇籍不著每懼斯事之墜焉今命公留臺綜理史務述成此書務從實錄浩於是監秘書事以高允

關外春秋

卷之三十三 謀將

五

張偉參著作續成前紀而浩總焉世祖西巡至東雍親臨汾曲觀叛賊薛永宗壘進軍圍之永宗欲戰世祖問浩曰今日可擊不浩曰永宗未知陛下自來人心安閑北風迅疾宜急擊之須臾必碎若待明日恐其見官軍盛大必夜遁走世祖從之永宗潰滅車駕濟河前驅告賊在渭北世祖至洛水橋賊已夜遁詔問浩曰蓋吳在長安北九十里渭北地空穀草不備欲渡渭南西行何如浩對曰蓋吳營去此六十里賊魁

在擊地之法當先破頭頭破則尾豈能復動宜乘勢先擊吳今軍往一日便到平吳之後回向長安亦一日而至一日之內未便損傷愚謂宜從北道若從南道則蓋吳徐入北山卒未可平世祖不從乃渡渭南吳聞世祖至盡散入北山果如浩言軍無所克世祖悔之後有人誣浩於世祖世祖忽誅浩

按崔桃簡纖妍白皙如美婦人而性敏達長于計書常自比張良而稽古過之世祖即位

關外春秋

卷之三十三 謀將

五

左右排毀既已以公歸第因欲修服食養性之術又師寇謙之受神中之訣何不掛冠解組買山而隱而竟被菹醢則亦間于保身矣哀哉

桃簡奉勅解急就章孝經論語詩尚書周易春秋禮記天文星曆易式九宮無不綜核凡三十九年專心精研忘寢與食至乃夢與鬼爭義亦何勤也其推隣國貢嬪嬙榮惑入秦地築劉裕勝慕容垂斷彗星之出將滅晉五

星併東利伐秦占太白行蒼龍宿月行持昂
為大破旄頭之象決劉義隆赫連定有似連
鷄不得俱飛識沮渠牧健有惡心料蓋吳之
走北山即子房運籌決勝茂以加矣

評曰伯淵才執通博究覽天人政事籌策時
莫之二所以自比于子房也屬太宗為政世
祖經營言聽計從寧廓區夏遇既隆也動亦
茂哉謀雖蓋世威未震主未途邂逅遂不自
全豈烏盡弓藏民惡其上將器盈必槩陰害

爾外春秋 卷之三十三 謀將 五

貽禍何斯人而遭斯酷悲夫

佛法圓通廣大範圍覆載籠罩古今從來大
豪傑大奸雄無不皈命而膜拜者浩乃橫口
污穢焚毀釋典捐灰於廁中豈全不畏護法
尊天耶及浩幽執檻內送於城南使衛士數
十人溲其上呼聲嗷嗷淒慘行路自古宰司
之被侮辱未有如浩者豈咸以為報應之驗
也嗚呼後之蔑跡如來弁髦梵籍者可以為

毀譽矣

崔簡自負博洽請問從有載籍以來曾見以
國書勒石者否曾見營於天郊東者否曾見
有用功三百萬者否閱湛欽標諂諛小人附
崔公于死地地上未見株連地下必不免犁
舌之報而桃簡至五代時有替者張濛自言
事太白山神神崔浩也其言吉凶無不中崔
公聊可信眉耳

周上柱國大將軍益州刺史齊王宇文憲

憲字毗賀突太祖第五子也初封涪城縣公少

與高祖俱受詩傳咸綜機要得其指歸文帝嘗

賜諸子良馬唯其所擇憲獨取駿者帝問之對

曰此馬色類既殊或多駿逸若從軍征伐牧圍

易分帝喜曰此見智識不凡當成重器後從獵

隴上經官馬牧太祖每見駿馬輒曰此我兒馬

也命取以賜之後進封安城郡公累官大將軍

益州刺史進封齊國公初平蜀之後以其形勝

關外春秋

卷之三十三 謀將

三

之地不欲使宿將居之諸子中欲有推擇偏問

武帝已下誰欲此行並未及對而憲先請文帝

曰刺史當撫衆臨人非爾所及以年授者當歸

爾兄憲曰才用殊不開大小試而無効其受面

欺文帝大悅以憲年尚幼未之遣也明帝追遵

先旨故有此授憲年時十六善於撫綏留心政

術辭訟幅湊聽受不疲蜀人悅之尋進柱國徵

還京齊將獨孤承業來寇詔憲與柱國李弼出

宜陽築崇德等城絕其糧道齊將斛律明月築

聖洛南憲漲洛邀之明月遁走明月又於

築城西至龍門晉公護問計於憲憲曰凡宜暫

出同州以爲威容憲請以精兵居前隨機攻取

憲率衆出自龍門齊軍宵遁憲乃渡河攻其伏

龍等四城二日盡拔時汾州見圍日久糧援路

絕憲遣柱國宇文盛運粟饋之憲自入兩乳谷

襲克齊伯杜城使柱國譚公會築石殿城以爲

汾州之援齊段孝先高長恭引兵大至大將軍

韓歡爲齊人所乘遂退憲身自督戰齊衆稍却

關外春秋

卷之三十三 謀將

三

會日暮乃各收軍後進爵爲齊王憲嘗以兵書

繁廣自刊爲要略五篇表陳之帝覽而稱善帝

寢疾衛王直於京師舉兵反帝召憲謂曰招與

汝爲前軍吾亦續發直尋敗走帝至京師憲與

趙王招俱入拜謝帝曰管蔡爲戮周公作輔人

心不同有如其面但愧兄弟親尋于戈於我爲

不足耳帝將東討獨與內史王誼謀之餘人莫

知後以諸弟才略無出憲右遂告之憲即贊成

其事及大軍將出憲表上金器等一十六件以

其資詔不納以憲表示公卿曰人臣當死
朕貴其心耳。寧資此物。乃詔憲為前軍。趨黎陽。
帝親圍河陰。未克。憲攻拔武濟。進圍洛口。拔其
東西二城。以帝疾。班師。時初置上柱國官。以憲
為之。大舉東討。憲復為前鋒。守雀鼠谷。帝親圍
晉州。憲進克洪洞。永安二城。更圖進取。齊王聞
晉州見圍。自來援之。時陳王純屯千里徑。大將
軍宋昌公椿屯離樓原。大將軍宇文盛守汾水。
並受憲節度。憲密謂椿曰。兵者詭道。汝今為營。

關外春秋

卷之三十一

謀將

手

不須張幕。可伐柏為菴。示有處所。令兵去之後。
賊猶致疑。時齊王分軍萬人向千里徑。又令其
衆出汾水關。自率大兵與椿對。宇文盛馳告急。
請自救之。齊人遽退。盛與柱國侯莫陳芮逐之。
多有斬獲。俄而椿告齊衆稍逼。憲又赴之。會被
敕追還。率兵夜反。齊人果謂柏菴為帳幕。不疑
軍退。朔日始悟。時帝已去晉州。留憲後拒。憲阻
水為陣。齊領軍段暢至橋。憲隔水問暢姓名。暢
曰。領軍段暢也。公復為誰。憲曰。我虞候大都督

耳。暢曰。公言語不是凡人。何用隱名位。憲乃
曰。我天子太弟齊王也。徧指陳王純已下。並以
告之。暢鞭馬去。憲即命還軍。齊人遽追之。戈甲
甚銳。憲與開府宇文欣為殿。拒之。斬其驍將等
萬餘人。齊衆乃退。帝又命憲攻晉州。諸軍總集。
稍逼城中。齊人大陣於營南。帝召憲馳往觀之。
憲反命曰。是易與耳。請破之。而後食。帝悅。既而
諸軍俱進戰。時大潰。齊王遁走。齊人復據高壁
及洛女砦。帝命憲攻洛女。破之。齊王已走鄴。留

關外春秋

卷之三十一

謀將

聖

其安德王延宗據并州。帝進圍其城。憲攻其西
面。尅之。延宗遁走。追而獲之。仍詔憲趨鄴。進尅
鄴城。齊任城王湝廣寧王孝珩等守信都。復詔
憲討之。仍令齊王手書招湝。湝不納。憲軍過趙
州。湝令間諜二人覘之。候騎執以白憲。憲乃集
齊舊將徧示之曰。吾所爭者大。不在汝等。即放
還。令充使。乃與湝書。憲至信都。掄湝及孝珩等。
憲素善。謀多筭略。尤長於撫御。達於任使。摧鋒
陷陣。為士卒先。羣下感悅。咸為之用。齊人夙聞

威聲無不傳其勇略及并州之捷長驅敵境多
牧不擾軍無私焉

按毗賀突雖在童戲神采疑然及高祖與稽
山之會總盟津之師憲即贊成其事表上私
財以助軍費其日邊隅未靜卜式願上私財
江海不澄衛茲請獻私粟本謀欲外翦長地
大恢武略也迺威名日重幼主生嫌既令于
智啓其動靜又令孝伯餌以三師遂獨被引
進壯士與戎嗚呼以王今日事勢何用多言

闕外春秋

卷之三十三

謀將

四

冤哉縊也宣帝之酷於斯而極矣

評曰齊王奇姿傑出席介弟之地握上將之
權智勇冠世攻戰如神敵國繫以存亡鼎命
由其輕重比之異姓則方召韓白何以加焉
挾震主之威屬道消之日斯人而嬰斯戮君
子是以卜周祚之不永也

自兩漢逮乎魏晉其帝弟帝子衆矣惟楚元
河間東平陳思之徒以文儒播美任城琅邪
以武功名餘人碌碌無足數也憲年裁十

六而善於撫屬自刊要略而長於護兵捐資
助軍以表心伐栢為菴以疑敵奇才高行獨
步于周室矣

三立堂新編闕外春秋卷之二十三

闕外春秋

卷之三十三

謀將

四

三立堂新編閩外春秋卷之二十四

華胥外史漢陽 尹商 于皇甫 著

周上柱國行軍元帥驃騎大將軍開府儀同三

司前行宜陽郡事南兗州刺史兼攝南汾州

事贈太傅襄公章孝寬

孝寬本名叔裕以字行京兆杜陵人沈敏和正

滋獵經史弱冠屬蕭寶寅作亂關右乃詣關請

為軍前驅朝廷喜之即拜統軍隨長孫承業西

征每戰有功拜國子博士周文帝自原州赴雍

關外春秋 卷之二十四 謀將 一

州命孝寬隨軍及尅潼關即授弘農郡守從擒

寶泰兼左丞節度宜陽兵馬事又從戰於河橋

時大軍不利邊境騷然乃令孝寬行宜陽郡事

尋遷南兗州刺史是歲東魏將段琛堯傑復據

宜陽遣其楊州刺史牛道常扇誘邊人孝寬深

患之乃遣謀人訪獲道常手迹令善作書者為

作道常與孝寬書論歸欵意又為落燼燒迹若

火下書者還令謀人送入琛營琛得書果疑道

常有詐謀琛略皆不見用孝寬知其離阻因出

奇兵掩襲擒道常及琛等峭澗遂清尋移鎮玉

壁兼攝南汾州事先是山胡負險累為劫盜

寬示以威信州境肅然進授大都督齊神武領

山東之衆西入先攻玉壁連營數十里至於城

下乃欲城南起土山欲乘之以入城上先有兩

高樓直對上山孝寬更縛木接之令極高峻多

積戰具以禦之齊神武使謂城中曰縱爾縛樓

至天我會穿城取爾遂於城南鑿地道又於城

北起土山攻具晝夜不息孝寬復掘長塹要其

關外春秋 卷之二十四 謀將 二

地道仍簡戰士屯塹每穿至塹戰士即擒殺之

又於塹外積柴貯火敵人有在地道內者使下

柴火以皮排吹之火氣一衝咸即灼爛城外又

造攻車車之所及莫不摧毀雖有排楯莫之能

抗孝寬乃縋布為幔隨其所向布懸空中車不

能壞城外又縛松於竿灌油加火規以燒布并

欲焚樓孝寬復長作鐵鉤利其鋒刃火竿一來

以鉤刃逢割之又於城四面穿地作二十一道

分為四等於其中各施梁柱以油灌柱放火燒

之柱折城並崩壞孝寬又隨崩處立木棚扞之敵不得入神武無如之何乃遣倉曹參軍祖孝徵謂曰未聞救兵何不降也孝寬報云我城池嚴固兵食有餘攻者自勞守者常逸豈有旬朔之間已須救援適憂爾衆有不測之危孝寬關內男子必不爲降將軍也俄而孝徵復爲城中人曰韋城主受彼榮祿或復可爾自外軍士何事相隨入湯火中邪乃射募格於城中云能斬城主降者拜太尉封開國郡公邑萬戶賞帛萬

關外春秋

卷之三十四

謀將

三

疋孝寬手題書背反射城外云若有斬高歡者亦依此賞孝寬弟子遷先在山東被鎖至城下臨以白刃云若不早降便行大戮孝寬慷慨激揚士卒感勵人有死難之心神武苦戰六旬傷及死病者十四五智力俱困因而發疾其夜遁去後因此忿恚遂租周文帝嘉孝寬功令殿中尚書長孫沼遠至玉壁勞問授驃騎大將軍開府儀同三司賜姓宇文氏周文北巡命孝寬還鎮玉壁

齊者皆爲盡力亦有齊人得孝寬金貨逃通書疏故齊人動朝廷皆先知時有主帥許盆孝寬託以心膂令守城盆乃以城東反孝寬怒遣滕取之俄斬首而還其能致物情如此汾州之北離石以南悉是生胡抄掠居人阻斷河路孝寬深患之而地入於齊欲當其要處置一大城乃於河西征役徒十萬甲士百人遣開府姚岳監築之岳色懼以兵少爲難孝寬曰計成此城十日即畢既去晉州四百餘里一日創手二日備

關外春秋

卷之三十四

謀將

四

境始知設令晉州召兵三日方集謀議之間自稽三日計其軍行二日不到我之城墜足以辦矣乃令築之齊人果至南首疑有大軍乃停留不進其夜又令汾水以南傍介山稷山諸村所在縱火齊人謂是軍營遂收兵自固版築克就卒如其言進位柱國時晉公護將東討孝寬遣長史辛道獻啓陳不可護不納既而大軍果不利後悉城遂陷宜陽被圍孝寬乃謂其將帥曰宜陽一城之地未能損益然兩國爭之勞師數

載彼多君子，寧乏謀猷。若棄嶠東來，圍汾北我之疆界，必見侵擾。今宜於華谷及長秋，速築城以杜賊志。脫其先我，圖之實難。於是畫地形，具陳其狀。事不行，齊人果解。宜陽之圍，經略汾北，遂築城守之。其丞相斛律光至汾東，請與孝寬相見。云：宜陽小城，久勞爭戰。今既入彼，欲於汾北取債，勿怪也。答曰：宜陽彼之要衝，汾北我之所棄。我棄彼圖，取債安在。且君輔翼幼主，位重望隆，理宜調陰陽，撫百姓，焉用極武窮兵，構怨

關外春秋

卷之二十四 謀將

五

連禍，苟貪尋常之地，塗炭疲弊之人，竊為君不取。孝寬參軍曲巖頗知卜筮，謂孝寬曰：來年東朝必大相殺戮。孝寬因令巖作謠歌曰：百升飛上天，明月照長安。百升斛也，明月光也。又言高山不摧自崩，樹木不扶自豎，令謀人多傳此文，遺之於鄴。祖孝徵既聞，更潤色之，光卒以此誅建德之後。武帝志在平齊，孝寬乃上疏陳三策。云：武帝從之，遣淮南公元術開府，伊婁謙等重弊聘齊，爾從遂大舉再駕而定山東。孝寬之

謀也。帝東伐，過幸玉壁，觀禦敵之所，深嘆美之。移時乃去。帝嘗從容謂孝寬曰：世稱老人多智，善為軍謀。然朕惟共少年一舉平賊，公以為如何。孝寬對曰：臣今衰耄，唯有誠心而已。然昔在少壯，亦曾輸力先朝，以定關右。帝大笑曰：實如公言。乃請孝寬隨駕還京，進位上柱國。大業元年，為行軍元帥，徇地淮南。所在皆密送款。江北悉平，及宣帝崩，隋文帝輔政，時尉遲迥先為相州刺史，先令赴鄴。孝寬續進，至朝歌，迥遣其大

關外春秋

卷之二十四 謀將

六

都督賀蘭貴齋書候孝寬留貴與語以察之，疑其有變，遂稱疾徐行。又使人至相州求醫藥，密以伺之。既到湯陰，逢長文奔還。孝寬審知其狀，乃馳還，所經橋道皆令毀撤，驛馬悉擁以自隨。又勸驛將曰：蜀公將至，可多備餼酒芻粟以待之。迥果遣儀同梁子康將數百騎追孝寬驛司，供設豐厚。所經之處，皆輒停留。由是不足詔發關中兵。以孝寬為元帥，東伐軍次河楊，迥所置儀同薛公禮等圍逼懷州。孝寬遣兵擊破之，進

次懷縣永橋城之東南其城既在要衝雄堞固迥已遣兵據之諸將皆曰此城當路請先攻取孝寬曰城小而固若攻而不拔損我軍威今破其大軍此亦何能為也於是引軍次於武涉大破迥子惇惇輕其奔鄴軍次於鄴西門豹祠之南迥自出戰又破之迥窮迫自殺開東悉平凱還京薨時年七十三贈太傅謚曰襄孝寬在邊多載屢抗疆敵所有經略布置之初人莫之解見其成事方乃驚服

關外春秋 卷之十四 七

按孝寬官居武將而篤意文史晚年雖嬰眼疾猶令學者讀而聽之余觀平齊三策其一謂大軍若出當與陳氏為犄角募遣諸路為前驅其二謂未即大舉當與陳氏分兵駐屯田募士以乘其間其三謂若今更存遺養宜還崇隣好安民養威以觀其變卒如所言料事之中如此是亦右文之力也是以參麟趾殿學士考校圖籍焉
評曰兵莫微于間孝寬詐作手書而間段琛

為作謠言而誅明月微之至也守玉壁而神武不能拔是為守則固也以金貨啗齊人而知其動靜是為因間也築城以遏山胡之亂獻策以著平齊之功守五門以却陳人之師足以規其老成練達矣
賀六渾頗善用兵而頓師于玉壁苦戰六旬智力俱困彼極輪功之巧此堅墨守之術真稱敵手云

關外春秋 卷之十四 謀將

梁河東招討使領鎮南節度使開封尹前永平軍節度使左龍武衛統軍元從都押衙登州刺史行軍司馬贈中書令劉鄩

鄩密州安丘人素好兵書有機略少事青州王敬武敬武卒子師範立鄩以斬將盧洪破張蟾功表為登州刺史以為行軍司馬是時梁已破朱瑾等悉有兗鄆以為從周為兗州刺史從周將兵在外鄩乃使人負油粥城中悉視城中虛實出入之所油者得羅城下水竇可入鄩乃

關外春秋

卷之三十四 謀將

九

以步兵五百從水竇襲破之徙從周家屬外第視拜其母撫之甚有恩禮太祖已出昭宗于鳳翔引兵東還遣朱友寧攻師範從周攻鄩鄩以版輿置從周學城上母呼從周曰劉將軍待我厚人臣各為其主汝可察之從周遂緩攻鄩乃悉簡婦人及民之老疾不足當敵者出之獨與少壯者同辛苦分衣食堅守以待外援久之援不至人心頗離副使王彥溫喻城而奔守陴者多逸鄩乃遣人陽語彥溫曰副使勿多以人出

非吾素遣者勿行又下令城中曰吾遣從周使者得出否者族城中皆惑奔者乃止梁兵聞之果疑彥溫非實降者斬之城下由是城守益堅師範力窘從周以禍福諭鄩鄩報曰俟吾主降即以城還梁及師範降鄩亦降從周為具齋裝送鄩歸梁鄩曰降將蒙梁恩不誅幸矣敢乘馬衣裘乎乃素服乘驢歸梁太祖賜之冠帶飲之酒鄩辭以量小太祖曰取兗州量何大半以為元從都押衙是時太祖已領四鎮四鎮將吏皆

關外春秋

卷之三十四 謀將

十

功臣舊人鄩一旦以降將居其上及諸將見鄩皆用軍禮鄩居自如太祖益奇之太祖即位累遷左龍武統軍後討劉知俊以功拜永平軍節度使末帝即位領鎮南軍節度使為開封尹莊宗入魏鄩謂晉兵悉赴魏而太原可襲乃結草為人執以旗幟以驢負之往來城上而潛軍出黃澤關襲太原晉兵望梁壘旗幟往來不知其去也以故不追周德威先至臨清而何朔倉儲已竭末帝遣問鄩必勝之策鄩曰臣無奇術請

人給米十斛米盡則敵破矣末帝大怒遣使者監督其軍郭召諸將謀曰主上深居禁中與白面而謀必敗人事今敵盛未可輕動諸君以為如何諸將皆欲戰郭乃悉召諸將坐之軍門人以河水一盃飲之諸將莫測或飲或辭郭曰一盃之水難猶若此滔滔河流可盡乎諸將皆失色是時莊宗在魏數以勁兵壓郭營郭不肯出而末帝又數促郭戰莊宗謂諸將曰劉郭學六韜喜以機變用兵本欲示弱以襲我今其見迫

闕外春秋 卷之二十四 謀將 七

必求速戰乃聲言歸太原命符存審守魏陽為西歸而潛兵具州郭果以萬人攻魏城東莊宗自具州反趨擊之郭忽見晉軍驚曰晉王在此耶兵稍却追至故元城莊宗與符存審為兩方陣夾之郭為圓陣以禦晉人兵再和郭大敗南奔朱友謙反末帝以郭為河東道招討使行次陝州郭以書招友謙友謙不報留月餘待之段凝等素惡郭譖其為友謙親家故逗遛養賊已而郭兵數敗乃罷郭虢殺之年六十四贈中書

令子遂凝遂雍事唐皆為刺史

按劉郭為將假粥油窺水竇以入兗州簡婦人出老疾以待外援故陽語又下令以誤副使結草人執旗以巡城飲河水以激諸將亦足以規其兵書機略之一班矣

評曰郭一步百計莊宗當之每有戒心而莊宗亦善料敵其在魏陽知晉兵甚銳不肯輕于一擊如同馬仲達與諸葛孔明對壘決不敢鹵莽試嘗而末帝深居禁中遣使促戰遂

闕外春秋 卷之二十四 謀將 七

為晉所折非謀之無也郭何負于末帝而虢

唐盧龍節度使代州刺史內外蕃漢馬步軍都

指揮使贈太師周德威

德威字鎮遠朔州馬邑人為人勇而多智能望塵以知敵數其狀貌雄偉笑不改容人見之凜如也事晉王為騎將從破王行瑜以功遷內衙指揮使其小字陽五當梁晉之際周陽五之勇聞天下梁軍圍晉太原令軍中曰能生得周陽五者為刺史有驍將陳章者號陳野叉常乘白馬披朱甲以自異出入陣中求周陽五必欲生

關外春秋 卷之二十四 謀將 十一

致之晉王戒德威曰陳野叉欲得汝以求刺史宜善備之德威笑曰陳章好大言耳安州刺史非臣促邪因戒其部兵曰見白馬朱甲者當佯走以避之兩軍皆陣德威微服雜卒伍中陳章出挑戰兵始交德威部下見白馬朱甲者因退走章果奮捕急追之德威伺章已過揮鐵鎚擊之中章墮馬遂生擒之梁攻燕晉遣德威將五萬人為燕攻梁取潞州遷代州刺史內外蕃漢馬步軍都指揮使梁軍捨燕攻潞圍以夾城潞

州守將李嗣昭閉城拒守而德威與梁軍相持

於外踰年嗣昭與德威素有隙晉王病且革語莊宗曰梁軍圍潞而德威與嗣昭有隙吾甚憂之王喪在殯莊宗新立而晉之重兵悉屬德威晉人皆悉莊宗使人以喪告德威且召其軍德威聞命即日還軍太原留其兵城外徒步而入伏梓官前慟哭幾絕晉人乃安遂從莊宗復擊梁軍破夾城與李嗣昭歡如初天祐七年秋梁遣王景仁將魏滑汴宋等兵七萬人擊趙趙

關外春秋 卷之二十四 謀將 十四

王鎔乞師于晉晉遣德威先屯趙州冬梁軍至栢鄉趙人告急莊宗自將出贊皇會德威于石橋進距栢鄉五里營于野河北晉兵少而景仁所將皆梁精兵人馬鎧甲飾以組繡金銀其光輝日晉軍望之色動德威勉其眾曰此汴宋備販兒徒飾其外耳其中不足懼也其一甲直數十千擒之適足為吾資無徒望而愛之當勉以住取之退而告莊宗曰梁兵甚銳未可與爭宜少退以待之莊宗曰吾提孤軍出千里其利速

戰今不乘勢急擊之使敵知吾之衆寡則吾無所施矣。德威曰不然。趙人能城守而不能野戰。吾之取勝利在騎兵。平川廣野騎兵之所長也。今吾軍於河上。迫賊營門。非吾用長之地也。莊宗不悅。退卧帳中。諸將無敢入見。德威謂監軍張承業曰。王怒老兵不速戰者非怯也。且吾兵少而臨賊營門。所恃者一水隔耳。使梁得舟楫渡河。吾無類矣。不如退軍。郃邑誘敵出營。擾而勞之。可以策勝也。承業入言曰。德威老將知兵。

關外春秋 卷之二十四 謀將 十五

願無忽其言。莊宗遽起曰。吾方思之耳。已而德威獲梁游兵。問景仁何為。曰。治舟數百。將以為浮梁。德威引與俱見。莊宗笑曰。果如公所料。乃退軍郃邑。德威晨遣三百騎叩梁營挑戰。自以勁兵三千繼之。景仁怒。悉其軍以出。與德威轉鬪數十里。至於郃南。兩軍皆陣。梁軍橫亘六七里。汴宋之軍居西。魏滑之軍居東。莊宗策馬登高望而喜曰。平原淺草。可前可却。真吾之勝地也。乃使人告德威曰。吾當為公先。公可繼進。德

威諫曰。梁軍輕出而遠來。與吾轉戰。其來必不暇齎糧糗。縱其能齎。亦不暇食。不及日午。人馬俱饑。因其將退而擊之。勝。諸將亦皆以為然。至未申時。梁軍東偏塵起。德威鼓譟而進。麾其西偏曰。魏滑軍走矣。又麾其東偏曰。梁軍走矣。梁陣動。不可復整。乃皆走。遂大敗。自郃追至栢鄉。橫尸數十里。景仁以十餘騎僅而免。劉守光偕號於燕。晉遣德威將三萬出飛狐以擊之。德威入祁溝關。取涿州。遂圍守光於幽州。破其外城。

關外春秋 卷之二十四 謀將 十六

守光閉門拒守。而晉軍盡下燕諸州縣。獨幽州不下。圍之踰年。乃破之。以功拜盧龍軍節度使。德威雖為大將。而常身與士卒馳騁。矢石之間。守光驍將單廷珪。望見德威於陣曰。此周陽五也。乃挺槍馳騎追之。德威佯走。度廷珪垂及側。身少却。廷珪馬方馳。不可止。縱其少過。奮槊擊之。廷珪墜馬。遂見擒。莊宗與劉鄩相持于魏。鄩夜潛軍出黃澤關。以襲太原。德威自幽州以千騎入土門。以躡之。鄩至樂平。遇雨不得進而還。

德威與郭俱東，爭趨臨清。臨清有積粟，且晉軍餉道也。德威先馳據之，以故莊宗卒能困郭軍而收之。莊宗勇而好戰，尤銳於見敵。德威老將，常務持重，以挫人之鋒。故其用兵，常伺敵之隙以取勝。十五年，德威將燕兵甚萬人，與鎮定等軍從莊宗於河上，自麻家渡進軍臨濮，以趨汴州。軍宿胡柳陂，黎明，候騎報曰：梁軍至矣。莊宗問戰於德威，德威對曰：此去汴州信宿而近，梁軍父母妻子皆在其中，而梁人家國繫此一舉。

關外春秋

卷之二十四 謀將

十一

吾以深入之兵當其必死之戰，可以計勝而難與力爭也。且吾軍先至此，糧糈具而營柵完，是謂以逸待勞之師也。王宜按軍無動，臣請以騎軍擾之，使其營柵不得成，樵爨不暇給，因其勞而乘之，可以勝也。莊宗曰：吾軍河上，終日俟敵，今見敵不擊，復何為乎？顧李存審曰：公以輜重先，吾為公殿，遽督軍而出。德威謂其子曰：吾不知死所矣。前遇梁軍而陣，王軍居右，鎮定之軍居左，德威之軍居右，而輜重次右之西，其已接。

莊宗率銀槍軍馳入梁陣，梁軍小敗，犯晉輜重。輜重見梁朱旗，皆驚走入。德威軍德威軍亂，梁軍乘之。德威父子皆戰死。莊宗與諸將相持而哭曰：吾不聽老將之言，而使其父子至此。莊宗即位，贈德威太師。

按周陽五勇聞天下，而陳野又必欲生擒之，真是哆口而反為所擒，非不幸也。單延珪有何伎倆而挺槍追老周也，祇辱其撻耳。史稱德威勇而多智，宜其然乎。

關外春秋

卷之二十四 謀將

十一

評曰：大將提兵關外，梓宮在殞，冲人新立，最足以胎猜讒也。德威即日還軍太原，留其兵城外，徒步入哭，則猜讒盡釋，臣主俱安，可不謂智乎？攻潞以救燕，退郭以救趙，困劉郭于臨清，破守光于幽州，是其略也。十年前余所著兵編有乘字一則，若德威與景仁相持，必待未申時，梁軍退食陣動，遂擊敗之，得乘之解矣。至胡柳陂之戰，則又莊宗不聽其計，而為梁所乘，以致德威父子俱死，惜哉。

唐西南面行營招討使侍中成德軍節度使前

兵部尚書樞密使郭崇韜

崇韜代州鴈門人。為人明敏。能應對。以幹才見稱。莊宗為晉王。孟知祥為中門使。先時吳珙張虔厚等皆以中門使相繼獲罪。知祥懼求外任。莊宗曰。公欲避事。當舉可代公者。知祥乃薦崇韜為中門使。甚見親信。晉兵圍張文禮于鎮州。久不下。而定州王都引契丹入寇。契丹至新樂。晉人皆恐。欲解圍去。莊宗未決。崇韜曰。契丹之

闕外春秋

卷之三十四

五

來非救文禮。為王都以利誘之耳。且晉新破梁軍。宜乘已振之勢。不可遽自退怯。莊宗然之。果敗契丹。莊宗即位。拜崇韜兵部尚書樞密使。梁王彥章擊破德勝。唐軍東保楊劉。彥章圍之。莊宗登壘望見彥章。為重塹以絕唐軍。意輕之。笑曰。我知其心矣。其欲持久以弊我也。即引短兵出戰。為彥章伏兵所射。大敗而歸。莊宗問崇韜計安出。是時唐已得鄆州矣。崇韜因曰。彥章圍於此。其志在取鄆州矣。臣願得兵數千。據河下

流築壘於必爭之地。以應晉州。為各處必交爭。既分其兵。可以圖也。然板築之功難卒就。豈

下日以精兵挑戰。使彥章兵不得東。十日壘成矣。莊宗以為然。乃遣崇韜與毛璋將數千人夜行。所過驅掠居人。毀屋伐木。渡河築壘於博州。東晝夜督役。六日壘成。彥章果引兵急攻之。時方大暑。彥章兵蒸死。及攻壘不克。所失大半。還趨陽劉。莊宗迎擊。遂敗之。康延孝自梁奔唐。先見崇韜。崇韜延之。卧內。盡得梁虛實。是時莊宗

闕外春秋

卷之三十四

五

軍朝城。段凝軍臨河。唐自失德勝。梁兵日掠。澶州取黎陽衛州。而李繼韜以澤潞叛入于梁。契丹數犯幽涿。又聞延孝言梁方召諸鎮兵欲大舉。唐諸將皆憂惑。以謂成敗未可知。莊宗患之。以問諸將。諸將皆曰。唐得鄆州。隔河難守。不若棄鄆與梁。而西取衛州黎陽。以河為界。與梁約罷兵。無相攻。庶幾以為後圖。莊宗不悅。退卧帳中。召崇韜問計。崇韜曰。陛下與兵仗義。將士疲戰爭。生民皆苦。倘者十餘年矣。况今大號已建。

自河以北人皆引首以望成功而思休息今得一鄂州不能守而棄之雖欲指河為界誰為陛下守之且唐未失德勝時四方商賈征輸必集薪芻糧餉其積如山自失南城保楊劉道路轉徙耗亡大半而魏博五州秋稼不稔竭民而飲不支數月此豈按兵持久之時乎臣自康延孝來盡得梁之虛實此真天亡之時也願陛下分兵守魏固楊劉而自鄆長驅擣其巢穴不出半月天下定矣莊宗大喜曰此大丈夫之事也

關外春秋

卷之二十四 謀將

三

門司天司天言歲不利用兵崇韜曰古者命將鑿凶門而出况成算已決區區常談豈足信也莊宗即日下令軍中歸其家屬於魏夜度楊劉從鄆州入襲汴州八日而滅梁莊宗推功賜崇韜鐵券拜侍中成德軍節度使依前樞密使莊宗與諸將以兵取天下而崇韜未嘗居戰陣徒以謀議居佐命第一之功位兼將相遂以天下為已任遇事無所迴避而宦官伶人用事特不便也崇韜頗懼語其故人子弟曰吾佐天子取

天下今大功已就而群小交與吾欲避之歸守鎮陽庶幾免禍可乎故人子弟對曰俚語曰騎虎者勢不得下今公權位已隆而下多怨嫉一失其勢能自安乎崇韜曰柰何對曰今中宮未立而劉氏有寵宜請立劉氏為皇后而多建天下利害以便民者然後退而乞身天子以公有大功而無過必不聽公去是外有避權之名而內有中宮之助又為天下所悅雖有譏間其可動乎崇韜以為然乃上書請立劉氏為皇后崇

關外春秋

卷之二十四 謀將

三

韜素廉自從入洛始受四方賂遺故人子弟或以為言崇韜曰吾位兼將相祿賜巨萬豈少此邪今藩鎮諸侯多梁舊將皆主上斬祛射鈞之人也今一切拒之豈無反側且藏於私家何異公帑明年天子有事南郊乃悉獻其所藏以佐賞給莊宗已郊遂立劉氏為皇后崇韜累表自陳請依唐舊制還樞密使於內臣而并辭鎮陽優詔不允崇韜又曰臣從陛下軍朝城定計破梁陛下撫臣背而約事了與卿一鎮今天下一

家後賢並進臣億矣願乞身如約莊宗召崇翰
謂曰朝城之約許卿一鎮不許卿去欲捨朕安
之乎崇翰因建天下利害二十五事施行之李
嗣源為成德軍節度使從崇翰忠武崇翰因自
陳權位已極言甚懇至莊宗曰豈可朕居天下
之尊使卿無尺寸之地崇翰辭不已遂罷其命
仍為侍中樞密使同光三年夏霖雨不止莊宗
患宮中暑濕不可居思得高樓避暑乃遣宮苑
使王允平營之崇翰切諫宦官曰崇翰之第無

關外春秋

卷之三十四 謀將

五

異皇居安知陛下之熱由是譏間愈入明年征
蜀議擇大將時明宗為總管當行而崇翰以讒
見危思立大功為自安之計乃曰契丹為患北
邊非總管不可禦魏王繼岌固之儲副而大功
未立且親王為元帥唐故事也莊宗曰繼岌小
子豈任大事必為我擇其副崇翰未及言莊宗
曰吾得之矣無以易卿也及以繼岌為西南面
行營都統崇翰為招討使李紹琛毛璋李嚴等
皆為列將軍政皆決於崇翰唐軍入蜀所過迎

降王行弟宗弼陰送款於崇翰求為西川兵馬
留後崇翰以節度使許之軍至成都宗弼遷行
于西宮悉取行嬪妓珍寶奉崇翰及其子延誨
又與蜀人列狀見魏王請崇翰留鎮蜀繼岌頗
疑崇翰崇翰無以自明因以事斬宗弼及其弟
宗渥宗動沒其家財蜀人大恐繼岌監軍李從
襲等見崇翰專任軍事心不平思有以圖之莊
宗聞破蜀遣宦官向延嗣勞軍崇翰不郊迎延
嗣大怒因與從襲等共構之延嗣還上蜀簿因

關外春秋

卷之三十四 謀將

五

言蜀之寶貨皆入崇翰且誣其有異志將危魏
王莊宗怒遣宦官馬彥中至蜀視崇翰去就彥
珪以告劉皇后劉皇后教彥珪矯詔魏王殺之
明宗即位詔許歸葬以太原故宅賜其一孫
按史稱郭崇翰幹才明敏盡忠國家有大略
其為將敗契丹于新樂敗彥章于楊劉延康
延孝于卧內以探梁之虛實決計長駝八日
而威震為佐命功臣第一其已破蜀因遣使
者以

可謂有志矣。乃因宦官伶人用事，被譏受侮，究哉。

評曰：功成名遂，身退天之道也。崇韜自知權位已極，欲避之鎮陽，何不做范蠡之扁舟，學子房之辟穀，而乃聽故人子弟之三策，求以自固，不已晚乎。乃又皇皇征蜀，思立大功，為保身之計，豈知貝錦成而頭生角，竟為劉后所扼耶。然崇韜亦有罪焉。軍至成都，不合受續妓珍珠，又不合聽宗弼請留後，又不合屬

廟外春秋

卷之三十四

謀將

三

殺宗弼一家，又不合失迎延嗣。斯數者皆足以取禍也。

傳曰：無罪而殺士，則大夫可以去，言見幾也。方莊宗殺羅貫時，滿腹中皆殺機矣。韜於此時能飄然鴻冥，尚可免禍，而誤云騎虎執不得下，何其謬也。

莊宗嘗苦熱，思得高樓避暑，而崇韜切諫，願陛下無忘創業之難，常如河上，則可使煩暑坐變清涼。有古大臣之風。黠僧誠惠，自言能

降龍嘗過鎮州，王銖不為之禮。誠惠怒曰：吾有毒龍五百，當遣一龍揭片石，常山之人皆魚鼈也。明年滹沱河大水，壞鎮州城，人皆神之。莊宗及后率諸子諸妃拜之，誠惠端坐不起。獨崇韜不拜，可謂疆項者矣。

廟外春秋

卷之三十四

謀將

宋書樞密院事昭武軍節度使知天雄軍

彰武軍節度使前環慶秦等州安撫使

真定環慶三路都鈐轄兼知渭秦汾州兼涇

原儀渭鎮戎沿邊安撫使領高州刺史贈侍

中謚武穆曹瑋

瑋字寶臣父彬歷武寧太平軍節度使以瑋

為牙內都虞候補西頭供奉官閤門祇候沉勇

有謀喜讀書通春秋三傳於左氏尤深李繼遷

叛諸將數出無功太宗問彬誰可將者彬曰臣

少子瑋可任即召見以本官同知渭州時年十

九真宗即位改知渭州馭軍嚴明賞罰立決犯

令者無所貸善用間周知虜動靜舉措如老將

遷西上閤門副使徙知鎮戎軍瑋以鎮戎軍據

平地便於騎戰非中國之利請自隴山以東循

古長城壑以為限又以弓箭手皆土人習障塞

蹊隧曉羌語耐寒苦官未嘗與兵械資糧而每

戰輒使先拒賊恐無以責死力遂給以境內閒

田春秋耕歛州為出兵護作而蠲其租管出戰

關外春秋

卷之三十四 諱將

三

小捷虜引去瑋偵虜去已遠乃緩駭所掠生馬

輜重而還虜聞瑋逐利行遲師又不整遽還兵

來襲將至瑋使諭之曰蕃軍遠來必甚疲我不

乘人之怠請休憇士馬少選決戰虜方甚疲皆

欣然解嚴歇良久瑋又使諭之曰可相馳矣於

是各鼓軍而進大破虜師因謂其下曰吾知虜

已疲故為貪利以誘之比其復來幾行百里矣

若乘銳以戰猶有勝負遠行之人小憇則足痺

不能立人氣亦闕吾以此取之李繼遷死其子

德明請命於朝瑋言繼遷擅河南地二十年兵

不解甲使中國有西顧之憂今國危子弱不即

捕滅後更強盛不可制願假臣精兵出其不意

擒德明送闕下復河西為郡縣此其時也帝方

以恩致德明不報既而西延家俄熟魏數大族

請拔帳自歸諸將猶豫不敢應瑋曰德明野心

不急折其副後必颺去即日將其士薄天都山

受降者內贊德明不敢拒遷西上閤門使為環

慶路兵馬都總管兼知汾州帝以瑋習知河北

關外春秋

卷之三十四 諱將

天

事適以爲真定路都鈐轄領高州刺史瑋嘗上
涇原環慶兩道圖至是帝以示左右曰華夷山
川城郭險固出入戰守之要舉在是矣因敕劉
繪二圖以一留樞密院一付本道俾諸將得據
圖計事復爲涇原路都鈐轄兼知渭州於是關
山諸族皆來獻地瑋築堡山外爲籠竿城募土
兵守之曰異時秦渭有警此必爭之地也改知
秦州兼涇原儀渭鎮戎緣邊安撫使時囑所囑
強盛李立遵佐之西羌將舉事必先宜約束就

外春秋 卷之二十四 手

爲立文法囑所羅使共身賞棣丹與所敦立文
法於離王族謀內寇瑋陰結所敦解寶帶予之
所敦感激父事瑋問謂瑋曰吾父何所使欲吾
首猶可斷以獻瑋曰我知賞棣丹時至汝帳下
汝能爲我取賞棣丹首乎所敦愕然許之後十
餘日果斷其首來獻因獻南市地南市者秦渭
之扼也瑋城之而表所敦爲順州刺史其年囑
所羅率衆十萬穿古渭州入寇瑋迎戰三都谷
賊雖衆然器甲殊少在後者所持皆白楮毛連

以備劫虜而已瑋知其不足畏欲以氣陵之
引百騎穿賊陣出其後升高指揮軍中鼓噪夾
擊斬首三千級明日視林薄間中傷及投崖死
者萬計既而河州洮蘭安江妙敦邀川黨通諸
城皆納質爲熟戶矣時瑋作塹抵撾囉囉西蕃
要害地也先是瑋遣小史楊知進護賜物通其
州可汗王還過宗哥界李立遵激知進語曰秦
州大人直以兵入撾囉囉來幸爲我言願罷兵
歲入貢約番漢爲一家因使種人黨失卑陵從

外春秋 卷之二十四 手

知進來獻馬自是囑所囉囉勢感退保積中不出
秦人請刻石紀功有詔褒之天禧三年德明寇
柔遠砦以瑋爲環慶秦等州安撫使委乞骨咩
天門等族聞瑋至歸附者甚衆拜簽書樞密院
事宰相丁謂逐寇準惡瑋不附已指爲準黨滿
容州觀察使知萊州瑋以宿將爲謂所忌即日
上道從弱卒十餘不以弓韋矢箠自隨謂敗復
官尋拜武軍節度使知天雄軍以疾守河陽
改彰武節度使卒贈侍中謚武穆瑋用士得

其死力平居甚暇及用師出人如神一日張樂飲僚吏中坐失瑋所在明日徐出視事而賊首已擲庭下矣嘗稱疾加砭艾卧閣內不出會賊至瑋奮起褰帑披甲跨馬賊望見皆遁去將兵幾四十年未嘗失利嗚嘶囉聞瑋名即望瑋所在東嚮合手加額契丹使過天雄部勒其下曰曹公在此毋縱騎馳驅也渭州有告戍卒十餘人叛入夏國者瑋方對客奕碁不應軍吏誣言之瑋叱曰吾因遣之去也汝再言何也夏人聞

國外春秋

卷之二十四

三

之即斬叛者投其首境上羌殺邊民入羊馬贖罪瑋下令曰羌自相犯從其俗犯邊民者論如律自是無敢犯環慶屬羌田多為邊人所市致單弱不能自存因沒彼中瑋盡令還其故田後有犯者遷其家內地所募弓箭手使馳射較強弱勝者與田二頃再更秋獲課市一馬馬必勝甲然後官籍之則加五十畝立馬社一馬死衆出錢市馬降者既多因制屬羌百帳以上其首領為本族軍主次為指揮使又其次為副指揮

使不及百帳為本族指揮使其蕃落將按止於本軍敘進以其習知羌情與他利不宜別徙也開邊濠率令深廣丈五尺山險不可墜者因其峭絕治之使足以限敵皆以為法天雄卒有犯盜者衆謂獄具必殺瑋寬之笑曰臨邊對敵斬不用命者所以令衆非好殺也治內郡安事此乎山東知名士賈同造瑋客外舍瑋欲按邊邀與俱同問從兵安在曰已具既出就騎見甲士三千環列初不聞人馬聲寶元中王勣為樞密

國外春秋

卷之二十四

三

使趙元昊反上問邊備輔臣皆不能對樞密四人皆罷罷滿虢州語人曰昔予奉使河北時曹南院為定帥禮至定治事畢瑋謂禮曰明日願少留明日饌食罷瑋屏左右謂予曰公滿面權骨不十年必總樞時西方當有警公宜預講邊備蒐閩人才不然無以應卒禮曰何以見教曹曰河西趙德明嘗使以馬易于中國怒其息微欲殺之其子方十餘歲曰以戰馬資隣國已足失計今以資殺之誰肯為我用者此子欲用

其人矣必有異志乃使善畫者圖而觀之真英
物也必為邊患公其勉之

按曹寶臣築城隴東以遏虜衝給田護作以
安土人受數大族之降以折德明之翮作壘
于西方要害地以通立遵之貢是得其竅會
而暗合古法不愧名將種也

評曰觀璋紀法嚴明綜理周密禦李繼遷父
子及西羌諸虜皆使人畏而不敢動蓋以威
明勝者其取阿翁之以仁厚勝者大不侔也

外春秋

卷之三十四 謀將

三

阿翁嘗對太宗云臣二子材氣皆可取而察
不如璋庶幾和奚之舉午矣

李禕嘗謂曹璋對王禮談兵如對假道學談
學對耳不相關况能用之于本兵之時乎既
失官矣乃更思前語滔滔者天下皆是也

李繼遷初死時璋欲乘國危子弱提精兵出
其不意捕擒德明釋中國西顧之憂而天子
不能主持于上丁謂又沮抑之失此一策西

夏之禍遂與宋相終始矣

近時邊將何嘗以制敵為事祇是塗飾目前
苟幸需次商鎮而傳舍之求如寶臣之必欲
識元昊而使善繪者審厥像誰乎吾因是而
服曹公用之細密也

世人每見夷狄自相攻計以為中國之利不
知其本謀先絕後患而專意於內吳也元昊
未叛時先以兵破回鶻擊土蕃修築邊城諒

前亦連年攻捕氏又破連珠城然後以兵犯
邊近日奴兒哈赤謀叛亦先破南北二關蠻

外春秋

卷之三十四 謀將

三

戎猾夏古今一轍也余往在長安與公孝與
宮詹細譚國事舉此相質孝與曰然難為不
學無術者言也

三立堂新編 卷之二十四

華胥外史漢陽尹商著

宋靈慶兵馬副都部署前深州長州團練使尹

繼倫

繼倫開封浚儀人父勳郢州防禦使嘗內舉繼倫以為可用太宗以補殿直權領虎捷指揮預牙嶺表下金陵太祖即位改供奉官從征太原遷遷洛苑使克北面緣邊都巡檢使端拱中成虜軍糧餽不繼契丹潛議入寇上問遣李繼隆

闕外春秋

卷之三十五

一

發鎮定兵萬餘護送輜重數千乘契丹將于越謀知之率精銳數萬騎將邀于路繼倫適領兵巡徼路與寇值于越徑趨大軍過繼倫軍不顧而去繼倫謂其麾下曰寇蔑視我爾彼南出而捷還則乘勝驅我而北不捷亦且洩怒於我將無遺類矣為今日計但當卷甲銜枚以躡之彼銳氣前趨不虞我之至力戰而勝足以自樹縱死猶不失為忠義豈可泯然而死為胡地鬼乎眾皆憤激從命繼倫令軍中秣馬俟夜人將

兵潛躡其後行數十里至唐州徐河則天大越去大軍四五里會食訖將戰繼隆方陣于前以待繼倫從後急擊殺其將皮室一人皮室者契丹相也皮室既擒眾遂驚潰于越方食失箸為短兵中其臂創甚乘善馬先遁寇兵隨之大潰相蹂踐死者無數餘黨悉引去契丹自是不敢窺邊其平居相戒則曰當避黑面大王以繼倫黑面故也以功領長州刺史仍兼巡檢淳化初著作佐郎孫崇諫自契丹逃歸太宗詢以邊

闕外春秋

卷之三十五

二

事極言徐河之戰契丹為之奪氣故每聞繼倫名則倉皇不知所措於是遷繼倫尚食使領長州團練使以勵邊將淳化五年李繼倫奉詔討夏州以繼倫為河西兵馬都監未幾以深州團練使領本州駐泊兵馬部署至道二年分遣將帥為五道以討李繼遷時大將李繼隆由靈環路往逗撓不進上怒急召繼倫至京師授靈慶兵馬副都部署欲以夾輔繼隆也時繼倫已被病強起受詔上素聞其嗜酒以上尊酒賜而遣

之即日乘驛赴行營至慶州卒年五十五上聞之嗟悼贈加等遣中使護其喪而歸葬焉

按兵法殺敵者怒也繼倫激怒其下而眾皆從命者是也又趨其所不意繼倫潛兵躡其後而破于越者是也阿翁嘗以為可用可謂內舉不避親矣

評曰語有之沒利于前而遺患于後戒貪得也于越一意向前邀李繼隆之趨重不知黑面大王睨而收鷓蚌之利也徐河之戰繼隆

關外春秋

卷之五

三

觴之繼倫撲之若合謀夾擊焉者皮室所以授首于越所以失箸也鄉使繼倫不死必能助繼隆一臂之力惜乎其蚤世也



宋同中書門下平章事出判陳州前樞密使徽南院使宣撫荆湖南北路經制廣南盜賊事涇路原副都總管經略招討副使秦州刺史贈中書令謚武襄狄青

青字漢臣汾州西河人善騎射初隸騎御馬直寶元初趙元昊反詔擇衛士從邊以青為三班差使殿侍延州指使時偏將屢為賊敗士卒多畏怯青行常為先鋒凡四年前後大小二十五戰中流矢者八破金湯城略宥州屠囉囉歲香

關外春秋

卷之五

四

毛奴尚羅慶七家口等族燔積聚數萬收其帳二千三百生口五千七百又城喬子谷築招安豐林新砦大郎等堡皆扼賊要害嘗戰安遠被創甚聞寇至即挺起馳赴眾爭前為用臨敵被髮帶銅面具出入賊中皆披靡莫敢當党項犯塞時新募萬勝軍未習戰陣遇寇多北青一日盡取萬勝旗付虎翼軍使之出戰望望其旗易之全軍趨之為虎翼所破累功至招討副使在涇原常以寡當眾度必用奇勝密令軍中聞鉦

一聲卽止再聲則嚴陣而陽卻聲止卽大呼馳突士卒皆如教纔遇敵未接戰遽聲鉦士卒皆止再聲再卻虜大笑曰孰謂秋天使勇時虜人謂青爲天使也鉦聲止忽前突之虜兵大亂相蹂踐死者甚多追奔數里前臨深澗虜忽壅通山隅青遽鳴鉦而止虜乃得引去將佐悔不追及青曰不然奔命之虜忽止而拒我安知非謀軍已大勝殘寇不足利寧悔不擊不可悔不止也尹洙爲經略判官青以指使見洙與談兵善

開外春秋

卷之三五

謀將

五

之薦於經略使韓琦范仲淹曰此良將材也二人一見奇之待遇甚厚仲淹以左氏春秋授之曰將不知古今匹夫勇爾青折節讀書悉通秦漢以來將帥兵法由是益知名以功累遷西上開門刺史擢秦州刺史涇路原副都總管經略招討副使又加捧日天武四廂都指揮使惠州團練使仁宗以青數有戰功欲召見問以方略會賊寇渭川命圖形以進元昊稱臣徙真定路副都總管歷侍衛步軍殿前都虞候又遷馬軍

副都指揮使青奮行伍十餘年而貴是時西河猶存帝嘗敕青傳藥除字青指其面曰朝廷以功擢臣不問門地臣所以有今日由此涇爾臣當留以勸軍中不敢奉詔以彰化軍節度使知延州擢樞密副使廣源州蠻儂智高反陷邕州又破沿江九州圍廣州嶺外騷動師無功命孫沔余靖招撫皆久無功仁宗憂之青上表請行自言臣起行伍非戰伐無以報國願得蕃落騎數百益以禁兵羈賊首致闕下帝壯其言遂

開外春秋

卷之三五

謀將

六

以爲宜徽南院使宜撫荆湖南北路經制廣南盜賊事置酒垂拱殿以遣之青行日有因貴近求從行者青曰君欲從行此青之所求也然智高小寇至遣青行可以知事急矣從青之士擊賊有功朝廷有厚賞若往不能擊賊則軍中法重恐青不能私也君其思之願行則卽奏取君矣於是無復敢言從行者及行日不過一驛所到輒休士一日到潭州遂立行伍明約束軍人有奪道者一一把者斬之以徇於是一軍肅然

乃合孫沔、余靖之兵自桂州次賓州。青以蔣偕、張忠皆以輕敵敗，戒諸將毋得妄與賊鬪。聽吾所為。廣西鈐轄陳曙乘青未至，輒以步卒八千犯賊。潰於崑崙關。青至賓州，靖、曙皆來迎謁。青晨會諸將堂上，揖曙起，并軍校二十二人，按以敗亡狀，驅出軍門，斬之。沔、靖相顧，聘胎諸將股栗，靖起拜曰：「曙之失律，亦靖節制之罪。」青曰：「舍人文臣，軍旅之責，非所任也。」時智高還守邕州，青懼崑崙關險扼為所據，乃按兵不動，下令賓

外春秋

卷之三十五

七

州。具五日糧，休士卒，值上元節，令大張燈燭。青夜宴將佐，次夜宴從軍官，三夜宴軍校，首夜樂飲徹曉。次夜二鼓時，青忽稱病，暫起如內，久之使人諭孫沔令暫主席行酒，少服藥，乃出。數使勸勞座客，到曉，客未敢退，忽有馳報者云：「夜三鼓時，元帥已奪崑崙矣。」是夜大風雨，青率兵度關，既度，開喜曰：「賊不知守此，無能為也。」已近邕州，賊方覺，逆戰於歸仁舖。青登高望之，賊據坡上，我軍薄之，青使步卒居前，匿騎兵於後，蠻使

驍勇者當前，盡執長鎗，前鋒孫節戰死。青登高丘，執五色旗，麾騎兵為左右翼，出其後，斷蠻軍為三旋而擊之。左者右，右者左，已而右者復左，左者復右，賊不知所為。賊之標牌軍為馬軍所衝突，皆不能駐，鎗立加束。軍士又縱馬上鐵連枷擊之，遂皆披靡，相枕籍死。遂大敗。智高焚城遁去，戰于歸仁也。張玉先鋒、賈達將左，孫節將右，既陣，青誓曰：「不待令而舉者斬，及節搏賊死，山下，遂私念兵法先據高者勝，乃引軍疾趨山

外春秋

卷之三十五

八

賊至，遂擁眾而下，揮劍大呼，斷賊陣為二。玉以先鋒突至陣前，而青麾蕃落騎兵出賊後，賊遂大潰。遂乃請青帳前請罪，青撫遂背曰：「違令而勝，權也，何罪之有。」初，青請擊智高，諫官韓絳言：「青武人，不足專任，請以侍從文臣為之監。」時龐籍獨為相對曰：「屬者王師屢敗，皆由大將輕偏裨自用，不能制也。今青起于行伍，若以侍從之臣監之，號令復不得行。青昔在鄜延，居臣麾下，沉勇有智略，若專以智高事委之，必能辨賊於

是詔嶺南用兵皆受節度青入邕州城獲金帛巨萬雜畜數千悉分戲下賊所俘脅皆慰遣之歛尸築京觀於城北賊尸有衣金龍衣者衆謂智高已死當上聞青曰安知非詐率失智高敢欺朝廷耶智高奔出邕州諸將皆欲窮其窟穴青以爲乘勢趨利入不測之地非大將事天下皆罪青脫智高於垂死不知青之出兵主勝而已初青之至邕也會障霧昏塞或謂賊毒水上流士飲者多死青殊憂之一夕有泉湧皆下

外春秋

卷之三十五 謀將

九

之其衆遂以濟還至京師帝嘉其功拜樞密使賜第敦教坊優進諸子官秩初青既行帝每憂之曰青有威名賊當畏其來左右使令非青親信者不可雖飲食卧起皆宜防竊發乃馳使戒之及聞青已破賊顧宰相曰速議賞緩則不足以勸矣始交趾願出兵助討智高余靖言其可信具萬人糧于邕以待之青既至檄余靖無通使假兵即上奏曰李德政聲言將步兵五萬騎一千赴援非其情實且假兵于外以除內寇非

我利也以一智高而橫蹂二廣力不能討乃假兵蠻夷貪得妄義因而起亂何以禦之請遣交趾助兵從之賊平人服其有遠略青在樞密四年每出卒輒指目以相矜誇又議者以青家狗生角且數有光怪且姓合讖書請出青于外獨范景仁曰此唐太宗所以殺李君羨也上安忍爲之嘉祐中京師大水青避水徙家相國寺行止殿上人情頗疑乃罷青爲同中書門下平章事出判陳州明年二月疽發髡卒帝發哀贈中

外春秋

卷之三十五 謀將

十

書令謚武襄青初赴陳州不懌語所親曰青此行必死問其故曰陳州出一梨子號青沙爛今去本州青必爛死一時雖笑之未幾果卒按青爲人慎密寡言其計事必審中機宜而後發行師先正部伍明賞罰與士卒同饑寒勞苦雖敵猝犯之無一人敢後先者是以其出常有功評曰世云南夷尚鬼狄武襄征儂智高時大兵始出嶺之南道旁有一廟神甚靈武襄

駐節禱之自持百錢與神約曰果大捷則投錢盡面也衆方聳觀揮手一擲百錢盡紅於是舉軍歡呼武襄大喜顧左右取百釘來卽隨錢疎密布地而釘帖之曰侯凱還當謝神取錢師旋如言取錢與幕府士大夫視之乃兩字錢也此兵家愚士卒之耳目權以濟事者耳若夫取萬勝旗付虎翼軍以鉦聲止爲進退以蕃落兵當標牌宴將佐而稱病脫身以奪崑崙儘知變化非執定兵書死版者也

外春秋 卷之三十五 十一

神宗考次近世將帥以青起行伍而名動夷夏深沈有知略能以畏慎保全終始慨然思之命取青畫象入禁中御製祭文遣使賁中牢祠其家

公破儂智高時所帶銅面具及所佩牌上刻真武像世言武襄乃真武神也始與孫沔破賊謀皆出公賊平經制餘事悉以諉沔退若不用意者沔始嘆其勇既而服其爲人自以爲不如也尹洙以貶死公悉力調其家事一

死一生乃見交情廣絕交論可以不作

青宜撫廣南將出師翰林曾公亮謂青曰賊之標牌不可當青曰此步兵也當騎兵必靡或又謂南方非騎兵所宜青曰蕃部善射奈艱苦上下山如干地當瘴未發時疾馳破之必勝之道也後世征蠻者當以爲法

公河西書佐也逋罪入京竄名尺籍以三班差使殿侍出爲青澗城指使种世衡知城范文正帥鄜延料閭軍書至夜分從者皆休惟

外春秋 卷之三十五 十一

秋不懈呼之卽至每供事兩手如玉种以此異之授以兵法又延譽于范公遂成名秋公起行伍位近臣不肯去其黥文時特以酒濯面使其文顯曰以勵士卒也熙寧改元青子諮入對上問青征南有遺書否乃上平蠻記及歸仁舖戰陣二圖上乃自爲文遣使祭於其第

宋環慶路兵馬鈐轄內殿崇班知青澗城事遷

洛苑副使知環州贈成州團練使种世衡

世衡字仲平种放之兄子也少尚氣節以放蔭補將作主簿累官至衛尉寺丞歷鄜州從事西邊夏戎犯延安世衡建言延安東百二百里有故寬州請因其廢壘而城之左可致河東之粟右可致延安之勢北可圖銀夏之舊朝廷從之命董其役世衡膽勇過人雖逼戎落曾不畏憚與兵晨暴露數月且戰且城然處險無泉議不

國朝春秋

卷之五

十一

可守。鑿地百五十尺。始至于石。石工辭不可井。世衡命肩石一畚償百錢。工復致力卒得泉。城成賜名青澗焉。遷內殿崇班。知城事。開營田二千頃。募商賈貸以本錢。使通其貨。贏其利。城遂富實。間出行部。慰勞酋長。或解與所服帶。嘗與客飲。有得敵情來告者。即以飲器與之。由是羌屬皆樂為用。世衡在青澗。嘗課吏民射。雖僧道婦人亦習之。以爲射中者與之。既而中者漸多。其錢雖盡。而射中者遠且小矣。或有過

失亦使之射中則釋之由是人皆精於射胡

首蘇慕恩部落最强世衡嘗與飲出侍姬以佐酒世衡起入內慕恩竊與侍姬戲世衡遽出掩之慕恩慚懼請罪世衡笑曰君欲之耶即以遺之由是得其死力諸部有貳者輒使慕恩討之無不克徙知環州有牛家族奴訛素屈強聞世衡至來郊迎世衡與約明日當至其帳慰勞部落是夕雪深三尺左右皆曰不可往世衡曰吾方以信結諸胡可失期邪遂冒雪赴之奴訛方

國朝春秋

卷之五

十四

附帳中世衡楚而起奴訛大驚曰吾世居此山漢官無敢至者公乃不我疑耶帥部落羅拜皆感激心服由是緣邊諸城獨環不求增兵不煩益糧而武力自振夏戎聞屬羌不可誘土人皆善射烽火相望乃不復犯環境遷環慶路兵馬鈐轄初世衡在青澗元昊未臣其貴人野利剛浪陵遇乞兄弟有材謀皆號大王親信用事邊臣欲間之經略使龐籍移善保安軍守劉拯賂蕃部破其謀野利兄弟涇原路王沿等亦遣

遇乞書及金寶會剛浪凌令浪埋質乞媚娘等
三人詣世衡降世衡知其詐曰與其殺之不若
因以為間留使監商稅出入騎從甚寵有僧王
光信者趨勇善騎射習知蕃部山川道路世衡
出兵常使為鄉導數盡族帳奏以為三班借職
改名嵩又為力辦其家事凡居室騎從之具無
不備嵩既感恩世衡反以他事掠治之械繫數
十日極其楚毒嵩終不怨居半年世衡居嵩語
曰吾將使汝戒汝勿言其苦有甚於此者汝能

外春秋

卷之五

謀將

七

為我卒不言否嵩泣以告世衡乃草遺野利書
膏蠟致衲衣間密縫之仍祝之曰此非濱死不
得泄若當泄時當言負恩不能成將軍之事也
又以畫龜一幅棗一節遺野利野利見棗龜度
必有書索之嵩目左右又對無有野利乃封信
上元昊元昊召嵩并野利至數百里外詰問遺
書嵩堅執無書至筵楚極苦終不說又數日私
召至其宮仍令人問之曰不速言死矣嵩終不
說乃命嵩出斬之嵩乃大號而言曰空死不了

將軍事矣吾負將軍吾負將軍其人急迫之
嵩於是褫衲衣取書進入移刻命嵩就館而陰
遣愛將假為野利使使世衡世衡疑是元昊使
未即相見只令官屬日即館舍勞問問及典州
左右則詳迫野利所部多不悉適擒生虜數人
世衡令於隙中密覘之生虜因言使者姓名果
元昊使乃引見使者厚遣之世衡度使者至嵩
即還而野利報死矣世衡既殺野利又欲并去
天都因設祭境上書祭文于版述二將相結有

外春秋

卷之五

謀將

七

意本朝悼其垂成而失其祭文雜紙幣中有虜
至急蒸之以歸版字不可遽滅虜得之以獻元
昊天都亦得罪元昊既失腹心之將悔恨無及
乃定和議世衡又嘗以罪怒一番將杖其背僚
屬為請皆莫能得其人杖已即奔元昊元昊甚
親信之歲餘盡得其機密以歸乃知世衡能用
間也世衡在邊數年積穀通貨所至不煩縣官
益兵增饋善撫養士卒病者造一子專視其食
飲湯劑以故得人死力及卒羌酋朝夕臨者數

日青澗及環人皆畫象祠之

按仲平知澠池縣。山上有廟。仲平葺之。其梁
重大。眾弗能舉。仲平乃令縣幹剪髮如手搏
者。驅數對于馬前。云欲詣廟中。教手搏。傾城
人隨往觀之。既至。謂觀者曰。汝曹先為我致
廟梁。然後觀手搏。眾欣然趨下山共舉之。其
權數皆此類也。此可與行軍矣。

評曰。將為死官。邊方又死地。故明主之御將
也。常優其禮數。而寬其文法。俾得伸縮自由。

國朝春錄

卷之三十五

謀將

十七

而屬吏毋得齟齬焉。漢帝之待陳湯。其廷壽
宋祖之待李漢超。王全斌。崔彥進等。皆用此
術。故曰。記人之功。忘人之過。宜為君者也。然
人主詎能盡知。惟主帥能體其情而達其意
耳。仲平在青澗。為屬吏訟其不法事。按驗皆
實。經略龐籍奏。世衡披荆棘。立青澗城。若一
切拘以文法。則邊將無所措手足。詔勿問。龐
公真得主帥之道也。及徙知還州。將行。別籍
拜且泣曰。世衡心腹。石也。今日為公下淚。

矣。蓋知已之感也。

宋懲五季藩鎮之弊。稍用逢掖。治邊陲。領介
冑。然兵執國之大事。非素明習。而欲應變決
策。於急遽危難之際。豈不什哉。种世衡立功
青澗。撫循士卒。威動羌夏。妙在閒野。利天都
而王光信備極苦楚。卒能了將軍之事。亦足
多也。但世衡功既大矣。而不問厚賞崇陟。何
哉。

國朝春錄

卷之三十五

謀將

十六

宋右諫議大夫贈少傅前和州路經略使知興元府徽猷侍制知泉州兼沿江安撫使劉子羽

子羽字彥修建之崇安人資政殿學士幹之長子也宣和末幹帥浙東子羽以主管機宜文字佐其父破睦賊幹守真定子羽辟從會金人入寇父子相誓死守金人不能拔而去由是知名除直秘閣京城不守幹死之既免喪除秘閣修撰知池州以書抵宰相論天下兵勢當以秦隴

為根本建炎三年大將范瓊擁強兵江西召之弗來來又不肯釋兵知樞密院事張浚與子羽密謀誅之一日命張浚以千兵渡江若備他盜者便皆甲而來因召浚瓊及劉光世赴都堂議

事為設飲食食已諸公相顧未發子羽坐廡下恐瓊覺取黃紙趨前舉以麾瓊曰下有敕將軍可輔大理置對瓊愕不知所為子羽顧左右擁置輿中衛以俊兵送獄光世出撫其眾數瓊在府金人迫二帝出狩狀且曰所誅止瓊

爾汝等固天子自將之兵也眾皆投刃曰諾有旨分隸御營五軍頃刻而定瓊竟伏誅浚以此奇其材浚宣撫川陝辟子羽參議軍事至秦州立幕府節度五路諸將規以五年而後出師明年金人窺江淮急浚念禁衛寡弱計所以分撓兵勢者遂合五路之兵以進子羽以非本計爭之浚曰吾寧不知此顧今東南之事方急不得不為是耳遂北至富平與金人遇戰不利金人乘勝而前宣撫司退保興州人情大震官屬有

遠策徙治夔州者子羽叱之曰孺子可斬也四川全盛敵欲入寇久矣直以州口有鐵山棧道之險未敢遠窺耳今不堅守縱使深入而吾僻處夔峽遂與關中聲援不相聞進退失計悔將何及今幸敵方肆掠未逼近郡宣使但當留駐興州外繫關中之望內安全屬之心急遣官屬出關呼召諸將收集散亡分布險隘堅壁固壘觀釁而動庶幾猶或可以補前愆而贖後咎奈何乃為此言乎浚然從子羽言而諸參佐無敢

行者子羽卽有請奉命北出復以單騎至秦州。召諸亡將諸亡將聞命大喜悉以其衆來會。子羽命吳玠和尚原守大散關而分兵悉守諸險塞。金人知有備引去。明年浚移治閬州。子羽請獨留河池調護諸將以通內外聲援。浚許之。明年玠以秦鳳經略使戍河池。王彥金均房鎮撫使戍金州。二鎮皆饑。興元帥臣閉糴。二鎮病之。玠彥皆願得子羽守漢中。浚乃承制拜子羽利州路經略使兼知興元府。子羽至漢中。通

關外春秋

卷之五十五

謀將

三

商輪粟。二鎮遂安。是冬金人犯金州。三年正月。王彥失守。退保石泉。子羽亟移兵守饒風嶺。馳告玠。玠大驚。卽越境而東。日夜三百里。至饒風。列營拒守。金人悉力仰攻。死傷山積。更募死士。由間道自祖溪關入。繞出玠後。玠遽邀子羽去。子羽不可。而留玠同守定軍山。玠難之。遂西。子羽焚興元。退守三泉縣。從兵不滿三百。與士卒取草芽木甲食之。遺玠書訣別。玠時在仙人關。其愛將楊政大呼軍門曰。節使不可負劉待制。

不然政輩亦舍節使去矣。玠乃間道會子羽。子羽留玠共守三泉。玠曰。關外蜀之門戶。不可輕棄。復往守仙人關。子羽以潭毒山形斗拔。其上寬平有水。乃築壁壘。十六日而成。金人已至。距營十數里。子羽據胡床坐于壘口。諸將泣告曰。此非待制坐處。子羽曰。子羽今日死于此。敵尋亦引去。張浚欲移鎮潼川。子羽遺浚書言。已在。金人必不南。浚乃止。撒離喝由斜谷北去。子羽謀邀之於武休。不及。旣回鳳翔。遣十人持書

關外春秋

卷之五十五

謀將

三

旗招子羽。子羽盡斬之。而留其一。縱之。還曰。爲我語賊。欲來卽來。吾有死爾。何可招也。先是子羽預徙梁洋公私之積。至是金人深入。餽餉不繼。又腹背爲子羽玠所攻。死傷十五六。疫癘且作。亟遁去。子羽出師掩擊。墜溪澗死者不可勝計。餘兵不能自拔者悉降。始金人攻蜀。所選士卒千取百。百取十。戰被重鎧。登山攻險。每一人前。輒二人推其後。前者死。後者被其甲以進。又死。則又代之。其爲必敗計如此。浚雖劔師。卒全

蜀子羽之力居多。子羽還興元四年，坐富平之役，與浚俱罷。尋責授單州團練副使。泉州安置。新除川陝宣撫使，吳玠始為裨將，未知名。子羽獨奇之。至是上疏論子羽之功，請納節贖其罪。詔聽子羽自便。明年復原官，提舉江州太平觀。張浚還朝，議合兵大舉，乃請召子羽令權都督府參議軍事，與主管機宜文字熊彥詩同撫諭川陝。時吳玠屢言軍前乏糧，故令子羽見玠。論指且與都轉運使趙開計事，併察邊備虛實。

蜀外春秋

卷之三十五 諫將

三

以聞。時五年冬也。明年秋，與彥詩同還朝。子羽言金人未可圖，宜益兵屯田，以俟機會。時張浚以淮西安撫使劉光世驕情不肅，密奏請罷之，而以其兵屬子羽。子羽辭，乃以徽猷閣待制知泉州。七年，鄭瓊叛，張浚罷相，子羽被劾，以散官安置漳州。後樞密使張浚薦子羽復原官，知鎮江府，兼沿江安撫使。金人入寇，子羽建議清野，淮東之人皆徙鎮江，撫以恩信，雖兵民雜居，無敢相侵者。既而金人不至，浚問子羽，子羽曰：異

時金人入寇，飄忽如風雨，今久遲回，必有他意。蓋金人以拓臯之敗，欲急和也，未幾果遣使議和。秦檜風諫官論罷之，復提舉太平觀。十六年卒，贈少傅。

按子羽良將才也，死守仙人關，以保蜀之門，急援江淮以固國之根本，調護諸將以通內外聲援，皆合兵法。孟酒而誅范瓊，單騎而會諸將，築壘于潭壽山以拒敵，屯田于山陝以俟機，操縱有術，神縮得宜，非它褻屣少年所

蜀外春秋

卷之三十五 諫將

三

能髣髴也。故全蜀之功，子羽居多。評曰：子羽之守三泉，食草芽木甲，何等窮蹙，遺玠書訣別，何等哀苦，每讀其傳，未嘗不酸鼻而哽咽也。楊政之言，雖是激發，原在意氣，非愛將不敢出諸口。然亦吳公之藥石也。噫。

東江淮浙西制置使節制諸路軍馬前武恭軍

一節度使侍衛馬軍都虞候知順昌府鼎州觀

察使樞密副都承旨沿淮制置使東京副留

守提舉宿衛親軍涇原經略使兼知渭州隴

右都護贈開府儀同三司謚武穆劉錡

錡字信叔順德軍人瀘州軍節度使仲武第九

子也美儀狀善射聲如洪鐘嘗從仲武征討牙

門水斛滿以箭射之拔箭水注隨以一矢室之

人服其精宣和間用高俅薦特授開門祇候高

宗即位錄仲武後錡得召見奇之特授開門宣

贊舍人差知岷州為隴右都護與夏人戰屢勝

夏人小兒啼輒怖之曰劉都護來張浚宣撫陝

西一見奇其才以為涇原經略使兼知渭州紹

興六年權提舉宿衛親軍扈從赴金陵十年金

人歸三京以錡充東京副留守節制軍馬錡家

留順昌至是自臨安浙江絕淮至渦口方食暴

風拔坐帳錡曰此賊兆也主暴兵即下令兼程

而進未至順昌三百里金人果敗盟來侵入東

京錡與將佐舍舟陸行先趨至順昌知府事

規見錡問計錡曰城中有糧則能與君共守規

曰有米數萬斛錡曰可矣及旦報金騎已入陣

錡召諸將計事皆曰金兵不可敵也請以精銳

為殿步騎遮老小順流還江南錡曰吾本赴官

留司今東京雖失幸全軍至此有城可守奈何

棄之吾意已決敢言去者斬惟部將許清奮曰

太尉奉命副守汴京軍士扶老攜幼而來今走

易耳然欲棄父母妻子則不忍欲與偕行則敵

來攻何所逃命不如相與力戰於死中求生也

議與錡合錡大喜鑿舟沉之示無去意置家寺

中積薪於門戒守者曰脫有不利即焚吾家母

辱敵手也分命諸將守諸門明斥堠募土人為

闕探於是軍士皆奮爭呼躍曰平時人欺我入

守軍今日當為國家破賊立功矣時守備一無

可恃錡於城上躬自督厲取偽齊所造痲車以

輪輾埋城上又撤民戶扉周匝蔽之凡六日粗

畢而游騎已涉潁河至城下矣壬寅金人圍順

昌

昌

關外春秋 卷之五 謀將 三五

關外春秋 卷之五 謀將 三五

昌鎬令開諸門。金人疑不敢近。初鎬傳城築羊馬垣。穴垣爲門。至是蔽垣爲陣。金人縱矢皆自垣端。軼著于城。或止中垣上。鎬用破敵弓。翼以神臂強弩。自城上。或垣門射敵。無不中者。敵稍却。卽以步兵邀擊。渤海死者不可勝計。破其鐵騎數千。特授鼎州觀察使。樞密副都承旨。沿淮制置使。時順昌受圍已四日。金兵益盛。移營東村二十里。鎬遣驍將閻克募壯士五百人。夜斫其營。是夕天欲雨。電光四起。見辨髮者輒殲之。

國外春秋

卷之三十五

謀將

三

金兵又退十五里。鎬復募百人以往。或請銜枚。鎬笑曰。無以枚也。命折竹爲。詔如市井。見以爲戲者。人持一以爲號。直犯金營。電一閃。則奮擊。電止。則匿不動。敵衆大亂。百人者。聞吹聲而聚。金人益不能測。終夜自戰。積屍盈野。兀術在汴。聞之。卽索靴上馬。不七日至順昌。鎬聞兀術至。會諸將於城上。或謂今已屢捷。宜乘此勢。具舟全軍而歸。鎬曰。朝廷養兵十五年。正爲緩急之用。况已挫賊鋒。軍聲稍振。雖衆寡不侔。然有進

無退。且敵營甚邇。而兀術又來。吾軍一動。彼躡其後。則前功俱廢矣。衆皆曰。惟太尉命。鎬募得曹成等二人。諭之曰。遣汝作間。事捷重賞。第如我言。敵必不汝殺。今置汝縛路騎中。汝遇敵。則伴墜馬。爲敵所得。敵帥問我何如人。則曰。太平邊帥子。喜聲伎。朝廷以兩國講好。使守東京。圖逸樂耳。已而二人果爲敵所執。兀術大喜。卽置鴉車砲具不用。翌日。鎬登城堊。見二人來。絙而上之。乃敵械成等來歸。以文書一卷。擊于城上。

國外春秋

卷之三十五

謀將

三

鎬懼。戒軍立焚之。兀術至城下。譴責諸將。諸將皆曰。南朝用兵。非昔之比。元帥臨城。自見鎬遣耿訓約戰。兀術怒曰。劉錡何敢與我戰。以吾力破尔城。直用靴尖趨倒耳。訓曰。太尉非但請與太子戰。且謂太子必不敢濟河。願獻浮橋五所。濟而大戰。遲明。鎬果爲五浮橋於河上。敵由以濟。鎬遣人毒頰上流。及草中。戒軍士雖渴死。毋得飲于河。飲者夷其族。時天大暑。敵遠來。晝夜不解甲。鎬軍番休更食。羊馬垣下。而敵人馬飢。

渴飲食水草又輒病方晨氣清涼錡按兵不
遠未申間敵氣已索忽遣數百人出西門接
俄以數千人出南門戒令勿喊但用銳斧犯之
統制官趙樽韓直身中數矢力戰不已士殊死
闖入其陣刀斧亂下故敵大敗兀术遂拔營北
去錡遣兵追之死者萬數方大戰時兀术被白
袍乘甲馬牙兵三千皆重鎧甲號鉄浮圖載鉄
兜牟周匝綴長簷三人爲伍貫以韋索錡令壯
士以捨標去其兜牟大斧斷其臂碎其首敵又

以鐵騎分左右翼名拐子馬皆女真爲之號長
勝軍者專以攻堅戰酣然後用之自用兵以來
所向無前至是亦爲錡所敗敵敗退卽以拒馬
木爲障少休歇城上鼓聲不絕出餽羹坐餉戰
士如平時敵披靡不敢近食已撤拒馬木復深
入斫敵大破之棄屍斃馬血肉枕藉車旗器甲
積如山阜先是有河北軍告官軍曰我輩左護
軍本無鬪志所可殺者兩翼拐子馬爾故錡兵
專力擊拐子馬軍兀术平日恃以爲強者至是

殆盡捷聞帝喜甚授錡武泰軍節度使侍衛馬
軍都虞候知順昌府沿淮制置使是役也錡兵
不盈二萬出戰僅五千人金兵數十萬營西北
亘十五里每暮鼓聲震山谷營中諠譁終夜有
聲而我城中肅然不聞鷄犬聲兀术帳前甲兵
環列持燭照夜其衆分番假寐馬上騎以逸待
勞是以大勝時洪皓在燕密奏順昌之捷金人
震恐喪魄燕之重寶珍器悉徙而北意欲捐燕
以南棄之故議者謂是時諸將協心分路追討

則兀术可擒汴京可復而王師亟還自失機會
良可惜也俄命爲淮北宣撫判官副楊沂中破
敵于太康縣未幾秦檜請令沂中還鎮江錡還
太平岳飛赴行在出師之謀寢矣十一年兀术
復發兩河兵謀再舉帝亦側知敵情必不一挫
遂已乃詔大合兵于淮西以待之金人攻廬和
二州錡自太平渡江抵廬州與張浚楊沂中會
而敵已大入錡據東關之險以遏其衝引兵出
清溪兩戰皆勝行至柘阜與金人夾石梁河而

獨外春秋 卷之三十五 謀將 三

陣河通巢湖廣二丈，銜令曳薪壘橋，遣甲士數隊踰橋，卧捨而坐。會沂中王德田師中張子益之軍俱至，翌日兀木以鐵騎十萬，分爲兩隅夾道而陣，德薄其右隅，引弓射一酋斃之，因大呼馳擊，諸軍鼓譟，金人以拐子馬兩翼而進，德率衆塵戰，沂中曰：虜恃弓矢，吾有以屈之。以萬兵各持長斧如墻而進，奮擊之，敵大敗。銜與德等追之，又敗於東山，敵望見曰：此順昌旗幟也，即退走，遂復廬州。時並命三帥不相節制，諸軍進

關外春秋

卷之三十五

謀將

三

退多出於張浚，而銜以順昌之捷，驟貴，諸將多嫉之。浚與沂中爲腹心，而與銜有隙，故柘臯之賞，銜獨不與。居數日，議班師，浚還朝，因言：岳飛不赴援，銜戰又不力，秦檜主其說，遂罷銜，宜撫判官知荆南。岳飛奏留銜，不許。銜鎮荆南，凡六年，軍民安之。魏良臣言銜名將，不當久間，乃命知潭州。加大尉復帥荆南，其後金主亮調兵六十萬，自將南來，彌望數十里，不斷如銀壁，中外大震。時宿將無在者，乃以銜爲江淮浙西制

置使，節制諸路軍馬。銜引兵屯揚州，建大將旗，鼓軍容甚肅，觀者嘆息。以兵駐清河口，金人以羶褻船載糧而來，銜使善沒者鑿沈其舟。會銜病，求解兵柄，留其侄汜以千五百人塞瓜洲渡，又令李橫以八千人固守，詔銜專防江，遂還鎮江。會金兵逼瓜洲，汜先退，橫亦却，統制魏友方死之。橫汜僅以身免。銜憤懣，病益甚，都督府參贊軍事虞允文自采石來，督舟師過鎮江，謂銜問疾，銜執其手曰：疾何必問。朝廷養兵三十

關外春秋

卷之三十五

謀將

三

年一技不施，而大功乃出，儒生手當愧死矣。銜因恚恨，發怒，唾血數升而卒。贈開府儀同三司，謚武穆。銜慷慨深毅，有儒將風。金主亮之南也，下令有敢言銜姓名者，罪不赦。枚舉南朝諸將，問其下孰敢當者，皆隨姓名，其答如響。至銜莫有應者。金主曰：吾自當之。然銜卒以病不能成功，世傳銜通陰陽家，行師知避就。銜在揚州，命盡焚城外居室，用石灰畫白城壁，書曰：完顏亮死於此。金主多忌，見而惡之，遂居龜山，人罕不

可容故致大變朱熹曰順昌之役正值暑天劉
錡分部下兵五千為五隊先備暑藥飲酒食肉
以一副甲冑置之日下曬時令人以手摸看熱
得幾何直待熱如火不可容手乃喚一隊軍至
令喫酒飯少定與著藥遂各授兵出西門戰少
頃又喚一隊上授之出南門如此數隊分諸門
迭出迭入虜遂大敗緣虜人衆多其立無縫僅
能操戈更轉動不得而我兵執斧直入人叢揪
其馬甲以斷其足一騎纔倒即壓數騎殺死甚

備外春秋

卷之二十五 謀將

三三

衆虜人至是方有怯中國之意遂從和議耳或
曰是戰也錡戒甲士人帶一竹筒其中實以煮
豆入陣則割棄竹筒狼藉其豆虜馬聞豆爭低
頭食又多為竹筒所滾脚下不得以故士馬俱
斃云

按信叔順昌之捷人皆知其奇而不知所以
取捷者也蓋公心以赴急難示死以堅衆志
而又因天變以致敵揭忠義以感人示弱以
驕敵以佚而待勞備斯六者故捷也其後金

亮自將大兵六十萬來而流澤退軍瓜洲王
權潰師清河葉義問強劉汜而浪戰魏友王
方並時而與尸則不奉節制之過也非前巧
而後拙也

評曰劉錡神機武略出奇制勝順昌之捷威
震敵國雖韓信泝上之軍無以過焉吳璘乃
謂英傑不足雅量有餘豈其然乎若云諸將
不協心追討失此機會則余嘗推見至隱矣
當時兀术擁衆而來孤城難守危如累卵幸

備外春秋

卷之二十五 謀將

三三

而勝之心願滿足何暇窮追人情大抵然也
烏足怪哉故劉錡順昌之捷周瑜赤壁之勝
同一機也昔者曹瞞志欲吞吳橫槩臨江旌
旗千里吳人以爲退此勅敵不猶愈於君臣
被俘乎由是驩呼凱旋鼓掌相慶至今以爲
美譚順昌之事何以異於是哉

三立堂新編闕外春秋卷之二十六

華胥外史漢陽 尹商 于皇甫 著

論曰。有文事者必有武備。故戡亂止戈。必本於詩書禮樂焉。夫上兵伐謀。善戰不陣。此豈赴赴武夫長鎗大劔所能辦哉。我思古人。吉甫征獯狁。平方叔泣。壯猷著。皇父用。徐方克。蓋圍恭敗。堅請纓繫越。因操不律。濡險糜者之事乎。故譚橫草之功。伐於通儒之前。譬猶一吹也。自兵與農分爲二。而文與武岐爲兩。分閭乘鉞之寄。不

闕外春秋

卷之二十六

儒將

一

責以詩書禮樂。操觚擗管之徒。不任以攻刺批。搆是以推較而鑿。凶門者。皆衣三屬執六鈞之。夫而世迷日。韎韜爲麤人。等虎臣於兵子矣。庸詎知保大定功。安民和衆。行一不義。殺一不辜。雖高爵重賞。而有不爲。非儒者能之乎。余故編儒將祭遵。等而次其行事於左。

後漢征虜將軍潁陽成侯祭遵祭音制見後漢書注

遵字弟孫潁陽人。少好經書。家富而遵恭儉。惡衣服。嘗爲部吏所侵。結客殺之。初縣中以其柔也。旣而皆憚焉。光武破王尋等。還過潁陽。遵以縣吏數進見。光武愛其容儀。署爲門下史。從征河北。爲軍市令。舍中兒犯法。遵格殺之。光武怒。命收遵。時主簿陳副諫曰。明公常欲衆軍整齊。今遵奉法不避。是令教所行也。光武乃貫之以爲刺。姦將軍謂諸將曰。當避祭遵。吾舍中兒犯法。

闕外春秋

卷之二十六

儒將

二

尚殺之。必不私諸卿也。建武二年。拜征虜將軍。定封潁陽侯。與景丹等人箕關。南擊弘農賊。督中遵口。洞出流血。衆見遵傷。稍引退。遵呼叱止之。士卒戰皆自倍。遂大破之。時新城蠻中山賊張滿屯結險隘。爲人害。詔遵攻之。遵絕其糧道。滿數挑戰。遵堅壁不出。而厭新柏華餘賊復與滿合。遂攻得霍陽聚。遵乃分兵擊破。降之城。拔獲張滿。初滿祭祝天地。自云當王。旣執。嘆曰。識文誤我。乃斬之。六年。詔遵與建威大將軍耿弇

等六將軍從天水伐公孫述師次長...
至、隗囂不欲漢兵上隴、辭說解故、
帝召諸將議、皆曰、可且延隗囂日月之期、益封
其將帥以消散之、遵曰、囂挾姦久矣、今若按甲
引時、則使其詐謀益深、而蜀警備增固、不如遂
進、帝從之、擊破其將王元、追至新關、自是遵數
挫囂事、見馮異傳、八年秋、復從車駕上隴、及
破、帝東歸、過汧、幸遵營、勞饗士卒、作黃門武樂、
良夜乃罷、時遵有疾、詔賜重茵、覆以御蓋、復令

關外春秋

卷之三十六

備將

三

進屯隴下、公孫述遣兵救囂、吳漢耿弇等悉奔
還、遵獨留不卻、九年春、卒於軍、遵為人廉約小
心、克已奉公、賞賜輒盡、與士卒家無私財、身衣
韋袴布被、夫人裳不加緣、帝以是重焉、遵喪至
河南、詔遣百官先會喪所、車駕素服臨哭、喪禮
成、復親祠以太牢、如宣帝臨霍光故事、遵為將
軍、取士皆用儒術、對酒設樂、必雅歌、投壺、雖在
軍旅、不忘俎豆、可謂好禮悅樂、守死善道者也、
至葬、車駕復臨、贈以將軍侯印綬、朱輪容車、介

士軍陳送葬謚曰成侯、既葬、車駕復臨、其
見夫人室家、其後會朝、帝每嘆曰、安得愛國奉
公之臣如祭征虜者乎、遵之見思若此、

按祭弟孫喪母、負土起墳、修行積善人也、而
又竭忠於國、北平漁陽、西拒隴蜀、先登坻上、
深取略陽、制御士心、不越法度、所在吏人不
知有軍、名聞海內、同產兄午、以遵無子、娶妾
送之、遵以身任於國、逆而不受、不敢圖繼嗣
之計、天下安得如此憂國奉公者哉、帝之臨

關外春秋

卷之三十六

備將

四

朝而歎有以也、夫
評曰、祭征虜雅歌投壺、何異儒者乃弩中其
口、洞出流血、督戰愈厲、此豈齷齪文人所能
也、格殺舍中兒而光武賞之、亦見帝之大度
矣、

後漢護羌校尉前度遼將軍中郎將持節監關

西兵太山太守壽成亭侯皇甫規

規字威明安定朝那人永和中西羌大寇三輔
圍安定征西將軍馬賢將諸罷兵擊之不能克
規雖在布衣審其必敗乃上書言狀尋而賢果
為羌所沒罷將知規有兵畧乃命為功曹使率
甲士八百與羌交戰斬首數級賊遂退卻舉規
上計掾其後羌衆大合攻燒隴西朝廷患之規
乃上疏求自効曰臣比年以來數陳便宜策羌

關外春秋

卷之三十六

儒將

五

戎將反知馬賢必敗誤中之言在可考校臣每
惟賢等擁衆四年未有成功懸師之費且百億
計夫羌戎潰叛不由承平皆因邊將失於綏御
乘常守安則加侵暴苟競小利則致大害微勝
則虛張首級軍敗則隱匿不言軍士勞怨困於
猾吏進不得快戰以微功退不得温飽以全命
餓死溝渠暴骨中原徒見王師之出不聞振旅
之聲酋豪泣血驚懼生變是以安不能久敗則
經年臣所以搏手叩心而增歎者也願假臣兩

營二罷兩營謂馬賢及趙冲也列坐食之兵五

千出其不意與護羌校尉趙冲共相首尾土地
山谷臣所曉習兵執巧便臣已更之可不煩方
寸之印尺帛之賜高可以滌患下可以納降若
謂臣年少官輕不足用者凡諸敗將非官爵之
不高年齒之不邁臣不勝至誠沒死自陳桓帝
不能用時太山賊叔孫無忌侵亂罷縣中郎將
宗資討之未服公車特召規拜太山太守規到
官廣設方畧賊寇悉平延熹中叛羌零吾等與

關外春秋

卷之三十六

儒將

六

先零別種寇鈔關中護羌校尉段熲坐徵後先
零諸種陸梁覆沒管塢規素習羌事志自奮効
乃上疏曰臣生長邠岐年五十有九昔為罷吏
再更叛羌豫籌其事有誤中之言臣素有痼疾
恐犬馬齒窮不報大恩願乞冗官備單車一人
之使勞來三輔宣國威澤以所習地形兵執佐
助諸軍至冬羌遂大合朝廷為憂三公舉規為
中郎將持節監關西兵討零吾等破之斬首八
百級先零諸種羌慕規威信相勸降者十餘萬

規因發其騎兵討隴右而道路隔絕中軍大疫死者十三四規親入菴廬巡視將士三軍感悅東羌遂遣使乞降涼州復通先是安定太守孫嵩受取狼籍屬國都尉李翕督軍御史張稟多殺降羌涼州刺史郭闕漢陽太守趙熹並老弱不堪任職而皆倚恃權貴不遵法度規到州界悉條奏其罪或免或誅羌人聞之翕然反善沈氏大豪滇昌饑恬等十餘萬口復詣規降其後拜度遼將軍至管數月上書薦中郎將張真以

關外春秋 卷之五 儒將 七

自代曰臣聞人無常俗而政有治亂兵無強弱而將有能否伏見中郎將張真才畧兼優宜正元帥以從衆望若猶謂愚臣宜充軍事者願乞冗官以為真副朝廷從之以真代為度遼將軍規為使匈奴中郎將及真遷大司農規復為度遼將軍規為人多意美自以連在大位欲退身避第數上病不見聽會友人上稭王晏喪還規縞素越界迎之因令客密告并州刺史胡芳言規擅遠軍營公違禁憲當急舉奏芳曰威明欲

避第仕塗故激發我耳吾當為朝廷愛才何能申此子計耶遂無所問永康元年徵為尚書後封壽城亭侯辭不受轉護羌校尉以疾召還未至卒於穀城年七十一所著賦文碑銘章表箋檄凡二十七篇

按威明雖為名將而素譽不高及黨事大起天下名賢多見染逮威明自以西州豪傑耻不得與乃自上言前薦張真是為附黨後張風訟已為黨人所附臣宜坐之時人以為

關外春秋 卷之五 儒將 八

賢云 評曰范曄云孔子稱其言之不怍則為之也難察皇甫規之言其心不怍哉夫其審已則干祿見賢則委位故干祿不為貪而委位不求讓稱已不疑伐而讓人無懼情故能功成于戎狄身全于邦家也居然有儒者氣象焉威明為度遼時上書薦張真自代而自請為之副可謂推賢進士有古大臣風矣乃薦章前後凡七上何參參也余竊符山右曾蒙蔡

制臺薦拔于軍前，效用因不能脂韋，繫楯以通要人，遂為讒邪所忌。然蔡公僅一薦，一催一咨而已，未至于六七上也。豈相信不甚深乎？抑或林於市虎，而遂自沮乎？吁！止或尼之天也，吾於是而嘆威明之不可及矣。

後漢大司農護匈奴中郎將以九卿秩督幽涼

三州及度遼烏桓二營度遼將軍張奐

奐字然明，敦煌酒泉人。舉賢良，對策第一，擢拜

議郎，遷安定屬國都尉。初到職，而匈奴左莫英於

六反在莫美稷，東羌復舉種應之，而與壁。惟有二百許人，

聞即勒兵而出。軍吏以為力不敵，叩頭爭止之。

與不聽，遂進屯長城，收集兵士，遣將王衛招誘

東羌，因據龜茲，使南匈奴不得交通。東羌諸豪

陶外春秋

卷之二十六

儒將

上

遂相率與奐和親，共擊莫鞬等，連戰破之。伯德

惶恐，將其眾降。罷界以寧，羌豪帥感奐恩德，上

馬二十匹，先零酋長又遺金鏡八枚，奐並受之。

而召王簿於諸羌前，以酒酌地曰：使馬如羊，不

以入廄，使金如粟，不以入懷。悉以金馬還之。羌

性貪而貴吏清，前有八都尉率好財貨，為所患

苦。及奐正身潔已，威化盛行，遷使匈奴中郎將。

時休屠屠音直各及朔方烏桓並同反叛，燒度

途將軍門，引屯赤阪，煙火相望，兵眾大恐。各欲

亡去。與安坐帷中，與弟子講誦。自若。軍士稍安。乃潛誘烏桓陰與通和，遂使斬屠各渠帥，襲破其衆。諸胡悉降。延熹元年，鮮卑寇邊，與率南單于擊之，斬首數百級。梁冀誅與，以故吏免官。禁錮與，與皇甫規友善，規薦舉前後七上，在家四歲，復拜武威太守。百姓生爲立祠。遷度遼將軍，數載間幽并清靜。九年春，召拜大司農。鮮卑闖與去，其夏遂招結南匈奴烏桓數道入塞，輒數千騎，寇掠緣邊九郡，殺略百姓。秋，鮮卑復率數

關外春秋

卷二十六

儒將

十一

騎入塞，誘引東羌與共盟。於是上罷沈氏安，定先零諸種，共寇武威。張掖緣邊大被其毒。朝廷以爲憂，復拜與爲護匈奴中郎將，以九卿秩督幽并涼三州及度遼烏桓二營。匈奴烏桓聞與至，因相率還降，凡二十萬口。與但誅其首惡，餘皆慰納之。永康元年春，東羌寇關中，夏攻沒兩營。冬，又鈔三輔。與遣將擊破之，斬其首豪首虜萬餘人。三州清定，論功當封，與不事宦官，故賞不行。惟賜錢二十萬，除家一人爲郎，並辭不

受，而願徙屬弘農華陰。舊制邊人不得內移。與因功特聽，始爲弘農人焉。建寧元年，振旅而還。司隸校尉王寓出於宦官，欲借寵公卿以求薦舉，百僚畏憚，莫不許諾。惟與獨拒之，寓怒。因此遂陷以黨罪，禁錮歸田里。與少立志節，嘗與士友言曰：大丈夫處世，當爲國家立功邊境，及爲將帥，果有勲名。董卓慕之，使其兄遺縑百匹，與惡卓爲人，絕而不受。光和四年卒，年七十八。歲，武威多爲立祠，世世不絕。所著銘頌書教議

關外春秋

卷二十六

儒將

十二

述悉對策章表二十四篇，長子芝善草書，至今稱傳之。按與以武威太守振旅還都，時竇太后臨朝，大將軍竇武太傅陳蕃謀誅宦官事泄，中常侍曹節等作亂，以與新徵，不知本謀，矯制使與率五營士圍竇武，武自殺。蕃亦見害，與以功封侯。與深悔爲節所賣，上書固讓，封還印綬。明年上疏，明武蕃之寃。天子嘉納，諸黃門常侍皆惡之，遂下詔切責與，自囚廷尉數日。

乃得出夫真之功而被凌侮若此。閭宦暴恣於斯極矣。而真見欺豎子。率五營士圍殺陳蕃寶武。雖恨毒在心。辭爵謝咎。詩云。噉其泣矣。何嗟及矣。

評曰。余讀張真傳。竊怪真有揮霍之才。而乏骯髒之骨也。真前為度遼將軍。與段熲不相下。及熲為司隸校尉。欲逐真歸敦煌。此時不能抗疏上聞。鳴其不平。即含羞忍耻。復還酒泉。不失為丈夫也。何乃憂懼奏記。自比于朽

陶外春秋

卷之三十六

循將

十三

骨死馬。而垂首望恩。搖尾乞憐耶。猶幸熲之省書而解網也。是惡得為大丈夫哉。余謂真之可取者。維時禁錮者多不守靜。或死或徙。真獨閉門不出。養徒著書。差有林下高風而已。

晉鎮南大將軍假節都督荊州諸軍事贈征南

大將軍開府儀同三司當陽縣成侯杜預

預字元凱。京兆杜陵人。祖父皆貴顯。預博學多通。明於典廢之道。常言德不可以企及。立功立言。可庶幾也。文帝立。預尚帝妹高陸公主。拜尚書郎。襲祖爵豐樂縣侯。轉參相府軍事。鍾會伐蜀。以預為鎮西長史。及會反。察佐並遇害。惟預以智獲免。時虜寇隴右。安西將軍石鑿欲出兵擊之。預為軍司。持不可。鑿怒。奏預稽乏軍興。懼

陶外春秋

卷之三十六

循將

十四

車徵預。以預尚主在八議。以侯賸論。其後隴右事卒如預策。於是朝廷皆以預明於籌略矣。數年復拜度支尚書。元皇后梓宮將遷於峻陽陵。舊制既葬。帝及羣臣即吉。尚書奏太子亦釋服。預議太子宜以諒闇終制。從之。又以時歷差舛。不應尋度。奏上二元乾度歷。行於世。又請建河橋於富平津。議者謂必不可立。及橋成。帝舉觴屬預。曰。非君此橋不立也。預在內七年。損益萬機甚多。號曰杜武庫。言其無所不有也。帝密謀

伐吳而朝議多違。惟預羊祜張華與帝意合。祜病舉預自代。祜卒，拜鎮南大將軍，都督荊州諸軍事，給追鋒車，第二駙馬。預至鎮，繕兵甲，耀威武，乃簡精銳襲吳西陵督張政，大破之。政吳名將也，據要害之地，耻以無備取敗，不以所喪之實告於孫皓。預欲間吳邊將，乃表還其所獲之衆於皓。皓果召政，遣武昌監劉憲代之。故大軍臨至，使其將帥移易，以成傾蕩之勢。預處分既定，乃啓請伐吳之期。帝報待明年方欲大舉。預

關外春秋

卷三十六

備將

十五

上表曰：凡事當以利害相校。今此舉十有八九利，其一二止於無功耳。其言破敗之形，亦不可得。直是計不出已，功不在身，各耻其前言，故守之也。昔漢宣帝議趙克國所上事，劾之後，詰責諸議者，皆叩頭而謝，以塞異端也。自秋以來，討賊之形頗露。若令中止，孫皓怵而生計，或徙都武昌，更完修江陵諸城，遠其居人，城不可攻。野無所掠，積大船於夏口，則明年之計，或無所及。時帝與張華圍棋，而預表適至。華推枰歛手曰：

陛下聖明神武，國富兵彊。吳王濞虐誅殺賢能，當今討之，可不勞而定。帝乃許之。預陳兵於江陵，遣參軍樊顯、尹林、鄧圭、襄陽太守周奇等率衆循江西上，授以節度。旬日之間，累克城邑，皆如預策焉。又遣牙門管定、周旨、伍巢等率奇兵八百，汎舟夜渡，以襲樂鄉。多張旗幟，起火巴山，出於要害之地，以奪賊心。吳都督孫歆震恐，與伍延書曰：北來諸軍，乃飛渡江也。旨巢等伏兵樂鄉城外，歆遣軍出距。王濞大敗而還。旨等發

關外春秋

卷三十六

備將

十六

伏兵隨軍而入，歆不覺，直至帳下，虜歆而還。故軍中爲之諺曰：以計代戰，一當萬。於是進逼江陵，吳督將伍延僞請降，而列兵登陴，預攻尅之。既平上流，於是沅湘以南至於交廣，吳之州郡皆望風歸命，奉送印綬。預仗節稱詔，而綏撫之。吳人附者如歸矣。王濞先列上得孫歆頭，預後生送歆，洛中以爲大笑。時衆軍會議，或曰：百年之寇，未可盡尅。今尚暑，水潦方降，疾疫時起，宜俟來冬，更爲大舉。預曰：昔樂毅藉濟西一戰以

并疆齊今兵威已振譬如破竹數節之後皆迎
刃而解無復著手處也遂指授肥帥徑造秣陵
所過城邑莫不束手議者乃以書謝之孫皓既
平振旅凱入以功進爵當陽縣侯初攻江陵吳
人知預病瘵憚其智計以瓠繫狗頸示之每大
樹似瘵輒斫使白題曰杜預頸及賊平盡捕殺
之巴丘湖沅湘之會表裏山川寔為險固荆蠻
之所恃也預乃開楊口起夏水達巴陵千餘里
內瀉長江之險外通零桂之漕南土歌之曰後

儒者

卷之三十六 儒將

十七

日無叛由杜翁孰識智名與勇功預公家之事
知無不為凡所興造必考度始終鮮有敗事或
譏其意碎者預曰禹稷之功期於濟世所庶幾
也預身不跨馬射不穿札而每在大事輒居將
率之列結交接物恭而有禮問無所隱誨人不
倦既立功之後從容無事乃耽思經籍為春秋
左氏經傳集解又參考眾家譜第謂之釋例又
作盟會圖春秋長歷備成一家之學時王濟解
相馬和嶠頗聚斂預常稱濟有馬癖武帝聞之

謂預曰卿有何癖對曰臣有左傳癖預在鎮數
餉遺洛中貴要或問其故預曰吾但恐為害不
求益也其後徵為司隸校尉加位特進行次鄧
縣李時年六十三追贈征南大將軍開府儀同
三司謚曰成

按一部盲史軍旅之事居其強半特未有熟
讀精思耳杜元凱惟有左傳癖則枕籍沉酣
必且理會而施行之是以身不跨馬射不穿
札而能任大事成大功也儒而將者乎將而

儒者乎

卷之三十六 儒將

十八

評曰元凱非生知用之則習振長策而攻取
兼儒風而轉戰孔門稱四則仰止其三春秋
有五而獨擅其一不其優與夫三年之喪之
無貴賤輕纖奪于在位可以興嗟既葬釋於
儲君何其斯酷狗以苟合不求其正以當代
之元良為諸侯之庶子檀弓習於變禮者也
杜預有焉
人情莫不匿其瑕而表其瑜元凱病瘵不妨

其為名將也。吳人以瓠繫狗頭示之，已不雅矣。每欲大木之瘦，白而書曰：杜預頭，不已甚耶？元凱盡捕殺之，則太酷矣。世傳預本蛇精，在荊州宴會，醉卧齋中，忽聞嘔吐聲，窺之，見一巨蛇垂頭而吐，所以手辣也。蓋蛇性然也。真王乃召惡少年，以為中尉，絕不以芥蒂干。雲夢元凱不惟有傳癖，亦且有名癖。嘗言高岸為谷，深谷為陵，刻石為二碑，紀其勲績。一沉萬山之下，一立峴山之上，曰：安知此後不

為陵谷乎？其好為後世名如此。

卷之三十六 偽將

七

唐河西隴右節度使權朔方河東節度佩四將

印前左金吾衛將軍兼靈州都督贈兵部尚

書清源縣公王忠嗣

忠嗣華州鄭人。父海賓，太子右衛率豐安軍使。

開元二年，吐蕃寇隴右，詔隴右防禦使薛納禦

之以海賓為先鋒，戰武階，追北至壕口，殺其衆。

進戰長城堡，諸將期其功，按兵願望。海賓戰死，

大軍乘之，斬賊萬七千級，獲馬七萬，牛羊四十

萬。玄宗憐其忠，贈左金吾大將軍，忠嗣時年九

歲。始名誠，授尚書奉御。人見帝，伏地號泣。帝撫

之曰：此去病孤也。須壯而將之，更賜今名。養禁

中，肅宗為忠王，帝使與游。及長，雄毅寡言。有武

略。上與論兵，應對遑起。帝器之，曰：後日爾為良

將，試守代州。別駕大猾閉門自飲，不敢干法。數

以輕騎出塞。忠王言於帝曰：忠嗣敢開，恐亡之。

由是召還。信安王禕在河東，蕭嵩出河西，數引

為麾下。帝以其年少，有復讐志，詔不得特將。嵩

入朝，忠嗣曰：從公三年，無以歸報天子，乃請精

銳數百襲虜會贊普大酋閱武鬱標川其下欲
還忠嗣不從提刀略陣斬數千人獲羊馬萬計
嵩上其功帝大悅累遷左威衛將軍代北都督
封清源縣男河西節度使杜希望欲取吐蕃新
羅城疏忠嗣才詔赴河西進拔其城以功授
左威衛郎將專知兵馬俄吐蕃大出晨壓官軍
陣衆寡不敵忠嗣單馬進左右馳突獨殺數百
人賊衆蹙相蹂我軍掩之遂大敗拜左金吾衛
將軍尋爲河東節度使又節度朔方兼靈州都

唐書

卷之三十六 儒將

三

督天寶元年北討奚契丹戰桑乾河三週三克
耀武漠北高會而還時突厥新有難忠嗣進軍
磧口經略之烏蘓米施可汗請降忠嗣以其方
疆特文降耳乃管木刺蘭山謀虛實因上平戎
十八策縱反間於拔悉密與葛邏祿回紇三部
攻多羅斯城涉昆水斬米施可汗築大同靜邊
二城徙清塞橫野軍實之併受降振武爲一城
自是虜不敢盜塞徙河東節度使進封縣公忠
嗣本負勇能及爲將乃能持重安邊不生事嘗

平世爲將撫衆而已吾不欲竭中國力以幸
功名故訓練士馬隨闕繕補有漆弓百五十斤
每發之示無所用軍中士氣盛日夜思戰忠嗣
縱晚間伺虜隙時時出奇兵襲敵所向無不克
故士亦樂爲用軍每出召屬長付以兵使授士
卒雖弓矢亦誌姓名其上軍還遺弦亡鏃皆按
名第罪以是部下人自勸器甲克初自朔方至
雲中表數千里據要險築城堡斥地甚遠自張
仁童後四十餘年忠嗣繼其功俄爲河西隴右

唐書

卷之三十六 儒將

三

節度使權朔方河東節度佩四將印勁兵重地
控制萬里近世未有也帝方事石堡城詔問攻
取計忠嗣奏言吐蕃舉國守之若頓兵堅城下
費士數萬然後可圖恐所得不償所失請厲兵
馬待壹取之帝意不快而李林甫尤忌其功日
鉤撻過咎會董延光建言請下石堡詔忠嗣分
兵應接忠嗣不得已爲出軍而士無賞格延光
不悅河西兵馬使李光弼入說曰大夫愛惜士
卒有拒延光心雖名受詔實奪其謀然大夫已

付萬眾而不立重賞何以買士勇且大夫帶數萬段賜以啓護口有如不捷歸罪大夫大夫先受禍矣。忠嗣曰吾固審得一城不足制敵失之未害於國吾忍以數萬人命易一官哉。明日見責不失一金吾羽林將軍歸宿衛不者黔中上佐耳。光弼謝曰大夫乃行古人事光弼又何言趨而出。延光過期不克果訴忠嗣沮兵又安祿山城雄武拒飛狐塞謀亂請忠嗣助後因欲留其兵忠嗣先期至不見祿山而還數上言祿山

附錄春秋 卷三十六 儒將 三

且亂林甫益惡之陰使人誣告忠嗣嘗養宮中云吾欲奉太子帝怒召入付三司訊驗罪應死哥舒翰方有罷白上請以官爵贖忠嗣罪帝意解貶漢太守久之徙漢東罷卒年四十五後翰引兵攻石堡拔之死亡略盡如忠嗣故當世號為名將初在朔方至互市輒高價馬直諸蕃爭來市故蕃馬寢少唐軍精及鎮河隴又請徙朔方河東九千騎以實軍迄天寶末益滋息寶應元年追贈兵部尚書

按王節使年九齡而其父陣亡見帝而知號泣其孝親根于天性也稍長而有武略數以輕騎出塞其勇壯亦根于天性也若料米施可汗之文降揣吐蕃之難取量敵可謂審矣乃不欲竭中國力以幸功名不忍以數萬人命易一官王公亦猶行古人之事居然有名將風焉

評曰以忠嗣之才戰必破攻必克策石堡之得不償失高馬直以空虜資論祿山亂有萌

附錄春秋 卷三十六 儒將 三

豈非深謀歟然不能自免於讒卒死散地惜矣夫自古忠賢工於謀國則拙於謀身多矣可勝吒哉

梁侍中車騎將軍假節賜龍環御刀前中護軍

北平將軍丹陽尹豫江雍三州刺史贈開府

儀同三司永昌嚴侯韋叔

叔字懷文京兆杜陵人自漢丞相賢以後世為

三輔著姓父祖歸寧遠長史宋永先初袁顛為

雍州刺史見而異之引為主簿累遷右軍將軍

後求為上庸太守加建威將軍俄而太守陳顯

達等煩逼京師民心惶駭未有所定西土人謀

之於叔叔曰陳非命世才崔儒而不武宜取赤

符春秋 卷二十六 儒將 三五

族天下真人殆與於吾州矣乃遣其二子自結

於梁武義兵檄至叔率罷人伐竹為筏倍道來

趕有衆二千馬二百疋帝見叔甚悅撫几曰他

日見君之而今日見君之心吾事就矣大軍發

鄂謀留守將上難其人久之顧叔曰棄驥驥而

不乘焉遑遑而更索即日以為冠軍將軍江夏

太守行鄂府事天監二年封永昌子遷豫州刺

史領歷陽太守魏遣衆來伐叔率州兵擊走之

四年伐魏詔叔都督衆軍叔遣長史王超宗梁

肥太守馮道根攻魏小峴城未能拔叔巡行圍

柵魏城中忽出數百人陳於門外叔欲擊之諸

將皆曰向本輕來請還授甲而後戰叔曰魏城

中二千餘人閉門堅守足以自保無故出人於

外必其驍勇若能挫之其城自拔衆猶遲疑叔

指其節曰朝廷授此非以為飾韋叔之法不可

犯也乃進兵士殊死戰魏軍敗走因急攻之中

宿而城拔遂進討合肥先是右軍司馬胡略至

合肥久未能下叔案行山川曰吾聞汾水可以

開春秋 卷二十六 儒將 三五

灌平陽終水可以灌安邑即此是也乃堰肥水

躬自夜率頃之堰成水通舟艦繼至魏初分築

東西小城夾合肥叔先攻二城既而魏援將楊

靈胤帥軍五萬奄至衆懼不敵請表益兵叔笑

曰賊已至城下方復求軍乎且吾求濟師彼亦

召衆猶如吳益巴丘蜀增白帝耳師克在和

在衆古人之義也因戰破之軍人少安初泚水

堰立使軍主王懷靜築城於岸守之魏攻陷城

千餘人皆沒乘勝至叔堤下軍監潘靈祐勸叔

退還巢湖諸將又請走保三义。叔怒曰：將軍死，綏有前無却，因令取繳扇麾幢立之堤下，示無動志。叔素羸，每戰未嘗騎馬，以板輿自載。督勵衆軍，魏兵來整堤，叔親與爭之。魏軍少却，因築壘於堤以自固，起閘艦，高與合肥城等，四面臨之。魏守將中弩死，城潰，俘獲萬餘級，牛馬萬數，絹滿十間屋，悉克軍賞。叔每晝接客旅，夜箕軍書，三更起，張燈達旦，撫楯其衆，常如不及。故投募之士爭歸之。所至頓舍，修立館宇，藩籬墉壁。

關外春秋

卷之三十六

三十一

皆應準繩。合肥既平，有詔班師，去魏軍既近，懼爲所躡，叔悉遣輜重居前，身乘小輿殿後。魏人服叔威名，望之不敢逼，全軍而還。於是遷豫州於合肥。五年，魏中山王元英寇北徐州，圍刺史昌義之於鍾離，衆兵百萬，連城四十餘。武帝遣征北將軍曹景宗拒之。次邵陽洲，築壘相守。帝詔叔率豫州之衆會焉，賜以龍環御刀，曰：諸將有不用命者，斬之。叔自合肥經陰陵大澤，行值澗谷，輒飛橋以濟師。人畏魏軍盛多，勸叔緩行。

叔曰：鍾離今鑿穴而處，負尸而汲，車馳卒奔，猶恐其後，而况緩乎？魏人已墜吾腹中，卿曹勿憂也。旬日而至邵陽，初帝敕景宗曰：韋叔卿之鄉望，宜善事之。景宗見叔禮甚謹，帝聞曰：二將和師必濟矣。叔於景宗營前二十里，夜掘長塹，立鹿角，截洲爲城，比曉而營立。元英大驚，以杵擊地曰：是何神也。景宗慮城中危懼，乃募壯士言文達、洪騏驎等，潛行水底，齎救入城，使其固守。城中戰守日苦，始知有援，於是人百其勇。魏將

關外春秋

卷之三十六

三十一

楊大眼將萬餘騎來戰，大眼勇冠三軍，所向皆靡。叔結草爲陣，大眼聚騎圍之，叔以强弩二千，一時俱發，洞甲穿中，殺傷者衆，矢貫大眼右臂，亡魏而走。明旦，元英自率衆來戰，叔乘素本輿，執白角如意，以麾軍，一日數合，元英甚憚其强。魏軍又夜來攻城，飛矢雨集，叔子黯請下城以避箭，叔不許。軍中驚，叔於城上厲聲呵之，乃定。魏軍先於邵陽洲兩岸爲兩橋，立柵數百步，跨淮通道。叔裝大艦，使梁罷太守馮道根廬江太

守裴遠秦隄太守李文釗等為水陣會淮水長。胤即遣之。鬪艦競發，皆臨賊壘，以小船載草灌之以膏，從而焚其橋。風怒火盛，敢死之士拔柵斫橋，水又漂疾，條忽之間，橋柵盡壞，道根皆身自搏戰，軍人奮勇呼聲動天地，無不一當百。魏人大潰，元英脫身遁走，魏軍趨水死者十餘萬，斬首亦如之。其餘釋甲稽顙，乞為囚奴，猶數十萬。所獲軍實牛馬不可勝紀。胤遣報昌義之，義之且悲且喜，不暇答語，但叫曰：更生！更生！帝

關外春秋

卷之三十六 儒將

三九

遣中書郎周捨勞于淮上，胤積所獲於軍門，捨觀之，謂胤曰：君此獲復與熊耳山等以功進，爵侯徵通直散騎常侍右衛將軍，俄為安西長史，南隄太守，秩中二千石，會司州刺史馬仙理自北還軍，為魏人所躡，三開擾動，詔胤督眾軍援之。胤至安陸，增築城二丈餘，更開大塹，起高樓，眾頗譏其示弱。胤曰：不然，為將當有怯時，不可專勇。是時元英復追仙理，將復邵陽之阻，聞胤至，乃退。帝亦詔罷軍，明年遷信武將軍，江州

刺史景遷丹陽尹，以公事免頃之，起為中護軍，出為平北將軍，寧蠻校尉，雍州刺史。初，胤起兵，鄉中客陰傳光泣止胤，胤還為州，雋光道候胤，胤笑謂之曰：若從公言，乞食於路矣。餉耕牛十頭，胤於故舊無所遺惜，士大夫年七十以上，多與假版，縣令鄉里懷之。又直殿省，居朝廷恂恂，未嘗忤視。高祖甚禮敬之，居家無事，慕萬石陸賈之為人，因畫於壁，以自玩。普通元年，遷侍中，車騎將軍，以疾未拜，卒於家。時年七十九。高祖

關外春秋

卷之三十六 儒將

三九

即日臨哭甚慟，賜錢布若干，東園秘器朝服一具，一襲喪事取給于官，遣官監護，贈開府儀同三司，謚曰：嚴。初，邵陽之役，昌義之甚德胤，請曹景宗與胤會，因設錢二十萬，官賄之。景宗擲得雉，胤徐擲得虛，遽取一子反之，曰：異事，遂作塞。景宗時與羣帥爭先啓之捷，胤獨居後，其不尚勝率多如是，世猶以此賢之。按韋懷文妻當大將之任，未嘗振甲跨馬，惟乘版輿以出入，執如意以麾軍，彬彬然有給

巾羽扇之風解節歸第時已老矣猶課諸子以學三郎稜尤明經史世稱其冷閒懷文每坐其所發藪稜猶未之逮也

評曰陳吏部尚書姚察曰昔竇融以河右歸漢終為盛族柳惔舉南鄭響從而家聲弗賈時哉忱之謀畫亦用有成智矣韋叔起上庸以附義其地比悛則薄及合肥邵陽之後其功甚盛推而弗有君子哉

六朝人才韋叔為首司馬溫公曰其陣陣也

關丹春秋

卷之三十六 儒將

三

勇其執事也敬其律已也嚴其與人也惠其居官也明功成身退明哲保身齊梁之世乃有若人耶是時武帝方銳意釋氏天下從風而靡而叔自以位居大臣不欲與俗俯仰所行略如它日云

宋資政殿學士兵部侍郎四川安撫制置使余

玠

玠字義夫蘄州人家貧落魄無行喜功名好大言少為白鹿洞諸生嘗携客入茶肆歐賣茶翁死脫身走襄淮時趙葵為淮東制置使玠作長短句上謁葵壯之留之幕中未幾以功補進義副校權將作監主簿充制置司參議官嘉熙三年與元兵戰于汴城河陰有功授直華文閣淮東提點刑獄兼淮東制置司參謀官淳祐初玠

關丹春秋

卷之三十六 儒將

三

提兵應援安豐拜大理少卿墜制置副使進對言今世胄之彥塲屋之士田里之豪一或即戎即指之為僮人斥之為僧伍願墜下視文武之士為一勿令偏有所重偏必至於激文武交激非國之福也帝曰卿人物議論皆不常可獨當一面乃授權兵部侍郎四川宣諭使帝從容慰遣之玠亦自許當手挈全蜀以還本朝其功日月可冀尋授兵部侍郎四川安撫制置使先是東西川無復紀律遺民咸不聊生監司戎帥各

專號令擅辟守宰蜀日益壞玠至大更張玠笑
招賢館于府之左供張一如帥所居下令三集
衆思廣衆益諸葛孔明所以興蜀也欲有謀以
告我者近則徑詣公府遠則自言于郡所在以
禮遣之高爵重賞朝廷不吝豪傑之士趨期立
事今其時矣時播州冉璉冉璞有文武才隱居
蠻中前後閩帥辟召皆不至至是身自詣府上
謁玠素聞冉氏兄弟名刺入卽出與之分廷抗
禮居數月無所言玠乃爲設宴躬主之酒酣坐

開外春秋 卷之三十六 儒將 三五

客競言所長璉兄弟飲食而已玠以微言挑之
卒然玠曰是觀我待士之禮何如耳明日更
開別館以處之因使人窺其所爲但見兄弟終
日對踞以堊畫地爲山川城池之形起則漫去
如是又旬日乃請見屏人曰某兄弟辱明公禮
遇思有以少報爲今日西蜀之計其在徒令州
城乎玠不覺躍起執其手曰此玠志也但未得
其所耳曰蜀口形勢之地莫若釣魚山請徒詣
此若任得其人積粟以守之賢于十萬師遠矣

巴蜀不足守也玠大喜曰玠固疑先生非淺士
先生之謀玠不敢掠以歸已遂密以其謀聞于
朝請不次官之詔以璉爲承事郎權發遣合州
璞爲承務郎權通判川事徙城之事悉以任之
卒築青居大獲釣魚雲頂天生凡十餘城皆因
山爲壘基布星分屯兵聚糧爲必守計又移金
成于大獲以護蜀口移沔戎於青居與戎先駐
合州舊城移守釣魚共備內水移利成於雲頂
以備外水於是如臂使指氣勢聯絡矣初利司

開外春秋 卷之三十六 儒將 三五

都統王夔素殘悍桀驁不受節度所至劫掠蜀
人苦之朝廷雖知其不法不能詰也玠至嘉定
夔帥所部兵迎謁纔羸弱二百玠曰久聞都統
兵精今疲敝若此殊不稱所望夔對曰夔兵非
不精所以不敢卽見者恐驚從人耳頃之班聲
如雷江水爲沸聲止圓陣卽合旗幟精明器械
森然沙上之人彌望若林立無一人敢亂行者
舟中皆戰掉失色而玠自若也徐命史班賞有
差夔退謂人曰儒者中乃有此人玠以欲誅夔

獨患其握重兵居外恐輕動危蜀謀于親將
成成曰夔在蜀久所部兵精視侍郎為文臣必
不肯甘心從令今縱弗誅養成其勢西蜀危矣
况夔之在蜀孰與吳氏吳氏當厄難之時能百
戰以保蜀一旦曠為畔逆諸將誅之如取豚豚
况夔無吳氏之功而有曠之逆心誅之一夫力
耳玠意遂決夜召夔計事潛以成代領其衆夔
纒離營而新將已單騎入矣將士皆愕眙相顧
不知所為成以帥指譬曉之遂相率拜賀夔至

卷五十五 儒將

三五

斬之成因誅其為惡者數人乃薦成為文州刺
史會徐清叟入對語及玠不知事君之禮遂以
資政殿學士召還玠聞命不自安一夕暴卒蜀
人莫不悲慕如失父母焉

按玠之治蜀也任都統張實治軍旅安撫王
惟忠治財賦監簿朱文炳治賓客招賢禮士
輕徭寬民通商恤旅治堡練兵駸駸富強自
寶慶以來蜀間未有能及之者
評曰義夫儒者也而人物議論匪夷所及入

聖時理宗即許其可當一面而授宣諭加制
置其遇合亦匪夷所及時蜀地殘破義夫大
更弊政遴選守宰招賢禮士屯兵聚糧為必
守計蜀民始安又作經理西蜀圖以進曰願
假十年手挈西蜀之地還之本朝然後歸老
山林臣之願也其意氣之盛為何如哉惜其
專制既久不顧嫌疑平時章疏詞氣多不謹
帝不平遂來讒賊之口至于姚世安拒命威
名頓挫齋志以歿惜哉

儒將

三五

華胥外史漢陽 尹商 著

宋檜校少保封漢東罷公軍武軍節度使四川

宣撫使兼京湖安撫制置使前樞密都承旨

制置使兼知鄂州江陵府諸軍都統制兼知

岳州主管侍衛馬軍行司事累贈太師吉國

忠襄公孟珙

珙字璞王隨州棗陽人嘉定十年金人犯襄陽

駐圍山父宗政以兵禦之珙料其必闕樊城獻

策宗政由羅家渡濟河宗政然之越翼日諸軍

臨渡布陣金人果至半渡伏發殲其千十二年

完顏說可步騎二十萬分兩路攻襄陽環集城

下珙登城射之取他道劫金人破砦十有八斬

首千餘級金人遁理宗即位特授忠翊郎京湖

制置司差提督虎翼突騎軍馬六年元將那顏

倭達追金主守緒逼蔡檄珙戍鄂討金唐鄧行

省武仙仙時與武天錫及鄧守移刺瑗相犄角

欲迎守緒入蜀犯光化鋒剽甚天錫者鄧之農

夫乘亂聚眾二十萬為邊患珙逼其壘一鼓拔

之壯士張子良斬天錫首以獻獲首五十級俘

其將士四百餘人戶十二萬二十有奇乃授江

陵府副都統制賜金帶制置司檄珙問邊事珙

曰金人若向呂堰則八千不為少然須水查騰

雲呂堰等砦受節制乃可濟已而劉全雷去危

兩部與金人戰于夏家橋小捷有頃金人犯呂

堰珙喜曰吾計得矣亟命諸軍追擊呂堰進逼

大河退逼山險砦軍四合金人棄輜重走珙奉

書請降珙入城瑗伏階下請死珙為之易衣冠

以賓禮見七月己酉仙愛將劉儀降珙問仙虛

實儀陳仙所據九砦石穴山以馬蹬沙窩岵山

三砦蔽其前三砦不破石穴未易圖也若先破

離金砦則王子山砦亦破岵山沙窩孤立三帥

成擒矣珙翼日遣兵向離金盧秀執黑旗帥眾

人皆金人不疑為宋軍乃分據巷道大呼縱火

掩殺殆盡是夜壯士王建楊清等擣王子山砦

護帳軍皆酣寢建入帳中斬金山堠帥首丙辰

出師馬蹙遣樊文彬攻其前門成明等邀截走路火燭天殺穆山積師還至沙窩西與金人遇大捷丁順等又破默侯里砦琪召儀曰此砦既破板橋石定必震汝能為我招之乎儀請選婦人三百偽逃歸懷招軍榜以往琪從之琪料武仙將上岵山絕頂窺伺先令樊文彬率岵山駐軍其下前當設伏後遮歸路已而仙泉果登山及半文彬麾旗伏兵四起仙泉失措枕藉崖谷而為之類殺其將兀沙惹擒七百三十人薄暮

進軍約以明日侵晨進攻石穴九砦時積雨未霽文彬患之琪曰此雪夜擒吳元濟時也策馬直至石穴分兵進攻自寅至巳力戰九砦一時俱破仙泉五六騎遁去降其衆七萬獲甲兵無算還軍襄陽元兵遣宣撫王檝約共攻蔡制置使謀於琪琪請以三萬人行因命琪盡護諸將金兵二萬騎錄真陽橫山南來琪鼓行而前金人戰敗郗走僑蓋遣人來迓琪與射獵割鮮而飲馳入其帳僑蓋喜約為兄弟酌馬酒飲之金

兵自東門出戰琪遮其歸路擒其偏裨若干得蔡降人知城中饑窘當死守以防突圍與僑蓋約南北軍毋相犯決堰水布虎落僑蓋遣萬戶張柔帥精兵五千人入城金人鈞二卒以往柔中流矢如蝟琪麾先鋒救之挾柔以出黎明琪進逼石橋郭山戰少却金人突至琪躍馬入陣斬山以徇軍氣復張殊死戰進逼柴潭立柵翼日命諸將奪柴潭樓金人爭樓諸軍魚貫而上金人又飾美婦人以相盪麾下張禱等殺之遂

拔柴潭樓俘其將士甚多蔡人恃潭為固決之立涸實以薪葦遂濟師攻城擒其兩將斬之進逼上門金人驅其老稚熬為油號人油砲人不堪其楚琪遣道士說止之端平初降者言城中絕糧已三月琪下令諸軍啣枚分運雲梯布城下已酉琪帥師向南門至金字樓列雲梯令諸將聞鼓則進馬義先登趙榮繼之萬衆兢登大戰城上降其丞相烏古論栲栲殺其元帥兀林達及偏裨二百人開西門招僑蓋入江海執其

進軍約以明日侵晨進攻石穴九砦時積雨未霽文彬患之琪曰此雪夜擒吳元濟時也策馬直至石穴分兵進攻自寅至巳力戰九砦一時俱破仙泉五六騎遁去降其衆七萬獲甲兵無算還軍襄陽元兵遣宣撫王檝約共攻蔡制置使謀於琪琪請以三萬人行因命琪盡護諸將金兵二萬騎錄真陽橫山南來琪鼓行而前金人戰敗郗走僑蓋遣人來迓琪與射獵割鮮而飲馳入其帳僑蓋喜約為兄弟酌馬酒飲之金

進軍約以明日侵晨進攻石穴九砦時積雨未霽文彬患之琪曰此雪夜擒吳元濟時也策馬直至石穴分兵進攻自寅至巳力戰九砦一時俱破仙泉五六騎遁去降其衆七萬獲甲兵無算還軍襄陽元兵遣宣撫王檝約共攻蔡制置使謀於琪琪請以三萬人行因命琪盡護諸將金兵二萬騎錄真陽橫山南來琪鼓行而前金人戰敗郗走僑蓋遣人來迓琪與射獵割鮮而飲馳入其帳僑蓋喜約為兄弟酌馬酒飲之金

辦政張天綱以歸琪問守緒所在天綱曰城危時自經曰死便火我烟燭未絕琪與倂蓋分守緒骨得實王帶金銀印牌有差遣軍襄陽擢建康府都統制兼權侍衛馬軍行司職事二年授主管侍衛馬軍行司事駐黃州朝辭上曰卿名將之子忠勤體國破蔡滅金功績昭著琪對曰此宗社威靈陛下聖德與三軍將士之勞臣何力之有帝問恢復對曰願陛下寬民力蓄人材以俟機會帝問和議對曰臣介胄之士當言戰

不當言和賜賚甚厚元兵攻蘄州江陵危急詔琪援之琪乃先遣張順渡江後以全師繼之元兵分兩路一攻復州一在枝江監利縣編筏窺江琪變易旌旗服色循環往來夜則列炬照江數十里相接凡破砦二十四嘉熙初授鄂州諸軍統制元將忒沒斛入漢陽口温不花入淮甸

江帥萬文勝戰不利琪入城指畫戰守卒全其城斬逗留者四十有九人以狗二年春授鄂州江陵府諸軍都統制陞制置使兼知岳州廼撤

江陵節制司擢襄郢於是復鄂州復荆門軍又復信陽軍遂復襄陽授樞密都承旨制置使兼知鄂州初詔琪收復京襄琪謂必得郢然後可以通餽餽又必得荆門然後可以出奇兵由是指授方畧發兵深入所至以捷聞琪奏畧曰襄樊為朝廷根本今百戰而得之當加經理如護元氣非甲兵十萬不足分守與其抽兵於敵來之後孰若保此全勝上兵伐謀此不爭之爭也乃置先鋒軍以襄郢歸順人隸焉琪又條上陳

備禦宜為藩籬三層乞制副司及移關外都

統一軍於夔任涪南以下江面之責為第一層備鄂澧為第二層備辰沅靖桂為第三層峽州松滋須各屯萬人舟師隸焉歸州屯三千人鼎澧辰沅靖各五千人郴桂各千人如是則江西可保又遣楊鼎張謙往辰沅靖三州同守倅曉諭熟蠻講求思播施黔支徑以圖來上會謀知元兵於襄樊隨信陽招集軍民布種積船材于鄧之順陽乃遣張漢英出隨任義出信陽焦進

出襄分路撓其勢遣王堅潛兵燒所積船材又
度師必因糧於蔡遣張德劉整分兵入蔡火其
積聚拜寧武軍節度使四川宣撫使招集麻城
巴河安樂磯管公唐淮民三百餘人皆沿邊
經戰之士號寧武軍令弟某統之進封漢東
侯兼京湖安撫制置使淮東受兵樞密俾珙
援遣李得帥精兵四千赴之珙子之經監軍謀
知京兆府也可那延以騎兵三千經商州取
嶺關出房州竹山遣王令屯江陵李進屯鄖州

關外春秋

卷三十七

儒將

七

劉全屯沙市焦進提千人自江陵荆門出襄嶽
劉全齋十日糧取道南漳入襄與諸軍合元兵
至三川珙下令應出戍主兵官不許失棄寸土
權開州梁棟乏糧運司珙曰是棄城也斬以徇
拜檢校少保進封漢東公珙言沅之險不如
辰靖之險不如沅三州皆當據要而靖尤急今
三州粒米寸兵無所從出此京湖之憂也陸抗
有言荊州國之藩藁如其有虞非但失一肥當
傾國爭之若非增兵八萬併力備禦雖韓白復

生無所展巧四年兼知江陵府珙謂其俗曰
府未之思耳彼若以兵綴我上下流急將若之
何珙往則彼擣吾虛不往則誰實捍患識者是
之繼有命分兵三千備齊安珙言黃州與壽昌
三江口隔一水耳須兵節度何必預遣先一日
則有一日之費無益有損萬一上游有警我軍
已疲非計之得也不從珙至江陵登城歎曰江
陵所至三海不知沮洳有變為桑田者蓋自城
以東古嶺先鋒直至三汊無所限隔廼修復內

關外春秋

卷三十七

儒將

八

隘十有一別作十隘於外有距城數十里者沮
漳之水舊自城西入江因障而東之俾遠城北
入漢而三海遂通為一隨其高下為匿蓄泄三
百里間渺然巨浸土木之工百七十萬民不知
役繪圖上之初珙招鎮北軍駐襄陽李虎王旻
軍亂鎮北亦潰乃厚招之降者不絕行省范用
吉密通降款以所受告為質珙白于朝不從珙
歎曰三十年收拾中原人今志不克伸矣病遂
革終于江陵景昭太師封吉國公謚忠襄

按孟珙禦金人于襄陽而臨渡布陣半渡伏發拒金人於襄陽而取他道破其砦皆合古兵法令軍家自畜馬而官給芻粟興屯田而軍械饋運皆有禱於軍政若處置歸附之人謂宜因其鄉土而使之耕因其人民而立之長籍少壯以爲軍任才能以職事可謂識時務之俊傑矣。

評曰紹定端平之間朝廷如醉未醒如夢未醒揮扇鼓舌胥主和議爲良策矣而孟珙獨

續外春秋

卷之二十七

儒將

九

曰臣介胄之士當言戰不當言和是故脫阿翁于襄陽通天錫于唐鄧攻武仙于石穴救張柔于蒸城全無懼縮之念也帥夔州日曰不擇險要立砦柵則難責兵以衛民不集流離出耕種則難責民以養兵是故屯田興而募農給種首秬歸尾漢口爲屯二十爲頃一十八萬八千二百八十而軍有見糧無復脫中而呼庚癸者也而又學遂于易六十

號無菴居士故能薄滋味遠貨色吏稱公忠君體國之心可貫金石將終之月朔大星震于境內聲如雷薨之夕大風發屋折木嗚呼此豈可斥之爲哈伍指之爲粗人哉

明開國輔運推誠宣力武臣特進榮祿大夫右
柱國大都督府左都督曹國公同知軍國事
贈隴西王李恭獻公文忠

隴西王文忠泗之盱眙人父曰貞母上之長
姊也生文忠甫十二而薨時淮南北盜起父貞
携之東西走鋒鏑間幾不能活甲午開上起
兵濬陽間關往投至則相抱而哭時皇子幼
上多蓄童穉之材勇者子之使文忠冒國姓而
從皇姪文正列延師誨之讀書史習兵法丁

卷之三十七 儒將

十一

西俾以舍人從軍策應池州奮擊破陳友諒之
卒驍勇為諸軍冠時年僅十九無何以舍人率
所部取青陽石埭旌德皆下之戊戌敗元樞密
院判阿魯灰於萬年街遂敗苗軍于於潛昌化
獲其婦人輜重甚夥文忠以士飽飲且驕夜潛
殺所獲而焚其輜重曰患不力戰耳向患不富
貴遂前襲破洪元帥營降其眾千餘尋會鄧愈
胡大海之師取嚴州超為帳前總制親兵左副
都指揮使兼領元帥府事鎮之特嚴新下城壘

未固而張士誠來爭扶苗徐之眾水陸數萬人
奄至文忠以輕兵從陸逆擊大破之賊其首標
之槎放之中流水兵見而夜遁遂克諸暨進浙
江行中書省左丞苗將蔣英賊殺其帥叅政胡
大海以叛文忠急擊破之蔣英走諸暨守將謝
再興叛挾張士誠寇東陽文忠馳救復破之走
文忠以反側處兩叛間又與強虜接壤而練
兵繕甲竝不可屈始文忠所築逼諸暨而城者
曰新城士誠之司徒李伯昇悉兵二十萬來圍

卷之三十七 儒將

三

文忠救之令去城十里而軍守新城將胡德濟
謂賊勢盛盍少避之以俟大軍文忠曰俟大軍
至城為彼有矣將在謀而不在眾遂誓師而鼓
之曰彼眾而囂我寡而整且聞彼之輜重山積
是天以富賜若也勉之戰既合文忠橫槊引鐵
騎數十乘高馳下直出賊陣斷其中堅縱橫搏
擊所向草靡賊駭亂相蹂躪大軍乘之城中守
兵亦鼓噪而出遂大潰斬首數萬級擒將校七
百人委棄鎧仗芻粟彌亘數十里伯昇僅以身

免。上召文忠歸，宴勞彌日，賜名馬金幣甚厚。進右丞，使統全浙兵，攻張士誠之杭州。丙午，取桐廬、新城、富陽，進攻餘杭。一夕而下，叛將謝再興之五子降。杭帥潘原明使其員外方葵納款。文忠詰之曰：「兵未交而速納款，得無為緩師計乎？」葵謝曰：「王師所過，秋毫無犯，杭之吏民鼓舞而慶，有主自不能緩，非敢緩也。」文忠於是引入卧内，與飲而授之約束。明日，原明如師，師遂入。文忠營於麗譙下，令曰：「敢有擅入民居者斬。」

開禧春錄

卷之二十七

三

一卒下借民釜立礫以狗就軍中，加榮祿大夫，行省平章政事，還李姓。洪武元年，上即位，封文忠父貞恩親侯，食祿奉朝請。上念姊已死，獨貞在，而又醇謹，宴見不以時，每有征行，輒令守宮省。文忠既父子當腹心，寄親重無與比。尋討平閩之叛寇，還為偏將軍。二年，從開平王遇春北討，由遵化度鹿兒嶺，進薄上都，克之。走元君，獲其士馬萬計，俄而開平王卒，文忠代將兵，移兵陝西，與大將軍合而攻慶陽，行次大

原慶陽，則已平，而虜東攻大同甚急。文忠曰：「兵可無西也。」援大同便，軍吏以為疑。文忠按劍叱曰：「聞外之事，吾得而專之，敢言不援大同者，斬。」遂出鴈門，次馬邑，敗其邏騎數千，擒劉平章，進次白楊門，擒四大王。前軍已去虜五十里，而營文忠遽移之五里前，阻水自固。虜果夜率眾來劫我，不可動，質明文忠。望見虜益大至，乃以二營委虜，俾死戰。久之，度其饑疲，乃選精兵為左右翼，奮擊大破之，乘勝逐北，擒其驍將脫列伯。

開禧春錄

卷之二十七

十四

俘斬及降者萬餘人，窮追至莽哥倉而還。論功，賜金幣，當大將軍之半。三年，進征虜左副將軍，與大將軍分道北討。文忠以十萬人出野狐嶺，進師察罕惱兒，擒其平章祝真，謀知元順帝。廼太子愛猷識里達臘即位，其眾離。文忠喜，兼程而進，大破其侯騎，遂圍應昌，明日破之。太子走，獲皇孫買的里八剌，后如官人，暨諸王、省院、建官將吏等，駝馬牛羊無算，并獲宋元玉璽金寶十五，玉冊二，鎮圭大圭，玉帶玉斧各一。選精騎

窮追至北慶州不及而還道興州降其兵民三萬七千人至紅羅山又降其兵民萬六千餘人捷聞上大悅為御奉天門受羣臣朝賀大封功臣文忠為開國輔運推誠宣力武臣特進榮祿大夫右柱國大都督府左都督曹國公同知軍國事食祿三千石賜誥券世襲尋領都督府事西蜀平命文忠因兵威拊循其地復以左副將軍北討出東路師至哈刺莽來虜先遁文忠乃留輜重驢駒河人齋二十日糧兼程進至

外春秋 卷之二十七 儒將 十五

土刺河元太師哈刺章蠻子悉眾渡河留其妻子北嚮而嚴騎以待文忠力戰却之逐北至騁海虜來益眾文忠乃據險自固而多張疑兵以劫虜虜疑稍稍引去文忠亦解而歸迷失道乏水渴死者甚眾文忠患之忽所乘馬跑土泉隨湧出土馬賴以濟乃自為文刑牲祭之文忠軍雖名為全而所失多得不足償而大將軍之出中路者竟敗績矣尋將兵行邊出朔州擒其太尉伯顏不花又嘗駐代縣分遣兵出至三不刺

者俘其平章陳安禮至順寧陽門者斬其知珍珍珠驢至白登者俘其國公鄧李羅帖木兒又破大寧鴻州斬其宗王朶朶失理皆肉子女人畜歸虜益避遠邊竟無事文忠與大將軍皆折節延諸儒生講說經義而文忠尤號有文采上益雅重之始命與李善長通知中書省大都督府事御史臺事又命大事皆取二公處分中書省革命文忠特參軍國大計幾如大將軍十六年命兼領國子監事十七年二月得疾上

外春秋 卷之二十七 儒將 十六

幸其第撫摩久之揮涕而別卒年四十六贈岐陽王諡武靖父貞初亦封曹國公別食公祿前文忠卒亦贈隴西王諡恭獻按岐陽王素講說經義又有文采宜其教子以義方也一傳而子景隆拜將出師數為一燕王所敗至默相事機反為上所鄙夷也雖以靖難功居班首天子外示崇重而心恨之諸功臣謂彼白刃判我而今以降虜据戎上咸用扼腕其後謀

爲不軌爲有司所劾。詔盡削景隆勛階官號。絕朝請。已又繫之私第。竟以凍餒卒。豈不辱岐陽哉。

評曰。岐陽王不數爲大將。將輒有功。敦詩悅禮。有儒者風。斯所以肺腑哉。帝起布衣。屢更奕。僅兄之子獨文正。姊之子獨文忠。而文正不善居勛。父子以廢徙。而高帝念之不絕其國。蓋二百五十餘年。而南面如故也。臨淮之紹侯。其亦高帝遺意歟。

開外春秋

卷之二十七

七

明特進光祿大夫少保兼太子太保總理薊鎮軍務總兵官中軍都督府左都督戚繼光。繼光字元敬。世稱戚少保。幼而捍閭。多權奇。隆準方願。毅而鷹揚。英氣勃勃。旣舞象。折節爲儒。以經術著。旣冠。奉父命。上熟府襲世官。待次司馬門。善相人者目逆之。將軍春秋三十六。秉鉞專征。不五等。則三孤矣。庚戌。待試武闈。匈奴大入。部列城守。簡材官。戍九門。少保條上便宜。部當其議。山東歲遣治兵使者。部六罷。良家子春

開外春秋

卷之二十七

儒將

七

秋入戍。少保任中軍。從務輯衆心。一軍皆服。使者推轂。進督備倭都司。尋轉浙江都司。僉書會倭難甚。少保上練兵議。其畧曰。無兵而議戰。亦猶人無臂而格于將。乃今烏合者不張。徵調者不戢。吾不知其可也。聞義烏人其氣敵愾。其習標而自輕。其俗力本無他。宜可鼓舞。及今簡練。訓習。一旅可當三軍。督府乃檄少保。亟募三千人。假以節制。則以什伍起于丘乘。兵寓于農。第西北地夷。宜得地利。南而走險。不利並驅。乃開

長短兵夾振而進。隊立一人為長，偏則伍之兩。則什之，犄角互張，攻距擊刺互用，名驚勢陣，居無何，卒服習矣。督府請補浙東參將，分部台州。辛酉，日夷入台州，睹旌旗皆辟易，所嚮以全取。勝。其年江西告急，督府檄少保西行，既捷，露布以聞，軍聲益振，頃之，閩寇張甚，分壘為三窟，一據橫嶼，一據牛田，其酋長壁莆東南，出沒焚掠，因而塞路，沃野不耕，廣叛兵乘亂出入，毗若無人。少保以督府命部兵八千往，自橫嶼趨牛田。

備將 卷之三十七 九

作誠立盡，他夷部繼至，截先登者五之三，其二突圍南奔，窮追絕跡，勒功平遠臺。少保既班師，大司馬趙公代督府，發浙餉，屬少保募精兵萬人，閩望援兵，如望時雨，兵至，寇相蹂踐而死，屍以澤量，當戰，務釋俘囚，蠲脇從，首功居多。隆慶初，虜陷石州，東薄昌黎，用廷臣議，召譚司馬威總戎入策備邊，總戎上書備陳七原六失四弊，大較言兵制，西北什倍東南，虜馮積威劫邊人，邊人望風而靡，戰將率廢軍費，參外舍兒，視

虜飽歸，尾而朋勦，掩老羸為功，級既賈而賞有差，剗鬚首以當雄飛，彼自以為得計，借曰當戰，鮮不唾之，且不練，何以議兵，無兵何以議戰，練兵之效，臣嘗試之東南，請簡部將若而人，分出三輔州縣，部募三千丁壯，部將將之，合為四營，營各五部，每營立一裨將為之連衡，總攬折衝，則主將專制，簡練訓習，一如東南，比及三年，堂堂乎可格虜矣。長驅出塞，務令咋指而避窮廬，迫其非時，則大舉討罪之師，逐北而虛大漠，然

備將 卷之三十七 十

後屯田足餉，罷戍銷兵，坐致富強，則百世之利也。部持可否未決，既譚公出就督府，命總戎督練四主將兵，節制視督府同，策者謂太阿之柄不假武人，第易總理于時，諸主將不用命，視總理猶寓公，無解字，無人徒，無供億，督府言不便狀，則又以總理專任前門，即不易銜，而練兵之議寢矣。又言前當肩脊，幸而任臣，臣無多言，在前言前，塞上周垣二千里，一瑕則百堅瑕，比年遞圯，遞修，滋費無益，請更版築，諸戍士畫地

受工。跨牆爲臺。睥睨四達。臺高五丈。虛中爲二層。臺宿百夫。械器備。糧具在。虜至則當睥以守。退則奮休。第力詘。未能舉。先築千二百座。藪人多木。疆律之軍正。將不堪。請募南中人殺者。一軍以倡。勇敢督府上其議。許之。始募南兵三千。如期至。陳而待命。郊外自朝日雨。甚至于日中。軍容益壯。總干山立。邊將大駭。將軍令國如是乎。既相要害。程功能。部署臺垣之役。工力籍班軍。則以南兵爲渠。長薪水。取諸塞外。其餘則

續錄卷之三十七 備將 主

以益。燕蘇少保巡工。介弟爲植。少舍則課殿最。宴賞。決罰有差。黔督益以壯麗。獻功。不旬月告成事。是役也。縣官僅發十萬緡。經費考工。足當百二十萬。復增募南兵二萬。編伍戍之。議立車營。出戰。則以代城郭。車四面結鞞。爲方陣。步騎二旅。中藏之。遇虜乘。睥火器先薄。五百步外稍近。則步兵出。轄下拒。虜馬排擊之。虜却而奔。則縱騎兵乘勝逐北。虜師不宿飽。復若鞠重營。以從。有發。則南兵當選鋒。入衛兵。策應。主兵戍守。

踐更者任轉輸。首分數。次形名。次技擊。次步伐。次偵邏。次鄉導。次批擣。次遮擊。次追襲。次俘馘。次首功。軍政畢。張無不以律。比年東西虜謀入犯。西首得薊狀。恐巫卜不祥。遂謝東胡。款關入貢。部言虜數苦薊。北修內備。不戰而伐虜謀。即軍正無所課功。其功上上。薊方不得入。梁益且將求多。總理故以參將入闕。進副將。再論功最。進中軍。署都督同知。克總兵。入薊。擁總理虛名。秩如故。及江陵當國。上遣右司馬出行邊。于

續錄卷之三十七 備將 主

時大閱薊門。十六萬之師畢至。營伍必整。旌旗火鼓必齊。約束必堅。號令賞罰必信。右司馬躬入諸營。驗諸械器。履諸關隘。登諸臺垣。歷諸亭障。周覽諸闡閭。比還報。悉以狀聞。既畢。使謁江陵。上輔兵議。江陵則以征伐自天子出。其如主。何。既而以修薊功。進左都督。其加秩。則少保兼太子太保。其階。則特進光祿大夫。及江陵。人言波及少保。西裨將起記室。少保耶翼而就之。乃陰布蜚語京師。傾少保而自代。始移

鎮南身虜入黑峪、開薊人願、亟召還、不得請、則勒石頌功德、尸祝之、少保度嶺南、任疆事、如二鎮、踰年疾作、得謝、還登州、少保哉、散千金、狗容急歸而暴折、即延醫治病、且無資、以丁亥、蜡日卒。

按少保武人也、顧折節而右吾文、帥浙有紀、勅新書、帥薊門有練兵實紀、皆鑿鑿可見、諸事非徒托之空言也、今二書具在、富闕者肯沉酣其中、亦可以稱名將、惜乎有書而弗讀、

歸來錄

卷之二十七 儒將

三三

讀書而弗解、奈何、

評曰、胡華陽有言、古今以少保當阨者、凡三人、其一武穆、其一忠肅、其一則華陽自名也、夫、岳于無辜、華陽非

世廟聖明、且無幸、少保四三公而一體得、終於牖下、豈直天定乎哉、不妄殺故也、老氏以佳兵為不祥、斯其為大祥矣、汪司馬道昆銘其墓曰、則其宣力、為召為方、則其下士、為陵為、嘗則其從事、是為汾陽、則其勇退、是為子房、

知言哉

歸來錄

卷之二十七 儒將

三四

明征蠻將軍總制江湖閩廣四道兵馬鎮守浙

直總兵官都督同知俞大猷

大猷其先鳳陽人世為泉百戶髫髻時輒倜儻以豪傑自命家酷貧日不能再爨顧誦讀不輟銳意文事已父卒襲官學騎射輒令中從李良欽學擊劍盡其學益悟常山蛇勢以為兵法數起五猶一身五體雖將百萬之兵固可使合為一人也嘉靖中登會舉高等以千戶守金門上書部使者言兵部使者呵辱之奪官大猷笑曰

關外春秋

卷之二十七 儒將

五

此豈吾自見地耶遂盡鬻其家遊京師以書干毛尚書伯溫翟侍郎鑿翟得書驚歎禮之驚一軍然終不盡用乃奉勅守汀漳遷廣東都司會安南叛人入欽廉為寇諸司議募陸兵大猷曰賊由海來獨當以海舟破之若專備于陸賊舍此擊彼我不勝其備賊不勝其擊彼逸我勞非計也乃多集海舟以擊之連破之永安萬寧而安南兩賊首以獻倭難作大猷以南直隸副總兵戰賊平望王江涇六金壩皆連捷而提督

尚書張經以視師趙文華言論死大猷坐落職

奪祖官於是東南之禍日亟復浙直鎮守而大猷言防江必先防海水兵急於陸兵蓋倭奴長陸戰令樓船高大集萬銳其上倭船遇之輒催壓焦爛固我兵所長也善戰者毋以短擊長而以長制短且海戰無他法在知風候齊號令以大舟勝小以多勝寡耳于是用舟師戰而舟山積歲不除之賊皆勦盜王直者徽人也以亡命入海據烈港勾倭夷貿易為逋逃王天子以

關外春秋

卷之二十七 儒將

五

連歲倭變劇皆直故必得之至勤精練責督府胡宗憲令必得自効大猷言直在海島能以禮物誘倭來在彼國則一逋逃夫耳倭之來不來非關直誅不誅也若誘之來而殺之則失信且何以示後蓋請諸宗憲不聽誘以來天子聞得直則大喜詔殺直於是宗憲志失信怏怏曰吾為俞帥笑矣而羣倭聞殺直焚舟殊死戰大制入掠聞宗憲懼乃奏言大猷違節制不窮追以為解而大猷逮詔獄謫戍邊饒平民張璉反

借名張官流陷江閩諸州縣 詔諸道合師二

十萬討之。而大猷遷南嶺將時。胡宗憲已奉

詔兼督江廣矣。聞璉出行。刺下檄言賊棄巢出

此自投死。其速擊。大猷前以違節制見劾。幾得

罪。欲言恐禍及。欲不言恐敗事。已乃曰。吾豈以

一身之禍。忘國事哉。乃具言。璉雖驍勇。出劫其

妻子財寶。乃在巢。若我以大軍迫其巢。彼必聚

眾自救。譬之虎方逐鹿。熊據穴而搏其子。虎安

得不置鹿而還。還而蹙之。如拉朽矣。且三省會

擊有期。又豈可以數萬之師。從一夫圍走哉。於

是引兵萬五千人。疾走栢嵩嶺。賊璉巢。賊果歸

保巢。而大猷出擊。俘斬者千餘。於是潛使說璉

黨。執璉已為兩廣帥所奪。或請訟之。大猷曰。賊

惡其不滅。豈必在已。翼日班師。不殺一人以示

信。陞副總兵。賜璽書。加節鉞。命控制江湖閩廣

四道兵。加祖官一級。會倭陷興化。大猷自贛晝

夜馳赴之。駐秀山。都督劉顯駐明山。而都督戚

繼光提浙兵未至。上怒督府失泉城。責職急

而聞士夫又洶洶急功。大猷念賊且萬人。能戰

入死地。官軍數僅相當。若迫城而攻之。彼實我

虛。彼飽我饑。彼逸我勞。一挫而東南之事去矣。

不若列營以困之。彼欲攻柵以遁。則彼虛我實。

彼勞我逸。彼饑我飽。而我師掎角取之。可使子

無遺。且連戰。勝亦可遁。負亦可遁。此賊之利也。

遲戰。則我兵日多。守益固。而賊日益困。敵以戰

為守。我以守為攻。於是星布兵營。畫地鑿溝。令

東西。而列柵其上。賊挑戰不動。聞士夫訟。甚

詬病之。已竟。賊諸將各加秩。而大猷止賜金

幣。蓋聞士夫業已為流言聞之。朝矣。倭三萬寇

潮州。與盜吳平相犄角。為廣患。詔移鎮潮廣。

募盜憚大猷名。競出降。吳平雖不能堅決。然亦

詭殺倭自效。遂與倭人絕。於是大猷請於督府

都御史吳桂芳曰。韃賊以出邊為生路。山賊以

歸巢為生路。今潮兵驅賊入益深。益深則益以

聞耳。是死路也。當大集精兵十圍五攻。無使片

甲得還。如兵力單。若不勝。又散之。令得遁去。則

遷贖日久為勞費無已也於是將漳兵二萬以
來果破平而御史以招吳平為大猷負坐免官
都御史為抗言於朝乃得留二源山表千里賊
據峒如蜂房水窩介三罷六縣之間而雲溪尤
固大猷曰此當誘而聚之者也遣王鸞者盛驍
從克禪將為死間賊得鸞自安而大猷日發兵
擊旁諸巢之未下者以趣之諸巢果聚雲溪
以緩討乃陽言誅李明過雲溪巢賊出牛酒犒
兵須臾兵悉集擊破之於是賞先登酬死間而

備身卷三十七 備將 三

東峒遂平大猷為將事先必周慮萬全既事往
往為善後長久之畫為人易簡無町畦而有容
善忍以忠厚自任重然諾功則稱人罪則稱已
參將楊克寬罪抵死大猷力為當道言克寬忠
勇慣戰請保任不効甘同罪詔獄時妻子寄食
甚窘百戶鄧城亦就逮適有遺數百金者立與
之諸推轂楊弘舉曾清之倫皆大聲疾呼期必
用後皆為名將禮布衣士為上賓平生遊官誓
眾陳師鞠旅一決于理雖支干孤虛雲物氣侵

堪輿奇遁兵家以為務者未嘗一訊焉謂侍郎
繪與書言繪近對人言節制精明公不如繪信
賞必罰公不如威精悍馳騁公不如劉然此謂
小知誠如霍子孟任如諸葛亮大如郭子儀忠
如文文山毅如于肅愨可以托孤寄命則公之
大受然也公精誠當不以老衰不為時變哉蓋
信重如此

備身卷三十七 備將 三

按俞公行師以律笑計如神董五哨十萬之
全師如奕棋着着先手剪三罷六縣之妖逆
如振落次次剗平有雄成明作之心而絕無
斯弛解縷之容蓋有儒者氣象焉其禦敵以
馬隆之戰車兼李陵之步卒而參以衛青之
縱騎後有作者弗能易矣
評曰兵法原本於易故師謙豫離諸卦皆有
行師出征之文而精義寓焉俞公幼而習易
泉中名師王宣林福趙本皆受易於蔡虛齋
先生者也三君常即易以論古今治亂興衰
之迹又即易以衍兵家奇正虛實之變公皆

師之。而禦契神會。尤能總統融貫。而開其所
未發。公悟常山蛇勢。以爲兵法之數。起於五。
豈非獨窺河圖洛書之奧。而有得者乎。是以
公於安南瓊黎。東倭北虜。三苗五嶺。皆有善
後之策。可百世因之。蓋得先庚後庚之意。文
王之所以治。豈者也。所謂立馬讀易者。信哉。

三立堂新編閩外春秋卷之二十八

華胥外史漢陽 尹商 于皇甫 著

論曰兩軍對壘門旗大開。礮聲震山。甲光耀日。此誠危急存亡之秋也。平日一百分高譚雄辯。到此舌缺不能宣。平日一百分剛心猛氣。到此蜩縮不敢動。嘗有噉餽則忘其口。操刀則傷其手。驟馬則墮其背。而通其髮。吾聞其事矣。吾見其人矣。蓋煙塵。白晝化為陰霾。殺氣盛。炎夏如負冰雪。而欲取讐敵於咫尺。決雌雄於斯須。

閩外春秋

卷之二十八

一

非有絕人之武藝。惡能先登而陷陳也哉。設有
一人噫鳴咄嗟。怒張義鶻之拳。突奮刺虎之智。
弓响而敵即遁。馬到而眾皆靡。刀起而頭已落。
槍舉而喉遂穴。此蓋天賦。懨懨人推。駟勇。方可
顯神通于千軍萬馬之中。泉鯨。鯢于顧盼。呼吸
之頃也。嗚呼。藝高膽壯。宜其然乎。余故錄絕藝
李廣趙雲等。人而節其大略如左。

漢郎中令未央衛尉上谷上郡隴西北地雁門

代郡雲中太守李廣

廣隴西成紀人家。世世受射。孝文帝時。匈奴大
入蕭關。而廣以良家子從軍擊胡。因善騎射。殺
首虜多。為武騎常侍。嘗從行。有所衝陷折關。及
格猛獸。文帝曰。惜乎。子不遇時。如令子當高帝
時。萬戶侯。豈足道哉。及孝景初立。廣為隴西都
尉。徙為騎郎將。吳楚反時。廣為驍騎都尉。從太
尉亞夫擊吳楚軍。取旗。顯功名昌邑下。以梁王

閩外春秋

卷之二十八

二

授廣將軍印。還賞不行。徙為上谷太守。匈奴日
以合戰。典屬國公孫昆邪為上泣曰。李廣才氣
天下無雙。自負其能。數與虜戰。恐亡之。於是乃
徙為上郡太守。歷隴西北地雁門代郡雲中太
守。皆以力戰為名。匈奴大入上郡。天子使中貴
人從廣勸習兵。擊匈奴。中貴人將騎數十縱。放
見匈奴三人。與戰。三人還射傷中貴人。殺其
騎。且盡。中貴人走廣。廣曰。是必射雕者也。廣乃
遂從百騎往馳三人。三人亡馬。步行。行數十里。

廣令其騎張左右翼而廣身自射彼三人者殺其二人生得一人果匈奴射雕者也已縛之上馬望匈奴有數千騎見廣以為誘騎皆驚上山陳廣之百騎皆大恐欲馳還走廣曰吾去大軍數十里今如此以百騎走匈奴追射我立盡今我留匈奴必以我為大軍之誘必不敢擊我廣令諸騎曰前前未到匈奴陳二里所止今日皆下馬解鞍其騎曰虜多且近即有急奈何廣曰彼虜以我為走今皆解鞍以示不走用堅其意

關外春秋

卷八 藝將

三

於是胡騎遂不敢擊有白馬將出護其兵李廣上馬與十餘騎奔射殺胡白馬將而復還至其騎中解鞍令士皆縱馬臥是時會暮胡兵終怪之不敢擊夜半時胡兵亦以為漢有伏軍於旁欲夜取之皆引去平旦李廣乃歸其大軍大軍不知廣所之故弗從武帝立以為廣名將也於是以為未央衛尉及出擊胡而廣行無部伍陣行就善水草屯舍止人人自便不擊刁斗以自衛幕府尚文書然亦遠斥候未嘗遇害後廣以

衛尉為將軍出鴈門擊匈奴匈奴兵多破敗廣軍生得廣單于素聞廣賢令曰得李廣必生致之胡騎得廣廣時傷病置廣兩馬間絡而盛臥廣行十餘里伴死脫其旁有一胡兒騎善馬廣誓騰而上胡兒馬因推墮兒取其弓鞭馬南馳數十里復得其餘軍因引而入塞匈奴捕者騎數百追之廣行取胡兒弓射殺追騎以故得脫於是至漢贖為庶人居無何匈奴入殺遼西太守敗韓將軍韓安於是天子乃召拜廣為右屯

關外春秋

卷八 藝將

四

平太守廣居右北平匈奴聞之號曰漢之飛將軍避數歲不敢入右北平廣廉得賞賜輒分其麾下飲食與士共之終廣之身為二千石四十餘年家無餘財終不言家產事廣為人長後臂其善射亦天性也廣訥口少言與人居則畫地為軍陣射闊狹以飲專以射為戲廣之將兵乏絕之處見水士卒不盡飲廣不近水士卒不盡食廣不嘗食寬緩不苛士以此愛樂為用其射見敵急非在數十步之內度不中不發發即應

茲而倒後廣以郎中令將四千騎出右北平博望侯張騫將萬騎與廣俱異道行可數百里匈奴左賢王將四萬騎圍廣廣軍士皆恐廣乃使其子敢往馳之敢獨與數十騎馳直貫胡騎出其左右而還告廣曰胡虜易與耳軍士乃安廣為圍陣外嚮胡急擊之矢下如雨漢兵死者過半漢矢且盡廣乃令士持滿毋發而廣身自以

黃黃等名也射其裨將殺數人胡虜益解會日暮吏士皆無人色而廣意氣自如益治軍

軍中自是服其勇也明日復力戰而博望侯軍亦至匈奴軍乃解去廣嘗與望氣王朔燕語曰自漢擊匈奴廣未嘗不在其中而諸部校尉以下才能不及中人然以擊胡軍功取侯者數十人而廣不為後人然無尺寸之功以得封邑者何也豈吾相不當侯耶且固命也朔曰將軍自念豈嘗有所恨乎廣曰吾嘗為隴西守羌嘗反吾誘而降降者八百餘人吾詐而同日殺之至今大恨獨此耳朔曰禍莫大於殺已降此乃將

軍所以不得侯也後從大將軍青擊匈奴既出塞青捕虜知單于所居乃自以精兵走之而令廣出東道廣自請曰臣部為前將軍令大將軍乃徙令臣出東道且臣結髮而與匈奴戰今乃一得當單于臣願居前先死單于大將軍青亦陰受上誡以為李廣老數奇毋今當單于恐不得所欲故徙廣廣固辭大將軍不聽廣不謝而走意甚愠怒而就部引兵出東道軍亡導或失道後大將軍大將軍與單于接戰單于遁走弗

能得而還南絕幕過廣大將軍使長史問廣失道狀曰青欲上書報天子失軍曲折廣未對大將軍使長史急責廣之幕府對簿廣曰諸校尉無罪乃我自失道廣謂其麾下曰廣結髮與匈奴大小七十餘戰今幸從大將軍出接單于兵而大將軍又徙廣部行迺遠而又迷失道豈非天哉且廣年六十餘矣終不能復對刀筆之吏遂引刀自剄廣軍士大夫一軍皆哭百姓聞之知與不知無老壯皆為垂涕

與不知無老壯皆為垂涕

按李廣行軍無部伍舍止就水草不以刀斗自衛不以文書自苦可謂極簡易矣而程不識正部曲行伍營陳擊刀斗吏士治軍簿至明軍不得休息是時漢邊郡兩人皆為名將則人各有所長也

評曰廣之射射雕者可見其技下馬解鞍可見其謀佯死馳歸可見其智射石没羽可見其力矢盡日暮吏死皆無人色而廣意氣自如益治軍可見其勇是其才氣果天下無雙

關外春秋

卷之八 藝將

矣而竟以失道獲罪哀哉

昔白起詐坑趙卒四十萬遂有杜郵之禍李廣誘殺羌人八百終不得封侯可為好殺之戒乃廣云自漢擊匈奴廣未嘗不在其中而諸部校尉才能不及中人然以軍功取侯者數十人而廣無功以得封邑歎說其命彼固不知從來取侯者強半是才能不及中人者也而不見從弟李蔡為人在下中名聲出廣下甚遠而蔡封樂安侯代公孫弘為丞相俯仰

古今令人永歎

漢文帝時海內又安不事兵革雖才如李廣無所用之故文帝曰惜乎子不遇時蓋亦識廣之才矣公孫昆邪為國惜才過於文帝不欲其數與虜虜至為上泣於是徙為上郡太守乃大將軍出塞上陰謀毋令廣當單于而大將軍亦欲使公孫敖復侯故與敖俱當單于而徙廣出東道廣不謝而行乃失道而廣終不能對刀筆吏遂自剄明年李敢代為郎

關外春秋

卷之八 藝將

中令怨大將軍青之恨其父乃擊傷大將軍

差可報讐耳

廣與兄弟其獵於冥山之北見臥虎焉射之即斃斷其髑髏以為枕示服猛也鑄銅象其形為洩器示厭辱之也他日復獵於冥山之陽又見臥虎射之沒矢飲羽進而視之乃石也其形類虎退而更射鏃破斨折而矢不傷葛稚州以問楊子雲子雲曰至誠則金石為開

漢鎮東將軍順平永昌亭侯趙雲

雲字子龍常山真定人身長八尺姿容雄偉公孫瓚與袁紹爭冀州紹將文醜驟馬追瓚瓚落馬幾為文醜刺殺雲挺鎗直取文醜大戰五六十合救瓚而回瓚曰將軍自何來救我雲曰某本紹轄下之人今見紹無匡國救民之心特投麾下不期相見于此瓚執雲手曰聞貴郡之人皆願傾心以投袁氏公何獨回心見我乎雲曰天下訥訥民有倒懸之厄雲願從仁義之主以

關外春秋

卷之八 藝將

九

安天下非特背袁氏有私將軍也瓚大喜遂同歸賽贊初得雲未即托以心腹令領一軍在後而遣大將嚴綱為先鋒及綱為趙雲所斬雲又刺殺趙雲單騎飛入紹軍左衝右突如入無人之境紹大敗及紹大隊掩至雲保瓚出圍紹駈兵大進瓚狼狽之極山背後突出三員大將乃玄德關張也三人在平原探知瓚與紹相爭特來助戰因與雲相見先主甚相愛敬便有投編之心矣時先主亦依瓚瓚遣為田楷拒袁紹雲

遂從先主主騎先主每接納雲雲得深自結託

尋以兄喪辭瓚先主知之不及捉手而別雲辭曰終不肯德也先主就袁紹雲往見於鄴先主與雲同牀眠臥密遣雲合募得數百人皆稱劉左將軍部曲紹不知也遂隨先主至荊州及先主為曹操所迫於當陽長阪坡棄妻子南走糜芳面帶數矢言趙雲已北投曹操先主以手縋摘之曰子龍與吾相從患難之時心如鍊石必不棄吾走也不知雲自午夜往來在曹軍中衝

關外春秋

卷之八 藝將

十

突既不見先主又失却主人老小自思曰甘糜二主母小主人阿斗都交付與我今日軍中失散有何面目見主人乎不如決一死戰報答平昔知遇之恩耳已從逃亂百姓中尋獲其未人交與糜竺先行又復見糜夫人于民間火毀牆內手抱三歲幼子坐地而哭夫人曰妾身得見將軍此子生矣雲屢請夫人上馬夫人不肯四邊喊聲又起雲大喝曰如不聽吾言後軍來矣大人遂棄阿斗於地投背井而死雲推土墻掩

之解甲抱阿斗在懷掉鎗上馬則曹將晏明張
仰先後迎戰雲刺死晏明大戰張卻奪路而走
雲連人和馬顛下土坑忽紅光紫霧從土坑中
湧出其馬一踴而起大驚而退雲又走而馬延
張鎧焦觸張南一齊合戰雲力敵四將殺透重
圍於是曹操在景山頂上望見雲橫行征塵中
威不可當急問左右是誰曹洪下山大叫曰戰
將願留姓名雲應聲曰吾乃常山趙子龍也洪
回報操曰世之虎將也可速傳令使數騎傳

論各處勿放冷箭務生獲之因此子龍得脫其
難皆主人洪福也雲身抱阿斗在懷中殺透重
圍砍倒大旗二面奪柵三枝前後鎗刺劍砍殺
死曹營名將五十餘員及離大陣熱血汚滿征
袍山坡下又遇鍾繇鍾繇截路背後張遼許褚
又將追到四下喊聲大起雲奮勇殺鍾繇鍾繇
望長阪坡而來文聘又引軍來人困馬乏見張
飛挺鎗橋上雲大叫曰翼德援我飛曰諾雲行
二十餘里先主少憇樹下見雲血染渾身泣而

問曰懷中何物雲喘息未定曰趙雲之罪萬死
猶輕跪而泣曰糜夫人身帶重傷云所抱公
子身突重圍凡遇敵軍戰十數番奪得夏侯恩
青釭劍斫死無數名將軍兵皆托主公之洪福
幸而得脫適公子尚在懷中解而視之方濃睡
未醒雲雙手遞與先主幸得公子無恙先主接
過擲之于地指阿斗而言曰為汝這孺子幾折
吾一大將雲泣而拜謝曰雲雖肝腦塗地不能
報也先主自得南郡荆襄與孔明圖久遠之計

則零陵武陵桂陽長沙次第當取此馬良之策
也雲領命取桂陽擒陳應斬鮑隆而太守趙範
降矣範遂與雲結為兄弟因欲以寡嫂樊氏妻
之雲辭曰相與同姓卿兄猶吾兄怒卻之或有
勸雲納之者雲曰範迫降耳心未可測主上新
定江漢枕席未安雲安敢以婦人而廢乃公事
天下多美婦人何必是後範果逃去先是雲與
夏侯惇戰於博望生獲夏侯蘭蘭是雲鄉里少
小相知雲白先主活之薦蘭明於法律以為軍

正雲不以自近其慎慮類如此其夫人薨周瑜與魯肅畫策將權妹招先主人贅待賺至南徐因以脇取荊州也權即使呂範為媒往荊州見先主云先主曰吾年半百鬚髮斑白吳侯之妹正是妙齡非吾偶也範又云先主乃與孔明計議孔明曰吾有小計要周瑜半籌不展吳侯之妹屬於主公荊州萬無一失也於是喚雲附耳曰汝保主公入吳付汝之計可依次而行卒保先主還荊州蓋以雲嚴重故特任之耳權

卷十八 藝將 三

聞先主西征大遣舟船迎妹而夫人欲携阿斗還吳已至沙頭鎮矣雲沿江追趕凡十餘里得一魚舟因以跳上吳船曰何故帶小主人去主人焦勞半生只有一點骨血小將在當陽長阪坡百萬軍中拚命抱出今日安得暗將去乎夫人喝曰汝半路輒入船中莫非反耶雲曰總然萬死決不敢放夫人去遂推倒侍婢就懷中奪出阿斗立于船頭於是一手抱定幼主一手仗劍人不敢近但恨不能移舟傍岸耳適張飛從

下流操舟而來執于高叫留下侄兒去遂提劍上吳船斬周善擲頭于孫夫人前乃得抱阿斗而還先主自葭萌還攻劉璋驛召孔明孔明率雲與張飛等溯江西上平定郡縣至江州分遣雲從外水上江陽與孔明會于成都成都既定以雲為翊軍將軍時議欲以成都中屋舍及城外園地桑田分賜諸將雲駁之曰霍去病以匈奴未滅無以家為今國賊非但匈奴未可求安也須天下都定各返桑梓歸耕本土乃宜耳益

卷十八 藝將 十四

州人民初罹兵革田宅皆可歸還令安居復業然後可役調得其歡心先主從之黃忠既斬夏侯淵曹操自領大軍二十萬來以報怨也孔明欲燒其糧草奪其輜重忠又諍行于是令雲與忠俱至北山下正欲舉火而張郃徐晃並至圍忠于垓心雲見忠不回將輕騎數十迎視忠等而慕容烈迎敵即刺殺之焦炳復至又殺之直至北山之下大喊入圍左衝右突如入無人之境郃是不敢交戰遂救出黃忠擦掌見威猛驚

問何人乃常山趙子龍也操曰昔日當陽長阪英雄尚在急傳令曰所到之處不可輕敵又救出張著操奮怒招呼將士共逐雲而雲已殺回本寨矣此時部將張翼見曹兵將近欲閉寨拒守雲叱令勿閉汝豈不知吾昔日當陽長阪單鎗走馬殺曹兵八十三萬如覬草芥吾今日有軍有將復何懼哉更大開門偃旗息鼓操疑引去雲乃鼓角齊鳴令弓弩從後射操軍操軍驚駭自相蹂踐墮漢水死者以萬計明日先主同

關外春秋

卷二十八 藝將

五

孔明至戰場凭高而望問雲昨戰處忻然大喜謂孔明曰子龍一身都是膽也大勞將士歡宴至暝軍中自是號為虎威將軍焉孫權襲荊州關公遇害先主大怒欲討權雲諫曰國賊是曹操非孫權也宜先滅魏則吳自服今曹丕謀篡漢帝神人共怒主上當早圖關中屯兵渭河上流以討凶逆關東義士必裹糧策馬以迎王師也若舍魏而伐吳兵勢一交不得卒解願垂答焉先主不聽遂東征留雲督江州帝大和於秭

歸焚燧西奔吳將朱然從江岸截其歸路先主曰吾死也夫忽見雲至先主曰吾生矣蓋是時趙雲偵知吳蜀交兵引軍出江州望見東南一帶火光燭天即大驚奮勇衝殺而來適遇朱然刺殺之救出先主望白帝而走遂駐蹕改公廨為永安宮焉建興元年為中護軍征南將軍封永昌亭侯遷鎮東將軍五年隨孔明駐漢中明年孔明出軍揚聲由斜谷道曹真帥大眾當之孔明令雲與鄧芝往拒而身攻祁山雲芝兵弱

關外春秋

卷二十八 藝將

六

敵強失利於箕谷然雲領眾固守不至大敗軍退左遷鎮軍將軍孔明曰街亭軍退兵將不復相錄箕谷軍退兵將初不相失何故芝答曰雲身自斷後軍資什物略無所棄兵將無緣相失也雲有軍資餘絹孔明使分賜將士雲曰軍事無利不應有賜其物請悉納赤岸麻庫須十月為冬賜孔明善之七年卒景耀三年追謚順平侯

按子龍用兵老成持重故善戰不敗善敗不

亂非徒驚悍勇猛者也。昭烈入吳，何等危險。孔明歷選諸將，特相委任，曰：「非子龍不可。」則關、張亦瞠乎後矣。却趙範之嫂，辭屋舍田園之賜，留軍餘之絹，豈不卓然高潔丈夫哉。評曰：昭烈第五虎大將，而雲居第四，當是別為甲乙耳。若論戰功，關、張、馬、難、伯、仲也。長阪之戰，身抱孩提，卽後帝也。保護其夫人，卽帝母也。斬將搴旗，前無衡敵。雖微天幸，曹瞞有生獲之令，得免于難，而血戰之功，合三國罕

雁行矣。北山之戰，深得兵家虛虛之法。曹瞞遂為所欺。昭烈賞其渾身是膽，詎不信乎。迂儒迺謂子龍嚇喝主母，以致實身，不得入武臣廟，而與伍子胥並斥門外，大不倫矣。夫鞭君之屍以報父之讐，子胥誠為悻悻小人哉。子龍救幼主于千軍萬馬之中，請夫人乘馬者數矣。稍遲回，則并幼主且不保。況主母乎。并自身且不保。況幼主乎。當是時也，子龍籌之再四，幼主為重，主母為輕，是以寧拚夫人

子胥井而出阿斗於顛危蓋時與勢迫于兩難而身與主侍於兩全嗚呼當局者難而當矢石之衝者更不易也吾故為虎威將軍一雪此言

余嘗惟昭烈既接帝位跨有荆益其間窈窕淑女當不乏人胡不旁求博訪以正中宮而納同宗劉瑁之妻以辰羸自累何也孔明不惟不諫阻而乃曰美而且賢以懲憑之又何也子龍一武夫且不妻趙範之嫂曰相與同宗至怒撻趙範力御之不惟昭烈有愧色即孔明亦當自悔失規矣

齊左丞相都督贈上柱國中山郡公斛律光
斛律光字明月朔州勃勒部人金之子也馬面
彪身神爽雄傑少言笑工騎射初以庫直事文
襄從出野見鴈雙飛來文襄使光馳射之以二
矢俱落焉後從金西征文帝長史莫孝暉在行
間光年十七馳馬射中之因擒於陣神武即擢
授都督又嘗從文襄於涇橋校獵見一大鳥雲
表飛颺射之正中其頸形如車輪旋轉而下至
地乃大鵬也丞相屬邢子高歎曰此射鵬手也

齊書

卷之六

七

當時號落鵬都督齊受禪進爵鉅鹿郡公周大
司馬尉遲迥齊公憲庸公可叱雄等衆十萬攻
洛陽光率騎五萬馳往戰于邳山迥等大敗光
親射雄殺之迥憲僅而獲免初文宣時周人常
懼齊兵之西度常以冬月守河淮水及帝卽位
朝政漸紊齊人推水懼周兵之逼光憂曰國家
常有吞關隴之意今日至此而惟翫聲色周軍
圍洛陽壅絕糧道詔光率步騎三萬討之光擐
甲執銳身先士卒鋒刃纔交周衆大潰詔加右

丞相又率衆築平隴等鎮戍十三所韋孝寬等
步騎萬餘來逼平隴與光戰於汾水光大破之
進封中山郡公周遣將圍宜陽光率步騎五萬
赴之大戰於城下取周建安等四戍捕千餘人
而還軍未至鄴敕令便於兵散光以有功者未
得慰勞若散恩澤不施乃密表請使宣旨軍仍
且進朝廷發使遲留軍還將至紫陌光駐營待
使帝聞光軍營已逼心甚惡之急令舍人追光
入見然後宣勞散兵拜左丞相光嘗在朝堂垂

齊書

卷之六

七

簾而坐視及不知乘馬過其前光怒謂人曰此
人乃敢爾後現在內省言聲高慢光過聞之又
怒珽知光怒而賂光從奴問之曰相王曠孝徵
耶曰自公用事相王每夜抱膝歎曰盲人入國
必破矣又穆提婆求娶光庶女不肯帝賜提婆
晉陽田光言於朝曰此田神武以來常種禾飼
馬以備寇難今賜無乃闕軍務也帝又以鄴清
風園賜提婆租賃之於是官無菜賒買於人直
錢三百萬其人訴焉光曰此菜園賜提婆是一

家足若不賜提婆便百官足由是祖穆積怨周
將韋孝寬忌光英勇乃作謠言令間諜傳之於
鄴曰百升飛上天明月照長安又曰高山不摧
自崩榭木不扶自舉珽續之曰盲老公背上下
大斧饒舌老母不得語令小兒歌之於路提婆
聞以告其母令萱萱以饒舌為斥已盲老公謂
珽也遂協謀以謠言啓帝珽又令丞相府佐封
士遜密啓云光前西討還勅令便放兵散光令
軍逼帝京將為不軌不果而止家藏弩甲奴僮

周外春秋 卷三十一 主

千數每遣使豐樂武都處陰謀往來不早圖恐
事不可測帝性怯懦恐即變發令洪珍馳召祖
珽告之珽因云正爾召之恐疑不可入宜賜一
駿馬語云明日將往東山遊觀可乘此馬同行
光必來謝因引入執之帝如其言光至引入涼
風堂劉桃枝自後拉而殺之時年五十八血流
至地割之迹終不滅光居家嚴肅見子弟若君
臣不營財利杜絕饋餉門無賓客罕與朝士交
言不肯預政事每會議常獨後言言輒合理將

有表疏令人執筆口占之務從省實行兵用匈
奴卜法吉內無不中軍營未定終不入幕或終
日不坐身不脫介冑常為士卒先有罪者惟大
杖搥背未嘗殺衆皆爭為之死拓地五百里
而未嘗伐功自結髮從戎未嘗失律深為鄰敵
懾憚罪既不彰一旦屠滅朝野惜之周武帝聞
光死赦其境內後入鄴追贈上柱國指詔書曰
此人若在朕豈得至鄴

按斛律明月拒尉遲迥齊公憲射殺可叱雄

周外春秋 卷三十一 主

積虜首為京觀功則美矣恨所以居功者未
善也人主勅令散兵光仍率兵而進駐營以
待慰勞帝安得不瞋耶而又結怨于祖珽穆
提婆遂至協謀誣害以殺其身亦自取之耳
評曰斛律光以上將之子有殺之沉姿戰術
兵權暗合韜略臨敵制勝變化無方自開河
分隔年將四紀以高祖霸王之期屬宇文草
創之日出軍薄伐屢挫兵鋒而大寧以還東
鄴伎弱關西首收巴蜀又殄江陵叶建瓴之

用武成并吞之壯氣解律治軍誓衆式邊邊
鄙戰則前無完陣攻則罕有全城齊氏必致
拘原之師秦人無復啓關之策而世亂譏勝
詐以震主之威主暗時難自毀藩籬之固昔
李牧之爲趙將也北翦胡寇西却秦軍郭開
譖之牧死趙滅其議誅光者豈秦之反間歟
何同術而同亡也內令諸將解體外爲強鄰
報讐嗚呼後之人君可不戒哉

凡大將專制關外必須調和中朝昔杜武庫

關外春秋

卷三十一 藝將

三

在鎮數餉遺洛中貴要曰但恐爲害不求益
也光既拒穆氏之求婚又惡祖珽之腹蹇怨
甚毒矣而韋孝寬之間謀又乘之以入所以
死于劉桃枝之手明哲保身者常不如是

隋柱國開府儀同三司上大將軍上儀同領事

騎將軍上開府左領軍行軍總管河州刺史

太平縣公史萬歲

萬歲京兆杜陵人少英武善騎射驍捷若飛好
讀兵書兼精占候年十五值周齊戰于芒山萬
歲時從父軍中旗鼓正相望萬歲令左右趨裝
急去俄而周師大敗其父由是奇之武帝時平
齊其父戰歿萬歲以忠臣子拜開府儀同三司
襲爵太平縣公尉遲迥之亂也萬歲從梁士彥

關外春秋

卷三十一 藝將

三

擊之軍次馮翊見羣鴈飛來萬歲謂士彥曰請
射行中第三者既射應絃而落三軍悅服及與
迥軍相遇每戰先登鄴城之陣官軍稍却萬歲
謂左右曰事急矣吾當破之於是馳馬奮之擊
殺數十人衆亦齊力官軍乃振迥平以功拜上
大將軍爾朱勣以謀反伏誅萬歲頗相關涉坐
除名配敦煌爲戍卒其戍主甚驍武每單騎深
入突厥中掠取羊馬輒大克獲突厥無衆寡莫
之敢當其人深自矜負數罵辱萬歲萬歲患之

自言亦有武用。戍主試令馳射，而工戍主笑曰：小人定可。萬歲請弓馬，復掠突厥中，大得六畜而歸。成主始善之，每與同行，輒入突厥數百里，名譽北夷。策定之擊突厥也，萬歲詣帳門，請自效。策定素聞其名，見而大悅，因遣人謂突厥曰：士卒何罪，過令殺之，但當各遣一壯士決勝負耳。突厥許諾，因遣一騎挑戰。策定遣萬歲出應之，萬歲馳斬其首而還。突厥大驚，不敢復戰，遂引軍而去。拜上儀同領車騎將軍，平陳，又以

隋書卷之九十五 卷之九十五 卷之九十五

功加上開府。及高智慧等作亂江南，以行軍總管從楊素擊之。萬歲率眾二千自東陽別道而進，踰嶺越海，攻陷溪洞，不可勝數。前後七百餘戰，轉鬪千餘里，寂無聲聞者十旬。遠近皆以萬歲為沒。萬歲以水陸阻絕，信使不通，乃置書竹筒中，浮之於水，汲者得之，以言於素。素大悅，上其事。高祖嗟歎，賜其家錢十萬，還拜左領軍將軍。先是南寧夷獫狁來降，拜昆州刺史。既而復叛，遂以萬歲為行軍總管，率眾擊之，入自蜻蜒

川經弄凍，次小勃弄，大勃弄，至于南中。賊前後屯據要害，萬歲皆擊破之，行數百里。見諸葛亮紀功碑，銘其背曰：萬歲之後，勝我者過此。萬歲令左右倒其碑，而進渡西洱河，入渠濫川，行千餘里，破其三十餘部。諸夷大懼，遣使請降。獻明珠徑寸，於是勒石頌美。隋德萬歲遣使馳奏，請將翫入朝，詔許之。嬰翫因有二心，不欲詣闕，因賂萬歲以金寶，萬歲於是捨翫而還。蜀王秀時在益州，知其受賂，遣使將索之。萬歲悉以所得

隋書卷之九十五 卷之九十五 卷之九十五

沉之於江，索無所獲，以功進位柱國。及翫復反，乃奏之。上令窮治其事，事皆驗，罪當死。上數之曰：受金放賊，重勞士馬，朕念將士暴露，寢不安席，食不甘味，卿豈社稷臣也。萬歲曰：臣留嬰翫者，恐其州有變，留以鎮撫。上以萬歲心有欺隱，大怒，將斬之。左僕射高穎等進曰：史萬歲雄略過人，每行兵用師之處，未嘗不身先士卒，尤善撫御將士，樂為致力。雖古各將未能過也。上意少解，開皇末，突厥達頭可汗犯塞，上令晉王及

楊素出靈武道漢王諒與萬歲出馬邑道萬歲率柱國張定和大將軍李藥王楊義臣等出塞至大斤山與虜相遇達頭遣使問曰隋將爲誰候騎報史萬歲也突厥復問曰得非敦煌戍卒乎曰是也達頭聞之懼而引去萬歲馳追百餘里乃及擊大破之楊素害其功因譖萬歲云突厥本降初不爲寇來塞上畜牧耳遂寢其功萬歲數抗表陳狀上未悟會上廢皇太子窮東宮黨與上問萬歲所在萬歲實在朝堂楊素見上方怒因曰萬歲謁東宮以激怒上上信之令召萬歲時所將士卒在朝稱寃者數百人萬歲謂之曰吾今日爲汝極言於上事當決矣既見上言將士有功爲朝廷所抑詞氣憤厲忤於上大怒令左右擗殺之死曰天下士庶聞者識與不識莫不寃惜萬歲爲將不治營伍令士卒各隨所安無警夜之備虜亦不敢犯臨陣對敵應變無方號爲良將

按諸葛武侯立紀功碑于南夷而銘其背曰

隋書

卷八

三

萬歲之後勝我者過此史公見其碑當再題數字而使石工勒於後斯千古之勝事也胡爲仆其碑乎史公名萬歲而碑有萬歲二字武侯之筭神矣豈史公所可及評曰史萬歲智勇兼人善撫士卒皆樂爲之死北却匈奴南平夷獫狁兵鋒所指威驚絕域論功伏氣忤犯權臣死非其罪人皆痛惜有李廣之風焉況其志烈邁衆出當推轂之重入受牙爪之寄雖馬伏波之威行南裔趙充國之聲動西羌語事論功各一時也史萬歲雄略過人每行軍用兵之處未嘗不身先士卒此高頴元晏對高祖之言也蓋有憐才之心焉楊素滿腹鱗甲既害其破達頭之功又激以謁東宮之怒由是無罪擗殺而帝亦追悔無及矣詩云取彼讒人投之豺虎豺虎未肯食素之肉也

隋書

卷八

三

隋右驍衛將軍相州刺史左領軍將軍上開府

儀同三司前驃騎將軍持節護突厥秦川行

軍總管贈司空上柱國齊國獻公長孫晟

晟字季晟性通敏略涉書記善彈工射趨捷過

人時周室尚武貴游子弟咸以相矜每共馳射

時輩皆出其下年十八為司衛上士初未知名

唯高祖一見謂人曰長孫郎武藝逸羣又多奇

略必為名將宣帝時突厥攝圖請婚于周以趙

王招女妻之遣晟送千金公主至其牙前後使

人數十輩攝圖多不禮見晟而獨愛焉每共遊

獵嘗有二鵬飛而爭肉因以兩箭與晟請射取

之晟乃彎弓馳往遇鵬相攫遂一發而雙貫焉

攝圖喜命諸子弟貴人皆從學彈射其弟處羅

侯號突利設尤德衆心而為攝圖所忌密託心

腹陰與晟盟晟與之遊獵因察山川形勢部衆

疆弱皆盡知之時高祖作相晟以狀白高祖高

祖大喜開皇元年攝圖曰我周家親也今隋公

自立而不能制復何面目見可賀敦乎因攻陷

臨渝鎮約諸面部落謀共南侵高祖新立大懼

修築長城發兵屯北境以備之晟先知攝圖玷

厥阿波突利等叔侄兄弟各統疆兵俱號可汗

分居四面內懷猜忌外示和同難征而可汗

上書謂宜遠交而近攻離強而合弱通使玷厥

說合阿波則攝圖廻兵自防右地又引處羅遣

連奚雷則攝圖分衆還備左方首尾猜嫌腹心

離阻十數年後承襲討之必可一舉而空其國

矣上省書大悅因召與語晟復口陳形勢手畫

山川寫其虛實皆如指掌上深嗟異皆納用焉

因遣太僕元暉出伊吾道使詣玷厥賜以狼頭

纛謬為欽敬禮數甚優玷厥使來引居攝圖使

上反間既行果相猜貳授晟車騎將軍出黃龍

道齋幣賜奚霫契丹等遣為鄉導至處羅侯所

誘令內附不數年攝圖遣使朝貢上遣晟使攝

圖賜公主姓為楊氏改封大義公主攝圖奉詔

不肯起拜晟曰突厥與隋俱大國天子但可賀

敦為帝女則可汗是大隋女婿奈何不敬婦公

自立而不能制復何面目見可賀敦乎因攻陷

臨渝鎮約諸面部落謀共南侵高祖新立大懼

隋外春秋

卷八 藝將

七

隋外春秋

卷八 藝將

七

攝圖笑乃拜受詔使還稱旨授儀同三司左勳
衛車騎將軍遣晟慰喻染干許尚主十七年玷
厥染干來逆女復遣晟以宗女封安義公主妻
之其後攝圖四十萬騎自關州入破達奚長儒
軍更欲南入玷厥不從而去晟又說染干詐告
鐵勒等反欲襲其牙攝圖乃回兵出塞後突厥
大入阿波至涼州與竇榮定戰賊帥累北時晟
爲偏將使謂之曰攝圖每來戰皆大勝阿波纔
入便敗此乃突厥之耻且攝圖之與阿波兵勢

隋書卷三十三 藝將 主

本敵今攝圖爲衆所崇阿波滅北牙矣阿波使
至晟又謂之曰今達頭與隋連和而攝圖不能
制可汗何不依附天子連結達頭相合爲疆此
萬全之計豈若喪兵負罪歸就攝圖受其戮辱
邪阿波納之因留塞上使人隨晟入朝攝圖死
遣晟持節拜其弟處羅侯爲莫何可汗以其子
雍闥爲葉護可汗晟又說處羅侯之子染干南
徙居度斤舊鎮雍闥疾之亟來抄略染干輒遣
奏聞是以賊來有備晟遣降虜覘侯雍闥知其

牙而屢有災變夜見赤虹光照數百里天狗貫
雨血三日流星墜其營內有聲如雷每夜自驚
言隋師且至並遣奏知仍請出討突厥都速等
歸染干前後至者男女萬餘口晟安置之由是
突厥悅附尋以染干爲啓民可汗賜射於武安
殿選善射者十二人分爲兩朋啓民曰臣由長
孫大使得見天子今日賜射願入其朋許之時
有鳶羣飛上曰公善彈爲我取之十發俱中並
應丸而落尋領五萬人於朔州築大利城以處

隋書卷三十三 藝將 主

染干詔晟部領降人爲秦州行軍總管取晉王
節度出討達頭晟進策曰突厥飲泉易可行毒
因取諸藥毒水上流達頭人馬飲之多死於是
大驚因夜遁晟追之斬首千餘級王大喜引晟
入內同宴極歡有突厥達官來降時亦預坐說
言突厥之內大畏長孫總管聞其弓聲謂爲霹
靂見其走馬稱爲閃電王笑曰將軍震怒威行
域外遂與雷霆爲比一何壯哉師旋授上開府
儀同三司仁壽元年晟表奏臣夜登城樓望見

磧北有赤氣長百餘里皆如兩足下垂彼地謹
驗兵書此名灑血其下之國必且破亡欲滅句
奴宜在今日詔楊素爲行軍元帥晟爲受降使
者送染干北伐達頭衆大潰西奔吐谷渾大業
三年場帝幸榆林欲出塞外陳兵耀武經突厥
中指于涿郡染干聽之因召所部諸國數十酋
長咸萃晟見牙中草穢欲令染干親自除之示
諸部落以明威重乃指帳前草曰此根大香染
干遽嗅之曰殊不香也晟曰天子行幸所在諸

開外春秋

卷三八 藝將

言

侯並躬親洒掃耘除御路以表至敬之心今牙
中蕪穢謂是留香草耳染干乃悟曰奴罪過奴
之骨肉皆天子賜也得效筋骨豈敢有辭遂拔
所佩刀親自芟草其貴人及諸部爭放效之乃
發榆林北境至于其牙又東達于薊長三千里
廣百步舉國就役而開御道帝聞晟策乃益加
焉復爲右驍衛將軍卒年五十八帝深悼惜之
贈贈甚厚後突厥圍鴈門帝歎曰向使長孫晟
在不令何奴至此晟好奇計務功名性至孝居

憂毀瘠爲朝士所稱貞觀中追贈司空上柱國
齊國公諡曰獻

按馬新息最稱名將而其揣隄雖有土崩之
勢進兵有必破之狀不過聚米爲山谷指畫
形勢開示衆軍所從道徑往來而已長孫季
晟因與處羅侯游獵而察其山川形勢知其
部衆強弱而陳手畫于帝前遂得以乘彼之
間施吾之謀堪與馬侯比隆矣
良將固以稍鈴爲上而騎射亦不可不工長

開外春秋

卷天 藝將

言

孫晟一矢而貫雙鵬十彈而中十鷲安得不
驚服夷人耶突厥聞其弓響謂爲霹靂見其
走馬稱爲閃電其威行域外豈偶然哉
評曰長孫氏愛自代陰來儀京洛門傳鍾鼎
家誓山河漢代八王無以方其茂績張氏七
葉不能譬此重光晟體資英武兼包奇略因
機制變懷彼戎夷傾巢盡落屈膝稽顙塞外
絕鳴鏑之旅涓橋有單于之拜忠流邊朔功
光五府保茲爵祿不亦宜乎

卷終

三立堂新編闕外春秋卷之二十九

華胥外史漢陽 尹商 子皇甫 著

隋上開府大將軍始安太守 太子右衛率前

右屯衛大將軍浙豫桂三州刺史行軍總管

權武

武字武擗、天水人也。祖超、魏秦州刺史。父襲慶、周開府。從武元皇帝與齊師戰于并州，被圍百餘重，襲慶力戰矢盡，短兵接戰，殺傷甚衆，刀稍皆折脫，胃擗地向賊，大罵曰：「何不來斫頭也！」賊

闕外春秋 卷二十九 襲將

遂殺之。武以忠臣子起家，拜開府襲爵齊郡公。邑若干。武少果勁，勇力絕人，能重甲上馬，嘗倒投於井，未及泉，復躍而出，其拳捷如此。從王謙

齊服龍等五城，增邑。宣帝時，拜勁捷左旅上

大夫，進位上開府。高祖為丞相，引置左右，及受

禪，增邑。後六歲，拜浙州刺史，伐陳之役，以行軍

總管從晉王出征，還拜豫州刺史。在職數年，以

創業之舊，進位大將軍，檢校潭州總管。其年桂

州人李世賢作亂，武以行軍總管與武侯大將

軍虞慶則擊平之。慶則以罪誅，功竟不錄。復還

于州，多造金帶，遺嶺南酋領，其人復答以寶物，

武皆納之。由是致富。後武晚生一子，與親客宴

集，酒酣，遂擅赦所部內獄。武帝以南越邊遠，

治從其俗，務適便宜，不依律令，而每言當今法

急，官不可為。上命有司案其事，皆驗。上大怒，命

斬之。武於獄中上書言其父為武元皇帝戰死，

於馬前，以此求哀。由是除名為民。仁壽中，復拜

大將軍，封邑如舊。未幾，授太子右衛率。煬帝即

闕外春秋 卷二十九 襲將

位，拜右武衛大將軍，坐事免。授桂州刺史。俄轉

始安太守。久之，徵拜右屯衛將軍，尋坐事除名，

卒于家。有子弘。

按并州之戰，權武之父襲慶罵賊而死，而武

以忠臣子從戎，當非碌碌者。倒投於井，復躍

而出，何以憑虛着力。史稱其拳捷，吾未敢信

也。平齊伐陳，皆有功。隋之爵之者，亦不薄。桂

州之役，為虞將軍所累，功竟不錄，惜矣。

評曰：武人多有錢癖。武之多造金帶，以誘致

寶物以予爲取不足怪也。人情孰不愛其晚
子惡得擅赦部內死囚以供愉快哉。隋法果
東溼武輒從俗便宜不依律斷又太專矣宜
觸帝之怒也但其父爲武元帝戰死馬前引
以求哀則宜動帝之憐耳。

寧遠伯老李將軍帥遠左時前後斬首虜
千伯有奇年八十餘尚被重甲馳馬禦虜
虜聞其吹角而出輒引去余聞之遠左人云
曾作老將行以贊美之。

關外春秋

卷三十九 藝將

三

隋折衝郎將朝請大夫沈光

光字總持吳興人也父君道仕陳吏部侍郎陳
滅家于長安皇太子勇引署學士後爲漢王諒
府掾諒敗除名光少驍捷善戲馬爲天下之最
略綜書記微有詞藻常慕立功名不拘小節家
甚貧窶父兄並以傭書爲事光獨跣躄交通輕
俠爲京師惡少年之所朋附人多贍遺得以養
親每致其食美服未嘗困匱初建禪定寺其中
幡竿高十餘丈適遇繩絕非人力所及諸僧患

關外春秋

卷三十九 藝將

四

之光見而謂僧曰可持繩來當相爲上耳諸僧
驚喜因取而與之光以口銜索拍竿而上直至
龍頭繫繩畢手足皆放透空而下以掌拒地倒
行數十步觀者駭悅莫不嗟異時人號爲肉飛
仙大業中煬帝徵天下驍果之士以伐遼左光
預焉同類數萬人皆出其下光將詣行在所賓
客送至灞上者百餘騎光酌酒而誓曰是行也
若不能建立功名當死於高麗不復與諸君相
見矣又從帝攻遼東以衝梯擊城竿長十五丈

光升其端臨城與賊戰短兵接殺十數人賊競擊之而墜未及於地適遇竿有垂緇光接而復上帝望見壯異之馳召與語大悅即日拜朝請大夫賜寶刀良馬恒至左右親顧漸密未幾以爲折衝郎將賞遇優重帝每推食解衣以賜之同輩莫與爲比光自以荷恩深重思懷竭節及江都之難潛構義勇將爲帝復讐先是帝寵昵官奴名爲給使宇文化及以光驍勇方任之令其總統營於禁內時麥鐵杖子孟才及錢傑等

關外春秋

卷二十九 藝將

五

陰圖化及因謂光曰我等荷國厚恩不能死難受其驅率有靦面目何用生爲吾必欲殺之死無所恨公義士也肯從我乎光泣下霑矜曰是所望於將軍也僕領給使數百人並荷先帝恩遇今在化及內營以此復讐如鷹鷂之逐烏雀萬世之功在此一舉願將軍勉之孟才爲將軍領江淮之衆數千人期以營將發時晨起襲化及光語洩陳謙告其事化及大懼曰此麥鐵杖

子也及沈光者並勇決不可當須避其鋒是夜即與腹心走出營外留人告司馬德戡等遣領兵馬逮捕孟才光聞營內誼聲知事發不及被甲即襲化及營空無所獲值舍人元敏數而斬之遇德戡兵入四面圍合光大呼潰圍給使齊奮斬首數十級賊皆披靡德戡輒復遣騎持弓弩翼而射之光身無介胃遂爲所害麾下數百人皆闕而死一無降者時年二十八壯士聞之莫不隕涕

關外春秋

卷二十九 藝將

六

按總持驍捷逸羣擅肉飛仙之號上竿以繫禪寺之繩接緇以上衝梯之竿如此矯悍伐遼之士雖有數萬莫之能及也帝每解衣推食以賜蓋假之餌光將有所用之耳光果銘鑄肝膈思爲帝報讐實吞其餌而不復吐矣夫以天子而解推爲恩人臣安得不感恩圖報也哉
評曰上竿不易下竿爲難乃若手足皆放透空而下千古未見又難之難也以掌拒地倒

行數十步，蓋從上而下，積重之勢不可遏也。升衝梯之端，而短兵接戰，墜而復上，幾于神矣。必有呵護之者，彼之灑上酌酒，何等勇決。天固嘿相之焉。至于泣下霑衿，與孟才等肉薄以死，豈不毅然壯士哉。吁，事親則孝，事君則忠。如沈光者，天下無雙。隋室寡貳，至麾下數百人，皆聞而死，無一降者。綽有田橫之風。余每覽傳，爲之歛衽嘆服。

開府儀同三司鄜夏二州都督涇州道行軍總管右武侯大將軍以本官行太常卿左一馬軍總管鄂國公尉遲敬德

敬德本名恭，以字行。朔州善陽人。隋大業末，劉武周亂，以爲偏將，與宋金剛南侵，襲破永安王。孝基執獨孤懷恩等。武德二年，秦王戰栢壁，金剛敗奔突厥。恭合餘衆守介休。王遣任城王道宗、宇文士及諭之，乃與尋相舉地降，引爲右一府統軍。從擊王世充，會尋相叛，諸將疑恭且亂。

囚之。左僕射屈突通等曰：恭慄敢，今執之，猜貳已結，不卽殺，後悔無及也。王曰：不然，恭必叛。寧肯後尋相者耶？釋之。引見卧內，曰：丈夫意氣相許，小嫌不足置胷中。我終不以讒害良士。因賜之金，曰：必欲去，以爲汝資。是日獵榆窠，會世充自將兵數萬來戰。單雄信者，賊驍將也，騎直趨王，恭躍馬大呼，橫刺雄信墜，乃翼王出，率兵還戰，大敗之。王頌曰：此衆人意，公必叛，我獨保無他。何相報速耶？賜金銀一筐，寶建德營板渚。王

命李勣等爲伏親挾弓，令恭執稍路，其壘大呼致師，建德兵出，乃稍引却，殺數十人，衆益進，伏發，大破之。時世充兄子琬，便於建德，乘隋帝廐馬，鎧甲華整，出入軍中，以夸衆。王望見，問誰可取者，恭請與高甌生、梁廷方三騎馳往，擒琬，引其馬以歸。賊不敢動。隱太子嘗以書招之，贈金一車，辭曰：「敬德起幽賤，會天下喪亂，久陷逆地，秦王實生之，方以身殉恩，今於殿下無功，其敢當賜？」若私許，則懷二心，狗利棄忠，殿下亦焉

隋外春秋 卷十九 藝將 九

用之哉。太子怒而止。恭以聞，王曰：「公之心如山岳然，雖積金至斗，豈能移之。然恐非自安計。」巢王果遣壯士刺之，恭開門安卧，賊至不敢入，因諧於高祖，將殺之。王固爭得免，其後隱巢計日急，恭與長孫無忌入白曰：「大王不先決，社稷危矣。」王曰：「我惟同氣所未忍，伺其發而後以義討之，如何？」恭曰：「人情畏死，衆以死奉王，此天授也。」大王卽不聽，請從此亡，不能交手蒙戮，無忌曰：「王不從恭言，恭亦非王有，今敗矣。」王曰：「寡人之

謀未可全棄，公可圖之。」恭曰：「處事有疑，非智，臨難不決，非勇。」王今自計如何？勇士八百人悉入宮，控弦被甲矣。尚何辭？後又與侯君集等懇熱勸進，計乃定。時房玄齡、杜如晦被斥在外，召不至。王怒曰：「是背我耶？」因解所佩刀授之，謂曰：「卽不從，可斬其首以來。」恭遂往諭玄齡等，與入計。議隱太子死，恭領騎七十人趨玄武門。王馬逸墜林下，元吉將奪弓窘王，恭馳叱之。元吉走，遂射殺之。宮府兵屯玄武門，戰不解。恭持二首示

隋外春秋 卷十九 藝將 十

之，乃去。時帝泛舟海池，王命恭往侍，不解甲趨行在帝驚曰：「今日之亂爲誰？爾來何耶？」對曰：「秦王以太子齊王作亂，舉兵誅之，恐陛下不安，遣臣宿衛。」帝意悅。於是南衙北門兵與府兵尚雜，闕恭請帝手詔諸軍聽秦王節度，內外始定。王爲皇太子，授左衛率。時坐隱巢者百餘家，將盡沒入之。恭曰：「爲惡者二人，今已誅，若又窮支黨，非取安之道。」由是普原論功爲第一，賜絹萬匹，奉齊府金幣什器賜焉。除右武侯大將軍，封吳

國公突厥入寇投涇州道行軍總管虜至敗之敬德所得財必散之士卒然姪直頗以功自負又延質大臣得失與宰相不平出為襄州都督累遷同州刺史嘗侍宴慶善宮有班其上者恭曰爾何功坐我上任城王道宗解喻之恭勃然擊道宗目幾眦太宗不懌罷召讓曰朕觀漢史嘗怪高祖時功臣少全者今視卿所為乃知韓彭夷戮非高祖過國之大事惟賞與罰橫恩不可數得勉自整飭悔何及乎恭頓首謝後改封

齊外春秋

卷二十九 藝將

十二

鄂國公歷鄜夏二州都督老就第授開府儀同三司朝朔望帝將討高麗恭上言乘輿至遼太子次定州兩京空虛恐有玄感之變夷貊小國不足枉萬乘願委之將臣以時權減帝不納詔以本官行太常卿為左一馬軍總管師還復致仕顯慶三年卒年七十四詔京官五品以上赴第臨弔贈司徒謚曰忠武給班劍羽葆鼓吹陪葬昭陵敬德晚節謝賓客不與通飭親召奏請商樂自奉養甚厚又餌雲母粉為方士術延年

其戰善避稍每單騎入賊雖羣刺之不能傷又能奪取賊稍還刺之齊王元吉使去刃與之技恭請王加刃而獨去之卒不能中帝嘗問奪稍與避稍孰難對曰奪稍難試使與齊王戲少頃王三失稍遂大愧服

按尉遲恭決計誅隱巢固為秦王計亦恭之自為計也不窮治隱巢支黨固秦王取安之道亦恭自安之道也誰謂恭為莽男兒哉評曰吳子有言大將職在旗鼓一劍非將事

齊外春秋

卷二十九 藝將

十二

也敬德沾沾于奪稍悻悻于奮拳不太羸耶儒者每嗤武夫為羸人而武夫不受若敬德兩事即目之為羸人亦可太宗好大喜功高麗之討不聽敬德之言無功而還其料敵甚審敬德所得財必散之士卒其御眾甚厚然以功自負與宰相不平則同于跋扈將軍不安武臣之分矣

唐瓜州長史右領軍衛將軍檢校代州都督前
錫林道總管右武衛大將軍贈左驍衛大將
軍幽州都督平陽郡公薛仁貴

仁貴，絳州龍門人，少貧賤，以田爲業。將改葬其
先妻，曰：夫有高世之才，要須遇時，乃發。今天子
自征遼東，求猛將，此難得之時。君盍圖功名，以
自顯。富貴還鄉，葬未晚也。乃往見將軍張士貴，
應募至安地，會郎將劉君瑋爲賊所圍，仁貴馳
救之，斬賊將繫首馬鞍，賊皆懾服。由是知名。王

外春秋 卷三十九 藝將 十三

師攻安市城，高麗莫離支遣將高延壽等率兵
二十萬拒戰。太宗命諸將分擊之，仁貴恃驍悍，
欲立奇功，乃著白衣，自標顯持戟，腰鞬兩弓，呼
而馳。所向披靡，軍乘之，賊遂奔潰。帝望見，遣使
馳問先鋒，白衣者誰？曰：薛仁貴。帝召見，嗟異，賜
金帛，口馬甚衆。授游擊將軍，師還，帝謂曰：朕舊
將皆老，欲擢驍勇付闕外事，莫如卿者。朕不喜
得遼東，喜得驍將。遷右領軍中郎將，高宗幸萬
年宮，山水暴至，夜突玄武門，宿衛皆散走，仁貴

日當天子緩急，安可懼死？遂登門大呼，以警宮
內。帝遽出，乘高而水入，帝寢，帝曰：賴卿以免，始
知有忠臣也。賜以御馬，蘇定方討賀魯，仁貴上
疏曰：臣聞兵出無名，事故不成，明其爲賊，敵乃
可服。今泥熟不事賀魯，爲其所破，虜係妻子，王
師有如賀魯部落轉得其家口者，宜悉取以還，
厚加賚遣，使百姓知賀魯爲暴而陛下至德也。
帝納之，遂還其家屬。泥熟請隨軍效死，詔副程
名振經略遼東，破高麗於貴端城，斬首二千級。

外春秋 卷三十九 藝將 十四

又與梁遠方契，必何力遇高麗大將溫沙多門
戰橫山，仁貴獨馳入，所殺皆應弦仆。又戰石城，
有善射者殺官軍十餘人，仁貴怒，單騎突擊，賊
弓矢俱廢，生擒之。俄與辛文陵破契丹於田山，
執其王阿卜固獻東都，拜左武衛將軍，封河東
縣男。詔副鄭仁泰爲鐵勒道行軍總管，將行宴
內殿，帝曰：古善射有穿七札者，卿試以五甲射
焉。仁貴一發洞貫，帝大驚，更取堅甲賜之。時九
姓衆十餘萬，令驍騎數十人來挑戰，仁貴發三

矢輒殺三人於是虜氣懾皆降仁貴慮為後患悉坑之轉討積北餘衆擒偽葉護見弟三人以歸軍中歌曰將軍三箭定天山壯士長歌入漢關九姓遂衰鐵勒有思結多覽葛等部先保天山及仁泰至懼而降仁泰不納虜其家以賞軍賊相率遁去乾封初高麗泉男生內附遣將軍龐同善高備往慰納弟男建率國人拒弗納乃詔仁貴援送同善至新城夜為虜襲仁貴擊斬數百級同善次金山不敢前高麗乘勝進仁貴

爾外未秋

卷十七 藝將

十五

擊之斷為二斬馘五千援南蘇等三城遂會男生軍仁貴負銳提卒二千進攻扶餘城諸將以兵寡勸止仁貴曰在善用不在衆身帥士破賊殺萬餘人拔其城因略地與李勣軍合扶餘降威震遼海詔仁貴率兵二萬與劉仁軌鎮平壤拜本衛大將軍封平陽郡公檢校安東都護移治新城撫孤存老隨材任職褒崇節義高麗欣然忘亡吐蕃入寇命為邏娑道行軍大總管率將軍阿史那道真郭待封擊之以援吐谷渾待

封嘗為鄯城鎮守與仁貴等夷及是耻居其下頗違節度初軍次大非川將趨烏海仁貴曰烏海地險而瘴吾入死地可謂危道然速則有功遲則賊今大非嶺寬平可置二柵悉內輜重留萬人守之吾倍道掩賊不整滅之矣乃約齋至河口遇賊破之多所殺掠獲牛羊萬計進至烏海城以待後援待封初不從領輜重踵進吐蕃率衆二十萬邀擊取之糧仗盡沒待封保險仁貴退軍大非川吐蕃益兵四十萬來戰王師大

爾外未秋

卷十七 藝將

十六

敗仁貴與吐蕃將論欽陵約和乃得還吐谷渾遂沒仁貴嘆曰今歲在庚午星在降婁不應有事西方鄧艾所以死於蜀吾固知必敗有詔原死除名為庶人未幾高麗餘衆叛起為鷄林道總管復坐事貶象州會赦還帝思其功乃召見曰噶歲萬年宮徵卿我且為魚前日殄九姓破高麗亦功居多人有言向在烏海城下縱虜不擊以至失利此朕所恨而疑也今遼西不寧瓜洲路絕卿安得高枕不為朕指麾耶於是拜瓜

州長史右領軍衛將軍檢校代州都督率兵擊突厥元珍於雲州突厥問曰唐將謂誰曰薛仁貴突厥曰吾聞薛將軍流象州死矣安得復生仁貴脫兜鍪見之突厥相視失色下馬羅拜稍遁去仁貴因進擊大破之斬首萬級獲生口三萬牛馬稱是未淳二年卒年七十贈左驍衛大將軍幽州都督官給輿護喪還鄉里

按白袍將之名垂千古而余讀本傳其不滿意于公者有五仙萼河之役取所部為妾為有

開外春秋

卷九 藝將

七

司劾奏一也九姓之眾可十萬既降而悉阡之二也副鄭仁泰而多納賕遺三也大非川之敗與吐蕃將論欽陵約和乃得還四也郭待封既隸麾下頗違節度而不能正軍法五也魏元忠劾其奔軍喪師脫身以免罪止削除何以懲過公亦難以自解矣惟脫兜鍪以示突厥元珍大有英雄氣槩耳是可喜也評曰唐所以威震夷荒斥大封域者亦有虎臣為之牙距也師行數千萬里窮討殊闐獵

取其國猶鹿豕然可謂選值其材與若仁貴者白衣以自標顯石城之戰單騎突擊賊弓矢俱廢內殿賜宴一射而貫五札九姓之役三箭而定天山此時唐興舊將皆老欲擢驍勇付闡外事莫如薛公矣而又精意經術著周易新生本義四卷傳于世則蓋爛于文事者歟

同一免胄見虜同一下馬羅拜而郭令公獨著後世罕有歸美薛都督者故非常之事惟非常之人能當之焉

開外春秋

卷九 藝將

八

唐尚書左僕射同中書門下平章事太子先鋒

兵馬元帥前太子太保涼國公兼河西節度

使開府儀同三司右武衛將軍龍右節度副

大使武愨西平郡王哥舒翰

翰其先蓋突騎施酋長哥舒部之裔世居安西

翰少補效穀府果毅家富于財任俠重然諾縱

蒲酒長安市年四十餘不為長安尉所禮慨然

發憤游河西事節度使王忠嗣署衙將翰能讀

左氏春秋漢書通大義疏財多施予故士歸心

為大斗軍副使佐安思順不相下忠嗣更使討

吐蕃副將倨見翰怒立殺之麾下為股肱遷左

衛郎將吐蕃盜邊與翰遇苦拔海吐蕃枝其軍

為三行從山差池下翰持半段槍迎擊所嚮輒

披靡名蓋軍中擢授右武衛將軍副隴右節度

為河源軍使先是吐蕃候積石軍麥熟歲來取

莫能禁翰乃使王難得楊景暉設伏東南谷吐

蕃以五千騎入塞放馬褫甲將就田翰自城中

馳至塵鬪虜駭走追北伏起悉殺之隻馬無遺

者翰嘗逐虜馬驚陷于河吐蕃三將欲刺翰

大呼皆擁矛不敢動救兵至追殺之翰有奴曰

左車年十六以旅力聞翰工用槍追及賊擬槍

於肩叱之賊反顧翰刺其喉剔而騰之高五尺

許乃墮左車即下馬斬其首以為常會忠嗣被

罪帝召翰入朝部將請齎金帛以救忠嗣翰但

齋糗裝曰使吾計從奚取於是不行用此足矣

翰至帝虛心待與語異之拜鴻臚卿為隴右節

度副大使翰已謝即極言忠嗣之枉帝起入禁

中翰叩頭從帝且泣帝寤為未貸其罪忠嗣免

誅朝廷稱其義踰年梁神威軍青海上吐蕃攻

破之更築於龍駒島有白龍見因號應龍城翰

相其川原宜畜牧謫罪人二千戍之由是吐蕃

不敢近青海天寶八載詔翰以朔方河東羣牧

兵十萬攻吐蕃石堡城數日未克翰怒梓其將

高秀巖張守瑜將斬之秀巖請三日期如期而

下遂以赤嶺為西塞開屯田備軍實加特進賜

資彌渥十一載加開府儀同三司翰素與安祿

子

外春秋

卷二十九

一七

外春秋

卷二十九

子

山安思順不平帝每欲和解之會三人俱來朝帝使驃騎大將軍高力士宴城東翰等皆集詔尚食生擊鹿取血淪腸為熱洛河以賜之翰母于闐王女也祿山謂翰曰我父胡毋突厥公父突厥毋胡族類本同安得不親愛翰曰諺言狐向窟嗥不詳以忘本也兄既見愛敢不盡心祿山以翰譏其胡怒罵曰突厥敢爾翰欲應之力士目翰翰託醉去久之進封涼國公兼河西節度使攻被吐蕃洪濟大莫門等城收黃河九曲

唐書

卷九十九

三

以其地置洮陽郡築神策宛秀二軍進封西平郡王賜音樂田園又賜一子五品官裨將賞拜有差宰相楊國忠惡祿山白發其反狀故原結翰俄進太子少保翰嗜酒極聲色因風痺體不仁既疾廢遂還京師闔門不朝請十四載祿山反封常清以王師敗帝乃召見翰拜太子先鋒兵馬元帥以田良丘為軍司馬蕭昕為判官王思禮鉅耳大福李承光高元蕩蘇法鼎管崇嗣為屬將火拔歸仁李武定渾萼契苾寧以本部

隸麾下凡河隴朔方奴刺等十二部兵二十萬守潼關師始東先驅牙旗觸門墮注旄干折眾視之天子御勤政樓臨送詔翰以軍行過門毋下百官郊餞旌旗亘二百里翰惶恐數以疾自言帝不聽然病痼不能事以軍政委良丘使王思禮王騎李承光王步三人爭長政命無所統一眾搆弛無闕意明年進拜尚書左僕射同中書門下平章事祿山遣子慶緒攻關翰擊走之始安思順度祿山必反嘗為帝言得不坐翰既

唐書

卷九十九

三

惡祿山又怨思順及是知重兵在已有所論請天子重違因偽為賊書遣思順者使關羅擒以獻翰因疏七罪請誅之有詔思順及弟元貞皆賜死徙放其家國忠始懼或說翰曰祿山本以誅忠國故稱兵今若留卒三萬守關悉精銳度澹木誅君側此漢挫七國計也思禮亦勸翰翰猶豫未發謀頗露國忠大駭入見帝曰兵法安不忘危大兵在潼關而無後殿萬有一不利京師危矣既募牧兒三千人日夜訓練以劍南列

將分統之。又募萬人屯灊上，使腹心杜乾運爲帥。翰疑圖已，表請乾運兵隸節下，因詭召乾運討事者。至軍，卽斬首梟牙門，并其軍。國忠愈恐，謂其子曰：「吾無死所矣。」然翰亦不自安。又謀久不決，數奏言：「祿山雖竊據河朔，不得人心，請持重以敵之，待其離隙，可不血刃而擒。」賊將崔乾祐守陝郡，什旗鼓羸，師以誘戰。覘者曰：「賊無備，可圖也。」帝信之，詔翰進討。翰報曰：「祿山習用兵，今始爲逆，不能無備，是陰計誘我。賊遠攻，利在

關外春秋

卷二十九

其將

三

速戰。王師堅守，毋輕出關。計之上也。且四方兵未集，宜觀事勢，不必速。當是時，祿山雖盜河洛，所過殘殺，人人怨之。淹時月，不能進尺寸地。又郭子儀、李光弼兵益進，取常山十數郡。祿山始悔反矣，將還幽州以自固。而國忠計迫，謬說帝趣翰出潼關，復陝洛。時子儀、光弼遙計曰：「翰病且老，賊素知之，諸軍烏合，不足戰。今賊悉銳兵南破宛洛，而以餘衆守幽州。吾直搗之，覆其巢窟，質叛族以招逆徒。祿山之首可致。若師出潼

關，變生京師，天下殆矣。」乃極言請翰固關無出。軍而帝入國忠之言，使使者項背相望也。翰窘，不知所出。六月，引而東，慟哭出關。次靈寶，西原與乾祐戰，由關門七十里，道險溢，其南薄山，北阻河。賊以數千人先伏險，翰浮舟中流以觀軍。謂乾祐兵寡，易之，促士卒進。道阻無行列，賊乘高頽石下，擊殺士甚衆。翰與良丘登北阜以軍。三萬夾河鳴鼓，思禮等以精卒居前，餘軍十萬次之。乾祐爲陣十五，或卻或進，而陷刀五

關外春秋

卷二十九

其將

三

千列陣後。王師視其陣無法，指觀嗤笑曰：「擒賊乃會食。」及戰，乾祐旗少偃，如欲遜者。王師懈不爲備，伏忽起，薄戰皆奮死鬪。翰以羶蒙馬，車畫龍虎，飾金銀瓜目，將駭賊。倚戈矢逐北，賊負薪塞路，順風火其車，燦燦熾突，騰煙如夜。士不復相辨，自相鬪殺，尸血狼籍。父乃悟，又棄甲奔山谷，及陷河死者十一二。有糧艘百餘，軍爭濟，艘輒沈，至縛矛盾乘以度，喧叫振天地。賊乘之，奔潰略盡。始關門有三澗，廣二丈，深一尺，士馬奔

賊相壁走少選漸平後至者踐之以入既敗翰引數百騎絕河還營羸兵裁八千至潼津收散卒復守關乾祐進攻於是火拔歸仁等給翰出門翰曰何邪曰公以二十萬衆一日覆沒持是安歸公不見高仙芝等事乎翰曰吾寧效仙芝死汝舍我歸仁不從執以降賊械送洛陽京師震動由是天子西幸祿山見翰責曰汝常易我今何如翰俯伏謝罪願以尺書招李光弼來瑛魯炅等祿山悅即署司空同中書門下平章事

外春秋

卷二十九 藝將

二十五

執火拔歸仁曰背王忘義吾不尔容斬之東京平安慶緒以翰度河及敗乃殺之翰爲人嚴少恩軍行未嘗卹士飢寒有陷民樞者痛笞辱之監軍李大宜在軍中不治事與將士擣菹飲酒彈箏篔琵琶爲樂而士米糲不饜帝命中人哀思藝勞師士皆訴衣服穿空帝卽斥御服餘者製袍十萬以賜其軍翰藏庫中及敗封鏞如故先是有客梁慎初遺翰書請堅壁勿戰以屈賊翰善之奏爲左武衛曹參軍留幕府及翰與

國忠貳慎初曰難將作矣乃遁去翰失守華陰馮翊上洛郡官吏皆潰帝遣劔南將劉光庭等將新募兵萬餘人任助翰未至而翰被縛云其後贈太尉謚曰武愨

按潼關西山壁立中道一逕僅數尺許余親至其地疋馬徐行尚有戒心真稱天險一夫守之萬人莫能越也哥公之不出關本是上計而奸臣迫之使者相望于道至于慟哭而東嗚呼大非佳兆矣但旣敗復守又爲火拔

外春秋

卷之二十九 藝將

二十五

歸仁給出遂被執以降賊乃俯伏謝罪豈真病而耄耶由前則國忠爲禍首由後則歸仁爲罪魁卒之國忠死於馬嵬之下歸仁死于祿山之手吾於此見天道焉評曰祿山哀百闢驍虜乘天下忘戰王德老勤故提戈內謀人情奔潰封常清駙市人以嬰賊鋒一戰不勝卽奪爵土欲入關面君論成敗事使者三輩上書皆不報回斬于市高仙芝棄陝守關過賊西勢以喪地被誅李

雖為左右蒙瞽然荒奪其明亦甚矣卒使叛將得藉口執翰以降賊嗚呼非天熟其惡使亂四海舉黔首而殘之耶

語曰國士遇我故國士報之王忠嗣為節使署哥舒翰為牙將原不為異數也翰乃銘心鑄骨永矢勿諠領隴右節時請以贖忠嗣之死何其腆耶豈當時忠嗣之响沫而剪拂之者必百倍尋常而史未載其詳耶然史稱翰疏財多施于故士歸心而帝賜軍袍十萬封

外奉飛

卷之二十九

藝將

二十七

鑄庫中不以時頒給得非出納之吝乎

魏太尉長史持節假平南將軍加光祿大夫又加平東將軍荊州刺史安城縣開國子楊大

眼武都氏難當之孫也少有膽氣跳走如飛然頗飢寒不為其宗親顧待太和中起家奉朝請時高祖自代將南伐命尚書李冲典選征官大眼往見焉冲弗許大眼曰尚書不見知聽下官出一技便出長纜三丈許繫髻而走纜直于朱馬馳不及見者莫不驚歎冲曰自千載以來

外奉飛

卷之二十九

藝將

二十八

未有逸材若此者也遂用為軍主大眼顧謂同寮曰吾知今日所謂蛟龍得水之秋自此一舉終不復與諸君齊列矣未幾遷為統軍從高祖征苑葉穰鄧九江鍾離之間所經戰陳莫不勇冠六軍世宗初裴叔業以壽春內附大眼與奚康生等率眾先入以功封安成縣開國子食邑三百戶除直閣將軍累官至征虜將軍東荊州刺史時蠻酋樊秀安等反詔大眼為別將隸都督李崇討平之大眼妻潘氏善騎射自詣軍省

大眼至於攻陳遊獵之際，大眼命妻潘戎裝或齊鑣戰場，或並驅林壑，及至還營，同坐幕下，對諸寮佐言笑自得，時人謂之潘將軍。蕭衍遣其前江州刺史王茂先率眾數萬，次于樊雍，招誘蠻貊，規立宛州，又命其所署宛州刺史雷豹、狼軍主曹仲宗等領眾二萬，偷據河南城。世宗以大眼為武衛將軍，假平南將軍，持節都督統軍曹敬、邢虬、樊魯等諸軍討茂先等，大破之，斬衍輔國將軍王花龍驤將軍申天化，俘馘七十有

蘭外未秋

卷十七 藝將

五

餘，衍又遣其舅張惠紹，摠率眾軍，竊據宿豫，又假大眼平東將軍，為別將與都刑，鬻討破之，遂乘勝長驅，與中山王英同圍鍾離。大眼軍城東，守淮橋東西二道，屬水汎長，大眼所統軍劉神符、公孫祉兩軍夜中爭橋奔退，大眼不能禁，相尋而走，坐徙為營州兵。永平中，世宗追其前勲，起為試守中山內史，時高肇征蜀，世宗慮蕭衍侵軼徐揚，乃徵大眼為太尉長史，持節假平南將軍，東征別將隸都督元遙，過禦淮肥，大眼

至京師，時人思其雄勇，喜其更用，臺省閭巷觀者如市。大眼次譙南，世宗崩，時蕭衍遣將康絢於浮山逼淮，規侵壽春，詔加大眼光祿大夫，率諸軍鎮荆山，復其封邑，後與蕭寶寅俱征淮堰，不能尅，遂於堰上流鑿渠決水而還，加平東將軍。大眼善騎乘，裝束雄竦，還甲折旋，見稱當世，撫循士卒，呼為兒子，及見傷疾，為之流泣，自為將帥，怕身先兵，士衝突堅陳，出入不疑，當其鋒者莫不摧拉，南賊前後所遣督將軍未度江，預

蘭外春秋

卷二十九 藝將

三十

皆畏懼，傳言淮泗荆沔之間有童兒啼者，恐之云，馮大眼至，即止。王肅弟子秉之初歸國也，謂大眼曰：「在南聞君之名，以為眼如車輪，及見乃不異人。」大眼曰：「旗鼓相望，瞋眸奮發，足使君目不能視，何必大如車輪。」當世推其驍果，皆以為關張弗之過也。然征淮堰之役，喜怒無常，捶撻過度，軍士頗憾焉。識者以為性移所致，又以本將軍出為荊州刺史，常縛蒿為人，衣以青布而射之，召諸蠻渠指示之曰：「卿等若作賊，吾政如

此相殺也。又北涪郡嘗有虎害大眼，搏而獲之，斬其頭懸於穰市。自是荆蠻相謂曰：楊公惡人，常作我蠻形以射之。又深山之虎尚所不免，遂不敢復為寇盜。在州二年而卒。大眼雖不學，恒遣人讀書坐而聽之，悉皆記識，命作露布皆口授之，而竟不多識字也。

按武人禦敵必以武藝為本領，而楊節使乃以長繩繫髻，走及奔馬，其繩直如矢，見者錯愕。此李尚書所以賞其為千載未有之逸材。

關外春秋

卷二十九 藝將

三十一

也。其後所經戰陣，莫不勇冠六軍，壯哉不負蛟龍之得水矣。或者謬謂聞君名以為眼如車輪，惡足以既大眼之實哉。大眼之驍果當世以為關張弗能過，妻潘氏亦善騎射，戎服而齊鑣戰場，或同坐幕下，稱曰將軍，則千載來未有一對好雌雄若兩夫婦者也。

評曰：國家夷難芟暴，折衝禦侮，必藉將帥為爪牙，故大風猛士，英主與思，非可易得也。大眼以熊虎之姿，奮征伐武氣，亦一時之驍猛。

壯士之功名也

宋左驍衛上將軍保康軍承宣使鎮江都統

制兼權山東京東招撫司事兼知揚州淮東

安撫使節制淮東軍馬達州刺史以武信軍

一節度使致仕贈太尉太師謚忠毅畢再遇

再遇字德卿兗州人父進建炎間從岳飛護衛

八陵轉戰江淮間積階至武義大夫再遇姿貌

雄桀早以拳力聞以恩補官隸侍行馬司武藝

絕人挽弓至二石七斗背挽一石八斗步射二

石馬射一石五斗孝宗召見大悅賜戰袍金錢

開禧二年下詔北伐以殿帥郭倪招撫山東京

東遣再遇與統制陳孝慶取泗州再遇請選新

刺敢死軍為前鋒倪以八十七人付之招撫司

尅日進兵金人聞之閉榷場塞城門為備再遇

曰敵已知吾濟師之日矣兵以奇勝當先一日

出其不意孝慶從之再遇饗士卒激以忠義進

兵薄泗州泗有東西兩城再遇令陳戈旗舟楫

於石匣下如欲攻西城者乃自以麾下兵從涉

山徑趨東城南角先登殺敵數百金人大潰守

關外春秋 卷十九 藝將 三三

城者開北門遁西城猶堅守再遇立大將旗呼

曰大宋畢將軍在北爾等中原遺民也可速降

旋有淮平知縣縋城而下乞降於是兩城皆定

郭倪來饗士出御寶刺史牙牌授再遇辭曰國

家河南八十有一州今下泗兩城即得一刺史

繼此何以賞之且招撫得朝廷幾牙牌來固辭

不受尋除環衛官倪調李汝翼郭倬取宿州復

遣孝慶等繼之命再遇以四百八十騎為先鋒

取徐州至虹遇郭李兵暴創旋問之則曰宿州

城下大水我師不利統制田俊邁已為敵擒矣

再遇督兵疾趨次靈壁遇孝慶駐兵于鳳凰山

將引還再遇曰宿州雖不捷然兵家勝負不常

豈宜遽自挫奉招撫命取徐州假道於此寧死

靈壁北門外不死南門外也會倪以書抵孝慶

令班師再遇曰郭李軍潰賊必追躡吾當自禦

之金果以五千餘騎分兩道來再遇令敢死二

十人守靈壁北門自領兵衝敵陣金人見其騎

呼曰畢將軍來也遂遁再遇手揮雙刀絕水追

關外春秋 卷十九 藝將 三五

擊殺敵甚衆甲裳盡赤逐北三十里金將有持
雙鐵簡躍馬而前再遇以左刀格其簡右刀斫
其脇金將墮馬死諸軍發霧壁再遇獨留未動
度軍行二十餘里乃火霧壁諸將問夜不火火
今日何也再遇曰夜則照見虛實晝則煙埃莫
覩彼已敗不敢迫諸軍乃可安行無虞汝輩安
知兵易進而難退邪還泗州以功第一自武節
郎超後武功大夫除左驍衛將軍於是丘密代
鄧友龍爲宣撫使檄倪還淮楊尋棄泗州命再

關外春秋

卷十九 藝將

三五

遇還盱眙遂知盱眙軍尋改鎮江中軍統制兼
守如故以鳳凰山功授達州刺史其冬金人以
騎步數萬戰船五百餘船渡淮泊楚州淮陰間
宣撫司檄再遇援楚遣段政張貴代之再遇既
去盱眙政等驚潰金人入盱眙再遇復定盱眙
除鎮江副都統制金兵七萬在楚州城下三千
守淮陰糧又載糧三千艘泊大清河再遇謀知
之曰敵衆十倍難以力勝可計破也乃遣統領
計俊間道趨淮陰夜二鼓銜枚至敵營各携火

潛入伏糧軍間五十餘所聞哨聲舉火敵驚擾
奔竄生擒烏古倫師勒蒲察元奴等二十三人
金人復自黃狗灘渡淮渦口戍將望風遁濠滁
相繼失守又破安豐再遇謂諸將曰楚城堅兵
多敵糧草已空所慮獨淮西耳六合最要害彼
必并力攻之乃引兵赴六合尋命節制淮東軍
馬金人至竹鎮距六合二十五里再遇登城偃
旗鼓伏兵南土門列弩手土城上敵方臨濠衆
弩俱發宋師出戰聞鼓聲城上旗幟並舉金人

關外春秋

卷十九 藝將

三五

驚遁追擊大敗之金萬戶完顏蒲辣都千戶泥
龐古等以十萬騎駐成家橋馬鞍山進兵圍城
數重欲燒具木決壕水再遇令勁弩射退之既
而紇石烈都統合兵進攻益急城中矢盡再遇
令人張青蓋往來城上金人意其主兵官也爭
射之須臾矢集樓墻如蝟獲矢二十餘萬紇石
烈引兵退已乃益增兵環城四面管帳亘三十
里再遇令臨門作樂以示閑暇而間出奇兵擊
之敵晝夜不得休乃引退再遇料其且復來乃

自提兵奪城東野新橋出敵之背金人遂遁去
追至滁大雨雪乃旋獲騾馬一千五百三十一
鞍六百衣甲旗幟稱是授忠州團練使三年除
鎮江都統制兼權山東京東招撫司事還至揚
州除驍衛大將軍金圍楚州已三月到屯六十
餘里再遇遣將分道撻擊軍聲大振楚圍解兼
知揚州淮東安撫使揚州有北軍二千五百人
再遇請分隸建康鎮江軍每隊不過數人使不
得為變更造輕甲長不過膝披不過肘堯鞏亦

關外春秋 卷三十九 藝將 三十一

殺重為輕馬見易以皮車脾易以木而設轉軸
其下使一人之力可推可擊務便捷不使重遲
敢死一軍本烏合亡命再遇能駕馭得其用陳
世雄許俊等皆再遇所薦張健雄恃勇桀驁再
遇狀其罪于朝命以軍法戮之諸將懾服嘉定
元年除左驍衛上將軍和好成累疏乞歸田里
賜詔不允除餘康軍承宣使降詔獎諭尋令帶
職奏事提舉祐神觀六年提舉太平興國宮十
年以武信軍節度使致仕卒年七十贈太尉累

贈太師謚忠毅

按再遇生具雄姿手饒絕藝而又深通兵法
如先一日濟師晝火靈壁夜入淮陰張蓋取
矢作樂示暇即老於行陣者何以加焉安得
以恩生而茂厥之

評曰武人貪官爵甚於貪貨賄故昌功昌賞
比比而是再遇激發忠義身先士卒遂下泗
兩城功亦不細也郭招撫授以刺史牙牌卻
而不受豈非鐵中錚錚者與晚近世間捷於

關外春秋 卷三十九 藝將 三十一

要津弋獲於廛仕即士大人且奔走焉况
介胃乎蓋彼素有所醞籍屬時寢兵無以自
見一旦邊事起諸將望風奔衄而再遇翹然
以威聲著聞遂為各將云

金人每以水櫃取勝再遇夜縛藁人數千衣
以甲冑持旗操戈嚴立成行昧爽鳴鼓金人
驚視亟放水櫃後知其詐也甚沮乃出兵攻
之金人大敗又嘗與金人戰且前且卻至于
數四視日已晚乃以香料煮豆布地上復前

搏戰佯敗走金人追逐馬飢聞豆香皆就食
鞭之不前反攻之金人馬死者不可勝計又
嘗與金人對壘度其兵日衆難與爭鋒一夕
拔營去留旗幟於營中縛生羊置其前二足
鼓上擊鼓有聲金人弗覺爲空營復相持數
日及覺欲追之則已遠矣

明梁國武莊趙公德勝

公德勝鳳陽人狀貌魁偉膂力過人馬上運
槊捷捷如飛甲午間母在滁陽軍中遂棄妻子
來歸爲帳前先鋒從克和陽儀真陞總管先鋒
敗方山營苗軍水寨收丹陽金壇廣德宣城轉
領軍先鋒戰毘陵湖州擢左副元帥伏友諒龍
江下銅陵臨山寨出淮南征高郵陞統兵元帥
從破漢水寨走友諒收黃梅廣濟克瑞臨吉撫
四郡旋塵安慶降南昌祝康據南昌叛殺葉琛

關外春秋

卷十九 藝將

甲

從復南昌授僉江南行樞密院事臨江吉撫三
城叛又復三城協守南昌統精兵爲戰將癸卯
漢圍南昌公出戰射殺漢金指揮漢益兵晝夜
急攻城且壞公先諸將死戰且戰且築城城壞
復完巡城至東門敵發蹶張弩中腰箭箭深入
六寸卽拔出拊髀歎曰命也柰何大丈夫恨不
能從 主上掃清中原耳卒子獻領其衆公沉
鷲簡靜剛明質直馭下嚴肅號令一行旗幟改
色平生未嘗讀書隨機應變智略如神臨難不

懼奮不顧身曾孫輔立功封武靖侯

按軍中制勝惟槩為長技余每問塞上戰將皆云然亦曾倣其制而造一杆第未醜酒臨江對月賦詩使孟德笑人耳趙公運之如飛趙捷極矣是以屢摧勅敵位躋元帥豈非常開平朱東平之流亞耶

評曰壯士臨陣不死帶傷此言兵凶戰危不可不曲防也歷觀古昔慣戰之將未有不擐甲者趙武莊巡城而死于弩或亦褒衣纓帶

關外春秋

卷三十九 藝將

四十一

疎脫之過乎昔關公亦以巡城受曹仁矢毒甚哉兩軍對壘之時不可輕出以其身為的也夫矢深入六寸幾于通中矣安得不死死何定恨恨未見天下太平而已此所以為壯士

明忠國公石亨石彪附

亨涓南人方面豐軀美髯及膝從姪彪體貌亦雄偉髯亦過臍亨嘗與彪貰酒相工遇之酒肆大奇之曰今當平世奈何二人有封侯相亨家本軍官伯父巖無子亨嗣為寬河衛指揮僉事亨不學然識字英果壯毅善騎射有膽略提大刀輪舞如飛每從征挺刃當先輒立奇功累陞都指揮使彪亦驍勇能挽強弓善揮斧始以官舍從亨有功授大同衛鎮撫正統十二年亨遷

關外春秋

卷三十九 藝將

四十二

都督僉事為大同左叅將守萬全路彪亦陞至指揮使從亨叅謀十四年八月王師敗績亨與總兵官楊洪等並械繫錦衣衛獄十月虜酋也先犯京城有言亨勇者景帝出亨獄令立功贖罪亨統兵出安定門即與虜遇挺刃單馬進左右馳突獨殺數十人彪又持斧率親兵從之諸軍懽呼踴躍聲震天地虜却而西亨等追戰城西虜復却而南亨令彪率精兵千人誘虜南全彰義門虜見彪軍少逼之亨率眾乘之蹂虜

大潰南奔亨日夜追虜三日至清風店北虜將出紫荆倒馬關懼我躡後亨遣謀者給虜亨且未至陣中將者假亨名耳虜信之來攻亨率彪與精銳數十騎奮擊大呼直貫虜陣刀斧齊下殺虜數百人虜始知亨在囂亂相蹂踐亨悉衆乘之大捷虜所掠羊馬財物盡棄餌我兵虜得遁去亨既敗虜威名益震虜自是不敢復踰塞深入輒請和虜見邊人呼石亨爺爺論功亨第一封武清伯尋進封侯兼太子太師總京營彪

關外春秋

卷二十九 藝將

聖三

陞都督僉事爲大同左叅將諸子姪澗溟濬仁並陞千戶鎮撫澗戰沒彪爲叅將虜畏之稱石王于少保請勅亨巡邊至大同召還爲團營總兵于少保忠義清直不避疆禦景帝倚任之天順元年正月景帝不豫亨與都督張軌都御史徐有貞內官曹吉祥將冕等定謀奉上皇復辟庚辰遂因吉祥矯稱得皇太后懿旨曰天子疾大漸殆弗興天位久虛上皇居南內春秋鼎盛于今八年聖德無虧天意有在人心

所屬頃以奸臣擅謀闕而不聞欲迎立藩王以承大統將不利於國家亨等共率兵以迎上皇是月壬午四更亨與軌吉祥等暨羣從子弟家兵叩南內宮門請上皇升輿從東華門入奉天殿卽位侍衛都督范廣禦之戰死闕下廢景泰皇帝爲郕王亨以奪門功第一進封忠國公歲祿三千石與世券有貞封武功伯入內閣彪封定遠伯爲大同副總兵諸從弟子姪及諸義婿子孫皆以奪門功得官錦衣都指揮指

關外春秋

卷二十九 藝將

聖四

揮者三十二人千戶鎮撫者二十一人其諸竄名奪門冒官者四千餘人亨生子男未彌月上見亨喜令亨負兒見朕上見兒又喜摩其頂曰虎兒也往善撫之朕行與卿結婚上意寵欲亨子駙馬且探亨意亨不喻輒對不敢不敢臣兒無福上笑而頷之命左右取金鎖繫兒項賜封鎖定侯亨頓首謝負出一日上登翔鳳樓見亨新第極偉麗顧問恭順侯吳瑾撫寧伯朱永曰此何人居永謝不知瑾曰此必王

府上笑曰非也。瑾頓首曰：非王府誰敢借如此？上不應。顧內臣裴當曰：汝聞若言乎？亨橫睚眦中傷人，莫敢告亨者。上又諭賢曰：總兵官豈可無故輒入內廷，令左順門關者，非宜召不得輒入。總兵又以軍官貪暴，復設巡撫。亨慚憤，必欲上復革巡撫。上不許。會兵部尚書陳汝言奸賊得罪，上歎息思好個干謙。亨益不自安。彪在大同肆食暴，誣劾都御史年富。逮至京，上疑問賢，賢乞遣官即訊，果不實。彪又

關外春秋

卷十九 藝將

四五

數侮其總兵，總兵因彪嘗奏城威寧海子，遂為流言誣彪有異志。上因疑彪，欲召彪還。大同人又乞彪為總兵，上遂大怒。或又口彪結死黨，必欲留據大同為亨外援。上亦疑出亨意，尋進彪侯，召還京侍衛。亨覺，上疑令人促彪疾馳入京。彪既至，會北虜入貢，見彪於朝，羅拜稱石王。上聞，益疑不可解。天順四年二月，上密詔御史按劾，即日縛彪棄市，籍其家。亨逮繫錦衣獄死。

按大刀之法，惟關公獨步。而石亨侷擅其長，虜中有石王之稱，壯哉！每出征，輒挺刃當先，彼誠有所恃以雄行也。美髯偉幹，威容非常，饒有封侯之相。其在楊素韓擒虎間乎？評曰：為將貴藝尤貴義，以亨彪之馳突戰場，刀斧齊下，暗烏足以駭風霆，咄嗟足以梟可汗，功成封侯，胡不自歛職而自取殺身之禍也。帝望見新第而笑，勅閹者勿納，惘然有刺刃之心焉。尚不尋活路，至于凶殫惡極，乃

關外春秋

卷十九 藝將

四六

此處真宜哉

三立堂新編閩外春秋卷之三十一

華胥外史漢陽 尹商 于皇甫 著

論曰控弦數十萬、鳴鏑數十羣、鼓角之聲、悲而壯、駝馬之氣、腥以臊、風雨雷電、交發而並至、龍蛇虎豹、變現而出沒、於此有人焉、單刀直入、挺鎗前進、喑鳴震盪、兆衆辟易、所謂頂天立地丈夫、斫頭陷胸男子、斯乃不得已而鬪、未有不得已而鬪者也、是為鬪將、嗟乎鬪將豈易得哉、余故編段頰等 人而次其行事於左

閩外春秋

卷之三十一 閩將

一

後漢太尉侍中執金吾河南尹前并州刺史新

豐縣侯段頰

頰字紀明、武威姑臧人、少便習弓馬、尚遊俠、輕財、賄長乃折節好古學、初舉孝廉、歷陽陵令、遷遼東屬國都尉、時鮮卑犯塞、頰即率所領馳赴之、既而恐賊驚去、乃使驛騎詐賞璽書召頰、頰於道偽退、潛於還路設伏、虜信為然、乃入追頰、頰因大縱兵、悉斬獲之、永壽二年、詔公卿選將、有文武材者、乃拜頰為中郎將、大破太山賊郭

閩外春秋

卷之三十一 閩將

二

寶等、獲首萬級、封頰為列侯、延熹二年、遷護羌校尉、會燒當燒何當煎勒姐等八種羌寇隴西金城塞、頰將兵及湟中義從羌萬二千騎出湟谷、擊破之、追討南渡河、使軍吏田晏夏育募先登懸索相引、復戰於羅亭、大破之、斬其首豪以下二千級、獲生口萬餘人、虜皆奔走、明年春、餘羌復與燒何大豪寇張掖、攻沒鉅鹿塢、又招千餘落、并兵晨奔頰軍、頰下馬大戰、至日中、刀折矢盡、虜亦引退、頰追之、且鬪且行、晝夜相攻、割

肉食雪四十餘日，遂至積石山，出塞二千餘里，斬燒何大帥首虜五千餘人，燒當種九千餘口，詣頰降。四年冬，上郡沈氏隴西牢姐烏吾諸種兵共寇并涼二州，頰將湟中義從討之，涼州刺史郭閔貪共其功，稽固留也，頰軍使不得進，義從役久戀鄉舊，皆悉反叛，郭閔歸罪於頰，頰坐徵下獄，輪作左校，羗遂陸梁，覆沒營塢，轉相招結，唐突諸郡，於是吏人守關訟頰以千數，朝廷知頰為郭閔所誣，詔問其狀，頰但謝罪，不敢

蘭外春秋

卷之三十 國將

三

言在，京師稱為長者，起於徒中，復拜議郎，遷并州刺史。八年夏，進軍擊當煎種於湟中，頰兵敗，被圍二日，用隱士樊志張策，潛師夜出，鳴鼓還戰，大破之，首虜數千人，頰遂窮追，展轉山谷間，自春及秋，無日不戰，虜遂饑困，敗散，頰凡破西羗，斬首二萬三千級，獲生口數萬人，馬牛羊八百萬頭，降者萬餘落，封頰都鄉侯。永康元年，當煎諸種復反，合四千餘人，欲攻武威，頰復追擊於鷲鳥，大破之，殺其渠帥，斬首三千餘級，西羗

於此弭定，而東羗先零等自覆沒征西將軍馬賢後，朝廷不能討，遂數寇擾三輔，其後度遼將軍皇甫規中郎將張奐招之連年，既降又叛，詔問頰，云：頰因上言曰：先零東羗雖數叛逆，而降於皇甫規者已三萬許落，餘寇無幾，今張奐躊躇久不進者，當慮外離內合，兵往必驚，且自冬踐春，屯結不散，臣以為狼子野心，難以恩納，執窮雖服，兵去復動，惟當長矛挾脇，白刃加頸耳。計東種所餘三萬餘落，居近塞內，路無險折，

蘭外春秋

卷之三十 國將

四

非有燕齊秦趙從橫之執，而久亂并涼，累侵三輔，西河上郡已各內徙，安定北地復至單危，自雲中五原西至漢陽二千餘里，匈奴種羗並擅其地，是為癰疽伏疾，留滯脇下，如不加誅，轉就滋大。今若以騎五千，步萬人，車三千兩，三冬二夏，足以破定，無慮也，都也用費為錢五十四億，如此則可令羗破盡，匈奴長服，內徙郡縣，得反本土，伏計永和之中，諸羗反叛十有四年，用二百四十億，永和之末，復經七年，用八十餘億，費

耗若此猶不誅盡餘孽復起於茲作害今不暫
疲人則永寧無期臣庶竭駑劣伏待節度帝許
之悉聽如所上建寧元年春頰將兵萬餘人齋
十五日糧從彭陽直指高平與先零諸種戰於
逢義山虜兵盛頰衆恐頰乃令軍中張鐵利刀
長方三重挾以彊弩列輕騎爲左右翼激怒兵
將曰今去家數千里進則事成走必盡死努力
共功名因大呼衆皆應聲騰赴頰馳騎於傍突
而擊之虜衆大潰斬首八千餘級獲牛馬羊二

開外春秋 卷之三十 閏將 五

十八萬頭拜頰破羗將軍夏頰復追羗出橋門
至走馬水上尋聞虜在杏延澤乃將輕兵兼行
一日一夜二百餘里晨及賊擊破之餘虜走向
洛川復相屯結頰乃分遣騎司馬田晏將五千
人出其東假司馬夏育將二千人繞其西羗兵
六七千人故圍晏等晏等與戰羗潰走頰急進
與晏等共追之於令鮮水上頰士卒饑渴乃勒
衆推方奪其水虜復散走頰遂與相連綴且鬪
且引及於靈武谷頰乃被甲先登士卒無敢後

者羗遂大敗棄兵而走追之三日三夜士皆重
繭旣到涇陽餘羗四千落悉散入漢陽山谷間
時張奐上言云詔書下頰頰復上言臣本知
東羗輒弱易制所以比陳愚慮思爲永寧之算
而張奐云云臣伏念中興以來羗寇最盛今先
零雜種攻沒縣邑上天震怒假手行誅昔邢爲
無道衛國伐之師興而雨臣動兵涉夏連獲其
崗上占天心下察人事又非深陰絕域之地車
騎安行無應折切案奐身當武職駐兵二年不

開外春秋 卷之三十 閏將 六

能平寇虛欲修文偃武招降獷敵誕辭空說倂
而無證何也昔先零作寇趙充國徒令居內煎
當亂邊馬援遷之三輔始服終叛至今爲鯁故
遠識之士以爲深憂今傍郡戶口單少數爲羗
所創毒而欲令降徙與之雜居是猶種枳棘於
良田養虺蛇於室內也故臣奉大漢之威建長
久之策欲絕其本根不能使殖本規三歲之費
用五十四億今適暮年所耗未半而餘寇殘燼
將向殄滅臣每奉詔書軍不內御願卒斯言一

以任官臨時量宜不失權便三年夏頰自進營去羗所屯凡亭山四五十里遣田晏夏育將五千人據其山上羗悉眾攻之厲聲問曰田晏夏育在此不惶中義從羗悉在何面今日欲決死生軍中恐晏等勸激兵士殊死大戰遂破之羗眾潰東奔復聚射虎谷分兵守諸谷上下門頰規一舉滅之不欲復令散走乃遣千人餘西縣結木爲柵廣二十步長四十里遮之分遣晏育等將七千人銜枚夜上西山結營穿塹去虜一

關外春秋

卷之三十 國將

七

里許又遣司馬張愷等將三千人上東山虜覺遂攻晏等分遮汲水道頰自率步騎進擊水上羗却走因與愷等挾東西山縱兵擊破之羗復敗散頰追至谷上下門窮山深谷悉破之斬其渠帥以下萬九千級獲牛馬驢騾羶裘廬帳什物不可勝數東羗悉平凡百八十戰斬三萬八千六百餘級獲牛馬羊驢騾駱駝四十二萬七千五百餘頭費用四十四億軍士死者四百餘人更封新豐縣侯頰行軍仁愛士卒疾病者親

自贍省手爲累創在邊十餘年未嘗一日蓐寢也蔣席與將士同苦故皆樂爲死戰後徵還京將秦胡步騎五萬餘人及汗血千里馬生口萬餘人詔遣大鴻臚持節慰勞於鎬軍至拜侍中轉執金吾河南尹光和二年爲太尉會日食自劾有司舉奏詔收印綬詣廷尉時司隸校尉陽球奏誅王甫并及頰就獄中詰責之遂飲鴆死按大夫出疆苟利社稷專之可也段熲鎮遼東矯制禦虜權以濟事也乃坐詐璽書伏重

關外春秋

卷之三十 國將

八

刑以功得免拜議郎是漢之功令雖嚴而邊臣猶得展布也故武臣多能立功郭閎貪功楮固反歸罪于頰至下獄輪作尚謂有公道乎則帝之不諱也評曰段熲討燒當諸羗使軍吏懸索相引而已下馬大戰其意氣之盛可謂壯哉刀折矢盡割肉食雪四十餘日出塞二千餘里卽衛霍不烈于此矣大小凡百八十戰斬首三萬八千餘級而軍士死者裁四百餘人漢興以

來征伐之功罕有其儔也在邊十餘年未嘗
一日虜寢真能與將士同辛苦蓋將之勇而
仁者也所可醜者不合曲意宦官以保富貴
耳曲意凡以求福而禍伏焉卒以黨王甫鳩
死狂狷哀哉

魏盪寇將軍假節晉陽剛侯張遼

遼字文遠馬邑人漢末以兵屬董卓卓敗以兵
屬呂布太祖破布於下邳遼將其衆降拜中郎
將賜爵關內侯數有戰功遷裨將軍與夏侯淵
圍昌豨於東海數月糧盡議引軍還遼謂淵曰
數日已來每行諸圍豨輒屬目視遼又具射矢
更稀此必豨計猶豫故不力戰遼欲挑與語儻
可誘也乃使謂豨曰公命遼傳語豨果下與語
遼爲說太祖神武方以德懷四方先附者受大

關外春秋 卷之三十一 關將 十

賞豨乃許降遼遂單身上三公山入豨家拜妻
子豨喜隨詣太祖太祖遣豨還責遼曰此非大
將法也遼曰以明公威信著於四海遼奉旨豨
必不敢加害也從討袁譚譚破別將狗海濱破
遼東賊柳毅等還鄴太祖自出迎遼引共載以
遼爲盪寇將軍時荊州未定復遣遼屯長社臨
發軍中有謀反者夜驚亂起火一軍盡覆遼謂
左右曰勿動是不一營盡反必有造變者欲以
動亂人耳乃令軍中其不反者安坐遼將親兵

數十人中陣而立有頃定即得首謀者殺之蘭
蘭榜成以氏六縣叛太祖遣于禁等討之蘭成
偽降禁禁還成遂轉入瀋山瀋中有天柱山高
峻險狹步徑才通遂欲進諸將難之遂曰此所
謂一與一勇者得前耳遂進攻之斬蘭成首盡
虜其衆太祖論功增邑假節太祖既征孫權還
使遼與樂進李典等將七千餘人屯合肥太祖
征張魯教與護軍薛悌署函邊曰賊至乃發俄
而權率十萬衆圍合肥乃共發教教曰若孫權

闕外春秋 卷之三十 國將 十一

至者張李將軍出戰樂將軍守護軍勿得與戰
諸將皆疑遂曰公遠征在外比救至彼破我必
矣是以教指及其未合逆擊之折其盛執以安
衆心然後可守也成敗之機在此一戰諸君何
疑李典亦與遼同於是遼夜募敢從之士得八
百人推牛饗將士明日大戰平旦遼被甲持戟
先登陷陣殺數十人斬二將大呼自名衝壘入
至權麾下權大驚衆不知所爲走登高冢以長
戟自守遂叱備下戰權不敢動望見遼所將衆

少乃聚圍遼數重遼左右麾圍直前急擊圍開
遼將麾下數十人得出餘衆號呼曰將軍棄我
乎遼復還突圍拔出餘衆權人馬皆披靡無敢
當者自旦戰至日中吳人奪氣諸將咸服權守
合肥十餘日城不可拔乃引退遼率諸軍追擊
幾復獲權太祖大壯遂拜征東將軍孫權稱藩
遼還屯雍丘得疾孫權復叛遼還屯合肥進爵
都鄉侯給遼母車及兵馬送遼家詣屯勅遼母
至導從出迎所督諸軍將使羅拜道側觀者榮

闕外春秋 卷之三十 國將 十二

之文帝踐阼封晉陽侯增邑黃初二年遼朝洛
陽宮文帝問破吳意狀顧左右曰此亦古之邵
虎也爲起茅舍又特爲遼母作殿以從遼軍卒
皆爲虎賁孫權復稱藩遼還屯雍丘得疾帝迎
遼就行在所車駕親臨執其手賜以御衣太官
日送御食疾小差帝遣遼乘舟與曹休至海陵
臨江權甚憚焉是歲遼與諸將破權將呂範病
遂篤薨於江都帝爲流涕謚曰剛侯
按三軍以氣爲主故遼等守合肥孟德密教

及敵之未合而逆擊之所以折其盛執而奪吳人之氣也。惟張遼李典能解其指，樂進輩弗解也。若以昌豨之屬目相視，而料其欲降，夜驚亂起，而鎮靜不動，卽誅首謀，勇畧絕人，可稱名將也。

許曰：孫盛有言，兵固詭道，奇正相資，若乃命將出征，推轂委權，或賴率然之形，或憑特角之勢，羣帥不和，則弃師之道也。合肥之守，彼眾我寡，必懷貪墮，以致命之兵，擊貪墮之卒。

其勢必勝，勝而後守，守則必固，是以魏武推選方員，參以同異，爲之密教，節宣其用，事至而應，若合符契，其智畧不可及也。

陶外春秋

卷之三十一

四將

三

魏右將軍陽平壯矣徐晃

晃字公明，河東楊人，爲郡吏，從車騎將軍楊奉討賊有功，拜騎都尉。李淮郭汜亂長安，奉從晃計，擡天子還洛陽，封晃都亭侯。後歸太祖，拜裨將軍，從征呂布，又從破顏良、文醜，拜偏將軍，與曹洪破祝臂，與史渙擊袁紹，運車功最多，封都亭侯。太祖圍鄴，破邯鄲，易陽令惲範僞以城降，而拒守，太祖遣晃攻之，晃至，飛矢城中，爲陳威敗，範悔，晃輒降之。旣而言於太祖曰：二袁未破，

陶外春秋

卷之三十一

四將

六

諸城未下者，傾耳而聽，今日滅易陽，明日皆以死守，恐河北無定時也。願公降易陽，以示諸城，則莫不望風。太祖善之，從破袁譚，討平原叛賊，從征蹋頓，拜橫野將軍，又與滿寵拒關公於漢津，與曹仁於江陵，斬太原反賊商曜，韓遂、馬超等反，關右遣晃屯汾陰，以撫河東，賜牛酒，令上先人墓。太祖至潼關，恐不得渡，召問晃，晃曰：公盛兵於此，而賊不復別守蒲阪，知共無謀也。今假臣精兵，渡蒲阪津，爲軍先置，以截其裏，賊

擒也。太祖曰：善。使晃以步騎四千人渡津作塹，柵未成，賊梁興夜將步騎五千餘人攻晃，晃擊走之。太祖軍得渡，遂破超等。太祖還鄴，留晃與夏侯淵拒蜀將於陽平。陳式等立十餘營，絕馬鳴關道，晃征破之。太祖甚喜，假晃節，令曰：此關道漢中之險要咽喉也，蜀人欲斷絕外內，以取漢中，將軍一舉克奪，賊計善之善者也。遂自至陽平，引出漢中諸軍，復遣晃助曹仁攻關公。屯宛，會漢水暴溢，于禁等沒，圍仁於樊，又圍將軍

關外春秋

卷之三十一

十一

呂常於襄陽，晃所將多新卒，以關公難與爭鋒，遂前至陽陵陂屯。太祖復遣將軍徐商、呂建等詣晃，令曰：須兵馬集至，乃俱前。賊屯解城，晃到，詭道作都塹，示欲截其後，賊燒屯走，晃得解城，兩面連營，稍前去，賊圍三丈所，未攻。太祖前後遣殷署、朱蓋等凡二十營詣晃，賊圍頭又屯，又別屯四冢，晃揚聲當攻圍頭屯，而密攻四冢。見四冢欲壞，自將步騎五千出戰，晃擊之，退走，遂追陷與俱入圍，破之，或自投污水死。太祖令

曰：賊圍塹鹿角十重，將軍致戰全勝，遂陷賊圍，多斬首虜，吾用兵三十餘年，及所聞古之善用兵者，未有長驅徑入敵圍者也。且樊、襄陽之在圍，過於荊，卽墨將軍之功，踰孫、武、穰苴。晃振旅還摩陂，太祖迎晃七里，置酒大會。太祖舉卮酒勸晃，且勞之曰：全樊、襄陽將軍之功也。時諸軍皆集，太祖案行諸營，士卒咸離陣觀，而晃軍營整齊，將士駐陣不動。太祖歎曰：徐將軍可謂有周亞夫之風矣。文帝卽王位，以晃爲右將軍，及

關外春秋

卷之三十一

十一

踐阼，封楊侯。破蜀兵，以晃鎮陽平，徙封陽平侯。晃將軍常遠斥侯，先爲不可勝，然後戰，追奔爭利，士不暇食。常歎曰：古人患不遭明君，今幸遇之，當以功自效，何用私舉爲？終不廣交接。太和元年薨，謚曰壯侯。按徐晃治軍，深合古法，因賊不守蒲阪而潛軍以渡，合于由不虞之道，攻其所不戒也。揚言攻圍頭屯，而密攻四冢，合于善攻者敵不知其所守也，卓然有名將之風。

評曰軍擾者將不重古今惟岳忠武最稱嚴殺故曰撼山易撼岳家軍難曹公按行諸營見晃營將士駐陣不動故以周亞夫方之夫遠斥侯先為不可勝可想其持重若追奔逐利士不暇食抑可迅疾也謚之曰壯誠哉壯也但長駟徑入敵圍則好勇過我是鬪將法非大將法

開外春秋

卷之三十 開將

七

吳奮威將軍陵陽侯周泰

泰字幼平九江下蔡人與蔣欽隨孫策為左右服事恭敬數戰有功策入會稽署別部司馬授兵權愛其為人請以自給策討六縣山賊權住宣城使士自衛不能千人意向忽略不治圍落而山賊數千人卒至權始得上馬而賊鋒刃已交於左右或斫中馬鞍衆莫能自定惟泰奮激投身衝權膽氣倍人左右由泰並能就戰賊既解散身被十二創良父乃蘇是日無泰權幾危

開外春秋

卷之三十 開將

六

始策深德之補春穀長後從攻皖及討江夏還過豫章復補宜春長所在皆食其征賦從討黃祖有功後與周瑜程普拒曹操於赤壁攻曹仁於南郡荊州平定將兵屯岑擲出濡須泰復赴擊操退留督濡須平虜將軍時朱然徐盛等皆在所部並不伏也權特為案行至濡須因會諸將大為酣樂權自行酒到泰前命泰解衣權手自指其創痕問以所起泰輒記昔戰鬪處以對畢使復服因把其臂流涕交連字之曰幼平

卿為孤兄弟戰如熊虎不惜軀命被創數十膚如刻畫孤亦何心不待卿以骨肉之恩委卿以兵馬之重乎卿吾之功臣孤當與卿同榮辱等休戚威平意快為之勿以寒門自退也即勅以已常所用御幘青縑蓋賜之坐罷住駕使泰以兵馬導從出鳴鼓角作鼓吹於是盛等乃伏後權破關羽欲進圖蜀拜泰漢中太守奮威將軍封陵陽侯黃武中卒子邵以騎都尉領兵曹仁出濡須戰有功又從攻破曹休進位裨將軍黃

關外春秋

卷之三十一 關將

七

龍二年卒

按將以謀勝而摧鋒陷陣必不得顧惜軀命也周泰膽氣倍人前後積戰功甚夥而朱然徐盛皆不伏彼固未見泰之刀瘢箭痕耳仲謀因濡須大會使泰之裸袒指點蓋亦有御將之術焉

評曰周泰等乃江表虎臣孫氏之所倚重也仲謀裸而觀其創痕把臂流涕不翅骨肉君臣之際乃爾耶余曾聞故帥杜公松好勇過

我身經百戰創痕頗劇白公兆慶嘗為其偏將問之而信惜乎其死于奴酋之手經略何人雖寸磔未足以蔽其事也

關外春秋

卷之三十一 關將

三

吳折衝將軍甘寧

寧字興霸，巴郡臨江人也。少有氣力，好游俠，招合輕薄少年為之渠帥，羣聚相隨，挾持弓弩，負氍帶鈴，民間鈴聲即知是寧。輕俠殺人，藪舍亡命，聞於郡中。其出入步則陳車騎，水則連輕舟，侍從被文繡，所如光道路。住止常以繒錦維舟，去或割棄以示奢。人見斷維亦知是寧。人與相逢，及屬城長吏接待，隆厚者乃與交歡，不爾即放所將奪其資貨。於長吏界中有所賊害，作其

關外春秋

卷之三十一 關將

主

發負至二十餘年，止不攻劫，頗讀諸子，乃將僮客八百人，就劉表表，儒人不習軍事。時諸英豪各各起兵，寧觀表事勢終必無成，恐一朝土崩，并受其禍，欲東入吳。黃祖在夏口，軍不得過，乃留依祖三年。祖不禮之，權討祖，祖軍敗，奔走。追兵急，寧以善射將兵在後，射殺校尉凌操。祖既得免，軍罷還營，待寧如初。祖都督蘇飛數薦寧，祖不用，令人化誘其容，容稍亡。寧欲去，恐不獲，免獨憂悶，不抽所出，飛知其意，乃要寧為之置

焉謂曰：吾薦映者數矣，主不能用，日月逾邁，人生幾何，宜自遠圖。庶遇知己。寧良久，乃曰：雖有其志，未知所由。飛曰：吾欲白子為都長，於是去就，孰與臨坂轉丸乎？寧曰：幸甚。飛白祖聽寧之

縣招懷亡客，并義從者得數百人，於是歸吳。周瑜、呂蒙皆共薦達，孫權加異同于舊臣。寧陳計曰：今漢祚日微，曹操彌憍，終為篡盜。南荆之地，山陵形便，江川流通，誠是國之西勢也。寧已觀劉表慮既不遠，兒子又劣，非能承業傳基者也。

關外春秋

卷之三十一 關將

主

至尊當早規之，不可後操圖之。圖之之計，宜先取黃祖。祖今年老昏耄已甚，財穀並乏，左右欺弄，務於貨利，侵求吏士，心怨舟船，戰具頓廢，不修。急於耕農，軍無法伍。至尊今往，其破可必。一破祖軍，鼓行而西，西據楚關，大勢彌廣，即可漸規巴蜀。權深納之。張昭時在坐，難曰：吳下業業，若軍果行，恐必致亂。寧謂昭曰：國家以蕭何之任付君，君居守而憂亂，奚以希慕古人乎？權舉酒屬寧曰：典霸今年行詞如此，酒矣。決以

付卿但當勉建方略，令必克。則卿之功，何嫌張長史之言乎？權遂西，果擒祖，盡獲其士衆，遂授寧兵屯當口。初，權破祖，先作兩函，欲以盛祖及蘇、飛首，飛令人告急於寧。寧曰：「飛若不言，吾豈忘之？」權為諸將置酒，寧下席叩頭，血涕交流。為權言：「飛疇昔舊恩，寧不值飛，固已捐骸於溝壑，不得致命於麾下。今飛罪當夷戮，特從將軍乞其首領，權感其言，謂曰：『今為君致之。』若走云何？」寧曰：「飛免分裂之禍，受更生之恩，逐之尚必。」

關外春秋

卷三十一 關將

三

不走，豈當圖之哉？若爾，寧頭當代入函，權乃赦之。後隨周瑜拒破曹操於烏林，攻曹仁於南郡，未拔。寧建計先徑進取夷陵，即得其城，因入守之。時手下有數百兵，并所新得，僅滿千人。曹仁乃令五六千人圍寧，寧受攻累日，敵設高樓兩射城中，士衆皆懼。惟寧談笑自若，遣使報瑜，瑜用呂蒙計，帥諸將解圍。後隨魯肅鎮益揚，拒關羽，羽號有三萬人，自擇選銳士五千人投縣上流十餘里淺瀨，云欲夜涉渡。肅與諸將議，寧時

有三百兵，乃曰：「可復以五百人益吾，吾往對之。」關羽聞吾效唾，不敢涉水。涉水即是吾擒。肅便選千兵益寧，寧乃夜往，羽聞之，往不渡，而結柴營。今遂名此處為關羽瀨。權嘉寧功，拜西陵太守，領陽新、雋、兩縣。後從攻，為升城督。寧手持練身，緣城為吏士先卒，破獲朱光，計功。呂蒙為最。寧次之，拜折衝將軍。後曹操出濡須，寧為前部督，受勅出斫敵前營，權特賜米酒，衆殺寧，乃料賜手下百餘人食，食畢，寧先以銀盃酌酒。

關外春秋

卷三十一 關將

言

自飲兩盃，乃酌與其都督，都督伏不肯持。寧引白削置膝上，呵謂之曰：「卿見知於至尊，孰與甘寧？」甘寧尚不惜死，卿何以獨惜死乎？都督見寧色厲，即起拜持酒，通酌。兵各一銀盃，至二更時，銜校徑詣操營，下使拔鹿角，踰壘入營，斬得數十級。北軍驚駭，鼓譟舉火如星。寧已還入營，作鼓吹，稱萬歲。因夜見權，權喜曰：「足以驚駭老子否？」聊以觀卿膽耳。即賜絹十疋，刀百口。權曰：「孟德有張遼，孤有興霸，足相敵也。」停住月餘，北

軍便退寧雖熾猛好殺然開爽有計略輕財敬士能厚養健兒健兒亦樂爲用命建安二十年從攻合肥會疫疾軍旅皆已引出唯車下虎士千餘人并呂蒙將欽凌統及寧從權逍遙津北張遼覘望知之卽將步騎奄至寧引弓射敵與統等死戰寧厲聲問鼓吹何以不作壯氣毅然權尤嘉之統怨寧殺其父操寧常備統不與相見權亦命統不得讐之嘗于呂蒙舍會酒酣統乃以刀舞寧起曰寧能雙戟舞蒙曰寧雖能未

關外春秋

卷之三十

關將

五

若蒙之巧也因操特楯以身分之後權知統意因令寧將兵遂徙屯於半州寧厨下兒曾有過走投呂蒙蒙恐寧殺之故不卽還後寧齋禮禮蒙母臨當與升堂乃出厨下兒還寧寧許蒙不殺斯須還船縛置桑樹自挽弓射殺之畢勅船人更增舳艫解衣卧船中蒙大怒擊鼓會兵欲就船攻寧寧聞之故卧不起蒙母徒跳出誠蒙曰至尊待汝如骨肉屬汝以大事何有以私怒而欲攻殺其寧寧死之日縱至尊不問汝是爲

臣下非法蒙素至孝聞母言卽豁然意釋自至寧船笑呼之曰與霸老母待卿食忘上寧涕泣歔歔曰負卿與蒙俱還見母歡晏竟日寧卒權痛惜之

按其寧凌統不共之仇一朝更爲刎頸之交乃知世上無不可解之仇只是人不肯先爲耳寧耳吾勸世人蚤爲其寧可也

評曰曹兵遠來仲謀思得一人挫其來銳凌統願得三千人往其寧止求百人劫營是三

關外春秋

卷之三十

關將

五

十之一也孰勇孰怯耶寧旣領百人到營令之列坐出羊酒相餉百人皆有難色寧拔劍怒詈而後百人請效死力孰勇孰怯耶乃至鵝翎爲號直突軍中縱橫馳驟逢人便殺勒兵回寨百不失一鼓吹而呼萬歲真足以驚說老賊其膽略爲過人矣堪與文遠伯仲

魏太尉安西將軍假節領護東羌校尉前兗州

刺史汝南城陽南安太守振威討寇將軍方

城鄉侯鄧艾

艾字士載棘陽人每見高山大澤輒規度指畫軍營處所時人多笑焉後見司馬宣王宣王奇之辟為掾遷尚書郎時欲廣田畜穀為滅賊資使艾行陳項已東至壽春艾以為良田水少不足以盡地利宜開河渠可以引水澆溉大積軍糧又通運漕之道乃著濟河論以喻其指又以

關外春秋

卷之三十 關將

三

為昔破黃巾因為屯田積穀於許都以制四方今三隅已定事在淮南每大軍出征運兵過半功費巨億以為大役陳蔡之間上下田良可省許昌左右諸稻田并水東下令淮北屯二萬人淮南三萬人十二分休常有四萬人且田且守水豐常收三倍於西計除眾費歲完五百萬斛以為軍資六七年間可積三十萬斛於淮上此則十萬之衆五年食也以此乘吳無往而不克矣宣王善之事皆施行正始二年乃開廣漕渠

每東南有事大軍興眾汎舟而下達于江淮糧

食有儲而無水害艾所建也出參征西軍事遷

南安太守嘉平元年與征西將軍郭淮拒蜀將

姜維維退淮因西擊羗艾曰賊去未遠或能復

還宜分諸將以備不虞於是留艾屯白水北三

日維還廖化自白水南向艾結營艾謂諸將曰

維今卒還吾軍人少法當來渡而不作橋此維

使化持吾令不得還維必自東襲取洮城洮城

關外春秋

卷之三十一 關將

三

來渡而艾先至據城得以不敗賜爵關內侯加討寇將軍後遷城陽太守是時并州右賢王劉豹并為一部艾上言曰戎狄獸心不以義親疆則侵暴弱則內附故周宣有玁狁之寇漢祖有平城之困每匈奴一盛為前代重患自單于在外莫能牽制去卑誘而致之使來入侍由是羗夷失統合散無主以單于在內萬里順軌今單于之尊日疏外士之威寢重則胡虜不可不深備也聞劉豹部有叛胡可因叛割為二國以分

其勢去卑功顯前朝而子不繼業宜加其子顯
號使居鴈門離國弱寇進錄舊勲此御邊長計
也又陳羗胡與民同處者宜以漸出之使居民
表崇廉耻之教塞奸宄之路大將軍司馬景王
新輔政多納用焉遷汝南太守所在荒野開闢
軍民並豐遷兖州刺史加振威將軍上言曰國
之所急惟農與戰國富則兵彊兵彊則戰勝然
農者勝之本也今使考績之賞在於積粟富民
則浮華之原塞矣毋丘險作亂遣健步齋書欲

關外春秋

卷三十 國將

完

疑惑大衆艾斬之兼道進軍先趨樂嘉城作浮
橋司馬景王至遂據之文欽以後大軍破敗於
城下艾追之至丘頭欽奔吳以功封方城鄉侯
行安西將軍艾解王經圍於狄道姜維退駐鍾
提乃以艾爲安西將軍假節領護東羗校尉議
者多以爲維力已竭未能更出艾曰洮西之敗
非小失也破軍殺將倉廩空虛百姓流離幾於
危亡今以策言之彼有乘勝之勢我有虛弱之
實一也彼上下相習五兵犀利我將易兵新造

杖未復二也彼以船行吾以陸運勞逸不同三
也狄道隴西南安祁山各當有守彼專爲一我
分爲四四也從南安隴西因食羗穀若走祁山
熟麥千頃爲之垂餌五也賊有黠數其來必矣
項之維果向祁山聞艾已有備乃回從董亭趨
南安艾據武城山相持維與艾爭險不克其夜
渡渭東行緣山趨上却艾與戰於段谷大破之
景元四年詔諸軍征蜀大將軍司馬文王皆指
授節度使艾與維相綴連雍州刺史諸葛緒要

關外春秋

卷三十 國將

三

維令不得歸艾遣天水太守王頌等直攻雅營
隴西太守辛弘等邀其前金城太守楊欣等詣
其松維聞鍾會諸軍已入漢中引退還欣等追
躡於強川口大戰維敗走聞雍州已塞道屯橋
頭從孔函谷入北道欲出雍州後諸葛緒聞之
却還三十里維入北道三十餘里聞緒軍却尋
還從橋頭過緒趨截維較一日不及維遂東引
還守劍閣鍾會攻維未能克艾上言今賊摧折
宜遂乘之從陰平山邪徑經漢德陽亭趨涪出

劍閣西百里去成都三百餘里奇兵衝其腹心
劍閣之守必還赴涪則會方軌而進劍閣之軍
不還則應涪之兵寡矣軍志有之曰攻其不備
出其不意今掩其空虛破之必矣艾目陰平道
行無人之地七百餘里攀山通道造作橋閣山
高谷深至為艱險又糧運將匱頓於危殆艾以
鹽自裹推轉而下將士皆攀木緣崖魚貫而進
先登至江油蜀守將馬邈降蜀衛將軍諸葛瞻
自涪還縣竹列陳待艾艾遣子忠等出其右司

關外春秋

卷之三十 關將

五

馬師纂等出其左忠纂戰不利並退還曰賊未
可擊艾怒曰存亡之分在此一舉何不可之有
乃叱忠纂等將斬之忠纂馳還更戰大破之斬
瞻進軍到雒劉禪遣使請降艾至成都禪詣軍
門艾受而宥之檢御將士無所虜略綏納降附
使復舊業蜀人稱焉輒依鄧禹故事承制拜禪
行驃騎將軍太子諸王駙馬羣司各拜官有差
於縣竹築臺以為京觀用彰戰功艾深自矜伐
謂蜀士大夫曰諸君賴遭某故得有今日耳如

遇吳漢之徒已殄滅矣又曰姜維自一時雄兒
也與其相值故窮耳有識者笑之詔曰艾耀威
奮武深入虜庭斬將奪旗梟其鯨鯢而兵不踰
時蕩定已蜀雖白起破強楚韓信克勁趙計功
論美不足比勲也其以艾為太尉艾言司馬文
王曰兵有先聲而後實者今因平蜀之勢以乘
吳吳人震恐席卷之時也然大舉之後將士疲
勞不可便用且徐緩之留隴右兵三萬人蜀兵
二萬人煮鹽興冶為軍農要用並作舟船豫順

關外春秋

卷之三十 關將

五

流之事然後發使告以利害吳必歸化可不征
而定也今宜厚劉禪以致孫休安士民以來遠
人文王使監軍衛瓘喻艾事當須報不宜輒行
艾重言曰銜命征行奉指授之策元惡既服至
於承制拜假以安初附謂合權宜今蜀舉眾歸
命地盡南海東接吳會宜早鎮定以待國命行
復道途延引日月春秋之義大夫出疆有可以
安社稷利國家專之可也今吳未賓勢與蜀連
不可拘常以失事機兵法進不求名退不避罪

艾雖無古人之節終不自嫌以損於國也鍾會胡烈師祭等皆曰艾所作悖逆變蒙以結詔書檻車召艾艾本營將士追出艾檻車迎還瑤遣田續等討艾遇於縣竹西斬之子忠與艾俱死艾仰天歎曰艾心臣也一至此乎白起之禍復見於今日矣初艾伐蜀募坐山上而有流水以問護軍爰邵邵曰按易卦山上有水曰蹇蹇曰蹇利西南不利東北孔子曰蹇利西南往有功也不利東北其道窮也往必克蜀殆不還乎卒

關外春秋 卷之三十 關將 重

如其言

按鄧艾開河渠積穀粟通漕運屯五萬人于淮北十二分休數年可儲十萬粟五年之食善治國也割并州為二國以分戎狄之執出范胡不與民同處以塞奸宄之路善御夷也據武城山戰于段谷從陰平趨出劍閣掩其空虛善用兵也惜乎矜功自專而為鍾會所陷以致身首分離甚哉大功之難居也獨恨田續小人假以報江油之辱衛瓘不得辭其

責矣杜預云伯玉既無德音又不御下以正是小人而乘君子之器將何以堪可謂薦論評曰鄧艾受命忘身東馬縣車自投死地勇氣凌雲士眾乘執使後主君臣面縛又手屈膝艾之功名已成矣心不自疑矯命承制權安社稷雖違常科有合古義鍾會忌之構成其事忠而被誅見者垂泣魏主固不思平蜀之功當垂之竹帛傳祚萬世况艾七十老公反欲何求此段灼所以悼心抗疏介然憐白

關外春秋 卷之三十 關將 請

起之無辜傷子胥之冤酷也悲夫

蜀主與鄧艾有何深讐而艾必欲滅之何哉絳竹之戰不利亦可以止矣此時若旋師還國蜀一日不亡艾一日不死也何至叱斬忠篡進軍更戰若累世之讐必不可解耶嗚呼天下豈有墟人之國公人之帝屋人之社覆人之巢而能長久者乎夫武侯摩天嶺之碣明言二士爭衡不久自死真神人也真神人也

鄧鍾一舉威蜀。自古征伐之功。未有如此之速者也。方鄧艾以萬人入江油之危險。鍾會以二十萬眾留劔閣而不得進。三軍已饑。艾雖戰勝克將。而力已憊矣。使後主能忍數日而不降。則二將之軍。難以反旆。何譙周身為漢臣。其心降賊。把玄德孔明一生銳氣。挫折無遺乎。嗟夫。周之肉其足食乎。

三立堂新編闕外春秋卷之三十一

華胥外史漢陽 尹商 于皇甫 著

隋太子太師司徒尚書令楚國公前尚書左右

僕射內史令上柱國行軍元帥并州道行軍

總軍河北道安撫大使越國公贈光祿大夫

大尉弘農河東絳郡臨汾文臣河內汲郡城

平上黨西河十郡太守景武公楊素

素字處道弘農華陰人父敷周汾州刺史沒於

齊素少落拓有大志不拘小節好學善屬文頗

闕外春秋

卷三十一 關將

一

留意於風角美鬚髯有英傑之表素以其父守

節陷齊未蒙朝命上表申禮帝不許至於再三

帝大怒命左右斬之素乃大言曰臣事無道天

子死其分也帝壯其言拜素為車騎大將軍儀

同三司漸見禮遇嘗命為詔書下筆力成詞義

兼美帝嘉之曰善自勉勿憂不富貴素應聲答

曰臣但恐富貴來逼臣臣無心圖富貴也及平

齊素請率父麾下先驅帝從之賜以竹策曰朕

方欲大相驅策故用此物賜卿從齊王憲與齊

人戰于河陰以功封清河縣子齊平加上開府

改封成安縣公及高祖為丞相素深自結納高

祖甚器之累官大將軍徐州總管封清河縣公

及受禪加上柱國帝方圖江表先是素數進取

陳之計未幾拜信州總管賜錢百萬錦千段馬

二百匹而遣之素造大艦名曰五牙上起樓五

層高百餘尺左右前後置六拍竿並高五十尺

容戰士八百人旗幟加於上次曰黃龍置兵百

人自餘平乘舫艇各有差及大舉伐陳以素為

闕外春秋

卷三十一 關將

二

行軍元帥引舟師趣三峽軍至流頭灘陳將戚

欣以青龍百餘艘屯田數千人守狼尾灘以遏

軍路其地險峭諸將患之素曰勝負大計在此

一舉晝日下船彼則見我灘流迅激制不由人

則吾失其便乃以夜掩之素親率黃龍數千艘

銜枚而下遣開府王長襲引步卒從南岬繫欣

別柵令大將軍劉仁恩率甲騎趣白沙北岬遲

明而至擊之欣敗走悉虜其衆勞而遣之秋毫

不犯陳人大悅素率水軍東下舟楫被江旗甲

耀日素坐平乘大船容貌雄偉陳人望之懼曰
清河公即江神也陳南康內史呂仲肅屯岐亭
正據江峽於北岬鑿巖綴鐵所三條橫絕上流
以過戰船素與仁恩登陸俱發先攻其柵仲肅
軍夜潰素徐去其鎖仲肅復據荆門之延州素
遣巴蠻卒千人乘五牙四艘以柏檣碎賊十餘
艦遂大破之俘甲士二千餘人仲肅僅以身免
以平陳功封越國公官其二子為儀同為郡公
金寶粟物若干又賜陳主妹及女妓十四人尋

開外春秋

卷十一 開將

三

拜納言轉內史令俄而討李稜擊朱莫問又擊
顧世興鮑遷皆破之又擊葉略沈玄愴沈傑等
平之又擊陸孟孫沈雪沈能拔之又擊高智慧
汪文道蔡道人悉平之又破沈孝徹步道向天
台指臨海郡逐捕餘寇前後百餘戰上以素久
勞于外詔令馳傳入朝加子玄感上開府素以
餘賊未殄恐為後患又自請行復乘傳至會稽
密令泉州賊勢送智慧斬之江南大定上遣使
至浚儀迎勞比到京師又拜一子為儀同賜黃

金四十斤加銀瓶實以金錢繚馬羊各若干公
田百頃宅一區代蘇威為尚書左僕射與高頴
專掌朝政突厥達頭可汗犯塞以素為臨州道
行軍總管出塞討之先是諸將與虜戰每慮胡
騎奔突皆以戎車步騎相參舉鹿角為方陣騎
在其內素謂人曰此乃自固之道非取勝之方
也於是悉除舊法令諸軍為騎陣達頭聞之大
喜率精騎十餘萬而至素奮擊大破之達頭被
重創而遁殺傷不可勝計羣虜號哭而去優詔

開外春秋

卷十一 開將

四

褒揚賜繚二萬及萬釘寶帶加子玄感等官素
多權略乘機赴敵應變無方然大抵禦戎嚴整
有犯令者立斬之無所寬貸每將臨寇輒取人
過失而斬之多者百餘人少不下十數流血盈
前言笑自若及其對陣先令一二百人赴敵陷
陣則已如不能陷陣而還者無問多少悉斬之
又令二三百人復進還如向法將士股慄有必
死之心由是戰無不勝稱為名將素時貴倖言
無不從其從素征伐者微功必錄至於他將雖

有大功多為文吏所譏却故素雖處上而
此願從焉仁壽初代高祖為尚書左僕射
三百奴婢百口其年以素為行軍元帥出
擊突厥連破之突厥退走追躡至夜而及之將
復戰恐賊越逸令其騎稍後於是親將兩騎并
降突厥二人與虜並行不之覺也候其頓舍未
定趣後騎掩擊大破之自是突厥遠遁積南無
復虜庭以功進二子官及獻皇后崩山陵制度
多出於素上善之下詔褒賞別封一子為公賜

隋書卷一百一十一 開封 五

田三十頃金銀鉢各一錦繡綾絹稱是漢王諒
反遣茹茹天保來據蒲州燒斷河橋又遣王肅
子率數萬人并力拒守素將輕騎五千襲之潛
於渭口宵濟遲明擊敗天保肅子懼而以城降
有詔召還於是以為并州道行軍總管河北道
安撫大使率眾數萬討諒時晉絳呂三州並為
諒守素各以二千人縻之而去諒遣趙子開擁
眾十餘萬柵絕徑路屯據高壁布陣五十里素
令諸將以兵臨之自引奇兵潛入霍山緣崖谷

而進直指其營一戰破之傷殺數萬進至清原
諒率其將王世宗趙子開蕭厚訶等十萬眾拒
戰又擊破之擒蕭厚訶退保并州素進兵圍之
諒窮蹙而降餘黨悉平先是上賜王公以下射
素箭第一上手以外國所獻金精盤價直巨萬
賜之煬帝即位素雖有建立策及平楊諒功然
持為帝所猜忌外示殊禮內情甚薄太史言隋
分野有大喪因收封於楚楚與隋同分欲以此
厭當之素寢疾之日雖令名醫診候賜以上藥

隋書卷一百一十一 開封 六

然密問醫人惟恐不死素亦自知名位已極不
肯服藥亦不將慎曰我豈須史活耶卒官謚曰
景武贈光祿大夫太尉公弘農等十郡太守給
輜車班劍四十人前後羽葆鼓吹粟麥物各五
千鴻臚監護喪事
按越公行兵計日破賊皆如所量只是御眾
嚴整應變無方不為婦人之仁不為自固之
道耳尉繚子曰善用兵者能殺士卒之半其
次殺其十三其下殺其十一以越公之凶險

權奇斯足術也

評曰。越公受阿摩許多金寶。遂為阿摩畫計。多計策。而奪嫡篡位矣。然相疑相猜。利其速死。觀越公臨沒之際。阿摩不以為德。反以為讐。則亦何益之有。吁。周鼎成而倭斃其指。戒大巧之不可為也。史稱楊素少而輕俠。倣儒不羈。兼文武之資。包英奇之略。志懷遠大。以功名自許。高祖龍飛。將清六合。許以腹心之寄。每當推轂之任。掃妖氣于斗牛。江海無波。

外非我

卷三十一 周將

七

權驍騎于龍庭。匈奴遠遁。夷凶靜亂。功臣莫居其右。奇策高文。足為一時之傑。然專以智詐自立。不由仁義之道。阿諛時主。高下其心。營構離宮。陷君於奢侈。謀廢冢嫡。致國於傾危。終使宗廟丘墟。市朝霜露。究其禍敗之源。實乃素之由也。幸而得死。子為亂階。墳土未乾。閭門租錢。丘隴發掘。宗族誅夷。則知積惡餘殃。信非徒語。多行無禮。必自及其斯之謂歟。

晉王廣為靈朔道行軍元帥。素為長史。王卑躬以交素。王之得為太子。素之謀也。及上不豫。太子入居大寶殿。慮上晏駕。須預防擬。乃手自為書封出。問素素錄出事狀以報。宮人誤送上所。上覽而大恚。所寵陳貴人又言。太子無禮。上怒。欲召勇。太子與素謀。矯詔追東宮兵士。帖上臺宿衛。令宇文述等節度門禁。又令張衡侍疾。上以此日崩。由是頗有異論。然則素為阿摩作何等事。而望久活乎。若太

外非我

卷三十一 周將

八

子忌蜀王。即構成其罪而廢之。朝臣有違忤者。雖忠臣體國。如賀若弼。史萬歲。李綱。柳彧等。素皆陰中之。若附會及親戚。雖無才用。必加進擢。舉朝莫不畏附。惟兵書劉述。大理卿梁毗。敢於上前面折表劾。上漸疎忌之。稍奪其權焉。小說載煬帝北狩而歸。誇張之極。自謂秦皇漢武無以過也。素微笑道。陛下不要錯認。胡人向化。乃先帝餘威。豈今陛下之功耶。帝曰。朕為天子。原不論功。但卿功安在。素

又笑曰臣實無功但陛下在藩府
故。屢。屢。下。交。臣。卽。無。功。於。先。帝。不。可。謂。無。功。
於。陛。下。陛。下。何。不。一。回。想。耶。信。斯。言。也。則。奪
嫡。之。謀。合。盤。托。出。矣。此。可。補。正。史。之。缺。

素以平陳功進爵郢國公素言於上曰里名
勝毋曾子不入逆人王誼前封於郢臣不願
與之同乃改封越焉豈知逆子倡亂至于丘
墓發掘并朽骨之不保乎素嘗朝煬帝下殿
忽一陣陰風撲面刮來只見文帝龍冠袞衣

外春秋

卷三十一

九

手執金越坐逍遙車上罵道弑君老賊朕欲
立勇不聽吾言轉同廣日弑我奉鉞照頭砍
來素躲不及跌在地下口鼻流血煬帝命衛
士扶至家半晌醒來說道謀位之事發矣吾
必死矣此可謂權臣欺君之戒

越公本以武功顯而文藻亦自錚錚曾作柳
弘誄云山楊王弼風流長逝潁州荀彘零落
無時修竹夾池未絕梁園之賦長楊應詔無
復洛川之文又嘗以五言詩七百字贈蕃州

劉史薛道衡詞氣宏拔風韻秀出亦爲一時
盛作有集十卷行世

外春秋

卷三十一

十

隋上柱國荊州總管三十六州諸軍事前夏州

總管三州六鎮諸軍事上大將軍左前軍勇

猛中大夫渭南太守驍騎大將軍開府儀同

三司使持節撫軍將軍通直散騎常侍大都

督輔國將軍新春郡威公達奚長儒

長儒字富仁代人也祖俟魏定州刺史父慶驍

騎大將軍儀同三司長儒少懷節操膽烈過人

十五襲爵樂安公魏大統中起家奉車都尉周

太祖引為親信以質直恭勤授大都督數有戰

功假輔國將軍累遷使持節撫軍將軍通直散

騎常侍平蜀之役恒為先鋒攻城野戰所當必

破之除車騎大將軍儀同三司增邑天和中除

渭南郡守遷驍騎大將軍開府儀同三司從帝

平齊遷上開府進爵成安郡公別封一子縣公

宣政元年除左前軍勇猛中大夫後與烏丸軌

圍陳將吳明徹於呂梁陳遣驍將劉景率勁勇

七千乘為聲援軌令長儒逆拒之長儒於是取

車輪數百繫以大石沉之清水連轂相次以待

景軍景至舩艦礙輪不得進長儒乃縱奇兵水

陸俱發大破之俘數千人及獲吳明徹以功進

位大將軍尋授行軍總管北巡沙塞卒與虜遇

接戰大破之高祖受禪進位上大將軍封斬春

郡公邑二千五百戶開皇二年突厥沙鉢略可

汗并弟葉護及潘那可汗眾十餘萬寇掠而南

詔以長儒為行軍總管率眾三千擊之遇於周

盤眾寡不敵軍中大懼長儒慨慷神色愈烈為

虜所衝突散而復聚且戰且行轉鬪三日五兵

咸盡士卒以拳歐之手皆見骨殺傷萬計虜氣

稍奪於是解去長儒身被五瘡通中者二其戰

士死傷者十八九突厥本欲大掠秦隴既逢長

儒兵皆力戰虜意大沮明日於戰處焚屍慟哭

而去高祖下詔曰突厥猖狂輒犯邊塞犬羊之

衆彌亘山原而長儒受任北鄙式遏寇賊所部

之內少將百倍以晝通宵四面抗敵凡十有四

戰所向必摧兇徒就戮過半不反鋒刃之餘亡

魂竄迹自非英威奮發奉國情深撫御有方士

關外春秋 卷十一 關將 十一

關外春秋 卷十一 關將 十一

卒用命豈能以少破衆若斯之偉言念數月
隆名器可上柱國餘勳廻授一子其戰亡將士
皆贈官三轉子孫襲之其年授寧州刺史尋轉
鄜州刺史母憂去職長儒性至孝水漿不入口
五日毀悴過禮殆將滅性天子嘉歎起爲夏州
總管三州六鎮都將事匈奴憚之不敢窺塞以
病免又除襄州總管在職二年轉蘭州總管高
祖遣涼州總管獨孤羅原州總管元褒靈州總
管賀若誼等發卒備胡皆受長儒節度長儒率

關外春秋

卷十一 關將

十三

衆出祁連山西至蒲類海無虜而還復轉荊州
總管三十六州諸軍事高祖謂之曰江陵要害
國之南門今以委公朕無慮也歲餘卒官謚曰
威子嵩大業時官至太僕少卿

按突厥素稱勍敵擁衆十餘萬入寇吾以中
國之兵禦之法富審彼已較多寡權勞佚衛
飢飽然後鑿凶門而出未可避次也富仁自
恃膽烈輕用二千人擊之亦太驟率矣周榮
之戰五兵咸盡士卒以拳殿之至于見富

仁亦被重創何其憊也猶幸而士卒用命虜
氣大沮天實相之烏可恃以爲常耶
評曰長儒結髮從戎具驍雄之略總統師旅
擅禦侮之功以步卒二千抗十萬之虜師殲
矢盡勇氣彌厲嗚呼壯哉昔李陵以勁卒五
千橫挑強胡張空拳冒白刃雖復屈節虜庭
史猶稱其奮不顧身以徇國家之急古名將
不能過方之長儒蔑如也

關外春秋

卷十一 關將

十四

魏驃騎大將軍侍中開府儀同三司雍州刺史

贈太尉都督相冀十州事扶風郡忠公王

熊字熊黑京兆霸城人漢河南尹遵之後世為

州郡著姓熊質直木彊處物平當州間敬憚之

魏太和中除殿中將軍稍遷雍州別駕清廉疾

惡勵精公事刺史崔亮有知人之鑒見熊雅相

欽挹亮後轉定州啓熊為長史執政者恐熊不

稱不許及梁人寇硤石亮為都督南討復啓熊

為長史帶銳軍朝廷以亮頻舉熊故當可用反

闕外春秋 卷之三十一 國將 十五

尅硤石熊功居多先是南岐東益氏羗反叛乃

拜熊冠軍將軍鎮梁州討平諸賊後以軍功封

定陽子除荊州刺史梁復遣曹義宗圍荊州堰

水灌城不沒者數版時既內外多虞未遑救援

乃遣熊鉄券云城全當授本州刺史城中糧盡

熊乃煮粥與將士均令食之每出戰常不接甲

胄大呼告天曰荊州城孝文皇帝所置天若不

祐國家使箭中王熊額不爾王熊須破賊屢經

戰陣亦不被傷彌歷三年義宗方退進封霸城

縣公元顛入洛以熊為左軍大都督顛敗莊帝

以熊受顛官故不得本州更除岐州刺史時南

秦數叛以熊行南秦州事熊至州召其魁帥為

腹心擊捕反者略盡乃謂魁帥等曰汝黨皆死

盡何用活為乃以次斬之自是南秦無復反者

又詔熊行秦州事尋遷涇州刺史未及之部屬

周文帝徵兵為勤王之舉熊請前驅效命遂為

大都督鎮華州孝武西遷進車騎大將軍儀同

三司別封萬年縣伯乃除華州刺史齊神武率

闕外春秋 卷之三十一 國將 十六

宣潼關人懷危懼熊勸勵將士衆心乃安神武

退拜驃騎大將軍加侍中開府嘗修州城未畢

梯在城外神武遣韓軌司馬子如從河東宵濟

襲熊熊不覺比曉軌衆已乘梯入城熊尚卧未

起聞閣外洶洶有聲便袒身露髻徒跣持一白

棒大呼而出謂曰老熊當道卧貉子那得過敵

見驚退逐至東門左右稍集合戰破之軌遂投

城遁走文帝聞而壯之時關中大饑徵稅人間

較食以供軍費或隱匿者令遞相告多被笞捶

以是人有逃散唯熊信著於人莫有隱者得粟不少諸州而無怨讎沙死之役神武士馬甚盛文帝以華州衝要遣使勞熊令加守備及神武至城下謂熊曰何不早降熊乃大呼曰此城是王熊家死生在此欲死者來神武不敢攻後移鎮河東以前後功進爵扶風郡公河橋之戰王師不利趙青雀據長安城所在莫有固志熊乃大開州門召城中戰士謂曰如聞天子敗績不知吉凶諸人相驚咸有異望王熊受委於此以

關外春秋

卷三十一

國將

七

死報恩諸人若異圖可來見殺必恐城陷沒者亦任出城如有忠誠能與王熊同心可共固守軍人見其誠信皆無異心及軍還徵拜雍州刺史時蠕蠕度河南寇候騎已至幽州朝廷慮其深入及徵發士馬屯守京城墜諸街巷以備侵軼右僕射周惠達召熊議之熊不應命卧而不起謂其使曰若蠕蠕至渭北者王熊率鄉里自破之不煩國家兵何為天子城中遂作如此驚動由周家小兒恇怯致此熊輕侮權貴守正不

回背此類也未幾還鎮河東熊性儉率不事邊幅嘗有臺使至熊為設食使乃裂去薄餅緣熊曰耕種收穫其功已深春爨造成用力不少爾之選擇當是未饑命左右撤去之使者愕然大慙又客與熊食瓜客削瓜皮侵肉稍厚熊意嫌之及瓜皮落地乃引手就地取而食之客甚愧色性又嚴急嘗有吏挾私陳事者熊不暇命捶扑乃手自取鞞履持以擊之每至享會自秤量酒肉分給將士時人尚其均平強其鄙碎熊舉

關外春秋

卷三十一

國將

六

動率情不為巧詐凡所經處雖無當時功迹咸去後見思卒于官贈太尉都督相美等十州事謚曰忠熊安於貧素不營生業後雖貴顯鄉里舊宅不改衡門身死之日家甚貧罄當時伏其清潔

按王熊質直木疆人也非有磊落奇疑之表而刺史崔亮雅相欽挹上章推轂者不一口足朝廷以亮頗舉諒其才必堪驅策遂用之卒能平氏羗諸賊進爵封公中朝與關外之

呼吸無壅闕而相流貫也。若今日督撫拔置一人，政府每票云：該部知道而已。雖復邊事孔棘，不過票云：該部即與議復而已。而曹掾且揀脂膏而舖啜，悉度之高閣矣。即有王黑之才，崔亮之薦，堂上老而不復記，司官冗而不暇問。馮唐易老，李廣難封，職此之故。是以奴酋內變，叛弁反噬，流賊披猖，玩愒以至於陵夷，決裂而不可收拾矣。使賈傅而當此時，不知其痛哭流涕長太息者，宜何如也。

閩外春秋

卷二十一

目將

七

評曰：王黑身矢石之衝，不攘甲冑而亦不被傷，天祚之也。刺秦州而腹心其魁帥，擊捕略盡，乃并魁帥而斬之，倘所謂兵不厭詐者乎。袒身露髻徒跣，持一白棒以擊韓軌輩，而皆遁走，老黑恂是雄悍，沙苑之役，齊神武且不敢攻，其威猛必有過人者也。史稱奮節危城，抗辭勅敵，信非虛矣。天王有道，守在四夷，善禦敵者，不在張皇而在鎮定，未有未見賊而畫地以守京師者也。

蠕蠕寇河南，朝廷慮其深入，徵發士馬，壅塞街巷，汲汲爲綱縲之計，亦太周章矣。周僕射急而召黑議之，黑卧而不起，謂無子城中不宜作如此驚動。黑此言，不惟有膽，亦且有識矣。天啓庚申，奴酋入犯，喜事者建言欲於京城外別築一城以自固，有一大老問余，余曾作駁城京師議答之，刻在藏稿中。從來天下本無事，只因當路者之經國遠識，蓄縮選懷所致，古今一轍也。

閩外春秋

卷三十一

目將

十

唐上柱國左光祿大夫幽州都督右武衛將軍

前假河內太守遼州刺史王君廓

君廓并州石艾人少孤貧為狙獪無行善盜嘗負竹筍如魚具內置逆刺見鬻繒者以筍囊其頭不可脫乃奪繒去而主不辨也鄉里患之大業末欲聚兵為盜請與叔俱不從乃誣鄰人通叔母者與叔共殺之遂皆亡命眾稍集掠夏長平河東丞丁榮拒之且遣使慰召君廓見使為謬欲歸首者榮輕之因陳兵登山君廓悉仗甲

國外春秋

卷十一 關將

十一

山谷中榮軍還掩擊破之又與賊韋寶鄧豹等掠虞鄉宋老生與戰君廓不利保方山老生列營迫之君廓糧盡詐請降與老生隔澗語神請哀到老生為感動稍緩之君廓一昔遁去高祖兵起召之不從歸李密密不甚禮乃歸國授上柱國假河內太守常山郡公遷遼州刺史徙封上谷從戰東都有功為右武衛將軍詔勞之曰爾以十三人破賊萬自古以少制眾無有也賜雜絲百段別下輓轅羅川二縣破世充將

擊糧道縑氏沈米艘三十柁進魯彭國公鎮幽

州擊突厥俘斬二千獲馬五千匹入朝帝賜所乘馬命自廷中乘以出謂侍臣曰昔蒞相如叱秦王目背皆裂君廓往擊建德李勣遇之至發憤大呼鼻耳皆流血其勇何特古人哉朕當不以例賞乃賜錦袍全帶還幽州會大都督廬江王瑗反欲奪君廓兵以委王詵君廓大給瑗使亂為已功乃從數騎候詵留騎于外曰聞呼聲則入乃獨款詵詐曰有急變當白詵方沐握髮

國外春秋

卷十一 關將

十一

出即斬之因執瑗以功授幽州都督瑗家口悉賜之進左光祿大夫賜帛千段君廓不守法度長史李玄道數以法繩督猜惑不自安會被召至渭南殺驛吏亡奔突厥野人斬之太宗顧前功為收葬待其家如初按兵法有以少擊眾者蓋謂兩軍對壘旗鼓相望而出奇制勝若赤壁淝水之戰也未有攬甲躍馬以十許人而直衝敵之營壁者也東郡之功已覘君廓之勇何待發憤大呼鼻

耳出血而後見哉。與老生隔澗語而一昔。去詐王誅出即斬之。亦能閎智。非悻悻者。

評曰。世之治也。豪傑之徒。叩首以依光。世之亂也。斯弛之士。瞋目而語難。隋失其政。盜賊蜂結。大連州縣。小阻山澤。以萬數。須真主取而用之。誠能投天會機。奮櫜大呼。則四海不足定也。君廓少而善盜。亡命鳩衆。被丁榮攻。魏隱擊突厥。功莫大焉。帝賜御馬。命自廷中。

關外春秋 卷三十一 關將 乘之以出亦一時之雄矣

三五

唐上柱國翼國公左武衛大將軍贈徐州都督

改封胡國公秦瓊

瓊字叔寶。以字顯。齊州歷城人。始為隋將來護兒帳內。母喪。護兒遣使弔之。吏恠曰。士卒死喪。將軍未有所問。今獨弔叔寶何也。護兒曰。是子才而武。志節完整。豈久處卑賤邪。俄從通守張須陁擊賊。盧明月下邳。賊衆十餘萬。須陁所統纔十之一。堅壁未敢進。糧盡欲引去。須陁曰。賊見兵却。必悉衆追我。得銳士襲其營。且有利。

關外春秋 卷三十一 關將

三五

三五

誰為吾行者。衆莫對。惟叔寶與羅士信奮行。乃分勁兵千人伏莽間。須陁委營遁。明月悉兵追躡。叔寶等馳叩賊營門。閉不得入。乃升樓。拔賊旗幟。殺數十人。營中亂。即斬關納外兵。縱火焚三十餘屯。明月奔還。須陁回擊。大破之。又與孫宣雅戰海曲。先登。以前後功。擢建節尉。從須陁擊李密。樂陽。須陁死。率殘兵附裴仁基。仁基降密。密得叔寶大喜。以為帳內驍騎。待之甚厚。密與宇文文化及戰黎陽。中矢墜馬。濱死。追兵至。獨

叔寶捍衛得免後歸王世充署龍驤大將軍
程饒金計曰世充多詐數與下呪誓乃至非
撥亂主也。因約俱西走策其馬謝世充曰自顧
不能奉事請從此辭賊不敢逼於是來降高祖
俾事秦王府王尤獎禮從鎮長春宮拜馬軍總
管戰美良川破尉遲敬德功多帝賜以黃金瓶
勞曰卿不卹妻子而來歸我且又立功使朕肉
可食當割以啖爾况子女玉帛乎尋授秦王右
三統軍走宋金剛於介休拜上柱國從討世充

隋外春秋 卷三十一 關將 三五

建德黑闥三盜未嘗不身先鋒塵陣前無堅對
積賜金帛以千萬計進封翼國公每敵有驍將
銳士震耀出入以夸衆者秦王輒命叔寶往取
之躍馬挺槍刺於萬衆中莫不如志以是頗自
負及平隱巢功拜左武衛大將軍實封七百戶
後稍移疾嘗曰吾少長戎馬間歷二百餘戰數
重創出血且數斛安得不病乎卒贈徐州都督
陪葬昭陵太宗詔有司琢石爲人馬立墓前以
旌戰功貞觀十三年收封胡國公後四年詔圖

形凌煙閣高宗永徽六年遣使致祭名臣圖形
凌煙閣者凡七人徵士廉瑀志弘基世南叔
寶皆始終著名者也

按胡公容貌瓌偉任俠輕財在山左有竇專
諸之名是以趨悍如敬德而美良川之戰角
而出其下其驍雄爲何如哉公自謂少長戎
馬間歷二百餘戰數重創出血且數斛來護
兒嘗曰此子才而武非久處貧賤者足稱知
已

隋外春秋 卷三十一 關將 三六

評曰叔寶雖武人而喜結納豪傑當時李玄
邃李藥師魏玄成李懋功程知節張公謹羅
士信徐洪客史大奈單雄信皆金蘭簿中人
也據小史叔寶與玄成雄信最契當貧困病
苦時二人之周旋調護者極其懇到其後諸
公皆爲唐室將相功臣而雄信馱誅死茂功
請以官爵贖不聽至割肉以啗之而叔寶竟
無一語相救解豈史闕文耶或雄信臨刑時
叔寶別遣而未得目擊耶看來叔寶戰伐威

名當在敬德之右太宗嘗云卿不恤妻子而
來歸我且又立功使朕肉可食當割以啖爾
作史者不甚張大其功蹟若抑之鄂公之左
何哉
叔寶所乘黃驃馬日行千里號忽雷駁常飲
以酒每於月明中試能豎越三領黑龍及叔
寶卒嘶鳴不食而死

萬均

唐沃沮道行軍總管左屯衛大將軍潞國公薛
萬均本燉煌人後徙京兆咸陽父世雄大業末
為涿郡太守萬均與弟萬徹因客幽州以材武
為羅藝所厚善與藝歸款高祖授萬均上柱國
永安郡公賁建德帥眾十萬寇范陽藝迎拒之
萬均曰眾寡不敵宜以計勝即教藝廢兵阻水
以誘之萬均自以精騎百匿城左建德師度水
邀半度擊之大敗其眾明年建德以二十萬騎

閩外春秋

來攻兵已緣堦萬均與萬徹率死士百入出地
道掩擊其背眾驚潰去秦王平劉黑闥引萬均
為右二護軍北門長上柴紹之討梁師都也以
萬均為副萬徹亦從距朔方數十里突厥兵驟
至王師却萬均兄弟橫擊之斬其驍將虜陣謹
乘之俘殺相籍突厥走遂圍師都諸將以城險
未可下萬均曰城中氣死鼓不能聲破亡兆也
既而賊果斬師都降拜左屯衛將軍俄為沃沮
道行軍副總管從李靖討吐谷渾軍次青海萬

均萬徹各以百騎行前卒以虜遇萬均單騎馳突無敢當者還語諸將曰賊易與復馳進擊斬數千級勇蓋三軍追奔至積石山大風折旗萬均曰虜且來乃勒兵俄而虜至萬均直前斬其將衆遂潰追至圖倫磧乃還與靖會青海盟書勉勞遷本衛大將軍又副候君集擊高昌麴智盛堅守未下萬均麾軍進智盛懼乃降進潞國公會有所訴萬均與高昌女子亂太宗欲窮治魏徵曰君使臣以禮若所訴實罪且輕虛則所失

闕外春秋

卷三十一 附錄

二十九

重矣詔勿治後帝幸芙蓉園坐清宮不謹下獄憂憤卒帝驚悼為舉哀詔陪葬昭陵後嘗賜群臣膜皮及萬徹而誤呼萬均愴然曰萬均朕勲舊忽口其名豈死者有知冀此賜乎因命取焚之舉坐感歎

按萬均之拒建德初則羸兵阻水以誘之既而又出地道以掩之皆暗合兵法若討梁師都而預識城中之氣死討吐谷渾而儼備大風之折旗非徒勇者也

評曰唐太宗御將極嚴真撥亂之主也但大功如萬均而以清宮不謹下獄遂憂憤以卒豈所以待功臣乎雖復驚悼舉哀何益之有其後賜膜皮而誤呼其名因命取焚之則穆然有感傷之深思耳

闕外春秋

卷三十一 附錄

三十

唐上柱國蔚州總管北平郡王高開道

開道滄州陽信人。世襲鹽為生。少趨勇。走及。馬隋大業末。依河間賊格謙。未甚奇之。會。隋兵圍捕。左右奔散。無救者。開道獨身決戰。殺數十人。捕兵解。謙得免。遂引為將軍。謙滅。與其黨百餘人。亡海曲。後出剽滄州。象稍附。因北掠。成保。自臨渝至懷遠。皆破有之。復引兵圍北平。據其地。武德元年。陷漁陽郡。有之。有鎧馬數千。眾萬人。自號燕王。先是懷戎浮屠高曇晟。因縣

隋外春秋

卷三十一

開將

手

命具供。與其徒襲殺命。偽號大乘皇帝。以尼靜宣為耶輸皇后。建元法輪。遣使約開道為兄弟。封齊王。開道引眾從之。居三月。殺曇晟。并其眾。復稱燕王。建元。署置百官。寶建德。圍。藝於幽州。藝請救。開道以騎二千赴之。建德解去。乃因。藝遣使請降。詔以為蔚州總管。上柱國。北平郡王。賜姓李。開道有矢鏃。在頰。召醫出之。醫曰。鏃深。不可出。開道怒。斬之。別召一醫。曰。出之。恐痛。又斬之。更召一醫。醫曰。可出。乃鑿骨置。其

骨裂寸餘。竟出其鏃。開道奏妓進膳。不輒。開道

以輕騎五百抵幽州。欲圖藝。自從數騎入都督府。且觀藝。藝與張飲。盡歡。知不可圖。遂去。五年。幽州饑。開道許輸以粟。藝遣老弱湊食。皆厚遇之。藝悅。不為虞。更發兵三千。車數百。馬騶千。往請粟。開道悉留不遣。遂北連突厥。告絕於藝。復稱燕。與劉黑闥聯兵入寇。開道攻易州。不克。遣將謝稜。詭降於藝。請兵應接。藝眾至。稜縱擊破之。因導突厥。厥俱南。恒定。幽易等騷然。懼患。頡利

隋外春秋

卷三十一

開將

手

以開道善攻具。與俱攻馬邑。拔之。時羣盜相繼。平。開道欲降。自疑反覆得罪。猶恃突厥自安。然將士多山東人。思歸。眾益厭亂。初。開道募壯士數百為養子。衛閭下。及劉黑闥將張君立。亡歸。開道命與愛將張金樹分督之。金樹潛命左右數人偽與諸養子戲。至夕入閭。絕其弓弦。又取刀稍聚牀下。既暝。金樹以其徒謀攻之。數人者抱刀稍出。問諸養子將搏戰。云弓稍。君立舉火。外城應之。帳下大擾。養子窮爭歸。金樹開道。顧

不免撥甲挺刃據堂坐與妻妾奏妓飲酒金滿
畏不敢前。天且明。開道先縊其妻妾及諸子。而
後自殺。金樹羅兵取養子皆斬之。亦殺君立。而
歸。開道起兵凡八年。滅以其地為媯州。詔以金
樹為北燕州都督。

按關公刮骨療毒。作史者載之於書。以為有
丈夫氣槩。選懦之徒。舌吐而不收矣。茲觀高
開道鑿頰置楔。骨裂寸餘。竟出矢鏃。其剛決
倍徙關公焉。詩不云乎。螻蟻一螯手。壯士立

南外春秋

卷三十一 關將

三

解腕。夫豈不愛腕哉。身與腕孰多。於害之中。
吾取小焉。必有忍也。其乃有濟。鑿頰非不痛。
忍之云爾。

評曰。從來仗鉞制閭之雄。皆養異姓之壯勇
者為子。故曰健兒。兒之者親之也。五代時列
藩多為此。有賜之姓者。有命名與已子同一
派者。蓋將軍提兵境外。野宿露處。必籍此輩
為牙距。其督領又必心腹。附之人烏可湯
不審擇而惜。然託之伏莽乎。開道養子至數

百豈不眾且勇。歟。而金樹噪攻于內。君立舉
火于外。諸義子欲前相搏。而弓絕其弦。刀稍
離其故處。遂與妻子並死。哀哉。雖然。開道亦
有死法也。既已降唐。賜李姓。胡為北連突厥。
同黑闥入寇耶。殆反覆人也。是足以死。

南外春秋

卷三十一

關將

十四

唐太常卿禮刑二部尚書鄂晉二州刺史茂州

都督大同道行軍總管任城王徙封江夏郡

王李道宗

道宗字承範高祖卽位授左千牛備身略陽郡公裴寂與劉武周戰度索原寂敗賊逼河東道宗年十七從秦王討賊王登玉壁城以望謂道宗曰賊怙衆欲戰爾計謂何對曰武周席勝鄭然鋒未可當正宜以計摧之且烏合之衆憚持久若堅壁以頌其銳須食盡氣老可不戰擒也

補外春秋

卷三十一 國將

三五

王曰而意與我合既而賊糧匱夜引去追戰滅之出爲靈州總管時梁師都弟洛仁連突厥兵數萬傳于壘道宗閉城守伺隙出戰破之高祖謂裴寂曰昔魏任城王彰有郤敵功道宗似之因封任城王始突厥郁射設入居五原道宗逐出之震耀威武斥地贏千里太宗方經略突厥復授靈州都督三年爲大同道行軍總管助李靖破虜親執頡利可汗賜封六百戶還爲刑部尚書吐谷渾寇邊靖出崑丘道詔與侯君集爲

靖副賊聞兵且至走障山數千里諸將欲止獨

道宗請窮追靖曰善君集未從道宗以單師進去大軍十日及之吐谷渾拒險殊死鬪道宗陰引千騎超山乘其後賊驚遂大潰徙封江夏授鄂州刺史久之坐貪贓帝聞怒曰朕提四海之富士馬若林如使轍跡環天下游觀不采絕域之玩海表之珍顧不得邪特以勞民自樂不爲也人心無藝當以誼制之今道宗已王稟賜多而貪不止顧不鄙哉乃免官削封戶以王就

補外春秋

卷三十一 國將

三五

第明年召爲茂州都督未行拜晉州刺史遷禮部尚書侯君集破高昌還頗怨望道宗掌從容奏言君集智小言大且爲戎首帝問所以知必反者對曰見其忌而矜功耻爲房李下官尚書常鬱鬱不平既君集反帝笑曰如公素揣帝將討高麗營州都督張儉畏不敢深入道宗請以百騎往帝許之約其還曰臣請二十日行留十日覽觀山川得還見天子因秣馬束兵旁南山入賊地相易險度營陳便處將還會高麗兵斷

其路更走間道。謁帝如期。帝曰：「賁育之勇，何以過？賜金五十斤，絹千疋，乃詔與李勣為前鋒。濟遠拔蓋牟城，會賊救至。道宗與總管張君又領騎裁四千，虜十倍，皆欲浚溝保險，須帝至。道宗曰：「賊遽來，其兵必疲，我一鼓摧之，固矣。昔耿弇不以賊遺君父，吾為前軍，當清道迎乘輿，尚何待勦善之？」選壯騎數十突進賊營，左右出入，勦合擊，大破之。帝至咨美，賜奴婢四十口，乃築拒闕，攻安市城，闕毀，傳城。道宗失部分，反為賊據。

隋書

卷三十一

三

帝斬其果毅傅伏，受道宗既行，請罪。帝曰：「漢武帝殺王恢，不如秦穆公赦孟明，遂置不問，在陣傷足，帝親加砭治，賜御膳，還以疾辭劇，就閑。改太常卿。高祖永徽初，房遺愛以反誅，長孫無忌褚遂良與道宗有宿怨，誣與遺愛善，流象州。道病薨，年五十四，無忌等得罪，詔復爵邑。」

按道宗年十七而從戎，真是乳虎有食牛之氣，其用兵持重果毅，謀定而後戰，堅壁以摧武周，伺隙以破師都，雖魏之黃鬚兒，蔑以加

茲桐封任城後，先可對峙也。遂制射設，執利可汗，窮追吐谷渾，討高麗，而以百騎往，覽山川如期而還。太宗稱其即賁育不能過也，詎不信哉。

評曰：將帥之臣，廉慎少而貪沒多。人主惟宜含容，不宜梳剔。彼出萬死，爭一旦之命，暇時須廣妓妾，盛宮室，曳羅紈，甘梁肉，放于聲樂以自娛，非朱提何以部署，武人之貪，實坐此耳。道宗坐賊免官，削封戶，以王就第，吾甚為

隋書

卷三十一

三

太宗不滿焉。古者出師，克敵有重賞，不勝蒙顯優。當其有功也，雖貪財縱欲，尚蒙爵邑，其無功也，雖勤躬潔已，不免銖鉞。故日記人之功，忘人之過，宜為君者也。昔李廣利貪不愛卒，陳湯盜所收康居財物，二主皆赦其罪，封侯賜金。軍法曰：使智使勇，使貪使愚。故智者樂立其功，勇者好行其志，貪者邀趨其利，愚者不計其死。是以前聖使人，必收其所長，而弃其所短。柰何以小青而免大帥也。及攻安

茲桐封任城後先可對峙也。逐郁射設執頡利可汗窮追吐谷渾討高麗而以百騎往覽山川如期而還太宗稱其卽責育不能過也詎不信哉。

評曰將帥之臣廉慎少而貪沒多人主惟宜含容不宜梳剔彼出萬死爭一旦之命暇時須廣妓妾盛宮室曳羅紈甘梁肉放于聲樂以自娛非朱提何以部署武人之貪實坐此耳道宗坐賊免官削封戶以王就第吾甚爲

關外春秋

卷三十一 關將

三十九

太宗不滿焉古者出師克敵有重賞不勝蒙顯。當其有功也。雖貪財縱欲尚蒙爵邑其無功也。雖勤躬潔已不免銖鉞。故日記人之功忘人之過。宜爲君者也。昔李廣利貪不愛卒。陳湯盜所收康居財物。二王皆赦其罪。封侯賜金。軍法曰。使智使勇使貪使愚。故智者樂立其功。勇者好行其志。貪者邀趨其利。愚者不計其死。是以前聖使人必收其所長而弃其所短。柰何以小眚而免大師也。及攻安

此葉天圖配補

市而及爲則所捕亦乃臣宗王似不如初也則斯得將將之術矣。

唐初宗室惟道宗孝恭爲最賢一則接士大夫而不貴倨一則寬恕退讓而不矜伐吾於是而知謙之爲美德也是寧獨武將當然哉

三立堂新編

春秋卷之三十一

關外春秋

三十九

三十九

三立堂新編閩外春秋卷之三十二

華胥外史漢陽 尹商 于皇甫 著

北齊太子太傅開府儀同三司顯梁恒滄四州
刺史前左廂大都督左衛將軍兼領軍將軍
金紫光祿大夫車騎征虜二將軍平秦郡公
薛孤延

延，人也，少驍果，有武力，韓樓之反，延隨衆屬
焉，後與王懷等密計討樓，為樓尉帥元弗醜所
覺，力戰破醜，遂相率歸行臺，劉貴之表為都督，

閩外春秋

卷之三十二 閩將

一

加征虜將軍，賜爵永固縣侯，後隸高祖為都督，
仍從起義，破爾朱兆於廣阿，因從平鄴，以功進
爵為公，轉大都督，從破四湖於韓陵，加金紫光
祿大夫，從追爾朱兆於赤紇嶺，除第一領民酋
長，孝靜立，拜顯州刺史，累加車騎將軍，太平四
年，從高祖西伐，至蒲津，竇泰於河南失利，高祖
班師，延殿後，且戰且行，一日斫折刀十五口，還
轉梁州刺史，從征玉壁，又轉恒州刺史，從破周
文帝於邛山，進爵為縣公，邑一千戶，高祖嘗閱

馬於北牧道，逢暴雨，大雷震地，前有浮圖一所，

高祖令延視之，延乃馳馬按稍，直前未至三十
步，雷燒面，延喝殺，繞浮圖走，火遂滅，延還眉鬚
及馬鬃，是俱焦，高祖歎曰：薛孤延乃能與霹靂
鬪，其勇法如此，又頻從高祖討破山胡，西攻玉
壁，入為左衛將軍，封平秦郡公，為左廂大都督，諸
軍將討潁州，延專監造土山，以瀾醉為敵所襲，
據潁州平，諸將還京師，譙於華林園，世宗啓魏
帝，坐延於階下，以辱之，後兼領軍，將軍出為滄

閩外春秋

卷之三十二 閩將

二

州刺史，別封溫縣男，邑三百戶，齊受禪，別賜爵
都昌縣公，性好酒，率多昏醉，而以勇決善戰，每
大軍征討，常為前鋒，故與彭劉韓潘同列，天保
二年，為太子太保，轉太子太傅，八年，除肆州刺
史，加開府儀同三司，食洛陽郡幹，尋改食河間
郡幹，

按武人雖以驍武為威，然未有如薛孤延之
一日斫折十五刀，又能與霹靂鬪者也，宜大
軍征討，常為前鋒矣，乃以酒醉為敵所襲，則

饑甚焉亦何貴于號武哉

評曰西北之人多嗜酒而武將更豪四十年
前余嘗出塞見征西將軍率偏裨大獵輒席
地而飲每獲黃羊雉兔令庖人覘而鼓刀而
手指某處割而啖之致足樂也若行軍出征
斷乎不可過飲萬一酩酊自頽安能勝介冑
而斬將擐旗乎畢竟當以浮白為戒

隋外春秋

卷之三十一 關將

三

梁太尉同中書門下平章事匡國軍節度使前

左龍虎統軍六軍都指揮使鋒州刺史鄜州
留後邢州團練使元帥府都押衙行營排陣
使右千牛衛上將軍潞州都指揮使毫宿二
州刺史滑州牢城邊後指揮使贈太師牛存
節

存節字贊正青州博昌人初名禮事諸葛爽於
河陽爽卒存節顧其徒曰天下洶洶當得英雄
事之乃率其徒千餘人歸梁太祖存節為人木

隋外春秋

卷之三十一

關將

四

疆忠謹太祖愛之賜之名字以為小校張暉攻
汴存節破其二寨梁攻濮州戰南劉橋范縣存
節功多李罕之圍張全義於河陽全義乞兵於
梁太祖以存節故事河陽知其間道使以兵為
前鋒是時歲饑兵行乏食存節以金帛易乾甚
以食軍擊走罕之太祖攻魏存節下魏黎陽臨
河殺魏萬二千人與太祖會內黃遷滑州牢城
邊後指揮使梁兵攻鄆存節使都將王言藏舩
鄆西北隅濠中期以日午渡兵踰濠急攻之會

營中火起，郗人登城望火，言伏不敢動。與...
失期，存節獨破郗西甕城門，奪其濠橋。梁兵得
俱進，遂破朱宣。從葛從周攻淮南，從周敗淝河，
存節收其散卒八千以歸。拜毫宿二州刺史。朱
瑾走吳，召吳兵攻徐宿。存節謀曰：「淮兵不必先
攻宿，然宿溝壘素固，可以禦敵。」乃夜以兵急趣
徐州，比停徐城下。瑾兵方至，望其塵起，驚曰：「梁
兵已來，何其速也。」不能攻而去。已而太祖使者
至，授存節軍機，悉與存節意合。由是諸將益服

關外春秋

卷之三十三

關將

五

已焚外城，將降。晉聞存節至，乃稍定。存節入城，
助澤人守。晉人穴地道以攻之。存節選勇士數
十，亦穴地以應之。戰于隧中，敵不得入。晉人解
去，遷左龍虎統軍。六軍都指揮使絳州刺史，遷
鄆州留後。同州劉知俊叛，奔鳳翔，乃遷存節匡
國軍節度使。友珪立，朱友謙叛，附于晉。西連鳳
翔，存節東西受敵。同州水鹹而無井，知俊叛，梁
以渴不能守而走。故友謙與岐兵合圍，持久欲
以渴疲之。存節禱而擇地，鑿井八十，水皆甘。可

關外春秋

卷之三十三

關將

六

只圖向前斷殺而士不宿飽得無脫巾之虞乎我

朝浙江寧夏四川等鎮其呼庚癸而戕大帥者屢見告則足食之訓蓋可忽乎哉

評曰丈夫功名富貴皆定于立志之初存節嘗云天下洵洵當得英雄事之故褰裳歸梁惜乎朱三非真英雄也但有節審時量敵應機赴援悉中條理功蹟爛然於是君子取節焉爾若晉人穴地以攻存節亦穴地以應戰

閩外春秋

卷之三十一

閩將

七

于隧中千古不數見也擇地穿井至八十皆甘泉蓋亦有神助焉語曰心專則金石為開然乎然乎

遼歸義軍節度使同知上京留守歷西南而招

討都監特加節鉞圍塲都太師陳昭裒

昭裒小字王九雲州人工譯鞬勇而善射統和中補祇候郎君為奚拽刺詳穩累遷教睦官太保兼掌圍塲事開泰五年秋大獵帝射虎以馬馳太速矢不及發虎怒奮勢將犯蹕左右辟易昭裒捨馬捉虎兩耳騎之虎駭且逸上命衛士追射昭裒大呼止之虎雖軼山昭裒終不墮地伺便拔佩刀殺之輦至上前慰勞良久即日設

閩外春秋

卷之三十一

閩將

八

宴悉以席上金銀罷賜之特加節鉞遷圍塲都太師賜國姓命張儉呂德懋賦以美之遷歸義軍節度使同知上京留守歷西南面招討都監

按虎稱山君天下之至獍惡者也手搏且難而況騎之乎陳王九捉其耳而騎之可謂猛士

評曰昔李廣善射虎每為虎所傷然未聞騎虎軼山者也昭裒不惟騎之而且伺便殺之

其勇過李廣遠矣。然裴旻守北平一日射虎至三十餘。山僧曰：非虎也，是爲山獾。稍北有真虎，將軍遇之必敗。旻怒，馬趨之，有虎小而伏，踞地大吼，人馬辟易，自是不敢射虎。則昭裘所騎非真虎耳。卽是真虎，亦不足多也。爲將者當以武略定天下，何必逞雄心于一獸。

闕外春秋

卷三十一

閩將

九

遼守太保山西路兵馬都統北院樞密使耶律

斜軫

斜軫字韓隱，于越魯之孫，性明敏，不事生產。保寧元年，樞密使蕭思溫薦斜軫有經國才，上曰：朕知之，第佚蕩，豈可羈屈？對曰：外雖佚蕩，中未可量，乃召問以時政，占對剴切，帝罷重之。妻以皇后之姪，命節制西南面諸軍，仍援河東，改河東南院大王。乾亨初，宋再攻，從耶律沙至白馬嶺，遇敵沙等戰不利，斜軫赴之，令麾下萬矢

闕外春秋

卷之三十一

閩將

十

齊發敵氣，禡而退。是年秋，宋下河東，乘勝襲燕，北院大王耶律奚底與蕭討古逆戰，敗績，退屯清河北。斜軫取奚底等青幟軍，于得勝口以誘敵，敵果爭赴，斜軫出其後奮擊，敗之。及高粱之戰，與耶律休哥分左石翼夾擊，大敗宋軍。統和初，皇太后稱制，益見委任，爲北院樞密使。會宋將曹彬、米信出雄易，楊繼業出代州，太后親帥師救燕，以斜軫爲山西路兵馬都統，繼業陷山西諸郡，各以兵守自代州屯。斜軫至定安，遇賀

令圍軍擊破之。追至五臺，斬首數萬級。明日，至蔚州，敵不敢出。斜軫書帛於城上，諭以招慰意。陰聞宋軍來救，令都監耶律題子夜伏兵險阨。俟敵至而發，城守者見救至，突出，斜軫擊其背，二軍俱潰，追至飛狐，斬首二萬餘級，遂取蔚州。賀令圖滿美復以兵來，斜軫逆于飛狐，擊敗之。宋軍在渾源、應州者皆棄城走。斜軫聞繼業出兵，令蕭持察伏兵于路。明日，繼業兵至，斜軫擁衆為戰，勢繼業麾幟而前，斜軫佯退，伏兵發，斜軫進攻，繼業敗走。至狼牙村，衆軍皆潰，繼業為流矢所中，被擒。斜軫責曰：汝與我國角，勝三十餘年，今日何面目相見？繼業但稱死罪而已。初，繼業在宋，以驍勇聞，人號楊無敵。首建梗邊之策，至狼牙村，心惡之，欲避不可得。既擒，三日死。斜軫歸闕，以功加守太保。從太后南伐，卒于軍。太后親為哀臨，仍給葬具。

按武人多所弛，而夷性更甚。斜軫之佚蕩不羈，無足怪也。然占對剗切，夷主即罷重之，其

開禧春秋 卷三十二 附將 十一

投合蓋有機緣矣。而斜軫卒能摧敵于河東，立功于高粱，破令圖、虜楊業，足稱健將焉。評曰：兵法變化無窮，原非一局。余觀奚底敗于清河北，宋人已易之矣。斜軫取其青幟以誘敵，而反以楊業素號無敵，而亦以孤軍被擒，致彼故作戰，佯退伏發，深通兵法矣。說者曰：夷人安知兵法？只慣野戰，狡諷有過人者耳。吁！淺之乎！嗚！夷人矣。獨恨楊業自知此行必不利，而毅然尋死，何哉？

開禧春秋 卷三十二 附將 十一

宋清遠軍節度使御前諸軍都統制湖東福建

總管荆南副都統制前侍衛親軍馬步軍都

虞侯贈檢校少保加少傅陳西郡侯王德

德字子華通遠軍熟羊砦人以武勇應募隸熙

帥州會金人入侵古軍懷澤間遣德謀之斬

一酋而還補進武校尉古曰能復往乎德從十

六騎徑入隆德府治執偽守姚太師左右驚擾

德手殺數十百人衆愕眙莫敢前占械姚獻于

朝欽宗問狀姚曰臣就縛時止見一夜又耳時

聞外春秋 卷三十二 閏將 十四

遂呼德為王夜又建炎元年以勤王師倍道趨

關改隸劉光世平濟南寇李昱池陽寇張遇光

世將先鋒討李成德以百騎覘賊至蔡州上蔡

驛口橋賊疑為誘騎擁衆欲西亂麾騎大呼曰

王師太至矣賊駭遁追殺甚衆成奔新息收散

卒復戰賊見光世張蓋行陳不介冑知為王帥

併兵圍之德突圍擁光世還軍遂襲敗李成校

武略大夫二年春遷前軍統領屯天長金人攻

和州太守張績求援於德德兵轉城下賊不意
其至大潰遲明接戰斬昱俘其兵騎萬數濟自
采石光世方謀討苗劉之逆迎至建康謂德曰
江都之擾諸軍不窺則盜公可仗義夜涉大江
狗回急變遂以軍屬光世會苗劉走閩中詔德
追擊隸韓世忠德欲自致功名而世忠必欲德
為之使遣親將陳彥章邀德於信州彥章拔佩
刀擊德德殺彥章尸諸市德至浦城斬苗瑀擒
馬柔古送行在世忠訟其擅殺下臺獄侍御史
聞外春秋 卷三十二 閏將 十四
趙鼎按德當死帝命特原之總管郴州時光世
屯九江得楊惟中所失空頭黃教即以便宜復
德前軍統制遣平信州妖賊王念經行次饒州
會賊劉文舜圍城德引兵赴之文舜請降德納
而誅之自餘不戮一人謂諸校曰余經聞吾宿
留必不為備倍道而趨一鼓擒之獻俘于朝詔
還舊秩加武顯大夫榮州刺史四年光世鎮京
口以德為都統制金兵復南光世將退保丹陽
德請以死捍江諸將恃以自強分軍扼險渡江

裴金人收真陽數郡既而又遇敵于揚州北有
被重鎧突陣者德馳叱之重鎧者直前刺德德
揮刀迎之卽墮馬衆驚駭因麾騎乘之所殺萬
計紹興元年平秀州水賊邵青初德與戰于崇
明沙親執旗麾兵拔柵以入青軍大潰他日餘
黨復索戰謀言將用火牛德笑曰是古法也可
一不可再今不知變此成擒耳先命合軍持滿
陳始交萬矢齊發牛皆返奔賊衆殲焉青自縛
請命德獻俘行在帝召見伊殿問勞褒賞特異

關外春秋

卷三十二

關將

七

遷中亮大夫同州觀察使三年光世宣撫江淮
當移屯建康命韓世忠代之德從數十騎自京
口逆世忠度將及麾下徒步立道左抗言曰擅
殺陣彥章王德迎馬頭請死世忠下馬握其手
曰知公好漢卿來繼介不足寘懷乃設酒盡歡
而別明年春知蘭州徙屯池陽及當塗爲行營
左護軍前軍統制金兵掠江北破滁州德越江
襲奪之追至桑根擒女真萬戶盧寧一人千戶
十餘人六年冬劉豫遣麟猊驅鄉兵三十萬分

東西道入寇中外甚恐議欲爲保江計殿帥湯
沂中統制張宗顏田師中及德等分兵禦之大
敗猊兵于藕塘猊挺身走麟在順昌聞之亦拔
苦迺德追至壽春弗及獲其糧舟四百艘第功
除武康軍承宣使真拜相州觀察使七年改熙
河南廊路副總管行營左護軍都統制駐師合
肥會光世罷宣撫詔德盡護其衆以鄆瓊副之
與德故等夷耻屈其下率衆叛從劉豫八年
命隸張俊名其軍曰銳勝十年解隸昌圍俊檄

關外春秋

卷三十二

關將

七

德就取宿州德信道自壽春馳至斬縣與敵游
騎遇遂入城偃旗卧鼓騎引去因潛師宿州夜
半薄賊營敵將高統軍詰朝壓汴而陳僞守馬
秦同知耶律溫以三千人阻水邀戰德策馬先
濟步騎從之遙謂賊曰吾與金人大小百戰雖
名王貴酋莫不糜碎爾何爲者賊遂投兵降馬
秦耶律溫馳入閉門城守德至呼秦諭以逆順
乃自縊而下德叱其子順先登秦率溫降遣詣
行在德乘勝趨亳州會俊于城父時叛將鄆瓊

屯亳州德至謂三路都統制曰夜又未易當也遂遁德入亳州白俊曰今兵威已振請乘破竹之勢進取東都俊難之乃班師策功第一拜興寧軍承宣使龍神衛四廂都指揮使再遷侍衛親軍馬步軍都虞侯封隴西郡侯十一年金人言合肥入侵游騎及江俊議分軍守南岸德曰淮首江之蔽也棄淮不守是謂唇亡齒寒也敵數千里遠來餉道決不繼及其未濟急擊之可以奪氣若遲之使稍安則淮非吾有矣俊猶豫

關外春秋

卷三十一

關將

七

未許德請益堅曰願父子先越江俟和州下然後宣撫北渡俊乃許德即渡采石俊督軍繼之布江中德曰明旦當會食歷陽已而夜投和州晨迎俊入敵退保昭關又擊走之追至柘阜與金人夾河而軍諸將帥皆集惟張俊後至統制田師中欲待之德怒曰事當機會復何待徑上馬元木以鐵騎十餘萬夾道而陣德曰賊右陣堅我當先擊之麾軍渡橋首犯其鋒一酋被甲躍馬始出德引弓一發而斃乘勝大呼令萬兵

持長斧如牆而進敵大敗退屯紫金山德復尾擊之劉錡謂德曰昔聞公威略如神今果見之請以兄禮事召拜清遠軍節度使建康府駐劄御前諸軍都統制歷浙東福建總管荆南副都統制二十五年卒贈檢校少保再贈少傅二子與順亦以驍勇聞

按子華勇鷙絕倫故有夜叉之號吾以為是奪其氣耳有此氣而鼓之振之則可以平羣盜抗金兵遏苗劉之亂敗劉豫之衆兵法曰

關外春秋

卷三十二

關將

六

朝氣銳于華衡是朝氣用事耳

評曰王德素有威略蚤隸劉光世審其不可恃晚從張俊遂以功名顯焉則擇木宜其然乎韓世忠以私意擊德殊失殉國之義及宣撫江淮而德迎馬頭請死世忠即下馬執其手曰知公好漢鄉來緘介不足實懷吁可謂善補過者

軍中千變萬化總不出古法當須知己知彼耳田單審燕人無備故以火牛取勝王德有

黃矢待敵，邵青安能得志耶？若云可一不可二，此英雄欺人語也。

宋太傅同安郡王御營宿衛使同督江淮諸軍

事加昭慶節度使以太師致仕前少師恭順

公檢校少保開府儀同三司兼領殿前都指揮使淮南西路制置使武恭和王楊存中

存中本名沂中字正甫紹興間賜名存中代州

崞縣人魁梧沈鷲少警敏誦書數百言力能絕

人慨然語人曰大丈夫當以武功取富貴焉用

俯首為腐儒哉於是學孫吳兵法善騎射宣和

末山東河北羣盜四起存中應募擊賊積功至

忠翊郎靖康元年金人再圍汴京存中與張俊

田師中從信德守臣梁楊祖以萬兵入援後隸

張俊部曲上問將於俊俊以存中對召見賜袍

帶時元帥府草創存中晝夜扈衛寢幄不頃刻

去側帝知其忠謹親信之劇賊李昱據任城久

不克存中以數騎入擊殺數百人帝乘高望見

介冑盡赤意其被重創召視之皆汚賊血壯之

飲以酒日酌此血漢存中請復往帝止之存中

曰此賊膽碎即成擒矣遂大破之復任城還闕

門祇候建炎二年討賊徐明于嘉興先登至帥
將屠城存中力諫止之戮其渠魁而已郡頗以
全高宗南渡以勝提軍從張俊守吳門蒲劉之
變又從俊赴難遷貴州團練使尋為御前右軍
統領金人攻明州又從俊與田師中趙密殊死
戰破之以奇功遷文州防禦使御前中軍統制
紹興元年從俊討李成諸將議欲分道進存中
曰賊勢如此兵分則力弱又諸將位均勢敵非
招討督之必不相為用俊然之整軍至豫章存

綱外春秋

卷三十二

附錄

三十一

中率兵數千首破賊于玉隆觀追至筠州賊驍
將以衆十萬來援夾河而營存中謂俊曰彼衆
我寡擊之當用奇願以騎見屬公以步兵居前
俊從之存中夜銜枚渡筠河出西山馳下擊賊
俊以步兵夾攻俘八千人諸將夜見存中曰戰
未休降卒多忽有變柰何非盡戮之不可存中
曰殺降吾不忍諸將轉告俊竟夜坑之乘勝追
至九江成遂遁去二年春進神武中軍統制宰
相呂願浩袖敕以授存中俊奏留存中軍中上

曰宿衛乏帥朕所選為不可易也存中亦固辭
且謂神武諸帥如韓世忠張俊皆貴擁旄鉞名
望至重如臣么麼一旦位與之抗實不自安不
許遣中使宣押乃視事兼提舉宿衛親兵時中
軍卒不滿五千疲瘁者居半存中請拘神武卒
借出於外者歸軍中由是軍政寢修三年嚴州
妖賊繆羅據白馬源殺王官存中討平之加保
信軍承宣使六年為龍神衛四廂都指揮使先
是張俊視師謀渡淮以圖劉豫倚韓世忠為用

綱外春秋

卷三十二

附錄

三十一

世忠圍淮揚從浚乞張俊將趙密為助俊拒之
趙鼎語俊曰世忠所欲者趙密爾存中武勇不
減於密蓋令存中助之浚請於朝故有是命於
是存中以八隊萬人趨督府諫世忠十月存中
與劉猷戰于藕塘大破之猷之初入也淮西宣
撫使劉光世欲棄廬州退保太平賊衆十萬已
次濠壽間浚命張俊拒之俊齊中往泗州與俊
合及至泗則光世已舍去廬浚遣人諭之曰一
人渡江即斬以徇光世不得已還廬駐兵與存

中相應賊先犯定遠縣存中以兵二千襲敗于越家坊既而與魏兵遇藕塘賊據山列陣矢下如雨存中急擊之且使統制吳錫以勁騎五千突其陣陣亂存中鼓大軍乘之自以精騎衝其脇大呼曰破賊矣賊錯愕駭視前軍統制張宗顏自泗來乘背擊之賊大敗魏以首抵謀于李愕曰適見髯將軍銳不可當果楊殿前也即以數騎遁去餘黨萬人僵立失措存中躍馬叱之皆怖而降麟在順昌孔彥舟方圍光州聞之皆

開外春秋 卷三十二 關將 重

拔若遁去北方大恐所得賊舟數百艘車數千兩捷聞帝遣中使勞賜謂宰執口卿輩始知朕得人也除保成軍節度使前殿都虞侯尋兼領馬步帥存中奏祖宗置三衙鼎列相制今令臣獨總非故事也不允七年為淮南西路制置使將以撫定鄜瓊諸軍不果行九年遷殿前副都指揮使十年金人叛盟取河南命存中為淮北宣撫副使引兵至宿州以步軍退屯于泗金人詭令來告敵騎數百屯柳子鎮存中欲即擊之

或以為不可存中不聽留王滋勸以千騎守宿自將五百騎夜襲柳子鎮黎明不見敵而還金人以精兵伏歸路存中知之遂橫奔而潰參議官曹勛不知存中存亡以聞朝廷震恐於是有人宜退保之命既而存中自壽春渡淮歸泗人心始安冬引兵還行在十一年兀朮耻順昌之敗復謀來侵詔大合兵于淮西以待之於是存中以殿司兵三萬戍淮與金人戰于柘臯敗之時張俊為宣撫使存中為副使劉錡為判官

開外春秋 卷三十二 關將 舌

王德為都統制田師中張子蓋為統制官金人以拐子馬翼而進存中曰敵恃弓矢吾有以屈之使萬人操長斧如墻而進諸軍鼓譟奮擊金人大敗退屯紫金山俊與存中錡先議班師會有云濠路已通者俊謂錡曰吾欲與楊太尉耀兵淮上安撫濠梁之民取宣化歸金陵楊太尉則渡瓜洲還臨安明日命二帥行謀報金攻濠甚急倉皇復回邀錡會于黃連埠距濠六十里開城陷矣召存中錡謀之錡謂存中何以憂此

存中曰戰爾相公與太尉在後存中當居前鏑
日本來救濠濠既已失進無所依人懷歸心勝
氣已索此危道也不若退師據險俟其去為後
圖諸將皆曰善鼎足而營遣人俟敵曰已去矣
俊自以為功謂鈞母往命存中與德偕至濠列
陣未定烟起城中金人伏騎萬餘分兩翼出存
中顧德曰何如德曰德小將焉敢預事存中以
策麾軍曰那回諸將以為令其走也遂散亂南
奔無復紀律金人追殺甚衆後一日韓世忠大

關外春秋 卷三十二 開將 五

軍至已無及矣存中乃自宣化渡江歸行在加
檢校少保開府儀同三司兼領殿前都指揮使
蓋錄拓臯之功而擒濠梁之敗也十四年存中
請詣太學謁先聖帝曰學校既興武人亦知崇
尚如漢羽林士皆通孝經况其他乎二十年封
恭國公後拜少師恩數視樞密使久之罷為太
傅禮泉觀使進封同安郡王賜玉帶朝朔望時
金主亮有南侵意存中上備敵十策步帥趙密
謀奪存中權因指為喜功生事存中聞之上章

乞免密竟代之未幾邊警日急九月詔存中為
御管宿衛使劉汜戰敗于瓜州命存中往京口
為守江計虞允文自采石來命存中與之協力
拒敵敵不能濟金主亮死與允文輕舟渡江以
同敵及金人請和存中奏俟彼得新王之命無
遽許之帝如建康詔存中扈蹕因語宰相曰楊
存中唯命東西忠無與二朕之郭子儀也金使
復請和存中請拒之江口移書審問若能歸我
族屬還舊壤損歲幣復白溝之界以通兄弟之

關外春秋 卷三十二 開將 五

好於是則和議可從不然請斬其使亟圖恢復
隆興三年金人再入關議割蜀之和尚原以界
之存中入對曰和尚原隴右之藩要也敵得之
則可以睥睨漢川我得之則可以下兵秦雍曩
議予金人吳璘力爭不從今璘在遠不及知臣
若不言非特負陛下亦有愧於璘近者王師盡
銳而後得順母棄未幾金人復攻淮甸詔存中
同都督江淮事陛辭賜坐賜玉鞍勒時諸軍各
守分地不相統一存中集諸將調護之於是始

更相為援帝親禮賜之曰諸帥協和互相響應
卿之力也。會金兵已深入。朝議欲合淮保江存
中持不可。乃已。金兵在揚州。或勸存中擊之。存
中不敢渡。獨臨江固壘。以老之。令人尋請盟。乾
道初。班師。加昭慶軍節度使。復奉祠。二年卒。年
六十五。以太師致仕。追封和王。謚武恭。高宗為
之出涕。賻錢十萬。存中天資忠孝。敢勇大小二
百餘戰。身被五十餘創。宿衛出入四十年。晷寡
過。孝宗常呼郡王。而不名。嘗以克敵弓雖勁。而

關外春秋 卷三十一 閩將 子七

蹶張難遂。以意創馬皇弩。思巧製工。發易中遠
人服其精。

按存中父祖及母皆死難。存中既顯。請于朝。
父祖皆賜謚。賜廟。又以家廟祭器為請。許祭。
五世前所無也。御軍寬而有紀。所用將士。惟
選才勇。不私部曲之舊。朝議與屯田存中。即
獻楚州私田三萬九千畝。李顯忠以罪斥。奏
為統制官。後為名將。此皆卓然可稱者也。乃
李浩陸游王十朋陳俊卿相繼排陷。皆欲殺

之豺虎矣

存中雖武人。而儘知領略山川之勝。嘗營居
鳳山。十年而就極。其暢美。後獻於朝廷。更築
室焉。又葺園亭於湖山之間。高宗為書水月
二字。所居建閣。以藏御書。孝宗題曰風雲慶
會之閣。余每閱其傳。為之翛然神遣。
評曰。存中出入淮甸。無大勝負。典兵晷久。貴
寵默隆。然頗能知幾。不沾禍敗。其亦有天幸
者與。夫存中。迺世所倚望。以成功者。奈何撓

關外春秋 卷三十二 閩將 子八

於和議。頻失事機。人心阻喪。不得如吉甫方
叔。授社振旅。以成中與之業。惜哉。
存中在建康。以美玉琢成二勝環。獻高祖。取
二聖並還之意。有一伶人在傍。帝指環示之。
此乃楊太尉進來名二勝環。伶人接奏云。可
惜二勝環。且放在腦後。帝為之改色。此所謂
執藝事以諫者。惜乎帝之若罔聞也。
楊公有親愛吏。平居賜予無算。一旦無故怒
而逐之。吏莫知得罪之由。泣拜辭去。公無

事莫來見我史悟其意歸以厚貨俾其子入臺中爲吏未幾御史欲論公乾沒軍中糞錢十餘萬其人聞而告其父其父奔告公公卽具劄奏言軍中有糞錢若干椿管某處惟朝廷所用不數日果以爲言帝出公劄子示之御史坐妄言被黜而公之眷日隆公之逐吏亦兵法之餘智也然御史亦不密矣

明奉天靖難推誠宣力武臣特進榮祿大夫右柱國太子太傅征夷將軍成國公東平武烈

王朱公能

能字士弘鳳陽之定遠人父亮從高皇帝起兵積戰功至燕山中護衛副千戶能生而魁奇怪偉勇力異恒輩既代父官爲燕王所愛重嘗從王北伐取元太尉朶兒不花覆其軍建文初王以強大見猜天子使三司詣大吏謀逮之勢且迫王猶隱其事能與張玉丘福直

入猖言曰大王高皇帝親嫡子最長而賢武朝廷不察乃以吳淞見擬今諸宥謀定矣卽無論大王我曹亦安能坐待菹醢也王乃決而與能及張玉丘福謀因三司入謝晏伏兵執之遂分率虎騎八百奪九門緩撫城中外三日大定從王攻薊州先登拔其城虜其將都指揮馬宣等乘勝取遵化永平密雲諸邑東略地抵灤河還從擊雄縣復先登入東門破長興侯耿秉文之前鋒九千人追之至月漾橋

虜其副帥都督楊松濤忠等遂追殲餘衆於鄭州乘勝長驅至真定與長興侯之大軍遇能挺丈八長矛圍二拱餘從敢死士二十餘騎突入其陣瞑目大呼所勦皆辟易王麾衆從之遂破其陣斬獲數萬追奔至滹沱河敵餘衆尚數萬人能復大呼馳而躡之遂潰生俘三千餘盡死王大悅賜書褒獎尋從援永平解其圍追敗江陰侯吳高之卒二十餘萬復從定大寧僂其扞命者挾壯士還而曹國公李景隆以五

關外春秋

卷三二 關將

三

十萬衆攻北平晝夜不息能從王入援遇於鄭村壩力戰大敗之進攻其營又敗之急擊景隆兵之營九門者城中亦出兵夾擊敵遂潰去從略定廣昌蔚州大同敗其師而景隆悉鳩其亡散并未傳者號百萬來攻王親拒之以能爲前鋒宸發而馳午至白溝河推其都指揮平安軍及中復大敗其軍明日以左哨當敵府鋒復大敗之盡拔其寨柵窮追至濟南復大敗之復從下滄州先登出東門入鹵首六萬獲其總帥

徐凱進攻東昌與盛庸兵鏖戰勝負略相當王以數千騎突出敵後敵知其爲王騎也悉深圍之短兵接戰不能出奮力翼王潰圍而入我大軍遂進戰夾河能以奇兵爲軍鋒冠遂大敗盛庸兵又敗平安兵於藁城追奔至真定戰東門斬首萬餘乘勝略彰德及定州掩水西寨已而敗敵將李文於德州遂克東河進克東平搗汶上諸寨設伏敗平安之衆十萬餘轉戰至小河王兵不利與諸將議咸氣誓請班

關外春秋

卷三二 關將

三

師能獨進曰漢高帝與項王百戰百不利而竟奪項王之天下今僅一不利耳而遽旋旆者何也且旆一旋可復至此耶王乃奮曰從余馬首而南言北者斬遂縱兵深入至靈壁敵悉衆來戰能與丘福復先登陷陣大破之虜平安及陳暉馬溥徐真等三十餘將進克泗州渡淮破盛庸兵遂取揚州渡江斬金川門闕而入遂定京師王卽大位而能已前積功遷至都督僉事矣第封能爲第二人遂授奉天靖難

推誠宣力武臣特進榮祿大夫右柱國封成國公為左軍都督府左都督歲祿二千五百石賜誥命鐵券貂蟬冠朝服玉帶又明年立皇太子能遂為其太傅再加歲祿一千石又明年而安南黎氏弑其主且拒皇命詔拜能征夷將軍統左右副將軍左右參將及神機橫海驍騎游擊五將軍兵八十餘萬往討之上親禡旗於龍江宴餞能等既抵廣西而能病癘以兵屬副將軍新城侯輔而卒上時已觀星象而怪

爾外春秋 卷三十二 關將 三

之謂侍臣曰西帥其有憂乎宋能智足辦也意者北人不習暑耳俄而請朝上震悼輟朝五日諸公侯宿將入慰上為酒泣曰輔吾成大業者能也且其心行當遠到朝以止此言已益酸楚左右皆泣莫能仰視親為文祭之辭甚哀官為治葬追封東平王謚武烈能卒時年僅三十有七

按蜀志稱張桓侯手丈八蛇矛橫行三國中前無堅對後世詭其弗實今觀朱東平所選

矛不減老張矣只此一人足以摧堅破敵李景隆盛庸非其敵也平安差足相當而敗北者數矣是其壯勇可與桓侯伯仲也評曰靖難之初起稱首功者成公能其一也然

天子親為大將每戰必在行而成公雖計畫血戰之績多曷能一仗節出號行罰哉受賑南北為大將帥能堯于軍天寵薦被足矣其子勇虛有頰面虬鬚之表而恒怯無它技徒以

爾外春秋 卷三十二 關將 三

善事中貴人故得久其位握兵符者凡二十餘年土木之難死于陣本兵參劾勇罪奪其封及上返正曲赦諸死事者追封平陰王子謚夫平陰失律乘輿蒙塵寵以真王不太濫乎

明鎮守遼東掛征虜前將軍印總兵官寧遠伯
李公成梁

成梁遼東鐵嶺衛人、世為指揮、正德時、天下皆有中資人鎮守、遼東之鎮監其善形家言、每見佳城有蘊隆氣、輒令石工斲之、欲其洩其靈、一日至成梁祖塋所、登高遠眺、詫曰、此極貴宅也、亟欲剗其來龍數處、時乃祖某以軍餘隸麾下、長踞博穎乞寬恩、鎮監曰、嘻、此壞大吉、三十年後、當有玉帶十圍、爾何德以堪之、及隆慶初、而

關外春秋

卷三十二 關將

七

成梁以序襲祖職、累官至副帥、成梁生而猛壯、膂力兼人、善騎射、每臨陣、被重甲而馳、趨捷異常、隆慶三年、四月、虜酋張擺失艾失哈等擁眾寇離場孤山、成梁率中軍蘇承勛等出邊迎擊之、而令叅將督選鋒衝其前、至夾河山城、突入虜營、斬張擺失等一百六十五級、奪馬百餘匹、賊遁去、捷聞、告廟如禮、遷成梁大帥、四年、八家砦葦子谷酋長汪任內英哥等從陽明臺入、成梁部署偏裨趙完郭承恩安格、承祖柯萬

分馳遼陽虎皮奉集鮑屯平虜等處、而身同撫軍張學顏壁清河、至卓山、擊破之、斬砲兒大齊公提等五百八十八級、五年、速酋長佟鎖羅可赤聚兵散羊谷、我師擊之于蓮花塌、斬四十四級、虜復從靖安口入、我師殲於柳河、斬佟鎖羅等百有五十一級、十二月、虜寇河東從酒墩入、成梁率偏將趙完郭承恩等破之于卓山、斬首五百八十餘級、內有酋二人、他夷罷無算、萬曆初、卜言台周會妙花播勞亥大入瀋陽、成梁率偏

關外春秋

卷三十二 關將

三

將宋成恩等力戰於南靜九營台周土蠻子也、成梁等奮擊、斬勺茶戶等二百有七級、七月、成梁鳩工築寬奠等六堡、寬奠者、北界王杲、東鄰兀堂、去饒陽二百里、撫軍張學顏按視之、數十首環跪、願質子所在、易鹽布、學顏疏請聽市、自是開原而南、撫順清河、綏陽、寬奠並有市、諸夷亦艷互易之利、屬海西者、王台制之、屬建夷者、兀堂制之、廩廩奉約、束惟謹矣、二年、速把亥連騎往仰加奴新寨索昏、王台又大會諸酋、自紅

螺山走遼城成梁提兵出塞會大風砂塵障天捕斬首虜四十三級上諭大司馬譚綸云、遂左報捷至三東虜屢次入犯逆酋王杲誘殺我裨將大帥成梁與師問罪直搗紅力寨斬首一千一百、東夷王台執送逆酋王杲父子至境上、詔磔杲於藁街、加台龍虎將軍有功將吏增秩有差是時王台所部東盡灰扒兀刺南盡湯河建州北盡仰逞二奴延袤幾千餘里及台老死灰扒兀刺等皆為建州所奪四年成梁出

關外春秋

卷三十二

關將

三

北羅免去遼百里斬虜五十三級土蠻益怨遼人乃率黑石炭等三十萬窺十方寺丁字泊成梁率佟暹康元吉軍長定佟應科王朝寵軍新打營承祖高登軍小船城又檄李澄清徐維忠等從征虜走老營我兵追四十里大破之斬阿丑哈伯革奈等四百七十六級督撫梁夢龍周詠以大捷聞告廟如禮賜成梁以下金蟒紵磨階有差十一月黃台吉擁老撒大會土蠻十餘萬欲犯廣寧於是分布秦得倚孔東儒亦

大受徐國輔陶承譽凌雲各鎮要害適速把亥連營遼河長四十里成梁率精兵令李如栢等出鎮安堡以蘇國賦等為左軍劉承武等為右軍直馳養善木斬把兒度卜等八百八十二級捷奏詔賜成梁封爵六年十月秦寧衛首速把亥窺盜遼邊是月青把都哈卜懷大會土酋分犯寧前成梁直搗壁山去邊二百餘里斬四百三十五級上方行嘉禮大捷奏至叙錄加等八年建州夷兀堂犯毀陽寬奠成梁逐之出

關外春秋

卷三十二

關將

三

塞二百里斬七百五十級土酋思報薊門之後合速酋營紅土城伴入海州而以一支犯錦以一支犯義於是備兵使李松張崇功洪濟遠周于德等十道並發成梁捕仗大清堡出塞二百里斬捕四百七十餘級主爵者比援例劉江之封廣寧伯以倭七百級曹義之封豐潤伯施聚焦禮之封懷柔伯東寧伯以虜四五百級成梁先是破逆杲至千二百餘級北虜級更三倍之詔曰李成梁累獲奇勛其以原銜指擢併功世

襲伯爵給 語券為寧遠伯十年速把孩入

陽河堡遂深入錦州分馳四門裨將周之望王
應榮力戰死之偏將徐恩趙家分出北門西門
擊之虜奔凌河徐寬等各伏兵邀擊之成梁出
兵大戰斬捕二百四十級虜乃去初王台誅王
果果于阿台及仰奴逞奴皆誓服後二奴欺台
老遂叛阿台亦怨王台之縛其父叛附二奴各
夷皆颺去不受台羈縻矣南關勢感台竟憂死
二奴數掠孤山鐵嶺成梁勒兵出塞大破于曹

爾外春秋

卷三十一 關將

元

子谷得一千三十九級泰寧酋速把孩率其弟
炒花及子伯言入犯鎮夷堡成梁迎擊之其麾
下李平胡射速把孩墜馬斬之炒花等大罵而
去捷聞 詔進輔臣張居正太師逞仰二奴窺
海西之際乘間而與土蠻約略遂潘開原因略
廣寧成梁聞之即伏中固去開原可四十里使
崔九阜諭撫之二奴率騎二千詣鎮北關關吏
譙讓之以三百人詣圍門撫軍李松四隅設伏
二奴至圍門言語不馴白虎赤拔劍斬九阜九

阜反手擊一虜墜馬軍中砲响伏將宿振武李

寧等大呼而出斬仰逞二奴等凡三百十有一
級復追於新寨捕斬一千二百五十餘級追至
其巢諸虜叩頭願從猛骨字羅約歸我漢人王
良富十三人自是海西誓不敢動矣捷聞告
郊廟班賜爵賞有差董狐狸糾炒花等犯塔山
再犯莊窠黑山備禦楊紹勛易之遇伏把總劉
進忠戰死紹勛中流矢復斫二虜而還成梁從
大寧堡出邊行四百里搗虜壁斬首三百四十

爾外春秋

卷三十二 關將

理

三級捷至會 上大闕喜甚告 郊 廟賜
爵賞焉十一年太寧酋伯言把孩糾花大及大
虜眾五萬騎入塞攻鎮靜堡成梁議於黑山大
出兵伴為北伐夜遣李得全馳入鎮靜為內應
旦日親自搏戰李寧以刀擊花大傷臉復射中
膊花大伯言叔也虜哭而去阿台來寇入瀋陽
成梁禦之戰于古勒寨射死阿台虜走遼河水
深不能渡成梁追之從丁字泊堡出布陣為一
二字以一字衝鋒二字繼戰令既定旦日出邊

一百五十里虜望見來迎成梁躬率一字陣拔
闕火罷弓弩齊發李松促二字陣鼓行而前虜
奔我兵疾戰斬首虜八百二十四級得名王捨
征字來等十三人獲馬五萬餘疋而軍士亡失
者略相當小阿卜戶襲我黑谷關燬烽臺殺略
其衆給事馬景隆等讓書再至 上詔成梁
益加策勵勿以人言自阻為調景隆以安成梁
遼陽史士方維相等數百十人伏闕上書稱成
梁中左所之戰盤山驛之戰卓山之戰平虜堡

外春秋 卷三十二 關將 三

之戰紅土城之戰養善木之戰鴨兒匱之戰鵬
背山之戰遼河之戰阿州之戰撫順之戰瀋陽
之戰開原之戰襖即兔之戰曹子谷之戰古勒
寨之戰腦王某髓速把亥賊逞仰二奴斬阿大
阿海皆萬世功十三年灰正大會東虜那彥伯
西虜忙金兒等入寧遠前屯李平胡馳斬卜兒
或革等一百八級已而大會炒花分鈔東西一
枝寇懿路一枝寇沈河裨將曾尚忠死之略及
鐵嶺焚燒亡算冬東虜一克等引十萬騎乘

梁輿疾出鎮邊堡行二百里斬捕九百餘級中
有酋長虎兒處首二十四益用李平胡羨也晝
伏夜行平胡乃帥降夷四十人先驅大風飛砂
中及虜覺注矢而我兵已橫絕之矣大司馬宣
捷 賜成梁廕秩三級十四年速兔兒引爪兒
兇等結西虜萬騎直抵蒲藩殺略軍民游擊周
思孝逐出塞河深虜騎不能渡成梁密符游擊
韓元功集船板繩索赴丁字泊治浮橋出其不
意總督李松偕分巡任天祚兵備王緘親監軍

外春秋 卷三十二 關將 三

出邊成梁迺布陣繼入遂至打夫去邊一百五
十里虜迎戰成梁躬帥一字二字陣鼓行而前
乘勝勇氣益奮疾力戰斬捕八百二十四級得
名酋捨征字來乞搭把失等首凡十三級二川
炒花化大復聚七蠻犯邊撫軍顧養謙徵召將
士黑雲龍等出塞二百里成梁躬自力戰自辰
至未不倦虜不能支皆騰山鑽林而逸成梁逐
北斬首九百餘級得名酋虎兒把禿等二十四
人將士被傷者李寧等一百七十八人十六年

卜寨選加那林字羅加圍反商撫軍顧養謙

壁遼陽成梁壁海州三月十三日屯開原東郊

下出威遠堡至洛羅寨北關受其降時卜酋已

奔那酋同壁以險拒不聽降召又殺我軍士我

軍縱兵逼其大城虜堅閉拒守矢石如雨於是

成梁下令以大砲擊之凡再發砲而城壞中多

洞胸死者斬把當亥等首凡五百五十五級成

梁從威遠出塞卜寨棄其衆近入那林壁擊之

城破二酋窮蹙乞哀兵備成遂釋康古陸以存

關外春秋 卷三十二 關將 四三

反商進卜寨那林諭之諸酋并服康古陸死遂

令北關卜寨那林南關猛骨反商兩相結釋其

憾並請貢反商遂與 婚十七年逆酋

克五十盜塞上 斬其頭並還南者總督張

國彥歎曰 忠順如是也疏請爵之加等初

祖父並從征阿台戰死成梁 及

長以祖父殉國予指揮與南關將後稍蠶食張

海色失諸酋漸雄長諸夷矣二十三年總兵董

一元襲虜於黑山斬其酋長卜勒亥等百有九

級督撫孫鑛李化龍賜賚有差加 龍

虎將軍三十六年海西建州二酋入貢 酋混

入猛酋領賞禮部按驗得實時 酋缺貢二年

兵科宋一韓糾撫鎮棄地哨虜謂先年巡撫

張學顏同寧遠伯李成梁開拓寬奠等六城堡

延袤八百餘里二十三年軍民史仲義等各

佃雲頭迤裏大小松峪盤嶺等處住種二千二

百餘家歲納糧三千石倉串卷宗俱明至近年

廢將韓宗功者成梁婿也納建酋重賄樂作述

關外春秋 卷三十二 關將 四四

民給帖駢逐六萬四千餘家撫鎮等臣各論功

升賞未幾而 虜蹂躪至矣且當時加增蟒幣

歲于舊賞五百金今 虜已阻貢不當給賞請

勘復之兵部奉行御史熊廷弼勸報云今雲

頭裏喇喇泊等亦俱在若以失去原展之地強

坐成梁成梁必不服先是直指按遼者 命下

日成梁卽具黃白錦扇致賀是以莅遼不復清

理遼帥軍事吞其餌故廷弼雅以風力自負雖

受餽而暗鳴自如成梁於是思有以禦之偵其

將、拉、遼、預、置、一、麗、人、公、署、複、壁、中、俟、甲、夜、覬、柙、而、出、廷、弼、初、疑、為、妖、蜺、縮、弗、敢、動、諦、跡、之、美、而、艷、亟、呼、胥、隸、與、臺、莫、有、應、者、遂、擁、而、通、宵、則、廷、弼、宜、若、郵、亭、好、姻、緣、而、勘、界、之、議、竟、朦、朧、結、局、而、已、一、韓、又、疏、高、淮、亡、賴、營、為、遼、東、稅、監、據、鎮、守、之、名、陰、蓄、夷、丁、戰、馬、以、數、百、計、藉、口、交、易、參、貂、輸、情、外、夷、擅、糾、文、武、大、吏、而、獨、芘、仗、于、李、成、梁、宜、撤、成、梁、歸、老、亟、罷、斥、淮、於、是、少、宰、楊、晴、有、大、司、馬、蕭、大、亨、總、督、塞、達、撫、劉、四、科、及、臺、省、交

備外春秋

卷三十三 關將

四

章、俱、請、撤、稅、監、有、古、召、淮、還、京、竟、釀、成、遼、禍、而、奴、酋、遂、種、南、關、又、曠、之、土、以、便、其、窺、北、關、之、謀、又、賄、西、北、嗜、利、之、虜、以、廣、其、吞、北、關、之、力、至、四、十、六、年、四、月、中、旬、奴、以、入、市、為、名、勒、衆、三、萬、陷、撫、順、城、而、遼、事、竟、不、可、支、矣、非、成、梁、之、罪、也、成、梁、父、子、掛、印、橫、玉、廝、養、腰、金、乘、障、者、以、百、數、而、折、節、下、士、大、夫、絕、不、以、勛、貴、自、異、先、君、嘗、備、兵、寧、夏、仲、子、如、栢、充、總、兵、成、梁、曾、遣、官、卑、禮、來、候、先、君、亦、循、例、報、之、會、渠、病、呼、使、者、入、卧、內、而

狗、狗、語、曰、吾、病、弗、能、起、今、於、塌、廁、叩、頭、申、謝、幸、為、我、一、二、言、之、其、謙、謹、如、此、長、公、如、松、儻、莫、負、奇、力、扼、虎、射、命、中、居、常、率、迹、射、之、士、自、當、一、隊、橫、衝、何、奴、柑、戒、不、敢、犯、代、父、鎮、遼、以、偵、謀、失、實、陷、虜、伏、死、焉、天、子、哀、憐、賜、謚、立、祠、至、今、天、下、慕、而、說、之、先、是、成、梁、府、前、有、石、獅、二、每、月、夜、輒、人、語、而、歎、歎、曰、吾、守、李、公、府、數、十、年、無、益、今、既、將、至、矣、閣、者、以、告、成、梁、叱、曰、石、獅、何、能、言、爾、妄、耳、關、者、云、俟、今、夕、請、主、公、自、聽、當、不、妄、已、而、果

備外春秋

卷三十三 關將

四

然、蓋、二、獅、與、城、外、梵、宮、宰、堵、波、年、久、而、神、結、為、昆、弟、故、每、夕、輒、相、往、還、而、先、知、云、明、年、而、有、如、松、覆、師、之、事

按、成、梁、之、推、積、級、至、萬、餘、以、彼、之、功、使、遇、高、帝、時、萬、戶、侯、豈、足、道、哉、說、者、謂、隆、萬、之、際、運、屣、屣、何、難、泥、掃、顧、其、績、豈、至、與、他、徹、侯、等、而、精、神、大、夫、猶、斷、斷、有、後、言、者、何、也、少、所、見、多、所、怪、恒、也、又、陋、而、不、習、掌、故、耳、雖、然、寧、遠、侷、有、天、幸、乃、疊、筭、殊、勛、詎、知、薪、膽、積



21217 (27)

奮於旃裘蛇豕薦交於旄鉞權璫一至萬衆
 携心六堡雖恢二虜已穴逐虎進狼失於志
 滿所以界石頻遷老女多舌七宗之惱恨無
 因四路之出師可痛夫使杜劉諸宿將帶甲
 十數萬厲氣循城豈憂哉而當事者不
 深維國家大計第以夷虜突來為催官之星
 因以征伐大事作贈答之禮遂將二百六十
 年之封疆付之一擲矣嗚呼夫誰肯明目張
 膽引繩批根揆求紅旗催戰之作俑者哉

評曰萬曆初
 卷三二 關將

天子幼冲大相張文忠公綜核功實自云渠心
 思每日運天下一周故九邊將吏皆矜奮以
 取功名而大相亦呵護而覆露之是以威繼
 光李成梁感激用壯皆以戰功顯成梁父子
 兄弟前後帥遼者可三十年故遼人稱成梁
 為老將軍老將軍年八十餘復矍鑠登壇尚
 能被重甲躍馬突陣虜遙望見咋指而遁余
 少時好談兵每物色各邊名將嘗入京京管

偏裨有遠人極稱如松善大刀曾在教場將
 跨馬先舉刀拋之高丈許徐上馬引手接刀
 舞而馳真萬人敵也議者以弟栢楨之罪而
 阻如松之封斯失刑賞之公矣夫如松死於
 陣與畏敵失律者異唐詩云誓掃匈奴不顧
 身五千貂錦喪胡塵若預為如松詠者既有
 血戰之功又復捐軀而死當十世宥之而靳
 其封爵何以勸勞臣而作忠義之氣也憶如
 松平倅劉之亂制府露布有曰不惜千金養
 士麾前盡是貔貅惟拋一死耐思所向功成
 汗馬堪承入長公行實鑄於麗牲之碑

評曰
 卷三二 關將